

SELECTARVM
EPISTOLARVM
EX INDIA LIBRI
QVATVOR,

IOANNE PETRO
MAFFEIO IN-
TERPRETE.

I O A N N E S P E T R V S M A F- F E I V S,

E SOCIETATE IESV,

Christiano Lectori S.



*V*AE de Catholica religionis progressu litterae ferme quotannis ex India perferuntur; eas (quod facile animaduerti) optimus quisque avidissimè lætitare consuevit. Nec sanè immeritò. Quid enim ad honestam vitæ oblectationem accommodatius, quàm corpore domi sedentem, cogitatione ac mente peregrinari; transmeare Caucasum Oceanumq; nouas identidem formas rerum & (ut inquit ille) mores hominũ multorum cernere & vrbes? Quid porrò, vel ad animi fructum uberius, vel ad virtutis emulationem efficacius, quàm, Euangelii face dissipatis errorum atque opinionum tenebris, veritatis lucem longè latèq; fusam intueri; & in diuerso vel aduerso potius terrarum orbe veluti renascentis Ecclesie sancita miraculis, testata martyriis, distincta personis, notata locis temporibúsq; primordia recognoscere? Quam mecum

4
ego cū reputarem; & superioribus annis feci libenter, uti non exiguam earum literarum partem in Latinum è Lusitanico sermone conuerterem; & nūc easdem sub Indicarum Historiarum opus intentione deletu pressas ac repurgatas, & nonnullis insuper auctas epistolis, denuo in publicum edendas existimaui. Sanè recentiores supersunt aliæ, quas mihi si per occupationes ac valetudinem licitum fuerit, latinas facere pro mea tenuitate propositum est. Tu interim (amice Lector) frui præsentibus; ac nostros qualescunque conatus piis apud omnipotentem DEVM precibus adiunabis.
Vale.

SELE-



3

SELECTARVM
EPISTOLARVM
EX INDIA
LIBER PRIMVS.

FRANCISCI XAVERII E SOCIETATE IESV
AD SOCIOS IN EVROPAM.



VAM lætos atque vberes animarum fructus Indica ferat vinea; & non in Regiis modò præfidiis, verùm etiam in reliquis oppidis barbarorum, sanctissima Christi fides quàm feliciter crescat, fusiùs ad vos scripsi mense Ianuario superiore. Ego Iaponem versus ex India sum profectus Aprili mense, duobus è Societate nostra comitibus, altero sacerdote cui Cosimo nomen est, altero laico: itèque Iaponiis neophytis tribus, quos mihi sanè videtur Domin⁹ præcipua quadã benignitate clemètiãq; fouisse. namq; vt in D. Pauli Collegio Goæ cœlesti lauacro expiati sunt, tanta eos diuina bonitas voluptate gaudiòq; perfudit, tantamq; ad suæ in ipsos beneficentiæ cognitionẽ adduxit, vt præ lætitiâ spiritali piãq; dulcedine lacrymas non tenerent. in virtutibus verò mirabile dictu est quantum profecerint: planè, vt eæ nobis iucundam atque vtilem sermonis materiã præbeant. Ad hæc & legere & scribere didicerunt, ac distribuẽs in horas precationibus diligenter vacant. Interrogatì à me quonam sentirent se genere considerationis potissimùm affici; passionis Domini recordatione, dixerunt: itaque huic vni maximè cõmentationi dant operam. Articulos fidei, Redemptionis generis humani causas, & cetera Christiana mysteria per otium cognouerunt. Percõrãti mihi sepenumero quosnam religionis Christianæ ritus quæue instituta sibi maximè crederent profutura, duo illa semper, scilicet Confessionẽ & Cõmunionem, sine controuersia responderunt. addentes insuper, sua quidem sententia neminem omnino fore participem rationis, quin auditis Christianæ disciplinæ

plinæ decretis assentiatur ac paret. Vnius verò ex iis, cui Pauli nomen, sanctæ fidei cognomen impositum est, illam quoq; vocē audiui; cum ingemiscens in hæc verba prout peret: O miseri Iaponii; qui ea ipsa, quæ Dens ad vestrum est fabricatus obsequium, adoratis vt numen. cui ego, quid ita? inquam. tum ille, quod Solē, ait, venerātur ac Lunā; quæ res iis, qui novere Dominū Iesū Christū, famulātur ac seruiunt. quid enim agunt, inquit, aliud, nisi diei tenebras ac noctis illuminant, vt ea claritate mortales ad magni Dei & filii eius Iesu Christi cultum & gloriam in terris vtantur?

Verum vt ad institutam itineris nostri narrationem reuertar, Malacam venimus pridie Caled. lunias, anno M.D.XLIX. ibi Lusitanorū accepimus ex Iapone literas, in quibus erat scriptū, principē quendā eius terræ virū velle fieri Christianum; itaq; legari ab eo ad Prætorē Indiæ, qui aliquot è Societate nostra Christianæ religionis interpretes postularet. afferebatur etiā, quodā Iaponis in oppido, mercatores Lusitanos in hospitium iussu reguli diuersisse dæmonū incursumbus vehemēter infestu, atq; ob id habitatoribus destitutū; cum ignaris quid esset Lusitanis vestes detraherentur, famulus etiā nocturno spectro perterritus exclamasset; excitatos eo strepitu arripuisse arma; deinde famulū Crucibus vndiq; circūdedisse hospitium: incolas verò & regulū mercatoribus aperuisse, domū eā ab dæmone inhabitari: & simul quæsisse quoniam ad eū fugandū remediū vterentur: respondiisse Lusitanos, nullum aduersus dæmones Cruce firmitus inueniri præsidium; itaq; ex eo die Cruces domibus eius oppidi ferē singulis collocatas. Nūtiabatur ad hæc, perāplū patere euangelizantibus in Iapone cāpū; quod ea gēs morib; māsua sit, ingenio docilis & acuta: quocirca magnā in spē veni, si per nostra peccata non steterit quo min⁹ capris faueat Deus, ingéré animarū vim ad Ecclesiæ gremiū accessurā. His ego rebus cognitis, tametsi ea mihi admodū lata videbātur, tamē aliquādiū sustinui, mecū adhuc de profectiōe deliberans: sed cū certa cōstaret mihi iā diuinæ voluntatis indicia, viderēq; me si ab incepto desisterē, ipsismet Iaponiis ethnici multo detestabiliore futurū, (quāquam perēnis ille humani generis aduersarius meum hoc iter summa ope nititur impedire) fidēti animo pergere, & primo statim aduētū Regē ipsū Iaponis adire cōstitui eiq; mādāta quæ habemus a Domino, exponere. Et quamvis apud Regiā Academia dicatur esse percelebris, tamē haud dubiā nobis, si ad certamē ventū sit, Deo fauēte, victoriā pollicemur nec nos litteratorū veremur sophismata; nec barbarorū mīnas, vel dæmonū insidias pertimescimus, quid enim nobis aut ab eorū scieria, qui Iesum ne-

sciunt,

sciūt, potest esse periculi; aut ab eorum vi, quibus nihil in nos, nisi quantum Deus ipse permiserit, licet? præsertim cū nulla re alia, nisi diuinæ gloriæ studio & salutis animarū adducti, negotiū hoc susceperimus; & Iob à diabolo sacræ litteræ nō nisi concedente Domino lædi potuisse testentur. Illa verò nos vna assiduè cura sollicitat, ne grauius ipsi pro humana fragilitate peccemus; nève Dei auxilio, quod laborantibus ille semper benignè suppeditat, abutamur, quod tamen ne accidat, cū sacrosanctæ matris Ecclesiæ (cuius imperii fines, animabus ad creatoris agnitionē trahendis, propagare satagimus) tum nominatim Societatis Iesv meritis impetratum iri speramus.

Sanè quàm periculosum iter hoc Iaponicū est, partim ob frequentia latrocinia, partim etiam ob tempestates, quæ passim hoc mari ita sæuæ excitantur, vt præclare agi cum iis qui nauigant existimetur, si tribus è nauibus duæ cursum incolumes teneant. Quocirca venit mihi sæpe in mentē vereri, ne, qui è nostra Societate sapientiores videntur, si cui eorū in hæc loca mitti contigerit, temerariū esse negotiū, Deumq; tentari quodāmodo, tā apertis aduēdis periculis, putent: qua tamen eos suspicione postmodum libero, quod spero, Societatis nostræ doctrinā ac litteris inhabitārem Domini spiritum præsidere. Illud quidē occurrit mihi sæpenumero, quod aliquando patrem nostrū Ignatium audiui dicentē: omnibus iis, qui in Societate nostra versantur, summo studio conatuq; elaborandum esse, vt inanes ab se timores & cetera cuncta depellant, quæ hominī, quo minùs totam in vno Deo spem collocet, impedimento esse consueuere. Porro, quemadmodum interest inter eos, quorū ita spes est in Deo reposita, vt rebus tamen affluant necessariis, & eos, qui ob id ipsum vt Christū imitarentur, & soli Deo confiderent, omnibus sese vitæ præditiis exsuerunt; sic proculdubio multū refert, utrū quis, cū vnicum habere se profiteatur in Dei bonitate perfugiū, tum in tuto & quasi vmbra se exerceat; an, alia re propolita sibi nulla præter Dei honorem gloriāq;, sese caputq; suū volens vidensque in discrimen offerat pænè quotidie: cuiusmodi si quis existat, nā illum ego prope diem seculi tædio, migrandiq; ad Dominū desiderio, affectum iri crediderim: quandoquidem hæc hominū quæ dicitur vita, mors perpetua potius ac triste quoddā à cælestibus regnis exsilium est.

Vos interea valete fratres, Dominumq; precamini, vt nostrā disunctionem pro infinita sua misericordia coniungere dignetur in cælo: nam in terris quidem ecquando posthac visuri inter nos sumus, incertum est. Malaca, x. Cal. Iulias, M. D. XLIX.

SELECTARVM EPISTOLARVM
EX EIVSDEM PARÆNETICA AD GASPA-
RVM BERZAEVM, CVM IS ARMVSIAM PETERET.



IN Armuziana ista provincia, primum & antiquis-
simum tibi sit Dei obsequium, & animi tui cultus.
Ex hisce fontibus cætera ad proximorum utilita-
tem largè manabunt. ac proinde curabis, vt semel
bisve quotidie te ipse ad calculos voces; atque inte-
ger iudex cognitione exerceas tum communè om-
nium illius diei cogitationum & actionum tuarum; tum verò pro-
prium earum, in quibus aliqua per id tempus præcipuo studio vel
præcauenda, vel corrigenda, vel ad perfectum expolienda susce-
peris. In primis verò, Christianæ humilitati intenta cura studeas
velim: eaque potissimum obeas ministeria promptus ac libens,
quæ ceteri velut abiecta & minimè speciosa fastidiunt. in eo genere
catechismus est. quas tu partes ne alteri delegaueris. circa meri-
diem singulis diebus cõpita vrbis cum socio circuibis ipse, plebè
in templum elata ciens voce. ibi Lusitanorum filios, puerosque, &
libertos, nec non sexus vtriusque mancipia, salutaribus institutis
atque præceptis erudies: teque publicè præeunte, promiscuum
vulgus Christianas preces & pia dogmata resonabunt. At-
que id ipsum eo maioris apud te momenti debet esse, quòd
eius laboris patientia non modò imperitos idiotasque ad noti-
tiam Dei atque ad virtutem informat; sed etiam reliquorum a-
nimos cum tacito quodam plausu atque approbatione conci-
liat. Delatus Armuziam, Proepiscopum adibis officii causa: eique
ad genua protinus accides, & manum exosculabere. ex eiusdem
auctoritate conciones habebis; in confessiones audiendas incum-
bes; & cæteris Christiani pastoris fungere muneribus. Simul, o-
peram dabis, vt ab eo gratiam & benevolentiam inear, quo per
te, si fieri possit, piis animi saltem ritè purgandi meditationibus
imbuatur. Reliquos item sacerdotes omni submissione & officio
demerere: curabisque vt ex iis quamplurimos ad easdem medi-
tationes Deo adiuuante perducas. Præfectus item præsidii, qualis
qualis ille sit, entere quantum poteris, vt amicus ac propitius ti-
bi sit: neque res vlla erit tanti, vti dicto factòve illum exasperes:
vbi hominem tibi arctè deuinxeris, tum si & malè audierit, & mo-
nendo reddi meliorem putaris posse, & occasio commoda incide-
rit; quam amicissimè ac demississimè & ore placido eidem expo-
nes, quinã de illius actis & vita sermones hominum sint: suadebis-
que, vti fama pariter & officio consulat. Multi erunt, qui de illo
ad te

ad te querimonias deferant; tuamque apud cum prophanis in rebus implorent opem. hisce tu occupationum tuarum & magnitudinem excusabis, & genus addes, vereri te, ne parum ea legatione proficias. qui numen & conscientiam spernat, hunc tua quoque monita nihili esse facturum. Cum sodalitiis misericordiae fac ut quam optimè tibi conueniat: sodalesque ipsos, quoad eius fieri poterit, mansuetudine ac beneuolentia comprehendas; ac totum opus, quibuscumque licuerit rebus, pro virili parte promoueas. Aegrotos in publico nosocomio & viñctos in carcere identidem viles; hortaberisque ad cœlestes iras per sacram confessionem auertendas, quandoquidem ii propter admissa piacula ferme plectuntur, & sunt qui Sacramentum Pœnitentiæ nunquam obierint. Adhæc, ubi res postulauerit, ages cum præsidibus vtriusque loci, uti maturè cognoscatur singulorum causæ: ac simul, ut egentibus miserisque ad tolerandam vitam necessaria præbeantur. Iam, inter nauigandum, & posteaquam exscenderis, omni ope contendes, uti per idoneos certosque homines, Armuziani populi mores ac vitia domi forisque; genera factionum & questuum; nec non in forensi re corruptelæ, factiones, calūniæ, & alia id genus, quibus opprimitur veritas; tibi quam notissima sint: quo ad ea postmodum curationes ac medicinam scienter accomodes. Hoc tibi ad rem ex animi sententia gerendam longè utilius fuerit, quam librorum attenta peruolutatio, minimè tamē alioqui omittenda. Mihi quidē in omnes partes plurimū sēper illā notitiā profuisse perspexi, in capeienda autē Christiana re, delectatūq; negotiorum habendo; illud vitabis in primis; ne, quorum fructus ad vñū vel ad paucos pertinet, anteponas iis, quæ plures vel etiam vniuersos attingunt: sed quo latius quidq; eo potius & antiquius tibi sit. Quos in Societatis nostræ disciplinā admiseris: eorum profectū caue ne acrioribus tentamētis explores, quā quæ pati, ut ægroti natura, sic tyronis imbecillitas possit. sed semper infra potius, quā supra vires probatio sit. alioquin exacerbantur multi, sensimq; desperant; ac domitis ad extremū frænis, in auia & dirupta præcipites abeunt. Atque hoc toto in genere protulsi vitanda celeo experimēta, quæ vel inani & absurda nouitate, vel etiā procaci quadā & cynica libertate, aut risum, spectantibus, aut stomachum mouent. Tū verò sectabere quæ & in vulgus accepta sunt, & cum ratione pariter ac pietate consentiunt, cuiusmodi sunt quæ posui modò: carcerem & valetudinaria frequenter inuisere: vinclis & decumbentibus, in utroque homine patienter ac sedulò ministrare; irēmque, ad paupertatis voluntariæ documentum, panes & numulos emen-

dicare palam:& alia id genus.Porrò ad regēdos & in virtute promouendos alumnos, illa res vna vel maximè proderit, comitate quadam eos & paternæ benevolentix significatione perlicere ad arcana pectoris sui planè tibi nudanda: sic prorsus, vti omnia cogitationum initia, quibus vel à deprauata natura vel à malo dæmone sollicitantur,extemplo ad te differre non dubitent. Hæc differendi & communicandi fiducia & consuetudo, mirum, in omnes partes quantopere conducat. siquidem occultæ hostium fraudes,& improbæ petitiones,in medium protrahæ,vel ipsa luce protinus euanescent: vel,si vrgerè perstiterint,variis remediis opprimuntur. quibus in remediis expertæ virtutis illud est: vbi quempiam inani gloria,corporum illecebris,aliâve parū honesta cupiditate irritari cognoueris,hnic præscribere spatium aduersus ea vitia meditandi:tū,quæ excogitauerit,iubere vt ea populo per occasionem adhortationis impertiat. Hinc duplex percipietur fructus;tenacioris memoriæ,quòd ferè quæ cōmenti sumus,promendo & commemorando,altiùs nostris animis infiguntur:salutaris verecundiæ; quòd nos ea non exsequi pudear, quæ ipsi aliis faciendâ præcepimus. In Sacramento pœnitentiæ,cū negotiatoribus præsertim amplis & opulentis, sunt quæ ante criminum cognitionem,in ipsa cognitione,& post cognitiōnem obserues. Ante cognitionem;curabis, vti reus idem & actor (nisi id mysterium frequēter obire consueuerit) biduum aut triduum sumat ad antea-ctæ vitæ reputanda peccata,& simul memoriæ causa in scedulam ex ordine referēda:vt ne imparatus, & sine aliquo morsu doloris pudorisq;,ad accusationē accedat. In ipsa verò cognitione, si turpitudine flagitiorū,aut magnitudine scelerum,quod sepe fit,absterreri hominem senseris,quominus ipse se prodât; hilari facie, blandoq; sermone,quin etiā, si opus fuerit,variis te quoq; morbis animi olim implicitum fuisse testādo, vti singula probè fateatur, adduces,& cū alia diligenter inuestiganda & elicienda sunt; tū verò accuratissimè,quæ ad nefaria lucra, & res dolo malo partas aut retētas,pertinēt.etenim,si quem scēnore contaminatum, aut peculatu,vel iniquis pactionibus, in vniuersum interroges, num aliena possideat;vt est procliuis ad sui tutelam,& sibimet libenter ignoscit,hominum natura,facilè inficiabitur: sin genus vitæ artisve quam faciet,si vsuras,& contrahendi,mercandi,vendendi formulas nominatim exquiras, & (si regius forrè præfectus curatorve ille sit)si de interuerfa interceptaue pecunia,de monopolis per vim nefasque institutis, deque aliis, quæ magistratus contra voluntatem Regis & ius cōmune plerumque sibi pro potestate &

imperio

imperio vindicant, singillatim percunctere; multorum haud dubiè delictorum confessionem exprimes, quæ reus alioqui, vel per malitiam vel per inscitiam silentio forsitan inuoluisset. A cōfessione, si noxius tibi dura & perfrieta visus erit fronte; comperendinabis videlicet, eique certos interea locos ad commentandum assignabis, quorum consideratione, tamquam repetitis ictibus, & silice pectoris sui, pios gemitus & aliquas amoris diuini scintillas excutiat. Quodd si fraudati quid forte restituendum, vel condonandæ iniuriæ, vel scorta relinquenda, vel eiusmodi quippiam expiandum sit; planè videbis, vti ante latam sententiam expietur, neu te largis cuiusquam pollicitationibus induci permittas: nam qui piaculis eiusmodi obstricti tenentur, ab sacerdote appellati, magis iū promittende interini faciles, quàm in præstando postmodum fideles, existunt. Vbi sine fallacia ab reo satisfactum esse didiceris. tum demum, æternis vinculis absolutum, temporatio aliquo supplicio ritè iniuncto, dimittes. Si qua pecuniæ summa, seu propterea quodd iusti domini copia nulla sit, seu etiam pietatis ac beneficentiæ studio, erit in pauperes conferenda; nequaquã ego tibi sim auctor, vt illius pecuniæ te sequestrum ac diribitorem exhibeas: sed eam tu (nisi si tibi secus interdum in re præsentī videbitur) ad Misericordiæ sodales extemplo rejicies; atque id multis grauibꝫ de causis primū, quodd tibi non æquè ac sodalibus nota est mendicorum & egentium turba: quorum, alii sæpè morbum, alii probitatem & sanctimoniam, alii etiam inopiam ipsani egregiè simulant. Ad hæc, si percrebuerit, humanis necessitatibus & egestati paratum in rãa facilitare subsidium esse, tanti vndique petentium concursus ad te fient, vti ad Apostolicas functiones, quæ tibi primæ esse debent, otii nihil superfit. Non est porro æquum, te, qui ad Euangelium prædicandum veneris, relicto verbo Dei, ministrare mēsis. Postremò, si pecunias ipse tractare assueveris, metuendum est, ne famæ tuæ atque existimationi aliqua labe ab iniquis, & omnia peiorem in partem interpretantibus, adspersatur. Quæ cuncta incommoda effugeris, si hæc Christianæ caritatis & officii partes eidem Sodalitio delegaueris. Quotidiani vsus præcepta, ad æternam salutem præcipue necessaria, in B. Virginis & in Misericordiæ templo palam in tabella propones. Ad ea perlegenda, exscribenda, & quod caput est, obseruanda, cum cæteros inuitabis; tum verò pœnæ loco, si res postulet, adiges in tempus certum, quortū ipse confessionem exceperis; vt inde perpetuam, si fieri possit, eius disciplinæ cōsuetudinem sponte retineat.

Singulis

Singulis verò noctibus, voce ad commiserationem accommodata, vicatim populo commendabis opportuna deprecatione adiuuandas animas, quæque in hac vita peccato letali tenentur, quæque in altera purgatorio igne torquentur. stas per hebdomadam diebus operam conferes ad similitudines ciuium dirimendas, restinguenda odia, forenses denique controuersias componendas, quippe quarum impensis magno ciuium damno sæpe sortem exsuperant. Ergo iis omni ope obuiam ibis: atque ipsos etiã, quorum interdum culpa lites æhantur, scribas ac leguleios, tibi aliquo pacto deuincire, & saluari quopiam remedio sanare conaberis. in concionibus autem, quo magis commune bonum id est, eo maiorem, ut dicebamus, industriam, & assiduitatem, & operam collocari, neque illas ad vulgi oblectationem plausumque, sed ad morum emendationem & vnius Dei gloriam omnino referri par est. Animorum quippe agitur salus: adhibenda vulneribus remedia; non prurientes aures curiosis quæstionibus & inani sermone scalpendæ, ac proinde accersita, fucata, dubia, obscura, cõtrouersa, ne in medium adduxeris. virtutis amorẽ, vitiorum odium excitare contentes: & ex iis quæ pro vniuerso mortalium genere Christus Dominus acerbissima pertulit, locum subinde aliquẽ inducendo, ad malè actę vitę detestationem, ad lacrymas, ad pœnitentiã & Eucharistiæ Sacramenta populum vehementer impelles. Inter dicendum autem, vide ne quem eorum, præsertim qui cum imperio ac potestate sunt, aperte perstringas. Exulcerare plagas hoc quidem est, non curare. & qui longius in eo genere prouehuntur, efficiunt nihil, nisi ut magno labore, fructu nullo, gratias perdant, odia collegant. Priuatę obiurgationes in priuato adhibendæ sunt, & quidem plurima humanitate conspersæ opulenti verò ac potētibus viris, quod ferme delicatum & fastidiosum est genus, inter ipsam admonitionem subinde etiam te ad pedes abicies; vel, si res tulerit, caros dabis amplexus: planè ut perspiciant nõ tristitiã te vlla, vel seueritate, vel negotiorum appetentiã, sed eximia quãdam beneuolentiã & caritate, ad officium reprehensionis adduci. Iam verò, de familiari conuietũ, & quotidiana cum hominibus consuetudine, haud levis est animaduersio; multasque & magnas eã res habet cautiones: quarum prima illa est: Ita vtendum amicis, quasi non tu quidem illis, sed illi tibi olim infensi infestique futuri sint. Id si præsumpseris animo; longè attentiũ omnia circumspecies, teque ipse in officio continebis, neque in securitatem effusus, admitteres quod aliquando tibi exprobrari aut obijci possit. In vniuersum tamen, te cunctis mitem, iucundum, affabilem præbeas velim;

velim; vt ea comitate illecti (nam alioqui anceps & periculosa curatio est, quod item supra monuimus) omnes tibi pectorum suorum latebras ac recessus aperiant. Alter locus cautionis est; operam des vti studiosos recti, verosque discipulos, à fictis prauisque dignoscas; & conuenientem vtrisque facias medicinam. Nō enim deerunt plurimis obfiti vlceribus, qui, vel metu ne illa detegas, vel etiam captandæ ad cæteros commendationis causa, vltro sese tuâ in amicitiam ac familiaritatem insinuare non dubitent. ij, si te inter cætera ad prandium aut cœnam inuitent, i sanè; ac tu vicissim illos ad Sacramentum Confessionis inuita: curaque, vt prorsus intelligant, fixum esse tibi certumque, eos omni ratione ad Christianam seueritatem, ac disciplinam, à laxiote vita deliciisque traducere. sic fiet, vt vel in posterum te frustra interpellare desistant; vel (quod optandum est magis) ad meliorem frugem, te duce ac magistro, tandem aliquando perueniant. A donis muneribusque (friuola quædam excipio; quæ si recuses, largitor vtrique Lusitanus contemni se putat) omnino abstinebis, vulgati prouerbij memor, Captum esse, qui ceperit. Ioannes tibi Rex omnia ad victum cultumque necessaria detulit; eius vt re benignitate, atque id ipsum modicè, vel etiam intra modum; vt vortuæ paupertatis religiosa professio constet. Si multis è partibus ad te cibaria cocta seu cruda mittentur; ea tu ad carcerem vel ad valetudinarium publicè deportanda curabis, atque hoc pacto, in tractandis hominum ingeniis tua tibi ratio longè solutior & expeditior fuerit. Quos ad vitia proiectos & in peccandi libidine perperam obstinatos offenderis; gehennæ quidem illos & futuri terrore iudicii. maximè commoueri oportebit. sed quoniam hæc nimium abesse longè stulti homines putant, multi etiam propter fidei imbecillitatem, sint ne omnino vlla, turpiter ambigunt; at tu, morbos, ærumnas, calamitates, exilia, vincula, cædes, orbitates, naufragia, bonorum proscriptiones direptionesque, & alia malorum genera sexcenta percurses, quibus in hac etiam vita impios ac prauos tenaces homines afficit Deus: eaque denuntiatione perditos & insanos ab amentia reuocare conaberis. Si cum irato, & flagrante cupiditate vindictæ; res tibi fuerit; blanda primum oratione, quasi aliud agens, mulcebis hominem: dein, capto circuitu, sensim ad causam accedes, vt quam ille queratur iniuriam eleues verbis, & multo minorem opinione fuisse demonstras: aut etiam diuino permissu relatam, quoddam iniuriosum ille quoque se quondam in alios fortasse præbuerit. ad hæc & alia id genus dicta, si te auersabitur, cedes temporis scilicet: si dederit

rit sese, premes paulatim acrius, & identidem instabis, quoad sedata perturbatione reliquam abs te medicinam libèter accipiat. eadem ferme obseruatione, ad leniendum dolorem, mœroremq; & cæteras animorum ægritudines, vti licebit. Atque hæc cum iis qui Christiani censentur. Conuertendis autem ad Christum ludæis, ethnicisque, suum item spatium ac laborem imperties: quã ad rem, ne longior sim, non pauca ex iis quæ supra posuimus transfèri commodè poterunt. Verùm de his hæctenus. redeo ad prima. Tu fac in aliorum curationem ita, mi Gaspar, incumbas, vt interea tuæ ipsius perfectioni ac saluti quàm diligentissimè consulas. Vale.

EIVSDEM AD SOCIOS GOAM.



APONEM Deo adspirante attigimus Augusto mēse, die Assumptioni Mariæ Virginis sacro, cum festo ipso Diui Ioannis Baptistæ die natali Malaca sub vesperam soluissēmus. Nauiculario vsi sumus ethnico, mercatore Sina, qui suam in id operam Præfecto Malacæ detulerat, ac primò sanè feliciter nauigauimus: sed mox (vt sunt barbarorum ingenia ad leuitatem atque ad inconstantiam prona) profectionis mutare consilium nauicularius cepit, & in occurrentibus passim insulis tempus frustra conterere. Nobis autem in eo itinere cum alia multa, tum illa duo præcipuè molestissima contigerunt: alterum, quodd oblata diuinitus tempestate nauæ per nequitiam abuterentur; qua elapsa, ad oram Sinarum appellere, ibique totam hyemem, cursum expectantes, ponere cogebamur: alterum, quodd in eadem naui simulacrum vehebatur demonis; cui nauæ, quanquam inuitis nobis & inspectantibus, patrio ritu sacrificabant. ab eodem etiam per sortes de ipsa nauigatione petebant responsa; quæ (vt aiebant, credebantque barbari) modò læta, modò tristia reddebantur. Centum à Malaca leucas, Sinas versus prouecti, quandam ad insulam stetimus: ibique aduersus maris illius squitiam naualibus instrumentis aliæque materia comparata, post multas cæremōnias & sacrificia quæsitum est ab idolo, prosperam deinceps fortunam essemus habituri, necne. cum valde prosperam respōdisset, proinde, ne moraremur diutius, sustulimus anchoras, velaque gratulabundi fecimus omnes: illi, simulacro quod in puppi locatum candelarum luminibus odoramentisque ex incenso ligno quodam Aquilano venerabantur: nos conditore celi terreque Deo & eius

& eius filio Domino IESV CHRISTO confisi, cultum religionemque amplificandi studio in ea loca deferebamur. Cum iam essemus in cursu, placuit nautis ab dæmone percontari, vtrum nauis, qua vehebamur, Malacam esset ex Iapone reditura. cum in Iaponem quidem peruenturam omnino sortilegi retulissent, verum ex Iapone Malacam minimè reuersuram; tum verò institutæ nauigationis penitere barbaros cepit, satiusque iis videri apud Sinas hyemare, & Iaponicam profectiouem in alterum annum differre. Noster autè quis animus, quis tum esset dolor, cogitare vobiscum potestis ipsi, cum de tota itineris nostri ratione consuleretur dæmō. Mox in oram terræ, quam Cocincinam vocant, delati; duo, vno eodemque die, (qui fuit Diuæ Marię Magdalenę sacer) vespere, sanè quàm aduersa pertulimus. Etenim exasperato vehemētius mari, ingentesque volente iam fluctus, cum iactis anchoris ageremur in salo, apertum in ostium sentinę vnus è comitibus nostris Emmanuel Sina fortè præteriens decidit. mortuum credidimus: nam & altè ceciderat, & à capite penè ad vmbilicum obrutus aliquantisper in aqua iacuerat. verumtamen extractus magno cū labore exanimis grauiterque caput sauciatus, adhibita curatione, paucis diebus Deo fauente conualuit. Nōdum huius planè curatum erat vulnus: ecce tibi eodem ferme casu, eademque nauis iactatione, filia nauarchi in mare delabitur, & in omnium oculis, frustra conantiū opitulari, submergitur. Cuius interitum tãti sunt eiulatus ac lacrymę consequutę: tanto præterea, quotquot in nauis eramus, vitę in discrimine versabamur; vt admodum digna miseratione res esset. Barbari ad propitiandum per sacrificia dæmonem versi, nulla capta quiete, diem noctemque totam mactandis idolo auibus ferculisque apponendis operam dederunt, per sortes etiam quęsiere causam infortunii. Responsum est: si is qui prius in sentinam ceciderat Emmanuel fato functus fuisset, puellā in mare non fuisse lapsuram. Cernitis ipsi profectō, quantum nobis eo responso dēniō ab suis ministris crearit periculum: & nobis quid futurum fuerit, nisi furentis rabiem Dominus compressisset. sed me tamen in primis graues illę in Deum iniurię & barbarorum sacra illa sacrilega permouebāt. itaque fusus in preces Deum rogauī sępius, vt, priusquā fluctibus operiremur, homines, ab se ad ipsius imaginem ac similitudinem conditos, tam falsis opinionū erroribus impiisque superstitionibus liberaret. tetrum quippe spectaculum, & indignum est facinus, Dei vice ab hominibus, ad vnus Dei laudē factis, adorari perpetuū ipsi humani generis inimicū. Cuius de minis atque terroribus, quibus ille mortales, nactus occasio-

occasione, aggreditur, quòd multa mihi eo die nocteque Dei beneficio contigit experiri, quamquã ea sanè cognitu vtilia sunt, tamen breuitatis causa cætera prætermittam; vnum illud summum attingam: huiusmodi ipsius petitiones eludi nulla ratione facilius, quam animi magnitudine quadam ac securitate præstanda, non illa quidem, quæ propriis viribus, sed quæ vnius Dei tutela præsidioque nitatur. venisse tempus vlciscendi sui, crebrò mihi ponebat ob oculos. sed magis tali in re ac tempore nobis timendum est, ne fixam in Deo fiduciam, quæ debet esse firmissima, remittamus, quam ne ab hoste (qui nihil valet nisi Domino permittente) vincamur. Porro, quid nobis in extremo spiritu futurum est, fratres, cum debilitatis corporis animique viribus grauiori quam vnquam antea tentatione vexabimur; nisi per otium prius spem totam in Deo reponere, atque ad eum tempestiuè cõfugere didicerimus?

Ad nauigationem reuertor. leuita paulum tempestate, vela vêtis mœrentes dedimus, paucisque diebus in portum Sinarũ, quem Cantonium vocant, peruenimus. Ac nautis quidem non dubium fuit, quin hyemandum esset ibidem; quamuis nos partim rogando, partim etiam eam iniuriam cum Lusitanis & cum præfecto Malacæ expostulaturos minando, frustra eos reuocare à proposito niteremur. Sed nescio quomodo factum est, vt stationis mutandæ petendique porrus Cincei (qui in eadem est ora) subito consilium caperent. Eò cum iam appropinquaremus; nauarchus à quibusdam præternauigantibus repente, sit cœrtior, Cincum portum a piratis compluribus obsideri. Præsens omnino periculum imminabat: eratque ventus Cantonem reuertenti aduersus, Iaponem petenti, secundus. quocirca subita re percussi nautæ, volentes, nolentes, cursum in Iaponem dirigere, & nos quò polliciti fuerant (& quidem reliquis portubus insulæ exclusi) rectà Cangoximam, quæ Pauli nostri patria est, inuito dæmone perducere sunt coacti. ibi, cum à Pauli cognatis, tum à reliquis oppidanis amicissimè excepti, dies ipsos quadraginta in addiscendis Iaponicæ linguæ elementis haud exiguo cum labore posuimus. itaque Decalogi præcepta, Deo fauente, promulgare sumus aggressi, quæ Paulus noster, & cætera Christianæ fidei capita, patrium in sermonem accuratè conuertit: ac nos quamprimum typis mandare decreuimus, quo Christi notitia facilius latiusque fundatur. Idem cognatos amicosque homo impiger dies ac noctes ad salutem hortari ac docere non destitit: breuique uxorem, & filiam, multos præterea vtriusque sexus in ouile Domini cõpulit. Nec sanè (quod

(quod cernimus adhuc) eorum consilium improbatum in vulgus: & quia plerique norunt litteras, perfacile Christianis precationibus assuescunt. Die qui fuit Archangelo Michaeli sacer, cum Rege Saxinhano colloqui sumus: qui nos perhonorificè acceptos, ut Christianæ legis volumina diligenter adseruaremus admonuit. paucis deinde post diebus edixit licere omnibus, qui sub eius imperio sunt, fieri Christianos. Hæc nobis initia sese dant: lata utique, verum tamen admodum inserto successu. Magna quippe multitudo eorum est, qui nefaria huius terræ sacra procurant. Cum ipsorum placitis atque commentis, quod Christiana tantopere pugnat veritas, valde suspicamur fore, ut licet in præsentia nobis fauere videantur, tamen cum res paulatim progredi cœperit, nostram in perniciem tum sæuiant ipsi, tum verò populum concitent, alioqui per se minimè nobis infestum. Fixum autem ac certum est nobis, sicuti ab omni prius contumeliâ & iurgiis abstinere; ita ab gentibus ad cognitionem conditoris liberatorisque nostri Iesu Christi vocandis nulla ratione desistere. Quod si eueherit, ut in causa tam honesta, tamque pio ac saluari negotio, vitam ponamus; ne nos id in magni beneficii loco accipiemus à Domino; cuius præceptis, animarum salutem, corporis nostri iacturam, mercari iubemur. Utinam modò nos mentis candorem & simplicitatem, quæ sancti Spiritus gratissima sedes est, cum fide præstemus. quam tamen ad rem multum nos loci opportunitas adiuuabit. Etenim remotis adeò in regionibus, inter impios demonum cultores ab amicorum conspectu longissimè positi, omnique panè mortalium opè ac solatio destituti; nimirum nostrimet paulatim obliuiscimur, nosque in Deum totos necessariò effundimus. quod secus; ubi Christiana viget religio, fieri consuevit. parentum quippe vel patriæ caritas, affinitates, necessitudines, amicitia, ad omnes corporis animique vsus parata subsidia; Deum inter & homines interponunt ferè sese, atque inde sensim ipsius Dei subrept obliuio. quocirca eximiam in nos, hoc etiam nomine, Dei benignitatem experimur: qui cum, hæc suscipienda peregrinatione, aliquod præstare nos illi putaremus obsequium; ipsi nos potius singulari eiusdem beneficio affectos, mortisque vinculis solutos agnoscimus, quæ spem in Deo nostram & cogitationem cœlestis patriæ distinebant. Ad hæc illud quoque non leue commodum accedit, quod deliciis iis, quæ alibi carnis stimulos irri-rare, mentisque & corporis vires solent infringere; hic caremus omnino. Etenim Iaponii nullum altitè maciant vel comedunt, pisce vescuntur interdum, oryza & tritico non abundant: herbis ac

pomis vt plurimum victitant. & quidem ita prospera valetudine ad multam vsque ſenectutem vtuntur, vt facilè appareat, quàm paucis ſit eadem, quæ alioquin eſt inſatiabilis, natura noſtra contenta.

Vos item, cariffimi fratres, (quoniam tanta vobis prouincia patreſcit) vigilate animis; veſtramque induſtriam ac pietatem in theatro cæleſti probare contendite. id aſſequimini, ſi Chriſtianam humilitatem & ſenſibus intimis colueritis, & moribus expreſſeritis ac vita: quod ad exiſtimationem auctoritatemque attinet, totum id Domino permittētes, qui vobis eā ipſe per ſe conciliabit profeſſor: q̃ ſi facere omiſerit, veſtra cauſa videlicet, ne, quæ Dei ſunt, vobis met arrogetis, omiſerit. Illud verò vos ego etiam atque etiam obteſtor, vt veram inter vos pacē atq; concordia omni ratione retineatis: ſummaq; ope nitamini, vt ne qua in vobis ſemina diſſenſionis exiſtant: præclaros illos veſtros conatus ac ſtudia patiendi pro Chriſto conferatis interim ad omnē diſcordiæ ſpiritum debellandum, uremores affirmariſſe Chriſtum, ea re ſuos cognitum iri, ſi ſe diligenter inuicem. Gratiam ſuam Dominus Deus noſter ac voluntatem animis noſtris inſinuet, quo ex ea quàm maximè cūcta faciamus. Cangoxima, Nouis Nouembris, MDXLIX.

PAVLI IAPONII AD SOCIETATEM

IESV IN INDIAM.



Vod mihi maximè fuit optatum, vt in Iaponem redire, matrē meam, & vxorē, ac filiam, cognatos præterea ac familiares meos ab impio dæmonum cultu ad Chriſti religionem traducere mihi liceret; id iam Dei Domini noſtri clementia ſingulari ſum cōſequutus. Nunc autem alia me coquit cura, vt ii, quemadmodum ad Chriſtum conuerſi ſunt, ſic in fide, quam ei dederunt, firmi ſtabilesque perſiſtant. quod ego cū à Domino precor identidem; tum vos, per Chriſtum, vt in precibus veſtris ac ſacrificiis mei meorumque memores ſitis, obteſtor: quandoquidē ad ſalutem (niſi principiis conſentiant exitus) capille nil prodeſt. Iaponii me ſanè quàm libenter audiunt de Ieſu Chriſto verba facientem. itaque multos, fauente Deo, Chriſtianos fore conſido. Nos hic omnes corpore (vtinā æquē ſpiritu) bene valemus. & quāquam à vobis locoſum, interuallo diſiuncti ſumus; tamen & animis in præſentia cōiuncti videmur, erimus aliquando corporibus; videlicet cū ad extremum iudicium excitabimur, vtinā cum Domino regnaturi. Cangoxima, Nonis Nouembris, MDXLIX.



ROST tuum ex hac vrbe discessum, inflati animis domum ad nos conuenere Iaponii, vt variis nos interrogationibus fatigaret: videlicet rati, qui ipsorum argumenta refelleret, absente te, fore neminem. Sed Cosmus Turrianus, Deo fauente, spiritus eorum represlit: etenim interprete me ad singulas quaestiones ita respondi, vt satisfaceret: quas ego Iaponice quoniam ipsius mandato litteris consignauit, deesse nolui quo minus ex iis aliquas ad te perscriberem.

Quaeritum est, ex qua materia Deus animū condidisset, nā corpus quidē ē quattuor constare elementis non ignorabant. Respondimus ad hoc, quē admodū Deo, vt elemēta, Solem, ac Lunā, & reliquum mundi fabricaretur ornatum, non opus fuit priore materia: sed vt existerent, ipso nutu verboque fecit; sic animos etiam ab eo creari sola ipsius voluntate, materia nulla. Tū illi percontari: qui color animi, quānam esset species. Nullā respondimus, etenim hoc propriū esse elementorū & corporū. Cū inde efficerēt, quoniam corpus non haberet, nihil esse animum; Cosmus vt eos verbis ipsorum conuinceret. interrogauit num esset aēr in mundo: cū annuissent, quāsiuit denuo, esset ne coloratus aēr: negarunt. Tum ille: si aēr, cū res corporea sit, nullo est colore; quanto minūs (inquit) animus, cū careat corpore? Hoc audito, cessēre.

Quaerere alii, dæmones quidnam essent. cū responderetur esse multitudinem Angelorum duce Luciferō, qui elati superbia, quod Deo sese æquiparare voluerant, cœlesti gloria sunt diuinoque aspectu priuati; cur, aiunt, hominēs tētat diabolus, estque eis adeo vehementer infestus? quod eos, inquit Cosmus, ad beatitudinem illam, quam ipse amisit, conditos nouit: propterea eis inuidet, laboratque vt in fraudem inducantur.

Interrogauēre nonnulli, cur, si erant cūcta quæ Deus fecerat bona, Luciferum spiritum malū & contumacē creasset? Ad ea, Luciferum, inquit, quique sunt eius sectam sequuti, condidit Deus & clara intelligentia præditos ad bonum dignoscendum ac malum, & libera voluntate ad vtrumliber eligendum: vt eos, si bonum exoptassent, gloria, sin malū, inferni cruciatus exciperēt. qua facultate quod Lucifer ac reliqui dæmones abusi, pro Deo adorari concupuerunt; idcirco pœnas dedēre, & sua ipsorum culpa mali ac superbi euasēre; quod secus bonis contigit Angelis, qui semet subdentes Deo, meruēre gloriam sempiternā. Percontabantur

bantur alii, quid esset Deus, ubi esset, num aspici posset: alii, cur Deus, cum sit adeo clemens, aditum gloriæ tantis difficultatibus circumscripserit. denique tantus erat à matutino tempore usque ad vesperam hæc & alia sciscitantium numerus, domus ut oppleretur. sed Cosmus (ut dixi) fecit omnibus satis. Bonzii nos, quod eorum scelera coarguimus, maledictis insectari non desinunt. Confinxere quidam ex iis, diabolū è simulacro pronuntiasse, nos ipsius esse discipulos: eundem nostra de causa è cælo, multis inspectantibus, regiam fulmine perculisse: quidam etiam humanæ carnis voracitatem nobis exprobrant. Ad hæc, illa quoque incommoda vel Dei potius beneficia accepimus: Commotum est in oppido bellum, quod regis obitu deinde sedatum est, adeo exitiosum & grate, ut vrbs octo dierum spatio conflagraret incendiis, & sanguine redudaret; quippe sublati legis, impunè victrix ubique grassabatur improbitas: passim homicidia, passim rapinæ. atque eo sanè toto tempore nos ad cædē inquirebamur assidue, partim ab iis, qui nos oderant, partim ab iis, qui nostras qualescunque sarcinulas admauerant: itaque magno in discrimine vitæ sæpe versati sumus: verum ex omnibus periculis eripuit nos clementissima Domini mater, quæ cliētes adeo præcipua cura tuetur suos. Cum enim status rerum esset huiusmodi, Cosmus Antonium misit ad Nætondoni uxorem, ut ab ea consilium peteret: illa iussit nobis renuntiari, cōfestim veniremus ad se. porro inter eundem cōplures in cateruas armatorū incidimus: ii inter se, per eorum ordines trāsēntibus nobis, quin, aiunt, è medio tollimus hosce de Cengecu, (sic enim Europæos appellant) quandoquidē ipsorum culpa, lignea vel lapidea simulacra neque aliis neque sibi salutem dare posse negantiū, Dii indignati, excitata discordia, tantam huic populo cladem intulere: hæc autem dicebāt illi, propterea quòd eo bello cænobia multa cum simulacris ignis absumpserat: imminuta magnopere idolorum & præstigiatorum auctoritate, vel ob id ipsum, quòd Regi in primis, ut nosti, superstitioso nihil eam superstitionem profuisse constiterat. Ex eo discrimine elapsi, Nætondoni domum peruenimus, cuius vxor, dato puero qui prosequeretur, nos ad Bonziorum cænobium, quos ea suis alebat sumptibus, amandauit: illi verò grauitè nobis offensi, respuere: damonas dicere, nec locum excipiendo tam improbo hominum generi sibi superesse. Cur nos Deus, qui habitat in cælo, cuius legem exponeremus, ex iis periculis non in cælum eriperet? Tamen ad extremum siue Domina metū, siue famuli precibus adducti, phani particulam nobis ad hospitium assignarunt. ibi toto biduo commoratos mulier nos domum suam

suam rursus accersit, & in posticis ædium partibus ambulatiu-
lam quandam nobis ad diuersandum attribuit. hinc nos quot peri-
culis, quot laboribus perfuncti fuerimus, ne longior sim, in præ-
sentia sileo. Sanctis sacrificiis & precationibus tuis nos admodum
commendamus, & patrum fratrumque carissimorum: quos ego ad
hanc gentem salutaribus erudiendam præceptis, & veram in agni-
tionem Dei conditorisque sui trahendam, propediem venturos
esse confido. Amangutio, 13. Calend. Nouembris. MDLI.

EDVARDI SYLVII AD SOCIETATEM

IESV GOAM.



Mangutianas res primùm, deinde verò Bungenfes
ad Diuinæ maiestatis gloriam hac epistola perse-
quar. Postquam à nobis Petrus Alcaceua discessit
in Indiani, (discessit autè Octobri mense, anno Do-
mini MDLIII.) Amāgutium veni cum Cosmo Tur-
riano. ibi ex familia Regia multi insignes ac nobiles

& cum eorum singulis alii xv. ferme vel xx. Christiani sunt facti.
ad eum numerum accessere Meacenses Bonzii duo, quorum alter,
earum legum in primis peritus, multa percontatus à Cosmo, totā
illi suam vicissim de mundi opifice deque hominis animæ senten-
tiam patefecerat, cuius erat summa, nullum esse planè verū om-
nium conditorem. Veruntamen ipsemet conditor suam illi gra-
tiam impertiri dignatus est, ut quanto versaretur in errore, & quā
essent vera, quæ à Cosmo dicebantur, liquidò cerneret. itaque Do-
minum Deum nostrum ex animo colere statim decreuit, id quo
melius faceret, omnibus rebus, quibus ad eam diem utebatur, ab-
iectis, exiguum sibi tectum, aliqua ex parte à nobis adiutus, cum
socio suo Barnaba exstruxit. ibi morantur ambo, & victum sibi-
met suis manibus operantes quæruunt: nihil è domo nostra, nihil
aliunde gratis accipiunt: vnam acquirendæ virtutis rationem sci-
scitantur a nobis, in qua, ceu nouellæ plantæ, adeò feliciter cre-
scunt, ut mei me sanè ex eorum comparatione pœniteat. Eodem
tempore Iaponius alius quidam ad Deū conuersus est, magna hu-
manitate vir, acutoque iudicio, annos natus plus quinquaginta: &
quamuis, antequam constituit Christiana sacra suscipere, diaboli
tentationibus adeò vexatus est, ut in morbum inciderit; postea ta-
men quā Deo sese commisit, manna absconditum affatim hausit,
& nunc de pristina sua impietate, deque excellentia diuinæ legis
loqui non desinit. Is nouo nomine Paulus appellatur: & quoddā ma-
gna prudētia & ingenio præditus est, & nihil vnquam adorauit in
vita, (nam Iaponiorum superstitionem inane semper nescio quid

judicauit) suo exemplo multos ad religionem impulit Christi: cui ille haud sanè fictè dat operam, siue transferendis in patriam linguam scriptis quibusdam, (qua in re valet plurimum, & stylus eius valde probatur) siue aliis mortalibus omni ratione ad veritatis viâ trahendis: præsertim verò confirmandis ac retinendis in fide neophytis, quos antea tam vehementer insectabatur. Vxor eius & filii sunt iam Christiani, cum ipsius fratre non minus ingenioso & ornato, aliis præterea ipsius affinibus & amicis.

Septuagesimum vel octogesimum alius circiter annum agens, vir nobilis ac dynasta, superstitionem suam cum Christiana religione commutauit: idolorum autè id tempus cultor egregius, quippe cui, simulacris humi de more statuendis venerandi causa, præ assiduitate laboris occalluerant manus. nunc verò tanta ei lux veritatis oborta est, vt de laboribus ab se frustra susceptis, deq; sua cæcitate verba facere nunquam desistat. is idolorum loco tēplum adificare decreuit, quò Christiani ad sermones inter se de cultu diuino serēdos augendę pietatis causa cōueniant: & vniuersi, qui sub imperio suo sunt, omni cōnatu persuadere constituit, vt ad Baptismum accedant: quo lustratus est eius quoq; filius annos natus triginta, qui domum nostram Christianæ doctrinæ & sacrorum causa ventitat. Tria passuum millia distat ab vrbe Amāgutia vicus quidam; ibi ad quinquaginta vel sexaginta neophytos, rusticos operarios omnes, tantum rerum diuinarum studium ceperat, vt, litterarum prorsus ignari, litteratos homines populares suos argumentando conuincerent. Quin etiam eius loci Bonzius ipse, cum illos sæpe sermone atque altercatione laceraret, turpiter ab iisdem superatus ac victus, existimationi suæ denique migrando consuluit. eius discessu neophyti valde leuati sunt. iidem pariter vniuersi cerum in locum sæpe se cōferunt, vbi de cultu diuino disferitur, admonētq; inuicē sese, & ad fidem & religionē hortantur. Verū de statu rei Amangutianæ plura cognoscetis ex epistola Cosmī Turriani, quam misit in Bungum; ex qua ego hæc quæ sequuntur excerpti. Ex hisce pauperibus multi facti iam sunt, fiuntq; semper aliqui Christiani. iidem preces tenent, easque ad ianuam serē quotidie recitant: tum singulis caxa (quod monetæ genus est) in elemosynam datur: quare illi admodū læti, & Domino gratias agentes, domum sese recipiunt. iidem, Dominicis diebus, cū in ordinē discubuerē; qui Christiani ad sacrificium veniunt, aliquid iis præbent elemosynæ causa: itaque & illi beneficio gaudent, & Christiani rei totius dispositione atque ordine delectantur, & omnes in vniuersum Domino gratias agunt; cuius sibi munere,

nere, antea tæ ipſorum vitæ ſcēditas patuit. Paulus & Barnabas cœ Meacenſes Bonzii duo mirabiliter in fide proficiunt. Faxit Do- cœ minus, vt ad finem vſque perſeuerent. Die qui fuit DD. Coſmo & cœ Damiano ſacer, veſpere mortuus eſt Ambroſius Eunadus Faiſu- cœ mius, Regis æconomus. eius funeri mecum interſuere plus ducē- cœ ri ſexus vtriuſque neophyti. ſignum Crucifixi vnus ē neophytis cœ præferbat; & quoniam demortui domus à noſtra plurimum abe- cœ rat, pompa mediā per vrbeſ neceſſariō ducta eſt. Efferebatur cœ autem corpus admodum excelſo feretro, tantaque ſunalium mul- cœ titudine, vt ipſam diei lucem repræſentarent; ac tetræ quanto li- cœ cuit apparatu cæremoniis ſque mandatum eſt. Commouit ea res a- cœ liquantum ad impias ſectās deſerendas cognatos ipſius, & ma- cœ jorem ciuitatis partem: quas quidem ſectās planè relinquerent, cœ ſi diuinæ legis interpretum hīc foret copia. Vxor aurem eius cō- cœ tinuō pauperibus fecit benignè: nam & ipſo quatrīduo præbuit cœ ipſis epulum, & ē domēſtica ſupellectili multa diſtribuit: in iis cœ etiam veſtem ſericā, ex qua conficietur pecunia ad ædificandā cœ illis domū in area, quam idcirco nobis neophytus quidam at- cœ tribuit. Hoc eius rectè factum, cæteraque neophytorum erga cœ inopes beneficia, quibus bis tūve cibaria ſingulis menſibus cœ largiuntur, compenſet Dominus: quem vos rogate fratres mi- cœ hi cariffimi, vt hæc ab illis ſunt, nullam ob aliam cauſam, ni- cœ ſi vt eidem placeant: & ſimul in officio me ſua benignitate cœ confirmet.

Domus ea, cuius meminit Coſmus, perfectā iam eſt. Abſolutum eſt opus v. Kalend. Iulii, & diebus aliquot ibidem ſacrificatū, ſer- monēſque de ipſius fundatione ſunt habiti. Haſtenus de rebus A- mangutianis. Nunc ad Bungenſes venio. Anno MDLIII. noſtri la- pidationibus ibi malè accepti ſunt, conſiſtis in eos criminibus, quōd carne veſcerentur humana: ſed rex, cauſa cognita, rem to- tam breui compreſſit, diſpoſitis cuſtodix cauſa circa domum no- ſtram interdū noctūque vigiliis, atque ea ſanè præclara fuit neo- phytorum probatio: quippe nos quo maioribus cinctos videbant anguſtiis, eo maiorem ipſi firmitudinem animi conſtantiāque præ ſe ferebant. Eo tēpore multæ ad neophytos conciones, multæ cōtra Bonzios diſparationes habitæ ſunt: qui viſti, cū quid age- rent non haberent, inſigni mendacio populum onerārūt, nulla re ſcilicet Chriſtiana à Iaponica religione differre. Res erat ſanè pe- riculoſa itaque noſtri, diuinæ gloriæ zelo inflammati, nil aliud per eos dies docere populum inſtiterunt, niſi hæ duæ religiones quantopere inter ſe differrēt: legē quippe Iaponicā fabulis atq;

mendaciis, Christianam vero planè certissimis niti principiis. Atque ob id ipsum Balthasar Gagus librū Iaponico sermone cōseri, p̄sit, ac dedit Regi, quem Rex coram sēsuisque consiliariis recitatū ac vehementer probatum suo signo obsignauit, atque ad Balthasarem remisit, iubens ei renuntiari, se libri eius exēplum descriptum habere apud se: proinde exemplar, obsignatum vt erat, ostenderet magistratibus, vt eos, perspecta Christiana veritate & doctrina, beneuolos & amicos haberet. Ex eo tempore adhuc in pace fuimus. Bonzii in Dominum credidēre complures, in iis quidam legis peritus ex eorum ordine, qui commentationibus vacant, noster antea vehemens aduersarius; huic ita deinde clarum veritatis lumen affulsit, vt in exquirendo Christiani hominis officio nunquam defatigaret. Tanta verò tranquillitate fruitur animi, atque ita Dei beneficia ipsius hærent infixæ memoriæ; vt pro iis, à quibus Christiana mysteria didicit, & à quibus huc missus est, denique pro cūctis Euāgelii præconibus, preces ad Dominum assidue fundat. Anselmus est quidam Dominus vici nō longè ab vrbe positus, vt vxq̄rem ad cultum Dei traduceret, anno superiore venit ad nos, & Balthasarem domum suam adduxit; qui feminam, & domesticos omnes, aliosque complures necessaria ad religionem rudimenta edocuit, & cōuertit ad Dominum. Horum exemplo tantus in reliquis eius vici incolis motus animorum est factus, vt omnes ferè Christiana iam sacra susceperint. Vicus est alius, decem leucas ab vrbe: illuc item anno superiore lucris causa se contulit neophytus operarius quidam, Antonius nomine: ibique reperit hominem, qui ab dæmone septem iam diebus ita præfocabatur, vt nihil neque esculentum neque poculentum per fauces posset dimittere. Hunc miseratus Antonius, & simul recordatus latronis eius, cui culpam suppliciter agnoscenti Dominus noster IESVS CHRISTVS ignouerat, aquam in vas infundit, expiatque manu sua per signum Crucis. deinde hortatur ægrotum, vt peccatorum suorum agat pœnitentiam, & credat in eum, à quo & conditus fuerit, & salutem possit accipere. Annuit ægrotus, & continuò porrectum sibi poculum aquæ totum penitus hausit, appositumque oryza paulum, sine labore comedit. Quæ res ægrorum ita permonit, vt cū primū per corporis vires liceret, ad nos conferre sese Christianæ religionis suscipiendæ causa decerneret: itaque fecit, omnem superstitionē abiicit, Christianos ritus ac præcationes edidicit, paucisque pōst diebus est mortuus. Alium etiam conuertit ibidem Antonius, claro admodum genere natum, Lucas nouo iam nomine dicitur. Is cū Baptismi causa ad nos venisset, postea quàm ablutus est,

rus est, Balthasarem domum suam cum Ioanne Ferdinando Antonioque perduxit. ibi dies aliquot instituendis baptizandisque ita multis vacarunt, vt ex vna tantum Lucæ familia, sexaginta capita (in his vxorem Lucæ, duosque filios virili ætate) cœlesti laua-cro purgauerint. Quorum tanta constantia, tantum animi robur apparuit; vt suo exemplo aliis ad fidem trahendis numerum deinde trecentorum impleuerint. Annus circiter agitur, cum quidam oculorum acie sanè debili baptizatus est. is, Dei benignitate factum est, vt vnà cum animi lumine oculorum quoque lumen reciperet: etenim continuò clarè cæpit videre: cuius rei fama cum latius manasset; Iaponiorum ad nos concursus hincinde statim est factus, partim cæcorum, partim vario morborum genere, vt lepra, febri, aliisque huiusmodi laborantium, in quibus Dominus, pro sua sapientia, cœlestis numinis vim sæpe declarat. Quod vt facilius cognoscatis, nonnulla referam, quæ in hoc genere contigerunt: In popularibus neophyti illius, quem ex oculorum debilitate repentè conualuisse docuimus; iam inde ab ipso abauo quidam hæreditario veluti iure, & quasi per manus acceperat, vt a dæmone torqueretur; atque is, impetrandæ salutis causa, in victimas & impia sacrificia patrimonium pænè consumpserat. Verùm dæmones idolis inhabitantes, quo maiores sibi honores haberi cernebāt, eo vexabant hominem grauius; nec illius tantummodo cruciatu cōtenti, arreptum ipsius quoque filium annos natum triginta adedò malè acceperè, vt multos dies nihil omnino gustaret, nec iam patrem vel affines agnosceret. Balthasar vbi id rescivit, contulit eò sese, cum quæ filium in ipsis tormentis offendisset, iussit eum diui Michaëlis nomen pronuntiare. paruit illi, & in ipsa pronuntiationis clausula tam vehementer intremuit, tanta cum gesticulatione motuque membrorum, vt qui astabant, rei miraculo perhorrescerent. Verùm diuinæ placitum est bonitati, vt simulatque super eum Balthasar sacra illa effatus est verba: In nomine Patris & Filii & Spiritus sancti, a nequissimo spiritu liberatus, continuò & cibum & vsum mentis rationisque receperit. Deinde verò vnà cum patre Christiana rudimenta edoctus, & vterque sacro fonte lustratus est; ac filius quidem, Michaëlis; pater autem, Pauli nomen assumpsit. Paucis post diebus, eiusdem Pauli filia, soror Michaëlis, ad tēplum nostrum accessit, quæ item triginta iam annis malè a dæmone habebatur. Ea cum velle se Christianam esse dixisset, vehementi pariter ipsa timore corripitur. Tum Balthasar ad exorcismos confugit, cæpitque mulieri suadere, vt nomen IESV. nec non D. Michaëlis pronuntiaret. illa verò discutiata grauissimè, ore compresso,

voce veluti in cantum soluta, respondit, si, Xacæ & Antidæ, qui legem dedere Iaponiis, idola repudiarentur, neminem adorandum esse præterea: neque verò se cuiuspiam vi ab eorum cultu posse abduci. postridie (qui dies fuit Beatissimæ VIRGINI sacer) templo Christianis referto, cum mulier quoque adesset; Balthasar sacro peracto ad exorcismum rediit. Hic dæmon versum ejulare, injuriam conqueri, feminamque torquere. Cum in eo statu res esset, Christiani, qui aderant, in preces dedere sese, nec ita multo spiritus ille nequam erupit, mulier autem valde leuata est, atque integra prorsus mente, potum petiit, porrectamque sibi aquam Iustrialem seu benedictam ebibit. Tum iussa dicere IESVS, MARIA, tam suauiter pronuntiauit, vt vox Angeli videretur. Ex eo tempore nunquam deinceps à dæmone vexata est, iamque Christiana sacra suscepit. Qui ægroti huc deuenire, ex iis ad trecentos iam Christiani cernuntur. quorum sermones inter se, de beneficiis à Domino post Baptismum acceptis, operæpretium est audire, dum hic patientiam in morbo ferendo, ille recuperatam propè valetudinem prædicat. solent autem huiusmodi ægroti, decem alios, quindecimve singuli ad Christianam religionem secum adducere, quorum corpora non alio medicamento curantur à nobis, nisi aqua benedicta, cuius virtus in hoc regno multis experimentis, præsertim verò in oculorum curatione, quibus Iaponii vulgò laborant, est comprobata: vt eius petendæ causa à leucis decem vel duodecim vndique concurratur ad nos.

Hoc anno, qui post Christum natum est MDLV. in hac æde sacra Funaiensi, à Cincralibus ad Paschalia vsque solennia, conciones quotidie cum sacrificiis habitæ sunt, tanta neophytorum frequentia, vt eos domus nostra non caperet, tantoque animi ardore, nonnulli vt è pagis pridie domum nostram venirent, quo postridie manè ad tempus concioni adessent; nonnulli autem ad templum duabus ante lucem horis accederent. quibus rebus homines ita vehementer inflammabantur, vt quotidie ferme deni, duodeni, vel etiam viceni post catechismum fierent Christiani. Itaque baptizati sunt eo toto Quadragesimæ tempore quadringenti. A Paschalibus feriis vsque ad Pentecosten eodem feruore ac studio continuatæ sunt quotidie conciones, neophytorum rogatu, qui, propitiandi Domini causa, mysterium Confessionis sanè quàm diligenter frequentant; quorum vitæ morumque immutationem post Baptismum noti affinesque eorum valde mirantur, quippe, vt quisque maxima pro Christi nomine ignominia afficitur, ita se beatissimum putat. Quidam etiam, cum initio conuer-

conuer-

conuerſionis, nōnullo pudore territus, latitaret; ita ſe nunc palām penitus in cauſam Chriſtianam tanta ſua cum delectatione demiſit, vt verbo Dei potiūs quā cibo ſuſtentari aliq̃ue videatur. Cæremonia quoque noſtra ſuſcebris magna cum admiratione probatur ab ethnicis; vt ſunus quod primū duximus, hominum plus tria millia ſpectandi cauſa celebrauerint. cū autem pauperibus æquē ac diuitibus honorem a nobis vident haberi; tum verò legi Domini Dei noſtri ſimile nihil fatentur eſſe. atque lex ea ſanè latè vagatur in hoc regno Bungenſi; nam præter vrbani neophytorum gregem; Iacali quinquaginta, vel ſexaginta, Siquidi totidem, Quinctani (pagorum hæc nomina ſunt) plus ducen-ti, viſuntur. Neophytus quidam eſt, quem cæteri ob eius virtutem parentis loco venerantur & colunt; qui ſæpe ad ſacrificia & conciones huc ventitat. Iſ ea circuit loca, & cunctos ad officium adhortatur. Superioribus diebus Balthaſar Gagus cum Ioanne Ferdinando Firandum profectus eſt ad Luſitanorum, qui ibi erant, conſeſſiones audiendas. Rex autem, antè quā diſcederet, venit ad nos, iuſſitq̃ue Balthaſarem de commeatu ſine cura eſſe: daturum ſe qui eum proſequeretur, & omnia ad iter neceſſaria comparet, idemq̃ue, ſi Balthaſar vellet, præſtaret in re-ditu: præſectis etiam, quacunque tranſeundum eſſet, iumenta & cætera, quæ opus forent, ſe imperaturum. Eum nunc in ſingulos dies exſpecto, Mecum hīc de neophytis remanſere ſenex quidam, Antonius nomine, quinquaginta vel ſexaginta natus annos: & alii præterea quatuor vel quinque homines impigri ad neceſſaria negotia obeunda.

Scriptis iam litteris, ex Ida pago non longè ab vrbe poſito mulier quædam, cum marito ad hoc templum Baptiſmi cauſa ſe contulit. Sed vterque, quòd Balthaſar aberat, domum ſuam re inſecta conſilioque pænè mutato reuertebantur. id vbi cognouit Antonius iſ, quem modò nominauī, me appellauit, vt preces ab omnibus, qui aderant, ad Dominum pro vtroque eorum habendas curarem. itaque dum orationem Dominicā clara voce mul-ti pronuntiamus, conſpecta mulier eſt adèdò vehementer intreme-re, vt illam ipſi tres homines regere & continere non poſſent: den-tibus verò tam acriter inſrepebat, vt viderentur effringi. inter-ea conſtrictis ipſius manuum digitis, mulierem ſigno Crucis & aqua benedicta luſtrabat Antonius: nobis ex altera parte in ora-tione Dominica & Angelica ſalutatione perſeuerantibus. Poſt hæc mulier aliquantulum conſopita, ſimul atque expergeſc-ta eſt, iuſſa dicere, IESVS, MARIA, primū veluti indignabun-da pro-

da pronuntiauit. tunc ei manus arctius iterum vinciuntur, precationi simul omnes insistimus: nec ita multo post femina dolere manibus, & lamentari, & rogare, vt sese quam citissime soluerent. Deinde, pia admodum voce proferens, IESVS, MARIA, verum Creatorem suum adorare se dixit; grauemque sese peccatricem agnoscere. Eadem mihi postea affirmavit, se toto septennio cordis ingentem sensisse grauedinem, sed iam ea leuata, & exhilaratam esse. Postridie manè cum marito discessit: redituri ad Baptismum cum primùm Balthasar Firando reuerterit. Mihi sanè magnam tota res attulit voluptatem, & ex eo die planè alia mulier, atque antea, visa est. Multa præterea in hac regione geruntur à Domino; qui nos pro sua bonitate idoneos vineæ suæ cultores dignetur efficere. è Bungo 12. Cal. Octob. MDLV.

TAQVÆ REGIS FIRANDI AD MEL-
CHIOREM NONNIVM.



ATER Mag. Franciscus cum meum in hoc regnum venisset, Christianos fecit magna animi mei voluptate nonnullos, quos equidem commendatos habeo, & ab omni iniuria tueor. Bis deinde ad nos venit etiam Paterille, qui Funaii versatur, baptizauitque cum ex affinibus meis aliquot, tum ex reliqua nobilitate permultos: quem ego virum aliquoties audiui, eiusque doctrinam, quæ mihi penitus hæret in medullis, ita probaui, vt Christum sequi planè decreuerim. Quocirca te in meo Regno videre magnopere cupio: semel quippe mentitus, non metiar iterum. Tu si ad nos te contuleris, & rem Deo gratissimam feceris, & à me quam honorificentissime liberalissimeque tractaberis. Firando. Taqua Nombo Firandi Rex.

COSMI TURRIANI AD SOCIETATEM
IESV IN LVSITANIAM.



X quo tempore à Francisco Xauerio, qui postea migravit è vitâ, Amangurii sum relictus; res per humani generis aduersariū minimè tranquillæ fuerunt, qui cum intelligeret quàm Euāgelii promulgatione proficeretur, omni ratione eam impedire conatus est: bellum enim Regem inter ac populares eius ita perniciosum excitauit, vt vigesimo post meum aduentum die, Rege ipso cum filiis interfecto, alium, qui Regis Bungi erat frater, in magna tamen principum dissensione, suffecerint. Nec tamen à nobis

intercæ

interea cessatum est: nam ad annum MDLVI. (quod spatium fuit annorum circiter sex) assiduis concionibus, cæterisque ex instituto nostro ministeriis obeundis, Christianorum duo millia fecimus: quo tempore nonnulli è proceribus, coniunctis viribus contra nouum Regem sectatoresque ipsius, vrbi Amangutio. sæuum adedò incendium intulerunt, vt cum amplius decem millibus familiarum incoletetur, vnius horæ spatio vniuersam flamma peruaserit. Nec sanè domus nostra templumque ab eo incendio fuit immune. Post hæc affertur nuntius, aduentare hostes; quo audito Christiani conveniunt, communique sententia statuunt, non esse mihi in iis tumultibus commorandum: denique vigesimo post incendium die, cum iam hostium exercitus ab vrbe non plus tribus millibus passuum abesset, vehementer à me efflagitant, orantque vt inde discedam. quorum ego precibus eo animo celsi, vt post eas turbas ac seditiones redirem. Consilio profectionis meæ cognito, reliqui Christiani ad me concurrunt, nullam ea nocte partem capiunt quietis, cum alii peccata confiterentur, meumque discessum lugerent; alii mecum vnà decedere decreuissent. quos ego vt potui, verbis solatus, discessi, multis menihilominus ad nouem millia passuum prosequentibus summo cum dolore ac gemitu. mortuum parentem in conspectu eo habere dixisses. Nimirum prælagire iam tum videbantur calamitates, quæ postea contigere: quippe deinde & vrbs funditus euerfa est, & summa annonæ inopia, aliaque id genus multa incommoda consecuta. In itinere cum diuellerentur a me, ecce tibi denovo lacrymæ virorum, mulierum, puerorum, quæ me sanè magno mœrore tristitiaque affecerunt: atque ita illi ad suos regressi sunt, ego Funaium iter intendi, qua in vrbe versabatur Balthasar Gagus cum duobus ferè millibus Christianorum, quos ibi fecerat, eratque magna apud Regem in gratia, ad quem Prætor Indiæ certum hominem Regis Lusitaniæ nomine cum pretiosis muneribus misit, egitque gratias quod nos adedò humanè liberaliterque tractaret. Hoc ille officio permotus, ædes nobis optimas ex materia cedrina est elargitus: è quibus templum exstruximus cum reliquis ad incolendum necessariis ædificiis, operâ suam in id nauantibus admodum impigre Christianis. Deceuit etiam nobis aureorum quinquagenum vectigal. Inde cum æstus belli iam deferbuisset videretur, ethnici multi ad verbum Dei confluabant, ac ferè semper ad Dominum conuertebantur aliquot, decem interdum, interdum quindecim, pluresque aut pauciores, prout mentes eorum Spiritus sancti claritas illustrauerat. Amangutio

gutio etiam Rex, regniq̃ue procures, missis per Christianos epistolis, nos ad se inuitarunt. qua de re cū Regem ipsum Bungiamicitiæ causa consuluissem, respondit adhuc maturum non esse: simulac foret, se monitūrum. suspicati sumus occultam aliquam coniurationem ipso conscio aduersus Amangutii Regem esse cōflatam: nec sanē temere, nam ex principibus quidam potens, Amangutium ex incendio ferme iam instauratum aggressus, diruit, magna cinium parte vel spoliata, vel in seruitutem abducta, Regis etiam fratre cū omnibus iis, qui partes eius ſequēbantur, occiso. Ea re cognita, Bungi Rex magnas copias ad Amangutium occupandum misit, quo euentū, adhuc incertum est.

Anno MDLV. octauo Idus Septemb. Rex apud nos sanē quā iucundē cœnauit: à cœnā de Deo uerba fecimus. ipse per quendam ex amicis iussit nobis renuntiari, uelle se certos pecuniæ fructus assignare alendis iis, qui in sua ditione Dei legem docerent. Respondimus, nobis hoc non esse ita necessarium, sed in pauperum subsidium hospitalem domū à nobis ædificatam esse, quæ huiusmodi ope admodum indigeret, orare nos Regem, ut beneficium illud in eam domum conferret; quod fecit, & simul iussit nobis attribui aream in vrbe imperii sui admodum ampla ac celebri, Facata nōmine, ab vrbe regia quinque dierum itinere, ubi iam Balthasar Gagus aliquot fecerat Christianos. Eò nunc Balthasar idem est rediturus, ut ibi diutius commoreretur, atque commodius Euangelium prædicet. Christus Dominus noster eas vires nobis easque virtutes impertiat, quæ ad assiduos huius prouinciæ labores atque pericula sunt necessariæ. Valete, vj. Idus Septembris, MDLVII.

GASPARIS VILELÆ AD SOCIETATEM

I E S V.



Nno MDLV, cū in hæc loca Melchior comitesque peruenissemus, nihil ad vos scripsi, propterea quod redituro mox in Indiam Melchiore, satis fuisse de moribus hisce ac regionibus ex ipso vos cognituros putabam. Nunc ea persequar, quæ post eius discessum præsentē me contigerunt, quo in omnibus immensa Dei bonitas magis cluceat.

Vbi terram hanc attigi, iussus sum Funaii habitare cum Cosmo Turriano, partim ut ingrauescentem iam illius ætatem, in tantis ac tam multis laboribus aliquo auxilio subleuarem; partim etiam, ut ex eius consuetudine ediscerem, quā ratione horum

Christia.

Christianorum ingenia colenda tractandaque sint. Balthasar autem Gagus, qui ibi erat, Firandum est missus, ubi portus est in primis celebris, & Christiani nonnulli: Regulus præterea urbis eius valde nos diligit, fecitque nobis potestatem areæ coëmendæ, quæ in area Virginis Matris adê sacram excitauimus ad pios Christianorum vsus cum Iaponiorum incolarum, tum Lusitanorum, qui eò commeant. Gagus ab Regulo humanè exceptus est cum alio fratre nostro, itemque alio Iaponio Christiano in rebus diuinis admodum erudito, quos secum adduxerat. Hos deinde cognouimus in neophytis instituendis magna cum laude versari. post Gagi discessum, aream coëmimus patientiorem, donauitque Rex nobis peramanter quasdam ædes in proximo, quæ statim nobis vsui fuere. ex iis quippe templum, extruximus, addidimusque recta nonnulla nobis ad incolendum necessaria. Opus ad culmen perductum est die Sanctis omnibus sacro, anno MDLVI. Melchior primum in eo sacrum fecit solenne. Inter hæc tempus aduenerat, quo Melchiori in Iudiam redeundum erat, quem à nobis dimisimus; nulla spe in hac quidem vita nos reuiscendi. Inde Christianæ rei ex instituto dedimus operam, non sine aliqua difficultate propter occultas conspirationes aduersus Regem in vrbe constatas, à reliquiis coniuratorum, quos mense antè nostrum adueptum capitali supplicio affecerat, ac deinde ad cæteros minori suo cum periculo puniendos in insulam quandam, quæ arcis instar est, sese receperat. Hisce tumultibus & recentes Christiani vehementer, & nos etiam aliquantum perturbabamur animis, quòd ex Regis interitu (si fortè id contigisset) aut mors nobis imminere sine dubio videretur, aut certè multa ac grauià incommoda, quæ magno nobis impedimento forent, quominus rem ex animi sententia gereremus: veruntamen nonnullis à Rege concessis, pax inter eum & ciues composita est, & qualecunque otium consecutum.

Instituti autem nostri in Iaponiis adiuuandis eiusmodi ratio est: Primum, quoniam plurimis tantæ sunt tenebræ, vt animam simul cum corpore interire, nullumq; Dei iudicium de rebus in vita bene vel malè gestis futurum existiment; duos menses quotannis, Nouembrem ac Decembrem, vsque ad octauum diem ante Natales Domini ferias, ponimus in quotidianis, de morte, iudicio, pœnis inferni, deq; cælesti beatitudine cōcionibus, ad quas vniuersi ferè conueniunt Christiani. Die verò mottuorum omnium commemorationi dicato, in eandem rem maiori etiam studio ac cæremonia incūbimus. Toto autē eo tēpore cenotaphiū habemus

mus attritum: super id, responsum vnum verbis conceptis quotidie pronuntiamus, & sacra rituum illorum mysteria populo exponimus. Quo quidem anni tēpore tanta vis frigoris est, vt præter aspiduum gelu matutinum, multa etiam è cœlo decidat nix. Sed Domiaus, pro sua clementia, necessaria nobis remedia suppeditare non desinit.

In festa Natalia, dimissis per finitimas villas nuntiis, Christianorum conuentum indiximus; quorum, a viginti quatuor ac triginta millibus passuum, tanta multitudo confluit, vt eos templa duo coniuncta ædesque nostræ priuatæ non caperent. Media nocte sacrum solenne ritè peregrimus cum hymnis quibusdam piis; de laudibus Natalium Domini, & nonnullas è sacris litteris historias exposuimus, quibus rebus Christiani admodum delectati, & in sacrosancta fide firmati sunt. Post eorum dierum celebritatem, cum æquum esse non videretur, vt intra domesticos parietes inclusi, animas IESV CHRISTI sanguine redemptas in desertis regionibus perire pateremur, missus sum cum Ioanne Fernando ad vicum, quem Cutamen appellant, vbi aliquot Christiani visuntur, quo & gentilibus viam veritatis ostenderem, & Christianis solatium aliquod atque utilitatem afferrem. Et quoniam iter illud pedibus in quo anni tempore sine vlllo comœatu faciebamus; nec frigoris nec famis incommodum defuit. Peruenimus ad montem, vbi nos quidam ethnicus excepit hospitio, & paululum oryzae dedit in cibum; & quia lucebat adhuc, ab eo petimus, vt viam nobis ad vicum quandam finitimum monstrare ne graueretur: quod cum peruenissemus, ad vetulam Christianam probi viri uxorem item Christiani diuertimus, cuius nobis in ministrando studium & alacritas; cum veteris illius ac nascentis Ecclesiæ laudibus procul dubio comparanda, omnem præteriti laboris molestiam ac defatigationem abstergebat. Cœnam pro ipsius angustiis parauimus ex herba iname quam appellant, atque nasturtiis, cum anus ad nos calefaciendos ignem paucis quas habebat paleis excitasset. Eadem monita a nobis, vt aliquos ad Euangelium conuocaret, quamquam nox erat, frigusque perimagnus, tamen tantam in ea re diligentiam adhibuit, vt multos barbaros adduceret, ad quos cum apud senem quendam de salutis ipsorum ratione verba fecissemus; decem ex his permoti diuinitus. Euangelio et credidit: quos simul atque opportunum est visum, magna nostra lætitia, baptizauimus. Accessit ad hos etiam senex annos natus septuaginta, cuius domi sermo de Deo (quem diximus) habitus fuerat. Is cum annos circiter octo graui admodum valitudine laboraret, ita vt mem-

vt membris pænè solutis, inter loquendum vehementissimè tremet, multis in vita homicidiis perpetratis, dæmonis cultor, cuius speciem sese identidem offerentem adorabat vt Deum, biduo post baptisinū Dei beneficio sanus ac liber ab omni tremore surrexit, & omnibus inspectatibus diabolicas syngraphas aliaque id genus igne combussit.

Ex eo loco profecti, antequam Cutamen peruenimus, nos in itinere nox oppressit. In magnis tenebris, frigore, gelu, incerti quā iter esset, aut quē percontaremur, Deum precati nos in viā dedimus, & in cuiusdam ethnici hospitium incidimus, qui nos ad Christianū honoratum hominem hābitantem in eā solitudine misit, quem antequam inuenimus, iterū errauimus, sed ea ipsa noctis hora nobis obtulit Dominus, qui nos ad optatas illius Christiani eīdes aliquando perduceret. Is nos simul ac vidit, statim nobis protolutus ad pedes, nunquam se tāto in honore fuisse dicebat. ea nocte in consolandis animandisque Christianis eius domesticis ibi posita, postridie manē profecti, Cutamen venimus, acceptique hilariter sumus à Christianis, qui cognito nostro aduentu obuiam nobis processerant. Hic dierū aliquot moram fecimus, quo & Christianos confirmaremus, & paganos ad Christū adduceremus, quorum decem conuersi, alii miserabili quodam errore liberati sunt: cū enim sese de more dominis sacramento fidelitatis obstringerent, idque ante idolum stantes, sanguinemque mittentes è brachio, descriptis ex eo litteris quibusdam, quæ legi non possent, & ad extremum syngrapha concremata hero se fidem seruaturos esse iurejurando promitterent, omni studio fecimus, & effecimus, vt si ab ea consuetudine protsus nollent abstinere, saltem per Deum conditorem cœli terræque iurarent, quod nobis omnes se facturos esse polliciti sunt, potiusque mortem opteturos, quā ad pristinam iurisiurandi formulam redituos. Ea res Dominis eorum pergrata fuit, ipsorumque fidem nunc multo quā antea pluris æstimant. Circumspectis huius prouinciæ miseris & inopia, Cosmo visum est, è re communi futurum, si in vrbe Funaiō valetudinarium institueretur. Itaque consilio cum Rege communicato, per amplam domum extruximus, bifariamque diuisimus, vt altera pars elephanticos (quorum magnus in his locis est numerus) altera leuioribus morbis agrotantes exciperet. Confluxere ilico elephantiaci complures, quorum curatio- ni præfecimus vnum è fratribus nostris chirurgiæ peritū, qui contēptis, vt Christum pauperem sequeretur, deliciis diuitisque quas possidebat, in Societatem nostram adscriptus est. Et quoniā vrbe

vrbe tota montibusq; finitimis multi præterea inopes ægrotique versantur: constitutus est Iaponius Christianus annos natus quatuor & viginti, spectatq; virtutis adolescens, qui castitatis voto aliisq; nonnullis Deo sese dicant, ut is egentibus viduisque divideret elemosynas, quas Christiani conijciunt in arcam ob eam ipsam rem publicè positam. Augetur autem quotidie huiusmodi pauperum atque ægrotantium multitudo, in hospitali quam diximus domo, magno eum rei Christianæ adjumento, & barbarorum pudore, cum videant populares suos ægrotos omnes gratis à nobis curari, necessariis medicamentis adhibitis.

Incunte Quadragesima, instituti sunt sermones de sacra Confessione, quam Iaponii tanto cum labore lacrymisque peragebant, ut nostrum nobis temporem tacitè exprobrare quodammodo viderentur.

Per idem tempus multa ac magna capitis periculâ adiuvimus; cum enim Rex arce se contineret, quæ abest ab vrbe vigintiquinque millia passuum, cumque magna latronum vis, sublati iudiciis, vrbe tota volitaret, quorum animi in eadem nostram à Bonziis sollicitabantur; hyeme tota necem in singula momenta expectantes, paucò vino in usum sacrificiorum aliisque rebus nonnullis ut potuimus absconditis, cum vel in cibo capiendo mors nobis ob oculos versaretur, vigiliis inter nos distributis, (quod nunc etiâ facimus) vitâ nostrâ magno sanè labore incommodoque tutati sumus. Quò tempore iussit Rex nobis renuntiari, se nihil opus in tali re nobis afferre posse: proinde nostræ saluti cōsuleremus, molestum sibi fore, si quid nobis incomodi accidisset. Ac reliquâ sanè vrbe itè vigiliæ agebatur, sed omnis nostra spes atq; fiducia ex vnius Domini clementia ac bonitate pendebat. Inter hos metus hyeme exacta, nullo tamè Quadragesimæ die nō habitus est sermo de rebus Diuinis, aliquot se quotidie diuerberantibus, eum sexta quaque feria noctu de passione Domini verba fierent; flagrisque in corpus suum omnes domestici nostri vnâ cum Iaponiis centum ferme sæuirent, qui ad audiendum Euangelium ventitabant. Semihora dicēdo absūmebatur: inde Christi Crucifixi proponebatur vexillum: postremo extinctis luminibus veniebat ad verbera, nec antè cædendi modus fiebat, quàm psalmus quinquagesimus ad finem vsque pronuntiatus esset, idque ea pietatis significatione, ut cuiusvis animus ad religionem & lacrymas commoueri posset. Intet hæc rursus Amangutium inuitamur: sed quia in Bungo constabat operæ fructus; & simul, ut Ioannis Firandi auxilio priuaremur, (nam ei proficiscendum fuerat) Amangutianis rescripsimus,

psimus, Paschalibus festis nos eò venturos. Sacrosancta hebdomada, quanta maxima potuit cæremonia religionèque peracta est. Primum Dominico die Palmarum, solenni sacrificio facto, tamisque de more distributis, prodiimus supplicantes, Crucemque præferentes permagnam; emensaque area spatiosa è regione ianue, foribus in reditu oclulis, Cosmus, qui extra tèplum cum signo Crucis populoque remanserat, clamare cepit, Attollite portas: cui respondebat è templo chorus, vt assidet. cum tertio denique admissus esset, & ad aram maximam ordo comitantium, non sine summa omnium lætitiâ, peruenisset; sacrum missæ continuò captum est. Passione Domini decantanda, ingens animorum motus, & eorum, qui recitabant, & eorum qui audiebant est factus: tantumque dolorem delictorum atrocissima innocentissimi Domini mortis narratio omnibus attulit, simulque intimum solatium ita magnum, vt satis appareret, omnia hæc à Spiritu Sancto proficisci, atque ita sacrum peractum, & ritus illi sanctissimi quid sibi vellent, populo expositum est. ad hæc templi parietes pullo peristromate conuestiti, & sepulchrum excitatum est ad sacratissimum Christi corpus cõsidendum; ac persolueda iusta solennia, adiuuantibus quinque Lusitanis, qui in hac vrbe hyemauerant, seque ad nos Confessionis causa receperant. Quartæ feriæ tenebras quas appellant, alternantibus choris canticum Zachariæ, cū symphonia; deinde psalmus idem quinquagesimus magno cum sensu lacrymisque Christianorum, gentiliùm verò admiratione & approbatione conclusit. Postridie, ad sacram Eucharistiam admissi Lusitani & Iaponii aliquot, qui quidem ad tantum mysterium idonei videbantur; & quia tum primum cœleste illud coniuiuium inibant, summa animi dulcedine ac voluptate perfusi sunt. His ritè peractis, corpus Christi condidimus, templum circumcuntès accensis luminibus. In sepulchri præsidio Lusitani duo, cum totidem pueris, armati maculis ferreis galeisque, sunt collocati: quæ res cū tempus illud referrent, quo Christus liberator noster in terris versatus est; Christianos mirum in modum commouebat, magnoque malè actæ vitæ dolore afficiebat vniuersos. Sextæ feriæ exsequias major populi frequentia celebravit. decantata passione Domini, & corpore Christi recluso non sine motu & comploatione omnium, mirabilis erat sacris peractis dolor ac mœsticia Christianorum domum redeuntium. iidem Sabbato sancto sacris adfuerunt. Ara in medio templo exstructa, sacello etiam maximo aulæ pictaque tabella exornato, in qua Christi resurgētis effigies cernebatur, multis præterea candelis arden-

lis ardentibus, pullum prætendebatur siparium. id, simulatque chorus Kyrie eleison nonies cecinit, subito demissum, aram ipsam & Cosinum stantem aperuit, qui è choro clam se subduxerat, seque ornatu sacrificantis induerat. Vbi verò Angelicus hymnus intonuit, confestim æra campana visumma pullantur. quæ res tanta ac tam repentina læticia Christianos affecit, vt mente pænè emoti viderentur, siue id ex præterito mœnore, siue ex rei nunquam ante id tempus visâ nouitate congereret. sanè ii nobis dicebant se iam nunc in hac vita fructum cœlestis beatitudinis prægustare. Atque his rebus in Christiana fide non mediocriter confirmati sunt. Paschali die, quæ cōsequuta est, corpus Domini circumtulimus sub umbella, cereis & candelis accensis. Symphoniaci ceterique ministri fertis amœnissimis rediunt iucundè psallebant. Nec tempestius tormentorum aliquot fragor, nec magna populi vis celebritati defuit. itaque cōcursus multitudinis nullum eo die locum sacro sermōni reliquit.

Dum hæc gerantur, affertur Amangutio nuntius, dynastam quendam nomine Moridonum copiis adductis, Regeque Amangutii & principibus interfectis, urbem totâ flamma ferroque vastasse. Ac nobis utique, si eò venissemus, fuerat moriendum: sed videlicet nos Dominus dignatus hoc honore non est; quem habet iis tantummodo, quos præcipuè diligit. urbis excidium ingens famæ excepit, quæ cum è barbaris multos, tum è Christianis nonnullos absumpsit; vniuersum verò ciuitatis statum ac sobolem in multos annos omnino perturbauit ac perdidit. Atq; hi sanè bellorum tumultus, quod adhuc experti sumus, Christianæ fidei propagationem magnopere distinent: sed nihilo minùs eo ipso tempore in Bungi regno multi Christiani fieri capti sunt, præsertim ex inopi plebe. nam diuites serè mundo seruiunt, & obtreclatorum vuculas pertimescunt. Firando etiam à Balthasare Gago literas accepimus, in parua quadâ insula, triginta vel quadraginta homines Baptismum petere, Christianos eius regionis in IESV Christi cultu proficere, phanumque exstruxisse, quamquam pro multitudine populi exiguum. Quod verò ad nos ipsos attinet, nūquā occasiones desunt, quibus probemur & exerceamur. Etenim Bonzii fictis criminibus falsisque testibus nos apud populum in inuidiam conantur adducere, quod scilicet humana carne vescamur: atque ad faciendâ mendacis fidē, vestes manantes sanguine in ædiū nostrarum fores occultè cōspiciunt. idque non semel hoc anno fecerūt, qui est à Virginis partu MDLVII. quocirca toto pænè lapone percrebuit, nos damonas esse, nec verbis nostris habendam

dam fidem. quod etiam scriptis in ianua nostra propositis palam edicunt. A pueris etiam interdum lapidibus petimur. Cōplures præterea nos scēdē contumeliosē compellant, tametsi contra honesti viri permulti reuerentur & colunt.

Huiusmodi periculis (vt dicebām) tentamur à Domino, & praeclarē docemur, quā parū sine illius ope valeamus ipsi. Idem tamen hāc Iaponiorum peccata dissimulans, clementiæ suæ non obliuiscitur, ad alliciendos ad se animos nonnullā supra naturam interdum efficiens. Quendam multis iam annis pænē paralyticum Baptismo lustratum intra paucos dies sanitate donauit. Mulierem assiduo singultu, etiam dum loqueretur & cibum caperet, iam diu laborantem, per Baptismum eō vitio liberauit. Aliam energumēnam, vt primū Christiana facta est, dæmon reliquit. E montanis quidam cū feбри cōflictaretur, ad templum nostrū descendit, certus inde non antē discedere, quam sanitatem reciperet, postridieq; conualuit. Iam in ipso valetudinario, quod diximus, vulnera veteresque decē atque etiā viginti annorum abscessus quatuordecimo interdum die sanantur. Atq; hāc omnia necessariā sanē sunt ad huius gentis tenebras dispellēdas, detegendosque diaboli dolos atque prætigias. simulat quis ex composito se mortuū esse, hunc venefici extractum ē sepulchro se ad vitam reuocasse mentiuntur. Interdum etiā adiuvante dæmone ægrotos aliquos curāt. Quidam cū multos iam dies nusquam appareret, veneficorum opera repentē comparuit. Defunctus cū efferretur nescio quis, vbi ad feretrum detegendum sepeliendi causa ventum est, nullū cadaueris ne indicium quidē inueniunt. Hisce aliisque id genus artibus miseros Iaponios diabolus decipit: quorum ad cetera scelera, quæ multa sunt, illa etiam accedit immanitas, vt filios infantes crudeliter enecēt, vel quodd vnum aut alterū sobolis causa satis esse, vel quodd in rei familiaris angustiis eorum felicitati hoc pacto se cōsulere arbitrentur. Persuasum habent etiam alicubi: quæ mulieres ventrem ferant, ex feminā si pepererint, ad inferna damnari: quæ re permotæ fœtum in vtero medicamentis interimunt. Iā verō ventantur Iaponii de vitæ exitu cogitare, ne videlicet mortis metu à flagitiis deterreantur, quocirca mortē repentinā exoptant, beatumque putant cui ita obire contigerit. Sunt etiam qui dæmonē colant, eoque familiarissimē vtantur, quos Iamambuxas hoc est milites conuallium appellant, ii ad famam sanctimonix colligendam, sese grauitè puniunt, stant, vigilant, cibo parcissimo vtuntur; altero denique vel tertio mense, vbi satisfactum esse diabolus pronuntiauerit, nonnullis amentix sociis vñā secum adhibitis e-

mendicata à popularibus stipe, mare petunt, nauiculamque conscendunt, cuius sentinam ita perforant, vt accepta paulatim aqua mergatur. Ad hæc, diabolus magnopere satagit, quo brutorum animantium specie vulgo adoretur, atque vt boues colant, hominem occupat; percontantibus nomen, respōdet se regem esse bouū; rogatus vt abeat, negat se ex homine discessurum, nisi templum sibi exadificaturos esse recipiant. Si pollicentur, abscedit. Si promissa non fecerint, rursus reuertitur, oppressumque hominem variis cruciatibus torquet, quousque phanū adificent, in quo varias beluarum figuras pro numine venerantur, capitali etiam alicubi proposita pœna, si quis bouem occiderit. Interdum etiam venatores, si quam feram interemerint, suis veneficiis in morbum inducit. Itaque eius rei metu feras pro dæmone suppliciter colunt. Quæ omnia facit ille nimirum ob eā causam, vt mortales vero Dei cultu deserto mutant gloriā incorruptibilis Dei in similitudinem imaginis corruptibilis, hominis, & volucrum, & quadrupedum, & serpentium. Iaponiorum doctrina seu superstitio multiplex est, alii nescio quem iam mortuum colunt nomine Amidam, alii quendam, quem Xacam nominant; est etiam hæresis eorum, qui lingua patria Fotoqui vocitantur, in opinionum suarum prauitate vsque adeo pertinaces, vt aures Euangelio prorsus ocludant, negant enim fidem habendam nisi scriptis iis, quæ apud se habent; & pro miraculo est, si quis eorum Christiana sacra suscipiat. Denique Soli etiam ac Lunæ deorum honores habentur, nec non ipsi dæmoni, cui templa erigunt, atque in ipsis templis effigiem eius multo quàm nos fœdiorem ac deformiorem depingunt. Multi sunt etiam cœtus cœnobitarum yriusq; sexus, albo vestium colore, rufo, nigroque distincti, vita moribusque turpissimi.

Societatis nostræ in his partibus tria domicilia sunt. Amangutii vnum, vbi multi erant Christiani: verum ædes eē vnā cum vrbe ipsa incensæ, & solum à barbaris templo Idolorum postea dicatum est; tametsi nunc audimus nonnullos qui superfuerunt Christianos, idipsum iudicio repetiisse, eiusque possessionem nostrò nomine recepiisse. Alterum est domicilium Firandi. Tertium, idemque omnium maximum est hoc Bungense, quod in primis stabile Deo propitio futurum videtur, tum propter Regis, (quamuis nondum Christiani) eximiam erga nos beneuolentiam, & aliis rebus & in consilio dando probatam nobis & cognitam; tum etiam propter existimationem à nobis apud præfectos regio magistratúsque collectam. Accedit quodd Rex Euangelii promulgationem in suo regno sibi gratam esse demonstrat. Ad quem si Rex Lusitaniz Ioan-

nes patronus ac parens Societatis nostræ legatum quempiã mitteret, multum ea res (vt arbitror) ad eius conuersionē valeret. Vos etiam atque etiam Dominum obsecrate carissimi fratres, vt Regē hunc excitet; nam vtique ex eius conuersione huius regni totius insularumque conuersio pendet; quippe cū sit Iaponis Regum hodie in primis potens.

Septembri mense Firandum, cū ibi Balthasar Gagus esset, duæ Lusitanorum naues appulsæ: Itaque à Cosmo ad eius subsidium in Confessionibus audiendis, aliisque laboribus, quos noua prouincia secum affert, eò sum missus. Meo aduentu Gagus, & Lusitani, & ipse regulus oppidi valde gauisi sunt. Et quoniam Christianorum veterum vita morēsque apud hos populos in vtrunque partem plurimum ad exemplum valent; primū omnium suadere Lusitanis institimus, diligenter cauere, ne quē incophytorum exemplo suo offenderent. Multos Confessione purgatos sacra Eucharistia refecimus. omnibus verò dominicis festisque diebus ad Lusitanos à nobis, ad prouinciales à Iaponio Christiano comite nostro magnæ virtutis homine, & salute suorum cupidissimo, conciones habebantur: semel etiam cum symphonia sacrificauimus, & solenni supplicatione: præbant sclopetarii quadraginta cum dispiensione festiua, hostibz sequebantur; deinde Lusitani duo cum funalibus, & crucifer vnus dalmatica indutus, tum è fratribus duo Litanias concinebant: postremum locum tenebat ornatu corporis pretioso Balthasar Gagus sacerdos. Vbi in conspectum nauium ventum est, in quibus erant vexilla sub lata variis Crucibus coloribusque fulgentia, prætereuntes nos maioribus tormentis honoris causa consalutarunt. Frequēs tum ibi forè mercatus erat, quo ex omnibus ferè partibus negotiatores conuenerant. Itaque spectaculum magna Christianorum læticia, magno barbarorum cōpente atque approbatione celebratum est. Cū ad Crucem peruenissemus, quam non longè ab ædibus nostris locauimus; habita de laudibus Crucis oratione, ad templum eodem ordine rediimus. Faxit Dominus vt per hos sanctos ritus qui cernuntur, Creatorem suum agnoscant homines, qui corporis oculis cerni non potest. Interim nuntiatur latus rerum Bugensium progressus, simulque Pauli obitus natione Iaponii, quem ægrum Funaii reliqueram, virum magnis virtutibus præditum. Hunc ferunt, agentem animam, inter mortuis vocibus nihil tamen aequè clarè pronuntiasse ac Iesus, Maria: cuius mortem homines pariter vitamque admirari sunt. Is triennium iam in vinea Domini laborauerat, fidelis o-

pus comēsque noster magno animi ardore, spiritu curaque

salutis humanæ. Itaque multum eius morte damini fecimus; egro enim in tanta hominum nequitia similem Paulo reperias. Balthasar Gagus Cosmii iussu ex eo loco Facatâ profectus est, ut possessionem adiret aræ, quam Rex nobis ad ædes ædificandas attribuit. Inde Bungi Regem inuiset, ut is totam rem auctoritate sua confirmet. speramus autem id valde è re publica futurum. est enim ea vrbs cæteris aliquanto pacatior, quod in creatores opulenti, qui ibi cõmorantur, diuitiis metuentes suis, imminetis belli pericula largis muneribus & cõgiariis redimunt. Hic locus quartum iam quintumve annum abudat annona. exspectamus vicissim vacas Pharaonis strigias, quas vtinam Deus arceat. effodit enim pectus, infantium multitudo à parentibus tali tempore pereuntium: quibus si nunc in ipsa vilitate non parcent, quid in caritate putandum est? Magna enim, (mihi credite) fratres carissimi, sterilitatis incommoda ac difficultates in his regionibus sunt, prorsus ut ipsi diuites herbis tolerent vitam. Idcirco nos Iosephi prudentiam imitati, in annum insequentem aliquid semper custodientes, Christianorum inopiæ ac necessitati consulimus: tamen si inter Iosephi horrea nostraque permultum interest, quippe apud nos non nisi nasturtiorum folia lactucaque sole tostæ adseruantur. Res frumentaria in his locis est perexigua: nam triticum, ubi maturum est, imbriumvi tempestatumque deperditur. Oryzam ferè demetunt, eamque non ita multam, ut vniuersæ vrbi sufficiat: nec ea pauperes, nisi si quædo gratulationis causa vescuntur: quos tamen omnes Domini benignitas alit ac sustinet.

Scriptis his litteris, cognatus quidam Reguli Firandensis armis Regi Bungeshum illatis acie v. ctus est: quem quoniam Firandensis Reguli ope adiutum Rex Bungi cognouit, vastitatem eius regno inferre constituit. propterea Funaio scripsit ad me Cosmum rumorem esse, Bungensem exercitum infestis signis in hæc loca venturum: proinde si opus esset, rebus nostris maturè prospicerem. Ex hoc denique intellexi quid esset, cur antea me Rex Bungi ut Octobri mense hinc discederem, per litteras monuisset. Huius belli metu perterriti afflictique Christiani quidam ad me noctu venerunt, professique sunt, si ego Firandi remanerem, se ad oppetendam mecum vnâ mortem in templum nostrum esse venturos: sin minus, intra priuatos parietes vitam finem exspectaturos: quos ego salutaribus præceptis instructos, iis verbis quæ tempori ac rei conuenire videbantur, bono esse animo iussi. Huius insulæ Firandi circuitus norem passuum millia colligit, & aliquot habet vicos, quorû maximus est hæc ubi sum in præsentia familiarum omnino ducentarum,

rum. In reliquis sunt Christiani nonnulli, quos, nisi bellum impediat, singulis hebdomadis inuisere statui.

Hæc habui, mihi carissimi fratres, quæ de hoc anno MDLVII scriberem. vos oro per IESVM Christum, ut precibus vestris mihi veræ summisionis perfectæque obedientiæ virtutem ab eo impetretis, qui mea causa ad ignominiosam usque Crucis mortem esse obediens voluit. Ex insula Firando, quarto decimo Calend. Nouemb. MDLVII.

MELCHIORIS NONNII AD SOCIETATEM
IESV IN LVSITANIAM.



N A O post Christum natum MDLV. ad vos dedis litteras ex ora Sinarum, ubi hyemare coactus fueram, cum Iaponem tenere non potuissem. Multa in co itinere & magna vitæ pericula adiimus, cum aut in vada incideremus, aut naues inter se concurrerent. In eo autem portu Sinarum ad mensem Iunium usque substititamus, quod anni tempus Iaponicæ nauigationi vulgò putatur idoneum. Sed cum repente decretum esset, insequentem quoque hyemem ibi traducere, continuo Lusitanos qui simul aderant circiter trecentos institimus consuetis officiis adiuuare. Casa itaque & templo è paleis raptim extructo, quotidie Christiana doctrina tradebatur: omnibus verò dominicis festisque diebus sacrum missæ & verba de rebus diuinis non sine magno fructu fiebant. Quo quidem tempore dici non potest, fratres carissimi, quantum voluptatis animo ceperim, cum videre in Sinarum regione, inter tot seculorum idololatrias, diuina sacrificia peragi, & Euangelium promulgari; & præsertim hebdomadæ sacrosanctæ Paschatisque solennia, multis eorum qui aderant, lacrymis lætitiæque celebrari. Illud etiam percommode factum est, ut Lusitani aliquot redimerentur, ab incolis iamdiu in vinculis habiti, & capite sine culpa damnati. Tenebantur autem adeò tætra immanique custodia, ut nisi hisce oculis ego ipse vidissem, nunquam fieri posse putassem, ut quisquam eo vitæ genere spiritum duceret.

Quadragesima exacta, Cantonem Sinarum urbem (quæ Olisiponi magnitudine parè par est) tristes nuntii perferuntur, quibus omnes valde perterriti sumus: in Sancii prouincia tantam repente aquæ vim scaturigine crebra è terræ visceribus erupisse, ut omnem circa regionem ad passuum centum octoginta millia inun-

dauerit, vrbes septem villasque complures obruerit, omnibus incolis vel ipsa inundatione demersis, vel si inundationem effugissent, demisso cœlitus igne consumptis. Quod ita pro certo est habitum, vt Chaurel, qui magistratum Cantone summa cum potestate gerebat, quoddam patrem atque familiam ea calamitate amisisset, administratione deposita, (id enim in partis luctu solenne est) ad obrutam Sancii regionem magno cum squalore discesserit. Hæc autem de Sinis tantummodo cognita sunt; nam Lusitanis aliisque omnino aduenis mediterranea penetrare nō licet. Inde, anno proximo, Iunio mense Iaponem versus nauigare perreximus, & duas inter insulas certum naufragii vitæque discrimen Dei beneficio euasimus, cuius clementia, & in eiusmodi periculis cura salutis nostræ, nostram in ipso fiduciam non mediocriter auget, magnamque spem affert fore, vt Bungi Rex ad Christum adiungatur, præsertim cum eius rei Rex ipse, scriptis ad Prætores Indiarum litteris, significationes dederit non obscuras.

Cum ad Būgi orā appropinquaremus, ad oppidū quoddā appulimus, cuius oppidi principes sumptis armis ab Rege defecerant. ibi ex incolis, qui ad nauē accesserant, audimus urbē totam euersam esse, aufugisse Regem, purare se nostros etiā socios qui ibi commorarentur occisos. Ea res quamuis falsò nuntiata, omnes quotquot eramus in naui magnopere conturbauit ac perculit. Sed illuc nihilominus vento aduerso contendimus, & Socios omnes incolumes Dei beneficio offendimus. Quos ego nobis ad littus obuiam prædeuntes quanto meo gaudio viderim, verbis exsequi fratres carissimi nequeo, prorsus vt a morte reuocati mihi viderentur. Neque verò in eo congressu Cosmus ille Turrianus temperare lacrymis poterat, bonus utique senex, & vir planè egregius. Annos aliquot Amangutii vixerat, in ea vrbe relictus a Francisco Xauerio. ibi rem Christianam administrauit egregiè, multis magnisque laboribus ac difficultatibus fortiter superatis. Etenim vel intra priuatos ipsos parietes à Bonziis lapidibus sputisque appetitus, illusus, & contumeliosè tractatus est, cum sine magno periculo domo pedem efferre non posset, idque ob eam maxime causam, quoddam post Frãscisci Xauerii ex eo regno discessum, Rege ipso Amangutii ex insidiis interfecto, assiduo pænè bello ac seditionibus, cum vniuersæ ferè nobilitatis ac magistratuum cæde regnum illud exarserat: cuius rei culpam Bonzii (quorum est magna apud plebem auctoritas) cum in Christiana sacra suscepta neglectaque Deorum religiones conferrent, tantam in inuidiam Cosmum adduxerant, vt & mundus illi crucifixus, & ille mundo vicissim iure optime

optimo dici posset. Sed cum in hisce incommodis & ærumnis præclara nimirum conscientia sustentabat: quippe qui ad Christi Domini nostri gloriam retulisset omnia, & Amangutianam Ecclesiam interim conseruari atque augeri intelligeret. Denique mihi narrabat, nunquam se in vita, lætitiæ ac voluptatis tantum cepisse, quantum per id tempus Amangutii percepisset. planè ut existimem illum è lacrymarum in ira suauitate & copia, magna ex parte oculorum aciem perdidisse. Vt in Bungu veni, dedi operâ ut Regem ipsum inuiserem, multisque eum rationibus ad Christum traducere sum conatus: sed frustra, partim quòd hostium metu in locum munitum sese præsidii causa recepisset, partim etiam quòd sibi intelligeret Christiana lege mores esse mutandos. Accedebat illa quoque suspicio, fore ut populares sui Christianum regem ferre nollent. Sed illud maximè retardabat hominem, quòd damoni deditus est in ea Bonziorum secta, quæ animum ait vnâ corpore interire, spiritum esse nullum, & nihil omnino præter ea quæ sensu percipimus. Sunt autem Bonzii cum regni proceribus affinitate cõiuncti, nobis verò, quòd plebi eorum scelera fraudesque detegimus, iniquissimi, tantisque mendaciis populum operant, nihil vt Euangelio in his terris maiori impedimento esse videatur. Quod idem Francisco quoque Xauerio (quamuis id hoc celaret) vsu venisse nunc demum cognoui. Quot ille in iis locis incommoda superauit, cum pedibus iter assidue faceret, cum per vias ædesque Bonziorum ac principum concionaretur, vulgaribusque cibariis, quæ insipidissima sunt, victitaret! In magnis verò frigoribus, instar famuli a pedibus, Iaponios equites citato gressu persequeretur, talariveste nunquam deposita, & quidem sarcinula onustus, vt eo comitatu insidias latronum efugeret. Idem in castigandis Iaponiorum flagitiis & superstitionibus adedò fuit liber ac yehemens, vt trepidaret comes eius, qui mihi hæc deinde cuncta narravit. Quoties illè puerorum insectaptium vociferationes, iurgia, lapidationes constanti semper inuictoque animo pertulit! Mortem verò pro Christo vsque adedò optabat, vt eam vltro parè quarere videretur. Regis quidem Amangutii nefario flagitio libere atque acriter accusando, non obscurum adiit vitæ discrimen. Iaponiis proceribus quibusdam eum parum honorificè compellantibus, trementem interpreterem, & muctonis ictum in singula momenta expectantem, iisdem compellationibus (taneti citra contumeliam) respondere iubeat. idque non contumacia elatus, sed quòd illud sentiret ac diceret: nullam (vt tum res erant) suæ doctrinæ

rant. Neque verò Facatæ, quâquam templo à militibus direpto & disturbato, cessatum est. Nam præter feminas puerosque patres familiarum sex baptizati sunt, quorum opera illam Ecclesiam propediem restitutum iri confido. Atque, ut intelligas, Iaponii Christiani quantum in virtute profecerint, narrabo quid vni eorum nobili genere nato contigerit. Is cum esset Amangutii apud amicū opulentum, qui agros oryzae feraces ei fruendos dederat, cumque videret se occupationibus distineri, quo minus Christo, quemadmodum optabat, totum se manciparet ac traderet, fundo vestigalibusque relictis, Facatam unā cum vxore, liberis, ac seruis venit, ubi non modo seipsum Deo verè atque ex animo dedit; sed filium quoque indolis egregiæ nobis tradidit tenera adhuc ætate, Societatis nostræ doctrina præceptisque imbuendum. Idem, ut vni Deo vacaret, abjectis omnibus negotiis, totum Quadragesimæ tempus posuit apud nos: quidquid à quotidiano sacro & concione supererat otii, totum id, precando, cōtemplandis sempiternis præmiis atque suppliciis, mortēque & extremō iudicio insumens: quibus rebus in Domini nostri Iesv Christi cognitione & amore crescebat in dies. Accedebat ad eius constantiam virtutēque corroborandam, rerum à martyribus piè foreiterque gestarum assidua recordatio: è quibus præcipuè diui Stephani delectabatur præclaro facinore, pro lapidatoribus suis in extremō spiritu Dominum deprecantis. Vbi hebdomadæ sacræ dies venerunt, vitæ maculis per Confessionem diligenter elutis, ipso Paschatis die cum aliis quattuor aut quinque cœlesti pane sese pavit ac muniit. Quinto autem sextove post die, capta vrbe Facatæ, è principibus quidam qui seditione commota in Regem Bungi arma ceperat, is apud quem noster Christianus (ut diximus) Amangutii antea vixerat, se ab illo desertum indignatus, cum à sicariis ad necem conquiri iubet: quos ille ubi se adorientes aspexit, non modo arma non sumpsit, cum esset vir alioqui fortis ac strenuus; sed etiam quasi mansuetus agnus in genua procubuit, tam diu ad Dominum Deum oratione conuersa, quoad usque impio ferro confossus eidem animam reddidit. nec dubitamus quin pro intersectoribus fuderit preces. Etenim diui Stephani exemplum intimis eius medullis inhæserat. Filius apud nos, vxor autem & filia apud sanctam feminam precationi ac penitentia deditæ, magnos in virtutibus habent processus.

Alexander est quidam alius Christianus. is cum esset in famulatu potentis viti in agro Facatensi, haberetque in eodem famulatu socram & coniugem, quæ vxori domini seruiebant; à Spiritu sancto permotus, ea familiaritate salarioque relicto, Facatam, Baptismi peten-

petendi causa concessit. quo imperiato, perceptis iam Christianæ fidei rudimentis, tota de re dominum fecit per litteras certiorē, eumque ita IESU fallente commouit, ut conjugem & socrum ad ipsum continuo dimiserit, quæ item ad Ecclesiam aggregatæ sunt, & conjux quidē quindecim post diebus excessit e vita, IESVS, MARIA pie prohuntians: quā multis rationibus in cælum ascendisse confidimus: Alexander verò vxoris morte sanctissimè ob. ita adeò permotus est, ut omnem pecuniam abicere, vitam cælibem agere, & quoad spirauerit, Cosmo Turriano parere decreuerit. Piis sacrificiis tuis & reliquorum patrum fratrumque mihi carissimorum me valde commendo, è Bungo, iij. Nonas Octobris, MDLIX.

LIBRI PRIMI FINIS.

SELECTARVM

EPISTOLARVM

EX INDIA

LIBER SECVNDVS.

LAURENTII IAPONII AD
SOCIOS.



CœPI vestras litteras, quæ mihi peti-
cundæ fuerunt: & quoniam intelligo quan-
to vicissim desiderio teneamini aliquid de
statu nostro cognoscendi, exponam paucis,
quæ nobis in hac Meacensi provincia con-
tingerunt. Primùm igitur Didaci domum de-
uenimus in Sacomoto vico: qui vicus jacet
ad montis Frenoiamæ radices, in quo
cùm cœnobii litteratique permulti, tum verò insignis cuius-
dam principis Bonziorum domicilium cernitur. ad eum mon-
tem cùm peruenissemus, misit me Gaspar cum litteris ad Bon-
zium nomine Daizembum, quibus ille perlectis, aduentusque
nostri

lis ardentibus, pullum prætendebatur siparium. id, simulatque chorus Kyrie eleison nonies cecinit, subito demissum, aram ipsam & Cosinum stantem aperuit, qui è choro clani se subduxerat, seque ornatu sacrificantis induerat. Vbi verò Angelicus hymnus intonuit, confestim ara campana visumma pulsantur. quæ res tanta ac tam repentina lætitia Christianos affecit, vt mente pænè emoti viderentur, siue id ex præterito mœrore, siue ex rei nunquam ante id tempus visæ nouitate conringeret. sanè ii nobis dicebant se iam nunc in hac vita fructum cœlestis beatitudinis prægustare. Atque his rebus in Christiana fide non mediocriter confirmati sunt. Paschali die, quæ cōsequuta est, corpus Domini circumtulimus sub umbella, cereis & candelis accensis. Symphoniaci cæteri que ministri fertis amœnissimis redimitti iucundè psallebant. Nec tempestius tormentorum aliquot fragor, nec magna populi vis celebritati defuit. itaque concursus multitudinis nullum eo die locum sacro sermōni reliquit.

Dum hæc geruntur, affertur Amangutio nuntius, dynastam quendam nomine Moridonam copiis adductis, Regeque Amangutii & principibus interfectis, urbem totâ flamma ferroque vastasse. Ac nobis utique, si eò venissemus, fuerat moriendum: sed videlicet nos Dominus dignatus hoc honore non est; quem habet iis tantummodo, quos præcipuè diligit. urbis excidium ingens famæ excepit, quæ cum è barbaris multos, tum è Christianis nonnullos absumpsit; vnuersum verò ciuitatis statum ac sobolem in multos annos omnino perturbauit ac perdidit. Atque hi sanè bellorum tumultus, quod adhuc experti sumus, Christianæ fidei propagationem magnopere distinent: sed nihilo minùs eo ipso tempore in Bungi regno multi Christiani fieri capti sunt, præsertim ex inopi plebe. nam diuites ferè mundo seruiunt, & obtrectatorum vòculas pertimescunt. Firandò etiã à Balthasare Gago literas accepimus, in parua quadã insula, triginta vel quadraginta homines Baptismum petere, Christianos eius regionis in IESV Christi cultu proficere, phanumque extruxisse, quamquam pro multitudine populi exiguum. Quod verò ad nos ipsos attinet, nūquã occasiones desunt, quibus probeamur & exerceamur. Etenim Bonzii fœtis criminibus falsisque testibus nos apud populum in inuidiam conantur adducere, quod scilicet humana carne vescamur: atque ad faciendã mendacis fidẽ, vestes manantes sanguine in adiu nostrarum fores occultè cõjiciunt, idque non semel hoc anno fecerunt, qui est à Virginis partu MDLVII. quocirca toto pæne lapone percrebuit, nos dæmonas esse, nec verbis nostris habendam

dam fidem. quod etiam scriptis in ianua nostra propositis palam edicunt. A pueris etiam interdum lapidibus petimur. Cōplures præterea nos sædē contumeliosē compellant, tametsi contra honesti viri permulti reuerentur & colunt.

Huiusmodi periculis (vt dicebām) tentamur à Domino, & præclarē docemur, quā parū sine illius ope valeamus ipsi. Idem tamen hæc Iaponiorum peccata dissimulans, clementiæ suæ non obliuiscitur, ad alliciendos ad se animos nonnulla supra naturam interdum efficiens. Quendam multis iam annis pænē paralyticum Baptismo Iustratum intra paucos dies sanitas donauit. Mulierem assiduo singultu, etiam dum loqueretur & cibum caperet, iam diu laborantem, per Baptismum eo vitio liberauit. Aliam energumēnam, vt primū Christiana facta est, dæmon reliquit. E montanis quidam cū febris consisteretur, ad templum nostrū descendit; certus inde non antē discedere, quam sanitatem reciperet, postridieq; copualuit. Iam in ipso valetudinario, quod diximus, vulnera veteresque decē atque etiā viginti annorum abscessus quatuordecimo interdum die sanantur. Atq; hæc omnia necessaria sanē sunt ad huius gentis tenebras dispellēdas, detegendosque diaboli dolos atque præstigias. simulat quis ex composito se mortuū esse, hunc venefici extractum ē sepulchro se ad vitam reuocasse mentiuntur. Interdum etiā adiuuante dæmone ægrotos aliquos curāt. Quidam cū multis iam dies nusquam appareret, veneficorum opera repentē comparuit. Defunctus cū efferretur nescio quis, vbi ad feretrum detegendum sepeliendi causa ventum est, nullū cadauetis ne indicium quidē inueniunt. Hisce aliisque id genus artibus miseros Iaponios diabolus decipit: quorum ad cetera scelera, quæ multa sunt, illa etiam accedit immanitas, vt filios infantes crudeliter enecēt, vel quòd vnum aut alterū sobolis causa satis esse, vel quòd in rei familiaris angustiis eorum felicitati hoc pacto se cōsulere arbitrentur. Persuasum habent etiam alicubi: quæ mulieres ventrem ferant, ex femina si pepererint, ad inferna damnari: quare permotæ foetum in utero medicamentis interimunt. Iā verò vetantur Iaponii de vitæ exitu cogitare, ne videlicet mortis metu à flagitiis deterreantur. quocirca mortē repentinam exoptant, beatumque putant cui ita obire contigerit. Sunt etiam qui dæmonē colant, eoque familiarissimē vtantur, quos Iamamburas hoc est milites conuallium appellant, ii ad famam sanctimoniæ colligendam, sese grauitè puniunt, stant, vigilant, cibo parcissimo vtuntur, altero denique vel tertio mense, vbi satisfactum esse diabolus pronuntiauerit, nonnullis amentię sociis vna secum adhibitis e-

mendica-

mendicata à popularibus stipe, mare petunt, nauiculamque conscendunt, cuius sentinam ita perforant, vt accepta paulatim aqua mergatur. Ad hæc, diabolus magnopere satagit, quo brutorum animantium specie vulgo adoretur, atque vt boues colant, hominem occupat; percontantibus nomen, respondet se regem esse bou; rogatus vt abeat, negat se ex homine discessurum, nisi templum sibi exadificaturos esse recipiant. Si pollicentur, abscedit. Si promissa non fecerint, rursus reuertitur, oppressumque hominem variis cruciatibus torquet, quousque phanu adificent, in quo varias beluarum figuras pro numine veneratur, capitali etiam alicubi proposita pœna, si quis bouem occiderit. Interdum etiam venatores, si quam feram interemerit, suis veneficiis in morbum inducit. Itaque eius rei metu feras pro dæmone suppliciter colunt. Quæ omnia facit ille nimirum ob eâ causam, vt mortales vero Dei cultu deserto mutent gloriâ incorruptibilis Dei in similitudinem imaginis corruptibilis, hominis, & voluerum, & quadrupedum, & serpentium. Iaponiorum doctrina seu superstitio multiplex est, alii nescio quem iam mortuum colunt nomine Amidan, alii quendam, quem Xacam nominant; est etiam hæresis eorum, qui lingua patria Fotoqui vocitantur, in opinionum suarum prauitate vsque aded pertinaces, vt aures Euangelio prorsus ocludant, negant enim fidem habendam nisi scriptis iis, quæ apud se habent; & pro miraculo est, si quis eorum Christiana sacra suscipiat. Denique Soli etiam ac Lunæ deorum honores habentur, nec non ipsi dæmoni, cui templa erigunt, atque in ipsis templis effigiem eius multo quàm nos fœdiorem ac deformiorem depingunt. Multi sunt etiam cœtus cœnobitarum ytriusque sexus, albo vestium colore, rufo, nigroque distincti, vita moribusque turpissimi.

Societatis nostræ in his partibus tria domicilia sunt. Amangurii vnum, vbi multi erant Christiani: verum ades eę vnâ cum vrbe ipsâ incensæ, & solum à barbaris templo Idolorum postea dicatum est: tametsi nunc audimus nonnullos qui superfuerunt Christianos, id ipsum iudicio reperiisse, eiusque possessionem nostro nomine recepissee. Alterum est domicilium Firandi. Tertium, idemque omnium maximum est hoc Bungense, quod in primis stabile Deo propitio futurum videtur, tum propter Regis, (quamuis nondum Christiani) eximiam erga nos benevolentiam, & aliis rebus & in consilio dando probatam nobis & cognitam; tum etiam propter existimationem à nobis apud præfectos regio magistratûque collectam. Accedit quod Rex Euangelii promulgationem in suo regno sibi gratam esse demonstrat. Ad quem si Rex Lusitaniz Ioan-

nes patronus ac parens Societatis nostræ legatum quempiã mitteret, multum ea res (vt arbitror) ad eius conuersionẽ valeret. Vos etiam atque etiam Dominum obsecrate carissimi fratres, vt Regẽ hunc excitet; nam vtrique ex eius conuersione huius regni totius insularumque conuersio penderet; quippe cùm sit Iaponis Regum hodie in primis potens.

Septembri mense Firandum, cùm ibi Balthasar Gagus esset, duæ Lusitanorum naues appulsa: Itaque à Cosmo ad eius subsidium in Confessionibus audiendis, aliisque laboribus, quos noua prouincia secum affert, eò sum missus. Meo aduentu Gagus, & Lusitani, & ipse regulus oppidi valde gauisi sunt. Et quoniam Christianorum veterum vita morisque apud hos populos in vtrâque partem plurimum ad exemplum valent; primum omnium suadere Lusitanis institimus, diligenter cangerent, ne quẽ neophytorum exemplo suo offenderent. Multos Confessione purgatos sacra Eucharistia refecimus. omnibus verò dominicis festisque diebus ad Lusitanos à uobis, ad prouinciales à Iaponio Christiano comite nostro magnæ virtutis homine, & salute suorum cupidissimo, conciones habebantur: semel etiam cum symphonia sacrificauimus, & solenni supplicatione: præbant scilicet quadraginta cum disputatione festiua, hostibz sequebantur; deinde Lusitani duo cum funalibus, & crucifer vnus dalmatica indutus, tum è fratribus duo Litanias concinebant: postremum locum tenebat ornatu corporis pretioso Balthasar Gagus sacerdos. Vbi in conspectum nauium ventum est, in quibus erant vexilla sub lata variis Crucibus coloribusque fulgentia, prætereuntes nos maioribus tormentis honoris causa consalutarunt. Frequẽs tum ibi fortè mercatus erat, quo ex omnibus ferè partibus negotiatores conuenerant. Itaque spectaculum magna Christianorum lætitiâ, magno barbarorum cõuentu atque approbatione celebratum est. Cùm ad Crucem peruenissemus, quam non longè ab ædibus nostris locauimus; habita de laudibus Crucis oratione, ad templum eodem ordine rediimus. Faxit Dominus vt per hos sanctos ritus qui cernuntur, Creatorem suum agnoscant homines, qui corporis oculis cerni non potest. Interim nuntiatur latus rerum Buugensium progressus, simulque Pauli obitus natione Iaponii, quem ægrum Funaii reliqueram, vitam magnis virtutibus præditum. Hunc ferunt, agentem animam, inter mortuis vocibus nihil tamen aquè clarè pronuntiasse ac Iesus, Maria: cuius mortem homines pariter vitamque admirati sunt. Is triennium iam in vinea Domini laborauerat, fidelis orator, & comesque noster magno animi ardore, spiritu curaque

salutis humanæ. Itaque multum eius morte damni fecimus; egro enim in tanta hominum nequitia similem Paulo reperias. Balthasar Gagus Cosmii iussu ex eo loco Facatâ profectus est, ut possessionem adiret areæ, quam Rex nobis ad ædes ædificandas attribuit. Inde Bungi Regem inuifet, ut is totam rem auctoritate sua confirmet. speramus autem id valde è re publica futurum. est enim ea vrbs cæteris aliquanto pacatior, quòd mercatores opulenti, qui ibi cõmorantur, diuitiis metuentes tuis, imminetis belli pericula largis muneribus & cõgiariis redimunt. Hic locus quattuor iam quintumve annum abundat annona. exspectamus vicissim vaccas Pharaonis strigolias, quas utinam Deus arceat. effodit enim pectus, infantium multitudo à parentibus tali tempore pereuntium: quibus si nunc in ipsa uilitate non parcent, quid in caritate putandum est? Magna enim, (mihi credite) fratres carissimi, sterilitatis incommoda ac difficultates in his regionibus sunt, prorsus ut ipsi diuites herbis tolerent vitam. Idcirco nos Iosephi prudentiam imitati, in annum insequentem aliquid semper custodientes, Christianorum inopiæ ac necessitati consulimus: tamen inter Iosephi horrea nostraque permultum interest, quippe apud nos non nisi nasturtiorum folia lactucæque sole tostæ adseruantur. Res frumentaria in his locis est perexigua: nam triticum, ubi maturum est, imbrium vi tempestatûque deperditur. Oryzam ferè demetunt, eamque non ita multam, ut vniuersæ vrbi sufficiat: nec ea pauperes, nisi si quâdo gratulationis causa vescuntur: quos tamen omnes Domini benignitas alit ac sustinet.

Scriptis his litteris, cognatus quidam Reguli Firandensis armis Regi Bungensium illatis acie v. ctus est: quem quoniam Firandensis Reguli ope adiutum Rex Bungi cognouit, vastitatem eius regno inferre constituit. propterea Funaio scripsit ad me Cosmus rumorem esse, Bungensem exercitum infestis signis in hæc loca venturum: proinde si opus esset, rebus nostris maturè prospicerem. Ex hoc denique intellexi quid esset, cur antea me Rex Bungi ut Octobri mense hinc discederem, per litteras monuisset. Huic belli metu perterriti afflictique Christiani quidam ad me nocti venerunt, professique sunt, si ego Firandi remanerem, se ad oppetendam mecum vnâ mortem in templum nostrum esse venturos: sin minus, intra priuatos parietes vitæ finem exspectaturos: quos ego salutatibus præceptis instructos, iis verbis quæ tempori ac rei conuenire videbantur, bono esse animo iussi. Huic insulæ Firandi circuitus nouem passuum millia colligit, & aliquot habet vicos, quorû maximus est hic ubi sum in præsentia familiarum omnino ducenta-

rum,

rum. In reliquis sunt Christiani nonnulli, quos, nisi bellum impediat, singulis hebdomadis inuisere statui.

Hæc habui, mihi carissimi fratres, quæ de hoc anno MDLVII scriberem. vos oro per IESVM Christum, vt precibus vestris mihi veræ summisionis perfectæque obedientiæ virtutem ab eo impetretis, qui mea causa ad ignominiosam vsque Crucis mortem esse obediens voluit. Ex insula Firando, quarto decimo Calend. Nouemb. MDLVII.

MELCHIORIS NONNII AD SOCIETATEM IESV IN LVSITANIAM.



Nunc post Christum natum MDLV. ad vos dedi litteras ex ora Sinarum, vbi hyemare coactus fueram, cum laponem tenere non potuissem. Multa in co itinere & magna vitæ pericula adiuimus, cum aut in vada incideremus, aut naues inter se concurrerent. In eo autem portu Sinarum ad mensem Iunium vsque substitieramus, quod anni tempus laponica navigationi vulgò putatur idoneum. Sed cum repente de cetero esset, insequentem quoque hyemem ibi traducere; continuo Lusitanos qui simul aderant circiter trecentos institimus consuetis officiis adiuuare. Casa itaque & templo è paleis raptim extructo, quotidie Christiana doctrina tradebatur: omnibus verò dominicis festisque diebus sacrum missæ & verba de rebus diuinis non sine magno fructu fiebant. Quo quidem tempore dici non potest, fratres carissimi, quantum voluptatis animo ceperim, cum videre in Sinarum regione; inter tot seculorū idololatrias, diuina sacrificia peragi, & Euangelium promulgari; & præsertim hebdomadæ sacrosanctæ Paschatisque solennia, multis eorum qui aderant, lacrymis lætitiæque celebrari. Illud etiam per commodè factum est, vt Lusitani aliquot redimerentur, ab incolis iamdiu in vinculis habiti, & capite sine culpa dampnati. Tenebantur autem adedò terra immanique custodia, vt nisi hisce oculis ego ipse vidissem, nunquam fieri posse putassem, vt quisquam eo vitæ genere spiritum duceret.

Quadragesima exacta, Cantonem Sinarum urbem (quæ Olisiponi magnitudine parè par est) tristes nuntii perferuntur, quibus omnes valde perterriti sumus: in Sancii prouincia tantam repente aquæ vim scaturigine crebra è terræ visceribus erupisse, vt omnem circa regionem ad passuum centum octoginta millia inun-

dauerit, vrbes septem villasque complures obruerit, omnibus incolis vel ipsa inundatione demersis, vel si inundationem effugissent, demisso cœlitus igne consumptis. Quod ita pro certo est habitum, vt Châurel, qui magistratum Cantone summa cum potestate gerebat, quoddam patrem atque familiam ea calamitate amisisset, administratione deposita, (id enim in patris luctu solenne est) ad obrutam Sancii regionem magno cum squalore discesserit. Hæc autem de Sinis tantummodo cognita sunt; nam Lusitanis aliisque omnino aduenis mediterranea penetrare non licet. Inde, anno proximo, Iunio mense Iaponem versus nauigare perreximus, & duas inter insulas certum naufragii vitæque discrimen Dei beneficio euasimus. cuius clementia, & in eiusmodi periculis cura salutis nostræ, nostram in ipso fiduciam non mediocriter auget, magnamque spem affert fore, vt Bungi Rex ad Christum adiungatur, præsertim cum eius rei Rex ipse, scriptis ad Prætorum Indiæ litteris, significationes dederit non obscuras.

Cum ad Bungi oram appropinquaremus, ad oppidum quoddam appulimus, cuius oppidi principes sumptis armis ab Rege defecerant. ibi ex incolis, qui ad nauem accesserant, audimus urbem totam euersam esse, aufugisse Regem, putare se nostros etiam socios qui ibi commorarentur occisos. Ea res quamuis falso nuntiata, omnes quotquot eramus in navi magnopere conturbauit ac perculit, Sed illuc nihilominus vento aduerso contendimus, & Socios omnes incolumes Dei beneficio offendimus. Quos ego nobis ad litus obuiam prodeuntes quanto meo gaudio viderim, verbis exsequi fratres carissimi nequeo, prorsus vt a morte reuocati mihi viderentur. Neque verò in eo congressu Cosmus ille Turrianus temperare lacrymis poterat, bonus utique senex, & vir planè egregius. Annos aliquot Amangutii vixerat, in ea urbe relictus a Francisco Xauerio. ibi rem Christianam administravit egregie, multis magnisque laboribus ac difficultatibus fortiter superatis. Etenim vel intra priuatos ipsos parietes à Bonziis lapidibus sputisque appetitus, illusus, & contumeliose tractatus est, cum sine magno periculo domo pedem efferre non posset, idque ob eam maxime causam, quoddam post Frâncisci Xauerii ex eo regno discessum, Rege ipso Amangutii ex insidiis interfecto, assiduo pænè bello ac seditionibus, cum vniuersæ ferè nobilitatis ac magistratuum cæde regnum illud exarserat: cuius rei culpam Bonzii (quorum est magna apud plebem auctoritas) cum in Christiana sacra suscepta neglectasque Deorum religionem conferrent; tantam in inuidiam Cosmum adduxerant, vt & mundus illi crucifixus, & ille mundo vicissim iure optimo

optimo dici posset. Sed eum in hisce incommodis & ærumnis præclara nimirum conscientia sustentabat: quippe qui ad Christi Domini nostri gloriam retulisset omnia, & Amangutionam Ecclesiam interim conseruari atque augeri intelligeret. Denique mihi narrabat, nunquam se in vita, lætitiæ ac voluptatis tantum cepisse, quantum per id tempus Amangutii percepisset. planè ut existimem illum è lacrymarum mira suauitate & copia, magna ex parte oculorum aciem perdidisse. Ut in Bungu veni, dedi operâ ut Regem ipsum inuiserem, multisque eum rationibus ad Christum traducere sum conatus: sed frustra, partim quòd hostium metu in locum munitum sese præsidii causa recepisset, partim etiam quòd sibi intelligeret Christiana lege mores esse inutandos. Accedebat illa quoque suspicio, fore ut populares sui Christianum regem ferre nollent. Sed illud maximè retardabat hominem, quòd dæmoni deditus est in ea Bonziorum secta, quæ animum ait vnâ cum corpore interire, spiritum esse nullum, & nihil omnino præter ea quæ sensu percipimus. Sunt autem Bonzii cum regni proceribus affinitate cõiuncti, nobis verò, quòd plebi eorum scelestâ fraudesque detegimus, iniquissimi, tantisque mendaciis populum operant, nihil vt Euangelio in his terris maiori impedimento esse videatur. Quod idem Francisco quoque Xauerio (quamuis id nos celaret) vsu venisse nunc demum cognoui. Quot ille in iis locis incommoda superauit; cum pedibus iter assidue faceret, cum per vias adeseque Bonziorum ac principum concionaretur, vulgaribusque cibariis, quæ insipidissima sunt, victitaret! In magnis verò frigoribus, instar famuli a pedibus, Iaponios equites citato gressu persequeretur, salari veste nunquam deposita, & quidem sarcinula onustus, vt eo comitatu insidias latronum efugeret. Idem in castigandis Iaponiorum flagitiis & superstitionibus aded fuit liber ac yehemens, vt trepidaret comes eius, qui mihi hæc deinde cuncta narravit. Quoties ille puerorum insectantium vociferationes, iurgia, lapidationes constanti semper inuisibique animo pertulit! Mortem verò pro Christo vsque aded optabat, vt eam ultro pænè quærere videretur. Regis quidem Amangutii nefario flagitio libere atque acriter accusando, non obscurum adiit vitæ discrimen. Iaponiis proceribus quibusdam eum parum honorifice compellantibus, trementem interpreterem, & muetonis ictum in singula momenta expectantem, iisdem compellationibus (tamen citra contumeliam) respondere iubebat. idque non contumaciâ elatus, sed quòd illud sentiret ac diceret: nullam (vt tum res erant) suæ doctrinæ

dictorumque in iis locis auctoritatem futuram, nisi maiore apud eos esset in honore, quam ipsimet Bonzii, quos illi sanè valde reuerentur. Quam eius animi magnitudinem vitæque contemptum Iaponii vsque adeò mirabantur, vti Xaverius etiamnum magnum apud multos nomen sanctitatis obtimeat. Ego in grauissimam febrem incidi magno sanè vitæ periculo: ex qua tertio denique mense præter opinionem euasi: cumque res Iaponicæ turbulentæ exiguam spem profectus ostenderent, infirmo etiã tum corpore, ad meum prouinciale munus in Indiam mihi renauigandum existimaui. Huc nos (qualem nec videre me in vita memini, nec verò existere vnquam posse putavi) sæuissima dierum quinque tempestate iactati, incolumes Deo miserrante peruenimus: cuius bonitatem supplices exoramus, vt quos è tot periculis ereptos in hæc loca perduxit, eisdem obedientia duce ad cœlestia regna sedesque peruenire patatur. Cocino, 11. Idus Ianuar. MDLVIII.

GASPARIS VILELÆ AD SOCIETATEM

IESV GOAM.

ANno superiore, fratres mihi carissimi, ad vos fusè perscripti res cum aliis huius prouinciæ locis, tum præsertim Firandi gestas, vbi annum sum commoratus, quo temporis spatio Christiani mille & trecenti facti, templaque tria Christo dedicata sunt, quæ Idolorum antea fuerant, quam rerum conuersionem aduersarius ægre ferens, magnas in nos turbas per Bonzium quendam exciuit, qui ex incremento rei Christianæ acri odio in nos iam antè concepto, habita in super nobiscum disputatione turpiter victus, adeò exarsit dolore ac rabie, vt in perniciem nostram ex illa die neruos omnes intenderit. Confestim praua Bonziorum dogmata atque mendacia vulgò prædicare aggressus est, idque eo euentu, vt cuius nomen Firandi ante id tempus obscurum atque ignotum fuisset, plurimos iam sectatores haberet, nec plebs modò, sed ipsi Bōzii ex eius ore pederent. Inter hæc ille populum in nos omni arte incitare, monere & hortari, vt nos, sicuti Franciscum Xaverium antè, exterminarent, atque ita Deorum ab se iram ac minas auerterent: quibus rebus effectum est, non solum vt multi in nos falsum dicerent testimonium, sed etiam (quod Christianos pupugit vehementer) vt Crucem effringere non dubitarent in sacro cœmeterio positam: quam injuriam & Regulus ipse, & alii quot

quot alii Christi gloriæ cupidi, quanquam vlcisci parati, iustis tamen de causis patienter tulerunt. Dominus verò Deus noster nihil iis aliisque multis eorum sceleribus commotus, sed recitatus miseracionum suarum antiquarum, pro flammis atq; fluminibus signa misit de cælo ad eorum tenebras fugandas per quâ clara & illustria: etenim in media æris regione species Cæcis apparuerunt, aliaq; prodigia valde conspicua, verum enim vero vsque ad eod denſa caligine mentes eorum obductæ sunt, vt insolitam lucem intueri nequiverint; sed potiùs in sua pertinacia obfirmatiores, neophytos à Christi cultu summa vi réuocare conati sint.

Meacum est vrbs totius Iaponis caput, frequentissima academia litteratorumq; conuentu percelebris: cui ciuitati quòd Euangelii lux nondum affulſit, Cosmo Turriano Reçtori nostro visum est faciendum, vt aliquis nostrum ad explorandum ciuitatis statum, simulque tentandum quis ibi locus Euangelio sit, mitteretur. Eius rei gratia crebris supplicationibus ac sacrificiis ritè peractis, hæc mihi prouincia obtigit, quâuis ad tatum onus haudquaquam idoneo. Sed qui illud mihi imposuit Dominus, idem ferendo quoque suppedabit vires. Equidem, quod ad me attinet, mortem, injurias, incommoda, & frigora, quæ in iis regionibus maxima sunt, mihi propono. Iaponicæ linguæ tametſi consuetudinẽ aliquam nactus sum, tamen quo facilius atq; commodiùs cum Iaponiis agere possim, interpretem è Societate nostra Iaponium mecum duco, iamque me ad iter accingo. Itaque nè longior sim, temporis angustia prohibent. Ille à vobis fratres carissimi enixè peto quæsoque, vt me iu tali tantaque re omnis opis egentem, Domino quàm diligentissimè commendetis. Ex Iapone, Cal. Septemb. MDLIX.

IOANNIS FERNANDI AD MELCHIOREM NONNIUM.

ACTA proximi superioris biennii cognosces ex litteris iis, quæ publicè missæ sunt. Nunc accipe quæ mihi in præsentia occurrunt. Bungenſium Christianorum in suscepta religionẽ major in dies firmitas atque constantia cernitur: quippe sese poenitiæ & Euchariſtiæ Sacramentis idẽdem muniunt: sacris cõcionibus adsunt, subinde se verberibus puniunt, aliaque piâ munera diligenter obeunt: horarias preces quotidie recitant, cruciatibus Domini in horas singulas ita distributis, vt vniuersam eius historiæ seriem singulis diebus ea ratione percurrant.

rant. Neque verò Facatæ, quâquam templo à militibus direpto & disturbato, cessatum est. Nam præter feminas puerosque patres familiarum sex baptizati sunt, quorum opera illam Ecclesiam propediem restitutum iri confido. Atq; ut intelligas, Iaponii Christiani quantum in virtute profecerint, narrabo quid vni eorum nobili genere nato contigerit. Is cum esset Amangutii apud amicū opulentum, qui agros oryzae feraces ei fruendos dederat, cumq; videret se occupationibus distineri, quo minus Christo, quemadmodū optabat, totum se manciparet ac traderet, fundo vestigalibusque relictis, Facatam vnâ cum vxore, liberis, ac seruis venit, vbi nō modò seipsum Deo verè atque ex animo dedit, sed filium quoq; indolis egregiæ nobis tradidit tenera adhuc ætate, Societatis nostræ doctrina præceptisque imbuendum. Idem, v; vni Deo vacaret, abjectis omnibus negotiis, totum Quadragesimæ tempus posuit apud nos: quidquid à quotidiano sacro & concione supererat otii, totum id, precando, cōtemplâdis sempiternis præmiis atq; suppliciis, morteq; & extremō iudicio insumens: quibus rebus in Domini nostri Iesu Christi cognitione & amore crescebat in dies. Accedebat ad eius constantiam virtutēque corroborandam, rerum à martyribus piè foreiterque gestarum assidua recordatio: è quibus præcipuè diui Stephani delectabatur præclaro facinore, pro lapidatoribus suis in extremō spiritu Dominum deprecantis. Vbi hebdomadæ sacræ dies venerunt, vitæ maculis per Confessionem diligenter elutis, ipso Paschatis die cum aliis quattuor aut quinque cœlesti pane sese pavit ac munxit. Quinto autem sextove post die, capta vrbe Facata, è principibus quidam qui seditione commota in Regem Bungi arma ceperat. Is apud quem noster Christianus (ut diximus) Amangutii antea vixerat, se ab illo desertum indignatus, eum à sicariis ad necem conquiri iubet: quos ille vbi se adorientes aspexit, non modò arma non sumpsit, cum esset vir aliqui fortis ac strenuus, sed etiâ quasi inanusuetus agnus in genua procubuit, tam diu ad Dominum Deum oratione conuersa, quoad vsq; impio ferro confossus eidem animam reddidit. nec dubitamus quin pro intersectoribus fuderit preces. Etenim diui Stephani exemplum intimis eius medullis inhaeserat. Filius apud nos, vxor autem & filia apud sanctam feminam precationi ac pœnitentiæ deditæ, magnos in virtutibus habent processus.

Alexander est quidam alius Christianus. is cum esset in famulatu potentis viri in agro Facatensi, haberetque in eodem famulatu socrum & coniugem, quæ vxori domini seruebant, à Spiritu sancto permotus, ea familiaritate salarioque relicto, Facatam, Baptismi pœn-

petendi causa concessit. quo impetrato, perceptis iam Christianæ fidei rudimentis; tota de re dominum fecit per litteras certiozem, eumque ita IESU fauente commouit, vt conjugem & socrum ad ipsum continuo dimiserit, quæ item ad Ecclesiam aggregatæ sunt, & conjux quidam quindecim post diebus excessit e vita, IESVS, MARIA piè prohuntians: quam multis rationibus in cælum ascendisse confidimus: Alexander verò vxoris morte sanctissime ob: ita adeo permotus est; vt omnem pecuniam abjicere, vitam cælibem agere, & quoad spirauerit, Cosmo Turriano parere decreuerit. Piis sacrificiis tuis & reliquorum patrum fratrumque mihi carissimorum me valde commendò, è Bungo, iij. Nonas Octobris, MDLIX.

LIBRI PRIMI FINIS.

SELECTARVM

EPISTOLARVM

EX INDIA

LIBER SECVNDVS.

LAURENTII IAPONII AD
SOCIOS.

CEPI vestras litteras, quæ mihi perju-
cundæ fuerunt: & quoniam intelligo quan-
to vicissim desiderio teneamini aliquid de
statu nostro cognoscendi, exponam paucis,
quæ nobis in hac Meacensi prouincia con-
tingerunt. Primum igitur Didaci domum de-
tuenimus in Sacomoto vico: qui vicus jacer
ad montis Frenoiamæ radices, in quo
cum cœnobîa litteratique permulti, tum verò insignis cuius-
dam principis Bonziorum domicilium cernitur. ad eum mon-
tem cum peruenissemus, misit me Gaspar cum litteris ad Bon-
zium nomine Daizembum, quibus ille perlectis, aduentusque
nostri

nostri causa cognita, respondit, magistrum suum ex principibus eius ordinis vnum, qui è Bungo nos euocauerat, anno superiore extremum diem obiisse; & se tenui re familiari, auctoritate nulla felictum, praesidio nobis esse non posse. ad eum tamen postridie Gaspar & ego reuertimur: & quoniam nos audire ipse decem: quae eius discipuli Bonzii audire videbantur, apud eos verba fecimus: à quibus admoniti nullas religiones in ea loca iniussu Bonzii eius regionis maximi induci posse; dedimus operam diligenter, ut eum conueniremus. Sed cum res parum procederet; oppidi praefectum postremo rogauimus, ut nos ad illum introducere ne graueretur. Tum ille: Si disputandi causa venistis (inquit) excludemini, sin aedium visendarum, id spectaculum vobis pecuniis muneribusque mercandum est. Gaspar, ut omnes aditus clausos Euangelio vidit, à Frenoiama profectus, Meacum contendit. In ea vrbe quatuordecim dies in aedibus conductis morari, ad docendum minimè accommodatis, in alias migrare coacti sumus loco celebriori positas. Huc Meacenses nonnulli iam ad audiendum euangelium ventitabant post quintum autem & vigesimum diem, Bonzio iros deducente, viro in primis ciuitatis honesto, Regem seu Imperatorem Gaspar adiuit, à quo ita amice acceptus est, ut ex ipso met eius poculo, honoris & amicitiae causa, biberet; tum verò frequentiore etiam vrbe parte nobis ad habitandum assignata, magna vis omnis generis hominum ad nos, vel audiendi vel disputandi causa, confluxit: sed animis initio tam obduratis, ut verbo Dei audito partim blasphemarent, partim etiam irriderent nos atque deluderent; per eos dies cum honesta mulier Meacensis ad concionem venisset, ubi peroratum est, Baptismum petiit statim: sed rem distulit Gaspar, eo quòd mulierem nondum ad id Sacramentum idoneam repperit. Cingues praeterea duo (magni honoris nomen id est) noctu ad nos audiendos ita se conferebant, ut nostram doctrinam valde probare viderentur: quidam verò è principibus oppidi Gamangoxini, qui Meaci habitant, cum decem aliis apud nos Christianus est factus. postea cum Gaspar ad Mixindonum, qui praecipuum Meaci obtinet dignitatis locum, auxilii petendi causa à primario quodam ciue deduceretur; tota vrbe percrebuit, Mixindoni iussu primarium illum virum in vincula Gasparem coniecisse. rursus, cum vrbe praefectus per compita edixisset, ne quis Gasparem laderet; fictis rumoribus multi edictum esse mentiebantur, ut Gaspar oppido pelleretur. huiusmodi multa praetereo, quae singillatim enarrare nimis longum est. Sed iuuante Domino Iesu Christo confidi-

confirmus; nos, ut adhuc fuimus, ita etiam in posterum incolu-
mes futuros magna cum diuini nominis gloria, rabiēque ac dolo-
re diaboli, quando iam nostri in hanc urbem aduentus ad Ban-
duensem usque Bonziorum Academiam fama penetrauit; sexcen-
tis passuum millibus Meaco distantem. interim Bonziorum minis
atque importunitate compulsus hospes is, ad quem diuiteramus,
nos domo sua dimisit; itaque in aliam nos recepimus. Hic acrius
etiam in nos aduersarii sauire ceperunt, cum nos alii simias, vul-
pes alii, alii denique a daemonibus occupatos, anthropophagōs-
que appellarent: pueri etiam eotundem instinctu cum ceteris in-
juriis contumeliisque, tum etiam lapidum, glebarum, & arenæ
conjectu infestarent atque lacesserent. Quanquam his rebus, Do-
mino adjuuante, minime detriti sumus, quo minus Euangelium
ad mensem Aprilem usque nuntiaremus, cui Iaponii centum cir-
citer fidem habuere, baptizati que sunt. sub id tempus Bōzii quin-
que nos conuenerunt ex ea secta, quam Baracaque appellant, qui
meditationibus quibusdam vacant arbitrato suo confictis. ii cum
nonnulla de nobis quæssissent ejusmodi, ut appareret eos a dæmo-
ne agi; Gasparis responsis victi abjectique conciderunt. Duo præ-
terea ex ea secta quæ Tendauī dicitur, cum diu nobiscum de reli-
gione atque acriter disputassent; concessere ad extremum veram
nostram esse doctrinam; tamen eorum nemo se ad Christum
adjunxit:

Alius in primis eruditus, cum è sermone Gasparis cognouisset
vnum esse opificem rerum omnium, animosque hominum nun-
quam interire; idcirco negauit se Baptismum petere, quod ex im-
purissimo flagitiorum cæno emergere castęque vivere se posse
diffideret.

In Bonziorum ordine magnum est nomen eorum, quorum eru-
ditionem duo quidam ex principibus suo chirographo comproba-
uerint. Ea veluti quædam canonizatio est: in sella constitutos ado-
rant, eorumque approbationem scripto restantur. ex eo tempore
qui probati sunt, certos locos cæteris ad meditandum proponunt.
Hanc dignitatis gradum adeptus Bōzius quidam, nomine Quen-
xu, qui ipsos triginta annos in meditando consumpserat; in char-
ta prærum & in eo aridam arborem depingendam curauit. ad ar-
boris autem radices carmina duo descripsit judicium chirographo
confirmata, quorum hæc erat sententia:

Prioris, Cedo, quisnam te seuit arbor arida?
Ego, cuius principium nihil est, finis nihil.

d

Poste-

Posterioris, Meum cor, quod neque esse, neque non esse habet,
Neque it, neque redit, nec retinetur vsquam.

Is igitur Bonzius cùm ad Gasparem venisset contumacia inflatus, quoddã diceret iam sibi perspicuum esse, quidnam antequam nasceretur fuisset, quid tunc, quid denique post mortem esset futurus; seque non discendi causa, sed animi tantùm, ad hos accessisse; diuinitus ita repente immutatus est, vt verè nihil esse quidquid sciebat, sibi que Christianam doctrinam esse necessariam intellexerit. Baptizatus itaque summa populi admiratione, vitæ exemplo, quam ducit sanctissimam, alios aliquot partim conuertit ad Christum, partim vehementer commouit. Cosmus autem amicus noster, qui ante sexennium in Bungo baptizatus est, aduentu nostro cognito nos statim adiuit, parentibusque ac patria relictis Dominum cœlebs colere & Gaspari obedire constituit. Bonzius erat quidam admodum senex; annos iam quadraginta in meditando versatus; is Christianam religionem ita auidè arripuit, vt id ætatis homo ad verbum Dei audiendum à sex passuum millibus ventitet. Ad hæc, Bonzii circiter quindecim Christum secuti, partim legitimis iungi nuptiis, partim cœlibem vitam agere (quod in eo hominum genere maximè mirum est) decreuerunt. In vico Farima habitat Bonzius, qui piscibus, carnibus, tritico, hordeo, denique oryza abstinet, herbis tantùm victitans, arborumque baccis ac pomis, quique æternæ salutis adipiscendæ causa voto se obstrinxit è libro quodam Xacæ, quem Foquequium appellant, se gratis plebem eruditurum. Narrauit autem nobis, se ante decennium per nocturnam quietem sibi visum esse versari cum sacerdotibus, qui è Cenghequu, hoc est Europæ regionem venissent, sibi que rectum ad salutem iter ostenderent, expectatumque postmodum, statim audisse Amangutii esse presbyteros quosdã è Cenghequu, de vita futura publicè disputantes. Hic audito Euangelio gaudius est; sed quoniam sine comœatu Meacum festinè yenerat, dixit se Farimam rediturum eo animo, vt sublatis rebus necessariis, vortisque neglectis, & fallaci illa vitæ asperitate deposita, Meacum reuenteretur, & Christiana sacra susci-peret. occultè etiam ad nos contulère sese audiendi Euangelii causa viri insignes duo, quorum alter in meditando exercitatus, quodam quasi Episcopi munere fungebatur: alter erat Bonzius legum peritus, & concionator, qui in eo congressu Gaspari apertè confessus est, in Iaponica philosophia simplex nihil esse vel solidum. Bonziorum quoque familia, quæ à Foxequu nomen duxit,

duxit, vitamque sæuere ceteris omnibus proficitur, audito Dei verbo, nostraque vitæ ratione perspecta, quod Gaspar gratis populum doceat, & cum ipse omni feminarum consuetudine abstineat; tum laicos una tantum uxore jubeat esse contentos; offendi cœperunt in Bonzio quodam præfecto cœnobii, quem antea venerabantur ut Deum, quod amicas habeat in occulto, & laboris in docendo sui mercedem exigit: cumque carniū ac piscium esu ceteris interdicit, ea ipse clam comedat; quocirca eum cœnobio pellere, aliumque pauperem ac bene moratum in eius locum sufficere decreuerunt. Tres præterea, iisdem meditationibus clari, quintum iam diem conciones nostras assidue celebrant, quos propediem baptizatum iri confidimus, eam rem ad exemplum magnopere profuturam. Non longè ab ædibus nostris incendium excitatum est: cuius incendii in nos, ut veneficos diaboli que præcones, causa conferebatur: sed iam Bonziorum furor aliqua ex parte deferbuisse videtur. quorum cum ita multæ ac diuersæ numerentur sectæ, suam quisque profiteri nos dicunt; Xingouini, id ipsum Denichi, quod illi prædicant: Ixuaniani Fobé quoddam suum: Foquexani Mion, (disciplinarum ea nomina sunt) Iondaxuenses Amidam: Xintani denique Quoquium: sed ut speramus, non longè aberit, quin omnes fateantur legem summi cœlorum terræque opificis nostro præconio promulgari: quem pro sua infinita clementia facturum esse confidimus, ut ipsum agnoscant, agnitoque, omnem laudem & gloriam tribuant. Vestras etiam atque etiam, fratres mihi carissimi, & istius Ecclesiæ, quibus ego maxime, deprecationes imploro, Meaco, iiii. Non. Iulias, MDLX.

CONSALVI FERNANDI AD QVENDAM E
SOCIETATE IESV.

HISCE litteris nonnulla, frater mihi carissime, persequar, quæ, in Iapone dum essem, in vinea Domini gesta sunt. Versabatur eo tempore Firandi Gaspar Vilela, cuius jussu Gulielmus Nias urbis ære campano circumiens, pueros ad Christianam doctrinam Iaponicè discendam in templum cogeat: ex quibus unus, admodum paruulus nondum ad cetum Christianorum adjunctus, Gasparem adiit, Baptismum magnopere efflagitans. quem Gaspar, id ætatis puerum, patre ethnico, cum prius perdiscere juberet capita Christianæ doctrinæ, respondit ille, nequa-

æquē liber illis atque in suas ipsorum aditus sit : sed tum præcipuè præclarum amoris sui documentum dedere, cum Japonii facta in eos coniuratione arma ceperūt, quod ubi à Christianis cognitum est, communi statim consensu ad eorum defensionem se vel capitis periculo compararunt: cum ex eis quidam, extrema iam ætate, reliquorum domos circumcursaret, hortareturque omnes ad mortem pro Christianis fortiter oppetendam : quare perterriti barbari, à suscepto consilio destiterunt. Obsecrate fratres carissimi Dominum, ut huius gentis animos ad suos errores ac misérias recognoscendas illuminet. Cal. Decem. MDLX.

LVDVIGI ALMEIDÆ AD SOCIOS IN
LVSITANIAM.



Niis litteris, quæ à vobis ad nos assidue perferuntur, insignes amoris erga nos vestri & caritatis cernuntur notæ, apparet etiā quanto studio teneamini ad nos subleuandos in hæc loca veniendi; hæc plenā pietatis voluntatē, quoniā nos remunerari nō possumus, Dominus ipse pro suā benignitate compenset: quamquam ut amoris vestri nos etiā aliqua ex parte respōdeamus, (quoniam auctis scire quid à nobis in re Christiana geratur) anni huius præsertim acta ad vos perscribere statui.

Balthasar Gagus hoc anno ex Iapone profectus in Indiā, aduersa tempestate retentus, hyemavit in ora Sinarum : atque id fuit causā, cur à vobis huiusce anni litteras non acceperitis. Post eius discessum nuntii Meaco allati sunt, Bopziarum in Gasparem Vilelam odium aliquantulum refraxisse. itaque rursus aures dare cepisse Euangelio, fierique aliquos Christianos, atque in iis nobilissimos homines, & in rebus Physicis admodum intelligentes. Missæ sunt etiam aliquot à Meacensibus illis neophytis ad Bungenfes Christianos epistolæ; quarum una duodecim circiter paginarum magnam harum regionū Christianis attulit voluptatem, sapiusque descripta, omnia Christianorum loca pereurit, & simul recitabatur etiam ethnicis. Summa erat epistolæ, sectarum Japonis omnium (quæ plus vndecim sunt) expositio simul & confutatio, cum reliquæ Christianæ confirmatione: nec verò pacatas vquam res Japoniorum fore, quoad omnes fierent Christiani: atque id ipsum multis apertisque rationibus probabatur. Mense Iunio ineunte, ex Gasparis ipsius litteris cognouimus, illum iter cepisse ad urbem Sacaium, quæ bidui distat Meaco; vbi spes magna

gnamessis vherrimæ ostendebatur, non modò quòd sit libera, & in primis ampla Iaponis totius; sed multo etiam magis, quòd cum quidam è principibus ciuitatis illuc per litteras inuitasset, ædesque suas ipsi ad Euangelii promulgationem obru- lisset. cuius tantum est eius rei desiderium, vt in Bungum etiam certum hominem cum mandatis miserit ad Cosmum Turrianum. Recordabitur, vt speramus, pro sua bonitate Dominus harum gentium, easque conuerteret ad se: nos autem in suo confirmabit obsequio.

Quod ad Bungensem Ecclesiam attinet, quæ nunc quidem est Iaponis omnium maxima, admodum augetur in dies, (captis adspirante Domino) cum virtus veteranorum, tum etiam tyronum numerus: quorum tanta est pietas, vix vt possim verbis assequi: nonnulla tamen attingam, vt ex iis reliqua intelligatis. Primùm nulla nox præterit, (vt mihi quidem videtur) quin verberationes in templo fiant, ac ferè semper omnium, quotquot ibidem eo tempore sunt, quibus in templo non licet, ii sese intra priuatos parietes cum vniuersa familia verberant. Quotidie, quamuis ningat, Christianis refertum est templum: nec reſeratur ferè, quia multi reperiantur ad limina præstolantes. Festis autem anni celebrioribus tanta vis hominum confluit, vt ad multitudinem capiendam vmbracula è frondibus raptim exstructa cum templo continuare necesse sit: atque alii quidem præcipuis anni festis, alii verò diebus Beatissimæ Virgini sacris, alii quintodecimo, alii etiam octauo quoque die Confessione maculas abluunt. Sed Bungenſium studium ac pietas Quadragesimæ præſertim diebus elucet. res profectò viſenda: quippe in singulos annos crescit huius Ecclesiæ religio ac probitas.

In pueris iis, qui ad nos Christianæ doctrinæ gratia ventitant, aliqui ita parui cernuntur, vt nihil panè præter catechismum eloqui possint: itaque idipsum quod tenent memoriter, oppido concinunt. Prope templum nostrum duodecim circiter Iaponii patres familias habitant, quorum filii puerique singulis noctibus, audito signo salutationis Angelicæ, ad Crucem conueniunt in ea vicinitate defixam; ibique nixi genibus totam horam quotidie in Christiana doctrina decantanda consumunt: idque parentum iussu, quorum tanta est pietas, vt infantibus Christiana rudimenta vnà cum lacte paulatim instillent, eosque tenera adhuc ætate nostram in disciplinam domesticam traditos Domino consecrent. nec verò parentū pietatem non imitantur liberi, atque

dictorumque in iis locis auctoritatem futuram, nisi maiore apud eos esset in honore, quam ipsimet Bonzii, quos illi sanè valde reuerentur. Quam eius animi magnitudinem vitæque contemptum Iaponi usque adeò mirabantur, uti Xaverius etiamnum magnum apud multos nomen sanctitatis obtineat. Ego in grauissimam febrem incidi magno sanè vitæ periculo: ex qua tertio denique mense præter opinionem euasi: cumque res Iaponicæ turbulentæ exiguam spei profectus ostenderent, infirmo etiã tum corpore, ad meum provinciale munus in Indiam mihi renauigandum existimaui. Huc nos (qualem nec videre me in vita memini, nec verò existere vnquam posse putavi) sauiissima dierum quinque tempestate iactati, incolumes Deo misicante peruenimus: cuius bonitatem supplices exoramus, ut quos è tot periculis ereptos in hæc loca perduxit, eisdem obedientia duce ad cœlestia regna sedesque peruenire patiarur. Cocino, 1111. Idus Ianuar. MDLVIII.

GASPARIS VILELÆ AD SOCIETATEM

IESV GOAM.

ANno superiore, fratres mihi carissimi, ad vos fusè perferripsi res cum aliis huius provincie locis, tum præsertim Firandi gestas, ubi annum sum commoratus, quo temporis spatio Christiani mille & trecenti facti, templaque tria Christo dedicata sunt, quæ Idolorum antea fuerant. quam rerum conuersionem aduersarius agre ferens, magnas in nos turbas per Bonzium quendam exciuaui, qui ex incremento rei Christianæ acri odio in nos iam antè concepto, habita in super nobiscum disputatione turpiter victus, adeò exarsit dolore ac rabie, ut in perniciem nostram ex illa die neruos omnes intenderit. Confestim praua Bonziorum dogmata atque mendacia vulgò prædicare aggressus est, idque eo euentu, ut cuius nomen Firandi ante id tempus obscurum atque ignotum fuisset, plurimos iam sectatores haberet, nec plebs modò, sed ipsi Bōzii ex eius ore pēderent. Inter hæc ille populum in nos omni arte incitare, monere & hortari, uti nos, sicuti Franciscum Xaverium antè, exterminarent, atque ita Deorum ab se iram ac minas auerterent: quibus rebus effectum est, non solum ut multi in nos falsum dicerent testimonium, sed etiam (quod Christianos pupugit vehementer) ut Crucem effringere non dubitarent in sacro cœmeterio positam: quam injuriam & Regulus ipse, & alii quot

quot alii Christi gloriæ cupidi, quanquam vleisci parati, iustis tamen de causis patienter tulerunt. Dominus verò Deus noster nihil iis aliisque multis eorum sceleribus commotus, sed recordatus miserationum suarum antiquarum, pro flammis atque fluminibus signa misit è cælo ad eorum tenebras fugandas per quæ clara & illustria: etenim in media æris regione species Crucis apparuerunt, aliaque prodigia valde conspicua, verum enim vero usque ad eò densa caligine mentes eorum obductæ sunt, ut insolitam lucem intueri nequiverint; sed potius in sua pertinacia obfirmatiores, neophytos à Christi cultu summa vi reuocare conati sint.

Meacum est vrbs totius Iaponis caput, frequentissima academia litteratorumque conuentu percelebris: cui ciuitati quòd Euangelii lux nondum affulsit, Cosmo Turriano Reçtori nostro visum est faciendum, ut aliquis nostrum ad explorandum ciuitatis statum, simulque tentandum quis ibi locus Euangelio sit, mitteretur. Eius rei gratia crebris supplicationibus ac sacrificiis ritè peractis, hæc mihi prouincia obtigit, quauis ad tantum onus haudquaquam idoneo. Sed qui illud mihi imposuit Dominus, idem ferendo quoque suppeditabit vires. Equidem, quod ad me attinet, mortem, injurias, incommoda, & frigora, quæ in iis regionibus maxima sunt, mihi propono. Iaponicæ linguæ tametsi consuetudinè aliquam nactus sum, tamen quo facilius atque commodius cum Iaponiis agere possim, interpretem è Societate nostra Iaponium mecum duco, iamque me ad iter accingo. Itaque nè longior sim, temporis angustia prohibent. Illi à vobis fratres carissimi enixè peto quæsoque, ut me in tali tantaque re omnis opis egentem, Domino quam diligentissimè commendetis. Ex Iapone, Cal. Septemb. MDLIX.

IOANNIS FERNANDI AD MELCHIOREM NONNIUM.

ACTA proximi superioris biennii cognosces ex litteris iis, quæ publicè missæ sunt. Nunc accipe quæ mihi in præsentia occurrunt. Bungenium Christianorum in suscepta religione major in dies firmitas atque constantia cernitur: quippe sese pœnitentiæ & Eucharistiæ Sacramentis idèidem muniunt: sacris cõcionibus adsunt, subinde se verberibus puniunt, aliaque pia munera diligenter obeunt: horarias preces quotidie recitant, cruciatibus Domini in horas singulas ita distributis, ut vniuersam eius historiæ seriem singulis diebus ea ratione percurrant.

rant. Neque verò Facatæ, quâquam templo à militibus direpto & disturbato, cessatum est. Nam præter feminas puerosque patres familiarum sex baptizati sunt, quorum opera illam Ecclesiam propediem restitutum iri confido. Atque ut intelligas, Iaponii Christiani quantum in virtute profecerint, narrabo quid vni eorum nobili genere nato contigerit. Is cum esset Amangutii apud amicū opulentum, qui agros oryzae feraces ei fruendos dederat, cumque videret se occupationibus distineri, quo minus Christo, quemadmodum optabat, totum se manciparet ac traderet, fundo vestigalibusque relictis, Facatam unā cum vxore, liberis, ac seruis venit, ubi non modo seipsum Deo verè atque ex animo dedit; sed filium quoque indolis egregie nobis tradidit tenera adhuc ætate, Societatis nostræ doctrina præceptisque imbuendum. Idem, ut vni Deo vacaret, abjectis omnibus negotiis, totum Quadragesimæ tempus posuit apud nos: quidquid à quotidiano sacro & concione supererat otii, totum id, precando, cōtemplandis sempiternis præmiis atque suppliciis, mortēque & extremō iudicio insumens: quibus rebus in Domini nostri Iesu Christi cognitione & amore crescebat in dies. Accedebat ad eius constantiam virtutēque corroborandam, rerum à martyribus piè fortiterque gestatum assidua recordatio: è quibus præcipuè diui Stephani delectabatur præclaro facinore, pro lapidatoribus suis in extremō spiritu Dominum deprecantis. Vbi hebdomadæ sacræ dies venerunt, vitæ maculis per Confessionem diligenter elutis, ipso Paschatis die cum aliis quattuor aut quinque cœlesti pane sese pavit ac muniit. Quinto autem sextove post die, capta vrbe Facata, è principibus quidam qui seditione commota in Regem Bungi arma ceperat, is apud quem noster Christianus (ut diximus) Amangutii antea vixerat, se ab illo desertum indignatus, eum à sicariis ad necem conqueri iubet: quos ille ubi se adorientes aspexit, non modo atina non sumpsit, cum esset vir alioqui fortis ac strenuus; sed etiam quasi mansuetus agnus in genua procubuit, tam diu ad Dominum Deum oratione conuersa, quoad usque impio ferro confossus eidem animam reddidit. nec dubitamus quin pro intersectoribus fuderit preces. Etenim diui Stephani exemplum intimis eius medullis inhæserat. Filius apud nos, vxor autem & filia apud sanctam feminam precationi ac poenitentia deditæ, magnos in virtutibus habent processus.

Alexander est quidam alius Christianus. is cum esset in famulatu potentis viri in agro Facatensi, haberetque in eodem famulatu socram & coniugem, quæ vxori domini seruiebant; à Spiritu sancto permotus, ea familiaritate salarioque relicto, Facatam, Baptismi peten-

petendi causa concessit. quo impetrato, perceptis iam Christianæ fidei rudimentis, tota de re dominum fecit per litteras certiorē, eumque ita Iesv faciente commouit, vt conjugem & socrum ad ipsum continuo dimiserit, quæ item ad Ecclesiam aggregatæ sunt. & conjux quidē quindecim post diebus excessit e vita, IESVS, MARIA piè pronuntians: quam multis rationibus in cælum ascendisse confidimus: Alexander verò vxoris morte sanctissimè ob. ita adeò permotus est; vt omnem pecuniam abjicere, vitam cælibem agere, & quoad spirauerit, Cosmo Turriano parēre decreuerit. Piis sacrificiis tuis & reliquorum patrum fratrumque mihi carissimorum me valde commendō, è Bungo, iij. Nonas Octobris, MDLIX.

LIBRI PRIMI FINIS.

SELECTARVM

EPISTOLARVM

EX INDIA

LIBER SECVNDVS.

LAURENTII IAPONII AD
SOCIOS.



CEPI vestras litteras, quæ mihi perju-
cundæ fuerunt: & quoniam intelligo quan-
to vicissim desiderio teneamini aliquid de
statu nostro cognoscendi, exponam paucis,
quæ nobis in hac Meacensi prouincia con-
tigerunt. Primùm igitur Didaci domum de-
uenimus in Sacomoto vico: qui vicus jacet
ad montis Frenoiamæ radices, in quo
cùm cænobia litteratiquæ permulti, tum verò insignis cuius-
dam principis Bonziorum domicilium cernitur. ad eum mon-
tem cùm peruenissemus, misit me Gaspar cum litteris ad Bon-
zium nominè Daizenabum, quibus ille perlectis, aduentusque
nostri

nostri causa cognita, respondit, magistrum suum ex principibus eius ordinis vnum, qui e Bungo nos euocauerat, anno superiore extremum diem obiisse; & se tenui re familiari, auctoritate nulla relictum, praesidio nobis esse non posse. ad eum tamen postridie Gaspar & ego reuertimus: & quoniam nos auidè ipse decemque eius discipuli Bonzii audire videbantur, apud eos verba fecimus: à quibus admoneri nullas religiones in ea loca iniussu Bonzii eius regionis maximi induci posse; dedimus operam diligenter, ut eum conueniremus. Sed cum res parum procederet; oppidi praefectum postremo rogauimus, ut nos ad illum introducere ne graueretur. Tum ille: Si disputandi causa venistis (inquit) excludemini, sin aedium visendarum, id spectaculum vobis pecuniæ muneribusque mercandum est. Gaspar, ut omnes aditus clauos Euangelio vidit, à Frœnsiama profectus, Meacum contendit. In ea vrbe quatuordecim dies in aedibus conductis morati, ad docendum minime accommodatis, in alias migrare coacti sumus loco celebriori positas. Huc Meacenses nonnulli iam ad audiendum euangelium ventitabant post quintum autem & vigesimum diem, Bonzio nos deducente, viro in primis ciuitatis honesto, Regem seu Imperatorem Gaspar adiuit, à quo ita amice acceptus est, ut ex ipsomet eius poculo, honoris & amicitiae causa, biberet; tum verò frequentiore etiam vrbis parte nobis ad habitandum assignata, magna vis omnis generis hominum ad nos, vel audiendi vel disputandi causa, confluxit: sed animis initio tam obduratis, ut verbo Dei audito partim blasphemarent, partim etiam irriderent nos atque deluderent; per eos dies cum honesta mulier Meacensis ad concionem venisset, ubi peroratum est, Baptismum petiit statim: sed rem distulit Gaspar, eo quòd mulierem nondum ad id Sacramentum idoneam repperit. Cingues praeterea duo (magni honoris nomen id est) noctu ad nos, audiendos ita se conferebant, ut nostram doctrinam valde probare viderentur: quidam verò e principibus oppidi Gamangoxini, qui Meaci habitat, cum decem aliis apud nos Christianus est factus. postea cum Gaspar ad Mioxindonum, qui praecipuum Meaci obtinet dignitatis locum, auxilii petendi causa à primario quodam ciue deduceretur; tota vrbe percrebuit, Mioxindoni iussu primarium istum virum in vincula Gasparem coniecisse. rursus, cum vrbis praefectus per compita edixisset, ne quis Gasparem laederet; fictis rumoribus multi edictum esse mentiebantur, ut Gaspar oppido pelleretur. huiusmodi multa praetereo, quæ singillatim enarrare nimis longum est. Sed iuuante Domino Iesu Christo confidi-

confirmaſſus; nos, vt adhuc fuimus, ita etiam in poſterum incolu-
mes futuros magna cum diuini nominis gloria, rabięque ac dolo-
re diaboli, quando iam noſtri in hanc urbem aduentus ad Ban-
duenſem vſque Bonziorum Academiam fama penetrauit; ſexcen-
tis paſſuum millibus Meaco diſtanti. interim Bonziorum minis
atque importunitate compulſus hoſpes is, ad quem diuerteramus,
nos domo ſua dimiſit; itaque in aliam nos recepimus. Hic acrius
etiam in nos aduerſarii ſeuire cęperunt, cum nos alii ſimias, vul-
pes alii, alii denique à dęmonibus occupatos, anthropophagōſ-
que appellarent: pueri etiam eorundem inſtinctu cum cæteris in-
iuriis contumeliisque, tñm etiam lapidum, glebarum, & arenę
conſpectu infeſtarent atq; laçeſſerent. Quanquam his rebus, Dō-
mino adiuuante, minime detriti ſumus, quo minus Euangelium
ad meſſem Aprilem vſque nuntiaremus, cui Iaponii centum cir-
citer fidem habuere, baptizatiq; ſunt. ſub id tempus Bōzii quin-
que nōs conuenerunt ex ea ſectā, quam Baracaque appellant, qui
meditationibus quibuſdam vacant arbitrato ſuo conſtitis. ii cum
nonnulla de nobis quæſiſſent ejuſmodi, vt appareret eos à dęmo-
ne agi; Gaſparis reſponſis victi abiectione conciderunt. Duo præ-
terea ex ea ſectā quę Tendauī dicitur, cum diu nobiſcum de reli-
gione atque acriter diſputaſſent; conceſſere ad extremum veram
noſtram eſſe doctrinam; tamenſi eorū nemo ſe ad Chriſtum
adjunxit:

Alius in primis eruditus, cum è ſermone Gaſparis cognouiſſet
vnum eſſe opificem rerū omnium, animōſque hominum nun-
quam interire; idcirco negauit ſe Baptiſmum petere, quod ex im-
puriffimo flagitiorum cœno emergere caſtęque viuere ſe poſſe
diſſideret.

In Bonziorum ordine magnum eſt nomen eorū, quorum eru-
ditionem duo quidam ex principibus ſuo chirographo comproba-
uerint. Ea veluti quædam canonizatio eſt: in ſella cōſtitutos ado-
rant, eorūque approbationem ſcripto teſtantur. ex eo tempore
qui probati ſunt, certos locos cæteris ad meditandum proponunt.
Hunc dignitatis gradum adeptus Bōzius quidam, nomine Quen-
xu, qui ipſos triginta annos in meditando conſumpſerat; in char-
ta prætum & in eo aridam arborem depingendam curauit. ad ar-
boris autem radices carmina duo deſcripſit iudicum chirographo
confirmata, quorum hæc erat ſententia:

Prioris, Cedo, quiſnam te ſeuit arbor arida?
Ego, cuius principium nihil eſt, ſinis nihil.

d

Poſte-

Posterioris, Meum cor, quod neque esse neque non esse habet,
Neque it, neque redit, nec retinetur vsquam.

Is igitur Bonzius cum ad Gasparem venisset contumacia inflatus, quodd diceret iam sibi perspicuum esse, quidnam antequam nasceretur fuisset, quid tunc, quid denique post mortem esset futurus; seque non discendi causa, sed animi tantum, ad hos accessisse; diuinitus ita repente immutatus est, ut verè nihil esse quidquid sciebat, sibi que Christianam doctrinam esse necessariam intellexerit. Baptizatus itaque summa populi admiratione, vitæ exemplo, quam ducit sanctissimam, alios aliquor partim conuertit ad Christum, partim vehementer commouit. Cosmus autem amicus noster, qui ante sexennium in Bungo baptizatus est, aduentu nostro cognito nos statim adiuit, parentibusque ac patria relictis Dominum cœlebs colere & Gaspari obedire constituit. Bonzius erat quidam admodum senex; annos iam quadraginta in meditando versatus: is Christianam religionem ita auidè arripuit, ut id ætatis homo ad verbum Dei audiendum à sex passuum millibus ventitet. Ad hæc, Bonzii circiter quindecim Christum secuti, partim legitimis jungi nuptiis, partim cœlibem vitam agere (quod in eo hominum genere maximè mirum est) decreuerunt. In vico Farima habitat Bonzius, qui piscibus, carnibus, tritico, hordeo, denique oryza abstinet, herbis tantum victitans, arborumque baccis ac pomis, quique æternæ salutis adipiscendæ causâ voto se obstrinxit è libro quodam Xacæ, quem Foquequium appellant, se gratis plebem eruditurum. Narrauit autem nobis, se ante decennium per nocturnam quietem sibi visum esse versari cum sacerdotibus, qui è Cenghequu, hoc est Europæ regionem venissent, sibi que rectum ad salutem iter ostenderent, experrectumque postridie, statim audisse Amangutii esse presbyteros quosdam è Cenghequu, de vita futura publicè disputantes. Hic audito Euangelio gauisus est; sed quoniam sine comœatu Meacum festinè venerat, dixit se Farimam reditum eo animo, ut sublatis rebus necessariis, votisque neglectis, & fallaci illa vitæ asperitate deposita, Meacum reverteretur, & Christiana sacra susciperet. occultè etiam ad nos contulère sese audiendi Euangelii causâ viri insignes duo, quorum alter in meditando exercitatus, quodam quasi Episcopi munereungebatur: alter erat Bonzius legum peritus, & concionator, qui in eo congressu Gaspari apertè confessus est, in Iaponica philosophia simplex nihil esse vel solidum. Bonziorum quoque familia, quæ à Foxequu nomen duxit,

duxit, vitamq; ſæuiores cæteris omnibus proſtitetur, audito Dei verbo, noſtraque vitæ ratione perſpecta, quòd Gaſpar gratis populum doceat, & cum ipſe omni ſeminarum conſuetudine abſtineat; tum laicos vna tantum vxore jubeat eſſe contentos; offendi cœperunt in Bonzio quodam præfecto cœnobii, quem antea venerabantur vt Deum; quòd amicas habeat in occulto, & laboris in docendo ſui metcedem exigat: cumque carniū ac piſcium eſu cæteris interdicit, ea ipſe clam comedat; quocirca eū cœnobio peſſere, aliumque pauperem ac bene moratum in eius locum ſufficere decreuerunt. Tres præterea, iſdem meditationibus clari, quintum iam diem conclones noſtras aſſidue celebrant, quos propediem baptizatum iri conſidimus, eam rem ad exemplum magnopere profuturam. Non longè ab ædibus noſtris incendium excitatum eſt: cuius incendiū in nos, vt veneficos diabolique præcones, cauſa conferebatur: ſed iam Bonziorum furor aliqua ex parte deſeruiſſe videtur. quorum cum ita multæ ac diuerſæ numerentur ſectæ, ſuam quiſque profiteri nos dicunt; Xingouini, idipſum Denichi, quod illi prædicant: Iéxuani Fobé quoddam ſuum: Foquexani Mion, (diſciplinarum ea nomina ſunt) Iondaxuenſes Amidam: Xintani denique Quoquium: ſed vt ſperamus, non longè aberit, quin omnes fateantur legem ſummæ cœlorum terræque opificis noſtro præconio promulgari: quem pro ſua infinita clementia facturum eſſe conſidimus, vt ipſum agnoſcant, agnitoque, omnem laudem & gloriam tribuant. Veſtras etiam atque etiam, fratres mihi cariffimi, & iſtius Eccleſiæ, quibus ego maxime, depretationes imploro, Meaco, iij. Non. Iulias, MDLX.

CONſALVI FERNANDI AD QVENDAM
SOCIETATE IESV.

HIS litteris nonnulla, frater mihi cariffime, perſequar, quæ, in Iapone dum eſſem, in vinea Domini geſta ſunt. Verſabatur eo tempore Firandi Gaſpar Vilela, cuius juffu Gulielmus vias vrbs ære campano circumiens, pueros ad Chriſtianam doctrinam Iaponicè diſcendam in templum cogebar: ex quibus vnus, admodum paruulus nondum ad cetum Chriſtianorum adjunctus, Gaſparem adiit, Baptiſmum magnopere efflagitans. quem Gaſpar, id ætatis puerum, patre ethnico, cum prius perdiſcere juberet capita Chriſtianæ doctrinæ, reſpondit ille, nequaquam

quam se inde abiturum, quoad Baptismo lustratus esset. denique domum ad suos regressus, ita cum parentibus egit, ut patrem, matremque, fratres, ac sorores ad Baptismum adduxerit. Ad aliud venio non minus mirabile. Diuturno morbo vexatus ethnicus quidam ex optimatibus, cum varias curationes frustra tentasset, suadenti Christiano cuidam, ut ad valetudinem recuperandam, Christiana religione suscepta, ad templum nostrum accederet, aquamque lultralem ebiberet; paruit agrotus: statimque in pristinam valetudinem est restitutus. alii præterea morbi complures in his regionibus eadem aqua pelluntur.

Alius Christianus cum è graui morbo iam propè animam ageret; me accersitum rogauit, ut quoniam essem è Societate Iesu, pro se Dominum deprecarer: fauorem se continuo recepturum, psalmis septem pœnitentialibus recitatis, magnam ipsius fidenti Dominus reddita statim valetudine remunerari dignatus est.

Profectus ex eo loco Gaspar in insulam quandam ad promulgandum Euangelium, incolas plus sexcentos triduo baptizauit, Christianæ fidei præceptis imbutos. quæ res tanto diabolum affecit dolore, ut vnum è Bonziis eò miserit, qui populo persuaderet, falsa esse quæ Lusitanus concionator docuisset. qua re cognita Gaspar confestim eodem legauit è nostris, qui apertis rationibus aduersarii mendacia redargueret. quæ res Christianos nō mediocriter recreauit.

Haud ita multo pòst, barbari tres è principibus ciuitatis, communi consilio profecti ad excindendam Crucem in monte à Christianis erectam, vixdum scelere perpetrato, inter se rixari cæperunt, sibi que inuicem idipsum facinus exprobrare: demum eò rixa peruenit, ut eo ipso in loco, vbi Crux posita fuerat, inter se ex prouocatione dimicauerint: quorum duo postridie manè mortui ibidem reperti sunt: tertius verò nusquam postea apparuit, (ablatus à dæmonibus creditur) nec aliud quidpiam de illo auditum est, nisi quòd biduo pòst adolescens quidam repentè ab immundo spiritu occupatus palàm dicebat, se nimirum esse qui Crucem præciderat, & propterea se in altera vita torqueri acerbissimè. quod vbi videre Iaponii, rei occultanda gratia adolescentem abscondere statuerunt, atque ita ex oculis nostris euauit, ut nihil de ipso deinde cognouerimus, incertumque sit, cum ne interfecerint. qui partim hisce de causis, partim quòd sexcentos quos dixi neophytos viderent alios idola cremantes, alios in mare projicientes, concursu ad Regem facto postularunt, ut Gasparem regni finibus pelleret. quibus Christiani cum ex altera parte resisterent,

resisterent, resque iam ad arma spectare videretur; Rex misit qui Gaspari nuntiaret, nequaquam sibi placere eum in suo regno interimi, proinde ad Socios sese reciperet. quocirca in Bungum, ubi erat eo tempore Cosmus Turrianus, inde concessit non sine magno quidem animi dolore, quippe qui in spem venisset Regis ipsius ad Dominum traducendi. is enim saepius Gaspari praesente me dixerat, se animo ac voluntate esse Christianum, & pro Christiano se gerere, quod praeclare intelligeret patriae superstitiones quarum a veritate distarent.

Vasitudinarium & sodalitium, quod Misericordiae vocant, à Cosmo institutum in urbe Funaio Regni Bungenfis, ethnici magnae cum approbatione suspiciunt; cum enim inter se ex animo ac verè non ament; mirantur in primis, reperi in toto orbe terrarum, qui pauperes curet, iisque necessaria cuncta suppediret.

Duo sane admirabilia mihi narrata sunt, quae in hoc oppido corrigere. Ethnicus quidam è primoribus civitatis ancillam habebat Christianam. atque, ut ethnici ferme Christianos auersantur, conuersus ad famulam, Cur, inquit, tu Christiana es, cum ego sim ethnicus? nisi continuo ab ista religione recesseris, hisce ego te manibus interficiam; Cui serua Dei non eo consilio se Christiana sacra suscepisse respondit, ut iis mox desertis ad barbaros ritus rediret. tum herus eius perseverantia cognita, cum mortis minis interdixit, ne ex eo tempore ad Crucem adorandam sese conferret, illa verò diuino fulta praesidio, nihil idcirco ab instituta Crucis laetitia desistere, quoad eam herus obuiam in itinere factus, occidit.

Alterum illud est: Paucis ante diebus, quam ego ad hunc Firandi portum venirem, Sinarum nauis Lusitanum quendam, qui apud Sinas in vinculis fuerat, in eundem portum aduexit. Sinæ aliquot ibidem commorantes cum ad nauim accessissent, ut Lusitanum viderunt, querere de nauarcho Sina populari suo ceperunt; quo consilio Lusitanum in ea loca perducere ausus esset, cum Rex Firandi sacerdotem Lusitanum ex oppido pepulisset; nisi spoliari se ab Rege nauigio vellet, continuo Lusitanum interficeret. Hæc dum agitantur, diuinitus factum est, ut Christianus Iaponius quidam interueniret. is ubi moerentem Lusitanum aspexit, ad eum confestim accedens, causa mortis cognita manu apprehensum bono animo iubet esse: quantum per suas facultates liceat, nihil ei apud se defuturum. inde perducit domum, ibique hominem habuit quoad usque nos eo peruenimus. Et sanè Lusitanos Christiani tanta beneuolentia prosequuntur, ut in eorum ades-

æque liber illis atque in suas ipsorum aditus sit: sed tum præcipue præclarum amoris sui documentum dedere, cum Japonii facta in eos coniuratione arma ceperunt, quod ubi à Christianis cognitum est, communi statim consensu ad eorum defensionem se vel capitis periculo compararunt: cum ex eis quidam, extrema iam ætate, reliquorum domos circumcursaret, hortareturque omnes ad mortem pro Christianis fortiter oppetendam: quare perterriti barbari, à suscepto consilio destiterunt. Obsecrate fratres carissimi Dominum, ut huius gentis animos ad suos errores ac misérias recognoscendas illuminet. Cal. Decem. MDLX.

LVDOVICI ALMEIDÆ AD SOCIOS IN
LVSITANIAM.



Niis litteris, quæ à vobis ad nos assidue perferuntur, insignes amoris erga nos vestri & caritatis certuntur notæ, apparet etiã quanto studio teneamini ad nos subleuandos in hæc loca veniendi; hæc plenã pietatis voluntatẽ, quoniã nos remunerari nõ possumus, Dominus ipse pro sua benignitate compenset: quamquam ut amori vestro nos etiã aliqua ex parte respõdeamus, (quoniam auctis scire quid à nobis in re Christiana geratur) anni huius præsertim acta ad vos perferbere statui.

Balthasar Gagus hoc anno ex Iapone profectus in Indiã, aduersa tempestate retentus, hyemauit in ora Sinarum: atque id fuit causã, cur à vobis huiusce anni litteras non acceperitis. Post eius discessum nuntii Meaco allati sunt, Bopriorum in Gasparem Vilelam odium aliquantulum refrixisse. itaque rursus aures dare cepisse Euangelio, fierique aliquos Christianos, atque in iis nobilissimos homines, & in rebus Physicis admodum intelligentes. Missæ sunt etiam aliquot à Meacensibus illis neophytis ad Bungenles Christianos epistolæ; quarum una duodecim circiter paginarum magnam harum regionũ Christianis attulit voluptatem, sapiusque descripta, omnia Christianorum loca perecurrit, & simul recitabatur etiam ethnicis. Summa erat epistolæ, sectarum Japonis omnium (quæ plus vndeçim sunt) expositio simul & confutatio, cum religionis Christianæ confirmatione: nec verò pacatas vuquam res Japoniorum fors, quoad omnes fierent Christiani: atque id ipsum multis apertisque rationibus probabatur. Mense Iunio inuente, ex Gasparis ipsius litteris cognouimus, illum iter cepisse ad urbem Sacaium, quæ bidui distat Meaco; vbi spes magna

gnam essis vberimæ ostendebatur, non modò quòd sit libera, & in primis ampla Iaponis totius; sed multo etiam magis, quòd cum quidam è principibus ciuitatis illuc per litteras inuissset, ædesque suas ipsi ad Euangelii promulgationem obuiassset. cuius tantum est eius rei desiderium, vt in Bungum etiam certum hominem cum mandatis miserit ad Cosmum Turrianum. Recordabitur, vsperamus, pro sua bonitate Dominus harum gentium, easque conuerteret ad se: nos autem in suo confirmabit obsequio.

Quod ad Bungensem Ecclesiam attinet, quæ nunc quidem est Iaponis omnium maxima, admodum augetur in dies, (captis adspirante Domino) cum virtus veteranorum, tum etiam tyronum numerus: quorum tanta est pietas, vix vt possim verbis assequi: nonnulla tamen attingam, vt ex iis reliqua intelligatis. Primùm nulla nox præterit, (vt mihi quidem videtur) quin verberationes in templo fiant, ac ferè semper omnium, quotquot ibidem eo tempore sunt. quibus in templo non licet, ii sese intra priuatos parietes cum vniuersa familia verberant. Quotidie, quamuis ningat, Christianis refertum est templum: nec reſeratut ferè, quia multi reperiantur ad limina præstolantes. Festis autem anni celebrioribus tanta vis hominum confluit, vt ad multitudinem capiendam vmbracula è frondibus raptim exstructa cum templo continuare necesse sit: atque alii quidem præcipuis anni festis, alii verò diebus Beatissimæ Virgini sacris, alii quintodecimo, alii etiam octauo quoque die Confessione maculas abluunt. Sed Bungenſium studium ac pietas Quadragesimæ præſectim diebus elucet. res profectò visenda: quippe in singulos annos crescit huius Ecclesiæ religio ac probitas.

In pueris iis, qui ad nos Christianæ doctrinæ gratia ventitant, aliqui ita patui cernuntur, vt nihil penè præter catechismum eloqui possint: itaque idipsum quod tenent memoriter, oppido concinunt. Prope æmplum nostrum duodecim circiter Iaponii patres familias habitant, quorum filii puerique singulis noctibus, audito signo salutationis Angelicæ, ad Crucem conueniunt in ea vicinitate defixam; ibique nixi genibus totam horam quotidie in Christiana doctrina decantanda consumunt: idque parentum iussu, quorum tanta est pietas, vt infantibus Christiana rudimenta vnà cum lacte paulatim instillent, eosque tenera adhuc ætate nostram in disciplinam domesticam traditos Domino consecrent. nec verò parentū pietatem non imitantur liberi, atque

vnus præsertim natu maximus omnium, annum agens tertium-decimū; cui super mensam cruciatus CHRISTI Iaponicè recitanti fluunt interdum ex oculis lacrymæ, nulla vultus mutatione. alii verò eorundem cruciatuum recordatione commoti, piis Christum liberatorem verbis affantur, ita suauiter, vt cuiuslibet ferreum quamuis pectus emolliant. Itaque horū quos domi educamus operam ad conuersionem harum gentium magno nobis vsui fore speramus: quippe cū Iaponios auditores patriæ lingua magis quàm peregrina teneat. alios præterea quinque Iaponios apud nos habemus prouecta iam ætate viros admodum probos: tres videlicet Funaii, quartum Meaci cum Gaspere Vilela: postremus comes est peregrinationis meæ, annum agens alterum & vigesimum, tantā in dicendo suauitate ac lepore præditus, vt auditorum animos mirabiliter capiat: hæreses verò Iaponicas multaquæ de physicis ita callet, vt hosce philosophos omnes refutet ac vincat. faxit Dominus, vt eorum animis, ignem injiciat. Christiani Facatenſes, ac præsertim vnus è principibus, Cosmum missis nuntiis per Deū obtestati sunt, vt eò aliquem è Societate mitteret: velle se optimum tēplum exstruere, & suis alere sumptibus quorquor è nostris ibi commorarentur: quod iam fieri cæptum est. hisce de causis, & simul, quodd multi Christianorum vici alicuius è nobis aduentum sermonesque iam diu desiderabant, decreuit Cosmus, vt initio Iunii anni MDLXI. ad eos pagos & loca finitima inuisenda discederem.

Prædie quàm Facatam perueni, aduentu meo cognito Christiani obuiam mihi alii ad tria passuum millia, alii etiam longius magno cum gaudio procellerunt. ego complures dies in ea vrbe moratus, incolas circiter septuaginta sacro fonte lustraui. in quibus erant Bonzii duo Iaponicarum legum sanè periti. cū aliter etiam regius concionator fuisset. is septem dies mecum disputando, interrogando, quæ dicebam in commentarios referendo consumplerat; cū immensa Dei Domini nostri lux ei tandem affulſit, & illius exemplo multorum præterea tenebras dispulit.

In eadem vrbe Facata cū alii complures, tum præcipuè duo morbo graui laborantes diuina ope sanati: quorum vnus paterfamilias tanto capitis dolore torqueri solitus, vt violentas sibi met manus inferre sæpe ceterat, tertio decimo die Dei benignitate coualuit. alter erat iunior lepra fœdissima coopertus. is, quodd Christianis honorificè pieque sentiret, putaretque iuuantē Domino sibi per me sanitatē reddi posse; in meū conspectū adductus est; quem

quem vt vidi, negaui me ei morbo posse facere medicinam: verum tamen ne planè mœstus a me discederet ipse, quiq; eū adduxerant; remedium quoddam illi præscripsi facillimum, & post tertium diē ad me redire iussi: ita nitidus rediit, vt nulla vnquam scabie laborasse videretur. equidem obstupui perspecta hominum fide, aperteque denuntiaui Christianis, ne sanitatem pharmaco, sed Deo Domino fideique suæ acceptam referrent: quæ quidem etiam in animos eorum, qui morbo liberati fuerant, redundauit. nam vterque Baptismo petito, & post catechismum impetrato, ad Ecclesiā aggregatus est. cumque iam discessus mei tempus appeteret, quo æquiore animo id ferrent, spem illis maturi reditus præbui: quorū duo primores ita obfirmato animo itineris mei comites esse statuerunt, vt eorum studiis remittere aut eos de sententia demouere nulla ratione potuerim.

In exitu Iunii Facata discessimus in insulam Tacaxumam, ambitu passuum sex millium, in ditione viri principis Firandensis, Antonii nomine: vbi cum essent quingenti circiter Christiani, ethnici tantum octo, ii quoque ad Deum nostro aduentu conuersi sunt. Præest autem eorum institutioni, excellenti virtute vir, qui è Bonzio Christi seruus effectus est. ædē habent, quæ idolorū antea fuerat, in primis ornatam: cuius vestigali, itemque elcēmōsynis, quas erogat institutum ibi quoque Misericordiæ sodalitiū, non modò ipse antistes alitur, sed etiam inopes peregrini, qui illuc sanè multi (quod vidi per eos dies) religionis causa ventitant. eadem stipis per Misericordiæ sodales ritè fideliterque distribuendæ ratio seruatur etiam in vicina insula Iquicuchi, itemque in cæteris insulis, in quibus Ecclesiæ sunt: quo fit, vt ad iter his regionibus faciendum sarcinæ & impedimenta minimè sint necessaria: quippe, quocumque peruenias, omnia tibi gratis ac sedulò comparantur; maritimo itinere naues, terrestri comites & iumenta: quæ recuses, iniuriā videlicet sibi fieri, seque in Christianis officiis numerati non putant.

Firando cum ad hanc inuisendam Ecclesiā aliquot Lusitani venissent, horum Christianorum religione, præcandi studio, obedientia, amorē non modò in sacerdotes nostros, sed etiam in omnes eorum vicarios, tantopere delectati gauisique sunt, vt mihi affirmarent, Socios nostros, qui in cæteris orbis terræ partibus versantur, si vel particulam norint eorum, quæ cum his Christianis geruntur, omnes Iaponicam hanc prouinciā expetituros: quod equidem credo: nam vna profectò Christianæ doctrinæ decantatio multas vobis præ lætitiā lacrymas exprimat, quid enim

si videatis pueros centum ac puellas, bis quoridie catechismi causa conuenientes, qui paucis antè diebus dicati diabolo fuerant, iam Christianos templum ingredi, aqua lustrali se aspergere, demum ad præcationem ritè genua flectere: quid si duobus eorum voce præeuntibus, subsequentes cæteros, doctrinæque præcepta concinentes audiat? idque tanta cum modestia ac verecundia, ut oculos semper humi defixos habeant; ac duo illi præsertim, qui voce præeunt, (quos ego de industria non semel & curiosè notavi) & quidem in maximis caloribus, cum facies eorum sudore manarent, tanta fuere constantia, ut manus, oculos, pedes nunquam mihi mouere conspecti sint: raptos profunda aliqua contemplatione dixisses. nec verò doctrina tantum decantanda contenti sunt: nam eius quoque explicationem libentibus nobis requirunt. Iam verò quanta cum animi vestri voluptate intueamini Iaponios hosce Christianos positos genibus, manibusque sublatis, Christum è Cruce pendentem adorantes, lacrymis ad solum usque fluentibus, in tormentorum Domini cogitatione ita demersos, ut penè ecstatici videantur: atque hæc quidem in hisce insulis propè desertis, quid de iis locis existimandum est, in quibus (ut in Bungo) Sacramentorum est usus frequens? quæ cum ita sint; misereatur (quæso) vos fratres carissimi harum Ecclesiarum, Deumque cum gemitibus obsecrate, ut supplementum aliquod è Societate nostra dignetur huc mittere. quod si fortè nimis diu distulerit, quam vereor, ne qui venerint, paucos superstites è nobis offendant: siquidem tres hac ætate magnum vitæ discrimen adiunximus, quam tueretur Dominus, ut opinor, quoad alii nobis ad nouam hanc vineam tuendam colendamque succedant.

Ex ea quam dixi insula in aliam traieci maiorem, quæ Iquicui vocatur. incolas habet circiter mille quingentos, in his Christianos ferme octingentos. ii, quòd iam antè de meo aduentu cognouerant, obuiam mihi nauem cum primoribus aliquot Christianis miserunt: quam ut conscendi, in ipsa nauigatione, tribus passuum millibus, antè quam ad insulam peruenimus, Crucem aspxi edito loco positam, quam satis amplo interuallo circumiès murus, sepeliendis Christianis cæmeterium efficit; vbi descendimus, humanissimè excepti, continuò ad salutandam Crucem de more perreximus: inde templum eorum inuisimus, elegàter ornatum. atque illos in præsentia quidem, ne inopem plebem non sine iactura ab institutis operibus auocarem, dimisi, concione in matutinum & vespertinum tempus, puerorum verò catechismo in pomeridianum indicto. itaque tanti concursus fieri cæpti sunt, ut

cùm

cū multi excluderentur, arcem, quæ ad vestibulum templi est, stercis pro re nata contegere necesse fuit. Templum est autem excelso loco, lutoque denso, & ad aspectum iucundo. in id ascenditur gradibus, quibus in imis stagnum est aquæ, nudis pauperum pedibus abluendis, non superstitione vel cæremonia, sed ne templi catastromata calcata commaculent. Postridie quàm huc veni, cæteras quoque sacras ædes lustraui pulcherrimè positas, quippe quæ ante id tempus idolorum fuissent, quibus colendis optima loca diligenter exquirebantur: hoc autem tempore ædificati Iaponii sunt illi ipsi, qui nuper Bonzii, nunc Christiani appellantur, antea dæmonem, nunc IESVM Crucifixum supplices venerantur & colunt. Et quoniam ex altero pago eiusdem insulæ sanè frequenti ad alterius pagi templum, trium ferè miliarium interuall, Christiani magno suo incommodo venire cogeantur; templū ibi quoque exædificandū curaui, quod paucis diebus multorum subsidio magnæque omnium alacritate perfectū est, tabula picta, cæteroq; ornatu ex vrbe Firando illuc aduecto. Christianorum animis recreatis, cælestiq; fonte purgatis iis, qui ad Baptismū videbantur idonei; ad alium Christianorum pagum, quem Xixi vocant, ire perrexi, vt eos per Euangelium solarer, & simul vt in æde noua, quæ tum ab iis ad testum perducebatur, sacellum exstruendum curarem, Iquicuchenlibus Christianis officiosè nobis in eam rem fabros lignarios septem aliæque auxilia necessaria deferentibus ibi igitur amantissimè excepti à Christianis; qui, quasi regem expectarent, ita sedulò vias antè purgas ornaauerant, prima luce & vespere de rebus diuinis disputare institimus, quo commodius cæteris horis diei sacello exædificando vacarent, quod summa eorum diligentia paucis diebus est absolutum. Catechismi deinde cura certo homini tradita, Iram traiecimus eo consilio, vt Facatam propediem reuerteremur, quod eius peregrinationis spatium Cosinus nobis ad Augustum exeuntem vsque præscripserat. Iram, Cruce salyrate, cum incolis egimus, vt ibi templum, nullum enim erat, communi consilio facerent: ad quod nobis Firando sacræ imagines cæteraque necessaria ornamenta transmissa sunt. nonnullis concionibus habitis, quibus in fide Christiani sunt confirmati, Baptismoque lustratis qui lustrandi supererant, Casungā inde contendimus: vbi tanta nobis hominū multitudo sese obuiā effudit, vt festi alicuius diei solennis celebritas videretur. Cruce adorata, ad primarium quendam Christianum diuertimus, apud quem nonnullis concionibus habitis, magna omnium voluntate decretum est templum, in quo sacerdotes sacrificarent, si qui in ea

loca

Posterioris, Meum cor, quod neque esse, neque non esse habet,
Neque it, neque redit, nec retinetur vsquam.

Is igitur Bonzius cū ad Gasparem venisset contumacia inflatus, quoddā diceret iam sibi perspicuum esse, quidnam antequam nasceretur fuisset, quid tunc, quid denique post mortem esset futurus; seque non discendi causa, sed animi tantum, ad hos accessisse; diuinitus ita repente immutatus est, ut verē nihil esse quidquid sciebat, sibi que Christianam doctrinam esse necessariam intellexerit. Baptizatus itaque summa populi admiratione, vitæ exemplo, quam ducit sanctissimam, alios aliquot partim conuertit ad Christum, partim vehementer commouit. Cosmus autem amicus noster, qui ante sexennium in Bungo baptizatus est, aduentu nostro cognito nos statim adiuit, parentibusque ac patria relictis Dominum cœlebs colere & Gaspari obedire constituit. Bonzius erat quidam admodum senex; annos iam quadraginta in meditando versatus; is Christianam religionem ita auidē arripuit, ut id ætatis homo ad verbum Dei audiendum a sex passuum millibus ventitet. Ad hæc, Bonzii circiter quindecim Christum secuti, partim legitimis jungi nuptiis, partim cœlibem vitam agere (quod in eo hominum genere maximē mirum est) decreuerunt. In vico Farima habitat Bonzius, qui piscibus, carnibus, tritico, hordeo, denique oryza abstinet, herbis tantum victitans, arborumque baccis ac pomis, quique æternæ salutis adipiscendæ causa voto se obstrinxit è libro quodam Xacæ, quem Foquequium appellant, se gratis plebem eruditurum. Narrauit autem nobis, se ante decennium per nocturnam quietem sibi visum esse versari cum sacerdotibus, qui è Cenghequu, hoc est Europæ regionem venissent, sibi que rectum ad salutem iter ostenderent, experrectumque postridie, statim audisse Amangutii esse presbyteros quosdam è Cenghequu, de vita futura publicè disputantes. Hic audito Evangelio gaudius est; sed quoniam sine comœatu Meacum festinè venerat, dixit se Farimam rediturum eo animo, ut sublatis rebus necessariis, votisque neglectis, & fallaci illa vitæ asperitate deposita, Meacum reuertetur, & Christiana sacra susciperet. occultè etiam ad nos contulere sese audiendi Euangelii causa viri insignes duo, quorum alter in meditando exercitatus, quodam quasi Episcopi munereungebatur: alter erat Bonzius legum peritus, & concionator, qui in eo congressu Gaspari apertè confessus est, in Iaponica philosophia simplex nihil esse vel solidum. Bonziorum quoque familia, quæ a Foxequu nomen ducit,

duxit, vitamq; severiorem cæteris omnibus proficitur, audito Dei verbo, nostraque vitæ ratione perspecta, quod Gaspar gratis populum doceat, & cum ipse omni feminarum consuetudine abstineat; tum laicos una tantum vxore jubeat esse contentos; offendi cœperunt in Bonzio quodam præfecto cœnobii, quem antea venerabantur ut Deum, quod amicas habeat in occulto, & laboris in docendo sui mercedem exigit: cumque carniū ac piscium esu cæteris interdicit, ea ipse clam comedat; quocirca eū cœnobio pellerē, aliumque pauperem ac bene moratum in eius locum sufficere decreuerunt. Tres præterea, iisdem meditationibus clari, quintum iam diem conciones nostras assidue celebrant, quos propediem baptizatum iri confidimus, eam rem ad exemplum magnopere profuturam. Non longè ab ædibus nostris incendium excitatum est: cuius incendiū in nos, ut veneficos diabolique præcones, causā conferebatur: sed iam Bonziorum furor aliqua ex parte deferbuisse videtur, quorum cum ita multæ ac diuersæ numerentur sectæ, suam quisque profireri nos dicunt; Xingouini, id ipsum Denichi, quod illi prædicent: Iëxuani Fobé quoddam suum: Foquexani Mion, (disciplinarum ea nomina sunt) Iondaxuenses Amidam: Xintani denique Quoquium: sed ut speramus, non longè aberit, quin omnes fateantur legem summi cœlorum terræque opificis nostro præconio promulgari: quem pro sua infinita clementia facturum esse confidimus, ut ipsum agnoscant, agnitoque, omnem laudem & gloriam tribuant. Vestras etiam atque etiam, fratres mihi carissimi, & istius Ecclesiæ, quibus ego maximè, depretationes imploro, Meaco, iiii. Non. Iulias, MDLX.

CONSALVI FERNANDI AD QVENDAM E
SOCIETATE IESV.

HIS ex litteris nonnulla, frater mihi carissime, persequar, quæ, in Iapone dum essem, in vinca Domini gesta sunt. Versabatur eo tempore Firandi Gaspar Vilela, cuius iussu Gulielmus vias urbis ære campano circumiens, pueros ad Christianam doctrinam Iaponicè discendam in templum cogebat: ex quibus vnus, admodum paruulus nondum ad cetum Christianorum adjunctus, Gaspatem adiit, Baptismum magnopere efflagitans. quem Gaspar, id ætatis puerum, patre ethnico, cum prius perdiscere juberet capita Christianæ doctrinæ, respondit ille, nequa-

quam se inde abiturum, quoad Baptismo lustratus esset. denique domum ad suos regressus, ita cum parentibus egit, ut patrem, matremque, fratres, ac sorores ad Baptismum adduxerit. Ad aliud venio non minus mirabile. Diuturno morbo vexatus ethnicus quidam ex optimatibus, cum varias curationes frustra tentasset, suadenti Christiano cuidam, ut ad valetudinem recuperandam, Christiana religione suscepta, ad templum nostrum accederet, aquamque lustralem ebiberet; paruit agrotus: statimque in pristinam valetudinem est restitutus. alii præterea morbi complures in his regionibus eadem aqua pelluntur.

Alius Christianus cum è graui morbo iam propè animam ageret, me accersitum rogauit, ut quoniam essem è Societate Iesu, pro se Dominum deprecarer: sanitatem se continuo recepturum, psalmis septem pœnitentialibus recitatis, magnam ipsius fidem Dominus reddita statim valetudine remunerari dignatus est.

Profectus ex eo loco Gaspar in insulam quandam ad promulgandum Euangelium, incolas plus sexcentos triduo baptizauit, Christianæ fidei præceptis imbutos. quæ res tanto diabolum affecit dolore, ut vnum è Bonziis eò miserit, qui populo persuaderet, falsa esse quæ Lusitanus concionator docuisset. qua re cognita Gaspar confestim eodem legauit è nostris, qui apertis rationibus aduersarii mendacia redargueret. quæ res Christianos non mediocriter recreauit.

Haud ita multo post, barbari tres è principibus ciuitatis, comuni consilio profecti ad excindendam Crucem in monte à Christianis erectam, vixdum scelere perpetrato, inter se rixari ceperunt, sibi que inuicem idipsum facinus exprobrare: demum eò rixa peruenit, ut eo ipso in loco, vbi Crux posita fuerat, inter se exprouocatione dimicauerint: quorum duo postridie manè mortui ibidem reperti sunt: tertius verò nusquam postea apparuit, (ablatum à dæmonibus creditur) nec aliud quidpiam de illo auditum est, nisi quòd biduo post adolescens quidam repentè ab immundo spiritu occupatus palàm dicebat, se nimirum esse qui Crucem præciderat, & propterea se in altera vita torqueri acerbissimè. quod vbi videre Iaponii, rei occultandæ gratia adolescentem abscondere statuerunt, atque ita ex oculis nostris euauit, ut nihil de ipso deinde cognouerimus, incertumque sit, cum ne interfecerint. qui partim hisce de causis, partim quòd sexcentos quos dixi neophytos viderent alios idola cremantes, alios in mare projicientes, concursu ad Regem factò postularunt, ut Gaspar regni finibus pelleret. quibus Christiani cum ex altera parte resisterent,

resisterent, resque iam ad arma spectare videretur; Rex misit qui Gaspari nuntiaret, nequaquam sibi placere cum in suo regno interimi, proinde ad Socios sese reciperet. quocirca in Bungum, ubi erat eo tempore Cosmus Turrianus, inde concessit non sine magno quidem animi dolore, quippe qui in spem venisset Regis ipsius ad Dominum traducendi. is enim saepius Gaspari praesente me dixerat, se animo ac voluntate esse Christianum, & pro Christiano se gerere, quod praecclare intelligeret patriae superstitiones quantum a veritate distarent.

Valerudinarium & sodalitium, quod Misericordiae vocant, à Cosmo institutum in vrbe Funaio Regni Bungenfis, ethnici magnam cum approbatione suspiciunt; cum enim inter se ex animo ac verè non ament; mirantur in primis, reperi in toto orbe terrarum, qui pauperes curet, iisque necessaria cuncta suppeditet.

Duo sane admirabilia mihi narrata sunt, quae in hoc oppido contingere. Ethnicus quidam è primoribus ciuitatis ancillam habebat Christianam, atque, ut ethnici ferme Christianos auersantur, conuersus ad famulam. Cur, inquit, tu Christiana es, cum ego sim ethnicus? nisi continuo ab ista religione recesseris, hisce ego te manibus interficiam; Cui serua Dei non eo consilio se Christiana sacra suscepisse respondit, ut iis mox desertis ad barbaros ritus rediret. tum herus eius perseuerantia cognita, cum mortis minis interdixit, ne ex eo tempore ad Crucem adorandam sese conferret, illa verò diuino fulta praesidio, nihil idcirco ab instituta Crucis laetitia desistere, quoad eam herus obuiam in itinere factus, occidit.

Alterum illud est: Paucis antè diebus, quam ego ad hunc Firandi portum venirem, Sinarum nauis Lusitanum quendam, qui apud Sinas in vinculis fuerat, in eundem portum aduexit. Sinae aliquot ibidem commorantes cum ad nauim accessissent, ut Lusitanum viderunt, querere de nauarcho Sina populari suo ceperunt; quo consilio Lusitanum in ea loca perducere ausus esset, cum Rex Firandi sacerdotem Lusitanum ex oppido pepulisset; nisi spoliari se ab Rege nauigio velleret, continuo Lusitanum interficeret. Haec dum agitantur, diuinitus factum est, ut Christianus Iaponius quidam interuepiret. is ubi moerentem Lusitanum aspexit, ad eum confestim accedens, causa mortis cognita manu apprehensum bono animo iubet esse: quantum per suas facultates liceat, nihil ei apud se defuturum. inde perducit domum, ibique hominem habuit quoad usque nos eo peruenimus. Et sanè Lusitanos Christiani tanta beneuolentia prosequuntur, ut in eorum aedes

æquēliber illis atque in suas ipsorum aditus sit: sed tum præcipuè præclarum amoris sui documentum dedere, cum Japonii facta in eos coniuratione arma ceperūt, quod ubi à Christianis cognitum est, communi statim consensu ad eorum defensionem se vel capitis periculo compararunt: cum ex eis quidam, extrema iam ætate, reliquorum domos circumcursaret, hortareturque omnes ad mortem pro Christianis fortiter oppetendam: quare perterriti barbari, à suscepto consilio destiterunt. Obsecrate fratres carissimi Dominum, ut huius gentis animos ad suos errores ac misérias recognoscendas illuminet. Cal. Decem. MDLX.

LVDQVICI ALMEIDÆ AD SOCIOS IN
LVSITANIAM.



Niis litteris, quæ à vobis ad nos assidue perferuntur, insignes amoris erga nos vestri & caritatis certuntur notæ, apparet etiā quanto studio teneamini ad nos subleuandos in hæc loca veniendi; hæc plenā pietatis voluntatē, quoniā nos remunerari nō possumus, Dominus ipse pro sua benignitate compenset: quamquam ut amoris vestri nos etiā aliqua ex parte respōdeamus, (quoniam auctoris scire quid à nobis in re Christiana geratur) anni huius præsertim acta ad vos perferre statui.

Balthasar Gagus hoc anno ex Iapone profectus in Indiā, aduersa tempestate retentus, hyemauit in ora Sinarum: atque id fuit causæ, cur à vobis huiusce anni litteras non acceperitis. Post eius discessum nuntii Meaco allati sunt, Bopziorem in Gasparem Vilelam odium aliquantulum refrixisse. itaque rursus aures dare cepisse Euangelio, fierique aliquos Christianos, atque in iis nobilissimos homines, & in rebus Physicis admodum intelligentes. Missæ sunt etiam aliquot à Meacensibus illis neophytis ad Bungenfes Christianos epistolæ; quarum vna duodecim circiter paginarum magnam harum regionū Christianis attulit voluptatē, sapiusque descripta, omnia Christianorum loca perecurrit, & simul recitabatur etiam ethnicis. Summa erat epistolæ, sectarum Japonis omnium (quæ plus vndeçim sunt) expositio simul & confutatio, cum religionis Christianæ confirmatione: nec verò pacatas vnquam res Japoniorum fore, quoad omnes fierent Christiani: atque id ipsum multis apertisque rationibus probabatur. Mense Iunio ineunte, ex Gasparis ipsius litteris cognouimus, illum iter cepisse ad urbem Sacaium, quæ bidui distat Meaco; vbi spes magna

gnamensis vherimæ ostendebatur, non modò quòd sit libera, & in primis ampla Iaponis totius; sed multo etiam magis, quòd cum quidam è principibus ciuitatis illuc per litteras inuissset, ædesque suas ipsi ad Euangelii promulgationem obzussisset. cuius tantum est eius rei desiderium, vt in Bungum etiam certum hominem cum mandatis misserit ad Cosmum Turrianum. Recordabitur, vsperamus, pro sua bonitate Dominus harum gentium, easque conuertet ad se: nos autem in suo confirmabit obsequio.

Quod ad Bungensem Ecclesiam attinet, quæ nunc quidem est Iaponis omnium maxima, admodum augetur in dies, (captis adspirante Domino) cum virtus veteranorum, tum etiam tyronum numerus: quorum tanta est pietas, vix vt possim verbis assequi: nonnulla tamen attingam, vt ex iis reliqua intelligatis. Primum nulla nox præterit, (vt mihi quidem videtur) quin verberationes in templo fiant, ac ferè semper omnium, quotquot ibidem eo tempore sunt. quibus in templo non licet, ii sese intra priuatos parietes cum vniuersa familia verberant. Quotidie, quamuis ningat, Christianis referrum est templum: nec reseratur ferè, quin multi reperiantur ad limina præstolantes. Festis autem anni celebrioribus tanta vis hominum confluit, vt ad multitudinem capiendam vmbracula è frondibus raptim exstructa cum templo continuare necesse sit: atque alii quidem præcipuis anni festis, alii verò diebus Beatissimæ Virgini sacris, alii quintodecimo, alii etiam octauo quoque die Confessione maculas abluunt. Sed Bungensium studium ac pietas Quadragesimæ præsertim diebus elucet. res profectò visenda: quippe in singulos annos crescit huius Ecclesiæ religio ac probitas.

In pueris iis, qui ad nos Christianæ doctrinæ gratia ventitant, aliqui ita parui cernuntur, vt nihil penè præter catechismum eloqui possint: itaque idiolum quod tenent memoriter, oppido concinunt. Prope templum nostrum duodecim circiret Iaponii patresfamilias habitant, quorum filii puerique singulis noctibus, audito signo salutationis Angelicæ, ad Crucem conueniunt in ea vicinitate defixam; ibique nixi genibus totam horam quotidie in Christiana doctrina decantanda consumunt: idque parentum iussu, quorum tanta est pietas, vt infantibus Christiana rudimenta vnà cum lacte paulatim instillent, eosque tenera adhuc ætate nostram in disciplinam domesticam traditos Domino consecrent. nec verò parentum pietatem non imitantur liberi, atque

vnus præsertim natus maximus omnium, annum agens tertium, decimum; cui super mensam cruciatus CHRISTI Iaponicè recitanti fluuere interdum ex oculis lacrymæ, nulla vultus mutatione, alii verò eorundem cruciatuum recordatione commoti, pijs Christum liberatorem verbis affantur, ita suauiter, vt cuiuslibet ferreum quamuis pectus emolliant. Itaque horum quos domi educamus operam ad conuersionem harum gentium magno nobis vsui fore speramus: quippe cum Iaponios auditores patria lingua magis quam peregrina retineat. alios præterea quinque Iaponios apud nos habemus prouecta iam ætate viros admodum probos: tres videlicet Funaii, quartum Meaci cum Gaspare Vilela: postremus comes est peregrinationis meæ, annum agens alterum & vigesimum, tanta in dicendo suauitate ac lepore præditus, vt auditorum animos mirabiliter capiat: hæreses verò Iaponicas, multaque de physicis ita cæter, vt hosce philosophos omnes refuteret ac vincat. faxit Dominus, vt eorum animis ignem injiciat. Christiani Facatenſes, ac præsertim vnus è principibus, Cosmum missis nuntiis per Deum obtestati sunt, vt eò aliquem è Societate mitteret: velle se optimum tēplum exstruere, & suis alere sumptibus quotquot è nostris ibi commorarentur: quod iam fieri cæptum est. hisce de causis, & simul, quòd multi Christianorum vici alicuius è nobis aduentum sermonesque iam diu desiderabant, decreuit Cosmus, vt initio Iuni anni MDLXI. ad eos pagos & loca finitima inuisenda discederem.

Pridie quàm Facatam perueni, aduentu meo cognito Christiani obuiam mihi alii ad tria passuum millia, alii etiam longius magno cum gaudio processerunt. ego complures dies in ea vrbe moratus, incolas circiter septuaginta sacro fonte lustravi. in quibus erant Bonzii duo Iaponicarum legum sanè periti. cum alter etiam regius concionator fuisset. is septem dies mecum disputando, interrogando, quæ dicebam in commentarios referendo consumpserat; cum immensa Dei Domini nostri lux ei tandem affulſit, & illius exemplo multorum præterea tenebras dispulit.

In eadem vrbe Facata cum alii complures, tum præcipuè duo morbo graui laborantes diuina ope sanati: quorum vnus paterfamilias tanto capitis dolore torqueri solitus, vt violentas sibi met manus inferre sæpe cœtarit, tertiodecimo die Dei benignitate cōualuit. alter erat iunior lepra fœdissima coopertus. is, quòd de Christianis honorificè pieque sentiret, putaretque iuuante Domino sibi per me sanitatē reddi posse; in meū conspectū adductus est:

quærit

quem vt vidi, negaui me ei morbo posse facere medicinam: verum tamen ne planè mœstus à me discederet ipse, quiq; eū adduxerant, remedium quoddam illi præscripsi facillimum, & post tertium diē ad me redire iussi: ita nitidus rediit, vt nulla vnquam scabie laborasse videretur. equidem obstupui perspecta hominum fide, aperteque denuntiaui Christianis, ne sanitatem pharmaco, sed Deo Domino fideique suæ acceptam referrent: quæ quidem etiam in animos eorum, qui morbo liberati fuerant, redundauit. nãm vterque Baptismo petito, & post catechismum impetrato, ad Ecclesiā aggregatus est. cumque iam discessus mei tempus appeteret, quo æquiore animo id ferrent, spem illis maturi reditus præbui: quorū duo primores ita obfirmato animo itineris mei comites esse statuerunt, vt eorum studiis remittere aut eos de sententia demouere nulla ratione potuerim.

In exitu Iunii Facara discessimus in insulam Tacaxumam, ambitu passuum sex millium, in ditione viri principis Firandensis, Anronii nomine: vbi cū essent quingenti circiter Christiani, ethnici tantum octo, ii quoque ad Deum nostro aduentu conuersi sunt. Præest autem eorum institutioni, excellenti virtute vir, qui è Bonzio Christi seruus effectus est. xdc habent, quæ idolorū antea fuerat, in primis ornatam: cuius vesticali, itemque eleëmōsynis, quas erogat institutum ibi quoque Misericordiæ sodalitiū, non modò ipse antistes alitur, sed etiam inopes peregrini, qui illuc sanè multi (quod vidi per eos dies) religionis causa ventitant. eadem stipis per Misericordiæ sodales ritè fideliterque distribuendæ ratio seruatur etiam in vicina insula Iquicuchi, itemque in cæteris insulis, in quibus Ecclesiæ sunt: quo fit, vt ad iter iis regionibus faciendum sarcinæ & impedimenta minimè sint necessaria: quippe, quocunque peruenias, omnia tibi gratis ac sedulò comparantur; maritimo itinere naues, terrestri comites & iumenta: quæ recuses, iniuriam videlicet sibi fieri, seque in Christianis officiis numerati non putant.

Firando cū ad hanc inuisendam Ecclesiā aliquot Lusitani venissent, horum Christianorum religione, precandi studio, obedientia, amore non modò in sacerdotes nostros, sed etiam in omnes eorum vicarios, tantopere delectati gauisique sunt, vt mihi affirmarent, Socios nostros, qui in cæteris orbis terræ partibus versantur, si vel particulam norint eorum, quæ cum his Christianis gerantur, omnes laponicam hanc prouinciā expetituros: quod equidem credo: nam vna profectò Christianæ doctrinæ decantatio multas vobis præ lætitiæ lacrymas exprimat. quid enim

cū multi excluderentur, arcem, quæ ad vestibulum templi est, stercis pro re nata contegere necesse fuit. Templum est autem excelso loco, lutoque denso, & ad aspectum iucundo. in id ascenditur gradibus, quibus in imis stagnum est aquæ, nudis pauperum pedibus abluendis, non superstitione vel cæremonia, sed ne templi catastromata calcata commaculent. Postridie quā huc veni, cæteras quoque sacras ædes lustraui pulcherrimè positas, quippe quæ ante id tempus idolorum fuissent, quibus colendis optima loca diligenter exquirebantur: hoc autem tempore ædificati Iaponii sunt illi ipsi, qui nuper Bonzii, nunc Christiani appellantur, antea dæmonem, nunc IESVM Crucifixum supplices venerantur & colunt. Et quoniam ex altero pago eiusdem insulæ sanè frequentè ad alterius pagi templum, trium ferè miliarium interuallū, Christiani magno suo incommodo venire cogeantur; templū ibi quoque exædificandū curaui, quod paucis diebus multorum subsidio magnæque omnium alacritate perfectū est, tabula picta, cæteroq; ornatu ex vrbe Firando illuc aduecto. Christianorum animis recreatis, cælestiq; fonte purgatis iis, qui ad Baptismū videbantur idonei; ad alium Christianorum pagum, quem Xixi vocant, ire perrexi, ut eos per Euangelium solarer, & simul ut in æde noua, quæ tum ab iis ad rectum perducebatur, sacellum exstruendū curarem, Iquicuchensibus Christianis officiosè nobis in eam rem fabros lignarios septem aliæque auxilia necessaria deferentibus. ibi igitur amantissimè excepti à Christianis, qui, quasi regem expectarent, ita sedulò vias antè purgas ornaauerant, prima luce & vespere de rebus diuinis disputare instituius, quo commodius cæteris horis dici sacello exædificando vacarent, quod summa eorum diligentia paucis diebus est absolutum. Catechismi deinde cura certo homini tradita, Iram traiecimus eo consilio, ut Facatam propediem reuerteremur, quod eius peregrinationis spatium Cosinus nobis ad Augustum exeuntem vsque præscripserat. Iram, Cruce salutata, cum incolis egimus, ut ibi templum, nullum enim erat, comuni consilio facerent. ad quod nobis Firando sacræ imagines cæteraque necessaria ornamenta transmissa sunt. nonnullis concionibus habitis, quibus in fide Christiani sunt confirmati, Baptismoque lustratis qui lustrandi supererant, Casungā inde contendimus; vbi tanta nobis hominū multitudo sese obuiā effudit, ut festi alicuius diei solennis celebritas videretur. Cruce adorata, ad primarium quendam Christianum diuertimus, apud quem nonnullis concionibus habitis, magna omnium voluntate decretum est templum, in quo sacerdotes sacrificarent, si qui in ea

loca

loca venirent: quò item Firando necessarius sacrorum apparatus est missus. Interea dum hìc agimus, mihi grauis homo narrauit Iquicuchi, mulierem Christianam suadente diabolo, siue eius ministris, abortus facendi gratia pharmacum sumpsisse eiusmodi, vt infantem ipsamque parèrem necauerit. Huius corpus Christiani, quippe quæ noxa capitali obstricta migrasset, in ipsorum cœmeterio, in quo Crux est posita, sepeliri cum vetuissent; illa post aliquot dies periculosè ægrotanti adolescenti cuidã Christiano per visum: Corpus (inquit) meum sacra sepultura prohibitum est illud quidem: sed ne idcirco me Christiani damnatam existiment: nam antè quàm è vita discederem, Dominus cõtritione mea lacrymisq; placatus est. quibus rebus Christiani ex adolescente cognitis (nãq; is deinde conualuit) valde animati sunt.

Ex eo loco rursus ad pagũ Iquicuchi, atq; inde, spe redit^o Christianis relicta, Firandum discessi ad quædam sacrorum instrumenta accipienda, quæ nobis Lusitanorum nauis aduexerat.

Firandum vt venimus, nauarchum Lusitanum allocuti, ad Antonium diuerimus statim, qui cum vniuersa familia nos peramãter accepit, detinuitque ad multam noctem, nonnulla de officii religione percontans: postridie nauarchum adiui, vt per magnam tabulam pictam in naui proponeret Christianis visendam, quos in proximum Dominicum diem (quod eorum commodo fieret) ad concionem simul & spectaculum, dimissis per agros nuntiis, euocauimus. interea nocturnis horrationibus cum ceteri Christiani in fide animati sunt, tum ethnici, circiter quinquaginta ad Baptismum adducti: in iis, è proceribus quidam Antonio non inferior. Et quoniam Firandi sacra ædes erat nulla, petiit nauarchus ab Rege, vt in area nostra excitare liceret ædiculam, in quam Lusitani, qui versabantur ibi nonaginta, religionis causa, conuenirent; eademque Firandenses Christiani deinceps vterentur. cui Rex se deliberaturum respondit. Ea erat dissimulata negatio: itaque id vbi rescimus, apud Christianum in area nostra habitantem priuatum sacellum exstruere atque adornare constitui, quod ille tanta animi alacritate studioque recepit, vt ædium duarum quas possidebat alterius vltro mihi optionem daret, seque custodem fore profiteretur. igitur, Antonio præsertim, operas & cætera necessaria benignè suppeditante, paratum oratorium est, & omnibus rebus instructum, in quo singulis noctibus Litanæ & facti sermones habebantur. vbi Dominicus dies aduenit, è pagis insulisque finitimis ingens Christianorum multitudo confluit, tum ad verbum Dei audiendum, tum verò ad sacram

eram visendam imaginem, positam, ut dicebamus, in naui, loco peristromatibus, vexillis, virentibusque arborum ramis ornato, referta iam spectatoribus naui, cum perorassem, eos omnes nauarchus, quod longè ab domibus suis abessent, liberali cibo potuque refectos dimisit.

Iam dies obtreperat, quo die mihi in Bungum redeundum esset: quocirca sacra tabula ex oneraria in nauculam translata, ut inde Facatam deueheretur; Christianos Iquicuchenses monui, me sabbato proximo (ut promissa facerem) ad eos ex itinere venturum, & inde postridie vespere profecturum: quæ illi re audita, parata naui continuo ad me deducendum venerunt. sub noctem conscendi, comitibus piis aliquot Lusitanis, qui me rogauerant, ut mecum se ad illas Ecclesias inuisendas venire permitterem. Descendentibus nobis ad littus obuiam prodire Iaponico more cum facibus multis: eodemque comitatu ad templum venimus, ubi nos magna populi multitudo cum pueris expectabat. Concione habita, & puerorum catechismo peracto, quod iam intempesta nox erat, plebem dimisi, manequè postridie (Dominicus erat dies) post concionem incolas circiter tredecim, Christiano doctrina iam institutos, baptizauimus. Inde profecti, magna in itinere ac varia incommoda molestiasque pertulimus. Nam & mari, paruis linternis, iisque monoxylis, vastos interdum sinus præcidere sumus coacti, vixque imminetium piratarum manus effugimus, qui captos homines diu multumque vexatos in seruitutem diuendunt; & terra, iumentis consultò relictis, lutulenta via atque teterrima cingulo tenus cæno demergebamur: quæ tamen sordes occurrentibus passim riuis eluebantur. Accessit ad hæc, assiduum pænè profluuium sanguinis, quo sanè grauiter acerbèque vexabar. Sed eas omnes difficultates, Christianorum erga nos studium caritatisque compensabat egregia: cum & hospitii commorationisque nostræ mercedem constanter ac benignè respuerent: & abeuntes, viatico omnibusque rebus necessariis liberaliter instructos, vberissimo fletu prosequerentur: & quod longè admirabilius est, impressa à nobis humi vestigia ipsa, obstupescuntibus rei nouitate ac miraculo qui mecum aderant Lusitanis, oscularentur. Verum, ne longior sim, modum epistolæ faciam; si vnum addidero, ex quo facile judicare possitis, quanta sit Iaponicæ gentis ac nominis ad humanitatem religionemque propensio. Cum fessus è via, morboque pænè confectus, in quodam ethnicorum oppido substitissem; tametsi nullum erat desiderium cibi, tamen ne planè deficerem, oryzam reformidans, putridaque piscium salsamenta (hæc enim

enim incolarum cibaria sunt) nisi qui oua coëmeret. is autem mihi mox oua cum ipsis nummulis retulit. Causam querenti respondit, incolas oua, quod dies ille festus ipsorum esset, vendere noluisse: quod ægroto quærerentur, dono dedisse. Denique in Bungum ægre peruenimus: ibi quanquam à Cosmo ac Sociis amantissime acceptus, humanissimeque tractatus, vix tamen adhuc è diuturna ægrotatione conualui. Vos clementissimum Iesum obsecrate fratres, vt mihi ad se perfecte colendum vires animumque suppediet. è Bungo, Calend. Octob. MD LXI.

E SOCIETATIS IESV LITTERIS IN EVRO.

PAM DE OBITU CONSALVI SYLVERIAN

Lusitani.



ONSALVI Sylverianæ nostri felicem obitum hæc epistola persequemur. Is circa initium anni MDLX. cū Sociis duobus Gōa discessit in regna quæ dicuntur Inhambanis & Manomotapæ, vt nationibus illis Euangelium nuntiaret, quod concionatorum inopia nunquā probè cognouerant. Vt primum Inhambanē attigere, morbo corripiuntur ita graui, vti Consalus natura valentissimus, oculorū acie vehementer habetata fractisq; viribus, propemodum extinctus sit. Vbi paulo melius habuere, ad urbē Regiam Tongen iter intendunt. ibi Regē vnā cum vxore, sorore, liberis, cognatis, regniq; proceribus, populo denique pēnē toto intra paucos dies magna omnīū gratulatione atq; lætitia sacro fonte lustrarunt. Rex Constantini, Regina Catharinæ, soror Elisabethæ nomen assumpsit. Inde Consalus rei Christianæ causa relictis apud Regem Sociis, Manomotapam ire pergit, comitabantur amici Lusitani sex; orā vnica biremi legebant; Mosambico insula superata, vix ad Masutæ fluminis ostium leucas nonaginta processerant, cū atrox coorta tempestas, Consalui deprecatione repēntē sedatur atq; comprimitur. Inde exscensione facta, die qui fuit Hieronymo sacer, plicatilis ara in ipso litore ad sacrificium excitatur, ita vehementi Solis ardore, vt calceati Lusitani, terræ calorem ferre vix possent. Consaluo autem inter sacrificandum eruperunt ex toto capite pustulæ: quas cū ad curandas medicamenta nequaquam deessent, præclaro sui ipsius odio incensus ille cuncta repudiavit, seque naturæ dumtaxat sanandum permisit ac tempori. Triduum ibi morati, tranquillo mari prouehuntur ad Colimanem fluuium; cō resiantibus ite-

tum ventis ægrè subuecti, ad Mingoaxanem Gilox regem veniunt amicum Lusitanorum: à quo benignè ac liberaliter accepti, facta etiam promulgandi Euangelii potestate, diutius tamen ibi non subistit, quòd ad Manomotapæ Regem festinare: quo vno ad Christum adiuncto, finitimos reges longè vitibus atq; auctoritate inferiores ad Christum deinde facile perducì posse considerent. Hinc ad annem ingentem tendunt Cuamam, leucas à Sofala triginta, ex quo rursus in Lindem proximum sinum periculosa procella còpulsì, tredecim ibi steterè dies. Ab Linde cùm ad Cuamam denuo peruentum esset, in ipso introitu fluminis re diuina peracta Consaluis à Lusitanis comitibus petiit primùm, vt quoniam fines Manomotapæ ingredi inciperent, totum legationis suæ negotium Domino suppliciter commendare ne grauarentur: deinde vt æqui bonique facerent, si reliqua tota navigatione se, vt precibus vacaret, ab eorum conspectu atque consuetudine remouisset: in rebus præsertim grauioribus consulto potissimùm Deo exoratoque opus esse. tum iubet in certa nauigii parte velum sibi prætendi, tunc recessu octo ipsos dies ita delituit, vt semel tantùm quotidie toti ciceris pugillo & exigux haustu frigida sese reficeret, & quicquid à præcatione supererat temporis, in euoluendo libro consumeret, qui scriptas sanctorum continebat vitas.

Octauo igitur die, cùm ad Senam (qui terminus navigationis erat) venissent, vicum sanè frequentem, ibi descensum est, nuntiusque à Còsaluo ad Regem de suo aduentu in intima regni missus, à quodum responsum exspectat, interim Christianos aliquot inquilinos à peccatis per confessionem absolutos, à turpi concubinarum consuetudine ad sacras nuptias legitimasque traduxit, catechismum publicè docuit, & è Lusitanorum seruitiis ibidè capita fetè quingenta baptismo lustrauit. Regem etiam Inhamioris, Regis Manomotapæ stipendiarium, tribus passuum millibus à vico Sena, cùm aliquoties adiisset, cohortationibus suis ita permouerat, vt se vnà cum vxore & liberis libentissimè Christianum fore profiteretur. Sed Consaluis, partim quòd non haberet. quem apud illum catechismi causa relinqueret, partim etiam ne Monomotapæ Regis offenderet animum, si prius stipendiario quàm ipsimet Christiana sacra impertisset, Inhamioris Regem vt potuit còsolatus, hortatusque vt ipse cum suis Dei bonitate fretus in suscepro consilio permaneret; totam rem in tempus aliud distulit. Iamque alter effluerat mensis, cùm Antonius Caiadus Lusitanus, qui morabatur in vrbe Regia Manomotapa, legatus à Rege ad Consaluum aduenit Manomotapam perducendum. Consaluis
factorum

factorum ornatu cum sacro lapide & calice in sarcinam colligato, sublatoque in humeros, se in viam dedit. Cum ad fluuios ventum erat, qui multi in ea regione sunt, siquidem vado superari possent. quamuis ad jugulum usque pertingerent, transibat, manibus elata seu capite sarcina: sin minus, vasi ligneo impositum peramplo Consaluum, natantes ipsi propellentesque traiciebant Cafres, quo nomine gentes ex appellantur. sub noctem natalem Domini ad Chetuchin pagum haud longè à Manomotapa ventum est, factumque ter sacrum summa Lusitanorum animi voluptate. Inde Natalium feriarum octaua, cum urbem Manomotapam introissent, misit confestim Rex, qui Consaluum cum muneribus viseret, auri pondere ingenti, bobusque permultis, & famulatu ad ministeria quotidiana: quippe qui de Lusitanis mercatoribus iam antè cognouerant, Consaluum non modò vitæ sanctitate virtuteque præstare, sed etiam generis claritate ac nomine in primis esse conspicuum. Consalvus gratiis actis, muneribusque repudiatis, ex ipso legato Regem cogniturum esse respondit; quod genus auri quasve diuitias quaesiturus in ea loca venisset. Obstupuit nimī magnitudine Rex, venientemque ad se deinde Consaluum tanta gratulatione & significatione honoris excepit; quanta neminem unquam antea. Nam & in ipsa penetralia, quò nulli est aditus, introduxit; & assidente matre, confidere Consaluum etiam in tapete iussit, Antonioque Caiado è conclauis ianua interprete adhibito, Rex quatuor continuò sciscitatur, quot feminas, quid auri, prædiorum, boum denique vellet, quos incolæ non minoris quam aurum ipsum aestimare dicuntur. Cum nihil se præter ipsum Regem respondisset optare; conuersus ad interpretem inquit Rex: Profectò necesse est, qui nihil horum accipiat qui à cæteris tantopere adamantur, longo intervallo à reliquis distare mortalibus. & nihilominus ad extremum multa benignè pollicitus, amantissimis verbis Consaluum ad hospitium remisit. Ibi dum ille manè rem facit diuinam, è principibus quidam prætereuntes cum è foribus aspexissent in ara propositam perelegantem Mariæ Virginis imaginem, quam in tabula depicta ex India Consalvus aduexerat, specie decepti ad Regem deferunt, Consaluum egregia forma puellam apud se habere, hortantur ut ab illo deposcat. Nec mora mittit ille, qui Consaluo renuntiet, audisse se, illum uxorem secum adduxisse: vehementer cupere, ut eam sibi sistat. Tum Consalvus tabulam pretiosa veste inuolutam ad Regem affert. Cuius desiderium quo magis exacuat, præfatur illam esse effigiem matris Dei, cuius in ditione ac potestate sint omnes Reges & Imperatores orbis ter-

& totius ac tum denique tabulam aperit, Regis quoque matre
 presente. Rex imaginem veneratus, Consaluum etiam atque etiam
 obsecrat, eam sibi largiatur, domi habere se velle. Libenter verò
 Consalvus annuit: quin etiam ipsemet in regio cubiculo collocat.
 ibidemq; quasi sacellum quoddam precandi causa peristomaris pre-
 tiosis exornat. Narrant qui inde venere Lusitani, noctibus dein-
 ceptis circiter quinque, Reginam celi ea ipsa specie, quam tabula o-
 stenderet, diuinam circumfusam luce, sauique splendore fulgentem,
 augustissimò simul ac iucundissimo aspectu, dormitanti Regi asti-
 tisse; quod ille manè matri narrabat, rei nouitate vehementer at-
 tonitus, itemque Lusitanis, qui statim id Consaluo renuntiabant.
 Postremo Rex Consalvus ipsum accersit, ait se mirum in modum an-
 gi, quod sermone in Reginæ eius, quæ secum singulis noctibus lo-
 queretur, non intelligeret. Cui Consalvus eam esse linguam
 diuinam dixisset, quam nemo nosset, nisi qui sacrosanctis eius Regi-
 næ filii legibus pareret, quippe qui Deus esset, generisque totius
 humani redemptor; Rex in presentia quidem, si minus verbis, vultu
 certè ac significatione se Christianum velle fieri ostendit: bidui dein-
 de spatio interiecto, per Antonium Caiadum Consaluo apertè de-
 nuntiavit; certum esse sibi matrique Christiana sacra suscipere: proin-
 de ad se baptizandum quamprimum veniret. Consaluo tamè dies
 aliquot supersedere satius visum, dum Rex Christianæ fidei præcep-
 tis ac rudimentis imbuitur. quibus cum satis iam operam dedisse
 videretur, quinto circiter & vigesimo post aduentum suum die
 Consalvus Regem simul & matrem non sine solenni pœpa & gra-
 tulatione baptizat. Regi, Sebastiani; matri, Mariæ nomen est indi-
 tum. Eo ipso die Rex Consaluo, quoniam aurum respiceret, boues
 centum donauit: ille ad Antonium Caiadum misit, ut in frustra
 dissecti distribuerentur in pauperes. Quam eius liberalitatem ac be-
 neficientiam populus ingentem cum admurmuratione suspexit. Regem
 imitari trecenti ferme è regni proceribus, Christo sese pariter ad-
 dixere. Hi nunquam à Consalui latere discedebant, adferebantur e-
 tiam dona Consaluo: hæc, oua, butyrum, hœdi, aliæque id genus: quæ
 ille nec aliud genus carnis omnino gustabat; coctio duntaxat milio
 quodam exiguo, herbisque & syluestribus victitans pomis. Iamque
 spectata vitæ morumque sanctimonia studioque salutis humanæ,
 tantam sibi summorum infimorumque beneuolentiâ conciliaue-
 rat, tantosque in omni animis effecerat motus, ut in Christianam
 religionem vniuersa multitudo videretur incubere; cum à Maho-
 metanis quattuor potentibus & callidis viris, & apud Regem gra-
 tiosis, Consaluo paratur insidiæ. Auctor conspirationis Mosambi-

canus Mingames nefariæ superstitionis antistes, siue, vt ipsi appellant, Cacicus. ii Regi partim coram ipsi, partim per idoneum internuntium valde sibi dolere demonstrant, quod tantum in capitis regniq[ue] discrimen vltro se ipse demiserit. Consaluû, cui tantum fidei & honoris habeat, missu Proregis Indiæ, terrâq[ue] Sophalæ regulorum, ad explorandum Regis statum, sollicitandosq[ue] ad defectionem popularium animos aduenisse, vt motibus excitatis ipsi deinde, infesto exercitu subsequuti, Regem opprimant. Addûnt insuper fabulosa portenta, Consaluum magum esse terribissimum omnium, & sagacissimum, varia veneficia ac medicamenta secum attulisse ad incolarum animos occupandos, Regemq[ue] mactandum. quicumque caput suum aqua perfundi paterentur, conceptis præsertim verbis langariorum (sic enim Lusitanos vocant) à Consaluo pronunciatis, confestim volentes nolentes in eius potestatem venire: id ipsum alibi contigisse. proinde videret etiam atq[ue] etiam Rex quod progredere, cui se suæq[ue] crederet. Si Consaluum abire permittat incolumem, fore vt ciues mutuis inter se cædibus amentes atq[ue] lymphati miserandum in modum grauentur atq[ue] cõcurrant. Hisce aliisque mendacijs onerato Regi, adolescenti præsertim, ac matri, facillè persuasum est, vt Consaluum primo quoque tempore interficiendum curarent. Nec dum ea cõsilia eruperant, clandestinis agitata colloquiis, cum ad Antonium Caiadû Consaluus, haud ignaro (inquit) mihi, nec imparato, mors instat ab Rege. Caiado autem ita incredibilis visa res, vt subridens prorsus negaret. iamq[ue] dies aduenerat necis, vel vitæ potius, qui dies natalis erat idem D. Susanæ Virginis martyrisq[ue]: Consalutus ab Antonio magnopere petit, vt Lusitanos duos trêve ad se confestim accersat. Confessionem (inquit) illorum tuamq[ue] simul excipere, & sacra Eucharistia hodierno die reticere vos omnino constitui: nec enim postea potero. Hos ille dum absentes euocat, Consaluus ad meridiem vsq[ue] præstolatus, cum non adessent, consecratas consumpsit hostias duas: factitq[ue] eodem die Christianis circiter quinquaginta, vestem ad corporis cultum, rosaria ad ptecandum diuisit. Lusitanos verò sub vesperam redeuntes, confessionis Sacramento, quoniam Eucharistiæ non licebat, purgatos, mita vultus hilaritate animiq[ue] tranquillitate animabat inscios quid ille conditum haberet in animo. Iisdem sacrorum apparatus dat in ædes Antonii deferendum: ipse linxatus, cum effigie Christi ad Crucem affixi, domi remansit, reuertentiq[ue] rursus Caiado, pectus hominis manu leniter apprehendens, Antoni Caiade (inquit) profectò paratior ad mortem obeundam

ego sum, quàm ipsimet inimici ad inferendam: Regi autem ac matri libenter ignosco, Mahometanorum quippe artificis ac dolis inducti sunt. Hæc ille serena facie atque hilari cùm dixisset, Antonius ab eo digressus, tametsi vix fieri posse putabat, ut Rex tã nefario scelere sese obstringeret; tamen quoniam, ex recenti quodam sermone, eius animum exulceratum, contra quàm existimasset, offenderat; famulos duos ad Consaluum custodiendũ ea nocte misit, a quibus ea, quæ sequuntur, accepta sunt: Consaluũ, cùm secus diuersorium in area ad multã noctẽ, quasi è corporis custodia exire gestienti mora nimis lōga videretur, ita citatis gressibus ambulasset, oculis semper intentis in cælũ, manibus modò sublatis ad sidera, modò Crucis in figuram extensis, ducens ex intimo corde suspiria; suum denique tuguriũ subiisse, fufisque precibus eorũ Christi signo, quod vnum solariũ illi supererat, in arundineum gratũ decubuisse, & in somnum incidisse iustorũ: id enim ex insidiis cōspicari satellites octo circiter, illico irrumpunt; in iis barbarus nobilis nomine Mocrumes, qui sæpe cùm Consaluo cōuiuium inierat, iacētis pectus opprimit insidetq; arreptũ inde pedibus & brachiis, humo tollunt alii quattuor: duo reliqui collo inlitiũ funem, quo vtrinque adducto, Consaluus expressam ex ore naribusq; magnam sanguinis copiã effudit, & spiritũ simul Domino reddidit. Tum verò Christi simulacro sacrilegis manibus cōminuto, defuncti corpus recte ligatum attractũque, interfectores in præterfluentem Monsengessẽ deiiciunt, ne videlicet (quod Mahometani cōfinxerant) cadaver ipsum tam malefici hominis sub dio relictum veneni sui tabe cunctos inficeret. Hunc habuit exitum pia Consalui legatio: quo sublato, Rex eadem sæuitia percitus Christianos pariter quinquaginta, quos ille extremo die suo pepererat; magistri donis exutos iubet occidi. Id simulatque cognitum est, regni procures, quos Encofes vocant, rei atrocitate permoti, consensu adeunt Regem; & si hominibus (inquiunt) hinc mors idcirco debetur, quod aquam infundi capitibus suis & Consaluo permiserint; eadem & omnium nostrũ, & verò tua quoque causa Rex est: omnibus vno eodem leto occumbendum. Quia denuntiatione repressus Regis furor cùm aliquantulum resedisset, eum biduo post Lusitani quoque conueniunt, docent quàm graui scelere sese obligauerit; terrores insuper addunt, non Dẽum modò indignam innocentissimi viri necem debitis pœnis, sed etiam homines ipsos nobilissimi, bello atque armis vlturos. Ad ea Rex diligenter excusare sese, culpam in suasores impulsorẽsque rejicere, magnum perpetrati facinoris dolorem ostẽdere,

dere, denique vt factis verba consentiant, è quattuor consiliariis duos confestim interfecit: nam reliqui duo, quorum alter fuit princeps nefarii consilii Minguames, remi odorati, maturè diffugerant: qui tamen, quòd summa diligentia conquirebantur, nequaquam euasuri potentissimi Regis manus existimabantur. Hisce rebus perlaris in Indiam, Antonius Quadrius noster, id ipsum vehementer optante Prorege, idoneam nauigandi tempestatem exspectabat, vt Socios aliquot Manomotapam mitteret ad cæpta promouenda, quæ felicem omnino progressum habitura sperabant, eius Ecclesiæ fundamētis tam innocenti castoq̃ue sanguine positis.

Nobis interea, carissimi fratres, omni cultu & obsequio propitiandus est Dominus; ac præter cæteros ipse quoque Sylueria suffragator adhibendus, vt pari spiritus ardore succensi, deuotas Christo animas, Dei gloriæ & salutis hominum causâ, tandem aliquando fundamus. Goæ.

GASPARIS VILELÆ AD
SOCIOS.



N N o superiore, Cosmi Turriani missu, è Bungo discessurus Meacū, de mea profectioe feci vos per litteras certiores. Nunc, quoniā id fore vobis gratum atque iucundum existimo, ea persequar, quæ mihi ex eo tempore contigerunt: vt cū Deo Domino gratias agatis; tum fratrem hunc vestrum, a vestra consuetudine tanto locorum interuallo disiunctum, supplicationibus vestris adiuuandum intelligatis.

Anno igitur a Virginis partu MDLIX, comite Christiano Iaponio, Laurentio nomine, probo iuvene, & linguæ huius rerumque peritissimo, nauigium ethnicorum conscendimus: iter autem nostrum (quod facilè iudicari potuit) aduersarius multis rationibus impedire conatus est. primū enim ipso nauigationis initio tanta repentè malacia ac tranquillitas exstitit, vt nauis loco moueri non posset. Tum barbari, vt muneribus pacem ventumque à Diis obrinerent, stipem singillatim a vectoribus corrogare ceperunt. Vbi ad me ventum est, negaui me vnus Dei conditoris cæli terræque cultorem, in quo spes meas omnes haberem repositas, quidquam in ipsorum delubra collaturum. quo illi responso aded exauduerunt, vt eias incommodi causam apud me residere, ac proinde me in mare projiciendum esse affirmarent. Hic nos ad

Decum

Deum mente animoque conuersi, cuius beneficio inflari vela manè postridie capta sunt. Sed cum aliquot passuum millia processissemus, aduerso vento tursus retenti, quatrimum stare coacti sumus. Tum verò barbari planè in nos causam eius rei conferre, verbisque & significationibus conceptam iram ostendere; quæ tamen Domino miserante cohibita est. Denique ad portum quendam delati, ibique decem dies tempestate coacti subsistere, communi sententia decreuerunt, nequaquam nos secum ex eo loco auhendos: & ipso quoque nauarcho in eam sententiam adducto, nos descendere coegerunt; quem tamen, cum aliam nauem nullam in eo portu offendissem, precibus placatum, inuitis omnibus perpuli, ut me ultra eum locum passuum sex & triginta millia deferret. Et quoniam nauarcho ulterius progrediendum non erat; barbari circum naues quotquot in eo portu erant circumcursare statim incipiunt, & gubernatoribus apertè denuntiare, si prosperam optent nauigationem, nos omnino rejiciant: ita cunctis abeuntibus, nos in littore sumus relictis: sed paulo post diuinitus alio confestim nauigio appulso, tam feliciter nauigauimus, ut portum citius iis qui ante nos soluerant (cum etiam aliquot eorum respiratas incidissent) sine ullò periculo tenuerimus. Tum denuo instare barbari, & nauiculariis persuadere conati sunt, ne porro nos ad urbem Sacaium veherent: sed frustra. etenim incolumes eò peruenimus quarto Idus Sextileis: qui dies quoniam diuo Laurentio erat sacer, ipsum Christi martyrem, eius nationis patronum, asciuius. est autem urbs Sacaium perampla, plurimisque ac pecuniosis mercatoribus frequentissima, suisque legibus ac moribus more Veneto gubernatur. Hic nos ex itinere aliquantulum recreati, ad montem contendimus Frenoiamam, ab urbe Meaco passuum millibus decem & octo. mons autem est permagnus: habitatur à Bonziis, & caput est regni, ad cuius radices iacet lacus plenus piscium, passuum nonaginta millia in longitudinem, unū & viginti in latitudinem colligens, quem multi confluentes efficiunt amnes. in eius littore locus est ad montem pertinens cœnobiiis plus quingentis visendus, multis aliis bellorum injuria deletis, quæ quoddam trium millium & trecentorum summam impleffe dicuntur. Hæc autem cœnobia Bonzii variarum habent sectarum, bipedum superbissimæ: ac ceteri quoque montis incolæ ad litteras natura propensi videntur, in quibus (ut opinor) excellerent, si se ad Christianam religionem adiungerent. iis nos Euangelii lumen inferre conati, nihil profecimus, & nemo nobis aures, præter senem quendam Bonzium, dedit: cui, & simul discipulis eius aliquot,

demonstrauimus vnum esse Deum opificem rerum omnium, animosque hominum esse immortales. tum ille mihi in aurem insufflans, orationem meam, quamuis placitis lapsoniorum aduersaretur, planè sibi probari dixit, & præsertim quæ de animorum æternitate à me fuerant disputata: sed quominus Christi sacra susciperet, se Bonziorum metu capitisque periculo detererri. vbi igitur frustra nos laborare intelleximus, inde profecti, paucis diebus Meacum hyeme tum ineunte peruenimus: est autem vrbs per ampla, tametsi maior olim fuisse traditur, cū esset eius longitudo passuum vnius & viginti millium, nouemque latitudo. Hanc mōtes editissimi cingunt: quibus in imis ingentia vbique & opulenta cœnobîa atque ædificia antiqua cernuntur: quanquam seditionibus, & incerditiis vnâ cum ipsa vrbe, magna ex parte disiecta & excisa; vt, quod nunc vrbs incolitur, præse magnificentiæ tenuis quædam velut imago esse perhibeatur. Regio est in primis frigida, partim ex copia niuium, partim ex arborum cæduarum inopia. Sterilis autē aded, vt raphanis, rapis, malis insaniis, & leguminibus vulgo vescantur. hæc autē ciuitas dicitur quōdam religione ac literis floruisse: cuius rei argumentum etiā illud afferūt, quod ex eadē vrbe monteq; omnes lapsoniorum sectæ manauerint, quarum principes ac magistri in his locis sibi in hoc vsque tēpus sedes ac domicilia collocarunt. Meaci igitur, conducto hospitio, cū nemo ferè ad nos ignotos adhuc & obscuros audiendos accederet, mihi faciendum existimaui, vt primū omnium Regem siue Imperatorem honoris causa inuiserem, vt eo beneuolo propitioque vteremur: deinde summa Cruce, in mediam viam ex ædibus prodians, Christū palam prædicare institui. quas ad voces ingens continuū populi multitudo conuenit, alii rerum nouarum studio, alii etiā cauillandi atque irridendi. Quorū interrogationibus cū ita Deo adiuuante responderetur à nobis, vt ipsorum rationes planè infirmari ac refutari constaret; aduentus nostri fama totā vrbe ita peruasit, vt omnium sermone celebraretur: partimq; improbaretur nostra doctrina, partim etiam defensores aliquos inueniret. Bonzii quidem furentes circumcursare vicos, plebem in nos incitare, Euangelium probris maledictisque proscindere, falsis etiam testibus eliminari, nos carnes humanas vorare, reptatq; domi nostræ ossa cadauerum: alii denique nos hominum specie dæmonas dicere: hortari etiam vicinos, vt nos finibus pellerent: ædium verò domino exprobrare, quod nos in suis rectis morari pateretur: qui ipsorum dictis impulsus, mihi renuntiari iussit, vt confestim migrare: cūq; incertus quò me recipere, haud ita continuò

continuo

tinuò paruiffem, ftricto gladio in me impetum fecit, quamuis intelligeret, fi me occidiffet, fe vel patriis legibus capite punitum iri, vel eius ignominia vitanda causa, mortem Iaponico more fibi vltro effe oppetendam. Ac meus quidem quis tum effet animi fensus ac ftatus, cum impendentem mihi è barbari manibus ensem afpicerem, exiftimare poteffis ipfi. Et fanè mihi affirmanti credite fratres, permultum intereffe, vtrum quis mortem apud fe tacitus meditetur & cogitet, an oblatam fibi propius intueatur ac cernat. Ego me (ad quem enim confugerem?) Domino totum commendauì ac tradidi, cum vna me res eo tempore folaretur, quòd inter eos terrores minasque verbum Dei in hac vrbe, quæ omnium Iaponicarum fuperftitionum eft parens, diffeiminari & crefcere intelligerè. Eo periculo perfunctus, cum iam aliquot Chriftianos feciffem, iniquorum furori concedere, & in alias ædes migrare conftitui, quas nobis vini propola quidam exhibuit perincomodas. quippe quæ Ianuatio mense in magna niuium copia, frigoribus maximis, & parietibus & omni alio munimento carerent. Hinc nos maiore etiam animo ceptis inftitimus, Dei beneficio parati, vitam, fi opus effet, in Chriftiana causa profundere, iamque & è ciuibus plures, & è paganis permulti Chrifto nomina dare non dubitabāt, quamuis ob idipfum vulgò defpicerentur; & Bonzii, quamuis aliqua ex parte placati, nondum tamen calumniis ac maledictis nos lacerare defifterent, quinimmo ne vfpiam confiftere nobis liceret, communi confilio emptores ab eius taberna, qui domum nobis locauerat, auocare ceperunt: quo ille permotus incommodo, fæpius egit mecum, vt inde migrarem: fed tamen follicitudinem noſtram miferatus, quòd nullus præterea foret nobis in vrbe locus, tres menses de habitatione commodare decreuit. quo temporis fpatio multa frigoris, laboris, valetudinis incommoda non folùm æquo, fed etiam libenti animo (Domino auxiliante) pertulimus. Iamque æftas appetebat, cum Regem rursus adiunimus, vt nobis in vrbe tutò mauendi faceret poteftatem; ac, tametsi obrectatores non defuere, feliciter tamen diploma ftatim abftulimus, mortis propofita pœna, fi quis nos aut injuria affeciffet, aut, quo minùs fufcepto munere fangeremur, impedire aufus effet. Ea re & iniquorum impetus tetardati, & Chriftianorum numerus ita auctus eft, vt neceffe fuerit perampla domo ad eam rem coëmpra templum inſtruere, quòd non Chriftiani folùm, fed etiam ethnici confluebant. quorum alii fe ad Ecclefiam aggregabant, alii cum verba noſtra vehementer probarent, Baptifmi tamen petitionem fe differre dicebant, quoad latius res Chriftiana pateſceret.

Annum iam in opere versabamur, meliusque res ibat in dies, cum perpetuus ille hostis bonorum omnium, Bonzios, aliosque barbaros impulit, ut magna pecuniæ vi in cōmune collata magistratus corrumpere: qui muneribus deliniri inscio Rege nos summa cum ignominia exterminassent utique, nisi cognita re ethnicus quidam primarius, vir bonus, & nostram causam apud Regem agere solitus, nocte antequam domum nostram irrumperent inimici, me per nuntium monuisset, ut Bonziorum rabiem in præsentia declinarē, meque in arcem quandā suā ad sextum decimum lapidem ab vrbe reciperem. Consilio à Christianis probato, magna eorum manu, ea ipsa nocte, ad arcem vsque deductus, ferē quartiduum latui. Sed cum iam res postulare videretur, ne diutius abessemus, Meacum occultē regressi, ad Christianum quendam diuertimus. quo tempore varius erat de nostro discessu populi rumor: cum alii iniuria, alii iure optimo nos oppido pulsos dicerent. Christiani verò clam eò ventirantes, quibuscunque rebus poterant, consolari nos & iuuare conabantur: quorum opera quattuor mensium induciis impetratis, ut interea de nostra mansione vel professione ageretur, in publicum magna omnium bonorum gratulatione prodiuimus, neque ita multo post sacra ædes nobis est restituta. Quæ dum geruntur, ad Regem delatum est, contra ipsius edictum quam iniqui in nos Bonzirac magistratus fuissent. qua re permotus, multo nobis in posterum diligentius catir. aduersarii verò fracti ac debilitati non modò nos vtrà vexare destiterunt, sed etiam facta iam nobis libera commorandi potestate, nonnulli fauere visi sunt. ita, quod consilium diabolus in nostram perniciem ceperat, id ipsum vel maximè nobis diuinitus profuit.

Restat ut nonnulla de superstitione sacrisque huius gentis attingam, ut ipsorum excitate perspecta, eo magis enixè pro ipsis Donium deprecemini. Primum Augusto mense concelebrant ludos, quos vocant Gibō, (quæ vox hominem significat) quòd ii ludi homini sacri esse dicantur: quorū eiusmodi est ratio: Primum in vrbis vicos, opificūque collegia, describunt pegmata excogitanda moliendaque; inde ubi festus dies aduenit, veluti ad supplicationē populus coit. Agmen currus quindecim vel viginti præcedunt, sceticis pretiosisque tapetibus cooperti: in iis pueri multi psallētes, vel tympana pulsant, vel tibiis concinūt. Singulos autē currus hominibus tricenis aut quadragenis impulsos sua quæque artificū turba scaturatur. Alia deinde sequuntur vehicula hominibus armatis instructa, tericis ite variisq; præclarū rerū monumentis ornata. Hoc ordi-

ne pompa

ne pōpa delubrum præteruchitur, cuius delubri ea celebritas est: qua in re matutinum tempus omne consumitur. Sub vesperâ inde binæ lecticæ prodeunt: altera illius quæ colunt Dei, lecticariis ita cōpositis, ut præsentis numinis pondere valde fatigari premiꝑ; videantur; alterâ esse aiunt amicę cuiusdā ipsius. neq; ita multo pōst, tertia lectica vxoris iustæ gestatur, cui simul ac maritus per nuntiū significauerit se vnâ cum pellice aduentare; lecticarii statim huc atque illuc lymphati discurrent, itaque vxoris zelotypiâ inseniâq; significant. Hic populus magna edit signa doloris atq; mœstitiæ: plorant multi, multiq; ad consolandum Deę animum positis genibus eâ supplices venerantur denique lecticæ coniunctæ ad phanum redeunt: atque ita ludis finis imponitur.

Nequē ille minus miserabilis error est. Eodem Augusto mense biduum tribuunt colendis Manibus mortuorum. Sub imminentem noctem in ædium foribus lampadas multas accēdūt vario genere picturæ & ornatur: inde urbem tota nocte perambulant, alii religionis, alii etiam spectandi causa: magna etiam populi vis, cum aduersperascit, ex urbe, aduentantibus (ut ipsi videlicet opinantur) suorum Manibus obuiam prodit. Vbi quendam ad locum peruentum est, quo loco eos sibi occurrere arbitrantur, humanis primum verbis excipiunt: Felix (inquiunt) faustusque sit vester aduentus. Iamdiu aspectus vestri fructu caruimus: conside parumper, ciboque vos ex itineris defatigatione reficite. Tum oryzam, poma, & alios apponunt cibos: quibus ea per inopiam non licet, si aquam calidam secum afferunt: ibique totam horam morati, quasi finē epularum exspectent, precibus eos in suas domos inuitant; adiunguntque præcedere se, domus instruendæ causa, parandiꝑ; cōuiuii. Ut biduū illud affluxit, accensis funalibus oppido plebs egreditur, lumina discedentibus præferens, ne scilicet in tenebris offendant, aut quopiam incurrant: inde in urbem reuersi, ædium testa lapidationibus diligenter exeutiunt, ne qui fortē ex Manibus (à quibus nimirum aliquod sibi metuent damnum) occultè remanserint: tamen si eos miserantur nonnulli, quod paruulos dicant esse, & si fortē eos in itinere imber oppresserit, extingui misellos. Interrogati Iaponii, cur illis epulum præbeant, respondent, eos ad paradisiū tendentes suum, qui abest leucarū decies millies millena millia, quod iter nos minus quā triennio conficitur, fessos è via, recolligendarum virium causa huc diuertere. Per eos etiam dies omnia sepulcra diligenter purgant: Bonzii autem videlicet regnant; nemo est enim, re familiari quamuis exigua, quin ad expiandos ritē suorum Manes Bōzijs munus aliquod afferat. Videtis fratres mihi

carissimi huius gentis errores & tenebras, in quibus hæret adedè pertinaciter, vt eam inde ægre admodum eruas. Obsecrate Dominum, vt eos pro sua bonitate conuertat.

Ad hæc, alios etiam agunt celebri cum certamine ludos mense Martio sanè detestabiles, Conueniunt post meridiem quibuscunque libuerit, aîmati, deorumque suorum imaginibus picti humeros, tum duas in acies diuisi, pueri primum lapidibus, deinde cæteri sagittis & sclopis, mox contis, postremò gladijs dimicant. quæ ex pugna semper ferè nonnulli desiderantur, complures vulnerati discedunt, omnibus qui in eo prælio quempiam occiderint, aut plagis affecerint, impunitate proposita. omnino bellicosa est natio, hoc ipsorum studium, hæc est oblectatio: militibusque pro numero ac dignitate caputum, quæ ex hostibus cæsa retulerint, præmia perfoluuntur.

Dæmon autem tanto apud hosce miseros in honore est, vt ei magnificentissima phana exstruantur: in quibus horribili specie sese identidem offerens, cum alibi adoratur a populo, tum præsertim in monte suburbano, in quo fuisse quondam aiunt cænobiorum septem millia, quamuis nunc minùs multa visantur: quorum est vnum in primis opulentum, & confluenti omnium ordinum multitudine vsque adedè celebre, vt cum Reges bella gesturi ingentem auri vim ei delubro voueant, & victoria parta perfoluant; tum infima quoque plebs in suis difficultatibus atque periculis eodem auxilii causa confugiat. quibus dæmon per quietem apparens persuadet, se ipsorum religione placatum, eos è periculo eripuisse, perindeque iis cætera in posterum cessura, vt ipsum ritè negligenterve coluerint. quibus ille artificiis ita imperium in has gentes exercet, vt magnopere metuatur, obseruetur, denique adoretur ab omnibus.

Ille quoque deplorandus hominum error est. Bonzium quendam, Combadaxi nomine, ante octingentos annos ferunt in hac vrbe versatum: quem equidem existimo hominis forma dæmonem fuisse: adedè nefaria scelera ab eo excogitata cæterisque demonstrata narrantur. hunc tradunt deducere stellas è cælo, & futura prædicere solitum: inuentorem etiam litterarum fuisse, quibus Iaponii vtuntur, sibi que multa eaque magnifica templa ædificari iussisse, extremaque iam ætate subterraneum sibi effodi specum, in quem vltro se condidit, cum diceret, se iam vitæ huius satietate teneri, & in eo specu viuentem velle quiescere ad annorum decies millies millena millia. quo tempore fore, vt magnus quidam in Iaponè doctor existeret, seque tum in lucem hanc esse rediturum: eo

sermone

sermone habito, se intra specum obturato ostio occludi imperasse. magnum est eius ubique nomen, & viuere etiamnum creditur, multisque se per visum offert, & ab eo plerique suppliciter opem implorant. anniuersaria verò illius diei solēnia, quo die sese in specum abdidit, mirum quanta remotarum etiam nationum frequentia celebrentur.

Alii præterea aliis ætatibus fuere tres vel quattuor Bonzii summa eruditionis existimatione, quibus item magni honores habentur: sed vni præsertim, quem ante annum trigésimum vixisse perhibent, auctorem sectæ eius, quam Icoxos vocant: magna apud plebem auctoritate: cui sectæ Bonzius semper cum imperio præsidet, stupris flagitiisque palam turpiter deditus. quem plebs nihilominus tanta pietate ac veneratione prosequitur, ut, cum si modò aspexerit, vim lacrymarum profundat, soluique se admissis noxis ab eo suppliciter petat. eidem tantum pecuniæ deferunt, ut magnam Iaponicarum diuitiarum partem vnus obtineat. Festos verò eius dies quotannis ita conferta populi multitudo concelebrat, ut in ipso cœnobii aditu, cum fores aperiuntur, obtriri aliqui semper intendant: quibuscum ita præclare agi putatur, ut nonnulli religionis causa sese pedibus irrumpentium vltro calcandos nec adolsque substernant. Nocte autem, oratio de laudibus eius dum haberetur, tanta auditorum comploratio oritur, ut si publicè magnum aliquot incommodum ac vulnus esset acceptum.

Magna est etiam sanctitatis opinio Bonzii Nequiron, qui ante quingentesimum annum floruisse dicitur, & Foquexanæ familiæ princeps fuisse.

Hactenus de rebus Meacensibus, venio ad Sacaianas. Ego Sacaium Cosmî iussu Meaco me contuli, ubi sum in præsentia: quam urbem, cum ex concursu hominum ad nos audiendos (quorum aliqui iam baptizati sunt) lætam nobis animarum segetem allaturâ; tum quòd copiosissima ac munitissima est, turum nobis in tumultibus bellicis perfugium fore confidimus.

Multa vidi post meum aduentum memoratu digna, è quibus ne longior sim, vnum duntaxat exponam. Iulio mense festum diem agunt Daimagini, quem excellenti sanctitate virum, asseclam atunt fuisse p̄tici cuiusdam Imperatoris. hunc Sacaiani adorant, templis compluribus ei dicatis, & ludos eiusmodi faciunt: Horis pomeridianis viam vr̄bis longam ad passus ducentos transuersis vtrinque tignis ac tabulatis obsepiunt, ne plebi introspicere liceat: tum magna hominum multitudo à tribus passuum milibus eò contendit. in primo agmine idolum procedit equo insidens,

insidēs, stricta ingenti machera, pueris duobus deinceps comitantibus, quorum alter arcum eius & pharetram, alter accipitrem gerit; pueros multæ equitum turmæ certis insignibus distinctæ sequuntur, & magna præterea peditum vis, qui voto sese ei celebratari obstrinxere, saltantesque concinunt, Xenzairaquu, Manzairaquu; hoc est, annos mille voluptatis, mille millena millia gaudii. Hanc turbam Bonzii primùm candidati psallentes, deinde vniuersa nobilitas in equis mitrata, postremò quinque vel sex veneficæ magno mulierum comitatu linteatæ sequuntur: extremum agmen claudunt ingentes armatorum copiæ, ad excipiendam Daimagogini lecticam prodeuntes ad viam, quam clausam esse dicebamus. Lecticam verò ipsam inauratam lecticarii ferunt viginti, qui varias cantilenas velut intercalari quodam carmine concludunt, Xenzairaquu, Manzairaquu. Eandem, simulatque profertur in publicum, iactata suppliciter stipe, aliisque similibus veneratur populus. Hanc ego superstitionem & alias in hac vrbe conspexi, quas Dominus aliquando penitus abolere dignabitur. Meacum ad Natalem Domini cum Christianis agendum post menses quattuor cogitabam, ut mense Martio Sacaium denuo reuerterer, Christianamque rem omni conatu fulcirem, quoad nobis supplementum isthinc in tanta operatorum inopia submittatur. Vos per Dominum obtestor, fratres mihi carissimi, animum inducat is ad hanc prouinciã adeundam. Etenim si quod vquam tempus amplificandæ Catholicæ Ecclesiæ fuit idoneum, nunc certè egregia sese præbet occasio. Iaponica lingua haud sanè difficilis est, utique ad intelligendum, patientia tantum animique submissione opus est, ad ea quæ Dominus permiserit perferenda: quas ille virtutes pro sua benignitate profectò impertiet iis, qui huic colendæ vineæ sese alacri animo obrulerint. Quem nos etiam atque etiam obsecramus, ut in animis vestris & omniũ semper inhabitet. Sacaiò, xvi. Calend. Septemb. MDLXII.

EX EPISTOLA ARIÆ SANCTII AD
SOCIOS.

EGo in hac vrbe fratres mihi carissimi operam nãuo curandis ægrotis, qui in Hospitali domo sunt; & simul pueros quindecim partim Iaponios, partim etiam Sinas, qui apud nos educantur, litteras & musicẽ doceo, quo maiore carèmonia cultuque sacra in posterum peragantur: quam rem ad conuersionẽ barbarorũ non mediocriter profuturã esse cõsidimus. In
his pue-

his pueris duo numerantur, alter quattuordecim, alter vndecim natus annos, tam excellenti ingenio præditi, vt id ætatis, Christianos concionibus suis ad lacrymas vsque permoucant. Sed maiorē Cosmus Turrianus Meacum misit ad ædē sacrā tuendā, & Gasparē Vilelam in opere subleuandum: minor apud nos remansit. Institutum nostrum in Iaponiis erudiendis eiusmodi est: Ioannes Fernandus, qui bene iam nouit Iaponicē, edocendis neophytis primū operam dat; deinde certum in locum se confert, quō multi ad eū sciscitādī & quærēdi causa cōueniūt, quibus ille respōdet; refutatque, cū opus est, errores ipsorum: idque sæpenumero bis in die vertendis etiam Iaponicē necessariis quibusdā libris vacat, adhibitis ad eam rem nonnullis incolis Christianis, vt versio purior, clarior, atque suauior sit: ex iis qui Christiana disciplina instituitur, aliqui sunt viri primarii, quorum vnus, ante baptismum, Bonziorum cœnobio cum potestate præfuerat, in Iaponicis superstitionibus litterisque apprimē versatus.

Ad conciones, quæ singulis anni festis diebus, per Quadragesimam verò multō sæpius habentur, operibus suis & ratione lucri neglecta, tam alacriter auideque ventitat plebs, vti freno potius, quā calcaribus egeat. quantum verò concionibus proficiatur, satis apparet vel ex pietate cultuque sacrorum, vel ex consensu mutuaque Christianorum beneuolentia, quam sanē augeri constat ia dies. Hebdomadæ sacræ diebus cū cætera solennia ritē sunt persoluta, tum verò quinta feria in cœna Domini, posteaquam pauperum pedes de more abluti sunt, agmen processit eorum, qui sese flagris cædebant: sequebantur tredecim pueri ornatu funebri, passionis Domini argumenta gestantes: ii suum quisque carmen elata voce tanto cum animi sensu prouuntiauerunt, vt nemo omnium, quotquot erant in templo, lacrymas tenere potuerit. Paschali autem die Dominico, historiæ quædam ē sacris litteris actæ sunt: vt exitus Israëlitiçi populi ex Ægypto, specie rubri maris in vestibulo templi machinationibus artificiosis exhibita, quæ transitum Israëlitis præberet, ingressum autem Pharaonem vnā cum exercitu obrueret. Ionæ quoque Prophetæ casus, aliaque similia spectacula edita sunt. supplicationibus absolutis, dialogus publicē est habitus, in quo superiorum dierum ex morte Domini luctus atque mæsticia cū Paschalis celebritatis lætitia & gratulatione conferebatur: quibus rebus mirū quāta voluptate affecti fuerint Christiani. Atq; iā antē, ipsis quoq; Natalis Domini feriis, orbis terrarum totius inūdationem, custodias Loth, Abrahami victoriam, denique pastorum aduentum ad oppidum

pidum Bethleem, sermonesque cum Virgine Dei matre habitos ita ad viuum effllexerant, non modò vt spectatores, sed actores etiã ipsi præ intima animi dulcedine collacrymarentur. Atque hæc de rebus Bungenfibus.

Nunc de cæteris Japonis partibus pauca complectar. Gaspar Vilela Meaco Sacaium profectus primarii cuiusdam viri precibus inuitatu, non solùm peramanter ab eo acceptus est, sed etiam eiusdem benignitate sumptuque templum ædificauit, quò populus ad Euangelium conueniret: statimque constitit operæ fructus, nonnullis ad Baptismum adductis, in iis adolescente filio eius, apud quem Gaspar diuerterat, præclara indolè puero, qui tam illustria virtutis ac pietatis dedit indicia, vt eius opera parentes quoque ipsius, fratremque natu maiorem, qui iam ad religionem Christianam valde se propensum ostendit, ad Ecclesiam Dei aggregatum iri Domino fauente speremus. Puerum hunc Gaspar deinde, parentibus non inuitis, quos nimirum adolescentulus precibus vicerat, in Bungum misit, vbi quid egerit, è Ludouici Almeida epistola cognoscetis.

Quod ad Amangurianam Ecclesiam pertinet, quam iam diu nobis lustrare non licuit, morem præceptaque sibi à Cosmo tradita Christianos studiosè retinere cognouimus. Dominicis diebus in templum sacra tabula picta, quam ed misit Cosmus, ornatum frequentes conueniunt: atque vbi Deum titè precati sunt, vnus eorum ex Catechismo Japonicè scripto nonnulla recitat, de quibus deinde disserunt inter se.

Habent etiam quosdam quasi œconomos ægrotis ac pauperibus subleuandis pecunia, quæ tum ad eam rem, tum ad curanda Christianorum funera in commune confertur. Aliqui etiam in Bungum ad Confessionem & audiendum verbum Dei se cõferunt. eam Ecclesiam Cosmus, quoniam per operarios non potest, saltem per litteras consolari & confirmare non desinit.

De Firandensibus autem rebus illud accepimus, Regem hoc anno se denuo Christianis æquum præbere capisse, templique extruendi iam nunc illis potestatem fecisse, eo fortasse consilio, vt cum Cosmo in gratiam redeat, & hæc ratione cum Lusitanis fœdus & hospitium renouet: quorum sibi amicitia atque commercium quàm sit fructuosum, vt clarijs desiderando sentiret, nãnem eorum, superioribus diebus Firandum appulsam, & Cosmo, & Lusitano viro nobili, qui tum in vrbe Funaiõ versabatur, nauarchi eius auunculo visum est faciendum, vt in alias oras auerterent. Igitur abeundi potestate ab Rege Bungenfi quamuis
agre

ægre impetrata, de Cosmi valetudine atque incolumitate sollicito, Firandum uterque profecti sunt. Funali autem, ubi à Christianis auditum est, Cosmum profectionem patare, morientes continuo ad eum ventitatem cæperunt, parentem illum atque pastorem agnoscere, manibus hi, illi etiam humi prostrati, pedibus oscula figere; quibus Cosmus exposuit, quàm iustis de causis iter illud ingrederetur, & simul mandavit, ut vicariis, donec rediret, (quod propediem erat futurum) diligenter obtemperarent: atque ita ab eis digressus est, multis eum viris, mulieribus, pueris magnotum luctu ac mœrore extra oppidum prosequentibus. quo absente, cum barbari se in templum nostrum insolenter inferrent, ea re cognita Rex misit è familiaribus suis, qui templum assidue custodirent, & in vincula abriperent, si quis in eum locum se contumeliosè gessisset: atque eiusdem præsidii negotium duobus etiam primariis civibus dedit, in ea vicinitate habitantibus. In ipso autem itinere labores atque pericula Cosmo non defuere: tertio quippe die in latronum insidias incidit, quorum unus intentum iam arcum in Cosmi pectus non sine magno eius vitæ discrimine obuerterat, cum ex ipsius comitibus quidam, ante sagittam emissam, adductas arcus habenas præcidit. Firandi autem magna cum gratulatione à Lusitanis exceptus, qui navis vexilla sustulerant, & tormentorum strepitu læritiam significauerant, in ædiculam diuertit ab Ludouico Almeida raptim, dum templum ædificat, exstructam: ubi cum cæteros Christianos, cognito Cosmi aduentu, terra ac mari undique confluentes, tum nautas ipsos Lusitanos admissis noxis per confessionem absoluit iisdemque faciliè persuasit, ut eum cunctata ex eo portu discederent. Hæc habui de Japonensium rerum progressu quæ scriberem. Vos Dominum precari assidue insistite fratres, ut nos idoneos veritatis Euangelicæ præcones efficiat. è Bûgo, v. Idus Octobris, MDLXII.

LUDOVICI ALMEIDÆ AD SOCIOS.



Nno superiore cum, Ecclesiis Facatæ, Firandi, aliisque lustratis, in Bungum ægrotus ex itinere rediissem, ut primum è morbo conualui, de tota peregrinatione mea feci vos per litteras certiores. quas quoniam vobis esse gratas intelligo, pergam ca scribere, quæ quidè in iis locis euenire, in quibus mihi versari ex eo tempore contigit: nam cætera ex aliorum litteris cognoscetis.

Firandi erat Christianus quidam quintum circiter & sexagesimum ægens annum, scriba Regis intimus, quem ille apud se in hono-

honorē habebat, liberaliterque tractabat. Is igitur Christianus cū animaduerneret se iam ad vitæ exitum appropinquare, susceptas in vita maculas matura Confessione delere, & (quoniam nullus erat ibi Sacerdos) Bungum vel cum Regis offensione periculoque rei familiaris petere omnino constituit. rem itaque cum vxore communicat; quæ (vt erat præstanti virtute ac pietate mulier) consilium vehementer probauit: illud solummodo monuit, vt quàm occultissimè abiret, ne in se Regis iracundiam prouocaret. Quocirca nauem Christianus intempesta nocte conscendens, in Bungum iter intendit: cuius discessu postridie cognito Rex, partim quòd eius opera admodum indigeret, partim quòd se inconsulto inuitoque abiisset, iratus, nauigio statim instructo, misit qui hominem persequerentur. Iamque magno suo bono è finibus Firandensis regni in Reguli cuiusdam ditionem euaserat; cū superuenientibus qui ad eum capiendum missi erant, Reguli iussu, cū cum Firandensi Rege amicitia intercedebat, eodem Rege postulante oppressus & in custodiam traditus est. Firandi ubi cognitum est illum inuentum fuisse, nec tamen vt rediret vllò pacto adduci potuisse, legauit ad eum Rex cognatos ipsius nonnullos, qui ad redeundum hortarentur: sed vxor contrà per litteras ei suauit à suscepto itinere nequaquam desisteret, bonoque animo esset, se laborum ipsius periculorumque breui consortem futuram. Sed videlicet currentem incitabat. Cosmus autem ubi id rescituit, egit cum Rege Bungi, vt Christianum ab regulo per litteras impetraret: quas qui pertulit litteras, offendit hominem magna in Deum fide speque subnixum, de se ipso autem adeò demissè maleque sentientem, vt non modò qui in Bungum ad Confessionem incolumis perueniret, sed qui vllò prorsus beneficio afficeretur à Deo Domino nostro, se prorsus indignum affirmaret: tantoque in se ipsum odio erat incensus, vt ad quotidianas verberationes, & precandi assiduitatem, & alia quoque voluntaria supplicia adiungeret, tanta cum sui cognitione, vt precibus Christiani, qui regiam epistolam attulerat, nequiverit adduci, quicquam vt de instituta vitæ austeritate remitteret. Denique solutus in Bungum ægre peruenit tanta animi sui cum voluptate, tantaque Deo gratias agens, vt rem verbis assequi nequeam. Cuius aduentus cū ad cætera multa profuit, tum ad Christianorum fidem ac spem in Domino augendam. Eum Cosmus, pueris, quos alimus domi, instruendis præfecit, & piis quibusdam libris in Iaponicum sermonem vertendis. Magnum apparet in eo precandi studium & caritas: &, licet extrema sit iam ætate, vix vnquam cessantem reperias. Eum

Domi-

Dominus ad finem vsque conseruet.

Per idem tempus nobilis quædam mulier, primatii ciuis vxor, ex familia regis Bungenſis, à dæmone agitata, per campos tanto cum vlulatu atque impetu ferebatur, vt a nemine contineri poſſet. Hæc ſibi Cosmus à Chriſtiano quodam inſigni viro commendatam ad ſe perducì, & in cubiculo publici valerudinarii, perpetuis cuſtodi-
bus adhibitis, collocatì iuſſit. Et quoniam in ſpem venerat mulier, ſe baptiſmi beneficio ſanitatẽ eſſe recepturam, habebatque mentis eiꝯ animique vexatìo dilucida interualla; iis opportu-
nè Cosmus eſt vſus ad eam Chriſtianis præceptis ritè imbuend-
am, quibus vt ſatis erudita viſa eſt, in magna Chriſtianorum corona, eam Dominico die baptizare conſtituit. Erat mulier ſanè quieſcẽs, ſed cùm primùm caput ſalutari aqua perfun-
di cæptum eſt, tanta repente vi ſe commouit, el amoreſque edi-
dit ita magnos, vt omnes, quotquot aderamus, perterrefecerit. Tum Cosmus à quattuor viris apprehenſam, teneri ad finem
vſque Baptiſmi imperauit. quo abſoluto miſera fractis viribus
concidens, inter famulorum manus in hoſpitale cubiculum eſt
relata. Ex eò tempore nullum eiꝯmodi incommòdum aut mo-
leſtiam hucusque perpeſſa eſt. quare & Chriſtianorum fides non
mediocriter aucta, & maritus ipſius ita permorus eſt, vt ab rege
petierit, ſibi per eum liceret Chriſtiana ſacra ſuſcipere; quod ei Rex
ita prolixè libenterque permiſit, vt diceret gratum ſibi fore, ſi eum
reſiqua familia imitaretur: itaque baptizatus ipſe cum liberis, co-
gnatis, & famulis, ſanè quàm in virtute proficiunt. Ego in-
terea vires è morbo collegeram. quo circa mēſis Octobris ini-
tio miſit me Cosmus, comite è Chriſtianis domeſticis vno, ad
templa quinque viſenda, variis locis regni Bungenſis comiti-
do Chriſtianorum exſtructa, menſem in eo itinere poſui, mult-
ros baptizaui ethnicoſ, Chriſtianoſ autem docui, qua ratione
templa concelebrarent, ſermonesque inter ſe de religione ſer-
rerent, ſi quando ad urbem venire non poſſent. quaſdam etiam
areas defixis Crucibus Chriſtianorum ſepulturę dicauimus; de-
nique in ſingulis templis benedictum ſeu piaculare granum re-
lictum cum codicillo, qui deſcripras grati indulgentias conti-
neret. Inde ad Cosmum reuerſus, Cangoximam mēſe Decem-
bri tetendi. profectionis cauſa fuit Emmanuelis Mendozę cum
ſex Luſitanis aduentus, qui vt per Confessionem peccatis ſunt
abſoluti, Cosmum rogarunt etiam atque etiam, vt me Cangox-
ximam ad hyemem ibi cum ipſis exigendam, Chriſtianoſ viſen-
dos, & promulgandum genti Euangelium mitterer. idipſum Regi

quoque Cangoximano fore gratissimum, quippe qui magnam eius rei voluntatem scriptis ad Prætozem Indiæ litteris, itemque ad Antonium Quadrium eidem prouinciæ pro Societate Præpositum, ostendisset: è Bungo igitur (vt dicebamus) profecti, gelu, & frigoribus maximis, quatrduo ad mare peruenimus: cum semper, vbi sub vesperam constiteramus, verba de rebus diuinis ad incolas fecissemus. Inde solutis anchoris, inter nauigandum, aduerso vento in oppidum sanè frequens coacti descendere, cum spectaculi nouitate permoti (nunquam enim Lusitanos antea viderant) magna hominum vis ad nos conuenisset, per eam occasionem eis Euangelium nunciauimus: quo illi audito, obstupefacti, ad nos audiendos iterum ac tertio rediére, atque vniuersi pænè profecti sunt, nisi Reguli metus obstarét, se Christo nominalibenter daturos, idque eo cum animi dolore. sensuque, vt nos ad misericordiam prouocarent. Dixi me cum Regulo acturum, (qui Bungenis Regis est stipendiaris) vt cuiuslibet Christiano esse impune liceret: eosque solatus vt potui, ex eo loco discessi. digressu meo lacrymæ nonnullis obortæ, vt si diu mecum vixissent, apud quos non toto bitulo fueram: ex quo facile iudicare possitis, quanta sit huius gentis ad humanitatem religionemque propensio. Angunem delati, & à Regulo peramanter excepti, vt primò opportunum est visum, de rebus diuinis & animorum immortalitate cum eo colloqui cœpimus: multisque sermonibus vtroque habitis, cum etiam familiæ partem a cœna ad audiendum accersisset, sera iam nocte ab Rege dimissi, nauarchum quendam Lusitanum sanè tempestiue conuenimus: cum enim nostra hortatione permotus, concubinam, ex qua duas susceperat filias, iusta cum dote in matrimonio legitimo collocasset, paucis post diebus est mortuus. Ex eo portu Tamarim tendentibus, vbi Emmanuelis Mendozæ naus in statione erat, arx in itinere occurrit Hexandoni viri principis, in edito monte posita, omnium, quas in vita videte me memini, & loco & opere munificentissima, quippe quam decem ferè propugnacula cingunt, inter se non nisi ponte subductili peruia, magnoque intervallo distantia, fossis ita profundis, vt desipientium oculis altitudo caliginem offundat, perpetuo (vt aiunt) siccæ fertamentis exciso: quod equidem vix hominum manu fieri potuisse crediderim. ibi cum Hexandoni uxorem & quattuordecim præterea Christianos multis iam annis Franciscus Xaverius Deo peperisset, mihi faciendum existimaui, vt me ad eos consolandos confirmatosque conferrem, qui me omnes, sed vxor præsertim Hexandoni, amicissime ac ceptum,

acceptum, multa cum de Francisco Xauerio, tū de Bugensi, Meacensi, cæterisque in Iaponse constitutis Ecclesiis percontati, felici- que ipsarum progressu valde lætati sunt. me autem idcirco etiam libentius viderunt, quod iamdiu neminem omnino e Societate nostra conspexerant. quo toto temporis intervallo eos in Christiana fide partim senis cuiusdam Christiani, honorati viri velut magistri familiar studio, partim etiam quibusdam miraculis diuina prouidentia retinuerat. Relictum sibi libellum descriptis Xauerii manu Litanis, aliisque precandi formulis, æquæ ac tacitas reliquias pia mulier admodum religiose custodiebat, expectæ virtutis remedium. Etenim ægtorōs complures, in iis Hexandonum iam desperatum, corporibus ipsorum impositus libellus ille sanauerat. Nec minore cura senex traditum sibi ab eodem seruabat flagellum, quo singuli Christiani interdum (hec enim sapius permittebatur ille, veritus ne vsu nimis absumeretur) sese cedere consueuerant, quod eā rem non solum animis, verum etiam corporibus prodesse diuinitus intelligerent: itaque mulier ipsa quam diximus, morbo grauissimo implicita, cum variâ medicamenta frustra tentasset, ad ipsum flagellum postremo confugiens, Francisci Xauerii, vt putandum est, meritis continuo in pristinam valerudinem est restituta, cum omnibus igitur de re diuina familiariter collocutus, aſa etiam excitata cum beatissimæ Virginis imagine pereleganti, quam eō mecum attuleram, pueris nouem, in iis duobus Hexandoni filiis, Baptismo iustratis, (quos iam senex ille Christianis rudineutis imbuerat) incredibili cum eorū mœnore postridie manē discessi, comœatu ab ipsis affatim instructus, atque pollicitus me in reditu, quindecim diēs apud ipsos commoraturum, Cangoximam simulatque petuenimus, Regem adiut confestim, eoque collaudato quod Euāgelium in suo regno promulgari cuperet, multisque præterea verbis habitis, petii vt liceret mihi in præsentia Tamarim vsque ad Lusitanorum Stationem excurrere. quod ille cum permisisset, ea tamen conditione, vt auum ipsius ex itinere inuiserem. Tamarim tridui itinere, diuertentes ad Regis auum, ire perreximus, maxima niuiū copia, quæ aciem oculorū refunderet, viæque tēterrīma, oculis passim occurrentibus foneis, e quibus iumenta sese ægre admodum expedirent. In eo igitur portu, ægtoris primū curatis, quorum ingens erat nūmerus, pestim sœuitia frigorū, partim etiam cibariorū inopia: deinde ethnicis nouem, qui idipsum a mediū multumque contenderant, baptizatis: certo præterea nauis loco, ad feminarum tutelam de Iaponiis cōemptarum

(quas illi ex ora Sinatum aduexerant) custodibus binis appositis, denique communi consilio indicta pecuniaria multa, si quis temere iururandum vsutpasset, (latè enim patebat hoc vitium) Cango dimam redij, & conciones ad Christianos habere institui. nam ethnici veteri Bonziorum offensiohem, ad nos venire non audebant: quod ego cum animaduertissent, cepi consilium familiaritatis, si quo modo possem, atque amicitia cum Bonziis ineunda, quò deinde populus ad nos maiore cum fiducia ventitaret. Erat in eo ordine vir quidam insignis, magna etiam ante id sacerdotium existimatione, tum verò & Regis ipsius consiliarius, & amplis cœnobis tribus summa cum potestate præpositus. Hunc igitur adii, co lyzio ad oculos curandos, quibus ipse laborabat, allato: atque ille meo sanè quàm lætatur aduentu, sibi valde optatum fuisse dicebat, quæ Xauerius disputaret, cognoscere, sed interpreterem de fuisse. Inde me multa de summo rerum opifice, de immortalitate animorum, de tempestatum varietate, terræ tremoribus, pluuiis, aliisque rebus huiusmodi interrogans, magna sua cum voluptate totam eam noctem apud se detinuit. Quibus ille sermonibus captus, cum ad me sepe, alio item Bonzio comite, ego vicissim ad illum familiariter ventitarem, cumque doctrinam nostram tum apud alios, tum apud Regem ipsum ita collaudasset, ut Rex Xixona (hoc est sanctam rem) publicè responderet; vel ex Regis testimonio, vel confirmata atque illustri mea cum Bonzio consuetudine animati ethnici ad nos audiendos venire cœperunt: è quibus multos Deo adiuuante ad Christum adiunximus. In eo numero fuere primarii duo Regis ipsius cognati, quos catechismo institutos vnà cum vxoribus & parte familiæ (triginta quinque in vnũuersum fuere) baptizauimus, quorum deinde omnium ope ac studio sacrum Deo Domino templum exstructum est.

Rebus ita constitutis, per Christianum pũtium in arcem Hexandoni magnis precibus accersitus, optimis cum Christianorum, tum etiam reliquorum studiis me magnopere expetentium deesse non potui: è quibus circiter quinque primarii audito aliquoties Euangelio ad Ecclesiam adscripti sunt: in iis quidam ad eò excellen-
ti ingenio, ut in commentarium relatis iis, quæ de me didice-
rat, librũ confecerit, exorsus ab ipso mundi initio ad vsq; Chri-
sti Domini nostri in terras aduentum, eius præcipuè cruciatibus
singillatim enumeratis, quæ ipsius lucubratio & hominibus il-
lis, & aliis etiam populis, ad quos eam ego ipse deinde circumtu-
li, maiorem in modum profuit. Idem iussus à me Iaponica quẽ-
dam scripta de Christiana religione describere, mādaturum ita aui-
dè

dè arripuit, vt opus vniuersum (omnino foliis quinq; & quinquaginta constabat) vnus dimidiatiq; dici spatio absoluerit. Hunc ego, & Hexandoni filium natu maximum, quē Xauerius baptizauerat, docendis in templo cæteris Christianis præfeci, regula præscripta, quam in eo munere obeundo tenerent. quam quidem irrem, vt quibus otium suppetit, diligenter incumbunt, præsertim verò librarius ille quem dixi: qui quidem Christianis lectionibus & commentationibus mirificè delectatur, seque cum libro, quem à me descripsit, in lucum abdens, quæque legit ex eo secum identidem reputans, tanta voluptate perfunditur, quòd ad hanc Dei rerumq; cælestium cognitionem peruenerit, vt lacrymas præ gaudio continere non possit. Is ipse in Christianorum cœtu post Litaniarum publicè decantatas interrogatus à me quidnam esset factururus, si Rex ei diceret, Christiana sacra fac deferas, quoniam ex meis popularibus es, meisque sumptibus victuras, responsum se dixit illico: Here, vis ne me in te sine fuco ac simulatione beneuolum? in re tua familiari procuranda fidelem? vis me submissum? vis perferentem iniuriarum? vis denique in omnes clementem ac benignum? iube me esse Christianum: hæc enim virtutes omnes vna religio Christiana complectitur. Ac cæterorum quoque Christianorum (ad quorū numerum ibidē alii septuaginta per eos dies accessere) egregia pietas, assiduū precādi studium, mirus inter se amor atq; concordia cernitur: vna tantū res ipsorū animos vehementer angebat, quòd Hexandonus communiū meritorum Ecclesiæ expertus tamdiu in Iaponica superstitione persisteret. pro cuius conuersione cū preces ad Deū, & lacrymas cuncti, sed vxor ipsius præsertim quotidie funderent: tum ego eiusdem vxoris rogatu hominem adii, & ex eo quæsiui, cur veritatem sæpe iam cognitam depositis Iaponiorum erroribus sequi negligeret. Tum ille Deum testatus Christianam religionem sibi planè probari, alioquin permissurum se nequaquam fuisse, vt eam familia sua tota susciperet: vna re, quo minus eos imitaretur, impediti se dixit, quòd videretur, ne grauius animum Regis offenderet: sperare se Deo propitio fore aliquando, vt Rege ipso libente, Christum, quem intimis sensibus adorabat, palam ac libere profiteri posset. quo illius responso Christiani valde lætati sunt. Inde cū rursus ad Cangoximanos venissem, Cosimi litteris per Christianum Bungensem ad me perlatis eo consilio sum reuocatus, vt ad Regem Vocoxiuræ proficisceretur, qui nos in suū regnū liberalissimis conditionibus inuitauerat: cū præter aliā multa, & Lusitanis omnibus in eum portum comitantibus, quib; cū

ipsis negotia contraherent, in decennium ab omni portorio immunitatem se daturum esse promississet; & quicquid circa est agri ad passuum octoginta millia Cosmo obtulisset, ut intra eos fines ethnicus nemo ipsis iniussu habitare posset. Cangoximæ igitur institutis qui, Christiano grege in templo statis diebus aduocato, pastorum vice ac munere fungereptur, baptizatisq; iis, qui iam ad id Sacramentum idonei videbantur, ceteros quibus potui verbis sum consolatus: duos præsertim Bonzios illos, de quibus dixi; quos in discessu meo perquam studiosè Christo nomina profitentes, in aliud tempus idcirco rejeci, quòd à curandis laponico ritu Regis procerumque funeribus nulla ratione se posse desistere diceret, earque re Christiana sacra, quæ ipsi apud se taciti coleret, minimè pollutum iri arbitrantur; denique à Christianis vario còmeatu peramanter instructus, & magna cum doloris amorisque significati-
 ne dimissus, ad arcem Hexandoni, (quæ ab oppido Cangoximæ passuum abest decem & octo millia) dum naus paratur, biduum substiti; atque inde incredibili Christianorum dolore ac gemitu, ipsis etiam ex arcæ summa feminis ad mare me deducen-
 tibus, & quasi in eo salus omnium verteretur, ita me ut celeriter ad se redirem enixè rogantibus, conscendi, & decimo septimo die in Bungum magna nostrorum gratulatione perueni. atque inde tercio Nonas Quintiles Vocoxuram, qui locus ultra Firandum est quattuor & viginti passuum millibus, discessi: quòd ut perueni, salutatis ex itinere Facaten-
 sibus, (qui cum inigio diu multumque Euangelio restitissent, belli deinde perdomiti ac velut subacti, diuinum semen libentius acceperunt, bonamque in primis virtutum frugem tulervnt) Regem Vocoxuræ primum adii, qui me honorificè sanè bis conuiuio excepit. deinde cum eius ministro, qui Regis ipsius nomine ad Cosmum litteras dederat, de re communi agere institui. cumque ille quædam ex iis, quæ per epistolam nobis ultro detulerat, reuocaret; faciendum mihi existimaui, ut ad Cosmum scriberem, ei-
 que totam rem integram referuarem. Ad portum igitur reuersus, dum in Christianos ex instituto adiuuandos incumbo, Firando puniti perfectuntur, quanto cum rei Christianæ adiuuamento Damianus Iaponius familiaris noster, excellenti pietate virtuteque iuuenis, qui nuper Facaten-
 sibus quoque summa cum omnium admiratione operam nauarat egregià, in eo oppido versaretur; nec ita multo post, quædam parantibus nobis, quæ ad Cosmum mitteremur, ecce tibi repente affertur ipsum adesse Cosmum. Primò incredibilis visa res: ea Cosmi ætas ac valetudo, ea difficultas itinerum est; sed ubi iam ad portum applicuit, quanto gaudio affecti sumus, facilius est vo-
 bis

his existimare, quam mihi scribere. is me confestim ad Regē legauit, vt cum eo rem omnino transigerem quod ego cū fecissem, ablatis etiam sygraphis, in Bungum ipsius Cosmi iussu ad epulas in ædibus nostris (id enim semel in anno solenne est) Regi Bungen- si parandas excurri: quō secum ille filium hæredem regni futurū meo rogatu cum proceribus duxit. Cūque in eo conuiuiο candidati pueri nostri domestici quattuor magna cum omnium delectatione fidibus canerent, Regis filius mensa relicta sese ad æquales suos hilariter ac festiuē recepit. puer ille quidem, ac pænē potius infas, (annum quippe agit quintum) sed in quo sensus animi ac ratio longē præcurrat ætatem. è Bungo rursus Vocoxiuram reuersus, qui locus à Christianis incolitur, habetque in mōre summo Crucem, quæ eminus valde conspicitur, à Petro Barreto nauarcho Lusitano defixam, quōd eodem loco tribus deinceps diebus sub vesperam, inspectante se, aliisque compluribus, sublime in ære signum Crucis apparuisset; Cosinum sanctissimis (vt solet) occupationibus districtum offendi. Tanti ad eum Confessionis & Eucharistiæ causa concursus vndique Christianorum fiebant; vt omnis perturbationis vitandæ causa, tricenī per vices ordine sibi succedere iuberentur. quorum erat ita magna in Cosmum obseruantia ac veneratio, vt coram eo oculos attollere non auderent: tanta religio ac pietas, vt in sacris mysteriis obcundis, ac præsertim in corpore Christi sumendo, copiam lacrymarum effunderent: ea denique animi virtus ac probitas morum, vt barbari ipsi Christianorum vitæ admiratione sese colligerent, & fauoriorem vltro disciplinam induerent. Per eos diēs Facatensium Præfectus nauigium cum hominibus ferē triginta ad Cosmum misit rogatum, vt quoniam tres è milicibus suis in prælio sclopis icti grauiter ægrotaient, opem illis ferre ne grauaretur. Fecit Cosmus, vt Facatam è domesticis nostris adolescentem Iaponium mitteret chirurgiæ laude præstātem, qui non modò vulnera extractis artificiosè glandibus mira felicitate sanauit, sed etiam oblatam sibi mercedis loco magnam argenti vim, stupentibus barbaris, constanti animo excelsoque repudiavit. Qua re Commodus Præfectus, vt nos aliqua ratione remuneraretur, immunitati nostræ toto suæ diuisionis imperio, qua sæpe nobis iter habendū intelligebat, publicis diplomatibus cauit.

Restat vt epistolam hanc eximie indolis adolescentuli cōmemoratione concludam: in quem cū omnia & animi & corporis bona quasi secum ipsa certans natura congeslerit; tum etiam dona accesserit celestia, quæ singulare pueri ingenium, memoriam, oris

pidum Bethleem, sermonesque cum Virgine Dei matre habitos ita ad viuum effllexerant, non modò vt spectatores, sed actores etiã ipsi præ intima animi dulcedine collactymarentur. Atque hæc de rebus Bungenfibus.

Nunc de cæteris saponis partibus pauca complectar. Gaspar Vilela Meaco Sacaium profectus primarii cuiusdam viri precibus inuitatu, non solùm peramanter ab eo acceptus est, sed etiam eiusdem benignitate sumptuque templum ædificauit, quò populus ad Euangelium conueniret: statimque constitit operæ fructus, nonnullis ad Baptisum adductis, in iis adollescente filio eius, apud quem Gaspar diuerterat, præclara indolè puero, qui tam illustria virtutis ac pietatis dedit indicia, vt eius operæ parentes quoque ipsius, fratremque natu maiorem, qui iam ad religionem Christianam valde se propensum ostendit, ad Ecclesiam Dei aggregatum iri Domino fauente speremus. Puerum hunc Gaspar deinde, parentibus non inuitis, quos nimirum adollescentulus precibus vicerat, in Bungum misit, vbi quid egerit, è Ludouici Almeidæ epistola cognoscens.

Quod ad Amangutianam Ecclesiam pertinet, quam iam diu nobis lustrare non licuit, morem præceptaque sibi à Cosmo tradita Christianos studiosè retinere cognouimus. Dominicis diebus in templum sacra tabula picta, quam ed misit Cosmus, ornatum frequentes conueniunt: atque vbi Deum ritè precari sunt, vnus eorum ex Catechismo Iaponicè scripto nonnulla recitat, de quibus deinde disserunt inter se.

Habent etiã quosdam quasi œconomos ægrotis ac pauperibus subleuandis pecunia, quæ tum ad eam rem, tum ad curanda Christianorum funera in commune confertur. Aliqui etiam in Bungum ad Confessionem & audiendum verbum Dei se cõferunt. eam Ecclesiam Cosmus, quoniam per operarios non potest, saltem per litteras consolari & confirmare non desinit.

De Firandensibus autem rebus illud accepimus, Regem hoc anno se denuo Christianis æquum præbere capisse, templique extruendi iam nunc illis potestatem fecisse, eo fortasse consilio, vt cum Cosmò in gratiam redeat, & hæc ratione cum Lusitanis fœdus & hospitium renouet: quorum sibi amicitia atque commercium quàm sit fructuosum, vt clarijs desiderando sentiret, nauem eorum, superioribus diebus Firandum appulsam, & Cosmo, & Lusitano viro nobili, qui tum in vrbe Funaio versabatur, nauarchi eius auunculo visum est faciendum, vt in alias oras auerterent. Igitur abeundi potestate ab Rege Bungenfi quamuis

ægre

ægre impetrata, de Cosmi valetudine atque incolumitate sollicito, Firandum vterque profecti sunt. Funali autem, vbi à Christianis auditum est, Cosmum profectionem parare, morientes continuo ad eum ventitare cæperunt, parentem illum atque pastorem agnoscere, manibus hi, illi etiam humi prostrati, pedibus oscula figere; quibus Cosmus exposuit, quàm iustis de causis iter illud Ingredederetur, & simul mandauit, vt vicatiis, donec rediret, (quod prope diem erat futurum) diligenter obtemperarent: atque ira ab eis digressus est, multis eum viris, mulieribus, pueris magno cum luctu ac mœrore extra oppidum prosequentibus. quo absente, cum barbari se in templum nostrum insolenter inferrent, ea re cognita Rex misit è familiaribus suis, qui templum assidue custodirent, & in vincula abriperent, si quis in eum locum se contumeliosè gessisset: atque eiusdem præsidii negotium duobus etiam primariis ciuibus dedit, in ea vicinitate habitantibus. In ipso autem itinere labores atque pericula Cosmo non defuere: tertio quippe die in latronum insidias incidit, quorum vnus intentum iam arcum in Cosmi pectus non sine magno eius vitæ discrimine obuexterat, cum ex ipsius comitibus quidam, ante sagittam emissam, adductas arcus habenas præcidit. Firandi autem magna cum gratulatione à Lusitanis exceptus, qui nauis vexilla fustulerant, & tormentorum strepitu lætitiā significauerant, in ædiculam diuertit ab Ludouico Almeida raptim, dum templum ædificatur, exstructam: vbi cum cæteros Christianos, cognito Cosmi aduentu, terra ac mari vndique confluentes, tum nautas ipsos Lusitanos admissis noxis per confessionem absoluit iisdemque facillè persuasit, vt cum oneraria ex eo portu discederent. Hæc habui de Iaponensium rerum progressu quæ scriberem. Vos Dominum precari assidue insistite fratres, vt nos idoneos veritatis Euangelicæ præcones efficiat. è Būgo, v. Idus Octobris, MDLXII.

LVDOVICI ALMEIDÆ AD SOCIOS.



Nno superiore cum, Ecclesiis Facatæ, Firandi, aliisque lustratis, in Bungum ægrotus ex itinere rediissem, vt primum è morbo conualui, de tota peregrinatione mea feci vos per litteras certiores. quas quoniam vobis esse gratas intelligo, pergam ea scribere, quæ quidè in iis locis euenire, in quibus mihi versari ex eo tempore contigit: nam cætera ex aliorum litteris cognoscetis.

Firandi erat Christianus quidam quintum circiter & sexagesimum ægens annum, scriba Regis intimus, quem ille apud se in hono-

honorē habebat, liberaliterque tractabat. Is igitur Christianus cū animaduerneret se iam ad vitæ exitum appropinquare, susceptas in vita maculas matura Confessione delere, & (quoniam nullus erat ibi Sacerdos) Bungum vel cum Regis offensione periculoque rei familiaris petere omnino constituit. rem itaque eum vxore communicat; quæ (vt erat præstanti virtute ac pietate mulier) consilium vehementer probauit: illud solummodo monuit, vt quàm occultissimè abiret, ne in se Regis iracundiam prouocaret. Quo circa nauem Christianus intempesta nocte conscendens, in Bungum iter intendit: cuius discessu postridie cognito Rex, partim quòd eius opera admodum indigeret, partim quòd se inconsulto inuitoque abiisset, iratus, nauigio statim instructo, misit qui hominem persequerentur. Iamque magno suo bono è finibus Firandensis regni in Reguli cuiusdam ditionem euaserat; cū superuenientibus qui ad eum capiendum missi erant, Reguli iussu, cū cum Firandensi Rege amicitia intercedebat, eodem Rege postulante oppressus & in custodiam traditus est. Firandi vbi cogitum est illum inuentum fuisse, nec tamen vt rediret vllò pacto adduci potuisse, legauit ad eum Rex cognatos ipsius nonnullos, qui ad redeundum hortarentur: sed vxor contrà per litteras ei suasit à suscepto itinere nequaquam desisteret, bonoque animo esset, se laborum ipsius periculisque breui consortem futuram. Sed videlicet currentem incitabat. Cosmus autem vbi id rescieuit, egit cum Rege Bungi, vt Christianum ab regulo per litteras impetraret: quas qui pertulit litteras, offendit hominem magna in Deum fide speque subnixum, de se ipso autem adeò demissè maleque sentientem, vt non modò qui in Bungum ad Confessionem incolumis perueniret, sed qui vllò prorsus beneficio afficeretur à Deo Domino nostro, se prorsus indignum affirmaret: tantoque in se ipsum odio erat incensus, vt ad quotidianas verberationes, & precandi assiduitatem, & alia quoque voluntaria supplicia adiungeret, tanta cum sui cognitione, vt precibus Christiani, qui regiam epistolam attulerat, nequiverit adduci, quicquam vt de instituta vitæ austeritate remitteret. Denique solutus in Bungum ægre peruenit tanta animi sui cum voluptate, tantaque Deo gratias agens, vt rem verbis assequi nequeam. Cuius aduentus cū ad cætera multa profuit, tum ad Christianorum fidem ac spem in Domino augendam. Eum Cosmus, pueris, quos alimus domi, instruendis præfecit, & piis quibusdam libris in Iaponicum sermonem vertendis. Magnum apparet in eo precandi studiū & caritas: & licet extrema sit iam ætate, vix vnquam cessantem reperias. Eum

Domi.

Dominus ad finem vsque conferuet.

Per idem tempus nobilis quædam mulier, primarii cuius vxor, ex familia regis Bungenſis, à dæmone agitata, per campos tanto cum vlularu atque impetu ferebatur, vt a nemine contineri poſſet. Hæc ſibi Coſmus à Chriſtiano quodam inſigni viro commendatam ad ſe perducì, & in cubiculo publici valetudinarii, perpetuis cuſtodi-
bus adhibitis, collocari iuſſit. Et quoniam in ſpem venerat mulier, ſe baptiſmi beneficio ſaniratem eſſe recepturam, habebatque mentis eius animique vexatio dilucida interualla; iis opportu-
nè Coſmus eſt uſus ad eam Chriſtianis præceptis ritè imbuen-
dam, quibus vt ſatis erudita viſa eſt, in magna Chriſtianorum corona, eam Dominico die baptizare conſtituit. Erat mulier tam ſanè quieſcens, ſed cùm primùm caput ſalutari aqua perfun-
di caprum eſt, tanta repente vi ſe commouit, elamoresque edi-
dit ita magnos, vt omnes, quotquot aderamus, perterrefceret. Tum Coſmus à quattuor viris apprehenſam, teneri ad finem
vsque Baptiſmi imperauit. quo abſoluto miſera fractis viribus
concidens, inter famulorum manus in hoſpitale cubiculum eſt
relata. Ex eo tempore nullum eiſmodi incommòdum aut mo-
leſtiam hucusque perpeſſa eſt. quare & Chriſtianorum fides non
mediocriter aucta, & maritus ipſius ita permotus eſt, vt ab rege
petierit, ſibi per eum liceret Chriſtiana ſacra ſuſcipere; quod ei Rex
ita prolixè libenterque permiſit, vt diceret gratum ſibi fore, ſi eum
reliqua familia imitaretur. itaque baptizatus ipſe cum liberis, co-
gnatis, & famulis, ſanè quam in virtute proſcunt. Ego in-
terea vires è morbo collegeram. quo circa mēſis Octobris ini-
tio miſit me Coſmus, comite è Chriſtianis domeſticis vno, ad
templum quinque viſenda, variis locis regni Bungenſis commo-
do Chriſtianorum exſtructa. menſem in eo itinere poſui, multoſ
baptizaui ethnicos, Chriſtianos autem docui, qua ratione
templa concelebrarent, ſermonesque inter ſe de religione ſe-
rerent, ſi quando ad urbem venire non poſſent. quædam etiam
arcas defixis Crucibus Chriſtianorum ſepulturę dicauimus; de-
nique in ſingulis templis benediſtum ſeu piaculare granum re-
lictum cum codicillo, qui deſcriptas grati indulgentias conti-
neret. Inde ad Coſmum reuerſus, Cangoximam menſe Decem-
bri retendi. proſeſſionis cauſa fuit Emmanuelis Mendozæ cum
ſex Luſitanis aduentus, qui vt per Confefſionem peccatis ſunt
abſoluti, Coſmum rogauerunt etiam atque etiam, vt me Cangoxi-
mam ad hyemem ibi cum ipſis exigendam, Chriſtianos viſen-
dos, & promulgandum genti Euangelium mitteret. idipſum Regi

quoque Cangoximano fore gratissimum, quippe qui magnam eius rei voluntatem scriptis ad Prætorum Indiæ litteris, itemque ad Antonium Quadrium eidem prouinciæ pro Societate Præpositum, ostendisset: è Bungo igitur (vt dicebamus) profecti, gelu, & frigoribus maximis, quattriduo ad mare peruenimus: cum semper, vbi sub vesperam constiteramus, verba de rebus diuinis ad incolas fecissemus. Inde solutis anchoris, inter nauigandum, aduerso vento in oppidum sanè frequens coacti descendere, cum spectaculi nouitate perimota (nunquam enim Lusitanos antea viderant) magna hominum vis ad nos conuenisset, per eam occasionem eis Euangelium nunciauimus: quo illi audito, obstupefacti, ad nos audiendos iterum ac tertio redièrè, atque vniuersi pænè professi sunt, nisi Reguli metus obstarèt, se Christo nomina libenter daturòs, idque eo cum animi dolore sensuque, vt nos ad misericordiam prouocarent. Dixi me cum Regulo acturum, (qui Bungenis Regis est stipendiarius) vt cuiuslibet Christiano esse impune liceret: eosque solatus vt potui, ex eo loco discessi. digressu meo lacrymæ nonnullis obortæ, vt si diu mecum vixissent, apud quos non toto bitulo fueram: ex quo facillè iudicare possitis, quanta sit huius gentis ad humanitatem religionemque propensio. Angunem delati, & à Regulo peramanter excepti, vt primùm opportunum est visum, de rebus diuinis & animorum immortalitate cum eo colloqui cœpimus: multisque sermonibus vltro citroque habitis: cum etiam familiarè partem à cœna ad audiendum accersisset: sera iam nocte ab Rege dimissi, nauarchum quendam Lusitanum sanè tempestiue conuenimus: cum enim nostra hortatione permotus, concubinam, ex qua duas susceperat filias, iusta cum dote in matrimonio legitimo collocasset, paucis post diebus est mortuus. Ex eo portu Tamarim tendentibus, vbi Emmanuelis Mendozæ nauis in statione erat, arx in itinere occurrit Hexandoni viri principis, in edito monte posita, omnium, quas in vita videre me memini, & loco & opere munificentissima, quippe quam decem ferè propugnacula cingunt, inter se non nisi ponte subductili peruia, magnoque intervallo distantia, fossis ita profundis, vt despicientium oculis altitudo caliginem offundat, perpetuo (vt aiunt) silicè ferramentis exciso: quod equidem vix hominum manu fieri potuisse crediderim. ibi cum Hexandoni uxorem & quattuordecim præterea Christianos multis iam annis Franciscus Xauerus Deo peperisset, mihi faciendum existimaui, vt me ad eos consolando: confirmandoque conferrem, qui me omnes, sed vxor præsertim Hexandoni, amicissimè ac ceptum,

acceptum; multa cum de Francisco Xauerio, tū de Bugensi, Meacensi, cæterisque in Iaponie constitutis Ecclesiis percontati, felicitque ipsarum progressu valde lætati sunt. me autem idcirco etiam libentius viderunt, quod iamdiu neminem omnino è Societate nostra conspexerant. quo toto tempore intervallo eos in Christiana fide partim senis cuiusdam Christiani, honorati viri velut magistri familiaræ studio, partim etiam quibusdam miraculis diuinæ prouidentia retinuerat. Relictum sibi libellum descriptis Xauerii manu Litaniis, aliisque precandi formulis, æquè ac sacras reliquias pia mulier admodum religiose custodiebat, expectæ virtutis remedium. Etenim ægrotos complures, in iis Hexandonum iam desperatum, corporibus ipsorum impositus libellus ille sanauerat. Nec minore cura senex traditum sibi ab eodem seruabat flagellum, quo singuli Christiani interdum (hec enim sæpius permittebat ille, veritus nè vsu nimis absumeretur) sese cedere consueuerant, quod eā rem non solum animis, verum etiam corporibus prodesse diuinitus intelligerent: itaque mulier ipsa quam diximus, morbo grauissimo implicata, cum variâ medicamenta frustra tentasset, ad ipsum flagellum postremo confugiens, Francisci Xauerii, vt putandum est, meritis continuo in pristinam valerudinem est restituta, cum omnibus igitur de re diuina familiariter collocutus, ara etiam excitata cum beatissimæ Virginis imagine pereleganti, quam eò mecum attuleram, pueris nouem, in iis duobus Hexandoni filiis, Baptismo iustratis, (quos iam senex ille Christianis rudimentis imbuerat) incredibili cum eorum mœnore postdie manè discessi, comœtu ab ipsis affatim instructus, atque pollicitus me in reditu, quindecim dies apud ipsos commoraturum, Gangoximam simulatque peruenimus, Regem adiul confestim, eoque collaudato quod Euangelium in suo regno promulgari cuperet, multisque præterea verbis habitis, petii vt liceret mihi in præsentia Tamarim vsque ad Lusitanorum stationem excurrere. quod ille cum permisisset, ea tamè conditione, vt auum ipsius ex itinere inuiserem, Tamarim tridui itinere, diuertentes ad Régis auum, ire perreximus, maxima niuiû copia, quæ aciem oculorum retunderet, viæque teterrima, occultis passim occurrentibus foveis, è quibus iumenta sese ægre admodum expedirent. In eo igitur portu, ægrotis primùm curatis, quorum ingens erat numerus, partim frivitia frigorum, partim etiam cibariorum inopia: deinde ethnicis nouem, qui id ipsum à me diu multumque contenderant, baptizatis: certo præterea naus loco, ad feminarum tutelam de Iaponiis coëmptarum

(quas illi ex ora Sinarum aduexerant) custodibus binis appositis, denique communi consilio indicta pecuniaria multa, si quis temere iurandum usurpasset, (latè enim patebat hoc vitium) Cango cimam redij, & conciones ad Christianos habere institui. nam ethnici veriti Bonziorum offensionem, ad nos venire non audebant: quo lego cum animaduertissem, cepi consilium familiaritatis, si quo modo possem, atque amicitia cum Bonziis ineundæ, quò deinde populus ad nos maiore cum fiducia ventitaret. Erat in eo ordine vir quidam insignis, magna etiam ante id sacerdotium existimatione, tum verò & Regis ipsius consiliarius, & amplis cœnobiiis tribus summa cum potestate præpositus, Hunc igitur adii, eo lyrio ad oculos curandos, quibus ipse laborabat, allato: atque ille meo sanè quàm lætatus aduentu, sibi valde opatum fuisse dicebat, quæ Xauerius disputaret, cognoscere, sed interpretem defuisse. Inde me multa de summo rerum opifice, de immortalitate animorum, de tempestarum varietate, terræ tremoribus, pluuiis, aliisque rebus huiusmodi interrogans, magna sua cum voluptate totam eam noctem apud se detinuit. Quibus ille sermonibus captus, cum ad me sæpe, alio item Bonzio comite, ego vicissim ad illum familiariter ventitarem, cumque doctrinam nostram tum apud alios, tum apud Regem ipsum ita collaudasset, ut Rex Xixona (hoc est sanctam rem) publicè responderet, vel eæ Regis testimonio, vel confirmata atque illustri mea cum Bonzio consuetudine animati ethnici ad nos audiendos venire cœperunt: è quibus multos Deo adiuuante ad Christum adiunximus. In eo numero fuere primarii duo Regis ipsius cognati, quos catechismo institutos vnà cum vxoribus & parte familiæ (triginta quinque in vniuersum fuere) baptizauimus, quorum deinde omnium ope ac studio sacrum Deo Domino templum exstructum est.

Rebus ita constitutis, per Christianum punctum in arcem Hexandoni magnis precibus accersitus, optimis cum Christianorum, tum etiam reliquorum studiis me magnopere expetentium deesse non potui: è quibus circiter quinque primarii audito aliquoties Euangelio ad Ecclesiam adscripti sunt: in iis quidam adeò excellenti ingenio, ut in commentarium relatis iis, quæ de me didicerat, librū confecerit, exorsus ab ipso mundi initio ad vsq; Christi Domini nostri in terras aduentum, eius præcipuè cruciatibus singillatim enumeratis, quæ ipsius lucubratio & hominibus illis, & aliis etiam populis, ad quos eam ego ipse deinde circumtuli, maiorem in modum profuit. Idem iussus à me Iaponica quædam scripta de Christiana religione describere, mādaturum ita audi-

dè arripuit, vt opus vniuersum (omnino foliis quinq; & quinquaginta constabat) vnius dimidiatiq; diei spatio absoluerit. Hunc ego, & Hexandoni filium natu maximum, què Xauerius baptizauerat, docendis in templo cæteris Christianis præfeci, regula præscripta, quam in eo munere obeundo tenerent. quam quidem in rem, vt quibus otium suppetit, diligenter incumbunt, præsertim verò librarius ille quem dixi: qui quidem Christianis lectionibus & commentationibus mirificè delectatur, seque cum libro, quem à me descripsit, in lucum abdens, quæque legit ex eo secum identidem reputans, tanta voluptate perfunditur, quodd ad hanc Dei rerumque cœlestium cognitionem peruenerit, vt lacrymas præ gaudio continere non possit. Is ipse in Christianorum cœtu post Litanias publicè decantatas interrogatus à me quidnam esset factururus, si Rex ei diceret, Christiana sacra fac deferas, quoniam ex meis populatibus es, meisque sumptibus victitas, responsum se dixit illico: Here, vis ne me in te sine fuco ac simulatione beneuolum? in re tua familiari procuranda fidelem? vis me submissum? vis perferentem iniuriarum? vis denique in omnes clementem ac benignum? iube me esse Christianum: hæc enim virtutes omnes vna religio Christiana complectitur. Ac cæterorum quoque Christianorum (ad quorū numerum ibidè alii septuaginta per eos dies accessere) egregia pietas, assiduū precandi studium, mirus inter se amor atq; concordia cernitur: vna tantū res ipsorū animos vehementer angebat, quodd Hexandonus communium meritorum Ecclesiæ expertus tamdiu in Iaponica superstitione persisteret. pro cuius conuersione eū præces ad Deū, & lacrymas cuncti, sed vxor ipsius præsertim quotidie funderent: tum ego eiusdem vxoris rogatu hominem adii, & ex eo quaesui, cur veritatem sæpe iam cognitam depositis Iaponiorum erroribus sequi negligeret. Tum ille Deum testatus Christianam religionem sibi planè probari, alioquin permissurum se nequaquam fuisse, vt eam familia sua tota susciperet: vna re, quo minus eos imitaretur, impediri se dixit, quodd vereretur, ne grauius animum Regis offenderet: sperare se Deo propitio fore aliquando, vt Rege ipso libente, Christum, quem intus sensibus adorabat, palàm ac libere profiteri posset. quo illius responso Christiani valde lætati sunt. Inde cum rursus ad Cangoximanos venissem, Cosmi litteris per Christianum Bungensem ad me perlatis eo consilio sum reuocatus, vt ad Regem Vocoxiuræ proficiscerer, qui nos in suū regnū liberalissimis conditionibus inuitauerat: cum præter aliā multā, & Lusitanis omnibus in eum portum commeanantibus, quiq; cū

bis existimare, quam mihi scribere. is me confectum ad Regē legauit, ut cum eorū omnino transigerem quod ego cum fecissem, ablatis etiam syngraphis, in Bungum ipsius Cosmi iussu ad epulas in adibus nostris (id enim semel in anno solenne est) Regi Bungen-^{ti} si parandas excurri: quod secum ille filium heredem regni futurū meo rogatu cum proceribus duxit. Cūque in eo conuiuiū candidati pueri nostri domestici quattuor magna cum omnium delectatione fidibus canerent, Regis filius mensa relicta sese ad æquales suos hilariter ac festiuè recepit. puer ille quidem, ac pænè potius infās, (annum quippe agit quintum) sed in quo sensus animi ac ratio longè præcurrat ætatem. è Bungo rursus Vocoxutam reuersus, qui locus à Christianis incolitur, habetque in mōte summo Crucem, quæ eminus valde conspicitur, à Petro Barreto nauarcho Lusitano defixam, quod eodem loco tribus deinceps diebus sub vesperam, inspectante se, aliisque compluribus, sublime in ære signum Crucis apparuisset; Cosmum sanctissimis (ut soler) occupationibus districtum offendi. Tanti ad eum Confessionis & Eucharistiæ causa concursus vndique Christianorum fiebant, ut omnis perturbationis vitandæ causā, triceni per vices ordine sibi succedere iuberentur. quorum erat ita magna in Cosmum obseruantia ac veneratio, ut coram eo oculos attollere non auderent: tanta religio ac pietas, ut in sacris mysteriis obsecundis, ac præsertim in corpore Christi sumendo, copiam lacrymarum effunderent: ea denique animi virtus ac probitas morum, ut barbari ipsi Christianorum vitæ admiratione sese colligerent, & sæuiores ultro disciplinam induerent. Per eos diēs Facatensium Præfectus nauigiū cum hominibus ferè triginta ad Cosmum misit rogatum, ut quoniam tres è milicibus suis in prælio sclopis icti grauitè agrotarent, opem illis ferre ne grauaretur. Fecit Cosmus, ut Facatam è domesticis nostris adolescentem Iaponium mitteret chirurgiæ laude præstatem, qui non modò vulnera extractis artificiosè glandibus mira felicitate sanauit, sed etiam oblatam sibi mercedis loco magnam argenti vim, stupentibus barbaris, constanti animo excelsèque repudiavit. Qua re cōmōtus Præfectus, ut nos aliqua ratione remuneraretur, immunitati nostræ toto suæ ditionis imperio, qua sæpe nobis iter habendū intelligebat, publicis diplomatibus cauit.

Restat ut epistolam hanc eximix indolis adolescentuli cōmemoratione concludam: in quem cū omnia & animi & corporis bona quasi secum ipsa certans natura congesserit, tum etiam dona accessere cælestia, quæ singulare pueri ingenium, memoriam, oris

corporisque totius dignitatem ac speciem multo admirabiliorem efficerent, tanta enim in eo castitas ac sanctimonia cernitur, ut octauo quoque die post confessionem ritè peractam cæleste Eucharistiæ conuiuium non sine lacrymis ineat: tãta verò animi submissio & humilitas, (cùm illustri admodum loco sit natus) uti ad Bungensem inuisendam Ecclesiam a Gaspare missus ex vrbe Sacaiō, bona cum parentum venia, quos puer precibus expugnauerat, cōsimulatque peruenit, ut scilicet vnus è Christianorum grege videretur, non modò comam tibi totonderit, quod in Iapone valde inuisitatum est, verùm etiã omni delicatiore cultu ornatuque abdicato, de contemnendis rebus humanis publicè disputare instituerit. Idem in patriam à parentibus reuocatus, Vocoxiuram, ut inde Sacaium renauigaret, à Cosmo perductus est. quem aiunt ex itinere in vrbe Firando apud vxorem Antonii viri principis, eiusque ancillas, cùm se per id tempus ad sacram confessionem pararent, de Pœnitentia sanè opportunè verba fecisse; quam ille Christianæ philosophiæ partem, iam antea sapius a se tractatam, calleg egregiè. Huiusmodi pueri sunt, (fratres mihi carissimi) quorum opera faces amoris diuini Deo aspirante Iaponiorum cordibus iniectum iri speramus: atque ob id ipsum apud nos delectam eorum manum Societatis nostræ præceptis atque institutis imbuimus. Interea Socios omnes nostros per Iesum Christum obrestor, ab eo precibus impetrent, ut mihi det in ipsius obsequio ac famulatu vitam ponere. ex Iapone, octauo Calend. Nouemb. MDLXII.

REGIS CANGOXIMANORVM AD LVSI-
TANORVM INDIAE PRÆTOREM.

A N N o superiore cùm duo ex Societate Iesv meum in hoc regnum concionandi causa venissent; bellicis occupationibus impeditus, quem & ego cupiebam & ipsi merebantur hōnorem, illis habere non potui. Eadem fuit causa, cur Lusitani ad Omangum portum naui delati, non modò perinde ac voluntas mea & ipsorum dignitas postulabat, accepti non sint; sed etiam pro piratis habiti, (quibus ora maritima per id tempus erat infesta) commisso prælio Alphonsum Vasæum, non sine meo quidem dolore, è suorum numero amiserint. Tu si ad me litteras dederis, magno me decore auctum atque ornatum existimabo, atque ipse vicissim ad te scribam quotannis. Lusitani verò, vel sacerdos tui, si ad me cum tuis litteris venerint, eo erunt apud me loco, qui rebus tuis iure debetur. Xaxuma anno quarto.

EIVS.

EIVSDEM AD ANTONIVM QVADRIVM
INDIÆ PROVINCIAE PRO SOCIETATE
Iesu Præpositum.



Ocii duo cosmi Turriani, qui in Bungo versatur, meum in hoc regnum se contulerunt: quorum ea est animi magnitudo roburque, ea in dicendo vis atque doctrina, ut mihi cælestia quædam tonitrua esse videantur. Sed illud in primis admiror, aut Lusitanos mercatores negotiorum causa, aut vestri ordinis homines vnus rerum opificis gratia, (præsertim cum ita latè pateat propiusque absit India) è remotissimis regionibus totum pœnè terrarum orbem circumeuntes, ad aquam calidam ebibendam paruas in hæc insulas tam longa & periculosa nauigatione contendere. Sanè ante Christiana sacra suscepta nihil erat in his locis, præter calores maximos: ut mihi Socii vestri Nauabangi quasi ventilatores videantur, qui corda mortalium salutare aura opportunè refrigerent: qui profectò libenter meum in hoc regnum est cur veniant, quamuis exiguum. nam ut alibi aduersos maris æstus, hîc quidem certè semper secundos offendent. Ac licet populares mei Christiani ipsorum præsentia destituti, se interea Crucis aspectu excelso loco sublata sustentent; meum mihi tamen hoc regnum à Sociis vestris relictum, quandam obducti nubibus cæli aut Solis propria luce defecti reddit imaginem. Simul etiam Lusitanos negotiatores, quorû mihi perspecta fides ac probitas est, in meæ diuisionis terras commeare mihi gratissimum fuerit: qui sic habeant, se non modò ab omni injuria tutos fore, sed etiam amicissimè liberalissimèque tractatum iri. ne latronum insidias metuant, qui, quibus in oppidis Christiani sunt, nulli versantur. Te quidem certè obsecro, ut de tuis aliquos primo quoque tempore mittas, quos ego magno cum desiderio in ipso littore opperior. Datæ anno quarto, mense septimo, octauo die & vigesimo.

LIBRI SECVNDI FINIS.

f s

SELE-

90
SELECTARVM
EPISTOLARVM
EX INDIA
LIBER TERTIVS.

GASPARIS VILELÆ AD SOCIETATEM IESV.



ANNO MDLXI. Augusto mense urbē Sacaiū ingressus sum, quæ in Septentrionē sita, gradus obtinet quinq; & triginta & semis. Cūq; Euangeliū in ea promulgare cœpissē, multos repperi, qui verū id esse faterentur, sed quominus ex eo viuerent, famæ & exstimationis ratione impediri. gentem enim diuitiis affluentem, & dignitatis in primis avidam faciliē absterret diabolus iniuriis & contumeliis proponendis, quibus in hac vita Christiani ferē semper obnoxii degunt, si ducem ac liberatorem suum imitari voluerint. quo fit, ut ægre admodum Sacaiiani ad Baptismum accedant. quanquam in iis ipsis difficultatibus quadraginta circiter baptizati sunt, in quibus erant milites quatuordecim præteriani, quorum ita insignis vitæ morumque mutatio constitit, ut è lupis agni mansueti non sine magna omnium admiratione facti esse videantur.

Atque ut Sacaium per eos dies Meaco discederem, diuinitus equidem factum credo, ne videlicet in ea pericula inciderem, quæ mihi nec opinanti immincebant. Etenim mense postquam inde excessi, Meacum quadraginta millium armatorum obsedit exercitus: quæ etiam causa fuit, cur ad Christianos, sicuti promiseram, non redirem. Illius autem incommodis belli Sacaium vrbs fuit immunis, in primis Iaponis totius contra omnes hostium impetus munitissima: nam ab Occidente alluitur mari, ab aliis verò partibus profundissima cingitur fossa, & aquis plena perpetuis. Atque etiam intestino omni tumultu ac seditionibus vacat, nec rixæ ferme audiuntur. cū enim vrbs viæ suas quæque portas & custodes habeant, statimque cū opus sit occludantur, nullus noxiis ad fugam

fugam exitus patet, sed continuò comprehensū ad tribunalia pertrahuntur. Quamquam ii qui inter se inimiciās gerunt, si alter alteri ad iactum lapidis extra mœnia occurrant, se inuicem malè admodum accipiunt. Sed ad bellum Meacense reuertor, cuius exitus fuit eiusmodi: Cognita vr̄bis obsidione patruus Regis, confestim ei cum exercitu in subsidium venit: huic obuiam iere ex altera parte Nengori Bonzii, qui hominum ordo quandam militiæ Rhodiæ speciem refert. Castris igitur Meacum inter & Sacaium locatis, crebra prœlia committebantur: ita tamē, vt res Bonziorum semper esset superior. denique vigesimo die cū ad vniuersam dimicationem ventum esset, Regis patruus victus, quoddam in castrum confugit. Rex autem Meaci, eius rei nuntio audito, se in arcem recepit vr̄be deserta, quæ ab hostibus capta, rapinis incendio-que vastata est. iidem sequuti victoriā, signis ad castrum, de quo diximus, motis; patrum Regis eiusque copias omnino delere parauerant; cū Rex Meaci exercitū viginti millium hominū quam occultissimè instructo, & ingenti flumine superato, hostes nec opinantes tanto imperu oppressit, vt, cū essent ad hominum triginta millia, fusi fugatique sint. quos Rex deinde coniunctis cum patruo viribus fugientes Meacum vsque insecutus, tanta ipsorum cæde vr̄bem recepit, vt multos in annos ea victoria debellatum esse existimeretur. Itaque aduersa factio extremam sibi perniciē metuēs, pacem ab Rege petiit, sēque interponēte Vo, siue Dairi, qui rebus ad honorem dignitatēque pertinentibus toto Iapone præsideret, impetrauit. In his tamē belli periculis & calamitatibus tēplum nostrum Dei beneficio integrum & incolume perstitit: & in ipsa obsidione Laurentius Iaponius Meacum bis penetravit, (nam me ipsum per litteras Cosmus ante sedatos tumultus eò redire planè vetuerat) semel ad celebrandas cum Christianis Natales Domini ferias: iterum ab iisdem euocatus ad gratias principibus ciuitatis agendas, qui Bonzios, cū tēplū nostrū per vim occupassent, iniusta possessione magno bonorū gaudio depulerant. Toto eo belli tēpore, quod annū circiter vixit, pia quædam munia Christiani Meacenses obire, tribus in singulos menses viris institutis ad pauperū incommoda subleuanda eleemosynis, quæ ob eam ipsam rem in commune cōsecebantur; cū etiā semel in mense in consilio publico de ipsorum pauperum commodis ageretur. Mulier verò Christiana in primis locuples & honesta, cū liberos non haberet, partem suam bonorum à marito obrinuit; eāque in mendicos, lepra vlceribusque tota vr̄be finibusque Meacensibus laborantes, quamquam nonnullis obtreçantibus Bonziis, magna

tamē

tamen cæterorum omnium, qui nihil vnquam simile viderant, admiratione atque approbatione distribuit.

Multa in his locis cœnobîa Bonziorum vñsuntur, in quæ (vt aiunt) pœnitentiæ causa se recipiunt, qui mundo nuntium remisere, densis aded tenebris obcæcati, vt nefaria flagitia in hisce cœnobîis admittere nulla religio sit. nam discrimine rectè vel perperam facti cunfuso, seditionibus, furtis, rapinis, cædibus, cuncta miscentur. Quam etiam ob causam ex iis quidam nomine Cacubau, vt ex ea videlicet hominum colluione fœceque emergeret, sociis aliquot secum adhibitis, Bonziorum formam instituit, eorū qui Neugori nominantur. quorum alii precibus vacāt, alii militiæ, alii quinis quotidie singuli perficiendis sagittis. Arma verò semper habet parata, principemq; familiæ suæ Cacubau in deorum numero venerantur. Rectorem, cui pareant, habent nullum, viribus namque certatur, & quamquam in consiliis, qui ætate præeunt, priores sententiam rogantur: suffragiorum tamen iura vsque aded prorsus sua sunt, vt quod reliqui omnes communi sententia decreuerint, vnus modò si intercesserit, prorsus impediat. Itaque ad vnā eandemque deliberationem toties conuenitur, quoad planè dissentiat nemo. Vbi verò tenebræ se intendere, sepe sese inuicem perimunt ac diripiunt: nec tamen idcirco se putant leges violare, cū iidem muscam aut passerem necare nefas ducant, quòd legibus suis quicquam animatum vetentur occidere.

Nunc paucis exponam, quod anno superiore me fugit, Iaponiî miseri, cū ad sedes, vt ipsi putant, beatorum migraturi sunt, quā ratione se ad iter accingant. Eas autem esse varias opinantur: alias infra maria, alias alibi, certis præpositis diis, qui, a quibus in vira culti sunt, eos in suum quisque domicilium præmii loco perducāt; atque ad infernas quidem sedes qui profecturus est, hoc maximè modo se comparat: Dies complures stat vigilans, & ex quodā quasi suggesto de mundi contemptu concionatur. huic alii sese comites adiungunt, alii stipem elemosynæ causa largiuntur. nouissimo autem die orationem habet ad comites, qui pro amicitia simul omnes epoto vino conscendunt nauiculam, imposita falsè ad spinas rubusque qui occurrunt in itinere præcidendos: nouisque induti vestimentis, manicas lapidibus infarciunt: ad collum autem ingēti saxo religato, quo citius ad paradysum illum suum perueniant, sese è nauigio sponte præcipites dant. Quem mihi videre contigit, hunc septem comites sequebantur, qui quidem tanta cum animi alacritate & gaudio in mare sese projecerunt, vt nouitate spectaculi planè obstupuerim. Qui autem Amidam venerantur, alium

ritum obseruant. Cùm eos tedium cepit vitæ, in specum ad instar dolii, in quo confidere possint, sese coniiciunt, ita ex omni parte coniectum, vt vna tantùm ex arundine perforata spiritum ducant. atque ita ieiuni ad mortem vsque persistunt, assiduè Deum illum suum seu potius dæmonem innocantes. Nuper in hac vrbe Sacaio contigit, (quod tamen vt audio haud insolitum est) vt Bôzius quidam pecuniosus, omni scelere ac nequitia infamis, annos natus septuaginta, cum in morbum incidisset, se mori nolle affirmaret. Idem interdum comedens repentè ex omnium conspectu prorsus ablatu est: quod ipsi quoque Iaponii malum & infaustum interpretantur. Est autem in his locis opinio è falsis varum prædictionibus, ex hoc tempore omnia fore semper pacata. id autem ea ratione confirmant, quòd annus hic post millesimum & quingentesimum alter & sexagesimus, postremus sit (vt ipsi aiunt) inferiorum, quos à quadringentesimo septuagesimo numerant: & propterea hoc anno dicunt facinorosos omnes bello consumptum iri, vt pax in posterum vigeat, quam illis dare dignetur Dominus, quo latius sanctissima ipsius religio peruageret.

BALTHASARIS GAGI AD

SOCIOS.



VI status esset rerum Iaponicatum, & quibus Deo fauète laboribus in vrbe Facata perfuncti essemus, per litteras vobis exposui anno MDLIX, nunc ea perscribam, quæ mihi Goam ex Iapone repetenti in itinere sesquianni spatio contigerunt. Cùm certis de causis Cosimo Turriano necessarium visum

esset, vt aliquis nostrum proficisceretur in Indiam; ego eam peregrinationem obire iussus comite vno è fratribus, qui cælum Iaponium non ferebat, Rege, Sociis, & vniuersa Bungi Ecclesia salutata, sexto Calend. Nouemb. MDLX. iuncum (navis genus id est) vterque cõscendimus, & duodecim dies vento vsi sumus ita secundo, vt nobis iam in conspectu esset ora Sinarum, postridieque nos putaremus portu Veniaga portituros, vbi semper quingenti aut sexcenti Lusitani morantur. vectores igitur & reliqua naualis turba, prospera nauigatione plus æquo elati, prematuris gratulationibus atque conuiujs comæatam nauricum consumere atque exhaurire cæperunt. In hac animi iucunditate, cùm ita propè ab continente abessemus, vt quolibet vento littus teneri posse videretur; eo ipso die sub vesperam aduerso repentè statu increbrescente, imbribusque densissimis tam sæua tempestas exorta, adeoque ingentes excitati sunt fluctus, vt iuncus modò attolleretur altissimè, modò infimè

infirmè magno omnium cum horrore desideret. Augebāt perturbātionem ac metum, cū intempesta nox cœcæque tenebræ, turbinantes circā scopuli, quo in discrimine cū aduerso flatu retineremur, ecce tibi noctis hora circiter decima gubernaculum nauis effractū in mare delabitur, quo amisso de huiusmodi nauibus planè actum existimatur, statimque propterea prædicatur malus, ne iuncus ex vehementi agitatione mergatur, & simul ipsa quoque vela cum antennis in mare prolapsa sunt. Tum verò omnes longè aliis ac pridie sensibus animi ferò de morte cogitare, certatimque ad Confessionem concurrere, incipiunt; tanto omnes terrore percussi, ut mente pænè emdri viderentur, neq; iam in summa nauī quisquam appareret. vnus gubernator in vado explorando, contemplandoque per magnetem cursu totam eam noctem absumpsit. Postridie, scruiente adhuc mari, fulisq; armamentis, salutis spes iam ferè nulla supeterat. tantū argenti pondo ad aureorum centum millia vehebantur, quæ tali tempore nulli nobis vsui esse possent, cū ita vehemens esset agtio, ut alterum in latus procumbente iunco, ima carina appareret: & si mul ex leuitate faburræ & pondere tabulatorum non modò diu retineretur, quo minus in alteram partem recumberet, sed etiam compagibus resolutis, carina facisceret: quocirca tertio tempestatis die malum alterum, qui stabat ad puppim, nauæ præcidere, & mercatorum cubicula leuadi oneris causa disturbare, ipsos denique foros è crassis trabibus asseribusque compactos resoluerunt coacti, vasto iam nauis alueo, ac propemodum vacuo; hic velum exiguum nauiculus è mappis, cubiliūque linteis & ornamentiis, veste serica, aliisque nonnullis, quæ tum sese obtulerant, pro re nata concinnat & comparat: quod ipsum statim impetu venti discerptum est. iamque humanæ opis vnum illud supererat: validior clauus ad extrema tempora reseruatus, sed in iis procellis metuendum erat, ne repositus ad puppim statim effringeretur. Verumtamen, ne in Bornei syrtes incideremus, quo in loco nonnulla nauigia Lusitanorum è Sinis in Indiam cursu directo perierant, (præsertim cū illuc nos impetus maris deferret, nec plus centum & quinquaginta millia passuum inde abessemus) tutiùs visum est gubernaculum restituere, paruumq; sarcire velum, quod vnum restabat. Sed omni iam veste consumpta, moerentibus omnibus, quòd nihil ad resarciendū occurreret; dininitus factum est, ut qui rimas iunci obturandi causa scrutabantur, in sarcinam vestium inciderent, cuius antea non sine luminibus diu multumque frustra quæsitæ, cū merces in Iapone exponerentur, pretium domino

domino magister nauis auteis octoginta persoluerat. Ex hac igitur sarcina aduersus venti vim duplici velo cōfecto, & baculis quibusdam arundinibusq; crassis aptato, clauoq; summo conatu locato, quem ego prius precationibus piis & piaculari aqua rirè lustraueram, cæteris eo tēpore vota nuncupantibus variisq; fundētibus non sine lacrymis preces, diē vnum noctēq; processimus: sed cū nauis iustis careret velis, atroci tēpestare vique adedò quassabatur, diffractum vt denuo sit gubernaculum. Tum verò seruandi argenti spes prorsus amissa accersiti nauæ barbari Sinæ, vt vectōribus in scapham confugiētibus, ipsi in iunco remanerér, aliamq; sibi raptim exstruerent, se deliberaturos ea nocte respōdēt; inde ad sortes dæmonēq; inuocandū conuersi: quod ego cū cernerē, orabam Dominū, ne nos dæmonis arbitratu interire permitteret. Manē, simulātque illuxit, nauæ sese statim ad alium clauum reficiendum scaphamque parandam expediunt. Clauus ē refixis iunci tabulis resecus & collocatus, non diutius sustinuit impetum maris, quā quanto temporis spatio Litanix recitatæ sunt: quo magis in suscepta sententia persistebant Christiani, vt in scapham, quotquot ea taperet, sese reciperent, & iuncum vnā cum argento cæterisque desererent, atque ego sanè liberaliter inuitatus in scapham, partim ne pericula adirem noua, partim ne plus ducentos mortales, scaphæ exclusos angustiis, omni solatio destitutos in iunco relinquerem, sacerdotes duos ē nostris & fratrem vnum imitati omnino decreueram, qui superioribus annis ē Lusitania proficiscentes in Indiam, ad insulas Maldiuanas naufragio & fame perire, quā scapham conscendere, quæ Cocinum incolumis tenuit, cæterisque vectōribus desertis in extremo periculo vitæ, maluerant; inque eo officio vitam naturæ debitam Christo Domino piè fortiterque reddiderant. Sed interea fabri lignarii quartum iam gubernaculum reparauerant, ad quod collocandum pacemque a Deo exposcendam, stipe a vectōribus in hospitale domicilium Bungenſis Ecclesiæ corrogata miserante Domino factum est, vt clauus is omnium infimissimus nos ad continentem aliquādo perduceret. Quindecim ipsos dies ea tempestate iactati sumus, quotidie (vt erant pericula) morientes: cū etiam vulgò neglecte, nec iam clauibus custoditæ argenti laminæ pedibus traherentur. Eiusmodi quippe temporibus pauper spiritu est quilibet.

Initio tempestatis eius, vectores nauasque maturè monuimus, vt animarum saluti consulerent: qui in mea potestate se planè fore cū promississent, ego, vt sublati peccandi occasionibus ad gratiā diuinā magis essent idonei, primū illud curauī, vt feminæ, quæ

quæ vehiebantur in naui, certum in locum abderentur, vbi quinque
 menses remotæ à virorum oculis perstiterunt: deinde ad ceteros
 animandos confirmandosque conuersus, tantum Deo adiuuante
 profeci, vt qui principio abiectis animis concidissent, ad æquitatē
 ac fortitudinem reuocati, pro admissis in vita noxis leue sibi sup-
 plicium illud atque incommoda ducerent: placandōque Domino
 certatim dediti, vel precibus ac litanis vacarēt, vel sublatis in cæ-
 lum oculis pia cum prece suspiria mitterent, vel alta apud se cogi-
 tatione defixi lacrymas funderent: alii etiam flagris semet cæde-
 rent: alii mare sacris reliquiis & aqua sancta lustrarent: alii deni-
 que nummos in cultum Diuorum à vectoribus peterent, quorum
 vis tanta collecta est, vt quindecim dumtaxat viri locupletes, au-
 reos ferè mille contulerint. At mihi sanè credite fratres, in hac vi-
 ta labores & incommoda esse expetenda, quippe quorum amari-
 tudinem magna suauitas & firma spes comiterur: quod secus in
 rebus prosperis vsu venire vel primis nauigationis diebus clarè per-
 speximus. Inter has igitur difficultates rursus in tertæ cōspectū de-
 lati, & cū iam contenebrasset, nimia cupiditate proeucti, periculū
 fuit, ne vi ventorum ad terram allideremur. Sed ex eo periculo, cū
 primū illuxit, euasimus: & à Sinis nautis cognitum est, nos per
 magnam Simarum ad insulam processisse, nōmine Ainanem, ex qua
 insula nautici commeatus & anchoralia à Sinis ferè petuntur. hic
 dum portum subimus, qui in Septentrionem ad gradus decem &
 nouem est positus, in aliud repente omnium maximum vitæ dis-
 crimen incidimus. In ipso aditu iuncus in arenam bis adeo vehe-
 menter incussus est, vt planè iam catina dehisceret, ac pereundum
 nobis utiq; fuerat, nisi Præfecti seu Limenarchæ permissu præsen-
 tem incolæ nobis opem tulissent: quos nonnullis donis remune-
 ratī descendimus 11. Calend. Decemb. quem ipsum in diem Præ-
 sentatio Dei matris **MARIÆ VIRGINIS** incidebat. & quoniam
 iunco afflicto, ac penè iam dissoluto, ad portum Veniagam nauig-
 ati non poterat; Lusitanum quendam continuò ad Cantonem
 oppidum, atque inde Amacanem ad Lusitanos mercatores pede-
 stri itinere misimus, qui de nostra salute iam desperauerant. Ama-
 canem peruenit nuntius Natali ipso die Domini, anno MDLXI.
 statimque ad nos deportandos Lusitani aliquot nauigia submise-
 runt. Et quoniam in Ainane insula menses quinque posuimus, ex
 qua deinde Amacanem trigesimo die peruentum est, de eius insulæ
 & incolarum natura ac moribus, ne longior sim, pauca de multis
 attingam: Est autem Ainanis regio cū fructibus Indicis & omni
 ciborum genere abundans, tum etiam margaritis & vniouibus no-
 bilis:

bilis: frequenter incolitur, vrbibus opere lapideo exstructis: gens verò ipsa moribus rustica, vestitu brachata, eminentibus è capite ad instar bouum cornibus binis è tenui confectis velo, forficibusque ceu tonforum è summa fronte peracutis, eius ornatus causam cognoscere nunquam potui, nisi, si fortè dæmonem effingunt specie bellæ sese offerentem. In hac ego insula sacrificauì aliquoties, & Sacramenta distribui. Inde proficiscentes ad Sinas, cùm parua nobis insula ipso Paschali die Dominico sese obtulisset; partim eius dici celebritate, partim etiam ipsius loci amœnitate inuitati, descendimus, & cōmodum in monte quodam ingenti specum & fornicem in templi formam excauatam offendimus. ibi, ara excitata, sacroque peracto, cælesti pane Lusitanos refeci. Ex eo loco ad Sinas delati, idoneam tempestatem expectantes, ad alteram vsque feriam Natalium Domini anni MDLXII. substitimus. atque inde solutis anchoris tertio decimo die Petram albam felici navigatione tenuimus. Hic imminetibus tenebris territi quo minus fretum Sincapuranum inueheremur, exscensione facta Domino gratias agebamus vniuersi, cùm repente vela complura piratarum apparuerè, (Acenì vulgò appellatur Somatræ populi) ad regnum Iantanæ tendentium. Tum nobis Malacensis quidam denūtiavit, nos vt instrueremus, Acenorum regem centum nauium classe aduentare, quoniam consilio, sibi incertum esse. Ea res nobis sanè metum attulit, quòd oneraria pretiosis mercimoniis referta, ab armis autem esset inops. ac nihilominus nauis vectorisq; sese ad pugnam expedit. Sed classè Acenorum sine iniuria præteruecta, ad dimicationem ventum non est. Postridie verò Sincapuranum fretum inuesti, cùm ventus deficeret, anchoras iecimus. interim Acenorum naues serbè triginta, in iis majoris formæ decem, quibus totius classis vehebatur Præfectus, ad nos aduerrantes, partim ad puppim onerariæ sese opponunt, partim etiam latera ipsa parè abradunt, vt appàteret eos mercibus adamatis (neque enim ignorabant ex quo loco profecti essemus) pugna oprare. cūque biremes maioribus bombardis, atq; sagittis, quas prælenti veneno in ipsa naui assidue inficiebant, nos infestare cœpissent, quamquam nostri, quorum erat numerus ad ducentos, arma parauerant, seque omnes ad propugnandum instruxerant; tamen certissimo in capitis discrimine versabamur: cùm ex altera parte hostium classis multo viris armisque superior immineret, ex altera vè littus esset propinquum, salo in quo stabamus non plus cubitos quatuor profundo. itaque aut præcisus ab hoste anchoralibus, quod vrinantes faciunt, in vada incurren-

corporisq; totius dignitatem ac speciem multo admirabiliorem efficerent, tanta enim in eo castitas ac sanctimonia cernitur, ut octauo quoque die, post confessionem ritè peractam cæleste Eucharistiæ conuiuium non sine lacrymis inear: rãta verò animi submissio & humilitas, (cùm illustri admodum loco sit natus) vti ad Bungensem inuisendam Ecclesiam a Gaspare missus ex vrbe Sacaiō, bona cum parentum venia, quos puer precibus expugnaverat, cōsimulatque peruenit, ut scilicet vnus è Christianorum grege videretur, non modò comam sibi totonderit, quod in Iapone valde inusitatum est, verùm etiã omni delicatiorē cultu ornatuq; abdicato, de contempendis rebus humanis publicè disputare instituerit. Idem in patriam à parentibus reuocatus, Vocoxiuram, ut inde Sacaium repauiaret, à Cosmo perductus est. quem aiunt ex itinere in vrbe Firando apud vxorem Antonii viri principis, eiusq; ancillas, cùm se per id tempus ad sacram confessionem pararent, de Pœnitentia tanè opportunè verba fecisse; quam ille Christianæ philosophiæ partem, iam antea sapius a se tractatam, calleg egregiè. Huiusmodi pueri sunt, (fratres mihi carissimi) quorum opera faces amoris diuini Deo aspirante Iaponiorum cordibus, iniectum iri speramus; atque ob id ipsum apud nos delectam eorum manum Societatis nostræ præceptis atq; institutis imbuimus. Latere Socios omnes nostros per Iesum Christum obtestor, ab eo precibus impetrent, ut mihi det in ipsius obsequio ac famulatu vitam ponere. ex Iapone, octauo Calend. Nouemb. MDLXII,

REGIS CANGOXIMANORVM AD LVSI-
TANORVM INDIÆ PRÆTOREM.

A N N o superiore cùm duo ex Societate Iesv meum in hoc regnum concionandi causa venissent; bellicis occupationibus impeditus, quem & ego cupiebam & ipsi merebantur honorem, illis habere non potui. Eadem fuit causa, cur Lusitani ad Omangum portum naui delati, non modò perinde ac voluntas mea & ipsorum dignitas postulabat, accepti non sint; sed etiam pro piratis habiti, (quibus ora maritima per id tempus erat infesta) commisso prælio Alphonsum Vasæum, non sine mea quidem dolore, è suorum numero amiserint. Tu si ad me litteras dederis, magno me decore auctum atq; ornatum existimabo, atque ipse vicissim ad te scribam quotannis. Lusitani verò, vel sacerdotès tui, si ad me cum tuis litteris venerint, eo erunt apud me loco, qui rebus tuis iure deberetur. Xaxuma anno quarto.

EIVS.

EIVSDEM AD ANTONIVM QVADRIVM

INDIÆ PROVINCIAE PRO SOCIETATE

Iesu Præpositum.



Ocii duo cosmi Turriani, qui in Bungo versatur, meum in hoc regnum se contulerunt: quorum ea est animi magnitudo roburque, ea in dicendo vis atque doctrina, ut mihi cælestia quædam tonitrua esse videantur. Sed illud in primis admiror, aut Lusitanos mercatores negotiorum causa, aut vestri ordinis homines vnius rerum opificis gratia, (præsertim cum ita latè pateat propiusque absit India) è remotissimis regionibus totum pœnè terrarum orbem circumeuntes, ad aquam calidam ebibendam paruas in hæc insulas tam longa & periculosa nauigatione contendere. Sanè ante Christiana sacra suscepta nihil erat in his locis, præter calores maximos: ut mihi Socii vestri Nauabangi quasi ventilatores videantur, qui corda mortalium salutaris aura opportunè refrigerent: qui profectò libenter meum in hoc regnum est cur veniant, quamvis exiguum. nam ut alibi aduersos maris ætus, hîc quidem certè semper secundos offendunt. Ac licet populares mei Christiani ipsorum præsentia destituti, se inter ea Crucis aspectu excelso loco sublata sustentent; meum mihi tamen hoc regnum à Sociis vestris relictum, quandam obducti nubibus cæli aut Solis propria luce defecti reddit imaginem. Simul etiam Lusitanos negotiatores, quorû mihi perspecta fides ac probitas est, in meæ dispositionis terras commeare mihi gratissimum fuerit: qui sic habeant, se non modò ab omni injuria tutos fore, sed etiam amicissimè liberalissimèque tractatûm iri. nec latronum insidias metuant, qui, quibus in oppidis Christiani sunt, nulli versantur. Te quidem certè obsecro, ut de tuis aliquos primo quoque tempore mittas, quos ego magno cum desiderio in ipso littore opperior. Datæ anno quarto, mense septimo, octauo die & vigesimo.

LIBRI SECVNDI FINIS.

f s

SELE-

90
S E L E C T A R V M
E P I S T O L A R V M
E X I N D I A
L I B E R T E R T I V S.

GASPARIS VILELÆ AD SOCIETA-
T E M I E S V.



N N O MDLXI. Augusto mense urbē Sacaiū ingressus sum, quæ in Septentrionē sita, gradus obtinet quinq; & triginta & semis. Cūq; Euangeliū in ea promulgare cōpilsē, multos repperi, qui verū id esse faterentur, sed quominus ex eo viverent, famæ & existimationis ratione impediri. gentem enim diuitiis affluentem, & dignitatis in primis avidam facile absterret diabolus iniuriis & contumeliis proponendis, quibus in hac vita Christiani ferè semper obnoxii degunt, si ducem ac liberatorem suum imitari voluerint. quo fit, ut agre admodum Sacaiāni ad Baptismum accedant. quanquam in iis ipsis difficultatibus quadraginta circiter baptizati sunt, in quibus erant milites quatuordecim prætoriani, quorum ita insignis vitæ morumque mutatio constitit, ut è lupis agni mansueti non sine magna omnium admiratione facti esse videantur.

Atque ut Sacaium per eos dies Meaco discederem, diuinitus equidem factum credo, ne videlicet in ea pericula inciderem, quæ mihi nec opinanti imminabant. Etenim mense postquam inde excessi, Meacum quadraginta millium armatorum obsedit exercitus: quæ etiam causa fuit, cur ad Christianos, sicuti promiseram, non redirem. Illius autem incommodis belli Sacaium urbs fuit immunis, in primis Iaponis totius contra omnes hostium impetus munitissima. nam ab Occidente alluitur mari, ab aliis verò partibus profundissima cingitur fossa, & aquis plena perpetuis. Atque etiam intestino omni tumultu ac seditionibus vacat, nec rixæ ferme audiuntur. cū enim urbis viæ suas quæque portas & custodes habeant, statimque cū opus sit occludantur, nullus noxiis ad fugam

fugam exitus patet, sed continuò comprehensì ad tribunalia pertrahuntur. Quamquam ii qui inter se inimicitias gerunt, si alter alteri ad iactum lapidis extra mœnia occurrant, se inuicem malè admodum accipiunt. Sed ad bellum Meacense reuertor, cuius exitus fuit ejusmodi: Cognita vrbs obsidione patruus Regis, confestim ei cum exercitu in subsidium venit: huic obuiam iete ex altera parte Nengori Bonzii, qui hominum ordo quandam militiæ Rhodiæ speciem refert. Castris igitur Meacum inter & Sacajum locatis, crebra prælia committebantur: ita tamen, vt res Bonziorum semper esset superior, denique vigesimo die cùm ad vniuersam dimicationem ventum esset, Regis patruus victus, quoddam in castrum confugit. Rex autem Meaci, eius rei nuntio audito, se in arcem recepit vrbe deserta, quæ ab hostibus capta, rapinis incendio-que vastata est. iidem sequuti victoriam, signis ad castrum, de quo diximus, motis; patruus Regis eiusque copias omnino delere parauerant; cùm Rex Meaci exercitū viginti millium hominū quam occultissimè instructo, & ingenti flumine superato, hostes nec opinantes tanto impetu oppressit, vt, cùm essent ad hominum triginta millia, fusi fugatique sint. quos Rex deinde coniunctis cum patruo viribus fugientes Meacum vsque insecutus, tanta ipsorum cæde urbem recepit, vt multos in annos ea victoria debellatum esse existimeretur. Itaque aduersa factio extremam sibi perniciem metuēs, pacem ab Rege petiit, seque interponere Vo, siue Daiiri, qui rebus ad honorem dignitatēque pertinentibus toto Iapone præsidet, impetrauit. In his tamen belli periculis & calamitatibus tēplum nostrum Dei beneficio integrum & incolume perstitit: & in ipsa obsidione Laurentius Iaponius Meacum bis penetrauit, (nam me ipsum per litteras Cosmus ante sedatos tumultus eò redire planè vetuerat) semel ad celebrandas cum Christianis Natales Domini ferias: iterum ab iisdem euocatus ad gratias principibus ciuitatis agendas, qui Bonzios, cùm tēplū nostrū per vim occupassent, iniusta possessione magno bonorū gaudio depulerant. Toto eo belli tēpore, quod annū circiter vixit, pia quædam munia Christiani Meacenses obiere, tribus in singulos menses viris institutis ad pauperū incommoda subleuanda eleemosynis, quæ ob eam ipsam rem in commune cōferebantur; cùm etiā semel in mense in consilio publico de ipsorum pauperum commodis ageretur. Mulier verò Christiana in primis locuples & honesta, cùm liberos non haberet, partem suam bonorum à marito obtinuit, eamque in mendicos, lepra vlceribusque tota vrbe finibusque Meacensibus laborantes, quamquam nonnullis obtreçantibus Bonzziis, magna
tamen

tamen cæterorum omnium, qui nihil vnquam simile viderant, admiratione atque approbatione distribuit.

Multa in his locis cœnobîa Bonziorum vñsuntur, in quæ (vt a-
iunt) pœnitentiæ causa se recipiunt, qui mundo nuntium remis-
re, densis aded tenebris obcœcati, vt nefaria flagitia in hisce cœno-
biis admittere nulla religio sit. nam discrimine rectè vel perperam
facti cunfuso, seditionibus, furtis, rapinis, cædibus, cuncta miscen-
tur. Quam etiam ob causam ex iis quidam nomine Cacubau, vt ex
ea videlicet hominum colluuiione faceq̃ue emergeret, sociis ali-
quot secum adhibitis, Bonziorum formam instituit, eorū qui Neu-
gori nominantur. quorum alii precibus vacāt, alii militiæ, alii qui-
nis quotidie singuli perficiendis sagittis. Arma verò semper habēt
parata, principemq; familiæ suæ Cacubau in deorum numero ve-
nerantur. Rectorem, cui pareant, habent nullum, viribus namque
certatur, & quamquam in consiliis, qui ætate præeunt, priores sen-
tentiam rogantur: suffragiorum tamen iura vsque aded propriis sua
sunt, vt quod reliqui omnes communi sententia decreuerint, vnus
modò si intercesserit, prorsus impediatur. Itaque ad vnā eandem-
que deliberationem toties conuenitur, quoad planè dissentiat ne-
mo. Vbi verò tenebræ se intendere, sēpe sese inuicem perimunt ac
diripiunt: nec tamen idcirco se putant leges violare, cū iidem
muscā aut passerem necare nefas ducant, quodd legibus suis quic-
quam animatum vetentur occidere.

Nunc paucis exponam, quod anno superiore me fugit, Iaponi
miseri, cū ad sedes, vt ipsi putant, beatorum migraturi sunt, qua
ratione se ad iter accingant. Eas autem esse varias opinantur: alias
infra maria, alias alibi, certis præpositis diis, qui, a quibus in vita
culci sunt, eos in suum quisque domicilium præmii loco perducāt;
atque ad infernas quidem sedes qui profecturus est, hoc maximè
modo se comparat: Dies complures stat vigilans, & ex quodā quasi
suggesto de mundi contemptu concionatur. huic alii sese comites
adiungunt, alii stipem eleemosynæ causa largiuntur. nouissimo au-
tem die orationem habet ad comites, qui pro amicitia simul om-
nes epoto vino conscendunt nauiculam, imposita falsè ad spinas
rubusque qui occurrunt in itinere præcidendos: nouisque induti
vestimentis, manicas lapidibus infarciunt: ad collum autem ingē-
ti saxo religato, quo citius ad paradysum illum suum perueniant,
sese è nauigio sponte præcipientes dant. Quem mihi videre contigit,
hunc septem comites sequebantur, qui quidem tanta cum animi
alacritate & gaudio in mare sese projecerunt, vt nouitate specta-
culi planè obstupuerim. Qui autem Amidam venerantur, alium

ritum

ritum obseruant. Cùm eos tedium cepit vitæ, in specum ad instar dolii, in quo confidere possint, sese coniiciunt, ita ex omni parte coniectum, vt vna tantùm ex arundine perforata spiritum ducant. atque ita ieiuni ad mortem vsque persistunt, assiduè Deum illum suum seu potius dæmonem inuocantes. Nuper in hac vrbe Sacaio contigit, (quod tamen vt audio haud insolitum est) vt Bõzius quidam pecuniosus, omni scelere ac nequitia infamis, annos natus septuaginta, cum in morbum incidisset, se mori nolle affirmaret. Idem interdium comedens repente ex omnium conspectu prorsus ablatu est: quod ipsi quoque Iaponii malum & infaustum interpretantur. Est autem in his locis opinio è falsis vatum prædictionibus, ex hoc tempore omnia fore semper pacata. id autem ea ratione confirmant, quòd annus hic post millesimum & quingentesimum alter & sexagesimus, postremus sit (vt ipsi aiunt) inferiorum, quos à quadringentesimo septuagesimo numerant: & propterea hoc anno dicunt facinorosos omnes bello consumptum iri, vt pax in posterum vigeat, quam illis dare dignetur Dominus, quo latius sanctissima ipsius religio peruagetur.

BALTHASARIS GAGI AD

SOCIOS.



VI status esset rerum Iaponicatum, & quibus Deo fauete laboribus in vrbe Facata perfuncti essemus, per litteras vobis exposui anno MDLIX, nunc ea perscribam, quæ mihi Goam ex Iapone repetenti in itinere sesquianni spatio contigerunt. Cùm certis de causis Cosino Turriano necessarium visum esset, vt aliquis nostrum proficisceretur in Indiam; ego eam peregrinationem obire iussus comite vno è fratribus, qui cælum Iaponium non ferebat, Rege, Sociis, & vniuersa Bungi Ecclesia salutata, sexto Calend. Nouemb. MDLX. iuncum (navis genus id est) vterque cõscendimus, & duodecim dies vento vsi sumus ita secundo, vt nobis iam in conspectu esset ora Sinarum, postridicque nos putaremus portu Veniaga potituros, vbi semper quingenti aut sexcenti Lusitani morantur, vectores igitur & reliqua naualis turba, prospera nauigatione plus æquo elati, præmaturis gratulationibus atque conuiujs com meatum nauticum consumere atque exhaurire cæperunt. In hac animi iucunditate, cùm ita propè ab continente abessemus, vt quolibet vento littus teneri posse videretur; eo ipso die sub vesperam aduerso repente flatu increbrescente, imbribusque densissimis tam sæua tempestas exorta, adeoque ingentes excitati sunt fluctus, vt iuncus modò attolleretur altissimè, modò infimè.

infimè magno omnium cum horrore desideret. Augebāt perturbationem ac metum, cū intempesta nox cœcæque tenebræ, turbinantes circā scopuli, quo in discrimine cū aduerso flatu retineremur, ecce tibi noctis hora circiter decima gubernaculum nauis effractū in mare delabitur, quo amisso de huiusmodi nauibus planè actum existimatur, statimque propterea præclicitur malus, ne inncus ex vehementi agitatione mergatur, & simul ipsa quoque vela cum antennis in mare prolapsa sunt. Tum verò omnes longè aliis ac pridie sensibus animi ferè de morte cogitare, certatimque ad Confessionem concurrere, incipiunt; tanto omnes terrore perculsi, vt mente pænè emoti viderentur, neq; iam in summa nauī quisquam apparet. vnus gubernator in vado explorando contemplandoque per magnetem cursu totam eam noctem absumpsit. Postridie, scruiente adhuc mari, fulisq; armamentis, salutis spes iam ferè nulla supeterat. tantū argenti pondo ad aureorum centum millia vehebantur, quæ tali tempore nulli nobis vsui esse possent, cū ita vehemens esset agtio, vt ætærum in latus procumbente iunco, ima carina apparet: & si mulex leuitate saburræ & pōdere tabulatorum non modò diu retineretur, quo minus in alteram partem recumberet, sed etiam compagibus resolutis, carina fatisceret: quōcirca tertio tempestatis die malum alterum, qui stabat ad puppim, nautæ præcidere, & mercatorum cubicula leuādī oneris causa disturbare, ipsos denique foros è crassis trabibus asseribusque compactos resoluerunt coacti, vasto iam nauis aluco, ac propemodum vacuo; hic velum exiguum naucletus è mappis, cubiliumque linteis & ornamentiis, veste serica, aliisque nonnullis, quæ tum sese obtulerant, pro re nata concinnat & comparat: quod ipsam statim impetu venti discerptum est. iamque humanæ opis vnum illud supererat: validior clauus ad extrema tempora reseruatus, sed in iis procellis metuendum erat, ne repositus ad puppim statim effringeretur. Verumtamen, ne in Bornei syrtes incideremus, quo in loco nonnulla nauigia Lusitanorum è Sinis in Indiam cursu directo perierant, (præsertim cū illuc nos impetus maris deferret, nec plus centum & quinquaginta millia passuum inde abessemus) tutiùs visum est gubernaculum restituere, paruumq; sarcire velum, quod vnum restabat. Sed omni iam veste consumpta, moerentibus omnibus, quòd nihil ad resarciendū occurreret; diuinitus factum est, vt qui rimas iunci obturandi causa scrutabantur, in sarcinam vestium inciderent, cuius antea non sine luminibus diu multumque frustra quæsitæ, cū merces in Iapone exponeretur, pretium domino

domino magister nauiſ aurcis octoginta perſoluerat. Ex hac igitur ſarcina aduerſus venti vim duplici velo cōfecto, & baculis quibuſdam arundinibuſq; craſſis aptato, clauoq; ſummo conatu locato, quem ego priuſ precationibus piis & piaculari aqua ritē luſtraueram, cæteris eo tēpore vota nuncupantibus variaſq; fundētibz non ſine lacrymis preces, diē vnum noctēq; proceſſimus: ſed cū nauis iuſtis careret velis, atroci tēpeſtate vſque ad eō quaffabatur, diffractum vt denuo ſit gubernaculum. Tum verō ſeruandi argenti ſpes prorsus amiſſa accerſiti nauæ barbari Sinæ, vt vectōribz in ſcapham conſugiētibus, ipſi in iunco remanerēt, aliamq; ſibi raptim exſtruerent, ſe deliberaturos ea nocte reſpōdēt, inde ad ſortes dæmonēq; inuocandū conuerſi: quod ego cū cernerē, orabam Dominū, ne nos dæmonis arbitratu interire permitteret. Manē, ſimulātq; illuxit, nauæ ſeſe ſtatim ad alium clauum reſcicendum ſcaphamque parandam expediunt. Clauus ē reſixis iunci tabulis reſectus & collocatus, non diutius ſuſtinuit impetum maris, quā quanto tēporis ſpatio Litanix recitatæ ſunt: quo magis in ſuſcepta ſententia perſiſtebant Chriſtiani, vt in ſcapham, quotquot ea taperet, ſeſe reciperent, & iuncum vnā cum argento cæterisq; deſererent, atque ego ſanē liberaliter inuitatus in ſcapham, partim ne pericula adirem noua, partim ne plus ducentos mortales, ſcaphæ excluſos anguſtiis, omni ſolatio deſtitutos in iunco relinquerem, ſacerdotes duos ē noſtris & fratrem vnum imitari omnino decreueram, qui ſuperioribus annis ē Luſitania proſciſcentes in Indiam, ad inſulas Maldiuanas naufragio & fame perire, quā ſcapham conſcendere, quæ Cocinum incolumis tenuit, cæterisq; vectōribz deſertis in extremo periculo vitæ, maluerant; inque eo officio vitam naturæ debitam Chriſto Domino piē fortiterque reddiderant. Sed interea fabri lignarii quartum iam gubernaculum reparauerant, ad quod collocandum pacemque a Deo expoſcendam, ſtiſpe a vectōribz in hoſpitale domicilium Bungenſis Eccleſiæ corrogata miſerante Domino factum eſt, vt clauus is omnium inſirmiſſimus nos ad continentem aliquādo perduceret. Quindecim ipſos dies ea tempeſtate iactati ſumus, quotidie (vt erant pericula) morientes: cū etiam vulgō neglectē, nec iam clauibus cuſtoditæ argenti laminæ pedibus traherentur. Eiſuſmodi quippe temporibus pauper ſpiritu eſt quilibet.

Initio tempeſtatis eiſ, vectōres nauasq; maturē monuimus, vt animarum ſaluti conſulerent: qui in mea poteſtate ſe planē fore cū promiſſiſſent, ego, vt ſublatis peccandi occaſionibus ad gratiā diuinā magis eſſent idonei, primū illud curauī, vt ſeminæ,

qua

bilis: frequenter incolitur, vrbibus opere lapideo exstructis: gens verò ipsa moribus rustica, vestitu brachata, eminentibus è capite ad instar bouum cornibus binis è tenui confectis velo, forficibusque ceu tonsorum è summa fronte peracutis, eius ornatus causam cognoscere numquam potui, nisi, si fortè demonem effingunt specie bellæ sese offerentem. In hac ego insula sacrificavi aliquoties, & Sacramenta distribui. Inde proficiscentes ad Sinas, cum parua nobis insula ipso Paschali die Dominico sese obtulisset; partim eius dici celebritate, partim etiam ipsius loci amoenitate inuitati, descendimus, & cōmodum in monte quodam ingenti specum & fornicem in templi formam excavatam offendimus. ibi, ara excitata, sacroque peracto, cælesti pane Lusitanos refeci. Ex eo loco ad Sinas delati, idoneam tempestatem expectantes, ad alteram vsque fetiam Natalium Domini anni MDLXII. substitimus. atque inde solutis anchoris tertio decimo die Petram albam felici nauigatione tenuimus. Hic imminetibus tenebris territi quo minus fretum Sincapuranum inueheremur, excensione facta Domino gratias agebamus vniuersi; cum repente vela complura piratarum apparuerent, (Aceni vulgò appellatur Somatræ populi) ad regnum Iantanæ tendentium. Tum nobis Malacensis quidam denunciavit, nos vt instrueremus, Accenorum regem centum nauium classe aduentare, quoniam consilio, sibi incertum esse. Ea res nobis sanè metum attulit, quod oneraria pretiosis mercimoniis referta, ab armis autem esset inops. ac tihilominus nauæ vectorésque sese ad pugnam expediunt. Sed classè Accenorum sine iniuria præteruecta, ad dimicationem ventum non est. Postridie verò Sincapuranum fretum inuecti, cum ventus deficeret, anchoras iecimus. interim Accenorum naues serine triginta, in iis maioris formæ decem, quibus totius classis vehebatur Præfectus, ad nos aduentantes, partim ad puppim onerariæ sese opponunt, partim etiam latera ipsa pænè abradunt, vt appareret eos mercibus adamatis (neque enim ignorabant ex quo loco profecti essemus) pugna oprare. cūque biremes maioribus bombardis, atq; sagittis, quas præsentem veneno in ipsa naui assidue inficiebant, nos infestare capissent, quamquam nostri, quorum ferat numerus ad ducentos, arma parauerant, seque omnes ad propugnandum instruxerant; tamen certissimo in capitis discrimine versabamur: cum ex altera parte hostium classis multo viris armisque superior immineret, ex altera verò littus esset propinquum, salo in quo stabamus non plus cubitos quatuor profundo. itaque aut præcis ab hoste anchoralibus, quod vrinantes faciunt, in vada incurren-

g

dum,

dum, aut in manus hostium planè deueniendum fuisset, nisi nos insperantes præsentì periculo Dominus exemisset. quippe hostes comiter amicèque à nobis compellati, nonnullisque muneribus deliniti, non modò nos lacessere desierunt, verùm etiam ita beneuoli discessere, vt sibimet ipsi Lusitanos & nobilitate & belli gloria compararent. Malacam inde peruenimus*tertio decimo Calend. Februarias, qui dies Diuo Sebastiano sacer est: vbi è sociis nostris amantissimè excepti, ad octauum vsque Idus Februarii piratarum metu cominorati sumus. Malaca dum ad Colanum portum, in quo arx est Lusitanorum, contendimus, Ceilantiis iam syrtibus superatis, vento admodum prospero in Cilanos scopulos rectà deferebamur, nisi ad iactum lapidis animaduerso periculo, & mutata repentè velificatione Comorinum promontorium feliciter præteruecti, (quod vix fieri posse videbatur) ipso die Paschali Dominico, magna Melchioris & reliquorum Sociorum gratulatione, qui in eò matris Dei collegio sunt, Cocinum appulissemus: quo ex loco ad hoc Goanum D. Pauli collegiũ dudum expectati quinto decimo die peruenimus. Cuius equidem collegii cùm egregia rei Christianæ adiuuandæ studia, tum varias plurimásque exercitationes, & spirituales & litterarias, denique ipsius Ecclesiæ incrementa vehementer sum admiratus: quam porrò Dominus ad gloriam suam tueatur & augeat. Hactenus de nauigatione. nunc de Iaponicis rebus panca perstringam. In Iapone Ecclesiæ numerantur nouem templo quæque suo instructæ: quorum templorum quinque circiter idolis antè dicata, nunc sacris altaribus, & IESV CHRISTI, Mariæque Virginis Dei matris imaginibus exornata diuino cultui seruiunt. Facatense templum Christianus quidam Cosmus nomine exstruxit. idemque vt nos in oratione Sinarum tempestate retentos cognouit, argenti laminam mihi in subsidium misit. Nam Cutamense (quod templum est perinagnum in agro Funaiano regni Bungentis, passuum ab vrbe viginti quinque millibus) suo sumptu ædificatũ Christianus Lucas cœmeterio circumdedit, excelsa lapidea Cruce in medio posita, ad quam se post mortem sepe iri iussit. Cutamensis porrò ager ipse vestigalis est dynastæ cuiusdam ethnici, cum quo ipsiusque comitibus, dum Ecclesiam Cutamensem inuissimus, de rebus diuinis sæpe collocti sumus. quibus ille sermonibus nostræque consuetudine delectabatur adeò, vt quattuor horas totas interdum nobis aures præberet, arque ita commouebatur nonnunquam, vt velle se Christianum fieri diceret: sed hominum rumusculos veritus (quæ res roto terrarum

rarum

tarum orbe plurimum potest) à suscepta sententia destitit. Idem apud Lucam rursus totum vespertinum tempus nos audiendo consumpsit; clareq; perspectis ex ea disputatione Iaponicarum sectarum omnium erroribus atque fallaciis: eomitibus suis, qui secum aderant, apertè professus est gratum sibi fore, si quis eorum Christiana sacra susceperet. quæ res nonnullos ex iis adduxit, ut conceptum animo Baptismi desiderium expromerent: quo ille ita gaudius est, ut eos ipsemet hortaretur, ut constanter in proposito permanerent. Ac ferè omnes Iaponii proceres nobis amici sunt. nam etsi aliqui, acie mentis retusa flagitiis, lucem Evangelii aspicere nequeunt; valetudinis tamen causa, si quando ipsi aut ipsorum familiares in morbum incidunt, ad nos confugere consueverunt. ut iam in his rebus Christianam rem non modò Theologi, sed etiam medici chirurgique promoucant; quod ipsum apud Sinas quoque propediem fore confidimus: qua in provincia rumor iam dissipatus est, candidam gentem promissa barba, Sinarum Imperii potituram; quod si (ut speramus) euenerit, paucæ omnino pro messis eius, itemque Iaponicæ & Indicæ copia, Christianarum sodalitarum omnium operæ fuerint.

In Iapone, simulatque cognitum est me in Indiam profecturum, Christiani omnes à viginti septem passuum millibus ad me salutandi causa venerunt: qui verò longius aberant, mihi se per litteras excusarunt. Itaque in meo discessu tanta hominum multitudo conuenerat, ut eos nec templum nec atrium nostrarum ædium caperet. Hæc ego fratres mihi carissimi, Christianorum lacrymas consultò prætereo, quorum mærotem solari conabat noui supplementi spe, cuius causa me ad Socios meos ex India reducidos abire dicebam. Ad mare tendentem ingens me agmè omnis ætatis virorum atque mulierum ita obfirmato animo prosequutum est, ut ad eos domum remittendos bis in itinere subsistere necesse fuerit. quotum equidem precibus (nam iis me magnopere commendaueram) nos è tantis periculis diuinitus ereptos puto. Sunt autem Iaponii acceptorum beneficiorum adeò memores gratique, ut si modò ipsorum elemosynas acceperimus, quod illi sibi honoris loco ducunt, (non enim dico si eos inuiserimus, aut alia quapiam re adiuuerimus) eorum primarij ad agendas nobis gratias domum vsque contendunt. quod ipsum inrerdu etiam ethnici eorum cognati faciunt. quòd si qui nobis (ut fit) in domesticis ministeriis operam dederint, illam dumtaxat mercedem requirunt, ut sub vespèrâ hilari vultu dicamus: Goxinto de oniar, hoc est, laborastis

egregiè. Id si reticeatur, valde mœsti afflictique discedunt.

Bungenſium Rex proficiſcenti mihi dedit eleganti opere gladium, aureâq; vagina in anguis formam elaborata, mittendum ad Regem Luſitaniæ, quæ eſſe tenera adhuc ætate cognouerar, iremque præclarum Indiæ Proregi pugionem; quæ omnia in Iaponem idcirco reſiſimus, quòd tempeſtatis iniuria nitorem ſuum atque decorem amiſerant. Ad ipſum autem Bungi Regem Conſtanti- nus Prorex munera & litteras miſerât: & ſimul eum affecerat lau- dibus, quòd Euangelii præcones in ſuis regnis tueretur, benigne- que tractaret. quod ille munus ac litteras ita illuſtri grãtia exce- pit, vt non modò eum, qui attulerat, aureis donarit amplius ſexceſ- tis, verùm etiam ad Prætorem viciffim miſerit in bellicos uſus af- fabre factum thoracem auro ſericòque diſtinctum, cum inaurata galea, cupreòque frontali, item haſtilia duo pugionibus præfixa, argenteis cruſtis oruata, quas Nanguinatas appellant, aliæque ſi- milia. Nos autem ipſos mirum quanta beneuolentia proſequa- tur. nam cùm cæteris rebus amicè nobis fauet & commodat, tum in conſilio dando fidem præſtar cum humanitate & facilitate cõ- iunctam, liberumque permittit, ſequamur id, quod optimum eſſe iudicauerimus. In Chriſtianorum verò negotiis, quanti nos fa- ciat, planè demonſtrat. etenim vel infinitorum hominum res, cõ- mendatio noſtra ſi acceſſerit, ſuas putat, eoſque nominarim appel- lat, quod magnum eſt apud Iaponios honoris indicium, adituſque eis ad ſe præbet facillimos: denique illis etiam internuntiis ad nos vitur. quibus rebus Chriſtiani maiorem in modum animantur.

Vos tanto Regi fratres meliorem in dies mentem, nobis ad cæ- pra ſtrenuè ptomouenda lucem viresque precamini. Goa.

GASPARIS VILELAE AD Socios.



Annum in vrbe Saciao moratus, Meacum pacatis iam rebus diſceſſi anno MDLXII. magnâq; Chri- ſtianorum lætitia acceſſus, conciones habere con- tinuò inſtitui: & quo maiore gratulatione ſtudio- que celebrarentur inſtantes iam Natales Domini feriæ, Iobeum promulgaui ſeptimo antè anno datum à ſummo Pontifice. quo illi ita permoti ſunt, vt ipſorum & in Confeſſionibus diligentiam, & in feſtorum Natalium exſpecta- tione pietatè ac ſtadium magnopere admiraret. Natalis Domini dies feſtus cùm adueniſſet; nouem, qui mihi maxime idonei vi-

si sunt, exposita prius ipsis augusti illius ac tremendi mysterij sanctitate, ad sacram Eucharistiam admissi, eo sensu pietatis affectos, ut magno temporis spatio lacrymantes antè perstiterint. Reliquorum autem desideria, id ipsum auidè expetentium, verbis leniui, totaque ea nocte in laudibus summi parentis ac Domini exacta, maturino tempore sacrum feci, deque ipso natali, tanto cum omnium gaudio ac voluptate, disserui, ut identidem prisca illa mihi subirent nascentis Ecclesiæ tempora, cum Christiani omnes, vno amoris vinculo caritatisque coniuncti, ad festos dies agendos & conuiuia spiritalia celebranda castissimè conuenirent. Peractis feriis, deinceps ad conciones redii, ad quas ethnici multo iam tum pauciores, quàm antea, ventitabant: credo propterea quòd initio ad nos audiendos cauillandi studium ac petulantia complures impelleret, quos nunc perspecta veritas ab ea derisione deterret. Nec ferè nobis iam aures atque operam dant, nisi qui seriò saluti suæ consulere ac rationi parère in animum induxerunt. quod ipsum ceteri quoque Meacenses utique facerent, nisi eos fictis rationibus deceptos ab eo consilio dæmon abduceret. aiunt enim, cum perpetuum quandam innocentis vitæ cursum religio Christiana requirat, se eiusmodi militiæ sacramento obligari, & pugnam aduersus voluptates deliciasque nolle capescere, ut cum se magna ex parte huius vitæ iucunditate priuarint, tū sempiternis in altera vita suppliciis, nisi ad finem vsque perseuerauerint, deinde maectentur.

In hebdomadæ sacrosanctæ Paschalibusque solennibus eadem Christianorum fides atque religio constitit. celebritatem auxere nouem Baptismo lustrati, in iis cuius quidam locuples, & Iaponicis superstitionibus admodum eruditus, cuius oculos mentis, cum nihil post mortem omnino superesse putaret, Dominus ita aperire dignatus est, ut sacrosanctum Baptismum magno animi ardore lacrymisque suscepit.

Per eos dies feditione Meaci rursus exorta, quā iniqui in Christiana sacra conferebant (multo iustius Regis ipsius tyrannidi tribuendam, qui regna septem vi metuque tuertur, nec spei quidquā habet in ciuium caritate repositum) ad reuiscendos nophytos, Sacaium, de Christianorum Meacensium sententia, discessi. Meacensis templi Ecclesiæque cùstodia Christiano admodum seni relicta. Meacum reuertar (ut spero) ad festum dieni agendum natalis Reginæ cæli **MARIÆ VIRGINIS**, cui ædem idcirco dicauimus, quòd eo ipso die Meaci primùm sacra missæ peracta sunt. In hac autem vrbe Sacai non admodum magna mihi spes propinquæ mensis nunc quidem ostenditur, tantum enim

est incolarum superbia ac leuitas, vt cœlum honoris existimatio-
nisque iactura mercari se nolle fateantur: quamquam tēpore pro-
cedente sperandum est agrum hunc ipsum bonam pietatis frugem
larurum. Rationem instituti nostri in Bonzijs hisce tractandis,
aliaque nonnulla cūm de ipsorum ornatu cultuque corporis, tum
de incolarū natura moribusque separatim perscripta ad vos mit-
to: quo ijs cognitis gratias Domino postro agatis, qui nps ex infi-
nito propè cœcorum numero exemit; & simul eidem supplicetis,
vt ad ipsum conuertantur hæ gentes, Indiæ Brachmanarum su-
perstitione deposita, quā ab Indico magistro ex regno Sionis ac-
ceptam huc vsque retinet; quod ipsum ex delubris etiā apparet,
quæ in oppido Indiæ Ceilano eadē quæ in Iapone videre me me-
mini. idque vobis idcirco significandum putavi, vt praua huiusce
religionis origine cognita, vos ad eam reprehendendam & con-
furandam facilius comparetis, Precibus vestris ac sacrificiis vt me
Domino commendetis, a vobis etiā atque etiā peto. Sacao, V,
Calend. Maij, M.D. LXIII,

Scriptis iam litteris, rogat me per nuntium ethnicus quidā vir,
opibus præpotens, vti ad se baptizandum veniam in urbem Narā.
Omnino vercor vt verbis hominis fides habenda sit: grauem enim
adhuc se rebus diuinis aduersatum præbuit. Verumtamen, quic-
quid sit, experiar: præclare mecum existimans actum iri, si in
Christiana causa vitam ponere mihi contigerit, nec enim per-
mitteret Dominus, vt exiguam huiusce lucis vsuram animæ meæ
saluti atque immortalitati anteponam. Sin ethnicus ille, vera
narrauerit, seque ex animo ad sacrosanctam Ecclesiam aggrega-
rit; nā tum omnia Societatis nostræ Collegia novam in hanc
messē per litteras euocare non dubitem. magnum enim in his
locis eius viri nomen, magna auctoritas est. Faxit Dominus quod
ē sua gloria maximè fuerit, cui me inter acies gladiatorum, in-
tentaque in me inimicorum tela versantem, planè commisi-
totum ac tradidi.

LVDOLICI FROII AD SOCIETATĒM IESV
IN INDIAM ET IN EVROPAM.

EMAXIMIS nauigationis periculis summo Dei ac Do-
mini nostri beneficio liberati, ex ora Sinarum incolu-
mes in hunc Iaponis portum deuenimus, quem Vocoxiu-
ram appellant: obuiosque habuimus in littore Christia-
nos incolās omnes, tanta ex aduentu nostro voluptate ac læ-
titia

tiria gestientes, ut nos humeris ipsimet suis sublimes tollere atque asportare velle viderentur, quorum ducenti circiter nos ad templum usque deduxerunt. Cosmi verò Turriani gaudium fuit ita magnum, ut collacrymaretur, satisque se vixisse iam diceret, quoniam quidem operarios sibi in subsidium missos à Domino in tanta negotiorum mole tamque opportuno tempore cerneret. Ioannem autem Fesandum è magnis assiduisque laboribus ita consumptum macieque confectum offendimus, ut animam agere videretur. Etenim ad domesticas & quotidianas Cosmi occupationes accedebat etiam magna frequentia principum virorum & Christianorum, sum ex aliis regionibus tum ex hac regno, vel baptizandi vel salutandi causa, aduenientium. Ioannes autem post sacra missæ à Cosmo peracta, totum ferè diem & sæpe noctem partim rudimentis Christianæ doctrinæ vulgò tradendis, partim etiam proceribus ac Bonziis, qui ad Baptismum accederent, separatim instituendis ponebat. Mihi verò baptizandi onus impositum est: ac nono post nostrum aduentum die primùm sexaginta Baptismo lustrati sunt, multiq; deinceps è prima nobilitate, Barptolemæi regis maximè hortatu ac persuasionibus incitati: quorum plerique catechismum sua manu continuò describebant, quo facilius memoriæ commendarent, eundemque domesticis traderent. singulis autem, à Baptismo, sanè quam enixè ac studiosè petentibus, Crucis sigillum è collo gestandum, itemque Rosarium precandi causa dabatur.

Firandi autem, simulatque Sodales ex India aduenisse auditum est; Antonius & vxor ipsius Elisabetha misso confestim nuntio Cosmum magnopere obsecrarunt, ut quoniam tres è nostris in hoc portu sacerdotes essent, vnum ex iis ad Firandensem cæterasque eius tractus Ecclesias inuisendas omnino mitteret. quod si per litteras ab ipso non impetrassent, duos è filiis suis ab se legatum iri, qui idiplum huius statû supplices peterent, Neque ita multo post, ab vrbe Ximabaræ Tono seu regulo (qua in vrbe Christiani eo tempore plus mille & quingenti numerabantur) nobilis vir cum mandatis ad eundem Cosmum est missus, ut ab eo promissa exigeret. promiserat enim Cosmus, simulatque supplementum ex India aduenisset, missurum se qui Ximobaræ commoraretur. Eadem erant postulata Regis quoque Bungenis, quo in regno annum iam sacra missæ facta non fuerant. Atque in Bungenum quidem, quòd eius Regis gratia ad rem Christianam iuuandam in primis est necessaria, Baptista Montanus paucis post

diebus profectus, amicissimèque ab ipso Rege acceptus est. Antonio autem Firandensi itemque Tono Ximabarano Cosmus respondit, simulatque per occupationes liceret, se ipsum ad illos esse venturum. Christiani verò, quique Firandum oppidum incolunt, ubi rescire nos piaculares orbiculos seu giana benedicta ex India itemque Veronicas attulisse; multi cum vniuersa familia, iisque admodum pauperes, conductis mercede nauigijs ad hunc portum traicere. interrogati cuius rei causa, nullius præterea, respondebant, nisi vnius petendæ Veronicæ. nam qui orbiculum optabant, oculo diebus antè supplicationes ad Deum habebant, quo facilius impetrarent: atque etiam, cum abimer ipsi diffiderent, Lusitanis apud nos deprecatoribus utebantur: eaque dona quam sibi grata essent, ipsis etiam lacrymis testabantur. Iam verò alii Christiani Amangutio, quinquaginta aut sexaginta leucarum itinere, alii Facata, alii denique aliis è regionibus ad nos hucque Confessionis causa contenderunt. quorum sanè religio caritasque est admirabilis. Per idem tempus Barptolemus quoque Rex ad Cosmum inuisendum in hæc loca se contulit: quem continuo adiunxit, ei que xenia dedimus, Rosarium ex equo marino, itemque granum vnum auro insertum. quæ ille quanti faceret, vel ex eo ostendit, quod virtutumque statim è ceruice suspendit. cuius aduentus magna Lusitanorum quoque gratulatione (namque illum omnes admodum diligunt) concelebratus est. Regis autem ipsius animi submissio ac pietas, cum sacro missæ interesset, potissimum clucebat. etenim cum in templum quotidie manè multo ante lucem veniret, (maximam enim noctis partem ferè Iaponii proceres vigilant) non modò sacerdotem ad statam horam vsque præstolabatur; sed etiã plebem infimam aduentu suo summo æri planè vetabat, vixque parato sibi honoris causa stragulo ad confidendum utebatur: prorsus, ut quilibet vnus è populo videretur esse. Sermones verò de rebus diuinis ita auidè expetebat, ut sacro interdum peracto, ante recitatum a pueris de more catechismum templo nequaquam excederet. idemque, ut quadam sacrificij & Eucharistiæ mysteria probè cognosceret, accersitum ad se eius rei gratia nocte Ioannem Fernandum summa sua cum animi voluptate pænè ad lucem detinuit multa percontans, quæ sibi partim ad comites suos docendos, partim ad Bonzios refutandos, necessaria diceret. quæ ille, & simul purgatorii ignis inferni que supplicij discrimen a Ioanne cum didicisset: ad Cosmum salutatum accessit: cui id honoris etiam habebat, ut in ædium ingressu pugionem cæteraque

que arma deponeret. Paucis diebus in his locis moratus, ad subsidium fratri suo germano Rimanorum Regi ferendum, qui bello erat implicatus, proficisci coactus est. & quoniam consuevere Iaponii principes Manibus mortuorum decem dialia ferè sacra, nō sine magna Bonziorum praeda saginæque, persolvere; Barptolemaus rex, patre, qui eum adoptauerat, per eos dies vita functo, re cum Cosmo communicata, pro exsequiis illis, Bonziorumque conuiuio, totidem dierum epulum sex pauperum millibus præbere constituit: partim ut sibi ipsi, quoniam impio parenti non poterat, diuinam gratiam conciliaret: partim etiam, ne post Christiana sacra suscepta, pristina benignitatis atque clementiæ oblitus esse videretur. Idem, in rebus diuinis multo plura præstare quā polliceri solitus, simulatque Vmbra regiam urbem regressus est, demortui Regis imaginem, quam odoramentis suffire venerarique solebat antea, igne comburi iussit: quod à Bonziis ingens piaculum est habitum. cūque ex itinere ad oppidum Omuram se contulisset, ubi erat eo tempore vxor ipsius Regina; multis ei rationibus persuasit, ut vnā cum omni famularum comitatu ad baptismum accederet. quæ res eo mirabilior visa est, quod antea Regem ab eo consilio reuocare ipsa tentarat. simul etiam Rex templum ibidem magnificum ædificare constituit, Bonziis ad eam rem cœnobio quodam ædēque pulsis. quapropter etiam Aloysium præstanti virtute virum, regiæ urbis Præfecti fratrem, sibi in primis familiarem, ad Cosmum cum mandatis misit. quibus rebus ira permoti barbari impellente dæmone, Regi ipsi insidias compararunt. Capita coniurationis fuere duodecim viri urbis administrationi præpositi. ii, ad rem occultandam, Regemque fallendum, Christianos fieri velle se simulant; quos tamen Rex, quasi eorum scelus præfagiret, diu multumque ante Baptismum probari iussit. Et quoniam Gotondonus spurius regis demortui filius, Barptolemao in legitimi filii locum ab Rege ac Regina adoptato, hæreditario iure regnōque priuatus fuerat; Gotondonum coniurati cum alio quodam proceribus facinoroso homine Feribo in societatem consilii assumunt. omnes denique Barptolemaum hortantur, ut regni possessionem cum pompa solenni aliquando capiat, & simul Regiæ Baptismum ac cæterorum, Cosmo accersito, quanta maxima possit cæremonia & ciuium gratulatione, concelebre: namque eo ipso die statutum facinus perpetrare decreuerant. sed veriti mox, ne ipsorum consilia patefierent, rem aggredi antevertunt. Aloysium regis interceptum, ultro citroque ad Cosmum, rei Christianæ causā cōmeā-

tem, Feribus in itinere adortus interimit; cuius in comitatu ne Cosmus esset, diuinitus factum est: præmissio quippe ad Regem Alexandro Aloysium subsequi deinde ipse decreuerat. Eadem ipsa nocte XII. viri regiis ædibus vrbiq̃ue incendium inferunt, ex quo Rex cum præfecto vrbis Aloysii fratre paucisque præterea comitibus, in arcem proximam confugiens, haud ita multo post Rimanorum Regis auxiliis Regnum propè vniuersum ingenti Christianorum gaudio recepit, misitq̃ue Cosmo nuntiatum, se Vocoxiuram, cum primùm posset, ad ipsum inuisendum esse venturum. Interea Gorondonum, & Feribum, aliosq̃ue rebelles variis locis Rex Rimanorum obsidebat, eorumq̃ue agros ita vastabat, vt ex hoc ipso portu incendia cernerentur. multi etiam seditiosi, Regis imperio, capite plestebantur: quam rem ad Christianæ religionis propagationem magni momenti fore confidimus. Sed paucis mihi perstringendum videtur, quam ratione Barptolemæus Rex sese ad Christum adiunxerit. Is claro in primis genere natus, Cegandono patre admodum sene, (qui viuit adhuc) acerrimo & Bonziorum fautore & Christianæ religionis inimico; ab Rege, vt dicebamus, adoptatus est, (quem arcta affinitate contingebat) populo magistratibusq̃ue approbantibus. Aliquot deinde post annis Cosmus, cum Vocoxiuram se contulisset, Rex ad eum salutandum ineunte Quadragesima venit, quæ antea nunquam viderat. Ad ipsum verò postridie Cosmus, Lusitanis nonnullis comitantibus, qui in hoc portu hyemabāt, honoris causa adiit, eumq̃ue in ædes nostras in posterum diem ad prandium inuitauit. A prandio Cosmus partim suo ipse sermone, partim Ioannis Fernandi, qui bene Iaponicè nouit, opera, cum alia multa Regem de rebus diuinis edocuit, tum de animorum æternitate, inscitiaq̃; & errore illorum, qui nihil esse omnino præter materiā primā opinaretur. habita est hæc disputatio in sacello quodā optimè ornato, proposita MARIE VIRGINIS imagine cum filiolo IESV, cuius ille tabulæ cum cætero aspectu mirificè gaudebat, tum stupebat in primis, quòd quæcumq̃ue se in partē verteret, defixos in ipsum oculos puer IESVS habere videretur. Atque ille quidem omnia, quæ dicebantur, clarè perecepit, in digressu autem, Cosmus ventilabrum aureum Regi donauit, Cruce præfixū eum clauis tribus, & nomine IESV eleganter sanè descripto: quod ventilabrum Gaspar Vilela ex vrbe meaco miserat, cuius argumenti litterarumq̃ue nouitate permotus Rex, vt ea omnia per otium cognosceret, rursus ad nos cum magno comitatu se contulit, cæterisque in attrio relictis, vno Aloysio secum adhibito, templum

plum ingreditur, ibique rursus de sacris fidei Christianæ dogmatibus, deque sanctissimi nominis IESV, Crucisque mysteriis atque virtutibus, Regis ipsius rogatu Ioannes admodum fusè copiosèque disseruit: è quibus multa Rex sua ipse manu in commentariū retulit. ex eo die, aureæ Crucis sigillo munitus, quod secum de Cosmi sententia dies noctesque gestabat, se identidem IESV CHRISTO commendans, crebrisque Cosmi cohortationibus incitatus, denique nomen CHRISTO Domino dare constituit. Nocte igitur domum ad nos cum suis familiaribus venit, piis de religione sermonibus ad insequentem vsque lucem aures præbet, quibus Cosmi iudicio iam satis institutus, sacro Baptismate ab eodem lustratus est, manibus in modum precantis magna cum submissionis pietatisque significatione coniunctis, comitum suorum è præcipua nobilitate corona circumdatus, qui pariter eius consuetudine monitisque adducti, in eandem Baptismi voluntatem valde incubuerant. Xumitanda appellabatur antea: ex eo tempore Barptolemaus nouo nomine vocitatus est. Inde ad bellum discessit, Cosmum obtestatus, ut pro sua suorumque salute ac felici vxoris partu Dominum precaretur. Postò in itinere Maristæis delubrum, quem Deum rei militari præpositum Iaponii magno cultu cæremoniæque venerantur, iniecto igne consumpsit, eodemque loco signum Crucis erexit, quod ipse & vniuersis ipsius comitatus supplices adorarunt. In castra verò simulatque peruentum est, misit qui toto regno Deorum phana compurerent. Ex ipsis vero lucis materiam cæduam gratis ad naues parandas ac resicendas Lusitanis attribuit. Quin etiam in castris, quicquid à bellicis occupationibus otii superest, id totum nocte dieque in militibus ad Christianam pietatem informandis insumit, quos paulatim ad nos, quo res minùs inuidiosa apud ethnicos ac Bonzios sit, baptismi causa dimittit. Eiusdem in bello insignia sunt nomen Iesu cum clauis tribus in humerali depictum, Crux è collo pendens, & piacularæ granum in baltheo. Denique tanto rei Christianæ studio incensus est, ut neminem intra insulæ huius fines habitare patiatur, quin concionibus sacris intersit. Christianos verò, contra omnium, etiam parentis Cegandoni, injurias ac vim tuetur egregiè. & quoniam Rex est splendore atque auctoritate præcellens, magnopere, ut dixi, fore speramus, rebus pacatis, ut Euangelium ipso adiutore Dominus longè latèque disseminet. Vos interim ego etiam atque etiam oro, ut sacrosancta sacrificia vestra piæque suffragationes mihi deesse ne patiamini. Vocoxiura, XVII I. Calend. Decemb. MDLXIII,



Xponam his litteris, fratres mihi carissimi, quan-
tatione Rimanum in regnum vrbeinque Ximaba-
ram nuper inducta Christiana religio fuerit. Ae-
portus quidem hic seu emporiū Vocoxiuræ, quod
commutato iam nomine Mariæ Virginis adiutri-
cis vocatur, compluribus Facata, Firando, Meaco,
aliisque ex oppidis huc ad Cosmum Christianæ doctrinæ causa cō-
migrantibus, ita frequenter habitari cœptum est, vt Ecclesiam
hanc regionis huiusce totius caput aliquando fore speremus: Bar-
ptolemaeo etiam Rege vnâ cum ipso flore nobilitatis haud ita pri-
dem ad fidelium numerum aggregato. Eius autem frater, Barpro-
lemei monitis precibusque sapius excitatus, vt à Iaponicæ super-
stitionis erroribus ad rectam veritatis Euangelicæ semitam se tra-
duci pateretur, à Cosmo magnopere petiit, vt aliquē ad se instituē-
dum in castra (bellum enim per id tempus gerebat) omnino mitteret.
Missus ego sum, benignēque ab eo acceptus, nocturno tem-
pore, quod à negotiis magis erat vacuum, de rebus diuinis ad Re-
gem diu multumque dixi, quod ipsum deinde per alias occasiones
alibi cum ipsius rogatu fecissem, iis sermonibus admodum delectatus
permotusque Rex, certis de causis Christiana sacra ipsemet
in præsencia suscipere superfedit, sed duas mihi dedit epistolas, alter-
ram ad Cosmum, cui potestatem per eas litteras faciebat Euange-
lii toto suo regno libere promulgandi; alteram ad incolas oppidi
maritimi Cochinoci, in qua erat scriptum, vt ad audiendum Euan-
gelium ad me conuenirent. ad quos me qui perduceret vnum ex a-
micis ac familiaribus mihi comitem dedit: quod sanè breuī perue-
nimus, hospitioque excepti ab vrbis Præfecto, verbum Dei disse-
minare institimus. Nec sanè frustra. etenim baptizati sunt quin-
quaginta supra ducentos, in quibus fuit cum vxore ac liberis ipse,
ad quem diuerteramus, vrbis præfectus. Deinde cū in ædes regias
in primis instructas loci maiestate deterriti timidius incolæ ad nos
& ipsi venirent, & filios mitterent, veriti, ne ab iis ædium ornatus
& catastromata fœdarentur, vbi id animaduerti, egi cum Præfecto
de aliis ædibus, populi docendi causa, cōparandis. Ille mihi sanè li-
beraliter omniū, quotquot essent in oppido, dedit optionē; delectū
est ædificiū quoddā peramplum, sed magna ex parte dirutum, secus
arcā, quā nobis Rex tēplo ædificando attribuerat. Operæ centū ad
ruinas instaurandas eodemque sacrā exstruendā Præfecti imperio ex
censu ciuium exhibitæ, opus vtrumque celeriter absoluerunt. Tum
verò

verò liberis ad Christianæ doctrinæ rudimentâ sacrâsque conciones pueri senesque sese conferre: quibus deinceps non ita multo temporis spatio centum & septuaginta Baptismo Instrati sunt. designatum est etiam Christianis humandis pròpe eam sacram Cruce defixa per amplum soli spatium, quo primùm illati sunt infantes duo tertium circiter annum agentes, quos Dominus pro salute harum gentium deprecatores in cœlum ascivit. Secura deinde est in Barptolemæum regem coniuratio, bellicique tumultus, quibus tæmet ipsi oppidani commoti, atque à Bonziorum fautoribus potentibus viris ad Christianam religionem deferendam sollicitati sunt, Cruce etiam ipsa contumeliosè diffracta; ipsi tamen in fide fortiter perstiterunt. quod egomet deinde ex eorū sermonibus clarè perspexi, cū ad eum portum per id tēpus naui accessissem. cū enim ab hostibus Christianæ religionis vrbe occupata, publico edicto nos intrōmittere vetarentur, ad stationem nostrâ, sera admodum nocte, parato nauigio frequentes venerunt, se diligēter excusantes, quòd nos excipere hospitio sibi per aduersarios non liceret, pietatem tamen suâ atque constantiam verbis testantes huiusmodi: Christiana religione deserta, quâ porrò sectabimur in difficultatibus nostris atque periculis ad quem confugiemus? an ad lignea siue lapidea simulacra, quæ hucusque coluimus? quis insitam vnius Dei caritatem ex animis nostris euellet? Quibus ego verbis maiore in modum recreatus, eosque vicissim, ut potui, consolatus; ad Cosmum cæterosque Socios Vocoxiuram ex eo loco profectus sum, qui sese cum Christianis, ad hostium futorem vitandum, in onerariam receperant. verùm sedatis iam maxima ex parte tumultibus, & Barptolemæo, qui in arcē quandâ ex incendio regis vrbis cum paucis vix viuis euaserat, in regnum restituto, metus hosce omnes iuante Domino propediem sublatum iri confidimus: sed de his hætenus.

Venio ad res Ximabaranas: quam ego in urbem ab ipso Tono acçersitus, Cosmo iubente, me contuli, benigneque exceptus, & in optimo totius vrbis domicilio sum collocatus. Postridie me Tonus inuitat ad cœnam; à cœna familiares suos atque domesticos in cœnaculum conuocat. Hic ego bene longam de Christiana religione disputationē instituo. illi verò multa ac varia me interrogat: quibus ego dū ad singula respondeo, noctis magna pars abiit. Manè cū illuxisset, Tonus rogatu meo popularibus omnibus Christianæ capessendæ religionis fecit publicè potestatem. ex eo tempore ter quotidie concionari capimus, matutinis primū horis, tū pomeridianis, postremò vespertinis, tanta hominū vi confluen-

te, vt non domus solùm, sed etiam via auditoribus oppleretur. Scicundũ hũc rei Christianæ cursum more suo aduersarius nõ semel impedire conatus est. Tria visuntur Ximabaræ cœnobia Bonziõrum, qui cùm aliis de causis plurimum possunt, tum quod principes ciuitatis affinitate contingũt. Eius ordinis hominum fallacias atque superstitiones quod palã coarguimus, populumq; ab ea secta ad Christũ omni ope traducimus, capitali nos vbique ferẽ odio infectantur. Ximabaræ autẽ, simulãtque ita propensam in nos populi volũtatẽ intellexẽre, inimicitiiis, quas antea inter sese exercebant, cõmuni metu suadente depositis, calumniis fideisq; criminibus nos oppugnare constituunt. Ad Tonũ adeant, mirantes cur in suis terris tam improbũ genus hominũ versari patiatur, Anthropophagos esse nos, & quocũque Christiana sacra inferamus, eodẽ continuò bellum excidiũque importare. Si nobis in vrbe habitatio detur, Lusitanos ipsos illi imperium erepturos. Adhæc, plebem incitare conantur, partim vt nos ex vrbe pellendos vna voce abs Tono deposcat, partim etiam vt nos publicẽ conuitiis maledictisq; proscindat. Eam rem vbi parum procedere animaduertunt, consiliũ etiam audacius capiunt. Dum ego in ædibus nostris de re Christiana ad populũ maximẽ dissero, facta manu quidã è Bonziis de communi cæterorum sententia in ædes nostras irrũpit, positamq; ibi Crucem effringit. Sanẽ indigna visa res est, valdeq; omnes, sed hospes præcipuẽ noster, eo facto commoti. Itaq; nihil propius factum est, quàm vt eum interficerent: Bonzii autẽ furore elati scelus scelere cumulant. Mos est neophytorum, susceptam à se Christianam religionem Cruce in charta depicta, atque in ædium foribus collocata publicẽ profiteri; id illi sibi non modò apud Deũ salutare, sed etiam apud homines gloriosum existimant. Hæc omnia insignia Bonzii postridie, primoribus vrbis prol'affinitate fauentibus, discerpere ac lacerare decernunt. Quod vbi Tonus rescieuit, Christianis cõfestim totam rem iussit renunari, cõsque hortatus est, vt tumultus vitandi causa eam iniuriam æquo animo ferre ne grauarentur: se ipsum in Bonzios vtique animaduersurum, sed tempore. Quorũ amẽtia ac furor eo vsque processit, vt quicunq; ad nos audiendos venirent, eos vsu etiam fontis arcerent in proximo siti, ad quem plurimi aquationis causa ventitabant. prorsus vt nobis, eius molestiæ vitandæ causa, in aliam vrbis partem migrare necesse fuẽrit.

Iam verò illa quoq; res accidit, non minus euentu felix ac læta, quam initio trists ac turbulenta. Adolescentes duo ad nos audiendos rei nouitate inuitati ex oppido finitimo venerant. dũque in ædibus

ædibus nostris morantur, in familiari & iuuenili colloquio (ut sic)
 unus eorū alterius procaci interrogatione laceffit, stricto mu-
 crone in sociū præceps iracundia ferebatur; cū illum ex his qui
 aderant Iaponii quidam (aderant autē ferē centum) vi arreptū re-
 tinent, eiō; de manibus sicā extorquet: quo ille factō ita iratus in-
 de discessit, ut aut eā vlisci iniuriā, aut mortē sibi met inferre Ia-
 ponico more, statuerit. Accessit ad exstimulandum iuuenis ani-
 mū satis iam per se incitatū patris quoque denuntiatio vehemēs,
 ne suum in conspectum veniret omnino, nisi prius ab ædium præ-
 cipuē domino, apud quem res illa contigerat, doloris pœnas ex-
 gisset sui, igitur adolescens, amicis affinibusque coactis, vim com-
 parat: quod ubi Ximabaram allatū est, Christianos omnes magno-
 pere cōturbauit; me verō potissimū, verentem, ne si ad manus
 ventum esset, (quæ res non sine multorum cæde erat futura) tum
 verō Bonzii ciuibz quod cupiebant planē persuaderent, nos rixa-
 rum ac seditionum vbique terrarum auctores esse perpetuos. Iam-
 quæ se, quamquam in magno omnium mœrore, oppidani ad Ioan-
 nis (sic enim appellabatur) hospitis nostris defensionem instruxe-
 rant, aduentabātque armatum agmen aduersariorum; cū iuue-
 nis ille dux agminis repentē præter omnem spem gentisque con-
 suetudinem exterritus substitit, satis dignitati suæ, satis parentis
 imperio factū existimans, si vacuam nobilis cuiusdam viri do-
 mum ingressus in suburbano positam, resistente nemine, pugio-
 nem inde vicissim abstulisset, atque ita (ut fecit) in patriam re-
 uertisset. Id à Christianis ubi rescitum est, tanta voluptate læti-
 tiaque perfusi sunt, ut ab ipso noctis crepusculo, quamquam eos
 domum dimittente me, nihilominus gratias Deo cuncti simul a-
 gentes, factum inuicem gratulabundi narrantes, ad insequentem
 lucem vsque perstiterint. Nec tamen inter hæc aliasque difficul-
 tates, & Bonziorum insectationes, Domino Deo fauente, cessarū
 est. nam præter quotidianas conciones & catechismum, Baptismi
 celebres variis reporbz cōplurēs habiti sunt. Ac primū ethnici
 quinquaginta nomē Christo dedēre, deinde rursus circiter septua-
 ginta, tertio denique Baptismo candidati trecenti numerati sunt,
 ē quibus baptizauimus dumtaxat eos, quos satis probē institutos
 Christianis præceptis inuenimus; cæteri, qui min⁹ adhuc idonei
 videbantur, in aliud tempus reiecti. Christianorū primitias liba-
 uit Dominus in hoc item oppido, sex videlicet trimos aut quadri-
 mos infantes: quarum qui primus excessit ē vita, Christianæ fidei
 veritatem illustri sanē testimonio comprobauit. cū enim iam a-
 geret animam, sublati ad sidera manibus; Temiangate mairo,
 id est,

id est, confestim (inquit) in cœlū migrabo. cuius rei miraculo neophyti magnopere cōfirmati sunt. Ipse autem Regulus tametsi nec dum Christianus est, & certis de causis in aliud tempus Bonziorū scelus ac nialeficia debitis vindicare suppliciis distulit; suā tamē erga nos benenolentiam, & Christianæ religionis vel tuendæ, vel amplificandæ studium, plurimis rebus ostendit. primū enim nobis honoris causa familiariter sæpe conueniendis nomen nostrum apud Ximabaranos in admiratione & in gratiā posuit: deinde aream templi ædificandō optimam, materiāque suo sumptu cōuectam, op̄eraque ducentas nobis attribuit ad arcis ruinas æquāda: solo, quæ arx quondam illa ipsa in area fuerat. in templi verō ipsius apparatus & cultum familias septuaginta in ea vicinitate habitantes certum vectigal pēdere iussit, exturbationis pœna proposita, nisi in officio perstitissent. Idem, quod Christiani ad templum, æstu maris accedente, egre admodum veniebant, ingenti ponte ad ipsius templi valvas vsque perducto, facilem iis tutumque aditum præbuit. Auctus verō filiola, (quā nos, quod clarissimogenere orta est, magno Christianæ rei adiumento futuram aliquando speramus) eam nobis tradidit baptizandam, quod fecimus, & nomine Christiano Mariam appellauimus, vt eam videlicet nomen ipsum ad omnem virtutem ac sanctimoniam incitaret.

Hæc ferè in oppidis Cochino & Ximabara gesta sunt: quan-
ego vtriusque Ecclesiam per id tempus sæpe reuisi, & alteri Damianum alteri Paulum, comites ac familiares nostros, interim dū ego abessem, præposui. Vos etiam atque etiam obsecro fratres, vt pro hac vniuersa Iaponica vinea Domino Deo nostro quā diligentissimè supplicetis. Ex portu Mariæ Virginis adiutricis. v. Cal. Decemb. MDLXIII.

IOANNIS BAPTISTÆ MONTANI FER-

RARTENSIS, AD MICHAËLEM TURRIANVM

... è Societate Iesu in Lusitaniam.

AN Nō superiore in Iaponem peruenimus, & maritimum in oppidum Christianorum descendimus, vbi Cosmus Turrianus cum vno è fratribus nostris rem Christianam præclare gerebat; quibus ego cum nauate operam ibidem vellem, in Bungum à Cosmō idcirco sum destinatus, quod sesquianum iam ea princeps Iaponis totius Ecclesiæ sacerdotem desiderabat.

bat. Ibi quāta Buhgensium & lāctia & benignitate acceptus fuerim, exponere nimis longum sit. Regem ipsū etiam inuisi aliquoties, a quo semper honorifice humanissimeque tractatus sum, qui tamen ethnicus adhuc est, in ea secta quæ nihil superesse post mortem existimat. Christianæ tamen religioni tantum tribuit, rebus nostris usq; adēdō fauet enixē, ut vnus ē fidelium numero esse videatur, credo propterea quod omnibus ducitur, videtque se, ex quo tempore Euangelium in suis terris promulgari cœptum est; non solum imperio atque opibus auctum, sed etiam filio, quod vehementer optabat. Quod ad conversionem harum gentium attinet, Euangelium longe lateque iam peruagatum est, & sanē probatur in vulgus; & ferē semper ad Baptismum, Dei beneficio, aliqui perducuntur. Ratio autem nostra cum illis agendi est eiusmodi. Quærūt primū quam sectam sequantur. deinde, non modō quam ipsi profitentur, sed etiam reliquæ omnes Iaponicæ sectæ multis rationibus ita confutantur, ut earum ope ac præsidio æterna salutē se nequaquam posse potiri intelligant. Id ubi perceperunt, docentur esse vnum rerum omnium opificem, qui ex nihilo cūcta creauerit, eaque oninia fungi officio præter Angelos desertores, & hominem, qui ē primo illo statu sua culpa exciderit, in quo ab Deo parente positus fuerat; idemque naturæ legibus rectæque rationi aduersetur. Discunt deinceps, Deum esse trinum & vnum; cuius imperium primus illē homo neglexerit. Et quoniam infinitæ maiestati ac numini facta iniuria infinitam quoque satisfactionem exigeret, secundam Trinitatis personam, eū genus humanum aliāve omnino creata natura soluendo non esset, humanitatem nostram vltro assumpsisse atque induisse, ut idem homo simul & Deus innocentissimus pœnam nostris sceleribus debitam pretioso sanguine suo acerbique persolueret morte, ac nos in omnipotentis Dei gratiam restitueret. Hæc illis omnia clarē & copiosē explicantur. tū ad eorum quæstiones probē responderetur, & omnis ex eorū animis, quoad eius fieri potest, dubitatio tollitur; atque, ut illis certæ precandi formulæ traditæ, præceptaque Decalogi exposita sunt, promittunt se barbaros ritus superstitionesque deposituros. denique facti Baptismi vts atque mysteria iisdem explicantur, atque ita Christo dant nomina ac baptizantur. Versamur autem in hisce Iaponicis regionibus hoc tempore ē Societate sacerdotes septem, fratres quinque. multi præterea sunt incolæ familiares ac veluti sodales nostri, præstanti virtute homines, qui nos in opere haud segniter adiuvant. Sed vniuersi pro messis copia sanē quā pauci

h

sumus,

sumus, nec nobis, (quod facile credas) ab occupationibus multum superest otii. itaque subsidio vehementer indigemus. Piis deprecationibus tuis & ceterorum me valde commendo. è Bungo, V. Idus Octobris, MDLXIV.

EX ALIA EIVSDEM IOANNIS BAPTISTÆ EPISTOLA AD IOANNEM POLAN-
cum è Societate Iesù Romam.



Nunc aliqua mihi de Bungensum Christianorum pietate ac devotione dicenda sunt: quæ virtus cum semper in iis apparet eximia, rum verò Quadragesimæ tempore præsertim elucet. nam præter asperitatem vitæ privatam, & assidua supplicia voluntaria, Christiani sexta quaque feria frequentissimi in sacram conveniunt eadem: atque ubi de passione Domini peroratum est, extinctis luminibus atrocissimè cuncti sese diverberant. Equidem ut primum interfur, attonitus rei novitate miraculòque, prorsus obtupui. Neque verò dumtaxat virorum hoc decus est: ipsæ quoque mulieres in hanc partem se admodum strenuè atque acriter incitant. quarum nonnullæ cum me summis precibus obsecrarent, sibi ut in templo, sumptis ne dignoscerentur virilibus tunicis, echinatis globulis ferreis in sua terga suture liceret; negavi scilicet: primum id minus decorum arbitratus; deinde etiam veritus, ne si ad ceteram austeritatem & penitentiam, quæ se ipsæ pænè conficiunt, verberum quoque tormentum accessisset, certum adirent vitæ discrimen. id ipsum gravi admodum ætate senes à me magnopere contenderunt. Iam verò sacræ hebdomadæ officia, quo animi sensu ac lacrymis; Paschalia autem solennia quanto animi gaudio, atque hominum multitudine celebrentur, dici vix potest. Nec sanè minor est Natalium feriarum gratulatio & celebritas. quin etiam pia simul & iucunda per eos dies spectacula committuntur, illustribus aliquot actionibus, è sacra historia Iaponico versu descriptis: quæ poemata Christiani magno suo bono memoriter hauriunt, namque ea ratione & magnam sacram litterarum partem addiscunt, & hisce carminibus identidem concinendis, profanas cantiones, quibus antea affluerant, paulatim dediscunt. Nam quid ego de Confessionibus dicam? quos in genere ita solertes accuratique sunt, ut aliud nil egisse videantur in vira. Quibusdam ego, id vehementer optantibus, per interpretem aures præbui: quorum nonnulli scriptam Confessionem suam

suam secum attulerant. Credas mihi affirmanti velim, quotidiana me sesquianni totius (tam diu enim sacerdote caruerant) recognitiones actionum suarum, quæ examina dicimus, in iis scriptis liquidò comperisse: ea dispositione atque ordine in commentarium crimina suis quæque diebus notata retulerant, cum ante id tempus octavo vel quintodecimo quoque die Sacramentum Confessionis obire consuessent, quæ mihi eorum diligentia co laudabilior videtur, quòd ex mediocribus intervallis peccata nitè confiteri haud ita difficile duxerim: ipsorum verò octodecim mensium errata in temporum seriem digesta proferre, id verò in primis mirandum est. Quid quæris? contritione sua animique cādore ita me sibi obligarunt, ut cum Christo Dōminō ingentes & agam & habeam gratias, quòd me in hæc loca perduxerit; tum etiam tibi plurimum R.P. vel eo nomine debeam, quòd auctoritate studioque tuo perfectum est, ut aliqua mihi pars demandaretur huiusce tam fructuosæ provincie: quam ego ut ex instituto ac spiritu nostræ Societatis geram, peto abs te, ut infirmitatē meā tuis ad Deū precibus ac sacrificiis subleues. è Bungo, VI. Idus Octo. MDLXIV.

LUDOVICI FROII AD SOCIOS IN
INDIAM.



N Nō proximo, Vocoxiura vico ab hostibus concremato & exciso, Cosmus Turrianus cum Ludovico Almeida & Iacobo Consaluo officii causa cōquisitus à Christiano quodam nobili viro, Tacaxim oppidum Regis Bungenfis æger naui deuectus est. Ego autem ab Antonio Firandensi viro Principe accersitus, Cosmi iussu Tacaxumam contendi febris frigori-
busque vexatus, quæ me quatuor menses malè habuerunt. Eodē venit post mensem Ioannes quoque Fernandus. Insulaque sunt numero trecenti circiter & quinquaginta, Christiani omnes, quorum quibus licuit, aduenienti mihi nauigiolis obuiam prodire, cæteris in littore præstolantibus, quorum omnium quanta sit pietas atque religio, ex eo faciliè iudicabis, quòd bis in nocte ad Dominum deprecandum, Christiue tormenta necēmque secū reputandam, surgere è lectulo consueuerunt. Quin etiā primis tenebris multi cum se in preces fuderunt, ad mediam vsque noctem in ea cogitatione suimet pænè obliui persistunt. Pyxidiculam ego cereum agni cœlestis imaginū, quas Romæ summus Pōtifer cōsecra-

uerat, Sociis nostris attuleram ex India. id ubi rescivit Christiana quædam anus Facatensis, multis precibus vnâ mihi eam extorsit. Eius rei fama statim hoc toto tractu percrebuit. itaque ad me quotidie & Firando & aliis ex locis nauigia veniebant virorum feminarumque plenissima, è reliquiis illis amoris (sic enim appellant) aliquid a nobis efflagitantium; negari non poterat. itaque totum eius ceræ consecrationisque mysterium exponebat Ioannes, deinde in eos distribuebatur. & sanè ceram in particulas ita minutas secare coacti sumus, vt Christianis mille quingentis ac triginta sufficerent. quas pro sui quisque copiis vel argentea theca, vel ænea, vel stannea, vel ex aurichalco includebant; ex altera parte nomine IESV spinea corona circumdato, ex altera tribus ad imam Crucem clauis incisis. Templum autem ipsum, quod Firando aliisque ex insulis confluente in ad nos multitudinem non caperet, per eos dies amplificatum, & sacrario atque ædificiis ad huiusmodi traducendam ornatum est. opere absolutò, dum Iaponius quidam apud nos ceram in candelarum usum ad ignem liquat, arida palearum materia, è quibus parietes erant constructi, flammam ita auidè arripuit, non modò vt hospitium nostrum ædemque sacram, sed etiam quindecim ferè vicina Christianorum recta comprehendere atque consumpsit. quorum sanè mihi æquitas animi ac patientia visa est admirabilis, cum incensis domibus domesticoque instrumento, in publicum se coacti proripere, tempestate perfrigida, cum è cælo densa nix caderet, vnâ cum coniugibus liberisque, qui nonnullis eorum erant septeni octonive, nostram tamen vicem magis quam suam ipsorum dolerent. Ex ea clade sacrorum apparatus Dei beneficio ereptus est, & aliquid è suppellectili vestibulique, quas nos omnes egentibus Christianis iis, quorum domus arserant, miseratione commoci diuissimus. Ioannis verò Fernandi commentarius multis iam annis elaboratus, in quem ille sacras conciones & catechismi explicationem Iaponico sermone retulerat, sanè quam incommodè periit. Ego interea, cum ægrotus decumberem, ex eo periculo me ad quendam Christianum recepi, ibique in summa egestate storea mihi pro stragulo fuit, lignum pro cervicali: eò statim magna vtriusque sexus hominum ac puerorum turba confluxit, incommoda nostra & calamitatem lacrymis prosequentium: mortuos parentes lugere dixisses: atque, vt est gens ad omnem humanitatem ac misericordiam prona, quamquam in summis rei familiaris angustiis, alii ad me conuergendum suismet vestimentis exuere se se, alii in cibum duas tréve cochleas, alii virides cepas,

alii

alii denique sylvestre allium afferre. aliquot etiam Firandenses & Facatenses Christiani, qui in eam insulam anno priore Vocoxiura migraverant, coëta nobis cibaria septem octovē dies è suis domibus misere. Eius incōmodi nūtio Firandū vicināsq; in insulas perlato, cōfestim ad nos suppleūdōs Christiani cū fabris, paleis, funibus, arundinibus aduolarunt: quorum opera cū ædes nostræ, tēplūque, tum etiam incensā Christianorum recta magno omniū gaudio ac voluptate tefecta sunt.

Sed idem tempus ecce noua calamitas. Aduectum ex India pretiosum ornatum sacrorum vnā cum ansero textili, & simul vitria vasa donanda principibus, Firandū Cosmus, vt ibi videlicet ab incendiis tutiora essent, ad Christianum apicū custodienda transimiserat. Hic dum ludos quosdam profanos ipso Cinerum die agunt barbari, vnus ex iis temere arreptum ignem in ædificiū coniicit, qui vento adiuuante adedō vehemens ac sæuū excitauit incendium, vt bonam vr̄bis partem cū ædibus Antonii dynastæ, & Christiani eius qui nostra seruabat, momento p̄nē temporis hauserit, quæ res magnam mihi præcipuē, febr̄i, tali anni tempore, laboranti, patientiæ materiam præbuit, quod in eas ego quoque sarcinas, dini Thomæ partes, quæ appellantur, itemque nonnulla valerudinis aduersæ remedia, quibus admodum inops est hæc terra, coniecerā. Inde, paucis interiectis diebus, vigilias agere sumus coacti latronum & hostium metu, quibus paruum hoc Firandi regnum infestum est: paratīque nauigiis quibus aliō, si res ferret, auheretur sacra vestis & instrumentum, nos cum Christianis in editum locum munitūque recipimus. Sed bellumulus ille Deo fauente sublatu est. Et quoniam Iaponicæ linguæ ignoratio rem Christianam magnopere distinet, erepto ex assiduis occupationibus tempore, faciendum sibi frater poster. Fernandus existimauit, vt de Iaponico sermone grammatica præcepta conferberet, iis duplex etiam Lexicon addidit: in altero Iaponicas voces, in altero Lusitanicas alphabeti ordine cum sua cuiusque significatione prætexens. Sexto vel septimo mense, haud tamen idcirco intermissis cōcionibus cæterisque muneribus, eam lucubratiōem absoluit, in primis vtique necessariā Iaponiis excolendis.

In feriis Natalibus, atq; Paschalibus, incolarū summa religio. Nocte Natali sub vesp̄erā ientaculo exceptos bifariam in tēplo diuisimus. Ibi alternantibus choris certos ex veteri testamēto locos, sacrāsq; Prophetarū prædictionis tēpori accōmodatas versu Iaponico decātārūt. Deinde solēnia missarū sacra peracta sunt. Domi-

nica in palmis cū sacrum fieret, Passione domini per vices, vt fir, recitanda, tanta populi comploratio orta est, vt vix inter pronuntiandum nos mutuò exaudire possemus. Iam sexta feria, quæ proximè consecuta est, complures tum Firando tum ex finitimis pagis Christiani ad verberationem cum flagris ac tunicis confluxerunt, quod Firandi conuentus huiusmodi ab Rege prohibentur. Perfruentibus eo die procellis atque imbribus deterriti sunt, quominus acriter sese cædentes, sanguinemque mittentes, per multos passus agmine composito incederent. quod ipsum separatim mulieres quoque, Christi amore incensæ, fecerunt, idque summa cum pietate & sanctimonia. Porro aquam Sabbato sancto benedictam, magno studio ac fide ad morbos pellendos, partim apud se religiosè asseruandam sumpserunt, partim etiam Firandum ceterasque in insulas atque oppida Christianis dono mittendam. Paschali verò die Dominico, ad summam gratulationem species tantum & pompa magnifica defuit, cetera sanè egregia. Vnum dumtaxat pallium erat nobis, quo eodem pro umbella in supplicatione vsi sumus. sub ea gestabam ego sacratissimū CHRISTI corpus in calice, linteatus præibat Fernandus corona rosea redimitus, & quamquam macie ita confectus, vt vix hætere vestigiis posse videretur; valde tamen incupide capebat, Dic nobis MARIA; quid vidisti in via? Cui respondebat ex altera parte Iaponius quidam senex, trullam bacillo pulsans; nec enim vlla in his locis organa musica sunt. Eo die cibū apud nos cuncti sumpserunt, quod festis ferme celebrioribus factitant, præsertim verò die Visitationi MARIE VIRGINIS sacro, quæ diem præcipuo cultu atque honore exigunt Misericordiæ sodalitia, conuiuii curatoribus in qualibet Ecclesia constitutis.

Ipsis hebdomadæ sacrosanctæ diebus Firandi res accidit, ad prouidentiam Domini iustitiamque declarandam admodum illustris. Princeps Bonziorum erat in vrbe quidam, Sasimandaque nomine, regni rotius huiusce tanquam Archiepiscopus, capitalis Christianæ religionis inimicus, cuius scelere antea & Cruces præfixæ, & Gaspar Vilela cum reliquis omnibus à Societate nostra Firando pulsi exclusique fuerant. quam rem Antonius dynasta grauissimè tulerat, nec tamen vindicarat, eo quod Bōzius principum affinitatibus admodum potens esset. Is igitur ab eodem Antonio, qui tum regii exercitus Imperator vnā cum Rege militabat, per interpretem petiit fundum quendam continuandum prædiis delubrorum suorum. Id cū Antonius apertè negasset, accensus ira misit continuè Bōnzius primum, qui Antonii villas, deinde sex circiter Christianorum An-

tonsi popularium domos incenderent. Enimuero tum Antonius rei atrocitate commotus Regem adit, Bonzii improbitatem diutius ait tolerari non posse: nisi in ipsum Rex animaduertat, sese confestim, rei militaris cura deposita, ad vlciscendam eam iniuriam profecturum. cui Rex quamquam inuitus ac mœrens, tamen quòd Antonii viri nobilissimi, & secundùm se opulentissimi, opera plurimum indigeret, respondit se totam rem ipsius arbitrio planè permittere. Tum recordatus iniuriarum, quibus ille nos affecerat, postulat Antonius, vt Bonzium eo dignitatis gradu deiectum, Firandensis regni finibus in perpetuum exterminaret: & ne qua spes redditus ei relinqueretur, agros illius ac bona aliis possidenda assignaret: Quo statim factò; & Christiani molesto grauique aduersario liberati, & Bonziis dedecus ingens ac dolor inustus est.

Decem menses Tacaxumæ fuimus: quo tēporis spatio vicinas insulas, quæ in Antonii ditione sunt, bis Fernandus inuisit, nec sanè frustra, nam & Christiani, ipsius aduentu mirum in modum recreati, & barbari multi ad ouile Christi perducti sunt: in iis verula quædam annuū agens circiter nonagesimum, mulier honorata, multisque assipitaribus pollens. Hæc, beatitudinis gratia, multa Iaponis delubra superstitionis peregrinationibus circumierat, habebatq; papyraceam tunicam, quæ descriptam Amidæ vitam continebat, quam illi cum aliis diplomatibus & indulgentiis (Ecclesiasticos enim ritus demò effingit) Bōzii pretio ingēti vēdiderāt, polliciti, si eo amictu, supremo die suo efferretur, omnibus noxis soluta, recta ad beatas Amidæ sedes proculdubio peruēturā. Aegrotum quēdā eius propinquū Ioānes inuiserat, cuius domi casu ipsa quoq; tū aderat. Eā igitur Ioannes accersi iubet, si pauca de Redēptore generis humani deq; altera vita cognoscere cupiat: audituram se respōdit mulier; verū enimuero falli, si quis idcirco se Christianā futurā existi met. Sed vbi dæmonis malitiā, fraudes Amidæ, cui illa tātopere fideret, Euangelicā deniq; veritatē Ioannes aperuit, vt Iaponica ingenia facilè rationibus cedunt, eius orationem mulier ita approbavit, vt lacrymis obortis baptismum continuò peteret, quid multa? solennes preces edidit, chartaceam illam tunicam, aliāque Bonziorum scripta, quæ diximus, ad Ioannem attulit comburenda, sibi posthac sacrum fore nihil aut religiosum affirmans, præter nomen Iesu, ac deinde baptizata, tantam animi pietatē atque ardorem ostendit, vt cū vniuersos Christianos, tum eos præferim, qui eam antea nouerant, ingēti gaudio affecerit: quam metuebant prius, nunc autē metu duplicatum in amorē

conuerso, maxime diligunt: ac mirantur quæ prius præ imbecillitate corporis stare vix posset, eam nunc quotidie templum petentem, Angelicamque salutationem trecenties recitantem, & singulis noctibus grandi causa bis è cubili surgentem. Eadem postea ad me Tacaxumiam cum aliis Christianis nauì contendit, vt rei diuinæ interesset, & granum aliquod benedictum & ceræ, quam diximus, consecratæ particulam a nobis exposceret.

Hiscæ rebus aliisque peractis, quas ego breuitatis causa prætereo, Fernandus ad me reuertit. Et quoniam Firandenses Christiani magno nostri desiderio tenebatur, mihi autem per Regem a Christiana religione, contra quam initio simulauerat, alienum, in ea vrbe rem diuinam facere non licebat; supplicationibus habitis, & recum Antonio communicata, omnino visum est faciendum, vt saltem Fernandus eò sese conferret: vbi ille dum fideles in officio retinet, labantes in fide confirmat, ethnicisquæ præceptis Christianis instituit, interea naues Lusitanorum duæ in hanc oram è Sinis delatæ, quarum magistri cum in iussu meo Firandi portum inuehi nollent, Rex ratione lucri coactus (nam aliqui, secus ac primis aduentus nostri in Iaponem annis simulauerat, & nobis & Christiano infensus est nomini) se mihi per quendam è suis familiaribus excusauit, quod bellicis districtus negotiis, uondum mihi salutem nuntiari iussisset; & simul magnopere petiit a me, vt Lusitanos vrbis aditu ne prohiberem: se primo quoque tempore de mea quoque introductione cum nauarchis acturum. Illi igitur permittente me descendunt; & promissa ab Rege sæpius exigunt, templum æque suo se exædificaturos recipiunt. Rex tergiversando rem extrahere, nosque iam apertè frustrari, cum eo ipso tempore oneraria, cui à sancta Cruce est nomen, aduenit, sanè opportunè nam & Sacerdotes è Societate tres, Melchiorem Ficedum, Balthasarem Acostam, & Ioannem Capralem summa cum animi nostri voluptate ac lætitia nec opinantibus nobis aduexit, & occasionem optimam præbuit Regis ab ea perfidia reuocandi. Hanc ego nauem actuario quæsitam reperi in ipso cursu velis adhuc inflatis: & Petro quidem Almeida nauarcho pro excellenti eius probitate, & in Societatem nostram obseruantia, facile persuasum est, vt vela submitteret statim, ibidemquæ subsisteret: mercatores autem siue nauigationis nausea tædioque, siue alia quauis de causa, nullis rationibus de sententia deduci potuere, quo minùs scaphis oppidum peterent, & mercimonia exponerent. magno illis ea descensio stetit: namque à furibus igne apothecis eorum injecto, non exigua mercium parte vel flamma ventoque saeuiente consumpta, vel etiam ab ipsi

ab ipſis ſuribꝫ inter eam trepidationem ablata, aut eorum circiter duodecim millium dampnum fecere. Interea Petrus Almeida, qui jactis anchoris ab oppido ſex millia paſſuum ſtabat, rogatum Regi apertè denuntiat, ſe niſi nobis reſtitutis nequaquam ap- pulſurum. Rex autem, dierum aliquot mora interpoſita, ad extremum metuens, ne ſi rem diutius diſtulſſet, magna rerum ſuarum jactura nauarchus alios portus peteret; nobis & vibem intrandi, & ſacræ ædiſ exſtruendæ poteſtatem fecit. Deſcendentibus nobis ad littus die natali D. Bartholemæi Apoſtoli, gratulatio ingens, & à nautis Luſitanis ſignificata eſt, & ab incolis Chriſtianis, cùm ſe, præter ſpem, voti compoſtes factos viderent. Nos cum nauarchis & magno præterea comitaſu Regem adiuimus, eique gratias egimus. accepti ſanè frigidè, quod dedit accepi- mus. inde Antonio eiꝫque matre ſalutata, ad inſtaurationem tẽpli continuò animum adjecimus. ex oneratiis Luſitanorum tribus, pecunia in ædificationem corrogata, opus celeriter ad culmen perductum eſt. Itaque in eo templo natalem diem **MARIA VIRGINIS** egimus Balthaſare ſacrificante, & magno omnium gaudio concionante. Tanto autem ſtudio a nobis de hac Firandenti commoratione multis de cauſis laboratum eſt: primum quòd ita mandauit Antonius Quadriꝫ; deinde ne Chriſtiani incolæ ſumma virrute ac religione homines deſerantur: tum vt jacta à nobis in animis puerorum, qui ſanè præſtanti ſunt indole, ſemina Chriſtianæ doctrinæ, ad bonam frugem noſtra opera perducantur: poſtremò Luſitanorum etiam gratia, qui ad hoc emporium libentiſſimè compeant, ad merces diſtra- hendas ac diuendendas opportuniſſimum. Dum hæc ad Firandum geruntur, cognitum eſt Coſmum Tuſrianum Bungenſis regis horſaſu atque auxilio ad oppidum Rimani regni Cochino- cū perueniſſe, camque Eccleſiam, quam hoſtes afflixerant, eiꝫdem Regis ope ac beneficio reſtitutam. Eò Melchior Ficerduſ cum mandatis ac litteris, quaſ afferebat ex India, ad Coſinum proſe- ctuſ eſt. Nec ita multo poſt Coſmus ad nos ſcripſit, vt ad ſe ego & Balthaſar Acoſta veniremus; Caprali & Fernando Firandi re- lictis; quæ prima nauigandi facultas fuerit, proſciſcemur. atque ego me, niſi per mea ſteterit peccata, Meacum ad Gaſparem Vi- lelam miſſum iri conſido. nam noſtrorum hominum ſubſidium, aliquod non ipſe modò, ſed etiam Meatenſes vehementer ex- optant: quippe qui ad eum, ſacrorum cauſa, è remotis vrbiſ ampliſſimæ partibus ægre admodum ventitant. Cuiꝫ proſe- ctò reſ geſtæ ſatis declarant, nihil eſſe tam arduum atque diſcile, quod

non animi robur ac perseverantia superet. Nam qui primis legationis suæ temporibus, contumeliis, probris, lapidationibus nullo defensore appetitus diuque vexatus est; tantum constantia patientiaque profecit, non modò ut populo, sed etiam ut principibus, Regeque iam ipso æquo ac beneuolo utatur. In agro Meacensi intra quadragesimum circiter lapidem Ecclesias septē instruit, multis è prima nobilitate ad Christi cultum adductis: magnum denique rei Christianæ studium in illis gentibus excitauit. Verùm hæc, & reliqua huius prouinciæ acta, ex aliorum litteris fusiùs cognoscetis. Vos ego patres fratresque mihi carissimi per Deum obsecro, ut vestris in sacrificiis precibusque memoriam mei retineatis. Firado, Quarto Non. Octobr. MDLXIV.

IOANNIS FERNANDI AD FRANCISCVM
PETREIVM E SOCIETATE IESV.



Etsi putabam vos de rebus Meacensibus è Gasparis Vilelæ ipsius litteris cognituros; tamen cū Christiani duo certi homines nuper ad nos Meaco venissent; faciendū mihi existimaui, ut quæ ab illis accepimus, tibi per litteras primo quoque tempore exponerē. Anno superiore cū Gaspar, ad Bonziorum furorem atque impetum declinandum, ex vrbe Meaco Sacaiū Christianorum horratu precibusque se recepiſſet; Didacus quidam neophytus ad Xamaxinodonum in ius adiit, debitam sibi à nescio quo pecuniam iudicio repetēs. hunc Xamaxinodonus ut agnouit, per ludibrium sitne Christianus interrogat. Ego verò sum, inquit ille: cui rursus Iudex: cedo, vestra quæ dogmata sunt? recusanti respondere Didaco, seque excusanti quòd tyro esset etiam nū; acrius instare denuo barbarus, & vrgerē, ut aliquid in mediū afferret. Necessitate pænè coactus Didacus de animorum immortalitate deque æterno totius vniuersitatis parente cæpit nonnulla differere: quibus permotus Xamaxinodonus, abi (inquit) nūtia magistro tuo, ut ad suā mihi doctrinam declarandam accedat. nam si tu rudis adhuc & nouitius tam bene disputas, quid de ipso doctore tuo putandum est? quòd si veritatem religionis Christianæ probarit; eam ego fortasse & Quequidonus collega suscipere non grauabimur. Didacus igitur non sine diuino consilio id factum existimans, forensi actione deposita, Sacaium illico ad Gasparem excurrit, eique iudicis mandatum exponit. Gaspar rem cū Christianis, qui ibidē aderant, comunicat. illi negāt se dubitare quin ea sit insidiosa

euocatio;

euocatio; proinde nequaquam eundem, omnino probabilis erat,
 ea sententia: verumtamen, ne cui, verbum Dei audire se velle di-
 centi, aliquo pacto defuisse videretur; Laurentium Iaponium co-
 mitem suum ad eum legauit: qui, quamquam proposito vitæ
 periculo, libens decessit, ea conditione, vt nisi intra quattriduum
 reuertisset, minùs commodè cum eo actum existimaretur. Dies
 duo, tres, quattuor: nec tamen redit, pro mortuo scilicet vel cer-
 tè malè accepto est habitus. mittitur de cōmuni sentētia Meacum:
 vnus ē Christianis Antonius nomine, vt cuncta Sacaum explo-
 rata certaque referat. Huic in ipso itinere occurrit Laurentius
 & comites duo cum iumento tendentes ad Gasparem deportan-
 dum, quodd iam Xamaxinodonum & Quequidonum Lauren-
 tii opera Dominus ad se conuertisset. Meacum igitur cum
 Sociis tribus Gaspar profectus, (ii sunt Iaponii Laurentius, Au-
 gustinus, & Damianus missus ad eum mense Decembri) Xama-
 xinodonum & Quequidonum Baptisino lustrauit. Erant ambo
 yenefici, & dæmone familiariter utebantur. iidem iuris Ia-
 ponici peritissimi, summæque prudentiæ & eruditionis fama, ita-
 que ab ipso Rege & iis, qui rerum potiuntur, de religione bellōque
 consulebantur: Christianæ autem religionis adeo acres aduersarii,
 vt in ea affligenda & Gaspare exturbando Bonzii ipsorum præci-
 puè opibus, gratia, auctoritate niterentur. Nunc autem diuini-
 tus immutati ambo tanto studio in Christianæ causæ defensionem
 incumbunt, vt Iaponicarum opinionum prauitatem atque fallac-
 ias scriptis arguere atque aperire instituerint, Euangelica veri-
 tate ad calcem operis addita: quem librum ad communē omnium
 vtilitatem salutemque sunt edituri. Sanè gravem ex eorum cōuer-
 sione plagam ac dolorem Bonzii accepere, præsertim quodd illos
 imitatus Xuicaidonus quoque vir in Iaponicis meditationibus ex-
 ercitatissimus, & Mioxindoni rei militaris præfecti cognatus,
 ad Christum accessit, atque inde in patriam reuersus passuum
 ab vrbe Meaco viginti quattuor millia, quæ Imoris appellatur,
 estque in Mioxindoni ditione, tantum apud affines & amicos ex-
 emplo suo monitisque profecit, vt eò Laurentius ipsorum rogatu
 missus à Gaspare, patritios sexaginta, eorumque familias, omnino
 capitum ad quinque millia, baptizauerit, æde sacra confestim ex-
 structa: quorum tanta fuit in fide virtus atque constantia, vt post
 Laurentii discessū, à Bōziis ethnicisq; ad defectionem sollicitati la-
 cessitq; partim altercationibus, partim etiā ludibriis & insectatio-
 nibus, non modò non ab incepto destiterint, sed etiam pro
 defensione Euangelii dicm vnum in armis fuerint. Quibus rebus
 Xamari-

Xamaxinodonus cognitis, Gaspari persuasit vt ad Mioxindonum (cuius domicilium ab Imori castro, vnius diei distat itinere) sese conferrer, causamque Christianorum apud eum ageret. Ab eo Gaspar benignè acceptus, cum de rebus diuinis ipso valde approbante verba fecisset, summa eiusdem voluntate obtinuit, vt Imorenses ethnici Bonziique neophytis negotium postea ne facerent. quare Christiani molestia liberati & magnopere confirmati recreatique sunt: ad quorum numerum tredecim alios in reditu Gaspar adiunxit, prostridique Meacum reuertit. Ex eo tempore in agri Meacensis munitis oppidis quinque ad passuum non ultra quinquaginta millia totidem Ecclesiæ institutæ dicuntur. Regis autem ipsius Meacensium tanta esse fertur in Gasparem animi propensio, vt cum Gaspar ab Amangutianis litteras accepisset, eam Ecclesiam a Moridono tyranno vexari, piis ipsorum discussis cœtibus, euerso templo, arcæque ipsa per vim occupata; Regem adierit, atque ab eo impetrauerit, vt ad Moridonum scriberet, gratum sibi esse facturum, si Christianos commendatos haberet, eorumque templi instaurationem atque ædificationem adiuuaret. Eam epistolam Rex insigni cuidam viro dedit ad Moridonum in castra leucas triginta ultra Amangutium perferendam; eiusdem epistolæ separatim exemplo ad Christianos Amangutianos allato, qui propterea magnam in spem rerum meliorum venerunt. Hæc habui quæ de Meacensibus rebus in præsentia scriberem, vt tam læti nuntii quam primum in Indiam peruenirent. Gasparem ipsum de eisdem rebus aiunt scripsisse. Eius litteræ, quas Bungi itinere pergens alius nescio quis ferre dicitur, vt speramus, propediem subsequenter. Hactenus de aliis. Quod verò ad me ipsum attinet, te per IESVM CHRISTVM R. P. obtestor, vt mei in sanctis sacrificiis tuis nominatim memineris, atque id ipsum a reliquis omnibus. Socius peto: quo ipsorum deprecatione placatus mihi Dominus tantum virtutis impertire dignetur, vt Societatis nostræ disciplinam ac leges ad finem vsque vitæ custodiam. Firando, v. Idus Octobris, MDLXIV.

LVDOVICI ALMEIDÆ AD SOCIOS

IN LVSITANIAM.

Complectar his litteris, fratres mihi carissimi, ea dumtaxat, quæ mihi, certa Iaponis obeunti loca in itinere contigerunt: nam cætera nostri Meaco, Firando, atque aliunde, ad vos ipsi perscribent. Anno proximo Pater Cosmus Turrianus Vocoxiura, vbi tum cômorabatur, misit me, duo in oppida regni

regni Rimani ad prædicandum Euangelium; quibus in oppidis intra tertium circiter mensem (quæ Dei benignitas est) non infimæ cōditionis homines amplius mille ducēti ad ouile CHRISTI perducti sunt. Atque illa quidem iam cognouisse vos arbitror: Barptolemæum Regem valde potentē Rimani Regis fratrem, magna cum nobilitatis parte, conuersum ad Christi fidem, aliōsque deinde complures. Didicistis præterea, vt opinor, Vocoxiura vicus ac portus, nostris ab eodem Barptolemæo attributus, cū ædificiis tum verò neophytis in dies quàm feliciter crescere cæperit. Hunc adeò lætum rei Christianæ progressum cū diabolus ferre non posset, Bonzios permultos è popularibus Barptolemæi sollicitare nō destitit, quoad facta coniuratione armisque clam sumptis, Reges ambos repentino impetu aggressi, Barptolemæum, quodd idolorū cultu sublato phana ipsa Deo vero dicasset, regno deturbatum, in arcem quandam compulerint, intra quàm sese continebat hoc tēpore, fratrem verò eius, quodd in regnum suum patefecisset aditum Euangelio, dimidia ferè parte oppidorum suæ ditionis exuerint. In eo tumultu, Vocoxiura vicus, injecto furtim à vicinis hostibus igne, confestim incensus est. Cosmus in Rimani cuiusdam neophyti nauem confugit, Leonis nomine, qui periculo cognito statim præclare instructis nauigiis duobus ad opem Ecclesiæ templōq; ferendam aduenerat: quod tamen ipsum vnā cum ædibus Christianorū agricolarum, cū iam Cosmus, vt dixi, nauigium conscendisset, inspectantibus nobis eodem conflagrauit incendio. Spectaculum nostris oculis graue admodum & acerbum. Vicus primū exustus ac dirutus is, qui modò & conuenarum numero & plurimo Dei cultu florebat: innocentes pueri permulti, quorū piis vocibus ac quotidianis precationibus in Dei laudem nuper omnia perstrepebant, raptim in naues impositi, dilapsique; cætera neophytorum turba cum liberis atque familiis, sine tecto, sine cibariis, sine vllō præsidio relicta crudelitati hostium atque sæuitiæ. Rebus igitur desperatis incœrentes cursum direximus ad portū, qui primus regni Bungenis decurrit, leucas à Vocoxiura circiter quinquaginta. In ea nauigatione, digna memoratu nonnulla accidere, è quibus hoc vnum in præsentia exponam. Cū ad alias eius oræ stationes, tempestatis causa, coacti sumus appellere, tum ad quendam regni Rimani portum, citra eum locum, quem petebamus, passuum millia quinque & viginti. Eius portus atque oppidi facillè princeps erat Leo: qui inde Vocoxiuram ad nos, vt diximus, nauigiis duobus erat profectus. Eò igitur delati, quodd Cosmus valetudine admodū vteretur aduersa, descendimus, ibique dies octo substitimus. quo tempore

tempore Christianorum concursus ad Cosmum ingēs fieri cēptus; quōd neminem ē sacerdotibus nostris antea viderāt. Verū noctū ferē ventitabant, exploratorum metu, hostiumque Christiani nominis, quibus oppidum erat refectum. Nam Regis pater, qui aetate iam exacta Regni administratione decesserat, cognita seditione ac bello in filium excitato, rebellibus renuntiari iusserat, omnia ipsorum arbitrio compositum iri; sponderatque, ipsum filium Regem, itemque nepotem, in exsilium ituros; Cruces Christiano ritu defixas auulsam iri, Christianos ad patrios ritus Christo deserto redituros. Id erat causa, cur neophyti minūs apertē Cosmum inuiserent, quorum erat numerus ferme octingentorum. Ipsi verō pueri Christiana doctrina sic erant eruditi, ut cuncti precandi formulas plerique etiam Catechismum totum tenerent. Ii curabat Cosmus ut inter sese, dialogi more, fictis ad tempus personis, de Christiana religione, Gentiliūque superstitione certarent; idque tanta cum animi voluptate, ut perspecta gentis huiusce fides ac pietas omnem parē acceptae cladis dolorem abstergeret. Sed hoc ipsum quoque solatium nobis humani generis hostis inuidit, ac Bonzios impulit, ut facta manu, diuersorii nostri arundinea recta nocturnis lapidationibus magno cum strepitu peterent; quos maxime tempore neophyti spiritualium sermonum deliciis fruebatur. Quocirca nihil hostium vim ac potentiam veritus Leo (quod alius nemo prater ipsum auderet) nos adium suarum excepit hospitio; cumque nihilominus Bonzii surerēt, tanto dolore ipse cum omnibus suis exarsit, ut inscientibus nobis arma capere, ignemque cœnobiis Bonziorum inferre, summa præsertim vxoris voluntate, decreuerit. Eam rem odorari Bonzii, surere desierunt. Verū quia commemoratio nostra diuturnior periculosa neophytis esse videbatur, idque ipsimet ita iudicabant; quamquam magno cum dolore, quem ex ipsorum solitudine & calamitate capiebamus, magnaue mutæ benevolentiae significatione, silentio noctis digressi; postridie Tacaxim oppidum Bungenis orae tenuimus. Ibi Cosinus loco propinquo consistere, & neophytorum animos epistolis, inter eos terrores atque discrimina, confirmare, totiusque rei exitum expectare constituit. & quo esse ibi tutō liceret, ad Regem Bungi me misit, duarum & triginta leucarum itinere; ut is de mansionē sua cū Tacaxiano Præfecto per litteras ageret; quōd Cosinus ipse propter valetudinem longius progredi non auderet. Rex erat eo tempore Vosuqui, (id oppidi nomen est) quem ut conueni, Cosinūque mandata exposui, Rex valde lætatus Cosmum in suis versari finibus, protinus mihi dedit

dedit ad Præfectum epistolam; Cosmo aream ædesque ad habitandum attribueret, & ex incolis, Christianum, quicumque veller, fieri permetteret. Atque hæc quidem eo ipso die: post mensem autem, Cosmum regni proceribus per litteras magnopere commendauit. Post menses verò duos, cum Christianam rem parum procedere cognouisset, duas edidit tabulas ornatas auro, nigròque colore distinctas, quarum alteram Cosmus apud se, alteram vnus è nostris haberet in alio pago percelebri (Cauaxirim appellant) leucas à Tacaxi septem. Earum in vtraque rei Christianæ tribus capitibus chirographo suo cavit quàm diligentissimè. Primum enim edixit licere in suo regno, summis, mediis, infimis Christianos fieri: deinde pœnas proposuit, si quis diuinæ legis præcones aut impedisset, aut vlla ratione lassisset: tertio declarauit placere sibi in perpetuum tota sua ditione prædicari Euangelium. Ac mirum sanè, quantopere Christianæ religioni faueat, quamquam ei nondum addictus. Petentibus nomine Bonziorum quibuldam, vt nos exterminaret; alienum esse eius dignitate, ferre qui Deos suos tam impudenter tam contumeliosè proscinderet; infames item edacitate carnis humanæ, (hoc enim illos non pudet crimen nostris obijcere) & quocumque pergerent, euerfiones atque excidia secum afferentes: cum hæc, inquam, & alia sexcenta in nos probra jactarent; annus, respondit ille, circiter quartusdecimus agitur, ex quo hi homines in hæc loca magno utique meo bono delati sunt: tribus quippe dumtaxat regnis antè præfueram, nunc verò quinque possideo: antea pecuniæ laborabam inopia, nunc Iaponis Reges omnes diuitiis supero; atque ad populares etiam meos hoc beneficium pertinet. denique omnia mihi ex eorum hospitio secunda acciderunt: quin etiam filio magna mea voluptate sum auctus, cum nullum antea suscepissem. Quæro nunc ex vobis; ecquid attulerit mihi commodi religionis vestræ defensio? proinde cauete, ne in posterum ad me istiusmodi verba faciatis. quo illi respòso fracti abjectique cessere. Idè ferè Meac ei contrigisse cognouimus, cum Bonzii ex ea vrbe Gaspatem Vilelam exturbare conarentur. Mos est Iaponiorum, cum aliquam pecuniæ summam principibus largiuntur, chirographum illis offerre, ex quo ipsi deinde per suos domesticos eā pecuniā exigat. Eiusmodi chirographum, facta collatione, Meacenses Bōzii detulerant ei, qui causas ipsorū apud Regē agere cōsueuerāt, vt idem ille nostros Meaco pellendos curaret. Is audirum aliquoties Dei verbum (vt erat bonus natura) probauerat. Itaque rem sustinere & chirographum apud se detinere constituit, quoad clariùs, quæ tradebātur à Vilela,

Vilela, cognosceret. Adit igitur, & audit hominem magno cum assensu: redit iterum ac tertio: denique clariore oborta sibi luce Christianus efficitur, atque hac maxima ratione Dominus hominem hunc, sicut & ceteros qui se haud difficiles præbent, ad veritatem ab errore traduxit. Verum, ut ad institutam narrationem reuertar, tabulas ego regias ad Cosinum misi, quarum unam Eduardus Syluius, Cauaxirim promulgandi Evangelii causa pertulit. Ego in regia urbe moratus sum à natalitijs Domini ad Paschatis usque peracta solennia. Interea quanta, quam assidua concionum frequentia, quæ crebri Baptismi, quæ in publicum hospitale caritatis officia, quot eleemosynæ, feriis verò Natalibus, quam pia è sacris historiis spectacula exhibita, per quadragesimam, qui ardor animorum, quam graues, quam acerbæ poenæ à neophytis ultro susceptæ: paschaliibus denique diebus quam festiuæ ac iucundæ, ratulationes tum publicè tum priuatim existerint, quoniam ea vobis minimè noua sunt, nihil attinet scribere. Per eos dies Eduardus Cauaxite dum incensus rei Christianæ studio, immemor cibi potusque, ad Euangelium dies ac noctes prædicandum incumbit, graue morbum è summo labore contraxerat. Ad eum ego curandum (absentem Cauaxiris oppidum ab regia urbe leucas paulo plus triginta) Cosini iussu ingenti labore perrexi, quod è perpetuis imbribus amnes addidit intumuerat, ut vado transmitti non possent. Ita coactus de recta via desistere, quinto demum die perueni Cauaxirim, fratremque nostrum offendi humanis omnibus remedijs, in magna diuinorum solationum copia, destitutum; macieque poenè extrema confectum: sic prorsus, ut nonnulla, quæ mecum ad instaurandas aegroti vires attuleram, parum illi exhansta propè iam naturali virtute profuerint. Et quoniam Cosini visendi, antequam migraret è corpore, magno desiderio tenebatur, noctem quietam nactus, ipse Cosini iussu Tacaxim eum navi transuexi, quem acceptum amantissimè, officiosissimeque tractatum, Cosinus frustra sanare conatus est: decem superuixit dies, sumpto bis corpore Domini lætus abiit, præclaro nobis cum virtutum aliarum, quæ in ipso elucebāt, tum verò Christianæ humilitatis ac patientiæ documento relicto. Quam multas ille, sui præsertim aduentus initio, difficultates & incommoda pertulit! quot imbecilli corpusculi vexationes poenitentii nomine subiit! quanta verò industria, quanto fuit studio Christianæ religionis propagandæ: equidè nil vidi simile, cessabat nunquam. itaque præter ceteros labores, non sapientias modò, verum etiam Sinenses, quæ multo difficiliore cognitum sunt, didicerat litteras, attemque Iaponicæ linguæ grammaticam & copiosa lexica pri-

primus ipse confecerat. Sed redeo ad Cosinum. Is eo ipso tempore ab Rege Rimanorum accersitus, tametsi cum eo congregari vehementer optabat, atque ob id ipsum etiam in oppido Tacaxe remanserat; prius tamen regem Bungi constituit tota de re facere certior: binas interea litteras ad Rimanum dedit, quas cum mandatis ego deinde sum subsequutus: ignoscere moræ: ita de se meritum esse Bungensem, ut illo in cōsulto proficisci fas esse vix duceret. Rimam Tacaxe tendentibus pagus occurrit, quam Leonis patriam esse iam diximus. Eo ut perueni, me viso, & profectionis meæ causa cognita; neophyti dici vix potest quanta lætitia affecti sint. Serum erat dici: totum id tempus confluentibus ad me salutandi causa datum est: Baptizati quoque nonnulli; in iis ethnici cuiusdam filius, qui pro ea consuetudine, quam cum Christianis sanctè institutam habebat, non modò sese Deo commendare iam cæperat, verum etiam Christianæ doctrinæ rudimenta memoriter hauserat. Postera luce ex eo loco profectus Rimam quinque leucarum interuallo deueni. Rex cum cætera comitate tum etiam cœna me excepit; multaque de Bungenli re percontatus, quod ad Cosinum attinebat, ita respondit: Cochinosum suæ ditioris emporium esse Christianorum, quadringenti & quinquaginta ferè neophyti numerantur; sed Cosinum posse concedere, ibique expectare, dum debellatum esset; daturum se, qui me illuc usque perduceret, mihi que arcem ac domum in vsus Cosmi assignaret. itaque factum est; cessitque res è sententia. Cosinus bona Regis Bungenlis venia conscendit statim, & Cochinosum naui delatus, magno omnium gaudio exceptus est, nulla que interposita mora, neophyti solum purgare ædesque instruere aggressi sunt. Ille perspecta hominum virtute ac probitate magnopere delectatus; istud præcipuè mirabatur, cum temporis spatio non plus trimestri ad CHRISTVM Dominum cuncti conuersi fuissent, tam recenti re, nullis hostium minis aut denuntiationibus, de suscepta religione potuisse deduci. Grates Domino, qui illos tanto animi robore ac fortitudine impertiit, è Bungo, Pridie Idus Octobr, MDLXIV.

LIBRI TERTII FINIS.

i

SELE

SELECTARVM

EPISTOLARVM

EX INDIA

LIBER QVARTVS.

LVDOVICI ALMEIDÆ AD SOCIETATEM
IESV IN INDIAM ET EVROPAM.



ET communis officii ratio, qua ad alloquendos litteris amicos absentes impellimur, & præcipuus animi fructus, quæ vos percipere ex Iaponicarum rerum cognitione intelleximus, me hortatus est, ut confectum Dei beneficio iter Meacense, carissimi fratres, hac epistola vobis exponerem. Cum statuisset Præfectus noster Cosmus Turrianus, ut ego & Ludovicus Froius Meacum eo consilio peteremus, ut ipse quidem maneret ibidem, & Gasparem Vilelam adiuuaret in opere, ego autem ut Ludovicum illuc usque prosecutus, quoad spem propagandæ in his locis Christianæ religionis attinet, comperta atque explorata referrent omnia; Cochino Rimani agrivico maritimo, quod his temporibus Cosmi Turriani domicilium est, ab ipso Cosmo non sine magna benevolentia significatione faustisque precationibus ad naveni usque deducti, solatis anchoris eo ipso die ad urbem Ximabaram secundo vento devenimus; atque ibidem (ut est grex ille neophytorum eximio quodam rerum diuinarum studio) vel concionum frequentia; vel eorum qui ad CHRISTI fidem traducti sunt genere ac numero, bidui ferme operam adiuuante Domino sanè quam præclare posuimus. Cum iam hora professionis adesset, a neophytis parato nauigio ad mare deducti sumus. quidam etiâ, (ex quo facile hominum in nos amor eluceat) qui ad tempus adesse nequiverant, curriculo tendere ad naues, & aquis eodè impetu sese credere; ut nos iam in salvo stantes affari sibi liceret: Ioannes verò dynasta proprio nauigio nos longiùs prosequutus, cursum inde ad Barptolemum regem intendit, qui paucis autè diebus Cosmo Turriano Crui-

nō Crucē aureā dono miserat, cum epistola, in qua erat scriptum, se Crucis eius beneficio, quam secū semper tulisset, non modō magnis ē periculis euasisse, verū etiā multas ex hoste retulisse victorias. Id argumentum suæ fidei & amoris mittere se ad Cosmū, cupere tamē aliam sibi vicissim ab eo remitti; eam, quod Cosmi fuisset, maiore etiā apud se in hōnore futuram. Crucem igitur Ioanni dynastæ Cosmus tradidit ferendam ad Regem; additæ munerī ab Ludouico Froio nonnullæ reliquæ. Cui vos quoque Regi rampio, tamque de Christiana religione bene merenti, fratres carissimi, felices bellorum euentus ab immortali DEO precamini. fidem enim & Barptolemæum & Christianam religionem hostes oppugnant. Ximabara igitur Tæaxim, qui Bungenſis Regni Rimanique est limes, atque inde Funaiū terrestri decem ferme dierum itinere, non sine summa difficultate, perreximus. nam præter vim frigotis acerbissimi, & confragosa atque inuia loca; diuturnus etiā imbēr calles ita lutulentos effecerat; vt sæpenumero prolapsi fuerimus: cū interea defatigatis corporibus ad reficiendas vires in diuersorū nasturtiorum & in hianſis herbæ folia præberentur. Cutamis est pagus, à Funaiō millia passuum septem & viginī, egregio templo visendus, quod ibi Christianus quidam extruxit. In eo pago noctis vnus demum quiete capta, Funaiū postero die peruenimus. Rex erat eo tempore Vosuqui. Eum conuenire septimo post die placuit, deque suscepta peregrinatione facere certiorē. Ille verō nobis benignē & comiter acceptis, litteras etiam ad amicos Meacenses commendatitias dedit. In vrbe Vosuqui Christiani visuntur aliquot: in iis noster hospes, in primis CHRISTO deuotus, & probus. Is non paruo nos affecit solatio, cū totam precationum suarum nobis rationem exponeret. Ea erat eiusmodi, vt orsus à summo Pontifice cæterisque Ecclesiasticis ordinibus, & regibus Christianis; ad vniuersos nostræ Societatis homines, sed nominatim ad vnumquemque nostrū, qui vtsamur in Iapone, descenderet; tum pro conuersione ethnicorum, sed regis Bungi præcipuē, supplicaret: longam inde pertexuit seriē petitionum, certis in singula rerum capira obsecrationibus distributis: tam copiosē præterea de contemptu mundi, tam scirē de alliciendis ad Christum Iaponiis proceribus disputaui, vt eius pietatem vehemēter admirati fuerimus. Quid multa? vōstram vicem Doctoris officio functus est. Nos Funaiū inde reuertimus. Funaiō Meacum versus iter intendimus, magnō neophytorum numero nos ad passuum tria millia prosequente. Verū aduersa tēpestate Funaiū reiecti sumus omni noxæ: cū

ipsi palàm neophyti faterètur, se nobis contrariam à Deo navigationem enixè precari, vt sapud se Natalem Domini diem festum agere cogeremur. Spatium id fuit mensis vnus:quo tempore non destitimus vicinis locis verba facere ad incolas; & hospites nostros ad CHRISTI fidem & cultum suscipiendum horrari, cum ipsi quoque Bonzii ementito corporis habitu se mulierum caubus inferentes, clam ad nos audiendos accederent, iidemque a suis popularibus proditi, ac disputationibus nostris Domino adiuuante conuicti facillè cederent. per eos dies Tonus ad Christi ouile aggregatus est, insigni nobilitate vir, ingenioque præstanti. Iam Natalitia Domini aderant: iis ingenti Christianorum gaudio celebratis, denuo soluimus, & vento secundo ad insulam nomine Hiu sanè haudquaquam securi peruenimus. Sauebat maiorem in modum mare: parua erat nauis: vectorum mira colluies, Lunam, Solèm, ceruos, aliàsque belluas vario ritu adorantium. Metum augebant præterea in oculis nostris è recenti aliorum naufragio reliquiae & sarcinae fluitantes. Verumtamen nos Dominus, quo nitebamur vno, ad eius quam diximus insulae portum, leucas à Bungo quadraginta, perduxit. Eius circuitum insulae passuum aiunt patère millia ferme trecenta. Quattuor in regna diuiditur, oryzae ferax. Locus autem ipse, ad quem sumus appulsi, Fore, gentis vocabulo, nominatur. Ibi aliquot reperti Christiani, qui Euangelium in vrbe Meaco perceperant. Ex iis quidam in primis honestus, continuò nos gratulabundus inuisit: noctemque totam apud nos traduxit, aliis nullis nisi de benignitate diuina sermonibus. Equidem nullum adhuc vidi tanta vel auctoritate, vel prudentia, vel cognitione veritatis Christianae laponium. Filium annos vndecim, natum egregiae puerum indolis, cultui CHRISTI dicauit. Reliqui eius domestici eximia sanctitate & religione sunt omnes, sed vxor præcipuè, quæ ventrem ferens, & quidem proxima partui, vt audiuit CHRISTI sacerdotes adesse, insperato gaudio clara, postridie confestim ad nos, ancillis ac liberis comitata, bene longo interuallo se contulit, verbòque Dei refecta, vespere cum suis domum reuertit, eaque ipsa nocte peperit filium, cuius rei nuntium diluculo misit ad nos. Dies octo ibidem commorati, sex incolis conuersis ad CHRISTVM, eadem naui Xitacum (nam eo vsque erat conducta) sexto die pronehimur, qui porrus in itinere medio sese offert Sacaium è Bungo petentibus. Hyemis initium erat asperrimæ: iuga montium niue cooperta, quæ assiduè cadebat densa adeò, vt iam tum experiri liceret, inter eius regionis & aliarum frigora quantum interestet.

teresset. Ibi, quod nullam in cursu majoris formæ nauem inuenimus, paruum nauigium coacti conducere, per infesta piratis loca, (incertum majore frigore an metu) quem petebamus portum beneficio Dei tenuimus. Sacaium inde peruentum est, cum quidem proxima nocte incendium eminus apparuisset nobis, quo mille circiter vrbis eius testa consumpta sunt. Atque ut nos aduenire cognouit ex optimatibus quidam Christianus, nomine Sanctius, certos homines obuiam misit nobis instructo majore nauigio, in quod è nostro myoparone transscendimus, ad eumque perducti liberaliter admodum & amanter excepti sumus. Domum habebat peramœnam in vsus hospitem arque aduenarum intra ædium suarum septa more patrio separatam ac propriam; eam nobis ad diuersandum assignauit. Ibi, post quietem, nobis affuit illico Sanctii ipsius vxor & liberi (quod ex ipso congressu facillè apparuit) admodum ingenuè & liberaliter educati. Horam circiter iucundè fuere nobiscum, inde recepere sese. Ac Ludouicus quidem Froius, quod ita omnino statuerat, post bidie bene comitatus Meacum iter intēdit; ego remāsi, ut negotiis quibusdā expeditis, sine mora subsequerer. Ille cum ad oppidū Ozacquā vespere procelssisset leucas a Sacaiis tres, ea ipsa nocte flāmis ædificia illius oppidi nongenta deleta sunt. qua re perterriti neophyti, qui Froium deducebant, veritiq̃ue ne quid illi ab oppidanis incommodi accideret, (quod nostri nominis fama iam valde percrebuit, rumoribus improbissimis dissipatis, nos vrbiū clades & exitia circumferre) patrem ex vrbe quā occultissimè tectum eduxere, eoq̃ue ipso die tanta vis niuium cœlo delapsa est, quanta his annis quinquaginta nunquam. Verumtamen Deo adiuvante ex hisce difficultatibus Meacum Froius euasit incolumis. Ego è frigoris, quod in itinere pertuleram, acerbitate in magnos incidi corporis dolores, qui me quinque circiter & viginti dies ad eò vexauere, ut panē confecerint. Eo autem toto tempore Sanctius in me curando planè paternam assiduitatem ac diligentiam præstitit; cum & nocte ipsemet cum duobus tribusve ministris ægrotanti mihi sedulo adstaret excubaretq̃ue, & vxor ac filii subinde me amicissimè atque humanissimè inuiserent. Neque verò medicus defuit præstanti eruditione Christianus. Conualui denique Dei beneficio. Et quoniam ad ingrediendum iter nodum suppetebant vires, erantq̃ue nonnulli, qui me audire cuperent, interea prædicare Euangelium institui. credidēte octo, baptizatiq̃ue sunt. ad quos inflammandos excitandosq̃ue, Sanctii quoq; & filiorū spectata pietas & ardor animi, ut puto, ad meior

criber valuit. Per eos ipsos dies Sancti filia venit ad me, nomine Monica, (grandiori natu femina prosequente) fusiſq; ritè precibus coram Deiparæ Virginis effigie, quam ferre mecum in itinere cõſueui, ad me verba fecit in eam ſententiam, vt diceret, ſe quidem ſumma Dei benignitate Chriſtianam eſſe: & eiufdem CHRISTI Virginisq; Matris inſtincto decreuiſſe iampridem virginealem vitam ad mortem vſque traducere: quin etiam illud ſibi certum fuiſſe, tondere comam, quod apud Iaponios relictū ſeculi ſuſceptæque vitæ ſeuerioris indicium eſt; & a Sanctio patre contendere, vt ſc in vilibus miniſteriis pro mancipio haberet in poſterum: nunc autem inaudiſſe (nimirum ſuis peccatis id poſtulantibus) ſe auunculo ſuo à parentibus eſſe deſponſam ſuperſtitioſo in primis homini, & falſorum Deorum libros, Bonziorum ritu, dies noctesq; peruolutanti: prælarè intelligere ſeſe, quanto id cum ſalutis ſuæ periculo futurum eſſet; proinde petere à me & orare, vt Sanctium patrem ab ea mente deducerem: ſe valde confidere, CHRISTO fauente, rem omnem feliciter eſſe ceſſuram. Ego, collaudato puellæ cõſilio, primū admonui, vt ſecū reputaret etiā atq; etiā, ſe tenera eſſe admodū ætate, (ſextum decimum agebat annum) necdū expertam varias dæmonis artes inſidiasq; quas ille ad tam ardua nitentibus tendere conſuevit. ſanè, ſi ad extremum vſque ſpiritum in virginali caſtimonia perſitiſſet, ingens præmiū à CHRISTO Domino laturam in cælo: ſi fortè offendiſſet, enimvero & ſibi met detrimento, & parentibus pobiliſſimæque familiæ magno futuram eſſe dedecori. Quocirca ſi robur haud ſengiret ſibi ineſſe, tanto certamini par, nubere ſatius eſſe, non tamen apunculo. Tum illa, Chriſti ſtetam auxilio, ſperare ſe dixit & de ſe ipſa & de inimico generis humani victoriam: ſeſe perichtandi cauſa quod in eo genere poſſet, triduum totum, & quidem magna cum animi ſui voluntate atque lætitiâ, per inediam tranſegreſſa: & que ſtatuſſe apud animum ſuum, qui in eo ieiunio & vires & ſolatia ſibi ſuppeditaſſet Ieſus, eunde ſibi ceteris omnibus in difficultatibus aſſuturū. His ego auditis, rā pium eius propoſitū admiratus, hortatuſq; etiā atque etiā, vt vigilaſet in retinenda conſtantia, Virginem à me dimiſi. poſtridie Sanctium alloquor, filiæ voluntatem expono, doceo matrimonium illud tribus maximè de cauſis eſſe neſarium. Primū quod vir ſit ethnicus, & colendis Idolis adprime deditus; deinde quod monicæ auunculus, poſtremò quod ipſa repugnet & reniratur puella. Ad hæc ille; neminem eſſe tota vrbe Chriſtianū, quicū filiam matrimonio poſſit honeſte coniungere; perditum idololatrā per eam occaſionem, facilè ad CHRISTVM poſſe

posse conuertere; denique sibi non esse iam integrum, quippe qui cō-
 scis principibus ciuitatis, homini in primis opulento potentique,
 filiam enixè cupienti desponderit: vereri se, vt inimicitias & inui-
 diam sustinere possit, si rem inchoatam, ac pænè confectam, repē-
 tē reuocare nitatur, quæ cū ita sint, tamen quoniam id matrimo-
 nium saluis Christianis legibus contrahi nequeat, se omnino,
 quicquid ego velim, esse facturū. Laudauit pietatē hominis. Ille per-
 turbato in præsentia recessit animo: sed mox, vt est vir egregiè
 prudēs, Deo duce ac præsīde, incestas nuptias mira lenitate discuf-
 sit. Neque ego interea destitī Monicā salutaribus præceptionibus
 instituere. quas illa cū & eximia quadam animi submissione &
 magna gratiarum ælione semper exciperet, priscas illas mihi Vir-
 gines reddere videbatur, quas optimo iure Catholica Ecclesia
 ob excellentem vitæ sanctimoniam in numero cælestium colloca-
 uit. Est autem puella maiorem in modum solitaria & precationi-
 bus dedita: cubiculum habet remotum ab omni domestico stre-
 pitu, cum signo Crucifixi & spiritalibus libris, quibus, vt est legen-
 di scribendique bene perita, dat operam. Frater eius est Vincen-
 tius nomine, annos circiter vñdecim natus. Is, percunctanti mihi,
 quem sibi modū statueret amoris in IESVM Christum Deū suum
 ac Dominum, vt sanguinem (inquit ille) ipsius causā profundam, &
 quamuis minutissima in frustra dissectus, me Christianū esse pro-
 fitear. Interim ego iam firmior caperā esse. Itaque nostrorū moni-
 tu, qui Meaci versantur, ethnicum quendam adire constitui in Sa-
 caianis finibus eo tempore commorātem, cuius auctoritas & opes
 in vrbe Meaco magnæ esse dicuntur. Id iter pedibus conficere me
 Sanctius nequaquam est passus. nam & longius erat, & ego vires
 nondum planè receperam. Lesticā ab eo sum coactus accipere cū
 lesticariis duobus admodum leuem, commodè sedentis hominis
 dumtaxat vnus capacem, quadrata forma, fenestellis ad latus ad-
 ditis, quæ ab insidente aperiri claudique ad libitum possint, quo
 maximè vehiculi genere vtuntur nobiles ornatu magnifico, & o-
 pere quā elegantissimo. Sic igitur ad eum quem dixi dynastam
 alieno ministerio deferor. Scribam habebat Christianum apud se,
 cuius beneficio nobis & facilis ad eum paruit aditus, & de rebus
 diuinis agendi benignè potestas est facta. Comes erat mihi Iapo-
 nius quidam in eo genere in primis exercitatus. Is cū de vani-
 tate plutium Deorum, de Iaponicā superstitionis origine, itemq;
 de vno rerum omnium opifice & conditore vero Deo differeret,
 (auditores autem aderant præter dynastam viginti) eosque ipsos
 statueret iudices, vter cultus verior esset existimandus; ingens ap-
 parebat

parebat omnium approbatio : scriba verò gaudio triumphare, quippe qui Christianam religionem antè susceperat; & cum omnes eo sermone commoti, tum tres præcipuè nobis aures deinde sæpius præbuere, baptizatique sunt. Sed quia cognoueram eo ipso tempore Gasparem Vilelam esse Imori, quod castrum leucas distat ab vrbe Sacaio sex, reuersus ad Sanctium, dixi, discedere postridie statuisse mihi. Tum ille, quoniam quidem mihi abire certum esset, velle se, ait, nonnulla mihi è suis thesauris ostendere. Ritus est lapinorum, qui quidem nobilitate ac diuitiis præstât, hospitibus paulo honoratioribus in digressu beneuolentiæ causa præbere spectanda, quæ apud sese pretiosissima sunt. id est, omne instrumentum necessarium ad potionem herbæ cuiusdam in puluerem reductæ, suauem gustu, nomine Chia. Est autem modus potionis eiusmodi; pulueris eius, quantû vno iuglandis putamine continetur, conijciunt in hætile vas, ex eorum genere, quæ porcellana vulgus appellat. Inde calenti admodum aqua dilutum ebibunt. Habent autem in eos usus ollam antiquissimi operis ferream, figlinum, poculû, cochlearia, infundibulum eluendo figlino, tripodem, foculum denique potioni calefaciendæ. Hæc igitur Iaponiorum est gaza, nec sanè apud eos minoris, quàm apud nostros homines annuli, gemmæ, & carbunculis atque adamante monilia, Sunt etiam petiti earum rerum æstimatores atque proxeneta. Puluis autem ipse magno admodum pretio venit, eiusque propinationem solennes præcedunt epulæ. Quinetiam certæ ædium partes dicantur hisce conuiujs, quarum est mira mundities, nec in alios patent usus. Postridie igitur me per punctum accersit Sanctius, cuius è cubiculis per angustam admodum ianuam cum neophytis duobus in xystum educimur. Inde scilæ nos excipiunt cedrinæ, admirabili quodam artificio elaboratæ, eadèmq; ita purgatæ mundæque, vt nunquam ad eam diem calcata pedibus esse viderentur, per eas in atriolum ascendimus: inde arcto aditu in cœnaculum duemur conuiuio destinatum, vsque adedò egregio perfectum opere, vt hominum manu fieri potuisse vix credas, pars erat eius cœnaculi armatis instructa more nostro. Stabat è creta nigerrima foculus vlnæ ambitu; ipsa nigredine (quod mirere) splendorem æquante lucidissimi speculi; olla tripodi admodum eleganti superimposita, pulchra ad aspectum, quàm dixit mihi vnus è neophytis, optima conditione sexcentis aureis coemptam à Sanctio, sed re vera multo pluris esse. Interea mensa nobis apponitur, non tam ciborum varietate (quos terra ipsa nō fert) quàm genere ministerij & munditijs elegans. Eximia est enim gentis in conuiuiorum apparatu solertia. Nullus præterea quamuis

uis in maxima discumbentium multitudine strepitus, vix hiscere famulum cernas. omnia ad modestiam & gravitatem mirè composita; peracto prandio, nixi omnes genibus, (nam hoc apud Iaponios Christianos in more positum est) Deo gratias egimus. Tum Sanctius potionem, quam dixi Chia, sua ipse manu miscuit nobis atque porrexit. Deinde supellestilia, quæ tunc ibi erant, exposuit. In iis ferreum tripodem exiguum, paulo plus dodrantis circuitu, ad sustinendum ollæ, cum aperitur, operculum. Eum ego tripodem atrectans manibus, quoddam verustate rimas ageret, ferruminatum duobus locis offendi, Ac nihilominus aiebat Sanctius eum in Primis nobilem esse Iaponis totius, sibi quæ aureis constitisse mille & triginta, quamvis eum ipse longè pluris faceret. Porro hæc instrumenta serieis tegumentis involuta conduntur arculis pretiosis. Alia præterea minimè vilia dixit mihi Sanctius in præsentia non ostendere se, quoddam ad manum non essent, verum in reditu prolaturum. Quæ vobis æstimationes minùs a vero abesse videantur, si reputetis id quod res est, Meaci esse quendam ex principibus civitatis, qui vasculum fictile ad vrceoli magnitudinem, in vsum eius quæ dixi, potionis, aureorum triginta millibus æstimeret: omnino carius, sed terrè multi non deerunt, qui decem millibus eum eo libenter decendant. Nam quæ tribus, quatuor, quinque millibus æstimentur, idque frequenti commercio, alia vasa plurima sunt. Atque etiam gladiis quibusdam est eadem apud Iaponios dignitas. Iamque profectionis instabat hora. Salutata igitur vxore Sanctii & liberis, in suburbanum quoddam, tentaculo de more præparato, deducor ab ipso Sanctio, eiusque filio, fratribus, & cognatis, & neophytis aliquot egregio corporis cultu, quod ad honorem meum id pertinere arbitrarentur. Ab eo comitatu digressus, ad amnem devenio navigabilem hora post solis ortum tertia, ab vrbe Sacaiâ novem millia passuum. Præstolabantur ibi me duo nauigia, quæ nobis Christianus vir, Imorensis castri primarius, factus de profectione mea certior, ad tēpus occurrere iusserat, quorum in altero filius erat ipsius, duodecim circiter natus annos, in humerò scloperum gerens, viri planè ac militari corporis habitus; in altero largè & copiosè exstructa cibaria. Is, ut me ad conscendendum iuvitavit, continud mihi mandata parentis exposuit. Ignoscere sibi, quod ipsemet obuiam mihi non prodidisset: se id cupisse vehementer, sed quod non esset hospitem Gasparè Vitellam sibi deserre non liceret, viduū eius officii misisse filium, qui me domum vsque perduceret. Ad montis, radices in quo summo castrum est positum, aduerso flumine sub occasum Solis delati, quoddam

arduus admodum & asper ad iugum vsque restabat ascensus, descendenti mihi præstò fuit lectica: & quinquam accelerantibus gradum lecticariis, circa mediũ clium opprèssere nos tenebræ, in sylua cedris & pinis ingentibus frequentissima: sed opportunè obuiam habuimus è castro cum accensis funalibus homines: quæ res ad itineris difficultatem leuandam non mediocriter profuit. Denique oppidum intrauimus, magna cum Gasparis Vilelæ, tum hospitis nostri ac familiæ voluptate. Castrum est totius regionis huiusce munitissimum in Mioxindoni ditione, qui rerum ferme potitur hoc tempore, ibique cum fidelissimis habitat, qui magna ex parte Christiani sunt. Il postero die, cum animarum sordes per Confessionem eluere cuperent, ad concionem, quæ bis habebatur quotidie de Sacramento Pœnitentiæ, conuenere vestitu serico versicolori, inauratis ferme præcincti pugionibus, & quidem tanta nostrorum hominum reuerentia, vt eos plerumque manibus humi positos perinde alloquerentur vt reges. Crux erat domi nostræ posita; hanc ubi suppliciter adorant, Gaspare magna deuotione salutato, aures admodum attentas Dei verbo dedere. Inde multa sciscitanti, quæ pertinerent ad refutanda Genxuensium mendacia, (quod hominum genus & secta, Iaponicarum omnium vehementissimè Christianæ religioni aduersatur) itémque alij alia percuntati, cum Gaspar ad omnia respondisset, læti digressi sunt. Postridie Confessionum initium est factum, quo in opere Gaspar hebdomadam posuit. adiunxit etiam salutandi causa Regem, quod semel quotannis Gaspar facere consueuerat. Ille verò nobis non poculum modò porrexit, (quod summum honoris indicium est) sed etiam, quamdiu apud eum fuimus, flexis æquè ac nos genibus perstitit, ac verbis humanissimis vtrumque dimisit. Insula est passuum mille & quingentorum ferme circuitu ad montis eius radices, quam grandis ambit fluiuis, & in ea templum Christianæ religioni consecratum. Hanc possidet præstanti fide neophytus, & miro incensus desiderio nominis Iaponici totius ad CHRISTVM adiungendi, qui, vt ædem sacra in vrbe Sacra edificandam curarem, non modò me multis rationibus adhortatus est, sed etiam Caxarum (monetæ genus id est) in eos sumptus quinquaginta millia liberaliter deculit. eoquæ subsidio rem aggredi nobis erat in animo. Ad hanc igitur insulam missæ celebrandæ gratia Sabbato sub vesperum venimus. Templum pro nostra reuerentia exornauimus in posterum diem. Tum prima luce Christiani affuere: Gaspar diuina peracta re, de matrimonii Sacramento sermonem habuit, quod nonnulli cuperent

cuperent nuptias Ecclesiastico ritu contrahere. Baptizati sunt etiam nobiles ferè octo. Inter quæ me rursus è frigore tormina corripuere acerbissima, Meacum igitur Gasparis hortatu delatus æger decubi menses duos. Exacta dein hyeme, vt cœlum inrepuir, recreatus, quæ circa Meacum sunt Christianorum loca, quod ita Cosmus Turrianus mihi mandarât, lustrare constitui. de quibus ad vos pauca perscribam, quoniam quidem separatim res Meacenses è Ludouici Froii epistola cognoscetis. Naram igitur veni primum, dici vnius itinere, Vrbs ea ditionis est Daiondoni, inter Meacenses proceres longè potentiissimi, & apud Mioxindonum atque Cubum gratia & auctoritate summa. Neophytos è prima nobilitate duos adii protinus, hortatusque sum, vt sacri Baptismi beneficium agnoscerent, & immortales Deo Domino gratias agerent. Illi me ad præfectum in arcem deduxere munitissimam, aspectuque pulcherrimam. Collis erat præcelsus è lapide molliori. Eum collem ante quinquennium Daiondonus fabris adhibitis ad iustam planitiem ita depreßit, vt eadem opera ex ipsomet lapide solidæ turres & propugnacula existerent. In medio autem complures effodit puteos negotio facili, quippe cum ad tertium statim cubitum, æquarum copia scaturiret. Tum illuc è popularibus suis ditissimū quemque ac fidelissimum euocauit: solum in areas descriptum illis ædificandi causa distribuit. Illi porro certatim ædes exstruxere magnificentissimas, contiguationibus multis, & more nostro specularibus fenestris instructas, Illud verò præcipuè delectat intueri oculos, quodd non priuata solum ædificia, sed mœnia etiam ipsa turrèsque tectorio inductæ sunt læuissimo prorsus ac nitidissimo. Nihil in orbe nostro rale conspexi. Calcem quippe non arena commista, sed candidissimo quodâ chartæ genere subigunt. Nam quid ego de regulis dicam, quæ duorum digitorum crassitudine, nigricantes, & varietate figurarum oculos retinent, & in quingentesimum annum atque eo amplius durare dicuntur? Oeci porro & cubicula cedrina sunt gratissimi odoris, pergulæ omnes ex vna duntaxat eiusdem materiæ tabulæ, parietes pretiosè cælati priscis annalium monumentis, quod inter effigies est spatii, totum id inauratum est. Columnæ cum epistyliis ac spiris ex aurichalco item inauratæ, cælatura magnifica, quibus è mediis eminent eiusdem operis rosæ peramplæ, visuque pulcherrimæ. Iam verò lacunaria tum aliis commentis opificum, quæ dicendo assequi nequeo, admirabilia, tum verò tabularum iuncturis adeo artificiosè latentibus, vt quamuis defixos fallant obrutus. Sed mihi inter cætera mirabile visum est cubiculū vnam, quaquaversus quatuor

& semis, è ligno croceo vndatim crispante, venustatis eximie, ita polito ac splendido, vt cum speculorum fulgore cerneret, quamquã ego dotem eam ipsius materie fuisse minimè credidi, quòd ad eum modum sine aliquo artis lenocinio radiare vix posset. Huic ædium dignitati hortorum responderet amœnitas, quibus dici nihil puto posse iucundius. Multa sunt Meaci visenda, sed nihil adhuc. Itaque non immeritò locus hic confluentibus vndique animi tantùm & oblectationis causa viris principibus celebratur. Nobilissima phana sunt etiam, quorum vnum Cobucui nomine, post concionem ad neophytos habitam, adiuimus ipsorum rogatu poststridie. Eius propylæa triplici constant atrio cum totidem peristylliis. In primo aditu egregii sūt operis lapideæ scalæ, quibus in summis, ad postes ianuar, colossi duo præclare facti cernuntur, clauas, quasi custodiæ causa, tenentes. post tertiumdenique peristylum, templi sese facies aperit. In id gradibus item lapideis artificiosè factis ascensus est. Valvas colossi leones duo custodiunt. In medio templo, sedentium habitu, septenùm cubitorum tria signa sunt posita, Xacæ & filiorum, latera ipsius eingentiũ. Pavimentũ omne est è quadrato lapide. Sed miraculo præcipuè sunt colũnæ septuaginta cedrinæ, diametrio & altitudine planè visenda, quarũ singulas caxarum decies, hoc est aureorũ quinque circiter millibus, constitisse codices & rationes templi testantur. Eas cum reliquis parietibus valde iucunda miniati operis pictura conuestit. Tectum, eo quo dicebamus regulæ genere affabre & variè laqueatum, ad vlnas quattuor porrigitur extra parietes, mirum vt videatur tantæ molis procurrens pondus sustineri ac suspendi posse. Ad templi latus cœnatio Bonziorum sanè magnifica, & eadem qua templum ipsum structuræ atque operis firmitate, vlnas in longitudinẽ quadraginta, duodecim in latitudinem extenditur. Dormitoria porro cubicula in duos diuisa ordines & centum & octoginta numerantur. Multi præterea & perampli sunt Occi, quorum vnus pensilis, columnis quattuor & viginti, vlnæ vnus & dimidiatæ ambitu superimpositus, bibliothecam continet Bonziorum, tanta quidem librorum copia, vt vel fenestras ipsas propemodum obstruere videantur. Balnea præterea, & cellæ in vsus domesticos, & promptuaria visuntur artificiosissimè elaborata. Iam verò culinæ quantamundities, quod in Japoniorum omnium commune est, nihil attinet dicere. Athena quibus aqua ad potandum calefit, (srigidam enim neque hyeme neque æstate bibunt) vlnæ altitudine, duorum digitũ crassitudine, oris ambitu vlnarũ triũ, stant ex ære purissimo. Culinã riuus præterfluit. Tota nocte, vt in magnis ædibus, (coclauia

clauia numerantur minimum quattuor & viginti) laternæ collucent. Ab huius templi ædificatione sexcentessimus iam annus est. Stagnum habet ante se vluatum in omnem partem circiter quinquaginta plenissimum piscium, graui pœna proposita, si quis eos attigerit. Inde ad Casungæ delubrum accessimus dicatum idolo, à quo diuitias, honorem, vitæ diuturnitatem, & quicquid in hoc seculo est optabile promissum sibi cultores inani spe delusi, miserandum in modum exspectant. Itaque magna in veneratione & honore apud Iaponios est. Adeuntibus prarum occurrit primum aspectu ratò, herba non vltra dimidium palmum excrecente: pratum excipit lucus; isque densissimus; hunc perpetua & æquabili ad templum vsque latitudine limes intersectat, passuum longitudine circiter mille, planus ad iter vsque medius: inde in cliuum assurgit lapideis gradibus vlnas binas inter sese distantibus. Vtrinque admista pinu cedrus extollicur tantæ proceritatis, vt meridiano diei tempore totus pœnè limes opacetur: stipitibus ita crassis, vt ex iis mali in vsum cuiusuis quamlibet capaeis onerariæ nauis confici possint. Sanè cedros ex iis vidi complures vlnarum quinque ambitu, rotunditate planè tornatili. Loci amœnitatem augebat præterlabens etiam riuius. Vt propius ventum est, duplex apparuit ordo pilarû è lapide quadrato cum basibus, laterna superimposita lignea nigricante cum emblematis ex aurichalco inauratis, calatisque magnificè, & lapide v tegmine turbinato ad flatus arcendos ac pluiuas. Aliæ erant laternæ è solido metallo, item auro coopertæ, opere admodum sumptuosæ, ex vtraque parte stant quinquagenæ, quarum singulæ omnibus ardent noctibus. Media autem pila nomen ostendit aureis litteris incisum eius, qui delubro laternam quamque dicauerit, annua pecunia in vsum perpetui luminis attributa. Tum ingens domus Bonziarum exsurgit nobilium seminarum, quæ annum egressæ quintum & quadragessimum, sese delubri ministerio manciparunt. Studet cultui corporis, ornatu serico, & maximè peregrinorum, ex toto Iapone religionis causa assidue confluentium, leuandæ siti dant operam. Ex hac Bôziorû domo porticus admodû pulchra ad vsque adyta pertinet phani, quo nemini patet ingressus, nisi qui ipsius loci antistites sunt, quorum vidimus aliquot intra sedentes togis amplis è serico indutos, rectosque capita pileis plus dodrantem altis. In eam autem porticum nummi iactantur à populo. Aliud est in eadem sylua delubrum, quod Fachimanum appellant, simile cæteris: nisi quod laternarum est etiâ preciosior calatura, & auri major copia. Circà est atrium candido & nigro stratum lapillo, medicis consi-

consi-

constitutum malis, ordine certo dispositis, magnitudine pati, in singulis internallis vase lapideo collocato, quod fruteta continet, altitudine haud supra binos dodrantes, jucunda rosarum & florum varietate commista. Inde, quoddam redeuntibus domum minùs nobis erat deuotum, phanum intus aliud extra nemora positum, consecratum Idolo Daibur, quæ vox magnæ sanctitatis denotat virum. Huius phiani frons ianuas habet tres, sed vnam præcipuam: atrij verò latera singulas, altitudinis atque amplitudinis omnes nitæ. Patet autem atrium id quadrata forma vlnas omnino sexaginta, quoniam eiusmodi est apud Iaponios ædificiorum & priuatim & publicè ratio, ut quanta cuiusque mensura sit, primo statim intuitu intelligas. In eius atrij medio est phanum vlnas longum quadraginta, triginta latum. Scalæ & pauimentum ex ingenti quadrato lapide: ubi porram intraueris maxime, duo sese ostentant colossi, maioris etiam formæ, quam quos antea diximus. Duo præterea stant janitores ad latera, truci admodum aspectu, vlnarum quatuordecim altitudinis, instat tutum, membris inter se præclare conuenientibus: alter Tamondea dicitur, alter Besamondes, quorum singulos vni cælo præesse vulgus opinatur, calcantque pede singuli dæmonem. In medio autem templo tria sedent signa. Canon, & Xixi, parentem Xacam interloquant. Xacæ statua, ex ære cyprio in ampla & pulchra quiescens rosa, quatuordecim vlnas latitudinis obtinet: reliquæ duæ nouenas, ligneæ, sed omnes affabre admodum auro intertæ, radiis tanta claritate micantibus, ut intuentis aciem penè perstringant: post hæc, alia duo simulacra cernuntur, Homocodis, & Zoiolis, (quibus etiam cælorum præfectura vulgo tribuitur) superioribus omnino similia: porro ex utraque templi parte pulpitu cernitur: ea est quadriforis massio, partibus duarum vlnarum altitudine. Interitis alia est eiusdem formæ domuncula, in eius medio stat cathedra eximie maiestatis. Totum verò suggestum parua ambis operis egregiè porticus, trium dodrantium latitudine. Iam verò lacunaria templi columnæ cæstræ sustinet octo & nonaginta, miræ altitudinis, æqualiter teretes, ambitu vlnarum trium & semis. Templi cæstræ, septingentesimus annus est. Annis viginti extructum perhibetur fuisse. Idem anno abhinc quadringentesimo cõflagrauit, ac restitutum est denovo, sed nequaquam pari magnificentia, materiamque præstantia; quod ipsum indicant lapideæ columnarum bases ex incedio relicte, quarum amplitudo longe maiorem columnarum formam postulare. liquidò cernitur: tam verò extra peristylum templi, turris lignea, firmo admodum opere ingentibus triginta pilis imposita, tintinnabulum seu campanam sustinet aneam tantæ magnitudinis, ut eam dimensus præsentem me neophytus quidam, vlnarum

narum os duarum, sex ambitum, trium & semis altitudinem; æris
 verò ipsius crassitudinem dodrantis vnius dimidiatique compere-
 rit. Suauissimum edit sonum, exauditurquè longissimè. Qua tem-
 pli patent fines, itemquæ vrbe tota, & circa urbem passuum ad
 duo circiter millia, plurimi cæui & palumbes non modò vagan-
 tur impundè, sed etiam tecta ciuium subeunt, attrèctante nemi-
 ne, propterea quia delubro dicati sunt. Ac de phanis quidem hu-
 ius vrbis & monasteriis, ne sim longior, hætenus. Quæ postquam
 rogatu, vt dixi, neophytorum inuisimus, postridie Nara To-
 chum leucatum quinque interuallo veni sub vesperam, acceptus-
 que sum à Christianis incolis ingenti lætitia, credo quòd Iapo-
 nij cuiusdam opera conuersi ad dominum, cum Gaspar plurimis
 maximisque occupationibus impeditus eos adire non posset, nul-
 lum adhuc è Societate nostra conspexerant. Gens est ferè nobilis.
 præfectus Cubum coguatione attingit. Itaque vulgo cum adent
 hominem, non nisi cellitudinem ipsius inter loquendum appella-
 re mos est. Triduum apud eos fui dumtaxat. Conclib. defuit nun-
 quam. Multa de quibus ambigerent singuli quasiere; præcationi
 verò mirum omnes ij quàm dediti sint. Digredienti autem mihi
 non modò munuscula quædam obulère beneuolentiæ causa, quæ;
 ne se contemptos putarent, recusare non potui; sed etiam equos &
 exploratores itinerum peramanter dedere. Itaque Sauam, sed à
 Tochi leucas, iter intendimus. Id castrum in editissimo positum
 iugo, leucas à Meaco viginti distat in Orientem, situ amœnissimo,
 quippe omne circa spatium, cum aliæ formosæ varij generis arbo-
 res, tum cedrus plurima pinusque conuestit; & inde in subiectos a-
 gros apprime confitos, frequentesque ædificiis atque cultoribus,
 ad passuum millia circiter sexaginta prospectus est. Huc ergo
 dum tendimus, medio setme itinere, stratos equos duos, & quidem
 optimos, nullo sessore conspiciamus, sagittariis ferè quindècim co-
 mitantibus, quos nobis Christianos omnes Christianus ipse do-
 minus loci Franciscus obuiam miserat. Igitur Tochianis domum
 remissis, & gratias actis, nouo comitatu Sauam magna Christiano-
 rum voluptate peruenimus. Franciscus autem ipse, vt nos lautius
 exciperet, simul etiam, vt nobis occurreret in itinere, venatum
 ex oppido excesserat eo ipso die, sed in nos idcirco nō incidit, quòd
 opinione celerius ambulauimus. Sauam porrò diuertimus ad æ-
 dem Christianorum sacram, cui coniuncta domus est. Sociis
 nostris excipiendis, itemquæ separatim laicis, qui se se no-
 stris hominibus comites dederint, è cedrina ferè materia
 opere egregio fabrefacta. Hanc etiam porticus ambiunt, longi-
 si-

gilsimo, ut dixi, gratissimoque prospectu. Sub noctem Franciscus affuit magna cum domesticorum & clientium manu, aptum ingentem afferens, non sine magno quidem & labore quaesitum & impendio, quippe non canes modò, sed etiam quosdam homines fera male multauerat. Pictam in templo Christi resurgentis imaginem, quam è nostro effingendam exemplari Franciscus egregii artificis manu curauerat, nixi omnes genibus pia cum prece venerantur, primùm venatorio nondum ornatu deposito: deinde me perbenignè salutat Franciscus, agitque gratias, quòd ad se tam longè contenderim: tum, veritus credo ne mihi fello de via molestus esset, magna cum amoris humilitatisque significatione se domum recepit. Vir est inter populares suos corpore simul & animo eminentissimus: nam & statura Iaponis quotquot vidi ad hanc diem omnibus antecellit: & eximia humanitate atque animi magnitudine præditus est. Accedit summa cùm in armorum usu dexteritas agilitasque membrorum; tum Iaponicæ superstitionis legumque peritia: quod ille studium cùm ad veritatē religionis Christianæ transfulerit, tantos breui tempore processus effecit, ut Dei magnitudinem assidue prædicare, ceterosque ad virtutem exemplo vitæ, plenisque pietate sermonibus incitare non desinat. Sanè ego eum ex abdito quodam loco exaudivi, cùm ad domesticos aliquot, quorum erāt ethnici, nonnulli, de fide Christiana disliceret, docerētque quantum inter patria Idola Deumque verum interesset. Qua in disputatione, clarus ardore animi, eò devenit, ut diceret, non modò fidelis ministrus, sed ne hominis quidem loco, qui Christianus non esset, posthac neminem apud se futurum. Atque hæc viri fides religiōque eo admirabilior est, quòd vix ante annum ad Christum adjunctus est, eumque semel tantùm à Baptismo Gaspar inivit. Castrum est Sane finitimum, cuius qui potitur à Daiondono Rege desciverat. Hunc quamquam magno proposito periculo non dubitavit adire Franciscus, nobis qui Sane remanseramus, enixè Dominum pro ipsius incolumitate precantibus: tantæque prudentia tractavit ingenium rebellis, ut quocunque voluerit flexerit hominem, eumque Daiondono, cuius in ditiane sunt ambo, reconciliauerit. Magnam Suanis lætitiā attulit, ea res, pacem optantibus. Nec modò secularia procuravit ibi Franciscus, sed etiam nactus occasionem, Evangelio promulgato & Iaponicarum opinionum vanitate detecta, primarios quosque eius loci viros desiderio Christianæ religionis accendit. Paulo post, aliam dynastam convenit ethnicum, eumque cum familia tota converterit. ii paucis autē diebus Baptismi Sacramento Ecclesiæ adjuncti sunt.

sunt. Postea legatus ad Mini regem, duos regni proceres ad Christum eadem felicitate traduxit, quos ego cum exclusus temporibus baptizatum ire non possem, ad Gasparem scripsi Meacum, ut aliquem eius rei causa ad illos mitteret, quod eorum Baptismus ad Christianam religionem augendam non mediocriter pertineret. Atque hæc & alia id genus multa Franciscus. Nos autem Sanæ & conciones & priuata colloquia de rebus diuinis habuimus, & varia seiscitantibus incolis factum est satis. Baptizati præterea nouē: in iis clato admodum loco natus adolescens, qui de Christianæ fidei mysteriis a populari quodam neophyto edoctus, ad me Sauam vsq; leucarum decem intervallo Baptismi causa venerat. Dum hæc geruntur, affertur ad nos nauem in portu Sacaiano stare paratam: quam ego ne occasionem amitterem, quamquam morientibus digressu meo Sauanis, inde decessi. Et quia Sacaium petentibus periculosa quædam loca erant prætereunda, Frânciscus non modo necessaria nobis ad profectiōem omnia, sed etiam sclopis aliisque telis armatos quattuor & viginti custodes attribuit, nec omnino quicquam est passus nos in iter illud impendere. Compenset Dominus egregiam hanc in nos viri benignitatem. Vos verò carissimi fratres p̄to eiusdem salure Dominum assidue deprecamini. Sacaiū ut veni, ingenti gratulatione me Sanctius eiusque domestici rursus excipiunt. Triduum substiti dum nauæ solâerent, nec interea neophytos confirmare, officiiq; monere destitimus. Cognoui etiam Monicæ virginis in suscepto consilio constantiā: quæ ab alio quodam Meacensi procerē non mediocriter expetita, omnes cōditiones animo excelsō repudiarat. Sed cū iam hora profectiōis instaret, Imorensis oppidi Princeps, qui magna virorum nobiliū manu Sacaium ad me salutatum accesserat, itemq; è Sacaiano grege Christiani primarii nos viatico instructos, honoris causa ad nauem vsq; deducunt, nauarchoq; cōmendant diligentissimè. Comes verò nauigationis nobis magno Dei beneficio accessit Sacaianus medicus, eximia eruditione atq; existimatione vir, qui a superstitionibus patriis cōuersus ad Dominū, nō modò cōmunis officii laudem, verū etiam Euangelicæ perfectionis culmen expetiit, seculōq; planè relicto, se ad nostram Societatem aggregare decreuit. Itaque ut p̄tōsus exiret de terra sua, & de cognatione sua, rogauit me, ut in Bungum aliōve se mecum adducerem. Cessi facili hominis precibus, iussūq; omni patrimonio cedere filio item medico, pretiosum dūtaxat ornatū corporis retinere, quo facilius nobis ea ratione ad Iaponios principes, qui externa ferè specie ducuntur, aditus patefieret, ad Cosmū Turrianū inde perduxī, cuius mandato,

ingenti neophytorum approbatione concionari iam de rebus divinis instituit. Idemque nuper in urbe Sacais tam sumptuose indui, & tanto comitatu incedere solitos, mirum quanta nunc humilitate, quanta mansuetudine versetur in domesticis ministeriis apud nos. Verum ad rem redeo. Sacais conscendimus circa Idus Maias, & Funaium die tertio-decimo secunda navigatione pervenimus. Latis nuntiis de re Meacensi, Ecclesia illa tota valde gausa est. Quarto post die Vosuquini perrexi, ut Regem inuiderem, a quo humanissime acceptus, perui, neophytis id in primis optantibus, locum templo ibidem exstruendo: ille vero, non aream modò nobis ad mare secus arcem optimo situ, verum etiam fabros ad ædificationem libenter attribuit, quam rem speramus ad Christianæ religionis incrementum magnopere profuturam. His peractis Funaium redii: Funaiio perveni octavo die Ximabaram, quò Cosmus etiam Turrius trigesimo circiter ante die Cochino-co se transulerat. Magnos ibi concursus offendi ethnicorum ad verbum Dei audiendum. Christiani facti paucis illis diebus ad centum & octoginta. Tonus etiam ipse, itemque separatim uxores stipata gtege cognatorum & civium, Cosmum Turrianum adire, & concionanti cum aures præbuisset, magis etiam quam antea propenso ac beneuolo in nos animo recessere. Tum confessionibus omnium Christianorum auditis, navigisque duobus per amplius ipsorum opera comparatis, Cochinocum magna nos turba longè prosequente renavigamus. Et quoniam allatum erat, Ioannis Pereræ Lusitani onerariam navem appulsam esse ad portum Rimani regi Facundam, leucas a Cochino-co quinque circiter & viginti; misit eò me Cosmus ad Lusitanos visendos: eodemque Melchior Ficeredius quintodecimo post die ad eorum confessiones audiendas, & sacrum missæ faciendum, è Bungo pervenit. Hic dum uterque moramur, me Bartholæus Rex Omutam ad se per nuntios evocat. Ego approbante Ficeredio me in viam dedi Iaponio comite viro sectarum Iaponicarum in primis petito, nec Christianæ religionis ignaro. Aduentum nostro Bartholæum, qui neminem ex nostris biennio toto vidisset, valde lætatus est. multa deinde percuratus, addit vereri se, ne familiares sui, & ii quidem quibus maximè fidat, inter diuturnas bellorum occupationes Christianæ doctrinæ rudimenta dediscant, itaque renouata institutione opus esse. A cæna igitur è domesticis suis primarios evocat, jubetque attentis auribus nostrum sermonem excipere. Non omitam hoc loco quædam ad huius Regis Christianam humilitatem & pietatem declarandam magnopere perti-

pertinentia. primū ad mensam, diu renitente ac repugnante me, perucit denique, vt loco superiore quamuis inuitus accumberem. Sublata mensa, familiariter se inter me & Iaponium comitem interlocut, & studiosē docet hominem (eo enim vrebamur interprete) quam potissimū in sententiam ad suos, quorum optimē norit ingenia, verba facere oporteat. Inchoato deinde sermone, idem in inferiorem locum seorsim ac demissē in famulorum turbam eo sese consilio recipit, vt re ipsa exemploque suo demonstret, quantus honos Euangelio, quantus Euangelii præconibus debeatur. Ac prima quidem illa disputatione ex ipsis creatis naturis vnum esse omnium creatorem euidenter ostendimus. Tum declaratum est, quæ Iaponiorum numina, quis Christianorum Deus esset infinita bonitate, potentia, sapientia præditus. Quæ illi cum stupentes audirent, magnopere videlicet lætabantur, sese ab inanum Deorum venerationē ad talis tantique Domini cultum esse traductos. Reliquis verò diebus actum de cœlesti beatitudine, peccatis inferorum, aliisque rebus eiusmodi, quas maximē neophytis initio proponere conlucimus. Et sanè talibus egere monitis visa est mihi Barptolemai familia: nam ipsius quidem Regis in fide constantia planè vicit expectationem meam: Quæ viri laus eo major est, quòd nec ita pridem Christiana sacra suscepit, & eo ipso nomine à popularibus suis per summum scelus atque perfidiā regno spoliatus finibusque suis exactus est, vix vno sibi relicto puero victus quotidiani administro. quanquam deinde in regnum est diuinitus restitutus, rebellibus partim supplicio affectis, partim, cum ad sanitatem redirent, veniāque supplices peterent, in fidem receptis. Ego dies aliquot apud eum commoratus, Facundam ad Lusitanos reuerti. Ibi redduntur mihi à Cosmo litteræ, vt ad se primo quoque tempore veniam, inde mihi necessariò in Bungum esse proficiscendum. Cochino cum ergo trajeci minime tuta nauigatione, etenim nocte desertum quendam ad portum appullos duo piratarum inuasere myoparones, qui tamen præclare instructo nauigio nostro, propugnatoribus acriter dimicantibus, reiecti sunt. Cosmus interea in febrem inciderat; ea simulatque leuatus est, in Bungum ab eo discessi, tum aliarum rerum causa, tum verò vt Ioanni Baptiste nostro in eius Ecclesiæ procuratione succurrerem. Primo post profectionem die Ximabaram delatus, Ariam Sanctium ibidem reperio in erudiendis Catechumenis occupatum. Et quoniam neophyti magno concionum desiderio tenebantur, dies aliquot rogatu ipsorum in eo munere posui. Candidatos etiam aliquot Christianis præcep-

prionibus probè institutos, sacro fonte abluiimus. Tonnù ego præterea & ille me vicissim inuifit, audiitque cum suis perattentè de rebus spiritibus differentem. Quia etiam cœmeterio Christianorum, quod illi tantum in modum exercebant, locum idoneum, itemque nouo templo ædificando, & in alios etiam vsus, insulas tres ecclesia confusas piam benignè largitus est: potèd grex ille neophytorum in primis flagrat studio rerum diuinarum. quod cum aliis rebus plurimis clarè perspeximus, tum illa præsertim: Instabant annuatim quædam ecclesiarum festa ludicè celebratis erant, ad quæ, ut apud nos ad Corporis Christi solennia, omnes omniaque ordinum homines ritu patrio conuenire consueverant. Cum se Christiani assertores negarent, cuiusvero Bonziis ceterisque indignum facimus visum. Itaque Tonnus adeunt, iniuriam Christianorum queruntur, obsecrant etiam arque etiam ne patrijs dijs & cimitari vniuersæ, sibi denique ipsi tantam iniuriæ contumeliam fiant. Peritorus hæc oratione Tonnus, vocatos ad se Christianorum primarios diligenter hortatur, ludos ne deserant. Aiant illi, se Christianis legibus prohiberi, (spectaculis interesse, quæ idolorum tribuantur honoribus: proinde nequaquam assuturos. Ad ea Tonnus, si minus idolis, mihi certe in eisque iustis hoc dare. Illi verò in proposito omnes obstinati. Quidquid volueris, inquam, vobis facito, leges nostras nequaquam violare dectemus. atque ita ab Tono digressi, in templum sese vincti recipiunt, martyrium fortiter expectantes. Et sanè (ut acri sunt & vehementi Japonij ferre dynastæ natura & ingenio) mirum est Tonnus imperio cunctos non illico fuisse mactatos. Sed eorum fortasse multitudine territus, iussit illis renuntiari, quoniam in sua religione tam obstinati persistèrent, quod attinet ad ludos, agere quod probarent, se illos ultra non cogere. Quare neophyti magnopere in fide pietateque confirmari iunt. E principibus civitatis Christianus quidam Leo nomine, Toni propinquus, nuper est mortuus. Is, quod xte suo templum additis liberaliter hortis exstiterat, & Christianam religionem non modò contra ceteros ethnicos, sed etiam contra ipsum Tonnus, ubi opus esset, egregiè tuebatur, Bonziorum scelere creditur veneno fuisse sublatus. Hunc neophyti, ut mutuam inter se Christianorum caritatem publicè ostenderent, quam magnificentiissimè extulere: feretrum cum Litanijs & precibus magnaque cereorum ardentium multitudo septingenti ferè neophyti sequebantur: arca vespere cõditus est circumfusa serico; postidie lapideum additum est monumentum, & ligoci circumquaque cancelli, Crucibus duabus, altera

altera ad officium septi, altera ad monumenti caput, impobis opere politissimq. Itaque vulgò locus quotidie celebratur ac visitur. Verùm de Ximabaranis hæcenus. Ego inde Funaiem, mox veni Facundam: ibi hæc scribebam ad vos septimo Calend. Novembr. MDLXV.

LUDOVICI FROII AD SOCIOS

IN INDIAM.

ANNO superiore, fratres carissimi, ad vos scripsi Firando, constituisse Cosmum Turrianum, et Meacum seblenandi Gasparis Vilela causa proficisceret, quòd multa esset ibi messis, operarii pauci; mihiq. comitem itineris ab eo assignatum fuisse Ludovicum Almeidam. Nunc mihi, tam longa peregrinatione Dei beneficio petacta, visum est faciendam, ut ea potissimum per litteras vobis exponerem, quæ vobis cognitu iucundissima putarem fore. Et quoniam totum hoc scribendi munus ita inter nos ego & Almeida initio distribuimus, ut ille iter ipsum quæque in itinere gesta sunt, ego res Meacenses & aliæ nonnulla de Iaponiorum natura moribusque probe comperta persequerer; omni peregrinatione, ego quòd mearum est partium hisce præstabo litteris: vos autem maior videlicet huiusce gentis miseratio capiet, reputantes quanto artificiq. quanta solertia sagacissimus ille humani generis adversarius, per speciem religionis, caeremoniis plurimis ritibusque deceptas Iaponiorum mentes ad intentum perducatur ac pertrahat. Ac primum in eorum animis prorsus extincta est noticia omnis, non modò CHRISTI liberatoris nostri, verùm etiam vnius Dei rerum omnium opificis. Superstitionum verò permultæ sunt sectæ, quarum quam quisque voluerit liberum est sequi; sed præcipue duæ, quæ ab Amida & Xaca denominantur. Itaque complura visuntur cœnobia non modò Bonziarum, sed Bonziarum etiam varia corporis habitu, quippe alij internis tunicis albis, externis nigris vtuntur, alios cineraceus distinguit color, quorum idolum est nomine Denichi ab iis Amidani magnopere dissident. Bonzj porro ferè omnes magnificè habitant, habentq. perampla vectigalia. Iisdem cœlibatus indicitur, nuptias contraxisse capitale est. In phano medio aram excitant: in ea signum Amidæ ligneum, corpore supra lumbos nudo, muliebrem in modum auribus perforatis, in rosa item lignea considet præclara ad aspectum. Ingentes habet bibliothecas, cœnationes ad cibum vna

sumendum, æraméta seu tincinnabula, quibus ad preces ho-
rarias excitantur. Vespere præfectus certum unicuique argumen-
tum ad meditando proponit. a media nocte ante aram templi,
alternantibus choris, quasi matutinas recitant preces è Xacæ libri
nouissimo: prima lucē horam vnā singuli meditando consu-
munt. mento capiteque sunt raso. amplissima peristylia cōstruūt,
& in iis Fotoquiorum (hoc nomine Iaponii quidam sancti appel-
lantur) sacella. dies per annum festos agitant multos. Sunt au-
tem Bonzii clari vt plurimum genere: namque Iaponii proceres
multiplici prole onerati, quibus filiis amplum satis patrimo-
nium relinquere se posse diffidunt, hos fere ad Bonziarum nu-
merum aggregant. Insignis eorundem sacrificulorum est auaritia:
omnes conficiendæ pecuniæ norunt vias. Vendunt artificio miro
multa chirographa, quorum præsidio sese tutam à dæmonibus
fore vulgus putat. Mutuantur etiam nummos, quos in altera vita
multiplicato reddant fœnore, dantque cautionis causa syngraphas
creditori, quas è vita discedens secum ad inferos deferat.

Alia est familia sanè frequens eorum, quos Janambuxos vo-
cant, crispante ac vibrato capillo. ii res vel amissas vel furto sub-
latas ita comperiunt. Statuunt ante sese puerum, hunc dæmon
certis euocatus carminibus occupat: ex eo deinde puer: quod
auent cognoscere, sciscitantur. Horum preces in vtrunque partem
multum valere creduntur. Itaque preces eorum faustas æ-
quē dirasque pretio populus comparat. Huius ordinis candida-
ti, antequam admittantur, bis tēre millei simul montem
quendam editissimum petunt. Ibi sexagesimum diem pœnitē-
tiæ nomine, vbi sese voluntario supplicio macerauerint, (quo ipso
tempore sese illis dæmon varia specie visendum offert) quasi iam
laurea donati, & in ceteram adscripti familiam, floccis quibus-
dam albis ornantur è collo pendentibus, atrisque piccolis qui
non nisi summum capitis verticem tegant: atque his tanquam
insignibus inde Iaponis provincias peragant, seque operam que
suam vbique venditant, aduentum suum in oppida significantes
pulsu catilli, quem secum circumferre singulis soliti sunt. Non
desunt alio nomine Genguis, qui res item furto surreptas, furs-
que ipsos per diuinatione demonstrent. Ii in præcelsis montis iugo
sibi domicilium collocarunt: oris atro colore ob assiduam solis,
pluuia, venti, geluque patientiam. Vxores ducunt, sed non nisi
ex suo genere ac stirpe. Iisdem (vt fertur) è capite quasi cornicu-
lum quoddam extuberat. Editissimas rupes atque cacumina sub-
cunt, fluuios transgrediuntur maximos vnius arte dæmonis, qui vt

infelices magis in errorem inducat, iuber illos montem quendam altissimum ascendere. Tunc cum miseri ad praesentum usque tempus magno cum desiderio praesolantur. Tum illis denique circa meridiem aut sub vespere sese offert daemon, quem sub Amida nomine venerantur, transitque per medium eorum caetum, ex eo viso tanta in hominum pectoribus ac medullis insidet superstitio, ut nullis deinde rationibus possit euelli. Consueverat etiam diabolus in alio quodam monte sese Japoniis visendum praebere. Quisquis maiore beatarum sedium ac paradisi desiderio tenebatur, conferebat eo sese, eamque visionem expectabat: denique oblatum sibi visum, eiusdem suasti, in interiores usque sequebatur recessus ad foveam profundissimam. in hanc daemon desiliens, cultorem una secum ad interitum detrahebat. patuit in hunc modum fraus. Senem ea superstitione captum filius ab eiusmodi consilio reuocare frustra conatus, sumpto arcu & sagittis ad locum usque occulte prosequitur. Comparet ibi daemon huiusmodi specie non sine splendore quodam. Hunc senex dum venerabundus adorat, adducit arcum prope se filius, emissaque in spectrum sagitta, pro viro vulpem immutata repente figura confixit. Inde fugientis cruorem bestiae persecutus, ad praecipitium illud, quod dixi, peruenit, quo in imo permulta ossa reperit mortuorum, quos daemon per eam speciem ante deceperat. atque ita & a praesente parentem interitum, & ceteros ab opinione usque addo pestifera liberauit. Ad hunc locus est frequentibus Bonziorum coenobiis admodum celebris (Coiam appellant) quorum princeps auctorque perhibetur fuisse Combédaxis veterator callidus, arteque dicendi famam sanctimoniae consecutus: cum tamen diabolica planè ira legesque descripserit. Inventor etiam fuisse dicitur litterarum, quibus nunc vulgò Japonii videntur. Is cum ad senectutem pervenisset sese vitro defodit scrobe profunda quadratae formae, cubitorum circiter quattuor, eamque deinde seueris verbis aperiri omnino vetuit, neque enim in praesentia mori se; post aliquot milia: milia annorum millia virum quandam doctrinae laude praestantissimum in Japonis regna venturum, nomine Mirozu, tum se quoque demum è fovea proditurum: interea festum diuturnis laboribus corpus quiete velle reficere. Circa ipsius sepulcrum lampades ardent multae è variis eò missae prouinciis; persuasum est enim genti, quicumque in id monumentum exornandum largi ac benefici fuerint, eos non in hac modo vita diuitiis auctum iri, sed etiam in altera ipsius Combédaxis patrocinio futuros incolumes. Eius porro cultui qui sese

mancipant, intra ea cœnobia quasi claustra concluduntur, capillo in speciem abdicatæ vitæ secularis abrado, cùm tamen ibi deinde, prout eos egit libido, in omni flagitiorum genere voluentur. in illis ædibus, quæ (vt dixi) permultæ sunt, præter magnam laicorum turbam, Bonziorum sex circiter milia numerantur. Mulieribus aditus eò non est, capitali si accesserint poena proposita. Fatonochaiti præterea domicilium est Bonziorum. Hi magnam puerorum turbam variis artibus ad omne doli furtiq̃ue genus erudiunt. Si quos eximia nacti sunt indole, hos de regum singulorũ edoctos profapia ac stirpe, & procerum ritibus; armorum etiam ysu, dicendiq̃ue arte exercitatõs, regio ornata in alias prouincias dimittunt eo consilio, vt sese regum filios ementiti, per commendationem speciẽmque nobilitatis conciliata mutui nomine pecunia, bene nummati ad se reuertantur. Itaque locus is tanta est apud Iaponios infamia, vt si quem ex ea disciplina fortè deprehenderint, confestim interimant; nec tamen impostores idcirco ab improbitate malitiq̃ue discedunt. Iaponiæ terræ in Septentrionem adiacet amplissima syluestrium hominum regio leucas ab vrbe Meaco trecentis. Bestiarum pellibus induuntur, toto hirti corpore, ingenti barba, mystacibus maximis, quas paxillo subrigunt potaturi. Vini gens quida in primis, ad bellâ ferox, formidulosa Iaponiis. In prælio sauciati, saluiis aquis abluunt vulnera. id vnum genti remedium est. speculum gestare dicuntur in pectore; ad caput gladios alligant sic, vt in humeros manubrium desinat. Sacra habent nulla, cœlum dumtaxat venerari soliti sunt. Aquita perampla est vrbs in regno Iaponis Geuano. illuc frequentes comitant mercimonii causa, itemque vicissim ad eos Aquitani, sed rariùs, quòd illuc delati ferè perimantur ab incolis. Multa erant præterea in hoc genere quæ scriberem: sed ne sim longior, ad Iaponiorũ insauias redeo, qui ad memoriã sui nominis propagandã illud vel maximè pertinere arbitrantur, inanis gloriæ cupidissimi, vt quanto maximo apparatu pœpaque vita functi sepeliatur. Funerum autè & exsequiarũ in vrbe Meaco ritus eiusmodi est. Hora circiter antequam domo efferatur cadauer, amicorum turba vestitu quam optimo ad rogum anteit. mox propinquæ ac uoxæ mulieres progrediuntur amictu candido (color ille funestus est) versicolori velo caput obductæ, familiã etiã pro suis quæq; facultatibus ducunt, albo itè ornato subserico: quæ voto dignitate atq; opibus præcellũt, cædrina singulæ magnifico apparatu & artis eximie lectica vehuntur, secũdo loco incedunt pedibus viri permulti sumptuoso vestitu. Longo deinde intervallo

Bonzius

Bonzius eorum superstitionum antistes auro sericòque refulgens lectica gestatur ampla & præcella pretiosi operis, Bonziis stipatus fere triginta patasatis linteatisque, atro superindutis pallio, textu pertenui, tum cinereo quidam vestium colore (nam is quoque funestus est) accensa prælonga pinea face, demortuo (ne offendant erræve ignarus viarum) iter monstrat ad pyram. Huic Bonzii ferme ducenti succedunt, nomen concincentes dæmonis eius, quem defunctus in vita præcipue coluit: simul etiam ingens catinus ad rogam usque tintinnabuli vice pulsatur. tum chartacei duo perampla & expansa figura canistri præfixi hastilibus, chartaceæ item rosæ varii coloris copiam continent: quos qui gestant, tardiori procedentes gradu, sic hastilia subinde concutunt, ut flores illi paulatim in speciem pluviæ decendant, ventoque flante spargantur: cum videlicet imbrem argumento esse aiunt, mortui animam ad paradisi gaudia penetrasse: post hæc autem, octo prima lanugine Bonzii diuisi bifariam, prælongas aruindines cum vexillis cubitalibus, quibus item idoli nomen inscriptum est, per terram auersa trahunt cuspide. Tum iisdem insignes litteris, ardenti inclusa candela, decem lateræ feruntur, obductis velo pertenui lateribus. Ad hæc iuvenes duo cinereis vestimentis pineas præferunt fasculas, dodrantium trium longitudine, haud tamen accensas, quibus deinde rogo flammam iniciant. Eodem vestimenti colore permulti sequuntur, verticem capitis adoperti exiguis admodum pileolis mento subligatis, è nigro fulgente corio forma triquetra, (quod apud eos honoris indicium est) iudæ schedula insignes, capiti affixa, in qua nomen eius, quem dixi, dæmonis legitur: quod ipsum quo magis celebretur, ponè certus homo tabellam ostentat cubiti longitudine, dodrantis latitudine albo velo tenuissimo rectam, inscripto ex utraque parte eodem illo nomine litteris aureis. Tum demum a quattuor viris, lectica sedens magnifica, defunctus ipse gestatur in veste candida, demisso capite, iunctisque precantis habitu manibus. ad cæterum amictum extrema toga papyracea superadditur libro exarata, quem Deus ille suus, cum in terris ageret, scriptum reliquisse perhibetur, cuius præsidio meritisque vulgò se compotes fore salutis existimant. Cadaver filii subsequuntur, quam elegantissimo cultu corporis: quorum natu minimus pineam item fert facem ad ignem pyrae inferendum. Extremum agmen est magnæ hominum multitudinis iisdem quæ modò dixi pileorum insignibus. Ut ad locum exsequiarum peruentum est, Bonzii vniuersi & cætera simul turba cum strepitu aramentorum catinorumque horæ spatio dæmonis illius nomen

magnis clamoribus inuocant. Deinde hoc maximè modo fignatum: Area quadrata satis ampla, cancellis eminentibus, & velo crassiore ita præincta est, vt singulis in quattuor cœli plagas iauuis introitus pateat. In medio fouea referta lignis, recto eleganti opere ex vndulata materia super eam excitato, duas habet è regione mensas vario ciborum genere, (spicibus tamen exceptis & carnibus) præsertim verò carycis, medicis mialis, placentis affarim instructas. Stat etiam in earum altera vaporarium vasculum suffimenti causa prunis impositum, & lignum aquilanum in disco. Veigitur eò deuentum est, lecticæ vinculum inicitur è fune prælongo, quem, qui adsunt, cœtarum manu apprehendentes vociferantur, vt diximus: postea totum septum intorsus terna lustratione circumcunt. Deinde lecticæ pyræ superimposita Bonzius earum cæremoniarum antistes, carmen effatus, quod circumfusa turba nequamquam intelligat, accensam faculam ter supra caput in orbem idcirco circumagit, vt eo significet gyro, defuncti animam nec originem habuisse, nec verò finem aliquando habituram esse. Rotatam inde faculam abjicit: hanc duo è defuncti filiis cognatisve arreptam stantes ad lecticæ latera ad Solis ortum alter, alter ad occasum, super cadaver ipsum mutuo sibi quasi honoris & officii causa ter vbi porrexerint, deinde in lignorum struem iniiciunt. Superinfunditur oleum statim, cum aquilano ligno & aliis odoramentis, prout copiæ suppetunt, magnoque incendio corpus in cinerem vertitur. Interea filii ad mensam accedunt, & aquilano ligno in vaporarium indito, solenni suffitu parentem quasi iam ad cœlestium nûmerum adscriptum supplices venerantur. Adoratione peracta, merces laborum Bonziis pro dignitate persoluitur: Antistiti quinque vel decem vel etiam viginti autem nummi: cæteris vel argentei deui viritim, vel certus caxarum numetus: prandium verò paratum (amicorum ac Bonziorum turba dimissa) vel busti ministris vel pauperibus vlcerosisque relinquitur. Postridie liberi cum affinibus & amicis ad rogum reuersi, cineres, ossa, dentisque demortui in vas inauratam imposita, domum referunt, ipsumque vas veste contectum in mediis ædibus locant. frequentes adsunt iterum Bonzii ad priuatas exsequias: eademque septimo die de nouo repetuntur. Deinde translati certum in locum cineres terræ mandantur, quadrato imposito lapide, in quò ductis à summo ad immum vsque maioribus litteris, nomen describitur demonis, quem-

cun-

tuncque demortuus in vita coluerit. inde continuis diebus ad sepulcrum se filii conferunt, ibi spargunt rosas, ibi calidam apponunt, ut habeat defunctus, unde litim leuet. nec solum die, sed mense etiam & anno septimo priuatos intra parietes eadem funebria iusta recurrunt, ingenti videlicet Bonziorum sagina, crebrisque vindemiis. Omnino in hac funera impensa sit a locupletioribus aureorum trium circiter millium, a tenuioribus ducentorum trecentorumve, nam quorum tanta est inopia, ut funeri sumptus desit, eos per noctem ac tenebras nullo apparatu vel pompa in sterquilinum abjectos humi defodiunt. Aliud est etiam genus funeris, quod virtutibus in ora præcipue maritima ducitur. li cum Amida sese eximio quodam cultu deuouerint, eius visendi cupiditate flagrant, mortem vltro sibi metipsi consciscunt. Ac primum emendicata per dies aliquot stipe, & in manicas indita, publice concionantur ad populum, totamque consilii sui rationem exponunt, magnâ omnium approbatione; tantam quippe sanctimoniam cuncti suspiciunt; deinde sumptis falcibus ad vepres ac sentes, qui ad beatorum sedes iter impediunt, præcidendos, nauigium conscendunt nouum, saxisque ad collum, brachia, renes, erura, pedesque religatis, in altum prouecti, vel perforato de industria merguntur alueo, vel etiam deinceps in mare singuli sese præcipitant. Alueo vacuo confestim ignis ab amicis ac propinquis officii causa proprio separatim nauigio profecutis inficitur, nefas putantibus nauem tantis religionibus consecratam, ab ullo prius in posterum attingi mortalium. Sanè, dum nos peteremus Meatum, octo diebus antequam ad Insulam Hiu peruenimus, viri sex, feminae duæ simul eo genere lethi perierant ad oppidum Fore. His deinde populus ædiculam vniuersis columnarum pinumque singulis perpetui honoris causa prope litus erexerant, & imposita baculis complura chartæ segmenta, ædiculæ toto tecto delixerant, carminibus plurimis intra parietes propositis, quæ beati illius cætus egregias laudes celebrarent. Itaque visebatur locus die nocteque supersticiosissimè. Ac fortè per eos dies dum ad quendam infantem Baptismo lustrandum ego & Ludouicus Aluicida tendimus, illac nobis iter facere contigit: atque eo ipso tempore prodeuntes è sacrario quinque circiter vêtulæ cum globulis precatoriis, quæ vulgo rosaria dicimus, (adèd Christianos mores Lucifer æuatur) partim ludibrio postram ridere dementiam, partim seuerò vultu nobis impietatem expre-

exprobrare, sacrum illud monumentum nulla veneratione honorisve significatione prætereuntibus. Restat ut de Bonziorum concionibus pauca perstringam. Ex si minus crebræ quàm apud nos, certè quàm apparatussimæ. In templo permagno cum serica superne umbella suggestus attollitur. In, consistat ornatu sumptuoso cathedra, ante cathedram mensa cum tintinnabulo & libro. Vbi concionis tempus aduenerit, ad suum quæque doctorem in varia templa frequentes Iaponiorum sectæ conueniunt. Ille suggestu ascendens, & in sella confidens, magnificè sese circumspicit: deinde indicto campana silentio, pauca ex eo, quem diximus, recitat libro quæ mox idem fusiùs explicat. Sunt autem hic concionatores viri ferme discreti, atque ad flectendos animos auditorû idonei: & quoniam hiat semper auaritia Bonziorum, cò potissimum omnis spectat eorum oratio, ut populum inducant specie pietatis ad sua locupletanda cœnobîa, tanto beatiorum in altera vita fore quemq; affirmantes, quanto, quæ ad sacra vel, exsequias pertinent, maiore pompa & impensa curant. Cumque ita multæ atque ita inter se pugnautes numerentur superstitiones atque familiæ, in eo tamen vel maximè laborant magistri, ut sua quique mendaciæ & fabulas ita discipulis probent, nihil ut præterea verum, nihil ad æternam salutem tutum, nihil dignum, quod audiat, existiment. Accedunt alia quoque artificia, in cellis græuitas, oris atque habitus, dignitas, denique species omnis exterior, quibus rebus Iaponiorum pectora tantis opinionum perversitatibus imbuuntur, tantamque ex iis fiduciam ac spem salutis æternæ concipiunt, non solum ut domesticos intra parietes, verum etiam in publico, totaque urbe rosaria ferè semper manu percurrant, ab Amida Xacæque diuitias, honores, bonam valetudinem, sempiterna gaudia suppliciter postulantes.

Quæ cum ita sint, carissimi fratres, existimare potestis ipsi, quanto Dei auxilio indigeant, non modò, qui in hæc loca Euangelium afferunt, sed etiam qui allatum accipiunt, seque relictis idolis ad Christum adiungunt; quippe tot à diabolo machinis oppugnantur, ita sollicitantur, assiduis bōziorum dissuasionibus, postremo ab affinis amicisque adeò contumeliose, moleste, acerbèque vexantur, ut nisi diuina gratia sacrificiis ac precationibus Ecclesiæ Catholicæ conciliata subueniat, multorum vel potius ferè omnium fidem atque constantiam his certè nascentium Ecclesiarum iniuriis valde periclitari necesse sit. Quo magis vobis, qui salutem animarum tam vehementer expetitis, Iaponicos hosce greges precipuè in Domino commendatos esse par est. Nos Sacaium ex itin-

nere

tere venimus quinto Calend. Februarias. Ludovicus Almeida quibusdam negotiis primum, deinde etiam valetudine aduersa impeditus, ibi diutius subsistit: ego diei non amplius mora facta, profectus inde, Meacum leutarum tredecim intervallo petueni pridie Calend. Februarias. Aduentu meo cum ceteri Christiani, tum Gaspar Vilela precipue, qui neminem è nostris Meaci toto ferme sexennio viderat, mirum in modum recreatus est. Is quadragesimum nondum ætatis annum excedit, sed cani septuagenarium indicat, frigorum vehementer affecto consumptoque corpusculo. Meacensi lingua, quæ, vt celeberrimi populi regiarque vrbis fertur elegantissima, iam nunc vtitur ita peritè, non modò vt confessiones intelligat; sed habeat etiam conciones. Quosdam insuper libellos ad pietatem viles in eandem vertit linguam, aliosque deinceps non intermittit sub se ciuis operis vertere. Quod reliquum est, nos omnes Dominus pro sua bonitate perpetuò tueatur, opèque nobis ad voluntatem ipsius & rectè interpretandam & ritè exsequendam impertat. Meæo, II. Calend. Marrias, MDLXV.

EIVSDEM AD SOCIOS.



X iis litteris, quas ad vos dedi mense Februario, multa de Iaponicis ritibus atque superstitionibus cognouisse vos arbitror: alia nunc de rebus precipue Meacensibus addam hac epistola, quam puto vobis fore non iniucundam. Ego, vt scripsi ad vos antea, Meacum attigi magna Christianorum lætitia pridie Calendas Februarias: incidit meus aduentus in ipsum noui anni initium, quòd hac hyeme Iaponii à Calendis Februariis auspicati sunt; varius enim est in his regionibus anni cursus; longè alia atque apud nos ratio temporum atque descriptio. Verus est autem gentis mos, vt anno incunte, ab die nono Lunæ adusque vigesimum, regni proceres & Bonziorum principes ad Regem quisque suum salutandum non sine dõnis accedant. Ea sunt ferè magnus chartæ numerus, aurea stabella, arma affabre facta, & alia eiusmodi. atque hæc consuetudo, iam inde ab antiquis ducta temporibus, cum in aliis omnibus regnis, tum verò in hoc Meacensi tanto diligentius retinetur, quanto Cubus honore atque amplitudine cæteris omnibus Iaponiis Regibus antecellit: atque idem honos vxori quoque ipsius matrique tribuitur. Hos autem salutatores Cubus longo cubiculorum ordine admittit ille quidem in penetralia, operis eximii peristromatis aureis adornata; sed ad eorum verba salutationesque (ea loci & personæ

sonæ majestas est) nihil omnino responderet : insignibus tantum Bonziis quibusdam id habet honoris, ut stabellum, quod tenet manibus, paululum inclinet; atque in hunc modum primæ nobilitatis viri inducuntur: nam inferiorum ordinum hominibus, quâquam locupletissimis, & longè pretiosissima dona ferentibus; nullo pacto ad eum aditus est. Et quoniam ad viam Evangelio muniendam, & existimationem apud eundem ignatimque veræ virtutis & gloriæ populum colligendam pertinere magnopere visum est, ut Evangelii præcones nequaquam exclusos inde fuisse constaret; dedit operam Gaspar, ut illum ipse quoque per idem anni tempus inuideret. ac superioribus quidem annis aulici, cuiusdam beneficio potentis viri, ad Christianam religionem propensi, aliquoties introductus est: nunc verò mihi quoque eiusdem opera patuit aditus. Cubum ergo primam, deinde uxorem, postremo separatim in ædibus matrem inuisimus, honesto comitatu ad regiam usque deducti: & cùm benignè accepti sumus ab omnibus: tunc verò à matre humanissimè, quippe quæ non modò portionem nobis misceri iussit à famulis, verùm etiam Zacanam (salsamenti genus id est oliuarum instar) de more paxillis insertam; suis ipsa manibus honoris causa porrexit. Eam inuenimus in cœtu nobilium seminarum sedentem ante sacellum ornatissimum, in quo erat Amidæ puerilis effigies egregiè picta cum diademate, aureis è capite radiis emicantibus: mirum ibi silentium, mira modestia, mira denique domestica disciplina: vehementer dolendum ut sit, tantam indolem tantis diaboli fraudibus opprimi, orandusque sit etiam atque etiam Dominus, ut hæc tenebras Evangelii splendore pro sua infinita bonitate dissipet.

Ut ego functi sumus officio, postridie Gaspar ad neophytos reuifendos abiit I morim; ego Meacensibus prædicare Evangelium institui, cùm aliis, tum verò quibusdam à Cubi familia viris illustribus, qui ad nos vètitare cæperunt: ex iis tres, audito iam aliquoties verbo Domini, Baptismum à nobis vehementer efflagitant; sed ideo differtur, ut interea melius Christiana rudimenta atque in vituta percipiant. Auditores habemus mirum in modum curiosos; nullum quærendi finem faciunt, præsertim qti sunt è Ienxanna familia, quæ omni sublato numinis metu, corporis voluptates pecudum more persequitur. ii nihil in animum inducunt credere, nisi quod cernunt oculis, manibusque contrectant: quamobrem expugnantur difficillimè, nec nisi euidentibus planè demonstrationibus cedunt. Obiiciunt autem nobis inter alia; si quid est Deus, ut dicimus, idemque adeò bonus est; cur ad hoc usque tempus celauit

celauit bonitatem suam, eamque tam serò Iaponiis declarauit?
 respondetur autem ad hæc omnia sic, vt contradicere nequeant:
 sed tantæ, tam densæ illis tenebræ sunt, vt insolitam Euangelii lu-
 cem vix pauci admittant: qui tamen eo sunt ingenio atque indole
 præditi, vt vbi verbum Dei quasi terra semen acceperint, quo tar-
 dius acceptum, eo diligentius amplectantur ac foueant. In vainer-
 sum autē, Iaponiorū ingenia ad Christianā religionem in primis
 idonea sunt, præstantque non solum in cognoscenda veritate sedu-
 litatem ac studium, sed etiam in retinenda fidem atque constan-
 tiam. tres quidem isti, quos modò diximus, aulici, tanta in eo genere
 diligentia sunt, non modò vt Christianæ doctrinæ præceptiones
 ac formulas suo descriptas chirographo deinceps memoriæ man-
 dent. idque celeritimè, sed etiā quæ ex concionibus nostris audire,
 domum regressi in commentarios referant, præsertim quæ de mū-
 di creatione, de immortalitate variisque viribus ac facultatibus a-
 nimæ disserunt. Eos deinde commentarios offerunt Socio nostro
 Damiano recognoscendos identidem. Et cum eiusmodi gentis na-
 tura, tum illud quoque vel maximè Christianam causam adiuuat,
 quòd multæ sunt superstitionum sectæ, non solàm diuersæ ac va-
 riæ, sed etiam inter se pugnantes: quo facilius est, diabolica menda-
 cia fraudesque conuincere. Circa Meacum in patentibus campis
 plurima sunt idolorum phana, è quibus adii Christianorum ductu
 nonnulla in iis quoddam est Amidæ sacrū ab vrbe quattuor ferè
 passuum millibus, a priscis Imperatoribus conditum ac subinde re-
 nouatum. longitudine vlnarum centum circiter & quadraginta.
 ingentes habet valuas in medio. ingredientibus obicit sese sug-
 gestus, in quo Brachmauis habitu, perforatis auribus, mentoque
 & capite raso, ingens Amidæ statua consider, supra statuam quasi
 pro vmbraculo pendent excepta catenis multa magnaque tintin-
 nabula: circa ludentium specie triginta cernuntur milites strictis
 telis armati; saltantes Æthiopes, anus venefica, dæmonesque teter-
 rimi; effingitur etiā certa quadā imagine ventus, horrificoq; aspe-
 ctu tonitrua: ad hæc septeni gradus ad tēpli totius lōgitudinē por-
 riguntur: in iis ordine certo dispositæ vnus Canonis Amidæ filii
 imagines omnino mille, hinc inde quingenæ, eadē omnes forma,
 ore venusto, egregiè factæ, tricena brachia totidemque manus o-
 stentant: è quibus duo tantum ad reliqui corporis magnitudinem
 apta proportionē conueniunt, cætera parua sunt, duo etiam lum-
 bos præcingunt. Singulæ porrò statuæ bina tenent iacula, pectus
 insignitæ septenis hominum vulticulis, corona capiti imposita
 cum diadēmate radiante. Sunt autem cuncta eius templi nō modò
 signula-

simulacra, sed etiam quæ diximus tintinnabula, & ipsæ catenæ magna obryzi auri cōpia scitè admodum ab imo ad summum vsque verticem intesta sic, vt fulgorem intuentes oculi ferre vix possunt: locus est celeberrimus, multique eò longinquis è regionibus religionis causa conflunt.

Inde passim interuallo dūm circiter millium, collis attollitur, ad cuius radices veterem quandam academiā multis distinctam cōnōiis tenui fluens aqua riuus circuit amoenissimus: multa ibi delubra, quorum in aliquibus magno cultu adoratur statua eacodamoni; facie magis etiam, quàm apud nos pingitur, fœda & horribili. in summo autem colle ingentia tria lignea templa ligneis item columnis mira crassitudine suspenduntur, infimo pavimento strato latecūlis laugatis. In eorum vno colossæum immanis magnitudinis Xact signum, singulas habet ad dextram lauamque statuas paulo minores: a tergo autem quoddam quasi folium exsurgit, ex quo sigillorū vniū palmi duo circiter millia prominent, infantesque præterea bini serè quadraginta; denique latus utrumque templi; spatis armati dæmones bini custodiunt: hæc autem aurata sunt omnia. Alterum est templum probandis & laurea donandis veteri academiarū morè scholasticis destinatum. In eo pulpitum; vexillis compluribus è superiori parte pendentibus, eminet ligneum; in quod scalis tribus ascenditur; est ibi mensa cum cathedra parata magistro, qui actibus eiusmodi præsidet, itemque ad inuicem suggestum altera in vsum discipulorum qui eo iudicio probandus insignibusque doctrinæ publicè decorandus est. templum autem ipsum lacertæ seu stellioni dicatum est, quem vulgo Deum & præsidem litterarum & eruditionis existimant: huic nulla neque ara, nec statua, vt cæteris Diis erigitur. in summo tantūm laqueari; multiplicem conuolutus in spiram, ingenti orbiculari depingitur forma, vt scholastici dum eum supplices venerantur, oculos mentemque simul ad superna cogantur attollere. Tercium phanum altitudine duos proxima superans, clausum offendimus. è regione sunt ædes peramplæ, cælatura magnifica; scholasticorū id domicilium est. multa erant præterea ibidem vilenda, sed imminente iam nocte reuertimur.

Hæc habui quæ ad vos in præsentia scriberem: ea si minus læta videbuntur, quod parum videlicet ad rei Christianæ amplificationem attineant; eo diligentius orandus erit vobis Dominus, vt de Ecclesiarum incrementis & rei Christianæ progressibus multa nobis in posterum ad vos, maiore cum animi nostri vestriq; fructu,

fructu, spiritalique solatio scribere liceat. Quamquam post nostrum ab vrbe Firando discessum non pessimè posita est opera: Deo quippe adiuuante Iaponij sexaginta ad Christianorum numerum adiuncti sunt. Quod reliquum est, vos omnes pro sua clemètia Dominus perpetuò tueatur ac protegat. Meaco, pridie nonas Martias. MDLXV.

EIVSDEM AD SOCIOS.



Vobis vos velle maximè intelligo, id hisce litteris agam, vt Ecclesiastica primùm, tum cætera persequar. Quadragesimæ diebus Dominicis omnibus Gaspar Vilela Euangelium declarauit: quattuor quaque feria Damianus postea de Pœnitentiæ Sacramento copiosè disseruit. sexta, sacro missæ peracto, non destitit Iaponius puer, ex ijs quos educamus, de Passionis Domini verba facere: quam in sententiâ, conuenientibus nocte neophytis, Vilela denuo disputabat, ijs præcipuè locis insistens, quibus auditores ad pietatem excitari maximè possent. Dominica in Palmis (quoad eius fieri potuit in tanta ædium angustia) Catholico more cærimonisquæ transacta est. inde ex oppidis finitimis atque etiam remotioribus neophyti ad indulgentias (quas à summo Pontifice datas Catholico ritu proponimus) Pascharisquæ solennia frequentes venire cæperunt. in iis quidam cum vxoribus liberisque nobiles viri, quamquam lecticis aut equis vsu, tamen assidua pluuia valde vexati, pietatis laudem cumulatè patientiæ metitis. Vilela ducentorum ferè & quinquaginta confessionibus auditis, quinta feria in cœna Domini mandatum Euangelicum de mutua dilectione publicè docuit. postea cum de Eucharistia suauissimè perorasset, cœlestem panem Christianis circiter sexaginta distribuit: qui cum ex intimo sensu, & gaudio spiritali, copiam funderent lacrymarum, sanè quàm ingenti nos affecere solatio. in sacello intimo Ludouicus Almeida sepulcrum erexerat ornatissimum. in eo Corpus Domini conditum est, armatiquæ custodes adhibiti. Vespere, solennibus officiis perfolutis, puer Iaponius in exponenda Passionis Domini serie, collecta è quattuor Euangelistarum historiis, horas duas ferme consumpsit. quæ deinde explicatione potissimum indigere sunt visa, in iis Vilela ex instituto declarandis immoratus est, suadens auditoribus pœnitentiâ; sed calcar videlicet currentibus: nã cum sæpe alias, tunc eo maximè anni tẽpore voluntarias ab sese pœnas, casq; ad eò acerbis exigere soliti sunt, summopere gratulandum

landum ut sit, in ultimis hisce terrarum finibus, inter tot idolorum cultores, in ipso denique (ut ita dicam) regno diaboli, sacratissimæ Crucis tropæa, salutaremq; humano generi mortem Christi Domini, tam incitatis hominum studiis, tanta religione, tam grata memoria celebrari. Maioris hebdomadæ luctû atque tristitiam ingens gaudium Dominicæ Resurrectionis excepit. à media nocte domus Christianis completa est, liturgiam & supplicationē matutinam expectantibus. ea peracta, simul etiam Christianis aliquot Eucharistiæ Sacramento refectis, concio habita est de Resurrectione Domini Paschalibusque mysteriis. inde conuiuium excepti sunt, quòd Natali die & Paschate Domini solenne Gaspar instituit eo consilio, ut quàm arctissimis Christianorum animi caritatis ac beneuolentiæ vinculis inter se iungantur. simul etiam per eam occasionem colloquia de rebus cœlestibus habita, ductaque præ dulcedine ad vespèram; quædam præterea è diuinis laudibus decantata. quo strepitu exaudito gentiles, præsertim quòd non nihil de apparatu, ædificiis nostræ cognouerant, instare vehementer ut fores aperirentur: obisti non poruit: introiêre permulti, pleræque verò mulieres diuino quodam instinctu nixæ ante aram genibus, manibusque sublatis, effugiem Christi Domini supplices adorant. Posthæc neophyti, qui ex oppidis vicinis ad festa conuenerant, Gaspare officiosissimè salutato digressi sunt. nunc autem id Gaspar agebat, ut sibi diuersorium conducere prope regiam in superiore vrbs parte, quod toto iam ferè triennio frustra conatus est, ut ibi quòque posset Euangelizare commodius. Verùm satis iam de rebus Ecclesiasticis, ad alia veniamus. Ante discessum Almeida, cum tempus eius reuersionis adesset, perducti sumus uterque ad insignia quædam vrbs ædificia ac templa, quorum tanta est religionis ac magnificentiæ fama, ut ad ea visenda ex aliis omnibus regnis peregrini Meacum ferè assidue confluant. Ex iis nonnulla perstringam: infinitum est enim singula persequi. Aedes igitur quasdam Cubi primùm adiunimus, eximio quodam artificio atque elegantia extructas oblectationis & animi causa. nihil ego nec in Europa nec in tota India tale contexi, iis horti subiecti sunt cum aliis arboribus ignotis in orbe nostro, tum cedro, cupresso, pinu, malis medicis confiti: quæ omnes arbores, varias in figuras artificii manu conditæ, camætas, tintinnabula, tutres, aliæque id genus plurima referunt. iam lilii, cyani, rosæ, florumque tanta est copia, tanta colorum odorumque varietas, non solum ut aduenas ac peregrinos, verùm etiam domesticos ipsos atque cultores cum voluptate atque admiratione retineant. neque horti modò, sed vrbs ipsa

ipsa quoque pulcherrima. viæ latæ ac directæ, foribus arcium instar (quæ res furta & latrocinia maximè prohibet) occluduntur. in iis variarum mercium institores, opifices, ac sellularii, cum alia in usus deliciasque mortalium, tum præsertim aurea flabella conficiunt; sericamque cuiuslibet operis textrinam exercent. in medio celeberrimum Amidæ phanum cum omnibus horis diei, tum verò sub noctem clausis iam tabernis frequentissimè visitur, iactantur à populo nummi cum precibus, & simulacrum adoratur. nos cò ex hortis Cubi via longa latæque perducti, inde sumptuosissimas præfecti Meacensis nuper instauratas ædes adiunimus; quibus item horti coniuncti non modò arborum multitudine artificiosisque figuris delectant oculos, verum etiam aquæ limpidissimæ copia, quæ à nouem circiter passuum millibus excisa rupe, regali sumptu perducta, lacum in hortis mediis efficit, in quo complures varix magnitudinis insulæ, ligneis lapideisque peruiæ pontibus, vsquequaque lætissimis arboribus opacantur. Inde quanquam fessos iam, ac reditum cogitantes, neophyti nos longiùs pertraxere. multa igitur prætereuntes phana, ingentem ingredimur lucum, in quo Bonziorum cœnobîa quinquaginta mixtæ amplitudinis, à regum & principum liberis, qui sacris addicti sunt, magnificè & sumptuosè incoluntur: facitque ipsa vicinitas, ut eorum præfecti se inuicem elegantia munditiisque superare contendant. Ex iis aliquot inspeximus obiter. Cuiusdam est ianua lignea egregio quodam artificio, longæque alia atque apud Europæos forma. hæc nos in xystum induxit stratum quadrato lapide nigro, parietibus vtrinque excurrentibus opere rectorio læuoris atque candoris eximii. Xysto nouum quoddam genus hortorum prætenditur, in quibus marii facti colles è saxis ad eam rem è longinquo petitis, frutetis confiti, pontibusque coniuncti cernuntur. Solum partim arena crassiore admodum candida, partim etiam attritis lapillis obducitur, è quibus passim elati maioris formæ lapides, ex imo leucoia, violas, ac flores emittunt, adcò artificiosè commistos atque dispositos, ut cum in orbem singulis anni temporibus floreat, ver ibi perpetuum esse videatur. Multa prætereo, tum ne longior sim, tum quòd ea verbis assequi me possit distido; sed illud nò omittā, quod in reditu vidimus. In medio phano quodam, machina lignea sculptilis variisque picta coloribus, multis forulis collocatos cōtinet libros ab vno Xaca cōscriptos. eadēq; ut est versatilis, quem quisq; voluerit librum offert protinus. & quidem tanta est voluminum copia, ut incredibile sit, vel vna ætate à multis auctoribus, vel

multis ætatibus ab vno auctore cõfici potuisse. eorum autem vsus est maximus non in Iapone modò, sed etiam in Sionis regionibus, vnde omnis Japonica fabulositas & superstitiones primum existisse, atque inde paulatim oram Sinarum, Pegusiam, Bengalanâ, totumque eum tractum in Bisnagam vsque peruagatæ dicuntur. Aliud etiam phanum in reditu vidimus inferorum regi dicatum, cuius præcellsum horrifico truci que adspectu simulacrum regio sceptro insignitum, duobus hinc inde ingentis item staturæ demonibus cingitur, quorum alter calamo describit hominum noxas, alter descriptas in tabula recitat. parietes picti varias inferorum ostentant pœnas, quibus plurimi sexus vtriusque mortales demonum ministerio cruciantur. Celebratur autè hæc, augeturque pecuniis ferè assidue: nunquam enim desunt, qui ad regis effigiem timore perfusi, ea ab sese tormenta atque supplicia deprecantur. Atque hæc illo die. Postero autem, Christiani cuiusdam principis inuitatu ad audiendas Bonziorum conciones in suburba cœnobio (sunt autem exitus ex vrbe spatiandi causa gratissimi) venimus egressi, turbam virorum æquè ac seminarum cum suo quemque rosario supplicantes adspicimus; percontrati à neophytis, quidnam id esset, dimissam tum concionem esse respôdēt. interrogati de numero, aiunt homines earum rerum periti, capitum esse quinque circiter millia. addunt insuper, in eo templo quotannis centum diebus continuis ab vno eodemque Bonzio conciones haberi, multis magnisque indulgentiis auditori perseveranti propositis. Optatum erat nobis omnino aliquem ex his concionatoribus audire, cognoscendi maximè studio, saluæque religionis & officio transferendi ad vsum nostrum, quæ ad conciliandos permouendosque Iaponiorum animos pertinere viderentur; & quoniam allatum est, rem adhuc integram esse in alio quodam cœnobio, pergere porrò illuc vsque decreuimus. eò tendentibus igitur nobis primò Guiuani phanum occurrit, quod ingenti frequentia, superstitione, anniuersariis mimorum ludis, variisque spectaculis magnopere celebratur & colitur. Inde exeuntes, viam ingredimur pinis vtrinque iucunda admodum specie consistâ: simul adspicimus populi concursum, ad concionem citato gressu tendēris. nos vt ad locum peruenimus, moniti à Christianis periculum esse; ne Bonziji si nos adesse sentirent, concionari desisterent, occulto loco ad initium vsque concionis nō sine magna quidē vel admiratione vel pudore substitimus è conscientia teporis ac negligentiae nostræ cõcepto, cū interim vnus horum spatio auditores illi omnes ad parui pulsū tintinnabuli nixi genib⁹, incredibili quadam

dam significatione pietatis, rosaria manusque tollentes in cælum, in oratione persisterent, vociferantes assidue: Namu Amida Ambut. Hoc est: Da salutem Amida: quod ipsum nomen etiam domi forisque, seu emanant aliquid seu vendant, modulata quadam pronuntiatione gestientes ac libentissimè sæpius inuocant. quin etiã pauperes ipsi inter emendicandum, iis à quibus eleemosynam petunt, propitium precantur Amidam, Bonzii verò ac legisperiti verba illa plebi inculcare non desinunt: Ichinem, Amidabut, Sucumet, Murioo, Zai: id est, quisquis Amidæ sanctum nomen ex animo inuocauerit, procul dubio saluus erit. Imperato deinde maiore campana silentio, ut concionator suggestum ascendit, tum nos quoque sensim irrepsumus; phanum erat ad fores usque ac porticus refertum viris ac feminis. in ipsis autem aræ gradibus multi Bonzii confidebant manibus intra togam abditis, oculisque demissis. Porro concionator claro, ut aiebant, genere, decora quidem in primis facie, aspectuque grauiissimo, in excelsa vnde ab omnibus conspici posset sedens cathedra, sericis ad talos usque perquam splendide vestimentis indutus, interiore candido, exteriori purpureo, flabellum tenens aureum; ex libro quem habebat in mensa propositum, quædam institit subinde recitare, tum fusiùs explicare, tanta non solum actionis venustate, sed etiam (ut Gaspar Vilela affirmabat, eius linguæ bene peritus, & cæteri qui nobiscum aderant) orationis elegantia atque artificio, ut mirum videri non debeat, eiusmodi homines tanto in honore ac veneratione esse apud veritatis ignaros. Mihi quidem hæc apud animum meum reputanti venit in mentem, non sine sancti Spiritus vehementi quodam instinctu Franciscum olim Xauerium tam acri studio tam longinquam hanc peregrinationem expetiisse, Iaponicam. profectò enim hæc gentes, naturæ bonitate ingeniique præstantia multis Europæ nostræ (quod earum pace dictum sit) nationibus antecellunt. Quod si minùs magnificè de Iaponiis vel sentiunt negotiatores Lusitani, vel prædicant, id nimirum idcirco fit, quod non nisi cum populis maritimis negotia contrahunt, qui ab interioribus tantùm absunt vitæ cultu, morumque elegantia, ut præ iis rustici videri propemodum possint. Itaque per contemptum sylvestres etiam vulgò à Meacensibus appellantur, cum tamen alioquin ab humanitate ipsi quoque maris accolæ nequaquam abhorreant. Sed iam finis epistolæ sit, plura propediem: atque vtinam cuiusmodi omnes optamus. Meaco, v. Calend. April. MDLXV.

EIVSDEM AD SOCIOS.

DE statu rerum Meacēsiū, & religionis Christianæ processibus ad Paschatis vsque peracta solēnia, superioribus litteris ad vos fusè perscripti, artexam nunc fratres carissimi reliqua; è quibus facillè iudicare possitis, quàm assiduis vestrum omnium sacrificiis piisque deprecationibus egeamus.

Postquam à Paschali conuentu neophyti in suas domos & vicina castella digressi sunt, nos Meacensibus Euangelium prædicare petreximus. auditores minimè decrant, multi etiā, diabolicis fraudibus & Iaponicæ superstitionis prauitate cōuicta, sic immutabatur afflati diuinitus, vt constantissimè crederent, in vno Christo Domino ac Redemptore nostro omne salutis humanæ perfugium esse repositum. Ventitabat etiā ad nos, cum aliis principibus ciuitatis, quidam Regis Mini cognatus, vit sanè perspicax: is cum à nobis multa subinde perquireret, litterisq; responsa mandaret cōmentandi causa, tantus illi paulatim veritatis illuxerat splendor, non modò vt ipse in voluntatem Christianæ suscipiendæ religionis vehementer incumberet, sed etiam spem nobis adferret fore, vt Mini regnum vniuersum ipsius opera atque auctoritate sacrosanctum acciperet Euāgelii lumen. Ad hæc, Iobeleū à summo Pontifice datū, ad felicē euentū Tridētini Cōcilii precibus ac ieiuniis impetrandum, in hac vrbe propositum est octauo ante Pentecostę die. cuius rei nuntio in pagos & castella perlato, magno studio ac pietate sese comparauere neophyti ad tam insigne Christi Domini beneficium: & quamquam per eos dies Gaspar in febrem incidit, & ego non optima sum vsus valetudine, tamen concursu ad nos Christianorum facto, Dominica Pentecoste, imbecillitatem nostram Domino fulciente, per occasionem tam amplæ consequendæ indulgentiæ, multos & verbo Dei & sacratissimo CHRISTI corpore pauius, quod illi nimirum, vt solent, vberissimo fletu crebrisque suspiriis percepere. is erat Christianæ rei cursus, vt in tantis gentium tenebris, tantaque aduersariorum potentia, factus secundus: iamque parabat Vilela totam hanc Meacensem obire prouinciā, & prout se obtulisset occasio, per ethnicorum pagos & oppida. circumferre Euangelium; cum captis intetuenit atrocissimum & post hominum memoriam inauditum facinus, quod non modò conatus nostros omnino impediret, sed etiā nos ipsos in extremum vitæ discrimen adduceret. Nam Regulus Imorensiū (de quo scripsi ad vos antea) Mioxindonus, deuictis à se gentibus quibusdam potentia atque opibus auctus, ipsum quoque Cubum,

ut in pace otioque securum, & imparatum à rebus omnibus, certè nihil eiusmodi metuentem, imperio, quod magna cum æquitate regebat, per summum scelus atque perfidiam deturbare, ac tyrannidem occupare constituit: neque apud inflammatum dominandi libidine animum vel Cubi virtus & probitas, vel plurima eaque maxima ab eodem in se profecta beneficia valere. Igitur assumptis latrocinii sociis duobus Narensium tyranno Daiondono, & alio quodam dynasta, cum delectis armatorum duodecim millibus repente Meacū iter intēdit, eo certiore spe rei perficiendæ, quod & ipse Cubi nomine vniuersæ rei bellicæ præerat, & plurimos habebat in vrbe Meacp satellites & clientes. cōpiis ergo prope urbē iussis opportuno loco subsistere, ipse cum fidelium manu specie officii Meacum introit, nimirum ut quibusdam recentibus honoris insignibus à Cubo decoratus, ei gratias agat. atque ut quod volebat quam maxime sine tumultu transigeret, ad alia verborū officia illud etiam addit, ut Cubū in suburbanum quoddam Bonziorum cœnobium blandis precibus ad cœnam inuiter, namque circūuentum adoriri placuerat. Sed cum res parum procederet, quod Cubus de confidente prope Meacum exercitu factus denique certior, & suspicatus id quod erat; nō modò se Mioxindono minimè crederet, sed etiam fugam pararet, (ex qua deinde imprudenti comitum suorum consilio reuocatus est) Mioxindonus apertè ratus agendum, cōpias omnes ad regiam propiùs admouet: ac ne inexpliabili in suum Imperatorem ac Regem odio accensus esse videretur, dum inops consilii Cubus cum familiaribus trepidat, præmittit ad Regiam qui palam denuntiet, se Cubi ipsius caput minimè petere, certis tantum eius cognatis amicisque grauitè inensum, eorum potentiam vltà ferre non posse: itaque tum demū rē conuenturam, seque inde cum pace abiturum, si complures proceres, quos nominatim in schedula descripserat, quamprimum interfici iubeat. ad hæc tam insignis impudentiæ postulata, ira percitus is qui ad ea cognoscēda Cubi iussu prodierat, grandis natu aulicus ille ipse qui nos ad Cubum introducere consueuerat, abiecta quā legerat schedula, verbisque grauissimis in parricidas inuectus, ad extremum addit, rebus iam desperatis quoniam quidē alia ratione non possit, certè voluntaria morte sese officio fideique suæ satis esse facturum. His dictis regressus in regiam, coram ipso Cubo strictū pugionem gentis more sibi condit in viscera, & moribundus occumbit; eodem ipso leto quattuor alii, cum præ timore oclusis ianuis non admisterentur, mox in ipso regia perire vestibulo. Senis verò demortui filius, ut patrem conspexit exanimem,

præceps dolore atque iracundia fertur in coniuratos infestus, pugnantque perimitur: tum illi pluribus locis palatio flammæ iniiciunt, quod Cubus ubi sensit; certus prælio potius quam incendio mortem oppetere, ex honestissimæ grauissimæque feminæ matris amplexu se protipit, vaditque cum suis armatus in confertâ hostiû aciem: ibi quàm acerrimè dimicans, ventrem hastili, caput sagitta confixus, duobus præterea vulperibus acceptis in facie, concidit; super eum præliantes egregiè centum circiter aulici primæ nobilitatis viri sternuntur: quorû cû animi magnitudo ac fidelitas omnium, tum præsertim adolescentuli cuiusdâ quattuordecimum annum agentis enituit: qui cum in certamine hostes pænè obstupescisset audaciæ miraculo, eumque viuum sublato vndique clamore conarentur excipere; ille Cubum defunctû intuitus, sibiq; turpissimû ratus Regi suo Dominoque superstitè esse; gladio confestim abiecto sicam erripuit, abscissoque sibimet gutture eandem sicam adegit in viscera. Inter hæc hostes, quâ per incendia patuit aditus, in regiam frequentes irrumpunt; fratrem Cubi Bonzium vnâ cum matre, nequaquam vel huius senectutem vel illius adolescentiam miserati, acerbissimè contrucidant: regia gaza diripitur: cuncta ferro flammaque miscentur: honorariæ puellæ ac pedissequæ regulorum ferè ac principum filię, & clarissimis ortæ familiis, omnia miserabiliter eiulatu gemitibûque complentes, inter obsessos armatis exitus conantur sibi fuga consulere; quarum aliquæ vestimentis etiam in illa ipsa immanitate petulanter atque procaciter à militibus exuuntur: aliæ verò ad viginri, dum ancipiti metu distractæ, hinc micantes horrent gladios, inde sapienti perterrentur incendio; in conclaue quoddâ abditæ, quo nondum flammæ peruaserant, igne deinde grassante opinione celerius, ibidem oppressæ, atque ad vnâ omnes obsumptæ sunt, porrò Cubi ipsius filię duæ ad pedes hostium prostratæ suppliciter, Chæstiani cuiusdam beneficio, in ædes propinquas amicorum, incolumes euasere, at mater ipsarum regina, inter ancillarum greges tum quidem elapsa feliciter, in quoddam sese cœnobium recepit, passibus mille circiter & quingentis ab vrbe disiectum; sed paulo post à conquistoribus deprehensa, ubi sese Daiondoni & Mioxindoni iussu mortis destinatum esse cognouit; chartam atque atramentum poposcit, scripsitque sua manu multis verbis ad filiam vtramque litteras, quarum erat clausula, viro suo per summam iniuriam à rebellibus interempto, se quoque nullo suo merito ad necem rapi: verumtamen æquissimo animo sese mortem obire, nec dubitare quin hoc sortum pro sua infinita clementia de se statuisset Amida,

quo

quo citius ad paradisi gaudia peruenire, ibique Cubo suo in perpetuum perfrui sibi liceret. Deinde obsignata epistola, cum Bōziis apud quos delituerat gratias egisset, ad aram Amidæ perrexit: ibi manibus sublatis in cœlum, obtinendo indulgentiæ causa Amidam bis inuocat nominatim, & simul cœnobiarcha ad absolutionis indicium manus capiti supplicantis imponit. inde regressa in cubiculum, elatis manibus Amidam rursus appellans, à militibus iugulata est. Iam verò qui Cubo in extremo certamine affuerant, eorum ædes direptæ, suburbana ædificia solo æquata, corpora simul cum ipso palatio concremata sunt. Cubi tantum cadauer, hostium permissu, à Bonziis ad rogum ac sepulturam elatum est in cœnobiū, quod ille ad eam ipsam rem ingenti sumptu construxerat. primarius autē quidam è Cubi familiaribus peregre proficiscens, eum rem gestam in itinere cognouisset, Meacum rediit illico: atque ubi regiam deletam & omnia versa vidit in cineres; sepulturæ locum rectè petiit, ibique dissecto sibimet ventre super Cubi tumulum corruit. Sorores Cubi duę sunt Bōziæ; quas quamuis inclusas cœnobio, nihilo minus aiunt peti conuitiis atque ludibriis hostium: atque ob id ipsum à sodalibus perpetuò custodiri vigiliis distributis, ne sibimet necem ex desperatione consciscant. Nos interea ciuitate ad acerbum adeò spectaculum ingenti pauore percussa, cum domum nostram neophyti confugissent, ad preces ac Litanias conuersi videlicet, mortem expectabamus in singula panè momenta; nec sanè, quod Bonziorum in nos odium est, quæque eorundem apud Mioxindonum atque Daiondonum gratia & auctoritas, multum ab extremo periculo absumus; sed cum ad nos clam venisset pro amicitia scriba Mioxindoni, pectus feriens, & impietatem Domini sui grauissimè detestans increpâsq; multis deinceps nuntiis atque interpretibus ultro citroque missis, magno vix tandem labore impetratum est, sacra iā veste cæteroque instrumēto in loca præmissa, ut exsulatum nobis abire liceret. Itaque Gaspar Imorim ad Christianos profectus est, ego parua sum relegatus in insulam nomine Cangam. Atque ut intelligatis, nisi hæc tam atrox repente procella existisset, quā latos Domini vinea fructus ostenderet, quo die discessimus, (is fuit sanctę Marię Magdalenę sacer) eo ipso die, quamquam in magna trepidatione ac tumultu, Bonzius vnus, laici duo è Mioxindoni familia Baptismi Sacramento renati sunt. Quod superest, patres fratresque carissimi, vobis orandus est etiam atque etiam Deus, ut afficiās res pro sua bonitate sapientiæque restituat: ne stultis ratiocinatoribus, & occulta iudicia Domini parum æqua lance pensantibus, plus

diabolus ad euerfionem Ecclefiæ Meacenſis, quàm Chriſtus ad eiufdem tutelam defenſionemque valuiſſe videatur. Ex Iaponis inſula Canga, mēſe Auguſto, MDLXV.

ORGANTINI BRIXIENSIS AD
SOCIOS ROMAM.



ON eram neſcius (fratres mihi cariffimi) quā grata veſtris auribus accidere ſoleant ea, quæ de noſtro-
rum hominum laboribus atque pēriculis ex India perferuntur ad vos. Quocirca prætermittere nolui, quin ex iis quæ hoc anno præcipuè contigerunt, nonnulla perſcriberem, præſertim verò felicem Franciſci Lupii obitum, qui vnā cum fratribus noſtris duobus ante vnum meſem, pro conſtanti Catholice fidei confeſſione, à Mahometanis interfectus eſt: vt ſimul intelligatis & quantopere diuino ſubſidio veſtriſque deprecationibus egeamus; & quæ maxime requirantur in eo, qui Indicam hanc expeditionem atque provinciam expetat.

Illud igitur primū: patres duos, Ramirum & Alcarā, è vita miſſe (quos ignota quapiam in regione viuere putabamus) hoc anno deniq; pro certo cognouimus. Li ante biennium Iaponis regna petituri, onerariam quandam in vrbe Cocino conſcenderant, ſanè inuiti, vel quòd nauicularius vir potens, nimia lucri cupiditate, mercatores in ſuam vnus nauem merces imponere per vim & iniuriam cogeret: vel quòd ob idipſum nauis inuſto pondere prægrauata preſſaque interitum haud obſcurè denuntiaret. Verū, vt æquè clemens ac iuſtus eſt Dominus, ſacerdotes hoſce duos permiſit in eodē verſari diſcrimine, quorū officium ac pia ſedulitas tot mortalibus per cōfeſſionem ſacram expiandis confirmandiſque in extremo ſpiritu non deeſſet. Secunda nauigatione Malacam uſque delati, atq; inde prora in Sinas directa, cū iam in Sionis perueniſſent ſinū, atrox repentè procella cooritur, eo vento excitata quem Typhonē appellant. Is, ex Occidentali ferme plaga violentus erūpens, & rapida vertigine circa orizonem rotatus, aſſiduis incrementis horarum circiter viginti ſpatio circulum conficit: imperu, horribili ſauiſque turbinebus vaſta illa æquora vehemētiffimè cōmouens agitantiſque: decumanis vndique fluctibus inſurgentibus, qui inter ſeſe velut arietantes atque collifi, omnē ſalutis ſpem nauigantibus adimunt. Ad hanc igitur tempeſtatē adeo periculoſam, cū ingens etiam oneris iniqui pondus accederet, ſolutæ carinæ cōpagibus,

pagibus, totam nauem æstus absorpsit, sic, vt nullæ planè reliquæ superfuerint. Erat in eodẽ cursu iuncus, (onerariæ Sinësis est gen⁹) qui singulari Dei beneficio portum tenuit, ex eo deinde cognitum est, nauem, cum imminenti exitii signum æneo tormento frustra dedisset Sinis, proprio metu laborantibus atque sollicitis, paulo post haustam fluctibus apparere desiisse.

Perculit casus is vehementer Indiæ colonos: nam & aureorum quadringentorum millium & permultorum hominum damnum est factum, complures etiam viduæ atque inopes relictæ mulieres. Neque verò, humana ratione rem æstimantibus, eius incommodi pars minima peruenisse videtur ad nos: duobus è Societate nostra viris amissis, quorum opera magno rei Christianæ vsui in hisce regionibus esse procul dubio potuit. quamquam speramus illos eò migrasse, vbi vel maior esse nobis auxilio suis apud Deum suffragationibus possint: neque enim parui ducendum est, in eiusmodi causa pro Christo laborantes, è vita excessisse.

Periculo simili perfuncti sunt etiam Andreas Fernandus & Ioānes Capralis: alter Sinas, alter è Sinis Iaponem petens: quorum vterque asseuerat pro miraculo haberi, si quis Typonis violentiam effugiat, præsertim verò, si totam noctem struere perseuerauerit: itaque in tali re nautas, desperata salute corporis, ad vota potius quàm ad armamēta; ad expianda peccata, quàm ad humana remedia solere conuerti: quippe non modò vela vis venti dilacerat, distringitque malos, & quicquid exstat ex aqua dissoluit; sed etiam nauigia (præsertim si minus onusta sint) arrepta, & in terras vsque longo tractu cōtorta affigere dicitur. Occupat autē ventus hic marium quicquid est Malaçam inter & Iaponē, frequens à mēse Maio vsque ad Septembrē, quo maximè anni tēpore hæc maria nauigantur. Vos itaque, fratres carissimi, qui Sinensem hanc & Iaponicam expeditionem Christianæ fidei propugnandæ gratia optatis, comparate vos ad mortē in itinere obeūdā, sicuti obire duo illi priores: & contrā, putate vos iter incolumes posse conficere, quemadmodum posteriores hi duo, quos diximus, confecerūt. qui in hisce versantur orbis terræ partibus, huic nihil minus quā de tuēdo corpore laborādū est: ea quotidie vitæ pericula occurrūt. Et sanè ita constitutū & affectū animo quēque esse oportet, mortē vt omnino contemnat: nimius quippe metus & cūra corporis, spiritale & nostrū & aliorū profectum haud mediocriter impedit: quod in se quisq; re ipsa reperiri & cognoscere faciliè poterit.

Anno proximo Franciscus Viera Goam è Molucis veniens, cum paululum proccississet, naus in syrtes & scopulos incidit, factoque naufragio,

naufragio, mari sese commisit imperitus homo natandi : & hic ad ima demersus, ab vrinatoribus denique semiuuius ad littus extrahitur : quò cum cæteri quoque comites ferè omnes, aliqua etiam parte commeatus tormentorumque recepta, se contulissent, nouù eos periculum confestim exceperit. cum enim incolæ Mahometani à Lusitanis hostiliter dissiderent, magna eorum manus ad eos trucidandos accurrit : sed nostri in locum natura munitum sese receperant, cuius opportunitate, itemque tormentorum vsu, ab hostium incurfibus tam diu se defenderunt, quoad nauis alia Molucensis ereptos eo periculo Malacam abduxit. Mulra Franciscus capitis pericula narrat, quæ nostræ Societatis homines in Molucis insulis ferè quotidie subeunt : mira etiam de neophytis prædicat, qui eo præcipuè anno Christianæ fidei causa crudeliter oppugnati, magna etiam ex parte variis cruciatibus interfecti sunt : cum quidem mulieres ipsæ filiolos partim sinu complexæ, partim manu trahentes, opulentis instructisque domibus consultò relictis, per syluas errarent, ne susceptam recens Christianam religionem eiurare aut deserere cogerentur : aliæ verò vnà cum liberis, in IESV Christi confessione fideliter persistentes, gladiis impiorum occumberent : multi præterea adolescentuli, eiusdem fidei retinendæ causa, ingentia maris spatia trajicerent, ex insula tranantes in insulam. Atque etiam illud, idem Franciscus addebat : quo tempore Mahometanorum metu, post naufragium sese munito illo, quem diximus, continebant loco, eodem contendisse pueros, non plus decimum aut duodecimum agètes annum, qui noctu natantes, veriti ne imprudentiam iaculis peterentur, clamarent : Ne librate, ne librate, Christiani sumus : quorum constantia nostri ad lacrymas vsque permoti, & cæterorum quibus opem ferre non poterant calamitatem miserati, eos in comitatû suum gratulantes acciperent. **Quin** petitis, fratres, vt vitam vobis in hisce regionibus ponere liceat, quoniam quidem ipsæ mulierculæ puerique ad mortem pro **CHRISTO** obeundum exemplo suo nos prouocant?

Qui è nostris in ora Comorinensi rem Christianam procurant, iis grauissima impendent pericula tum à Mahometanis, tum à Narsinganis, quos Badagas vocant, regionum ferè vectigalium exactoribus. Est etiam in primis opportunum & contumax genus hominum militarium, qui Naires vulgò dicuntur. Ex iis quidam iuridicundo præpositus, cum in templo nostro forum ageret, Andreas Fernandus, (qui Romano in isto collegio quondam versatus est) indignitatem rei non ferens, Mahometanum inde amouere omnino constituit : ad eumque conuersus : An tu facile patiaris (inquit)

(inquit) eiusmodi munera in vestris phanis exercere Christianos? respondit ille: nequaquam. Rursus Andreas: ita ne verò: delubra vestra dæmoni dedicata nulli functioni, quæ vobis minùs decora videatur, parère permittitis: nos nostra templa veto Deo ac Domino consecrata per summum scelus profanari ac pollui negligemus? tum acriori etiam spiritu: Apage, inquit, apage te. Atque hac increpatione permotus barbarus in præsentia excessit ille quidem, sed paulo post, ut erat animo elato ac superbo, doloris impatiens, armatorum plus centum coacta manu rediit, ut Andream occideret: quasi verò non vni id facinus foret satis. Andreas autem, cognita re, neophytum comitem suum, ne quid primo illo impetu caperet detrimenti, magna festinatione in tēplo conclusit: ipse pro foribus, innixus arundine constitit, mortem expectans. & Mahometani quidem arcubus & sclopis instructi cum adessent, hortati se inuicem ad manus Andree inferendas, ibidemque satis diu morati, (ex quo diuinam prouidentiam in Andrea tuendo faciliè intelligas) denique re infecta, nullo planè resistente, discedunt, hominē prorsus intractum atque illæsum relinquunt: ille verò eiusmodi euentu erectus & in ea sententia confirmatus est, placere Deo, ut improba illa ethnicorum iuris dicundi consuetudo è sacris ædibus tolleretur. itaque rem magno conatu aggressus, quod voluit ea tota regione perfecit. Idem cum neophytū, qui à baptismo sese Mahometanis ritibus contaminare non dubitauerit, in custodiā tradidisset; pagani ii, apud quos neophytus piaculum illud admiserat, publicis nuntiis ab Andrea petunt ut hominem eximat è custodia, liberumque dimittat. æquum esse negat Andreas. Illi iterum ac tertio repetunt, mortem insuper minitantes, cum nihilo magis flecteretur, facta manu in hominem ire constituunt. certior sit ea de re Andreas à quibusdam Christianis monentibus ut nescio quò se recipiat: verum ipse recusat, vtrumque locū inquiens hostibus æquè esse obnoxii. Tū è Christianis quidā: Vis ne, ait, pro tua defensione populus ad arma concurrat? Nequaquā, respondit, nauigiū vos mihi dumtaxat in fugā, si opus erit, instruite. hæc verba dum fiunt, ecce tibi repente magna hostium multitudo superuenit; qui cum Andream aliquamdiu circumstetissent, (mirum dictu) ne asperioribus quidem verbis eo compellato, nedum occiso digressi sunt.

Pagus est alius Mahometanorū, qui, cum acre incensumque Andree studiū Christianæ fidei propagandæ ferre nō possent, communi consilio, cum primū illac ei transire contingeret, ipsum è medio tollere decreuerant. verum simulatque eò peruenit, tanto eos terrore Dominus perculit, ut quasi cum ingenti exercitu

in oppidum irrupisset Andreas, ita sese abderent omnes, nec appa-
rere quisquam auderet in publico.

* Hæc, ut dixi, atque alia huiusmodi pericula in eo tractu sunt præ-
nè assidua: ut nostri imminentibus hostibus loca sæpe mutare, sæpe
etiam lintres conscendere, atque in mari pernoctare cogantur. Ma-
hometana est natio Malabatica. ii ferme piraticam exercent,
Christianis maximè infesti, quod multi iam Societate nostra
fenserunt. Petrus Vaës unà cum Socio missos Damanum, præ-
nè iam absoluta navigatione, quinque Malabarianæ biremes obuias
cùm vidisset, quàm celerrimè ad littus appulso nauigio, cum re-
liqua nauali turba vectoribusque descendit, nec tamen ita matura-
re licitum est, quin Malabares extremum agmen assequant, viros
aliquos feminaeque perimerent. Nostri duo non tam pernicitate
corporis aut robore, (triduana præsertim inedia & valetudine
propè confecti) quàm singulari quodam Dei beneficio præsentique
ope, ex hostium elapsi manibus, imminente iam nocte sese
ignoris intusque itineribus ac saltibus commiserunt. Augebant me-
tum hinc indagantes piratæ, inde incolæ Christianis infensi, cum-
que totam ferè noctem errassent, denique labore ac defatigatione
victus Alfonsus in itinere substitit, sociumque compellans: Mihi
quidem, inquit, harum gètium feritatem (quoniam sic placet Deo)
diutius euitare non licet. Tu tibi, frater, ipse consulito. Interea se
dies aperit, armatorum aduentantium manipulum adspiciunt: haud
dubiam rati sibi eadem imminere; ad preces, ut in re tali,
confugiunt, ambo sese victimas offerunt Deo. Sed res contrà quàm
putauerant, cecidit; nam Brachmanes quidam eius regionis in pri-
mis opulentus, descensione piratarum audita, ad nostros conqui-
rendos periculòque eximendos eam armatorum manum ultro di-
miserat. ii sublatus in humeros Alfonsum, ponè sequente socio,
ad Brachmanem perduxerunt, qui eos liberalissimè exceptos, ci-
bo somnòque resectos, datis etiam præsidii causa comitibus, li-
beros Damanum abire permisit. Eximiam huiusce Brachmanis (in
tanta præsertim barbaria) humanitatem ac beneficentiam Domi-
nius pro sua benignitate compenset. Idem Alfonsus Damano Goà
reuertens, in piratas denuo incidit, verùm euentu meliore, quippe
à Christianis prælio commisso, biremi una, celocibus duabus præ-
dones exuti sunt.

Petrus quoque Martinius hoc anno Bazainum ex obedientia
nauigans, in hosce Malabares incidit: à quibus proculdubio cap-
tuset, nisi egregiè instructum, quo vehabatur, actuarium medios
hostes felici conatu atque impetu perrupisset: quæ tamen res haud
omnino

omnino cessit impunè: etenim nauarchus noster in ipso transitu grauius à prædonibus ictus est.

P. verò Dionysius hoc item anno tendens Cocinum, cum ex itinere Mangalorem attingisset, ubi tum castris positus Lusitani urbem obsidebant Regine cuiusdam Christiane nominis inimicæ, (quæ urbem deinde captam euerterunt) rogatus ut descenderet ad militis confessionem audiendam periculoso vulnere laborantis, cum iam esset in littore, barbari nec opinantes Lusitanos magna vi repente adorti, nonnullos etiam, qui erant cum Dionysio, occidit: ipse, ut se ad actuarium reciperet, non minori periculo in mare se projicit, natandi pericia nulla, mortique præsentis quorundam ope subtrahitur.

In eodem exercitu versabatur cum Socio vno Iohannes Franciscus Stephanonius. is præterquam quod militum confessionibus audiendis, cum res exigeret, operam dabat, sæpe etiam hostium telis caput obiciebat suum. quippe qui, quotiescunque certandum esset, in primis ordinibus imaginem præferens Crucifixi, militibus cohortandis instaret. circa quem pugnantes cum caderent plures, incolumem semper cum diuina providentia præstitit.

Naues Christianorum duæ, cum ab Armuzia soluiscent, in Malabares inciderunt, quarum altera capta est, altera Dei beneficio effugit, quam Petrus Touarius cum Socio item vno conscenderat.

Iam verò tres alii è nostris, in iis Melchior Nonnius, Goa Cocinum versus profecti, circa mediam nauigationem Malabaribus hisce piratis occurrunt, qui celocibus aliquot, & hippagine equis onusta, quam de Christianis antea ceperant, onerariam nostram aggredi non dubitarunt, in primis totius Indię grandem ac validam. Sed non paruo ipsis ea stetit audacia: victi quippe fusi que sunt, multis ipsorum in prælio cæsis: hippagine etiam à nostris recepta. Nimis longum faciam, si cunctas eorum insidias persequar, quas nemo nostrorum hoc anno expertus non est, cui quidem hæc maxima nauigare contigerit.

Salfetanæ insule in proximo sunt, in quibus ethnicorum ducenta, Christianorum duo circiter millia numerantur, in Ecclesias quinque descripta, quibus in singulis bini è Societate rem Christianam administrant. Has potè insulas euripus bene longus à continenti disjungit. in euripi littore statio quædam est, ubi à prætereuntibus etiam viatoribus Salfetani barbari vectigal per summam injuriam exigunt. eò cum peruenisset vnus ex decem iis, quos in ea diuina versari diximus, paucis neophytis custodiæ causa comitantibus, ut è Sociis quendam inuideret, Mahometanorum actua-

actuariolis permultis breui temporis spatio circumuentus est. Ad primò quidem sat molli brachio de nostris conqueri incipiunt, quòd in transitu ad portorium soluendum appellere negligant: deinde, cum sacerdos mercatorem se negaret esse, nec huiusmodi oneribus obnoxium; irati nauigiola sensim applicant, neophytorum arma nonnulla surripiunt, sacerdotem ipsum injectis manibus vi conantur abducere: quòd ubi minùs è sententia cessit, vniuersam denique feritatem ac malitiam expromunt: contis, jaculis, lapidibus hominem petunt; ingenti arrepta parma se protegentem, neophytis etiam egregiè propugnantibus: quorum vnus, cum iam eius loci præfectus grauem ictum in caput sacerdotis libreret, aliam nullam cornens defendendi rationem, ex arcu, quem habebat adductum, emissa repenti sagitta Mahometanum trajicit: is continuo moribundus in mare delabitur, tum cæteri se recipiunt, sacerdote ex altera parte semiuivo relicto, parma (cuius munimèto seruatus est) locis compluribus perforata. Eo casu cognito vicini Brachmanes in subsidium frequentes accurrunt, & quadam quasi lectica è lignis ac linteis rapta exstructa, exceptum hospicio sacerdotem, admirabili quadam humanitate, quibus possunt medicamentis curant, deinde vehiculo satis commodo impositum, ad ipsius ædem, vt inde Goam transueheretur, deportant: Goam demum delatus ex vulneribus æger, dies amplius quadraginta decubuit. Atque iam antea ille ipse præfectus alios tres è nostris ibidem interceptos, domumque suam abreptos, multis probris contumeliisque vexauerat.

Nondum vigesimus agitur dies, cum ibidem Balthasar Gagus est captus: ac Pondam perductus, à Mahometanis Præfecto regio sistitur. Expostulanti quòd vestigal sibi non solueret, & quadam alia querenti, Balthasar satisfecit egregiè. Tum ad Christianos quosdam iussus diuertere, incolumis ad nostros postero die remissus est: nimirum propterea quòd Prætor Indiæ cognita re, statim omnes huius insulæ exitus custodiis occuparat, edicto proposito ne cui prorsus Mahometano excedere liceret: multo etiam vehementius acturus atque seuerius, ni Gagus tam propere dimissus fuisset.

In eadem Salserana regione Gagus in latrones cum incidisset, summo Dei beneficio manus eorum effugit; quòd sclopus, iam in ipsum intentus, flammam è fomite non arripuit. Hoc verò tempore ea loca Mahometanis aliisque grassatoribus admodum infesta nuntiabantur, magno utique nostrorum periculo: quos tamen (vt speramus) Dominus pro sua clementia proteget. Prætor etiam,

etiam, quo die hæc scripsi, militum cohortem ad eos fines tuendos miserat.

Iam verò de Francisco Lupio nostro quid dicam fratres? de cuius obitu è Melchioris Nonni epistola, regionibus illis pro Societate præpositi, sic accepimus. Idoneam nactus nauem, & cum cæteris rebus, tum verò epibatis nautisque plus centum instructâ, vnâ cum fratribus, eiusdem Melchioris iussu conscenderat. iter vnius diei prouecti, postridie in Malabarium celoces quindecim incidunt. pugna committitur, quam nostra nauis, vt erat egregiè ornata, ad vesperam vsque fortiter sustinet. ad extremum, intentis in prælium Christianis, tormentario pulueri casu quodam ignis admotus adèd vehemens excitauit incendium, vt primo impetu, superiore naui parte diffracta, homines aliquot in mare proiecerit. quo viso hostes nauigia propius admovent, partim vt nantes excipiant: partim etiam vt aliquid, si possint, ex onerum reliquiis rapiant. læuebat ignis interea, multisque iam partibus comprehensis, oneraria instar fornacis ardebat. Vectores ac nautæ, prout ad quemque ignis accesserat, ita se quisque è naui præcipites dare, cum vita seruitutem pacisci; nostri quattuor, etiamnum in angulo, quo nondum flamma peruaserat, continere sese, & preces ad Dominum fundere, incerti quod potissimum optarent exiitii genus: quippe, si eodem loco persisterent, iam iam deflagrandum: sin mari se cederent, vel aquarum vi moriendum sibi esse cernebant, vel hostium ceterè iaculis, ni vellent in ipsorum potestatem venire, quos à Societate nostra præsertim capitali odio dissidere non ignorabant. cum diutius deliberassent, rem totam denique Dei bonitati committere, ac ceteros imitari constituunt. dum igitur in alto iactantur, Franciscum è tonsura capitis pro sacerdote cognitum illico Mahometani in celoces accipiunt, ceteri hominè aut vita priuare, aut à CHRISTO disiungere. quærunt ex eo proinde, velint, CHRISTO deserto, Mahometem sectari: ego verò nequaquam, ait egregius CHRISTI miles. instare illi acrius, eademque, ni pareat, strictis intentare mucronibus. at ipse fortioribus etiam oculis eadem illa respondit. qua viri constantia ad rabiem concitati ac furentes barbari crudeliter hominem contrucidant. ille, præclaro nobis veræ virtutis documento relicto, dæmonis victor migravit ad Dominum. Huiusmodi triumphi ad sacrosanctæ fidei amplificationem vtiā Dei benignitate quàm plurimis nobis obtingant.

De reliquis, duo vel eundem exitum sortiti, vel inter natandum lanceis confossi putantur. id autem ex eo coniicitur, quòd omniū

m

capriuo-

captiuorum indicem seu catalogum accepimus; in quibus vnus dumtaxat numeratur è nostris: quocirca duos, vt dixi, mortuos arbitramur. Melchior ab eodem loco abest propius; is totum euentum clariùs fortasse cognouerit, Romamque perscripserit.

Restat quartus, Antonius Dionysius nomine. hunc ad terram enatantem prædones cur diutius persequerentur, non fuit: alii quippe iam in litore ad prædam parati constiterant: à quibus Antonius, quæ gentis est impudentia & immanitas, omnibus etiã interioribus vestimentis exutus, in oppidum quoddam abreptus est. Hunc Mahometani incolæ, adhuc ignari quisnam sit, in vincula catenâsque coniectum ita benignè tractate dicantur, vt nudus humi cubet stragulo culcitrate nulla, non plus scutellam oryzae quotidie in cibum accipiat. sed cum Goæ propediem affore sperabamus, quandoquidem in redemptionem est iam curata pecunia.

Nunc, quoniã rû ex hisce difficultatibus & incômodis, rû ex aliis, quæ ad vos è Iapone fortasse perscripta sunt, satis vt arbitror intelligitis, in hæc Indiæ regiones venire, aliud esse nihil, nisi dolorib⁹ mortiq^{ue}, Christi Domini causa, vltro offerre sese, modû epistolæ faciã, & alia pericula silêtio prætermittã, quæ maiore etiã animi virtutem roburque desiderant. Illud vos tantûm rogo, & per commune omnibus nobis beneficium huiusmodi nostræ vocationis obrestor: vt piã quadã abdicatione rerum omnium (non omissis interim aut neglectis iis, quæ vestræ fidei curæque commissæ sunt) expetatis ardentè, Deumque assiduè deprecemini, vt liceat vobis, ad animas vestras & corpora eisdem immolanda, in hæc loca contendere, vtique ad idiplum in primis accommodata. Quod vt impetrent pauci, non parum tamen omnes ea petitione profecerint: etenim si Dei thronum atque præsentiam frequentare, caput viramque vestram pro salute animarum ei deuouere non deseritis: profectò vestra illa studia non modò pro sua bonitate approbabit, sed etiam pro merito cuiusque remunerabitur. Præterea, fieri non potest ad mortem vt se quispiam comparet, quin idẽ ab hac vita misera sese diuellat ac separet. Dicã planiùs: quisquis pro Christi Domini gloria mortem verè & ex animo exoptat, idem nullo negotio prauas animi cupiditates coërcet, quæ res ad Deum & sanctè colendû & facile valet plurimû. Itaque sic habetote fratres mihi carissimi: eos impetus animi eaque desideria, quæ fundamentis huiusmodi non nituntur, assidua precandi exercitatione coniuncta, nequaquam esse huic Indiæ legationi atque oneri paria: quippe, quo minùs funda-

fundata sunt, eo facilius variis & quotidianis incommodis labefactata subsidunt paulatim & concidunt. contrà, si matura stabiliq̃ue virtute subnixæ fulcianrur, ingruentibus laboribus atque periculis non modò non quatiuntur aut corruunt, sed etiam magis magisq̃ue confirmantur & corroborantur in dies. Quocirca obseruet etiam atq; etiam vnusquisq; se, videarq̃ue quemadmodum ambulet: omnibus autem nobis, ad sanctam. ipsius voluntatem ac placita ritè exsequenda, spiritum Deus ipse vtrèq̃ue suppeditet. Amen. Goa, V. Cal. Ianuarii, MDLXVIII.

FRANCISCI GASPARIS, AD IOANNEM
BAPTISTAM MONTANVM.



VPERIORIS anni res gestas in vinea Domini scripsi adire antea fusiùs. nunc quæ sint deinceps acta narabo. In ditione Barptolemaï dynastæ versatus adhuc est Ficeredius, vbi Christiani subinde facti complures, in iis nobiles aliquot. Cetera ex ipsiusmet Ficeredii litteris cognoscuntur. Porro in hac vrbe Co-

chinoco, vbi ferme agit Balthasar Lupius, mulæ confessiones per interpretem sanè magno cum animarum fructu ab eodè exceptæ. Complures etiam, insignitante id tempus perrinacia, flexère tãdem animos, & præter omnium spem sese ad Christum adjunxère. Præterea, cum graue instaret huic neophytorum gregi periculum, partim ab ipsomet regulo, qui à Christiana religione vehementer abhorret; partim etiam à quorundam leuitate, qui nondum erant in fide fundati; diuinitus factum est nec opinantibus nobis, vt multi primùm ad verbum Dei audiendum, deinde etiam ad Baptismi Sacramentum accederent: & hoc ipso tempore numerus augebatur in dies. Quo de genere toto quoniam ad vos puto Balthasarem ipsum plura scripturum, hæc strictim attigisse contentus, veniam ad res Amagusanas, qua in vrbe ego, & Ludouicus frater, & Laurentius Iaponius hyemauius hoc anno, ipsius Amagusani Toni rogatu: qui cum Euangelii audiendi causa crebris me litteris inuitasset; nec mihi, nec iis quos ea de re consului, vllò pacto amittenda visa est adeò præclara Christianæ propagandæ religionis occasio. Fundum igitur venimus primùm. quo nom̃ine oppidum, in primis munitum ac frequens, quidam ex Toni popularibus obtinet. Hic, vbi è naui descendimus, obuiam nobis è nobilitate prodire perinulti nõ sine lectica, qua triùm circiter millium intervallo ad oppidũ vsque deueherer.

neque tamen ea sum vsus, quamquam id illis admodum ægre ferentibus. Bonziorum deinde cœnobio excepti sumus, vnde ipsi cū suis idolis Toni iussu paulo antè migrauerant. Huc ille nobis cū xenia protinus misisset, paulo pōst ipsemet nos gratulabundus inuisit. Affuere mox magistratus etiam, publicè gratias agentes nobis, quòd ad legem Dei prædicandam venissemus ad se. Paucis dehinc diebus in adeundis officii causa principibus, & ciuium beneuolentia concilianda consumptis; conciones in eodem cœnobio haberi cæptæ: ad quas præter cæteram turbam Tonus quoque cum arcis præfecto & aliis proceribus ventitabat, eo quidem animi sensu, vt ex iis aliquot ipso statim initio baptismū expeteret. Sed enim diabolus in humani generis perniciem intentus, cū futuræ messis copiam cerneret, conatui nostro sese vehementer obiecit. Dynasta Xichien sis est Amagusano finitimus, cuius in ditione nonnullas habemus Ecclesias, Michaële Vascō prætide; is ad Lusitanorum allicienda nauigia, tautisper dum eos falleret, suscepta Christiana religione, deinde per summum scelus perfidiamque deserta; dæmonis instinctu (quem sibi apparentem aspectabili forma & adorare coram & alloqui dicitur) hec non Bonziorum suasu, quos plerunque graues aduersarios experimus, cognita propensione Amagusani populi ad fidem Euangelicam; tam multiplices adhibuit machinas ad Tonum cæterosque ab ea mente auertendos; vt res tota frigere continuò cæperit. Quod ego magno meo dolore cū vidissem, ne in iis locis operam diutius perderem, parum absuit quin re infecta redirem: sed ne nullum omnino exstaret operæ pretium, placuit experiri ecquid in oppido vicino profici posset, cū aliis nominibus celebri, tum quòd illic Tonus maiorem partem temporis habitat: sed ibi quoque desertoris eiusdem, & aliorum Diaboli satellitum scelere aditus nobis omnes ad animarum salutem obstructos offendimus. itaque trium circiter mensium ibidem spatio per ingentes labores summamque hyemis asperitatem exacto, cū nulla iam superesset rei bene gerendæ spes; ecce tibi repentè immutata diuinitus voluntate Amagusanus Tonus baptismum efflagitat, idque cum multis, quos imitati deinceps ex aliis quoque vicis & oppidis pluri sese ad Christianam Ecclesiam aggregarunt. in iis etiā (quod mirere) Bonzius concionator insignis, idemque princeps Icoxuanæ familiæ, quæ in his locis hominum secta Luterianæ videlicet in Europa respondet; siquidē ad beatitudinē requiri aliud nihil affirmant, præter vnius nomen Amidæ: eiusque præstantissimis & salutaribus humano generi meritis injuriā fieri, si quis opera vit-

ra virtutis & suā cuiusq; industriam esse præterea necessariā ducat. Conuersus ad Christū est etia Toni filius adoptiuus, eximia spe summæ virtutis adolescens: huic ante baptismum magna fuere cum Bonziis, & Camisama Toni vxore certamina, sed omnes difficultates Deo adiuuante perripit amor cognita veritatis, & mira quædam animi inuicti constantia. idēque duodecimo quā re-natus est die, cū audisset nos profectōe parare; voluit omnino vel minima quæque delicta sacramento cōfessionis eluere; ac mihi neganti opus esse, quod ē recēti baptismo emerisset ab omni labe purus ac splēdidus; institit nihilominus ille, cū diceret ignorare se quidnā sibi euenturū esset absente me. Cessi igitur deniq; incensis officio precibus, & aures neophyto præbui, tā sciēter, tā dispositē singula recensenti, vt non sine stupore ego quidē oblatā eius animo lucem & impertita diuinitus charismata recognoscerem. Atque hæc antequam ego discessi. postea verò (quemamodum ad me delatū est) Camisama accersitum adolescentem interrogat, num Christiana sacra susceperit, quāquam inuita ac repugnant e se. Ille verò quod erat fateatur ingenuē. Tum indignata mulier, & sua in eum beneficia, & illius ingratum in se animum exprobrans; iubet illum vultu seuerō confestim ē sua domo facessere, neque suum in conspectum venire post hæc, qua denuntiatione adolescēs nō modò non exterritus est, sed etiam diserrē respondit: ingenti sese gaudio exilij ignominiam & incommoda pro Christi nomine sub-turum, sed cū ad tēplum a neophytis nuper exstructum venisset, rei que totius mansisset oppido rumor, adfuit Tonus ipse cōtinuò, & Bonzio quodam nobili secum adhibito, qui adolescentem à teneris educarat; multis precibus mitigata Camisamā, in eius gratiā innoxium filiū incolumi Christiana fide restituit. Cum his ergo manipulis Dei beneficio Bungum versus inde profectus; Fundana ex itinere attingi denuo: prolatisque Toni litteris, quibus ad audiēdum verbum Dei cunctos adhortabatur, ea fuit rerum conuersio, is ardor animorum, vt qui paulo antè nefario conatu prædicationem Euangelij vel maximè distinuerant, in iis etiam quidam ē numero Bonziorum, inmutati subito sese ad nos adiuuandos enixē cōferret. Itaque diebus octo decēque, quibus ibi substitimus, præter aliam turbam, plus viginti ē principibus ad Christum adiuncti sunt. Ex edificandi præterea templi cura mandata certis hominibus, tantus denique omnium exstitit motus, vt cū primū huc redirem, sese Christianos fore vniuersi promitterent. ipse verò dynasta Fundanus cur nomen Christo dare superfederet, id ea se afferebat, quod ē patriis legibus necesse foret sibi, dum gens tota

prophanos ritus abiciat, publicis eorum ludis atque celebritatibus interesse. itaque baptismo in proximum annum dilato, precādi formulas interim ē catechismo ediscebat. Qui in Amagusanis finibus baptizati sunt, eorum numerus in vniuersum est duum circiter millium. In Bungeni autem ditione conuersi aliquot: quidam etiam languentes erecti. Iam verò in ipsa quoque Xichi regione, quamuis desertore illo dynasta furente minaciter, cum aliqua facta est ad Christi gregem accessio, tum insuper edita nonnulla sunt veræ fidei ac pietatis illustria documenta. Cum enim ē neophytis quidam proposita capitis pœna perterritus, quæ humana fragilitas est, à Christi nomine detestaret; id vxor eius ira indignè tulit, vt vna cum filio sese à viri conuictu & consortio protinus remoueret, fortiter increpans: Auertat a me Dominus, vt cum eo viuam, qui mortis metu Christum eijrauerit: quo facto miser ille compunctus intimis sensibus, & culpam agnoscens, noctu clam ad Michaëlem Vasæum accessit: & effusè fleus, ducentisque ex alto corde suspiria, locum pœnitentiæ suppliciter petiit, paratus tanti peccati quodlibet subire supplicium: quin etiam certum sibi esse affirmans, relicta patria fortunisque omnibus, in Christianorum loca migrare, vt religionem susceptam liberius colere sibi liceret. nec fefellit fidē, nocte intēpēsta ipse cum fratre ac duodecim præterea cōsiliū eiusdem sociis abiit, qui omnes se familiari & agris, facta iā semere, neglectis, vagi & egētes Christo seruire potius, quàm domi diuites, & apud Principem gratiosi ac potētes idola colere, maluerunt. Nec minor in cæteris illius terre neophytis, quāquam numero paucis tenerisque, virtus enituit. Granibus enim edictis contra Christi cultores à tyranno propositis, tantum absuit, vt illi ab instituto recederent: vt etiam in exsilium voluntarium Christianorum oppida patriis focis bonisque relictis abire, vel si res ita ferret, vitam pro Christo profundere communi consensu decreuerint. Quia cognita re, dynasta dominum simul & inuidiam veritus, renouauit edicta: & accito ad se Michaëli nostro multa promissit.

Facata est vrbs in primis celebris, quæ hostili rabie cum aliis oppidis nuper incensa & euersa, ac denno propter loci opportunitatem exstrui capta, paulatim speciem veteris frequentię recepit: numeratque iam nunc ædificiorum ad tria millia, cum decem millibus antea censeretur. hic ego & Ludouicus in transitu dies quattuor vel quinque morati, Christianos aliquot fecimus; multo plures vtique facturi, si mensem vnum ibi ponere licuisset, is erat hominum vndique cōcursus ad nos. Ædificabat ibidem hoc repositē templum suo sumpta neophytis quidam; totus verò grex aliquē sacer-

sacerdotem magnopere postulabat: sed nemo erat quem daremus, magno sanè meo dolore: nam & illius populi inclinatio ad fidem; & ingens nationum varietas, eòdem commercii causa confluentiu, præclaram ostendit copiosæ materiæ frugis. Nuper etiam dynasta quidam, decem circiter a Cochino leucis, & locum nobis templo excitando, & in parochi sumptus vectigal annuum detulit. Aliis item locis nostri ob id ipsum valde expetuntur: sed tanta paucitas est, ut nedum alia quærere, sed ne parta quidem tueri possimus: perit enim non vno loco Christiana res operarum inopia: quanto animi nostri mœrore non dico. magna tamen eramus in spe fore, ut Dominus pro sua clementia ac bonitate subsidium nobis aliquod tam necessario tempore mitteret: prælagiebarque nescio quo modo mēs, te quoque affuturum. optabam quidem certè vel maximè, non solum ut amicissimi viri congressu & colloquio fruere: sed etiam ut exemplo tuo monitus ipse me recolligerem, quippe iam pridem variis curis & occupationibus valde distractus. Nobis Deus vberem gratiam & sui nominis caritatem cunctis infundat, ut omnibus in rebus ei quàm diligentissimè seruiamus, Amen. Cochinoci, .x. Calend. Octobris, MDLXXI.

LVDOVICI FROII AD ANTONIVM
 QVADRIVM IN INDIAM



VA mentis humanæ peruerſitate fieri dicendum est, Pater, ut quæ nobis Deus bona largitus est, ea carendo serè magis quàm fruendo sentiamus: Id adeò ex obitu Varandoni Comidoni clarissimi atque optimi viri quotidie certius ego quidem experior, cuius de incredibili studio erga nos non enq; Christianum vniuersum, licet sæpius te per litteras docuerim ante hæc; tamen hoc tempore, cum ille ingenti mœrore benorū omniū in bello ceciderit, sciendum mihi existimaui, uti paulo fusiùs ad te perſcriberem, nam & grati memoriſque animi officium id utique postulat; & ipsa commemoratio laudum ipsius leuat aliqua ex parte dolorem meum; & ad celebritatem & gloriam Diuinæ providentiæ pertinere videtur, intelligi, nobis, in tam remotis regionibus inter Bôziorum insidias, & intenta in nos barbarorum tela versantibus, nō deesse ne ex ipsis quidem principibus ethnicorum, tū nostræ salutis, tū Christianæ religionis ac fidei propugnatores acerrimos. Ac quo res tota clariùs pateat, repetā paulo altiùs initia ipsa & originē eius amicitia, quæ nobis cū illo interceſſit. Christianus est quidam

quidam in hoc Meacensi tractu non modò generis claritate conspicuus, verùm etiam propter egregiam virtutem ac probitatem summa apud omnes gratia, nomine Darius Tacaiama Fidanus. Is cum pro sua in Deum pietate, proque ea necessitudine, quæ sibi erat cum Vatandonò, de rebus diuinis deque instituto nostræ Societatis esset aliquoties cum eo familiariter collocutus; hominem denique perpulit, vt concionis audiendæ causa ad templum nostrum accederet. Cum igitur ad Gasparem Vilelam vterque venisset, ex ipso Catechismi exordio disputatum à nostris est horæ amplius spatio, vnum esse Deum fontem & originem rerum omnium, qui quæ videntur quæque non videntur ex nihilo cuncta præauerit; ac simul peruersitas & amentia sectarum Iaponicarum multis rationibus refutata est. Quæ omnia Vatandonus homo ingeniosus cum & patienter ad finem vsque audisset, & tanquam rationi rerumque naturæ consentanea valde probasset, egit in præsentia Gaspari gratias, operamque suam illi benignè admodum detulit. & quoniam certis de causis erat ei confectum in regnum Vomi (quæ ipsius fuit patria) recedendum, ad extremum adiunxit, vbi vacaret, se ad audiendum Dei verbum esse rediturum. Sequuta deinde Cubi cædes est, cumque ab iisdem coniuratis, qui Cubum oppresserant, crudelissimis hominibus, & Christianæ fidei inimicissimis, nos quoque ad necem inquireremur; fuga nobis coacti consulere, multis peragratis locis, ad urbem Sacaium denique venimus, vt ibi tuto loco, & Meacensi ditioni finicimo, bellorum exitum & occasionem aliquam redeundi Meacum expectaremus. Interea Vatandonus, cuius animo altius infederant quæ de vno cœli terræque Domino ac Deo nuper audierat, mirabiliter auctius plura discendi, petiit à Dario Tacaiama per litteras, vt a Gaspare Vilela Iaponium aliquem Diuinæ legis interpretem suo nomine postularet, quod vbi Gaspar cognouit, misit ad eum protinus Damianum, in erudiendis Iaponiis popularibus suis in primis exercitatum. qui dum magna spe rei bene gerendæ concepta, Vomium iter contendit, eo ipso tempore demortui Cubi frater Cauadonus Voiacara, elapsus è coniuratorum custodia, ad Vatandonum opis implorandæ causa confugit supplex: quem ille non modò benignè exceptum ingenti sumptu & munificentiâ plus annu in arce sua Coca fouit atque custodit, magno ob id ipsum ære alieno cõflato; sed etiã, vt in fraternum imperium restitueret, finicimos Reges nationesque circumire atque omni ratione sollicitare nõ desistit, quoad Nubunanga Rex Voaris, armatorum quinquaginta millium exercitu cõparato, & Mioxindoni & Daiondoni, qui cõiurationis principes fuerant, repressa audacia, quæ dixi exulem, in fra-

ternis

ternis opibus & gradu honoris amplissimi collocavit. Id fuit causa, cur Varandonum absentem patria, & rebus gravissimis occupatum, Damianus invenire, ac per otium (vix sperauerat) religionis Christianæ mysteria docere nequiverit. Venit deinde Sacaium Varandonus una cum præcipuis ducibus exercitus Nubunangæ, cumque apud eum esset etiam Darius Tacaiama, tempus opportunum ratus Meacensis Ecclesiæ subleuandæ: Varandonum docet, occiso priore Cubo, nos etiam factione Bonziorum per summam iniuriā pulsos Meaco, nunquam postea redeundi potestatem impetrare potuisse, neophytorū gregē, paulo antè ab idolorū servitute ad cultū unius veri; Dei traductū, orbum pastoribus in luctu & squalore iacere, de nostra magis quam de sua salute atque incolumitate sollicitum. orat & obsecrat, ut dignum se suisque rebus gestis patrociniū nostri suscipiat, sequi pro æquitate ac iustitia perditorum hominum sceleri furoriq̃ opponat: id si fecerit, magnam non à Christianis modò, sed etiā ab ipso Christo Deo gratiā initurum. Quæ ubi Varandonus audiit, alacritate mirabili delatam ad se causam recepit illico: meq̃ confestim (nā Gaspar in Bungū iam pridē evocatus abierat) ad se nocte eadem accersit, ad quē cum adissem, tanta sum ab eo non dico comitate, sed veneratione acceptus, ut in cōfessu principum (quod Europæi nostri vix credant) de sella mihi quamvis enixè renitenti discellerir, aliaque more patrio signa summi cuiusdam honoris habuerit. Mecum ego Laurentium nostrum adduxeram: quem ubi Varandonus Iaponium cognovit esse, conuersus ad eum: Quin, inquit, nisi incommodum est, mihi & proceribus hisce de Christiana lege deque vno rerum omnium conditore aliqua exponis: Tum ille, qua est facundia præditus, in eam sententiam ita copiosè tanta cum auditorum attentione disseruit, ut in mediam usque noctem sermo prætractus sit. cū perorasset, eius orationē & argumēta magnis laudibus Varandonus extulit, & simul nostrā causam principibus, qui aderant, ex animo commendavit; quos ego cū officii causa postridie conuenissem, nō modò me perhonorificè accepere singuli, sed etiam suum omnibus in rebus mihi studium operamq̃ benignè polliciti sunt. Ad hæc Varandonus, qui Sacaiani populi tumorem & superbiam nosset, nec ignoraret, nos ex quo tempore Meaco sumus exacti, quasi profugos & abjectos homines vulgò cōtemni; ad conciliandā nobis auctoritatem & gratiam: semel iterumque honoris causa domum nostram non dubitavit venire, tanto stipatus grege amicorū, ut multitudinem via ipsa non caperet. Quin etiam Fabium Reoqueium indidem Christianum primarium virum, quodd nos in eo exilio beni-

gnè fouisset, accersitum ad se non modò magnopere laudauit, gratiasque egit illi mirificas, verùm etiam hominem de suo liberaliter admodum muneratus est, addens insuper, quicquid in nos officii ac beneuolentiæ contulisset vel conferret in posterum, id se perinde gratum esse habiturum, ac si totum in semetipsum collatum fuisset.

Post hæc Meacum reuertit: paucisque diebus interiectis fecit me per litteras certiozem, se de reditu nostro cum Nubunanga & nouo Cubo transgisse: itaque Darium propediem ad me reducendum esse venturum. itaque factum est; quanto neophytorum gaudio, tu ipse existimabis, cum id propter aduersariorum summâ gratiâ atque potentiâ sperare vix iam ullus auderet. Tandè igitur ueni Meacum, & quoniam ardes nostras quidam tribunus militum occuparat; diuerſi ad Christianum ciuem Meacensem, Antonium nomine, virum in primis honoratum ac nobilem: statimque nos Vatandonus ter deinceps inuſit, hospirique nostro item, vt Sacaii fecerat, dedit munera, ac petiit, nos ad aliquod tempus habere domi ne grauareretur: intellecturos breui Christianos quanta cum fide curaue Vatandonus Patrum negotia transgisset. quæ tanta significatio beneuolentiæ dici vix potest, quantam nobis apud illos existimationem attulerit. Nec ita multo pòst (sanè præter opinionem infidelium) quæsitum ipsemet me magno comitatu deduxit in regiam, fecitque & effecit omni artificio, vt inspectantibus & tabescentibus Bonziis, in magna principum frequentia, cum à Nubunanga tum à Cubo quàm honorificentissimè admitterer. Ad hæc, nostræ non modò mansioni & incolumitati, sed commodis etiam & ornamentis per litteras regias diligenter cavit: quæ quoniam ab ipsis etiam ducibus, atque à principibus Bonziorum, non nisi magno auri argentiue pondere comparantur; cum idcirco Vatandonus insciente me ad Nubunangam decem auri laminas iustæ magnitudinis attulisset; negavit ille subridens in tali causa opus esse muneribus: decretum ipsemet, quæ maximè vellet formula scriberet: se id confestim suo chirographo muniturum. Tum ille tanta regis in nos propensione animaduersa, scripsit non modò vt nobis tuè Meaci habitare liceret; graui pænâ proposita, si quis nobis negotium facesseret; sed etiam vt ardes nostræ ab hospirio militum (qui ferè in templa & cænobia diuiduntur) ac præterea vti vicinitas nostra tota à vigiliis obeundis præbendis ad munitionem operis, aliisque id genus oneribus esset immunis: quæ omnia cum à Nubunanga & Cubo, quamuis contranitentibus aduersariis, impetrasset; subscripta diploma

mata

mata (quorum ipse in suo tabulario exemplum retinuit) magna sui animi voluptate vocato ad se Laurentio tradidit; pollicitis insuper, se daturum operam, ut Tribunus ille, qui nostras occupauerat aedes, iampridem a Christianis desertas, excederet: idque multis adhibitis internuntiis tam diligenter curauit, ut ille denique in superiorem urbis partem ingenti populi admiratione migrauerit.

Multo deinde post, cum Rex Micauæ inuisendi Cubi causa Meacum ingenti comitatu venisset, exceptus est non ita remoto ab aede nostra diuersorio. cumque, ad accipiendos amicos eius, quorquot erant propinqua Bonziorum ædificia occuparentur; veritus Vatandonus, ne quid nobis quoque molestiæ exhiberetur, scribam suum & aliquot præterea è familiaribus misit ad aedes nostras, qui speciem præberent occupati iam ab se hospitii: quæ res utique nos ab omni eiusmodi incommodo liberos præstitit. neque verò id ipsum egregiæ beneuolentiæ commentum ille significauit nobis; è scriba deinde cognouimus ipsius conscio secretorum. & sanè tum hisce, tum aliis in rebus, quæ vel ad commodum vel ad dignitatem nostri ordiuis pertinerent; tanta fuit eius diligentia & amor in nos, non modò ut preces nostras, verùm etiam voluntates suis ipsemet fidelissimis consiliis, officiis, benignitate præterueret.

Quandiu Nubunanga Meaci commoratus est; ad eum ego de Vatandoni sententia aliquoties accessi, tam facili mihi ex illius commendatione aditu ad regem, ut multis interdum dynastis & principibus Bonziorum ad limina præstolantibus, ego extra ordinem intromitterer. Sed cum proximè ad regem sub eius protectionem adissem, longa illa disputatio, de qua scripsi ad te antea; de immortalitate animarum incidit mihi cum Nichioxine Bonzio, viro in primis discretò, & propter egregiam rei militaris peritiam (neque enim hoc sacerdotum genus abhorret a bellicis artibus) magna apud regem auctoritate. ex quo certamine cum ille turpiter victus abiisset; in eam exarsit rabiem, ut nunquam ex eo die perniciem nobis moliri desierit. cuius furori & amentia cum locis omnibus apertè sese Vatandonus non modò consilio, sed etiam armis opponeret, nec illum usquam consistere pateretur; superatus ille viri constantia, ubi se viribus impari sentit, omni deinceps dolo & insidiis grassari constituit. Diffimulata igitur in tempus iracundia, falsis criminationibus circumuentum Vatandonum eo tempore ægrotantem, adedò artificiosè & callidè apud Nubunangam accusauit, multis diaboli satellitibus

satellitibus in eius flagitij societatem adscitis; vt Rex mēdacis o-
neratus, adeuntem ad se valetudinē recuperata Vatandonum non
modò aditu congressuque per summam ignominiam arcuerit, sed
etiam aureorum viginti millium annuo reditu, & nobili in primis
arce multaris. Quo ille tam insigni accepto incommodo, tantum
abest, vt quicquam idcirco de suscepta in nos beneuolentia stu-
dioque remitteret; vt etiam palam discitaret venientibus ad se
consolandi gratia principibus, præclare verò secum actum es-
se, cui nostra causa in tantam calamitatem incidere contigis-
set: atque aded, quo illustrior esset amor ipsius erga nos,
quamquam tanta facta & rei familiaris & dignitatis imminu-
tione; tamen diligentius etiam quàm antea, vbicunque opus
foret, nobis omni ope curaque affuturum. Interim ex altera par-
te Nichioxines, & ceteri Bonziorum antistites, oppressa inno-
centia impōnē volitare; nobis ferrum flammamque minitari;
de templo nostro funditus euertendo, serendoque ibidem sale
per ignominiam perduellibus constitutam, in suis cœribus mul-
ta iactare: nec tamen cessit illis ea res ē sententia: nā & Nubun-
ga Cubusque nos nulla nostra culpa aut domo aut ex vrbe pelli
passi non sunt: & machinationis eius artifex Nichioxines, iusto
Dei iudicio compluribus eiusdem flagitijs ac facinoribus patefa-
ctis, haud ita multo pōst à Nubunanga multis verbis male acce-
ptus, & omni dignitate spoliatus est: & anno vertente Vatando-
nus cū ad Nubunangam, qui tum fortē Meacum redierat, sor-
didatus venisset: Diuino prorsus beneficio, amicorum depreca-
tionibus ad causam dicendam admissus, tantam suæ cladis mise-
ricordiam exciuit, vt illum Rex, viri metitis & probitate perspe-
cta, in pristinum gratiæ locum restituerit, & insuper dena aureo-
rum millia ad viginti, quibus antea fruebatur, addiderit.

Iam, qui apud alios causam nostram tam diligenter agere soli-
tus fuerit, qui ad potentissimos Reges aditum nobis tam studio-
sè munierit, qui denique pro nobis fortunarum & capitis discrimen
aderit; ineptum arbitror explicare quam benignè quamque
honorificè nos accipere consueuerit ipse venientes ad se vel Mea-
ci valde remoto à nobis loco, vel in suis extra urbem oppidis aut
arcibus habitantem. Quam ille cura cauebat exceptis hospicio, ne
quid nobis omnino deesset! quàm familiariter nos in ipsis æ-
dium penetralibus, quo paucissimis ē familia patebat introitus,
vnā cum vxore liberisque adhibebat ad mensam! quoties, rei
Christianæ causa iter habentibus per infesta latronibus loca, nobis
equos & corporis custodes attribuit! quàm saepe xenia misit hu-
manissi-

manifestè: quàm suauiter si quid vicissim ad illum nos allatum ex Europa vel ex India mitteremus, quod Nubunāgæ vel Cubo gratum fore intelligeret, remissum id ipsum ad nos, monuit ut illis potius opportuno tempore largiremur! Neque verò nobis fauebat ille tantummodo: sed etiam Christianam rem tanto erat ardore complexus, ut de Diuinæ legis præstantia, de sempiternis post mortem præmiis atque suppliciis, de virtutibus Christianis in cætibz principum ferret ipsemet ex occasione sermones. Quinetiā multos, dum esset Meaci, per causam inspiciendi horologii, ignotæ in his regionibus machinæ, domum nostram adductos, eadem opera sacris concionibus admovebat; atque ubi peroratum esset, summam totius doctrinæ iterabat ipsemet, præcipuis locis insistēs, & Bonziorum fraudes & errata redarguens.

Iam verò neophytorum, quos omnes fratrum numerabat loco, defensionem æ patrōcinium quàm ex animo suscepisset; cū aliis plurimis rebus ostendit, quas ego, ne longior sum, consultò prætereo; tum verò insigni quodam pietatis & iustitiæ documento. id fuit eiusmodi: Vetula quædam erat de grege neophytorum, Dominica nomine, cuius filius in templo nostro ministrare consueuerat; hanc ethnicus nescio quis potens cū de quarundam ædium possessione deturbare per vim & iniuriam conaretur; confugit illa supplex ad Vatandoni fidem, cuius deinde beneficio quicquid cupiebat, obtinuit. sed prima luce ad eum profecta, dum expectat ad fores, pueri quidam è Vatandoni familia rosarium, quod de more muliercula percurrerebat, interea per ludibrium, ut sit, vellicare; stanneam icunculam è rosario pendentem abripere. tum illa indignari, & impietatem facti muliebriter accusare. contra pueri quo magis irritatam vident, eo instare acrius, & illudere. cū strepitus inualesceret; exaudit è cubiculo Vatandonus feminam quiritantem. quærit continuò, quid sit rei. proteruitate pueroꝝ cognita, iubet ex iis tres protinus comprehendi; seuerè admodum increpans declaraturum se, quanto opere velit Christianos omnes ab omni contumelia tutos, domi suæ præsertim, cumque dubium esset nemini, quin grauiter esset in eos animaduersurus, muliercula primū pro illorum salute deprecari; cū nihil ipsa proficere; monitus ego statim ad eum mitto Laurentium: qui cū nihilo magis hominē placare potuisset; ego ipse denique ad illū accessi: multisq; rationibus iracundiā mitigare conatus sum, sed nec vetulæ preces, nec Laurentii legatio, nec nostra contentio flectere animū hominis valuerunt, quominus vnum ex iis, quippe notiore perulantia adolescēculū, in arcē suā ab vrbe amā-

datum,

datum, capite plécteret. tantam ille venerationem rerum diuinorum, tantum cultum religionis imbiberat Denique, vt finē faciā, Christianos omnes omnibus minimis maximisque rebus fovebar sicuti liberos indulgentissimus parens. Miteretur fortasse quispiam, quæ res catechumenum eò pietatis ardorisque prouexerit. Primū, vt ego quidē arbitror, insita illi cōstantiā, & bonitas tam insignis, vt forres viri permulti, relicto vberiore stipēdio, ad ipsius ductum & imperium sese vltro conferrent: deinde ac multo etiam magis, frequens auditio & cogitatio verbi Dei, cui, quoties per bellicas aliaque grauissimas occupationes licebat, aures dabat quā studiosissimē. captus erat quippe vehementer honesti pulchritudine, & Christianæ fidei veritatē & excellentiam magis admirabatur in dies; & sanē, cum primū ei Laurentius eternitatem animæ & varias ac multiplices eiusdē vires exposuisset, stupore propemodum attonitus Vatandonus, qui ad eam diem in hæresi fuisset lenxuanorum, qui nihil omnino post mortem superesse opinantur, palā exclamauit: se tum demum ex, quo ea didicisset, hominē sibi videri: antea quidem in tantis errorum tenebris infra ipsas pecudes iacuisse miserrimum. atque etiā Tacacuquim (id arci nomen) eundem Laurentium ad se magnis precibus euocauerat, quo cōmodiūs catechismo vacaret: eoque probē peractō, Christianæ militiæ obligare sese baptismi sacramento decreuerat. sed hæc parantem & assiduē meditatem oppressit mors illi immatura, Christianis omnia luctuosa; quem tibi casum exponam, vt potero.

Iquenda est regio finitima dirioni Vatandoni: quam regionem bellicosi admodum incolunt populi. in eius limite cum Vatandonus castella duō excitasset: non tulit factum Iquendæ regulus, exercitu repentē coacto, primū omnium præmia pronuntiavit aureos annos M. D. si quis ad se caput Vatandoni retulisset: deinde verō postridie ad vnus ē castellis oppugnationē tetendit infestus. Quod vbi sensit præfectus præsidii Varius Tacaiama, citato equo misit protinus nuntium ad Vatandonum in arce vicina Tacacuqui morantem. is cognitare, quas habebat eo tempore copias, præcipiti agmine ducit obuiam hostibus, ducenti eius latera stipabāt lectissimi viri: cum his intrepidus antecessit, reliquos opinione sua pauciores (haud plus quingenti fuere) cū filio subsequi iussit. Hostis comperta paucitate nostrorum, veritus ne si Vatandonus idipsum resciret, omissa pugna se in castella reciperet, maiorem partem exercitus iuber occulte confidere ad montis radices: cæteris imperat, Vatandonum ad certamen eliciant. Vt propiūs ventum est, Vatandorus puniceo insignis galero, quem dono à Lusitanis acceperat,

perat, ardens cupiditate pugnandi. non expectato subsidio, cū sua cohorte dumtaxat, ex equo defiliens (neque enim equites in Iapone pugnare mos est) seie in aduersos ferociter intulit, neque antē prouidit insidias, quā confurgente vndique multitudine circumfusus est. Pugnatum vtrinque acriter: quoad Varandonum multis acceptis vulneribus egregiē dimicantem obtruncauit ex hostibus quidam, cum quo gradum fortē contulerat; verū is quoque lataliter saucius, dum certa pretii spe caput asporrat, paucis confectis passibus moribundus occubuit. reliqui stipatores Varandoni ex præcipua nobilitate ad vnum omnes cæsi. Qui erant in subsidiis, cū se longē impares cernerent, fuga repentē dilapsi. Varandoni filius in arcem Tacacuquim cum admodum paucis configit. hostes victoria vsi, vastatis agris, villis incensis ad arcem castra posuere; ego quo die malē pugnatum est, eram in insula Sanga, iis ipsis locis ita propinqua, vti fragorem tormentorum exaudirem. Sed nihil tale suspicanti mihi tristis adest repentē nuntius, Varandonum cæsum esse cum suis. id vbi Meaci cognitum est, Organtinus Italus & Laurentius Iaponius, Bonziorum insolentiam veriti, neophytorum hortatu omnem apparatus sacrorum in turum asportandum curarunt. ego ne quid aduersarii contra Christianam rem audacius molirentur, quo ipso die hæc scripsi, manē Laurentium ad Nubunangam & amicos ipsius cum muneribus miseram. omnino turbulentæ erant res: multi circumquaque inimici: neophytorum grex metu ac mœrore perculsus, auxerat inuidiam obitus ipse Varandoni, & rumor improborum scelere dissipatus: omnes, quicunque nos foueant, tandem iratis Diis funditus interire. Nos in tanta solitudine periculisque vna scilicet fiducia bonitatis Diuinæ sustentat: quam quo magis magisque demereamur in dies: tuas, pater optime, fratrumque omnium pias pro nobis deprecationes & sacrificia vehementer expetimus. Meaco, 1 V. Calendas Octobris, M D LXXI.

EIVSDEM AD ANTONIVM QVADRIVM IN INDIAM.

QVANTA esset rerum perturbatio, qui Christianorum dolor ex obitu Varandoni dynastæ viri fortissimi nostri-que amicissimi, nuper ad te fusè perscripsimus. Ex eo die insperata quædam, eadēque cū ad muniendam Evangelio viam, tum ad leuandum mœrorem nostrum in primis accommodata exsistere, quos ego cunctis hac epistola persequar.

Qued

Quod ipsemet nostri iam pridem, Frenoiama excelsus in primis est mons, nouem circiter millibus passuum ab vrbe Meaco situs ad orientem. In eo monte Rex quidam Iaponis, patriæ superstitioni appime deditus, ante annos octingentos templa construxit ad tria millia & octingenta, ædibus adiunctis dumtaxat in vsum Bonziorum, qui legum ac disciplinarum in studio versatètur. quod vt sine vlla interpellatione quam commodissimè facerent, non modò turbas ac strepitus omnes agricolarum inde remouit: sed etiam vicos duos, vnde omnia necessaria peterent, ad montis radices ædificauit, superum inferumque Sacromotum, (id locis nomen) iisdemque Bonziis insuper, tertiam ferè partem vectigalium Regni Vomenensis attribuit. Quod opus ab illo Rege fundatum, posteri eo impensius adiuuerunt, quòd vniuersæ Academiæ summo cū imperio præponi solitus est aliquis vel ex filiis regis, vel quā arctissima certè cu rege affinitate cōiunctus. Itaque in tantā amplitudinem excreuerat olim Academia, tantumq; illi honoris & auctoritatis accesserat, nō solū vt Meacensis omnis iurisdictio illorū hominum arbitrio regeretur, sed etiā vt omnes fessæ Iaponiearū superstitionum interpretes ducēsq; sectarū inde, tanquā ex perennī fonte vel seminatio quodā, existerent. sed imminuta paulatim regia potestate, rebusq; (vt sit) bellorum iniuria ac vetustate labentibus, ingens ille templorum numerus, quæ sexdecim dispersa cōuallibus, antea visebantur; ad octingenta vel paulo amplius rediit. ac simul Bonziorum illa qualiscunq; disciplina sensim ita soluta est, vt omni abjecto pudore sese turpissimis voluptatibus flagitiisque dederint: atq; ad armorum vsum ac latrocinia studio doctrinæ religionisque cōuerso, cū aliā multa per vim nefasq; patrarint; tū verò annis ab hinc septem & triginta Meacum urbem, ingēti facta hominum cæde, parè totam inecnderint. Verū iusto Dēi iudicio, cū præsertim allatam ad se CHRISTI Euangelium obstinata respuerent mente, contigit anno superiøre, vt graui bello inter Nechienis Regem & Nubunangam exorto, illius copias Bonzii tecto & comnearibus iuuerint, Nubunangam verò præter cæteras iniurias etiā trāitu prohibuerint. Quare ille maiorem in modum offensus fremensq; ne, pactis cum hoste induciis, in regnū Voaris rediit, ac primū Bonzios eius regionis Icoxos (qui dicuntur) castellis omnitibus exiit, & quotquot viuos vel ex ipsis vel etiā ex eorum popularibus capere potuit, omnes cruci suffixit: deinde aucto exercitu, victicia signa repetrè ad Frenoiam ira stimulante conuertit. Tum primū temerarios Academicos, & omnia sibi secunda pollicitos, verus belli terror inuasit; prænituitq; lacesti-

fi Nubunangæ; cumque se viribus longe inferiores cernerent; missis legatis, magnò primùm auri pondere, deinde loci religione metuque numinùm placare cōnati sunt Rēgem: quibus ille cūm respondisset; nec se pecuniæ cupidum; sed vindicem scelerum & ultorem iniuriarum adesse: nec inanium Deorum vlla tetteri formidine; tūm illi ut in re trépida, contra hostium impetus omni iatione se comparant. Erat in ipso montis vertice templum Quānoni dicatū, quem deum vel dæmonem potiùs miro cultū veneratur Iapone toto cæca gentilitas, plurimique mortales voruā peregrinatione suscepta eodē assiduē cōfluebant, quod persuasum haberēt ab illo Deo longioris vitæ spatia, bonā valetudinē diuitias impetrari: Frenoiāmani verò Bonzii sacra quōtannis eidē ac ludos ingenti apparatu sumptūq; persolvere soliti sunt, quibus continuò in vrbe Meaco Gibonis solennia succedebant eo pompe ordine, hominū frequentia, commentis artificum, ut satis appareat æmulum diuinæ gloriæ Satanam, in iis locis, anniuersariam apud hos corporis Christi celebritatem effingere voluisse. In illud igitur montis cacumen & Bonzii & e proximis pagis promiscua turba sese recipiunt: stationibusque dispositis, hostem ex eo loco prohibere constitunt. At Nubunanga Sacomoto & Cātava vicis cum incolarū internecione incensis euerlisque, montem ipsum Frenoiāmam, ne quis ē numero Bonziōrum elaberetur, cōrona circūdedit. deinde instructū exercitum in eos aduerso cliuo submisit: restitēre aliquāmdū ē superiore loco Bonzii: vrgēte dein multitudine hostium, effractisque claustris, & superata munitione, trucidati ferē omnes: ac simul, iniectis maximo ac nobilissimo templo facibus, ea tota moles horribili prorsus incendio conflagrauit: atque id ipso die festo Michāelis Archangelis, 3. Cal. Octob. ut ad hostes Christi delendos, tollendaque prorsus illa nequitie cubilia, & scelerum officinā, princeps militiæ cœlestis præsenti ope affuisse videatur. Postridie verò, qui dies fuit natalis Beati Hieronymi, Nubunanga circummisso milite, latitantes ferarum instar Bonzios, qui prælio superfuerant, protractos ē dumetis aut specubus interemit. sub hæc domus eorum direptæ, fana plus CD. cum omni sacrorum instrumento pariter concremata, ingens omnibus circa nationibus terror incussus. Meacum dein Octobri mense ineunte victor Nubunanga se contulit. Hic ego & Organtinus ad eum officii causa cūm adiissemus; non modò comiter ambos accepit, verū etiam (quod vix credat quispiam) se se in nos peramanter effudit. Quod superest; te Pater etiam obtestamur, ut nos totūque Iaponicū gregem hunc tuis &

sociorum piis deprecationibus & sacrificiis adiuuare ne desinas. Meaci, Natali die sancti Francisci, MDLXXI.

Scriptis iamdiu litteris necdum datis, alia quædam interim euenere; quæ ego ad Diuinæ iustitiæ ac prouidentię fidem glorięque deesse nolui, quin adscriberem.

Germani duo fratres erant in vrbe Meaco, tum genere tum diuitiis clari: iidemque Xacę cultores egregij. quorum vterque sese religioni Christianę in primis acrem aduersarium assidue præbuit, iidemque superioribus annis antesignani fuere factionis eius, cuius scelere nostri Meaco semel iterumque per summam iniuriam exacti sunt. Anno deinde post ferè sexto, cum ego Varanæ doni opera ac studio restitutus ad Cubum salutandi causa de more venissem, die quodam accidit vt ex his fratribus natus maior adesset, nomine Taquenus Vchisamidonus. Is, quo erat in nomen Christianum odio ac rabie, non potuit sese continere, quò minùs coram ipso Cubo me sociosque maledictis incesleret, nobisq; cum alijs calumnias, tum præsertim esum humanę carnis objiceret, quę tamen crimina ab iracundia ac furore profecta, apud Cubum ceterosque, qui aderant, minimè valuerunt. Idem nuper, Euangelij progressum & collabentem Deorum suorum existimationem incredibili quodam animi dolore cum cerneret, fretus tum suis opibus, tum gratia principum, nouam Xacę sectam condere aggressus est, iamque repudiata coniuge, mentoque & capite raso, Bonziorum habitum & cultum induerat, cum ad illum adiungere se dæmonis instinctu cœpere complures: quibus ille magno sumptu amplum cœnobium exstruebat; (numerus enim discipulorum ad C. D. ascenderat) concionibusque panē quotidianis populum contra Christiana sacra legesque miris artibus incitabat. sed cum illum tantis debita sceleribus vltio Diuina maneret, accidit aliquando, vt intemperantia linguę prouectus præsentē Cubo Nubunangam Regem dictis amaris haud obscure perstringeret, affirmans illum iam ad summum potentię culmen euectum, diutius in eo fastigio stare non posse quin rueret, vel certè quasi matura vel potius vieta ex arbore bacca decideret. quibus remere iactis, non defuere confestim, qui ad Nubunangam cuncta deferrent: quibus ille auditis, vniuerso Bonziorum generi, multis iam antè nomini- bus infensus, vt diximus, adeò excauit, vt in regnum suum Voaris Meaco decedens, comprehensum nouum hæresiarcham, & e- quo impositum, quamuis magnopere deprecante Cubo alijs- que proceribus, quindecim à Meaco leuitis in ipso itinere securi percussit. ad hæc liberi, euerfis & solo æquatis domibus eorum,

& cœnobio nuper ædificari cœpto, in exilium acti sunt, triduo autem pòst (quod mirandum est magis) frater ipsius, equè acerbus CHRISTI inimicus, in vrbe Sacao infixa pedi spina dolore confectus ac miserabili genere leti defunctus est: vt in vtroque euidenti significatione cœlestis iræ vindicta satis appareat.

Franciscus Capralis ad nostrorum lustranda in his Meaci partibus domicilia non ita pridem accessit. ego cum deinde in regna Mini, Cœnoquuni, Cauachisque deduxi. Paschalia verò festa Sangæ peregrimus: quo fructu, ex aliis litteris (vt spero) cognosces. Te Pater optime Dominus tueatur incolumem, Meaci, Idus Augusti, MDLXXII.

EIVSDEM AD FRANCISCVM CA-

PRALEM.



VLLAM puto regionem ex iis, quæ Christianorum navigatione vel armis apertæ sunt, in tanta rerum vicissitudine ac varietate versari, quantam assidue patitur hæc terra Iaponica. Mitto cetera quæ tibi nota sunt. Post tuum à nobis digressum, quot cædes, populationes, euersiones urbium, & incendia consecuta! Cubo enim (vt nosti) Nubunangæ opibus restituto, cum res Meacensis utcunque pacata videretur esse, repente quibusdam interpositis offensionibus, (vt sunt irritabiles animi Regum, & omnis imperii suspiciosa communio) periculosum & graue bellum inter eosdem exarsit, cuius belli initio cum se Cubus, euocatis vndique militibus, in arcem munitissimam recepisset, & cum hostibus Nubunangæ inita societate (qui multi potentesque sunt) tantum virium collegisset, vt Nubunanga nequaquam e suis finibus egressurus in præsentia crederetur; tum ille nihil hoc apparatu perterritus, præter omnium expectationem cum robustis legionibus affuit: captusque misericordia populi, cum frustra per interpretes de conditionibus pacis egisset, malo cogendus ratus, qui monitis non pareret, quamquam inuitus, atque a deo illacrymans tantæ cladi, (vt athermant) omnibus passim rectis agrorum, multisque præterea idolorum fanis, Bonziorumque contra nobis, ad hæc vicis frequentibus vno die centum exutis, prædaque ingenti rerum non modò agrestium sed etiam urbanarum abacta, (quod ciues tumultus initio veriti ne Meacum recta contenderet, pretiosam supellectilem cum liberis vxoribusque in ea loca raptim auexerant) rursus Cubum institit ad pacem inuitare. At ille fœderatorum copias propediem expectans, cum interim omni opo resistere & vltima experiri decreisset, tum verò Nubunanga

vehementius irritatus urbem ipsam euertere statuit. Est autem pro situ loci diuisa bifariam, sic ut altera pars Meaci, superior; altera inferior nominetur. Superiorem, longè celeberrimam totius Japonis, præcipua nobilitas incolebat. si direptionis & incendii metum ingenti pecunia conati redimere, nihil profecerunt. inferioris urbis exitus felicior fuit: siquidem cines, & in iis Christiani permulti, non tam argenti pondere, quàm precibus infimis & humilitate veniam & pacem à Nubunanga impetrarunt: itaque totis castris graui poena proposita iussit edici, ne quis inferiori Meaco damni quicquam inferret. Interim in superiori parte consecrati aliquot, ne in patriæ direptione & exitio nulla ad ipsos prædæ portio perueniret, vitro ignem tectis iniicere anteuertunt, qui tota ea nocte longè lateque vagatus, tertiam ferè oppidi partem absumpsit. postridie verò Nubunanga cum suis inuectus, quod erat reliquum omne combussit. eo incendio ædes priuatae ad octo milia, Bonziorum cœnobîa viginti, & in iis duo Xacæ & Amidæ nobilissima & maxima; minoris verò formæ ad octoginta conflagrasse dicuntur; quorum in vnum trepida fuga se se abdiderant Bonzîæ mulieres ad sexaginta ex iis, quæ sibi cogendæ ad instaurationem sani Daibud in regno Thematis religionis causa dabant operam. Non defuit in tam festuosa clade res prætereidenda. Manibus mortuorum ad inferos primùm, deinde ad beatas Amidæ sedes, cum tempus facit, deducendis, litum nescio quem, feræ instructum tridente. præfecit Japonica fabulosis. Huius luti delubro (quod in Meaco inferiori colebatur) Bonzî meruentes exitum, fortibus coram ipso iactis, querere num illud inde amoveri expediret. eam responsum esset utique amouendum, idque continuò, etiam loci imminere sine dubio flammam; antistites templi & vniuersa vicinitas, magna cum veneratione ac cerimonia, statuas in Meacum superius transfuêret: cumque iam in tuto rem esse putarent, ecce sub conspectu repente, ut dicebamus, ibidem incendio, simulacrum penitus deliquit. Interea inclusus arce Cubus nihilò magis fecti, quoad Nubunanga castellis circa ipsam arcem quatuor exieratis, obfidiōne hostem premere, & operibus oppugnare consuevit, minis insuper aditus Imperatoris dignitatis ab ipso in Ducis filii transferenda. Quo metu victus Cubus, postea tandem ferocibus animis, præteritam càm expectata dudum uictoria non adesset, pacem capere: neque abouit Nubunanga, quāquā longè superior, & explorata præe victoria. Scriptis itaque conditionibus obsideri damque tam è, q̃ nō p̃curat sine aore, negabit p̃curat Cubū in

editione mansurū; sed hæc morā interpositā, quoad auxiliū à sociis quandoque veniat: adeò grati, quæ Nubunangæ a Cubo pro singularib⁹ eius in se promeritis maxima debebatur, (quæ humani est ingenii prauitas) in odium verſit.

Nobis inter hosce tumultus, quorum vix minimam partem hisce litteris attingi, tamen rem Christianam amplificare non licuit, tamen haud omnino cessatum est. siquidem & neophytos exanimatos metu solati sumus, & multos inopia rerum omnium pressos, conquisitis eleëmofynis recreauimus, & plurimis rebus vicissim eorum in nos fidem ac beneuolentiā sumus experti. Qua illi cura sacrum instrumentum & imagines, ne quid paterentur iniuriæ, locis idoneis abdiderunt! Quanto studio pos in eas arces & oppida certatim inuitarunt, quæ maximè remota ab hisce periculis videbantur! Quo sensu post sedatos tumultus incolumitatem nobis frequentes gratulati sunt! cū quidē præ gaudio plerique lacrymas nō tenerent. Iam verò illa quoq; res magno nobis fuit solatio, quod inter ipsas armatorū cateruas multa militū vexilla saluari signo Crucis distincta conspeximus: in quibus Ioannes Naëtondonus Tābæ regulus, idemque rei militaris laudē insignis, in ipsa galeæ crista nomen Iesū maioris formæ litteris aureis gestabat inscriptum; cuius viri egregia pietas, atq; constantia silentio mihi prætereunda non est. Primū enim ethnica matre, cū tū hīc esses, ab hostibus interempta, anno deinde vertente à suis monitus, vt mortuæ ritu Iaponico parētarer, ac Bonziis de more munera mitteret, ille verò sese paratū inquit iusta parēti perſoluere; quippe si minus illi, quæ sua culpa Euangelicæ lucis expers è vitā migrauerat, sibi certē ac fratribus haud dubiè profutura. Cōfestim ergo pauperibus è regnō Tābæ inuitatis, (conuenēre autē circiter mille) ante ipsa arcis mœnia & largū epulū vniuersis, & certā pecuniæ summā singulis præbuit; Christianas inserjas ethnicis ingēti cū approbatione mirantibus. Idem, cū ipso tumultus initio duo millia lectissimorū militū ad urbē Meacū adduxisset, (quo maximè præsidio fretus Cubus arcē tueri decreuit) sacramento rogatus Cubi nomine, verbis ethnico ritu conceptis, quibus nī fidem præstent Imperatori, vel Regi, Duces militēſve, sese caputque suum æternis inanum deorum suppliciis deuouēt; negauit ille se falsos deos fidei suæ testes adhibiturum, sed vnum Deum rerum omnium conditorem; nec alio iure inrando obligari se passus est; eodemque die sub vespere venit ad templum. Christianis dumtaxat militibus comitantibus, ibi cū aliquandiu precationi vacasset; pœnitentiæ Sacramentum à me poposcit supplex, & simul rationē ac viā

confessionis bene atque ordine peragenda. Præceptiones igitur illi quasdam tradidi Iaponica lingua conscriptas, quibus perlegendis, & notando si quid opus esset, totam eam noctem nulla capta quietis parte consumpsit, ac deinde peccata de more confessus, arcem introiit: Gerit autem ad assiduam mortis recordationem propalam è rosario maiusculæ formæ caluariam, aliaque eiusmodi religionis insignia præ se fert eo clariore tum virtutis indicio, tum pietatis exemplo, quod idem & in ipso flore iuuentæ nunc est, & bellator egregius. Idem in illo Meacensi discrimine veritus templi nostri direptionem, non modò milites ad eius custodiam, sed etiâ iumenta misit ad supellectilem auhendâ; & summa cura quotidie ex arce, quo loco res esset, per internuntios exquirebat; meque codicillis monebat identidem, vt ex his periculis Tambam effugerem ad suos, datis ad eos litteris vt me perinde ac semetipsum acciperent. Rebus deinde vtrunque compositis, vt primùm Nubunga discessit, confestim salutandi causa venit ad me, suâque mecum assiduè negotia communicare non desinit; ac præter insignem probitatem & fidem tam docili est ingenio, vt Lusitanicas notas imitari bis tæve dumtaxat aggressus, recentissimas ad me litteras dederit Lusitanico charactere conscriptas. Præterea cum Bonziis, apud quos diuersatur, de religionis veritate concertat: refellitque mirum in modum eorum insanias; quin etiam suis militibus pium aliquem librum quotidie lætitat ipsemet, eosque ad Christianam fidem studiosè adhortatur. In prædiis ac locis, quæ virtutis ac præmii nomine Cubus eidem attribuit, fanum est Masfunogi nescio cuius, in primis totius Iaponis & ipso ornatu & genere structuræ visendum. id ille disturbare constituit, & ex ea materia in oppido suo. Taba templum exstruere ad populares suos Christiana religione imbuendos. & ego ob id ipsum, sedatis motibus hisce, mittere illuc Laurentium cogitabam. Frater ipsius natum maior, Gænbadonus nomine; iam triduo pergit nostris concionibus interesse, quæ ter quaterve singulis diebus habentur. alij præterea è Ioannis familia ventitant, itemque Naitus Iosadonus ordinum ductor ex eadem regione; in Ienxuana secta valde versatus. is, quindecim concionibus auditis, baptismum efflagitat; sed ego, vt cæteros ferè candidatos, ad finem vique catechismi reieci. E militibus Naetondoni diem extremum obiit neophytus, cui nomen erat Romano; huic ego morienti affui in tempore: eundem extulimus publicè magna hominum frequentia; siquidem funus à Christianis omnibus Meacensibus, & ab vniuersis commilitonibus non modò fidelibus,

bus, verum etiam ethnicis concelebratum est.

In Regno quoque Voaris, quamquam in summa operariorum inopia, feliciter admodum Christiana religio pullulat. Supplet autem doctoris vicem, egregia fide & caritate non ignotus tibi neophytus, Constantinus, cuius viri de laudibus mira perferuntur ad me. Domi suæ oratorium ornauit, quod Christiani omnes philosophandi causa conueniunt, in eo cætu explicat ipse præcepta Decalogi, ex commentarijs quæ habet apud se. mortuos etiam Christiano ritu sepulture mandat: baptizat infantes: ethnicis Euangelium prædicat: redarguit Bonzios: denique pusillum gregem pro viribus tueretur aded, ut Voarenfes Christiani vulgò Constantiniani discipuli nominentur. Conuertit etiam subinde (Spiritu sancto adiuuante) ad Christum aliquos, è quibus nuper quosdam duxit ad nos eo animi candore, summissione, virtute viros, ut primitias spiritus in iisdem faciliè agnoscas. ij, cum ad obeunda hebdomadæ sacrosanctæ solènia amplius quarridui itinere per infesta latronibus loca Meacum venissent, templum ingressi, prostrauere sese illico ad aram, effusè stentes, agenresque Domino gratias, quod se ad sacra illa officia incolumes perduxisset. Singulis ego piacularem globulum Roma transmissum donauit, quod illi munus perinde ac thesaurum quempiam ita simul & venerabundi & lati accepere, ut vel eam vnâ ob rem tanti fuisse labores itineris omnes, & omnia vitæ pericula dicerent. Constantino verò præbuit etiam icunculas, & stanneas Cruces, Voarenfibus diuidendas, iremque liateû in exsequias defunctorum. Hisce muniti præsidijs, & catechismo probè iteraræ, post festa Paschalia in patriam redierunt, Meacensibus Christianis ad sex millia passuum officii causa prosequentibus.

Venio ad res Cauachenses, quo in Regno complures item numerantur eximia fide ac probitate neophyti: cuius rei haud obscurum præbuit documentum Hector ille, qui ibidem ad te (si meministi) cum vxore ac liberis adiit. Cum enim adolescentem ethnicum nobilem ipsius curæ concreditum, intemperanter agentem, amicè obiurgasset, ut sunt iuuenes, diuites præsertim, aduersus monita contumaces & asperi, ita offensus est nequam ille, ut paulo post percussores ad interficiendum Hectorem dæmonis instinctu summisserit; quos bonus Christi discipulus, ut in se repente vidit irruentes, deuexa iam ætate vir, & incermis, apprehenso quem è ceruice gestabat globulo, I E S V dulce nomen implorans, multis vulneribus crudeliter confossus occubuit. Eius vxorè quattuor cum filiis Christianis cõquisitâ recepit illico in fidem suâ Iquêda

Sangadonus primarius vir è Mioxindoni familia, eiusque inopiâ ac solitudinem in oppido Sanga sustentat sanè quàm insigni pietate vir, & Christianorum omnium, quotquot in eo sunt Regno, parens tutorque fidissimus. Hunc archi Vacaianæ præpositum, cæterosque neophytos commorantes ibidem, ethnici tres cum occidere statuissem, arcemque hostibus prodere; confcelerata eorum consilia diuinitus patefacta sunt in ipso parè articulo aggrediendi facinoris. itaque & Christiani periculum euasere, & infideles illi paulo post, Mioxindoni iussu, cogitati sceleris capite pœnas dedere, cuius euentu felicitas iure tribuenda videtur precibus meritisque Sagandoni.

In eadem loca (vt scripsi ad te antea) Organtinus Italus cū Laurentio & Matthæo profectus paulo ante natalem Domini diē ingenti Christianorum lætitia acceptus est. cumque in ipsis natalitijs circiter quindecim sacro fonte abluisset, plerosque è Mioxindoni domo, redire parantem, Sangadonus vnâ com reliquis Christianis mano adhibito conato variisque rationibus ad vsque Paschalia festa retinuit. Interea quid actum sit à nostris, ex eiusdem Organtini epistola cognosces, cuius præcipua capita hoc loco mihi summatim addere visum est. Organtinus Brixianus, Ludouico Froio Meacum. Dominico diē palmarum cū Sangam vndique Cauachenſes neophyti conuenissent amplius CC, (nam per Quadragesimæ tempus nonnulli se ad Christum adiunxerant) eo ipso diē magno omnium gaudio supplicantes incessimus; in Paschate verò, sacramentum confessionis obiere nonaginta quinque: Communionis autem septuaginta. quo ne maior esset numerus, sacerdotum inopia factum est, solus enim eram, sed in omnium animis vtiue post illa mysteria liquidò vis gratiæ cœlestis apparuit, dein de rursum alternantibus choris, fidibusque subinde canentibus, agmine composito processimus ad Crucem vsque magna turba spectante gentilium. ea exremonia peracta, ego sacrum ritu solenni peregi, concionem Laurentius habuit ingenti auditorum tum approbatione, tum fructu, ac ne sua corporibus quoque refectio deesset, quotquot aderant Christiani Sangadonus omnes ibidem excepit admodum liberali conuiuio. Sic illi abierunt dies. Nunc ego Sacaium parabam excurrere, vt quibus neophytis Sangam venire non licuit, eorum ibi confessiones audirem. Vale. Sanga. Hactenus Organtinus, qui quoniam Iaponis iam nunc sine interprete ipse per se præbet aures, vel inde existimabis quam breui quantum in huius linguæ cognitione profecerit.

Ego paucis hisce diebus baptismatis fonte lustraui Naitum Tolando.

lapdonum, quem supra dixeram concionibus frequentem adesse, (is Thomam nouo nomine appellari se voluit) deinde Guembadonum Ioannis Naëtondoni fratrem, qui hoc tempore in familiaribus est Cubi, eritque, ut spero, huic Meacensi Ecclesiæ non paruo adiumento. accessit etiam filius ipsius Guembadoni annos natus nouem, quorum alteri Iuliani, alteri Benedicti nomen indidimus. Is deinde Iulianus milites Cubi prætorianos, è quibus habet complures sibi coniunctos, cœpit paulatim ad nostras conciones allicere: audiuntque libenter, & capiunt quæ dicuntur, iamque nonnulli se ad Christum adiungere decreuerunt.

Organinus & Laurentius ante octo dies huc Sanga rediere, itaque Laurentium celeriter misi Tambam, ad Euangelium promulgandum, vehementer id efflagitante Naëtondono.

In Regno Iquendæ vnus duntaxat est Christianus, sed mirum in modum studiosus fidei propagandæ. Huius adhortatione permotus vnus è triumuiris Regno administrando, venit hodie cū aliquot è suis ad me, audiendi Euangelii causa; quod hisce militibus labore & diligentia maxima ab horis meridianis ad vespæram vsque sine intermissione explicatur ac traditur: Ex iis multi iam è catechismo cū alia, tum ipsas precatiunculas chirographo suo descriptas, admodum faciliè memoriter hausere. Sane quàm optatum fuerat nobis, in Iquendæ regionem inferre verbum Dei: gens enim est acris in primis ingenio, nec dum nobis ad eam adspirare licuerat.

Sed paginæ iam nimis multæ procedunt. itaque modum epistolæ faciam, si quædam adhuc de Nubunanga subiunxero. Præter Frenoiamentem, (quàm ille Rex, ut antea ad te scripsi, funditus euerit) alia sunt etiam Bonziorum Academiæ in iis & longa sexcentorum annorum pace, & variis opibus ad omnes deliciarum vsus ed congestis, in primis clara celebrisque fuit ea, quàm patrio nomine Facusangin appellant. Multa viscebantur ibi cœnobîa Bonziorum, & separatæ præterea ipsorum ædes numero mille quàm ornatissimæ commodissimæque. In horum quoque Bonziorum perniciem intentus iam diu Nubunanga, sustinebat tamen se, dum aliqua se offerret causa probabilis. Ea ut apparuit, quippe præda, quàm è regno Voaris quidam ex hostibus eius abegerat, apud hosce Bonzios deposita & custodita, enimvero ille nihil cunctandum ratus, post factas cum Cubo inducias, confestim cum exercitu venit illuc: multisque incensis ædificiis, & cuncta illa Bonziorum gaza direpta, egregiè suas iniurias vltus est. Ac vide quàm non dissimulanter factis dictisque

Iaponicæ superstitioni eiusdemque custodibus bellum indixerit. Xinguen est Rex Cainochuni, qui patre in exilium pulso per vim, fratre autem natu maximo in custodiam incluso, regnum inuasit; infano deorum cultui vsque adedò addictus, ut post aditam regni possessionem, barba & capillo posito, se in Bonziorum ordinem adscribi voluerit: nec solum eo habitu & stola ornatus inœdit, sed etiam ter quotidie sacris operatur, sexcentos ad eam rem secum trahens Bonzios. Is per causam instaurandæ Frenoiaræ, & diruta Quanonis templa reficiendi coacto exercitu, & locis aliquot dolo magis & fraude quam vi aperta occupatis, antistitem se & assertorem profitetur auitæ religionis: & sibi iactat esse propositum, in ea tuenda colendaque vincere Xacam ipsam, fama sanctimonix celeberrimum. Idem cum ante aliquot menses dedisset ad Nabunangam litteras cum arroganti inscriptione, Tendaïno, Taxu, Xamon, Xinguen, hoc est, sumamus in domicilio Regum, religionumque Xinguen; vicissim illi respondit hic alter cum horrendo planè sui nominis titulo: Dainoqu, tennomauon, Nubunanga: id est, Nubunanga domitor demonum, hostis oppugnatoreque sectarum. Nec sanè falsò: pergit enim diabolicos hosce ritus, & nefaria sacra, & omnia, quibus Iaponii mirum in modum ducuntur, & sacrificulos omnes non modò palè m tridere atque contemnere, sed etiam detestari, & omni conatu delere: ut nò immeritò ab hisce neophytis flagellum diuinæ iustitiæ nominetur. nec desunt qui eundem (licet nondum id apertè præferebat) intimis tamen sensibus esse Christianum existiment. Quæ cum ita sint, pro certo putarat Iaponicum vulgus, Nubunangam, religionis tam multis locis tam grauitè violatæ, breui pœnas daturum. Nunc verò contrà, cum videant omnia illi è sententiâ cedere, fierique potentiorè in dies, valde offendi capere in suis diis, & conceptâ à pueris opinionem de ipsorû numine ac maiestate paulatim depouere: quæ res minimè aliena nostris rationibus videbatur, atque ut inam pererebrefcat.

Hæc ego, Pater optimè (quominus æconomiam in scribendo requiras) ex interuallis ad te ferè noctu exarabam, erepto è summis occupationibus tempore. Si quid proinde acciderit litteris dignum, non deero vestris omnium desideriis. Vos interim istic valere, nostramque imbecillitatem vestris holocaustis piisq; supplicationibus fulcire quotidie pergite. Meaco, xv. Calend. Iulias, MDLXXIII.

SELECTARVM EPISTOLARVM, EX

INDIA FINIS.

DE

D E

QVINQVAGINTA

DVOBVS E SOCIE

TATE IESV,

DVM IN BRASILIAM NA-
VIGANT, PRO CATHOLICA

FIDE INTERFECTIS,

EPISTOLAE DVAE.

PETRI DIAZII AD LEONEM HENRICVM
PROVINCIA LVSITANA PRO SOCIE-
tate Iesu Prapositum.

XPONAM his litteris felicem exitum Ignatii Azebedii Brasiliæ Prapositi Prouincialis, & comitum. Nonis Iunii, cum Aloysio eiusdem Brasiliæ prouinciæ pro Lusitanæ Rege præfecto, classe nauium septem, Olisipone profecti, octauo die Materiam hanc insulam prospera navigatione tenuimus. No- uem circiter & sexaginta in vniuersum è So-

cietate nostra conscenderamus, in tres onerarias distributi. Quæ S. Iacobi dicebatur, ea cum Didaco Andradio multisque aliis è nostrorum numero vehabatur Ignatius. Francisco autem Castrio cū fratribus duobus, & pueris orphanis, Ioannis Fernandi obrigerat nauis. Me Sociis cum amplius viginti eadem quæ Aloysium Præfectum nauis exceperat. Et quoniam certis de causis in hoc Materiæ portu aliquandiu subsistere decreuerat Aloysius; vectores & nauis S. Iacobi, quodd multa negotia haberent in Palma, ex Canariis seu Fortunatis insulis vna, magnopere efflagitarūt, vti sibi liceret præire: se expeditis maturè negotiis, aduenienti reliquæ classi præstare futuros. Atque initio quidem recusabat Ignatius, in tanto maris & pitatarum discrimine à cæteris digredi periculosum ratus: verum deinde victus precibus, abeundi veniam ab Aloysio petiit: quæ impetrata,

petrata, quasi diuinaret ea quæ postea consecuta sunt, pridie eius dici, qui Apostolorum Principi sacer est, Sacramento Confessionis & Communionis præmunandos curauit omnes, & simul diuisit iis Agni cœlestis cereas imagines aliquot, a summo Pontifice consecratas, & alia quædam religiosa munuscula, quæ ex vrbe Roma secum attulerat.

Hiscæ peractis, soluere pridie Kalend. Iulii vento secundo, qui ramen eos in medio cursu defecit. Porro Dominico die proximo, quinto nonas Iulias, allatum huc est, Iacobum Soriā, maritimæ rei pro Nauarræ Regina præpositum, sis Caluini sectator egregius, capitales inimicitias cum Papistis, sic enim Catholicos per ludibrium hæretici appellant, exercere sese palam profitetur ac prædicat) stare cum nauibus circiter septem in portu ad quinque leucas hinc sito, cui à Sancta Cruce nomen est. Perturbauit is nuntius vehementer omnium animos, statimque Aloysius oppidique præfectus cum populo vniuerso ad pugnam comparauere sese. Itaq; Sabati luce quæ consecuta est, cum se Iacobus Soria in conspectum nostrum dedisset, occurrētibz sibi Catholicis, qui probè instructa militibus tormentisque nauigia decem eduxerant, perterritus cessit, fugaque sibi consuluit. Hostem fugasse contenti nostri postridie reuertuntur: ille verò hoc perfunctus periculo, Canarias petiit, ac die Iouis insequenti ad aspectum vsque Palmæ Insulæ, & onerariæ nostræ, quæ portum capere nunquam potuerat vento destituta, sanè feliciter est prouectus. eo autem ipso die Ignatius manē cum cæteris fratribz ad Terriæ cohortis, (id loco nomen) vicum à portu leucas quinque circiter, scapha contenderat eo consilio, ut si daretur facultas, ad portum terrestri itinere perueniret: sed cum res exitum non haberet, in nauim se denuo recipere sunt coacti. Ut vel ex hoc satis appareat, expetendum id genus mortis paratū illis fuisse diuinitus, eoq; magis, quod iter illud leucarum octoginta; vix diebus quindecim ab ipsis emensum, addo naui minime impedita, vento etiam initio (ut diximus) valde secundo; id iter totum nauibus quinque (& quidem earum nonnullis admodum onustis) non plus triduo ab Iacobo Soria decursum est. Postridie nostri eadem malacia nouem ferè millia passuum à littore detenti, ubi adstantes Caluinianos aspiciunt, paucis dispositis tormentis ad defensionem extemplo parare sese: Ignatius autem sumpta Mariæ Virginis imagine, quam Roma secum extulerat, prout res & tempus postulabat, ad officium atque ad pietatem cunctos hortari. Interea vnum è nauigijs hostes ad nostram onerariam applicant, in eamque res primò, in iis nauiculis magna apud eos existi-

stima-

stimulatione, transiliunt. arque ii quidem statim à Lusitanis interfecti: sed maiore deinde hostium irumpente numero, diutius obisti non poruit. Tum Iacobus Soria, ubi cognouit nostræ Societatis homines ibi versari, omnes ad vnum occidi impetrauit, vociferatus: interfice, interfice, quoniam ad praua dogmata disseminanda Brasiliam petunt. In eorum numero, qui onerariam occupauerant, erat Iacobi cognatus quidam: qui cum vitam aliquot Catholicis promississet, id iussit Iacobo renuntiare. quæsiuit ille, cunctine presbyteri (sic enim nostros vocabat) essent interempti; cum interemptos esse responsum fuisset, tum ab aliis manus abstinere non vult. quo facto sanè præclare suum in nos odium exprompsit, præsertim quod paucis antè diebus, intercepto nauigio, quo Franciscani concionatores duo, rotidemque seculares, ut appellâr, sacerdotes in Lusitaniam vehabantur, eorum nulli necem intulit: nactus deinde nostros, magna ex parte adolescentulos tyronesque nulli pepercit omnino. Mactatus est autem omnium primus Ignatius, quem obuiam hostibus prodeuntem elata manibus ea quam dicebâmus imaginè, magnòque animo profitentem sese cum suis esse Catholicum, lanceæ tribus ictibus confoderunt, & sacram imaginem extorquere frustra conati sunt. tum Didacus Andradus in amplexum ruit Ignatii: atque ita conjuncti simul ambo confecti vulneribus præcipitantur in mare vnâ cum ipsa imagine, quæ de Ignatii manibus nunquam exciderat. Inde tabulata onerariæ subeunt, quo Ignatius in eo tumultu fratres octo & triginta (tot enim erant eum ex hoc portu profecuti) condiderat: binosque ac ternos ordinè deinceps eductos ad nauis marginem, ac talaribus tunicis, quamquam exigui admodum pretii, exutos, adacto bis terve singulis in viscera pugione, semianimis è naui derubant: quorundam etiam præcidunt brachia, ut omnem prorsum euadendi spem iis adimant. Atque hunc exitum felix comitatus ille sortitus est. Postea quæsiuit de trium illorum cæde, qui ex hostium classe in onerariam primi transcenderant. Eius auctores cædis onerariæ gubernatorem cum administris duobus ad se perducere furore percitus iubet Soria. ibi, ipso non solum imperante, sed etiam inspectante, viuientium pectora dissecantur, & extracta crudeliter intestina deiciuntur in pelagus. Iam verò hanc immanitatè Caluiniani illo etiam scelere cumulant. in onerariam reuertuntur, sacrosanctum caput vnus ex vndecim Virginum millibus, quod solarium neophytorum Ignatius in Brasiliam afferebat, è carchessii fune contumeliosè nefarièque suspendunt: deinde arripit tam aliam Virginis Deiparæ effigiem, egregio perfectam opere, quam item

Roma Ignatius auxerat, cum lacris aliis imaginibus permultis, in angulo naui per ludibrium collocant: in easque vt in scopum ficas eraculari falciuentes incipiunt. Rosaria verò benedicta, ac sanctorum reliquias, librosque de religione, & alia scripta quedam ad Brasiliæ provinciam rem magnopere pertinentia, vt sibi minus vtilia, vel superuacanea potius, alio mandarunt. Huius rei gestæ seriem totius à Lusitanis duobus accepimus, qui spectatores affuerunt, cum per eos dies à Calvinianis captiui detinerentur. Qui è nostris occisi sunt, æque nouitii ac veterani, præclaris erant adiumentis rerum gerendarum instructi: itaque ad rem Christianam promouendam valde habebantur idonei.

Obstupefco sanè, mecum ipse considerans mutationes migrationesque nostrorum è naui in nauem, Olisipone primum, deinde in hac insula Materia: vt felix ille manipulus, sicuti Gedeonis quondam milites, patre viritum à Domino lecti fuisse videantur. Me in S. Iacobi nauem imponere, ipse apud Aloysium præfectum remanere Ignatius iam prope decreuerat, sed mutauit deinde consilium: partim, vt equidem existimo, ne laborem atque periculum subrefugere voluisse videretur, partim etiam quòd ego tanto indignus bono videlicet fui. Reliqui sumus nunc è Societate ad triginta. Caprum iter humilis fiducia persequi certum est: vtrum eodem euentu, nescimus: Illud quidem intelligimus: Iacobum Soriam id vehementer expectere, nobisque tendere insidias. Sed iam instat hora profectionis, itaque finem scribendi facio, meque & comites tuis ceterorumque sacrificiis ac deprecationi commendando. Ex insula Materia, xv. Kalend. Septemb. M. D. LXX.

FRANCISCI HENRICI PRÆPOSITI
DOMVS OLISIPONENSIS AD SOCIOS,
Romam.



XITVM Ignatii Azebedii & Sociorum nouem & triginta iam cognouistis, vt credimus; qui Brasiliam vna cum Aloysio regio Præfecto petentes, vt in ea provincia, rei Christianæ procurandæ causa, more nostro collegia instituerent, in itinere à Calvinianis oppressi vitam in professione fidei Catholice profuderant. Nunc aliorum XIV. qui anno post in eadē causa parem præstiterunt animi fortitudinem, (ad septuaginta enim è nostris Olisipone discesserant plures in naues impositi) persequemur eo ipso ordine, quo rem totam alter duorum, qui Dei benignitate superfuere, nobis exposuit.

Post

Post obitum Ignatii, cum Lusitanicæ naues è Materia insulâ cursu in Brasiliam directo soluissent; aliæ alium euentum sortitæ sunt: ea verò, qua Petrus Diazius cum Sociis aliquot uehebatur, ad Cubæ insulæ portum, cui à sancto Iacobo nomen est; fluctibus & procellis adeò labefactata peruenit; vt eam relinquere planè sibi necessarium duxerint. Sed cum alia esset ibi nulla, ad Abanam eiusdem insulæ portum, in Orientem procedere statuerunt; ac tridui primum iter emensi pedibus; & quidem exalceatis, imbre denso atque perpetuo, via tetetrima; difficultatibus præterea, vt in eiusmodi regione; maximis; exiguo & aperto sese committere nauigio, ventis pluuiæque adeò expositi, vt non commeatus modò corrumpere humore nimio, sed & ipsa quibus erant induti vestimenta pænè purescerent. Eo nauigio quattuor & septuaginta leucas Abanam vsque prouecti, maioris formæ nauis in eo portu conductæ, Augusto mense denique ad insulas Tertias, Aloysium regium Præfectum; & è nostra Societate Franciscum Castrium, & quinque fratres, qui antecesserant, assequuntur. Hic Aloysius, nauali turba vehementius imminuta, quòd & ex oneraria ipsius, in tam difficili ac diuturna mensium quindecim navigatione, viri sexaginta perierant, & ad Anrilias multi substiterant; multi etiam laboribus periculisque defatigati, mutato consilio in Lusitaniâ inde reuerterant; cum superesset vectorum & nautarum vix quod in vnam satis esset onerariam, (in quibus tamen ipsis feminæ quinque & viginti imbelli cum puerorum grege numerabantur) reductis in vnum omnibus, caprum iter vnica nauis peragere instituit; soluitque feria quarta, octauo Idus Septembris. Porro è Societate nostra (totidem aliis ferè tempestate disiectis, de quibus nihil dum certi compertum est) quattuordecim aderant, Patres duo, Petrus Diazius & Franciscus Castrius; duodecim Fratres; Alfonsus Fernandus, Gaspar Goes, Andreas Pais, Ioannes Aluarus, Petrus Diazius, alter eodem quo Sacerdos nomine, Fernandus Aluarus; & ex nouitiorum numero: Michael Tarraconensis, Franciscus Paulus, Petrus Fernandus, Sebastianus Lupius, Didacus Fernandus, Didacusque Caruallius. Dies octo in altum Oceanum prospero statu prouecti, naues quinque sole iam occidente conspiciunt, quarum erant Gallicæ quattuor, vna Anglica. Ex, dissimulato in nocte vsq; consilio, cõuersis deinde repètè ptoris, vento secundo naue nostrâ insequuntur. Id vt animaduertit Aloysius, ratus (id quod erat) & hostes esse & hereticos; aduocata statim cõcione, socios nauales ad prælium acriter incundum hortatur, mortèque

vt Chri-

vt Christianos deceret, pro Catholica religione fortiter oppetendam, deinde arma expediri, culcitra locis opportunis prætendi, saxorum vim congeri, sulphurei pulueris cados promi celeriter imperat: dispositis denique ad pugnam stationibus, peccata ritè confessus est ipse, & ceteri quibus ea nocte confitendi spatium datum est: verum inalbescente iam die, prostrata hostium naui ex earum genere, quos Galeones appellant, ad nostram appropinquauerat, amplior & eminentior multo; duabusque tormentorum significationibus, de more, iusserat à Lusitanis vela submitti. Cùm illi nequaquam parerent; tum hostes facto ter in onerariâ imperu, quinque ex eorum numero occidunt, septemdecim eosque ferè omnes in cruribus vulnerant, sic, vt funibus, ne caderent, altera manu apprehensis, non nisi altera decertare possent. Et quamquam hæretici è superiore admodum loco pugnabant; haud tamén incruentum eis fuit certamen: siquidem & initio dimicationis de suis ferè viginti amiserè, vulneratis præterea circiter vndecim; & deinceps tribus bombardæ ictibus læsi grauissimè sunt, quorum vno diffractus malus & vela prostrata, altero perforatum carinæ latus non sine magno eorum discrimine aquas accepit; tercio discerpti decem simul hæretici: quæ tamen erant omnia non leuia incommoda, nihil tamen hostes æquè perturbauit ac vela dejecta, prorsus vt de se actum iam arbitrantur. Tum verò ex ipsa desperatione omnibus connixi viribus, quartum iam nostros inuadunt, & minore quam putauerat negotio saperat. decem quippe non amplius propugnatores erant relictî, quorum quinque in prora collocati, primo impetu cecidere. Itaque patefacto iam aditu, hæretici ad sexaginta vi maxima irrumpunt. quos Aloysius, cùm duas ferreas glâdes alteram accepisset in pectore, alteram in crure, quamquam exhaustis iam corporis viribus, magno tamen animo constituit opperiri; gladioque & scuto nunquam abjecto, ad extremum vsque spiritum dimicauit egregiè. Eius morte à reliquis deditio facta, quæ tamen ad mitigandum hostium crudelitatem minimè valuit. nam diabolicis instincti furiis, obuios quosque obtruncant: Aloysium, ignari quis esset, nudatum, itemque aliorum corpora, multis adhuc spirantibus, in undas proiiciunt. Versus deinde in Sanctorum reliquias & sacras imagines furor, quarum erat ingens in ea naui numerus. Has hæretici Catholicis pervim extorquere, trahere per tabulata, calcare pedibus, in ignem denique gratulabundi conicere: simul, ore impurissimo, in sanctos, quorum erant illæ reliquæ, blasphemias euomentes, quas horret animus scribere. quin etiam, repertas vigesimo post die statuas duas, alteram sacratissi-

eratissimæ virginis, alteram Angeli, elatas in publicum, sacrilegis
 fregere manibus, caput Angeli per ludibrium tota naui circumse-
 tentes. Tertium & trigesium vagati diem, capto etiam Algar-
 biensi nauigio, prædam exposuere postremò ad Oruium promon-
 toriũ oræ Callaicæ. Classi præpositus erat Ioannes Cadauilius Gal-
 lus, hæreticus vehemens, & Ecclesiasticorum ordinum inimicus a-
 cerrimus: rostrata vehebatur eadem, qua Iacobus ante Soria Ignatium
 Azebedium & comites ceperat & occiderat. In Aloysium ve-
 rò præfectum incidere Calviniani, cum ab insula Gomera, eam de-
 populati, soluissent. atque is fuit Aloysii & Lusitanorum obitus,
 cuius viri de fortitudine virtutèque frater noster ita multa com-
 memorat, ut pro certo habendum sit, animam eius in cœleste do-
 micilium commigrasse. Nunc veniamus ad nostræ Societatis ho-
 mines, quod maximè nobis propositum est. Ii, cum hostes infesti
 aduentarent, à media nocte ad lucem usque expiandis per Confes-
 sionem criminibus quisque suis vacarunt. Deinde tabulata subire
 iussi, non nisi commisso prælio ascenderunt ad animados milites,
 cibo recreandos, & curanda vulnera. Sed quo tempore facta est de-
 ditio, in summa naui præter Castrum exstabat eorum nemo: nã-
 que is paulo antè ad excipiendam vnus è gubernatoribus Confes-
 sionem ascenderat, ad imam proræ turrim ex vulnere animam agē-
 tis. In eo munere occupatum, hæretici vulneribus quàm plurimis
 punctim cæsimque confodiunt, ita maxima perciti, nimirum eo
 quod Ecclesiæ sacramenta ministrantem offenderant. Nam id cæ-
 teros non adeò sæuere: in Castrum verò certatim omnes. Sub idē
 tempus Petrus Diazius, qui ad eam usque horam Confessionibus
 eorum, qui sub tabulatis erant, operam dederat, atque hilari sem-
 per ac sereno vultu animauerat cæteros, Gaspare Goe sequente, in
 apertum prodiit. Ut primùm apparuere, vtrunque Galli confestim
 occidunt. nec puero quidem ætatis admodum teneræ parcut, qui
 à Petro ægre sese diuelli patiebatur. Atque hoc maximè modo tres
 ii primo congressu cæsi ac nudati, deijciuntur in pelagus. Tum vn-
 decim & liqui, sedato iam paulisper tumultu, sese inuicem plenis
 pierate sermonibus adhortati, vltro in editiora naui enadunt: nec
 modò, latendi causa, in cæteram turbam sese non inferunt, sed etiã
 in vnum, dedita opera, conglobati omnes, apertè profitentur se &
 eiusdem esse religionis, cuius tres modò perempti, & æquè paratos
 ad mortem communis Domini gratia subeundam. Quos, circum-
 fusi confestim hæretici, dictis factisque eo die toto contumeliosè
 ac petulanter illudere ac diuexare non desinunt, cum illi responde-
 rent nihil, nisi si quid ad honorem Dei vel ad dignitatem Ecclesiæ

Catholicæ pertineret. Vbi nox adfuit, manus ad terga religantur in fontibus: atque inter vinciendum accidit, vt Michael Terracoenſis è vulneribus, quæ in brachiis principio acceperat, ingemifceret. Quæ res tantum abfuit, vt hæreticos ad miſericordiam permoueret, vt etiam arreptum furenter hominem, multa ingerentes probra, è naui præcipitauerint; & ne incomitatus abiret, Franciſcū quoque Paulum (nam is erat proximus) eodem impetu deturbarent. Cæteri omnes, vinclis (vt dicebamus) injectis, in Aloyſii cubiculum detruduntur: adhibitisque cuſtodibus, totam eam noctem, partemque inſequentis diei, propè per inediam tranſigunt: cū interea ſuper alios alii ad oſtium adeſſent carceris, modò læta modò triſtia nuntiantes: quidam etiam truci obtutu, ſtriſtis minaciter gladiis fremerent: Papiſtæ, Latrones, ecquis erit aliquando qui vitam vobis eripiat? & alia eiufmodi. Interea noſtri, quali futura proſpicientes, magno animo ſeſe ad extrema quæque parauerant: nec eos ſefellit opinio. Nam eduſti è carcere, damnantur capitis. Iamque parabantur laquei, vt ſuſpenderentur ſinguli è maximo nauiſ malo, cū Præfectus, maioris prædæ ſpe, quòd eos putaret pecuniâ, ad templum in Braſilia exædificandum, ſecū attuliſſe, rem in præſentia diſtulit; ſed eorū comperta denique inopia, Petro Diazio Didacòque Caruallio ibidem relictis, ſeptem reliquos in roſtratam ex oneraria transferri iubet. Hic eos hæretici denuo circumſiſtere; nec ſolùm in fratres noſtros, verùm etiam in Romanum Pontificē Chriſti Vicarium, in Eccleſiaſticos ritus, in Sanctos eorumque venerationem, denique in Sacramentum ipſum altaris, contumelioſa atque impia verba proferre. ad quæ cū illi fortiter admodum reſponderēt, cædebantur pugnis, alapiſque frequentibus, deſenſores Catholicæ fidei: quin etiam exquirebantur diligenter in ſummis capitum verticibus, ſacræ quas appellant coronæ, quatum hæretici ſi quas inuenerant, has verò iterum iterumque ſinguli tuncere: & ſimul iurgiis & maledictis in eoſdē inuehi cū aliis multis, tum illis præſertim, canes, fures, veteratores: per vos ſtat quominus conſpirent vniuerſi mortales atque conſentiant, ſublatiſque diſcordiis ac tumultibus, tranquilla omnes pace atque otio perſuamur. Veſtro ſcelere non modò Germania & Gallia, verùm etiam Braſilia, atque adeò toto terrarum orbe praua doctrina diſſidit. Erat è nouitiorum numero Petrus Fernandus, faber ligariſ: omnium recentiſſimus ille quidem; ſed apprime humilis, & magna virtute vir. Is, initio deditioſis, pileo talariſque tunica cinctus ab hoſtibus, ne deinde fallente veſtitu pro ſæculari habere-
 tur, & præclaram pro Chriſto moriendi occaſionem amitteret: ag-
 grega-

gregabat se ad fratres identidem, vultu oculisque ad modestiæ religionisque significationem ita compositis, ut vel ex eo satis intelligerent hæretici, hominem esse de nostris. Quo etiam vehementius irritati, caput eius arreptum, utraque manu subrigere, colaphis petere, digitis oculos aperire, palpebrasque distendere, paxillos denique mento subdere, ne vultum dimitteret. ad hæc illum contumeliis incescere eiusmodi: Canis, attolle faciem: frõtem exporrigere. quæ ille nimirum excipiebat tanta non solum animi æquitate, sed etiam oris hilaritate, ut eo bono se indignum existimans, conuersus ad Deum, diceret: Quo meo mihi merito hoc tribuis, ut pro te patiar, Domine? Per hanc simul procacitatem atque sæuitiam hæretici cum sese miseri diutius oblectassent; alii demum aliud varios in usus digressi sunt, spatiumque fratribus datum ad inflammandos mutuis cohortationibus animos, virisque recolligendas: quo in genere Petri maximè Fernandi, eius quem modò dixi, caritas ac virtus enituit, cum in singulos cõgressus, lætissimo semper vultu, ceteros ad constantiam ac fidem accenderet, atque ad agnoscendam insignem hanc in se Dei beneficentiam, multis rationibus excitaret. Cuiusmodi sermonibus dum se inuicem confirmant fratres, magna rursus circumuenit eos hæreticorum manus. Instituitur de religione certamen: ex quo, ut genus videatis, vnum attigisse sat fuerit. Oppugnabant hæretici supplicationes & preces, quibus auxilium à Sanctis more catholico exposcimus, quæ in disputatione acrior coortus quidam ex iis: Nõne, inquit, cernitis, in nostra potestate vos esse captiuos? quin vos igitur Mariam virginem, Sanctique, quorum opem implorandam affirmatis, è manibus nostris eripiunt? cui fratres: Si expediat nos esse superstites, Beatissima Virgo Sanctique & vitam nobis à Domino & libertatem obtineant utique: sed quia emori præstat, idcirco non impetrant. Hæc & alia id genus respondebant fratres: quæ illi cum ferre non possent, amentes iracundia & rabie, consputabant ora subinde nostrorum: quin etiam quodam Alphonsi Fernandi responso permotus vnus ex iis, furensque: ob idipsum, inquit, quod ita dixisti, peribis. cui Alphonsus, utpote Prominister: Non solus ego, sed omnes planè mori parati sumus. Atqui exspectate (ait hæreticus) molossi canes, caput ego iniet vobis præcidam, vosque (meam fidem testor) in mare projiciam. Hac altercatione in cœnam usque ducta, discedunt hæretici: fratres verò tẽpus nacti rursus molestia vacuum, de integro adhortari se mutuo; diuinam opem in tali tantoque salutis æternæ discriminẽ expetere; Christi morte cruciatibusque memoria repetendis, sese ad perseverantiam atque ad

fortitudinē incitare, Deo denique pro tam præclara sibi oblata bene moriendi occasione gratias agere. Interea hæretici expleto epulis ventre, animi quoque feritatem extremo supplicio nostrorum exsaturare cōstituunt: nec mora: singulos octoni denique circumstant, exutōsque tunicis, quanta maxima vi, quam possunt longissimè à nauibus in altum eiacularantur. Ac Petrus quidem Fernandus & Ioannes Aluarus, natandi minimè periti, fluctibus hauriuntur illico: cæteri quinque vnum in locum diuinitus congregari, diu sese sustentant, postremum vale sibi dicentes inuicem, ac veniā inter se delictorum petentes. Didacus verò Fernandus, quem vnā cum Sebastiano Lupio (qui deinde superstites ambo fuere) sub noctem hæretici quidam, quasi diuino iussu, cibo potūque refecerāt, validus viribus, classē, quod ē repentina pluuia venti quieuerāt, tardiùs euntem assequutus, & nescio quo pacto in vnā nauium acceptus, Diuinæ consilio prouidentiaē mansit incolumis. Luctantur cum fluctibus reliqui, & quamquam in summa difficultate ac defatigatione, Apostolico Symbolo precibūque fundēdis ad Deū, sese contra spiritalēs nequitias communire non desinunt; iamque nox erat media, cum Alphonso Fernando in verba præeunte, certos ē quinquagesimo Psalmo versiculos decantare cœperunt, atque illum præsertim: Tibi soli peccaui, &c. Verū lassitudine tandem victus, & aquarum vi obrutus Alphonsus extinguitur, spectata probitate ac religione vir, cuius præcipuè robur animi ac virtus in hæreticis modò refutandis eluxerat. Hunc autem eo consilio ē Lusitania secum abduxerat Azebedius, vt Philosophiam, cui magna cū laude vacauerat, in Brasīlica prouincia profiteretur. Alphonsum secutus est mox, Iesum inuocans, Andreas Pais: postremus omnium Fernandus Aluarus mergitur. Tum Sebastianus Lupius in mari medio, nocte intempesta, densis tenebris, imbre maximo derelictus, elatum sorte quadam in classe lumen eminus intuens, mille circiter & quingenrorum passuum interuallo distantes consequitur naues; quarum ad vnā itēmque alteram accedens, & vt admitteretur suppliciter postulans, cū acerbè minitantes hostes intentaque in se tela sensisset, quasi ad extremum perfugium, cōtendit ad vnā ē scaphis: cuius ad marginē stans fortè quidam hæreticus paulo mirior, tum Sebastiani angustiis, tum etiam fortassis ab se desertæ veræ fidei religionisque recordatione commotus, excepit hominē: penulaque contactum, ac furtim in nauem impositum, commentis quibusdam hostium furorī atque immanitati subtrahit. Duos autem illos qui in Lusitanica naui relictī fuerant, eodem genere mortis, eadem animi magnitudine defunctos accepimus. Porro nobis

hæc omnia Sebastianus ipſemet Lupius expoſuit. nos totam rei geſtę ſeriem his conſignatam litteris eidem Sebaſtiano recognofcendam oſtendimus: cuius ille narrationis veritatem ac fidem ſuo rursus teſtimonio comprobauit. Quo etiam ſtudioſiùs fecimus, vt hanc ad vos mitteremus epiſtolam, rati eò vobis gratiorem futuram, quo certiora perferret. Quod reliquum eſt, veſtris omnium ſacrificiis precibuſque nos etiam atque etiam Domino commendarı percupimus. Oliſipone, v. Idus Decemb. MDLXXI.

o 3

FINIS.



EMANVELIS

ACOSTAE LV-

SITANI HISTORIA RE

RVM A SOCIETATE IESV IN

Oriente gestarum, ad annum vs-

que Christi Domini M.D,

LXVIII.

RECOGNITA; ET LATINITATE

DONATA A IOANNE PETRO

Maffeo Bergomate, Sq-
cietatis IESV

Presby-
tero.

CLARISSIMO

PRINCIPI, AC DOMINO, D. OTHONI TRUCHSES A VVALDBVRG, S.R.E. Cardinali, Augustano Episcopo ac Prænestino, Præposito & Domino Eluacensi, &c. Ioan. Petrus Mafseius S. P. D.



*Q*UOD te non fugit, omni liberali doctrina cruditum, Otho Card. Amplif., India prouinciarum omnium maxima, tametsi propriè dici videtur pars illa terrarum, quam nobilissimus fluminis Indus interfluit: vsus tamen obtinuit, ut etiam ultra Gangem, æquè magnum ac celebre flumen, immèsi illi terrarum tractus, qui ad Sinas, usque, & in extremo positos Oriente pertinent Seras, Indie nomine censeantur. Porro ultra Sinas, in Serico Oceano, haud procul à continente, ingès cernitur Insula compluribus minoribus adiacentibus; quam nostri vulgò Iaponem vocant, Zipangrim antiquis dictà fuisse nonnulli arbitrantur. Hac insula excepta, ceteras ferme regiones eas, cum aliis opibus, tum etiam pretiosissimis aromatibus odoramentisq; refertas, constat priscis temporibus Romano flore Imperio, cum Europæis hominibus & commerciis & hospitio fuisse coniunctas. traditum est etiam, multas Christiana quondam sacra tum ab aliis, tum præsertim à duobus eximia sanctitate viris Thoma & Bartolomæo Domini Apo stolis accepisse. Verùm ubi Romani decus Imperij,

conspirantibus undique in ipsum variis nationibus, occidit : mercimonij vocumque, & litterarum cum illis gentibus communione sublata, Christi cultus atque religio paulatim extincta ac deleta s.c. est, ut nullū propè ipsius vestigium in illis iam regionibus appareret. Quo melius de Christiana meruisse Repub. Lusitani iure putandi sunt, quòd cum terreftri itinere, sine summo vita discrimine, ea loca peti non possent, & vix quisquā reperiretur, qui peregrinationem eiusmodi suscipere auderet : ornatissimis ipsi classibus extima legentes Africa littora : Bona spei promontorium ante id tempus penè incognitum, auream Chersonesum quæ Malacca dicitur hodie, Taprobanam, quæ Sumatra, siue Samotra : Sinas denique præteruecti : ad ipsam de qua diximus Iaponis insulam ingenti ausu summāq. animi magnitudine penetrarunt : iidēq. Indica oræ magna parte subacta, sinus etiam Persici faucibus fortiter aquæ ac feliciter occupatis, Arabi i verò navigatione crebris incursionibus impedita, mercibusq. Indicis per Africum atque Atlanticum Oceanum in Hispaniam auersis : non modò Memphitica Turcarum vectigalia grauissimis damnis atque incommodis affecerunt : sed etiā CHRISTI liberatoris nostri cultum ac nomen apud eos populos vel nunquā ante id tēpus auditum, vel diuturna vetustate atque obliuione deletum, salutarī predicatione longè latèque propagarunt, adhibitis perductisq. secum, summi Pontificis iussu, multis Euangelij præconibus, tum aliarū familiarum, tum vero præcipuè Societatis IESU. Quorum Epistole, (huc enim tota spectat

*Etat oratio) quas vulgò Indicas nominant, in Europam
 subinde perlatæ, minimè dubium est, quin haud medio-
 crem utilitatem pari delectatione coniunctam homi-
 nibus nostris attulerint. Veruntamen ea volumina cū
 iam nimium excrescerent, multòsque à legendi studio
 retardarent: prudenter mihi simul ac piè fecisse vide-
 tur Emanuel, is cuius nos scripta conuertimus, qui cir-
 cuncisis iis quæ minùs necessaria videbātur, cetera bre-
 uem in commentarium retulit, ut essent parata & in
 promptu, quæ quis de rerum Indicarum statu, progres-
 sūve, quod attinet ad religionem, scripture maxime
 digna, cognoscere cuperet. Quā nos etiā, aliqua ex par-
 te, circuncidendi castigandiq; siue diligētiam, siue licē-
 tiam, in Iaponicis Epistolis ita præstare conati sumus,
 ut historiæ fides ac veritas omnino integra permane-
 ret: quod facile perspiciet, si quis hæc exempla cum cæ-
 teris accuratè contulerit. Commentarius autem ipse, Re-
 rum in Oriente gestarum, ob eam causam inscribitur,
 quòd eiusdem Societatis homines etiā in Brasilia re-
 gione, & in Occidentali quæ dicitur India, variis locis
 atque prouinciis magnacum animarum utilitate fru-
 ctūque versantur: & res ad Christi Domini gloriam ita
 multas eodem duce atque adiutore perficiunt, ut pro-
 prio & quidem iusto volumine ipsa per se ad explicā-
 dum indigeant. Quam nos in historiam, & in eas quæ
 supersunt ex Oriente colligēdas epistolas, quidquid otij,
 quidquid possumus operæ, deinceps conferre decreui-
 mus. Profectò enim digna res est, in qua non mea so-
 lum, verum optimi cuiusq; ac literatissimi viri liben-*

tissimè defudet industria : quippe quæ non modò plurimarum rerum variam & iucundissimã offerat cognitionem, sed etiam veritatem Catholica religionis, & sedis Apostolica maiestatem, summamq; Romani Pontificis potestatem, (quæ hac præsertim atate omnibus tormentis ac machinis oppugnatur) humanis & diuinis testimoniis atque miraculis, egregiè tueatur & cõprobet. Interea, hæc quæ habebamus absoluta, tibi potissimum, Otho clarissime, pluribus de causis dicare statuimus. primùm, quòd hoc veræ atque orthodoxæ fidei firmamentum ei deberi maximè videbatur, qui se se calamitosis hisce temporibus contra perditorum hominum insanias, Catholicæ sinceræq; religionis defensorem acerrimum præbisset : deinde quòd ipsimet Societati I E S V, quæ plurimum tibi debere se profitetur ac prædicat, in primis id gratum fore mihi persuaferam. Tu, pro tua excellenti humanitate, munusculum hoc quaecunque libenter accipies, meque in tuorum numerum adscribes æquo animo. Vale. Roma, 15. Kalend. Decembris, M. D. LXX.

R E R V M

RERVM A S²¹⁷ CIETATE IESV

IN ORIENTE GE-
STARVM

COMMENTARIVS.



VO tempore Ignatius Loiola, parens au-
torque Societatis IESV, Romam vnâ cum
sociis venit, ad obedientiam Pontifici ma-
ximo (qui tum erat Paulus hoc nomine ter-
tius) ritè deferendam, eo ipso tempore apud
eundem Pontificè Petrus. Mascarenius pro
Lusitaniæ rege Ioanne legati munere fungebatur. is cogni-
to eorum vitæ genere atque instituto, quòd ita in mandatis
habeat ab Rege, qui de ipsorum virtute ac pietate ex ami-
corum litteris iam antè cognouerat, egit cum summo Pon-
tifice, vt ex iis aliquot promulgandi Euangelii causa mitte-
rentur in Indiam: cuius prouinciæ ab Idolorum cultu ad
Christianam fidè traducendæ Rex, catholicæ religionis cul-
tor egregius, magno in primis desiderio tenebatur. Missi ex
decem, qui tum erant Socii, duo (nec enim plures concess-
sit Ignatius, cuius arbitrio totam rem Pontifex ipse permi-
serat) Franciscus Xauerus Nauariensis, & Simon Roderi-
cus Lusitanus, Vlysiponem attigere anno à Deipara Virgi-
ne 1540, quorum non aduentus modò Regi accidit exopta-
tus & carus; sed etiam, interim dum nauigandi tempus ex-
spectant, variis in actionibus atque muneribus pia sedulitas
& industria ita probari ac suspici cœpta est, vt vulgò non ni-
si Apostolorum nomine appellarentur. Inde hoc Societatis
in Lusitania cognomentum est ortum, quod ipsa quidem si-
binon modò non arrogat, verùm etiam recusat ac refugit.
Latus eo rerum euentu Rex, Indorumque iam propemodù
oblitus, cum reliquos octo, qui Romæ remanserant, suum in
regnum accipere potius, quàm hosce duos ab se dimittere
cuperet: ipsi autè contrà, diuini amoris igne succensi, mul-
ta pro Christi nomine perpeti, remotis illis ac barbaris
nationibus Euangelii lumen inferre, & quo consilio pro-
fecti

*Rex Lu-
sitannus
à Pon-
tifice po-
tuit quos-
dam ex
Socie-
tate
IESV
ad In-
dos mis-
si.*

Francisco
Xaue-
rio In-
dia pro-
uincia
desti-
nata.
Eorum
qui in
Indiā
mitte-
rentur,
seminariū,
Conim-
bricam-
stituit.
ANNO
1542.
Societas
Iesu
perue-
nit in
Indiā.
Ratio
vitæ
quæ
Xaue-
rio fue-
rit Goa
et in re-
liqua
Indiā.

fecti fuerant, id ipsum assequi atque obtinere cōtenderent, diuisa tota res est. Francisco Xauerio India prouincia desti-
nata, Simon Rodericus quamuis inuirus in Lusitania re-
tentus, ut quoniam ad Ignatium alii multi se iam adiunge-
re cœperant, instituendo in Conimbricensi Academia ipso-
rum Collegio præflet, quod tanquam seminarium foret
eorum, qui deinceps in Indiam supplementi causa mitterē-
tur. Ei Collegio Rex vectigalium annuorum quod satis ef-
fet ad Socios centum alendos (qui numerus postea duplica-
tus est) literisq; & prophanis & sacris erudiendos, attribuit.

Xauerius igitur, anno post Christum natū 1541, cum In-
diæ præfecto Martino Alphonso Sôsa Vlyssipone discessit,
itineris comitem secum duxit è Societate Italum Sacerdo-
tem præstanti virtute virum, nomine Paulum. In Indiam
peruenerunt Maio mense anni insequentis. In ea nauiga-
tione, Xauerii vitæ ratio rerum ab ipso deinde gestarum
quoddam quasi pro ludium fuit. Etenim ex quo die conscē-
dit, tum in ipsa naui, tum in Mosambico Insula, ubi hiema-
tum est, eam in egrotos pauperes, egenesque assiduitatem
ac diligentiam, dies ac noctes, tanta cū alacritate & iucun-
ditate animi præstitit, ut sanctus perfectusque vir habere-
tur ab omnibus, & qui præsentem viderunt, rem verbis haud
satis exequi possint. Goam simul atque peruentum est, om-
ni statim conatu ad ethnicos Christianis præceptis imbuē-
dos, Christianos verò & Lusitanos, & incolas, in fide atque
officio retinendos ac promouendos incubuit. Ad hæc, ægro-
tos & vinctos inuisere, valetudinaria frequentare, vel in iis
habitare potius, quo commodius ægris ministrare posset,
quibus & viuentibus interdum noctuq; summo cum labore,
cunctis admirantibus, præstò erat, & mortuorum cadauera
suis ipse manibus funebri linteo ritè ad sepulturam insue-
bat, proque eorundem animarum expiatione sacrum mis-
sæ faciebat: quod ille semper, ubicumque terrarum fuit, in
India solenne seruauit. Nec tamen interea confessiones au-
dire, publicis concionibus priuatissq; colloquiis hominū
vitam moresque corrigere, similitates ac dissidia tollere, a-
liaque id genus facere multa desistebat. quocirca magno
in honore ac veneratione habebatur à populo.

Aliquot mēses Goæ magno cum rei Christianæ adiūmē-
to versatus, in eam Indiæ oram discessit, quæ vulgò Como-
rini caput seu promontorium dicitur: ab vrbe Goa passuū
sexcen-

sexcenta millia. Regio est piscatu margaritarū insignis. Gēs autē ipsa quondā à D. Thoma Apostolo ad Christum adiuncta, sed quæ iam Christiani præter nudum nomen haberet nihil. Interroganti quippe Xauerio de religione fideque, illud vnū duntaxat respondebant: Christiani sumus. Hoc igitur Domini vinetum in syluam Xauerius planè degenerasse cum cerneret, acri studio & accuratissima diligentia pro viribus colendū suscepit, vno Dei fretus auxilio, quē ille in eo præsertim negotio ita propitium ac liberalem expertus est, vt breui plurimos homines ad Catholicā ecclesiā aggregauerit: qui ad eam deinde virtutis frugem peruenerunt, vt qui iis præsumt hoc tempore Socii affirmant, eas ecclesias etli à Lusitanis destituātur, suis iā nūc posse viribus niti, cæptumque virtutis ac religionis cursū tenere. Censetur in præsentia maritima illa ora, Christianorū āplius cētū & triginta millibus, eorumque numerus nō mediocriter augetur in dies. Quæ ferè omnia vni secundū Deū Xauerio præcipuè accepta referenda sunt, qui nō illā modò plantauit rigauitque vineā, sed alias quoque in eo tractu permultas: in iis, Trauācoris regnū penè totū & Bringanum inter ac Permanelem, decem ferme pagos, & circa Beadalā ac Tramanancorē, vicos circiter septē. Neque verò, cum in aliorum salute procuranda vigilantissimus, tum in sui ipsius custodia remissus erat, aut negligens. vitam quippe ducebat eiusmodi, quæ satis ostenderet, nihil omnino sibi præter vnā Dei gloriā suāque salutē & proximorū esse propositā. Itaque res quas gerebat, sanctitas morū, laborēque perpetui, & insectationes, iniuriarūque quas vel in cōuertēdis barbaris, vel in tuēdis neophytis ac Lusitanis subibat, Goam ceterasque in Indiæ regiones non dubio sermone perlata, tanta cum admiratione celebrabātur ab omnibus, vt vel ab ipsis Mauris ethnicisque Pater sanctus appellaretur. Qui rumor cum etiam in Lusitaniam permanisset, cumque Ioanne s Rex eadem à multis ceterisque autoribus, tum ipso adhuc viuentē Xauerio, tum multo magis, mortuo, cognouisset, permotus rerum magnitudine atque præstantia, Pro regi Indiæ per litteras mandauit, vt Xauesii res gestas atque miracula omnibus vestigiis indagatas quā diligentissimè ad se perscriberet. Regis ipsius litterarum subiicietur exemplum, è quibus quid ille de Francisci virtute atque præstantia senserit, faciliè appareat.

*Comori
ni pro-
motorij
accola à
D. Tho-
ma Apo-
stolo ad
Christū
tradu-
cti.*

*Comori
nūChrē
stianorū
amplius
centū &
triginta
millib⁹
cēsetur.
Trauā-
coris re-
gnū cū
pagis &
vicis a-
liis à Xa-
uerio
Christo
adiunctū*

*Xauesii
gesta Re-
gis Lusi-
tania
iussu in-
dagan-
tur.*

*Inquisi-
tionis de
vita Xa-
uerij ra-
tio.*

*Regula
Xauerij
12. tra-
denda
Comori-
nensibus
doctri-
na Chri-
stiana.*

Prorex amice: ego rex tibi multam salutem. Francisci Xa-
uerii vita, gestæque res, adeò salutaris exempli fuere, vt
cas lucè edi palamq; proponi ad gloriã Domini Dei no-
stri pertinere magnopere existimem. Cuius editionis quò
major autoritas fidesque sit, mado tibi planè, vt de præcla-
ris omnibus viri illius actionibus, deq; iis rebus, quas per eũ
siue adhuc viuentẽ, siue defunctũ, Dominus noster supra na-
turæ vires effecit, vbicumque testes idonei fuerint, tabulas
publicas seu instrumenta autẽtica cõficiẽda quã studiofissi-
mè cures, & ad me primo quoq; tẽpore perferẽda. Id erit mi-
hi vehemẽter gratũ. Ac licet rerũ ipsarũ dũtaxat tabulas im-
perauerim, tu nihilo minùs efficies, vt ipsamet inquisitio in
publica monimẽta rectè atque ordine referatur. Inquisitio-
nis autẽ erit eiusmodi ratio, vt omaibus, istis in regionibus,
quicumque earum rerum probè conscii extiterint, ii de vita,
factis, moribusq; Frãcisci, quib⁹ in terris atque oppidis infideli-
um fuerit, quid in iis gesserit, interrogati & iurati respõ-
deat. Eius porrò inquisitionis exẽplũ scriba relationis ipse
desumito, tuoq; chirographo subscriptũ, adhibito etiã Au-
ditore generali, cõplicato obsignatõque: Tu deinde ad nos
id ipsum triplici via trãsmittito. Vhsipone. V. Kalen. Aprilis
1556. Regis epistola perlata in Indiam, ministri sedulò impe-
rata fecerunt, atque ita multa de Frãcisco Xauerio ad Regẽ
probè cõperta atque explorata miserũt, vt singula hoc loco
persequi nimis longum sit. Summatim nonnulla perstringã.
Xauerius cũ apud Comorinẽses degeret, in Christiana do-
ctrina tradenda tenebat hanc regulã: Manè post preces ho-
rarias recitatas, puero vno comite, qui signũ gestaret crucis,
vias oppidi circuibat, quẽrens vbi nã essent ægroti curandi,
vel mortui sepeliendi, vel infantes adultivè baptismo lustrã-
di. Si quid occurrebat eiusmodi, manibus oculisque sublaris
in cœlum, elata voce concionatoris instar admodũ piẽ pro-
nuntiabat Symbolum Apostolorum, vnã cum Decalogo, &c.
cò statim magna vis hominum confluebat. Si pro ægrotis vel
neophyto faceret, vniuersam precationẽ Euangelio, sin pro
defuncto, Psalmidia funebri, siue mortuorum officio cõclu-
debat. Ad sextam ferme horã diei versatus in opere, quãquã
summa corporis defatigatione, nullum tamẽ intermittebat
diem,

diem, quin aliquid pueris è Catechismo explicaret. Inde vbi cibo se refecisset, Christianis omnibus copiam sui faciebat: quaestiones ipsorum nodosque dubitationum expediens, omnia discordiarum semina tollens, pacemque concilians: cum etià sub vespèrâ, atq; interdum noctu sese in cœtus hominum frequentiores concionabundus infereret. Augebant autem laborè ac lassitudinem tum calores in iis regionibus maximi, tum summa viri paupertas, cuius ille semper ad eò studiosus fuit ac tenax, vt in ram crebris ac longis terra mariq; peregrinationib⁹ sine sacculo & pera ambulare solitus fuerit. Quin etià in vrbe Goa regio procuratori multa ad iter necessaria liberaliter offerret, instatq; vt acciperet, omnino remisit, & non modò viatico prorsus nullo cōscendit, sed etià impedimēta nulla in nauē imposuit præter Breuiariū, & aliud libellum, & superpellitium. In ipsa autem nauigatione precariò victitabat, aliorum benignitate sese sustētans. Iam verò Christianos, quos in Comorini tractu Christo pepererat, à barbarorum Regū & ceterorum iniuriis defendebat egregiè, proq; iis & Christi religione tuēda sæpe sese obtulit in apertū vitæ discrimen. Gens est in regno Bisnagæ, quos Badagaas vocāt. horum permagna manus cum ad neophytos diripiendos occidendosque in regnum Trauaacoris irrupisset, cognita re Xauerius ex alio quodā oppido, vbi tū morabatur, Tranancorē prouolat: nihilq; mortis metu perterritus, summo animi ardore atq; cōstantiā scelus hostiū increpās, in mediā Christianorum turbam ultro se coniicit, vt ipsum reueriti reliquis parcerent. Quamquā alioqui sanè ipsius capiti assidue penē tendebantur insidiæ. itaque & à barbaris quibusdā aliquādo conquisitus ad necem, arborem scandens, ibiq; pernoctans, manus eorū effugit. Tanto autē desiderio flagrabat vniuersæ barbariæ ab interitu reuocandæ, vt nullos labores vel pericula subterfugeret, nullāq; ferè partē caperet quietis. Insulæ Mauri sunt vltra Malucū. in iis ille versatus est omni planè humano præsidio nudus, multis vndique cinctus venenī cœdisq; periculis. quò ille cū discedere pararet, nō modò ab amicis frustra deterritus ac renocatus est, sed etià venenī multa remedia (cuius est vsus in iis insulis frequētissim⁹, atq; etià idcirco multos iā annos sacerdote atq; pastore caruerāt) sibi ab eisdē oblata, diuino magis quā humano fretus auxilio, cuncta repudiauit. Qua de profectione precibusq; amicorū ipse in Lusitaniā ad suos scripsit his verbis; Ego ipsorum

*Studiū
& culi⁹
pauper-
tatis.*

*Regnū
Bisna-
gæ.*

*Pericu-
lorum
mortif-
q; con-
tēptus.*

*Insula
Mauri.*

*Munerū
recusa-
tio.*

in me beneuolentiæ ac studio ingentes egi gratias: sed ne ipse mihi sollicitudinē struerem, ac multo magis ne quid de mea spe in vno Deo penitus fixa ac locata remitterem: amulata, quæ mihi peramanter lacrymantes donabant, omnia recusavi, rogans eos, vt pro me Deū obsecrare ne desisterent: eo veneni remedio nullum cērtius inuenire. Extat de eadem profectioe eiusque difficultatibus, de tetræ natura & inopia, ad Socios Romanos alia item ipsius epistola, cuius illa clausula est: Hęc ad vos eo scripsi, vt sciatis quāta sit in hisce insulis cœlestium solatiorum copia: namque omnia hæc pericula ac labores vnus Dei causa vltro suscepti, thesauri sūt ingentibus referti spiritalibus gaudiis, ita vt hæc apprime facta & apposita prouincia sit ad oculorū aciē paucis annis è suauissimi sterus vbertate perdendam. Equidem in vita mea nec vlla vmquam animi tanta tamque perpetua voluptate sum affectus, quāta in his locis afficio: nec tam leuiter corporis vexationes atque molestias pertuli: cū tamen hostes circā finitimī sint, incolæ ipsi non amicissimi, regio verò ita infelix & sterilis, non modò vt cunctis valetudinis aduersæ subsidiis, sed etiam consuetis alibi vitæ præsidis ferè omnibus careat: sic prorsus, vt hæ mihi videantur insulæ diuinæ spei veriùs appellandæ, quàm Mauri. Nec verò populi in his partibus desunt, (Iauaros vocāt) qui posse hominem interficere, summæ beatitudinis instar putent, à quibus cū alii tum Christiani multi occiduntur.

*Solatia
eum af-
flictioni
bus con-
iuncta.*

*Iauari
populi
quàm
inhu-
mani.*

*Tolo op-
pido,
Christi-
anorum
amplius
viginis
quinque
millia
facta an-
no 1547
Insule
Maluci
& Am-
boini.*

Tres menses apud eas nationes Xauerius posuit, partim Christianorum loca circumiēs, (quæ iam diu lustrauerat nemo, siue quòd absūt ab India leucas àplius mille, siue quòd, quem præfulē habebant, ipsimet Insulani peremerant) partim etiam in barbaris conuertendis ad Dominū ita multis, vt in vno duntaxat oppido Tolo, Christianorum omnis ætatis amplius viginis quinque millia ab ea facta fuisse dicātur: idque anno post Christum natūm circiter 1547. Nam ex eo tempore is numerus per Socios, qui in opere successerunt, valde auctus esse credendus est. his rebus peractis, cū intellexeret Xauerius, quam vehementer insulæ Maluci & Amboini cultorum inopia laborarent, cessare nescius eò se contulit, ibiq; Christiana re præclare gesta, regnū aliud petiit, in quo intra mensem hominū plus decem millia ad cultum Christi perduxit, & significauit suis ipse litteris, sperare se eò anno plus centum millia Christianorum esse facturū. Multis igitur

igitur in eo tractu institutis ecclesiis, quæ sacrosanctæ sedi apostolicæ Romanôque Pontifici obtemperant, & multiplicantur in dies, relictisque ad earum tutelâ aliquot è Societate custodibus, ipse, quod aliis Indiæ locis mortales plurimos doctoribus destitutos in æternum perire intelligebat, reuersus in Indiam est. Japonis regnû paucis illis annis aperuerant Lusitani, cuius incolæ sunt ingenii ac docilitatis laude præstantes. Id ille ubi didicit, nequaquam loci longinquitate deterritus; (abest enim id regnû ab vrbe Goa leucas plus mille) quamquã distuadeantibus cunctis; intèpesti-
no ad nauigandû mari, nauigio barbaroru Sinarû sese commisit, difficultiq; ac periculosa nauigatione maritimâ Japonis urbem Cangoximâ tenuit. Comitern habuerat Iaponium quendam Lusitanicæ linguæ peritum. Eo vsus interpretare, capita Christianæ religionis in Iaponicum sermonem trãstulit primum; deinde Christi Euangelium in iis terris inauditum promulgare, nec sanè frustra, aggressus est. Cangoximâ cû neophytis aliquandiu moratus, ad magnâ illâ urbem perrexit Meacû, regnî totius caput, leucas trecentas ab eo loco posita, Christi noticia nulla. Iter habuit in priniis laboriosum atq; difficile. In viâ se dedit Octobri mense, cû frigora in Iaponè sãuire incipiunt, tanta niuiû copia geluq; vt in siluis concreta ex glacie moles passim ad instar trabium rigent. Mari nò semel infesta pyratæ loca trajecit, in infima nauium propter obscuritatē ac nouitatem nominis sui à nauis sæpe coniectus. Terra autem, ne erraret ignarus viarum, indigenas equites citato cursu prosequēbatur, & quidē pedibus nudis, quod eo anni tempore flumina multa vado superada sese crebro offerrent. Itaq; sæpe niuiû & algoris iniuria pedes intumescēbat: sæpe etiã assidua sacrorû instrumentorû gestatione defatigatus, a sp̃ritate viæ fallente vestigia, concidebat. Nocte verò, aqua madidus, frigore famēq; cōfectus, cû ad hospitium perueniret, humana solatia nulla repetēbat: nã ecclesiæ illa ac diuina (credo) nō deerant. In ipsis verò pagis, & oppidis, quâ transibat, ad alias contumeliis & iurgia illud etiã accedebat, vt per plateas crebro lapidibus petētorur à pueris: nec tamē idcirco à sacrosanctæ fidei Catholicæ præconio desisteat. Meacû vœuenit, omnia ostēdit bello tumultibusq; flagrantia. Itaq; re infecta Cangoximâ reuerti coactus est, Christianis aliquot in reditu factis. Annû circiter in Iaponè versatus est: in Meacensi peregrina-

*Hominū decem milia intra mēsem ad Christiā peruen-
tū.
Ecclesiā Indica Romanis parent Pontifici.
In Iaponi regnum promulgatur.
Cangoximâ in Iaponis urbs.
Euangelium Christi sit Iaponis promulgatur.
Meacû regni Iaponis caput.
Frigora in Iaponē maximè lugentes stueris difficultatibus.*

grinatione mēses quatuor posuit. Tū institutis ibi quoque Sociis, qui cœpta promouerent, in alia regna discessit. Magnū verò nomē, magnā sibi venerationē apud Iaponios peperit, planē vt illū Europæis omnibus anteferrēt. tanta enim fuit vitæ morūq; innocentia, vix vt in iis quisquā vel venialis noxæ maculā deprehenderit. quin etiā ea re aiebant illum à ceteris differre Sociis, quòd illi sigillatim ad varias multorū interrogationes deinceps atq; ordine respōderēt, Xauerius, decē duodecimve maximē inter se diuersis propositis quæstionibus, vno eodēmq; respōso simul ita satisfaceret vniuersis, vt si corū vnicuiq; separatim ac propriē respōdisset. Illa verò de Xauerii actis suprà humanas vires admirabilia celebrātur, quòd variis temporibus in Iapone mutoidā ac pedibus capto vsum linguæ & ingressū, surdo auditū, itē alteri surdo mutōve sanitatē diuinitus reddidit. Atque hæc in Iapone. In Comorini autē regione dū ageret, nō solum ægros cōplures à medicis desperatos morbo diuinitus liberauit, spiritusq; fugauit immundos, sed etiā mortuos reuocauit ad vitam. Iuuenis quidā obierat multis affinitate cōiunctus. hunc oppidani mortuū magnis clamoribus frequentes ad Xaueriū afferunt, quē ille manu apprehēsum viuētē, erexit. idq; Goā constanti fama perlatū est. quo Xauerius etiam, cū non multo pōst rediisset, ad Didacū quendam magnæ auctoritatis virū diuertit, is cū rē gestā cognoscere de ipso Xauerio admodū cuperet, Cosmū Ioannē regiū procuratorē inuitat, vt ambo simul id à Xauerio sciscitētur. Cosmus pudore deterritus, rē ad ipsum Didacū rejicit. qua ille recepta, paucis pōst diebus Xaueriū nomine cōpellans, Ad gloriam (inquit) ac laudē Domini, cedo magister Frācisce, quidnā fuit illud de adolescente, quē defunctū in Comorini promontorio reuocasti. Ad ea verba Xauerius nimirum erubuit, hominēq; amplexatus, atque subridens, Iesu bone (ait) egōne vt mortuos excitauerim? O me nequā, iuuenem ad me, mortui specie, attulerant. iussus à me surgere nomine Dei surrexit: ea videlicet populo noua res visa. Hæc deinde Cosmo referens Didacus, Noli (inquit) dubitare, quin ope diuina iuuenem illum Xauerius reuera mortuum suscitauerit. Ibidem mulier Christiana ad Xauerium accedit, rogat vt ad filium suum vita functum venire ne grauetur. Ille cō se confert: pueri cadauer flexis genibus Deum precatus crucis signo lustrat: puer statim exsurgit in vitam, ac sanitatem pristi-

*Gesta
quædam
Xauerii
admirabilia.
Muto,
surdo,
clando,
ægrus de
speratis,
sanitas
red
ditur.*

*Mortui
ad
vitam
reuocā-
tur.*

pristinam restitutus. Christiani qui aderant, miraculum exclamant: illos verò Xaverius obsecrat, rem uti silentio cōregant.

Ex Iapone decedens, naudem conscendit Lusitanā cuiusdā, qui Colani præsidiō præsuit. In ea navigatione cum in oram Sinarum ē regione Chincei iam peruenissent, atrox & periculosa procella coorta, scapham, unā cum duobus Mauris ē nauali turba, retinaculo rupto, ex omnium oculis tanto impetu abripuit, ut paulo post nec ē sommo quidē ipsius mali carchesio speculantibus appareret; tū verò ea deploata, cursum prosequi nautæ decernūt. Id ubi sentit Xaverius, magistrum navis ductoremque obsecrat, ut dolones, qui ob venti violentiam non erant omnino sublatis, demittant, & scapham expectent. Negare ductor primò, magnum esse affirmans in mora periculum: exiguo illo contracto velo, quo maris impetum fugerent, haustum iri nauigium fluctibus. Ad extremum tamē victus Xaverii precibus, submitti dolones imperat. Verū ubi nihil profici ea re intelligūt nautæ, tumido præsertim at sæviēte mari, vela rursus expediunt. Contrā Xaverius niti, seridè affirmare scapham breuī incolumem assuturam. Cū illi nihilo minùs desperata re dolones erigerent, extēplo Xaverius ad proram accurrit, manuque antennis injecta, nautas per Christum Dominū eiūsq; vulnera obtestatur, ne ex eo loco discedant: confidere se planè fore, ut per illud animarum, quæ Christianæ esse possent, Deo miserante, non interirer. His auditis nautæ deūo vela submittunt. Interea Antonius Dias Xaverii rogatu rudētes ascenderat, nihilque dispiēiens, descendere iam parabat, cū illum adhuc paululum expectare Xaverius iubet, simulque ipse ad navis marginem sublati manibus se in preces effundit, nauarchum & ceteros bono animo iubet esse. Cū hæc maximè fierent, ecce tibi repentē aduentans scapha conspicitur. Tum ad eam expectādam, cursūque facilius inhibēdum, navis contra maris impetum in obliquum locatur; nec mora, duarum triumve horarum intervallo scapha neutram in partem declinans rectā ad onerariam appropinquat: cui cū funem eminus injicere pararet, nihil opus esse ait Xaverius, ipsam per se placidè ad onerariæ latus accessurā: itaq; factum est. Duo qui vehebātur, in naue accepti. scapha, quāquā minimè sedata tēpetate, retinente nemine, cā diu stetit, quoad eā

*Chin-
cheum
in Sina-
rum ora,*

*Mauri
duo, flus-
tibus
mirabili-
ter eva-
pti, bap-
tizati.*

naueæ ad onerariam religarunt. Mauri illi duo ad Christum deinde conuersi baptismo lustrantur. Res tota summa omnium admiratione animaduersa ac notata est.

*Prophetia de
nauis in
Xaueria.
Malacca.*

Fuit verò Xauerius utique ipsius etiam Prophetiæ dono conspicuus. multa post futura, multa longè remota prædixit, quæ humanitus sciri nullo pacto possent. Ex Iapone tendens Malacam, quingentarum amplius leucarum itinere, in portum Sinarum delatus, è Doartis Gamunæ oneraria in Didacti Pererix nauem transcendit: his, quòd Malacam in discessu ab hostibus circumuentam, obsessamque reliquerat, nihilque postea de euentu reicognouerat, percontari de Siniis magnopere cupiebat, tum quid de Malacensi obsidione audissent. Simul etiam cum vectoribus in eius urbis subsidium arma sedulò comparabat, quos ita sollicitos metu conspicatus Xauerius, iubet (idq; sepius) sine cura esse, pro certo affirmans otium esse Malacæ. Idem Didactus cū animo suspensio metueret, ne omnes naves in Indiam Malacca soluissent, quòd bona iam pars idoneæ ad nauigandum tempestatis effluerat. Nihil est (inquit Xauerius) illic timeas. Antonium Pereriam etiam nunc reperiemus Malacæ, sublati ad velificandum antennis, nos ipso iam citiù præstolantè.

*Fretum
Sincapurani.*

Ad quem deinde Xauerius è fratre Sincapurano passum nonaginta millibus Malacani litteras de suo aduentu præmisit: quò simul atque peruentū est, omnia prorsus ut ille prædixerat, res Malacenses pacatas, Antonium Pereriam tertium iam diem profectioe parata ipsos opperientem inueniunt.

*Aceni
Iapone
nis populi
belli.
cuius gens
Malacca
repta
in
aduult.*

Simone Mello Malacæ præfecturam gerente, cū ibi Xauerius esset, Aceni, immanis ac bellicosa gens, celocibus ferè sexaginta, noctis silentio Malacæ portum inuecti, ut onerarias, quæ in eductis anchoris stabant, inflammarent, atque diriperent, Bandensium nauem iam propè ceperant, cū Lusitani qui in oppido habitant, biremibus circiter quinque raptim instructis, decemque diem duratæ imposito commeatu, intra decimam diem redire iussi, cōiectos in fugam piratas ad Parlem usque amnem ducetas ab urbe leucas persequuntur. iamque mensem totum ultra finitum sibi temporis spatium abfuerant, cū interea nullus de iis nuntius venerat Malacam. Quin etiam complures, ad explorandum littres à præfecto dimissi, nihil omnino reulerant. Quo circa magna erat suspicio, male pugnatum esse: auxilique suspicionem rumor à Mau-

ris in eolis dissipatus, nostros ab hostibus planè victos ac deletos esse. Cùm mœsta atque afflicta eo metu ciuitas esset, matronæ etiam maritos vt mortuos effusè lugerent, in concionem populum Xauerius aduocat, & ad extremum, nonnullorum fidem in Christum requirens, & inconstantiam increpans: Sunt, inquit, in hoc cœtu cùm alii, tum mulieres quædam, quæ sortibus jactis, consuleisque veneficiis, persuadere sibi, classem nostram ab Acenis captam, maritòsque lugent. At vos fratres mei amicique, omni mœrore deposito, exilaramini, & gaudete vehementer: namque hodierna die fratres nostri pugnarunt, insignique de hostibus parva victoria cum optimis spoliis reuertuntur ad nos. Certo die (ipsamque notauit diem) adiuuante Domino incolumes aderunt, non plus tribus è nostris aut quatuor in pugna desideratis. Proinde tantam victoriam Deo gratulantes semel orationem dominicam & salutationem angelicam recitemus, iteùmque pro iis qui vitam in certamine profuderunt. Hæc ille solita vultus orisque serenitate cùm perorasset, ingens omniū stupor & motus animi consequutus, tantàq; fuit de viri sanctitate auditorum opinio, vt nemo planè dubitauerit, quin illa Xauerius diuino afflatus spiritu verè pronuntiaffer, cùm nec terra nec mari nuntii eo tempore ad urbem venissent, nec verò tam breui ex tam longinqua regione venire potuissent. Eodem die sub vesperam in æde Mariæ Virginis in cliuo, separatim ad matres familias verba fecit, ipsum nominatim definiens diem, quo die certum de suorum incolumitate ac victoria nuntium essent accepturæ. itaque factum est Nuntium victores ipsi cū ingenti præda paulo pòst subsequuti, nauigiis, & myoparonibus, tormentis, apparatusque bellico, multis denique ex hostiū numero captiuis adductis. Appropinquanti ad oppidū classi Xauerius vnà cum vrbis præfecto & reliqua multitudine ad litus obuiā prodit, signū crucifixi Christi Domini tenens: descendentem ducem, cæteròsque primarios gratulabundus amplectitur. In ea celebritate atque frequentia, Mellus vrbis Præfectus quid paucis illis diebus de suggestu Xauerius dixerit, Classiariis publicè exponit. rei gestæ seriem cum Xauerii verbis ad amussim conuenire comperiunt. tantum denuo admirationis atque admurmurationis exortum, vt aliud ferè nihil per eos dies in ore sermonèque omnium versaretur. Neque verò Mala-

*Ma'a-t.
sibus vi-
toriam
vatici-
natus est
Xauer-
ius.*

cenſibus læta ſolùm ac proſpera, ſed etiam aduerſa triſtiâq; vaticinatus eſt. Attenderunt eum ſæpenumero quidam, cū pro concione ſolutos accuſaret Malacenſium mōres, negle- ctāq; iuſtitiam, imminentia vrbī mala pœnāsque depre- cantem eas, quibus deinde ſtatim Malacenſes affecti ſunt. Proximo quippe anno Malaca ab Iſis Mauris obſeſſa, & a- gri vaſtati. belli cladem contagioſa ac dita morbi lues ex- cepit, quæ per vniuerſum graſſata populum, perpetuis func- ribus urbem propemodum exhaustit.

*Cladē
immi-
nentem
prædi-
cit.*

*Obſidio
nē Ma-
lacen-
ſium di-
uiniſus
cognoſ-
cit.*

*Absen-
tiæ
mors
ſacrifi-
cātī re-
uela-
tur.*

*Artifi-
cium
Xau-
erī in ſa-
nandū
hominū
vitiū.*

Idem Xauerius aliās cū ad Chincheum Sinarum eſſet, Luſitanis qui ibidem aderant, repentē, Deum (ait) pro fra- tribus noſtris Malacenſibus deprecemur, qui ab hoſtibus graui obſidione cincti opprimuntur, vōsque ad opem labo- rantibus ferendam nulla interpoſita mora contendite. Pro- ſecti, quo in ſtatu Xauerius dixerat, rē Malacenſem offen- dunt. In Maluci inſulis miſſæ ſacrificium facienti aperuit Dominus vita exceſſiſſe in Amboino inſula, vico Tibi, Io- annem Darauium Luſitanum. Conuerſus igitur ad popu- lum oblationis tempore, Ioannes, inquit, Darauius, qui e- rat in Amboino, extremum obiit diem: vos eū, quæſo, Deo Domino commendate. mirati qui audiere, cœlitus id pate- factum Xauerio ſtatuunt, cū Maluco diſtaret Amboinus ducenta quadraginta millia paſſuum, nec per eos dies quif- quam terra marive ex iis locis veniſſet. Spatio deinde inter- ſecto dierum ferme duodecim, Ioannis Deiroi litteris cog- nitum eſt Darauium ea ipſa hora, qua Xauerius dixerat, ē vita migrāſſe. Ruſus in Amboino dum concionaretur, au- ditores iuſſit genibus nixos orationem dominicam recitare pro Didaco Ægidio, qui Maluci eo ipſo tempore animam ageret. quod ita fuiſſe nauibus deinde litteriſque ē Malu- co reſcitum eſt.

Sed illa præſertim laude Xauerius præſtitit, animos ho- minum à vitiis atque libidine ad virtutem pietatēq; tra- ducendi. Urbis vicos tintinnabulo circumiēs pueros, quot- quot poterat, Maurōsque ſexus vtriuſque conuocabat in templum: ibi poſt Catechiſmum peractum, verbis, ut po- terat, ē Luſitanico Mauricōque ſermone mixtis, quærebat ex iis, quis nam concubinas haberet. quibus tres vel plures eſſe compererat, iis vnā, miſcens imperio preces, demebat, ſatis eſſe reliquas inquiens. atque ita, ſubducens decimo vel vigefimo quoque die ſingulas, non antē deſiſtebat, quā-
cun-

cunctas omnino dimitterent. Hoc ille artificio nouē circiter scortā cuidā paulatim detraxit. Quos flagitiis huiusmodi coopertos repperat, cum iis hac ratione utebatur & via: blandē primū & familiariter compellare, nihil in vultu seueritatis, nihil asperitatis in verbis ostendere, vltro etiam ad conuiuium semet offerre. vbi sese arcta cum iis & iucunda familiaritate coniunxerat, tum eos quō veller denique perducebat, atque ita aggrediebatur ad alios. hoc maximē modo cōplures penē perditos à flagitiosa vitæ consuetudine reuocauit. vt Xauerius ab iis qui cū norunt, plus familiari sermone atque colloquiis, quā publicis ad populū concionibus profecisse iudicaretur.

Victu fuit cultūque corporis tenuissimo; carnibus nō ferē, nisi si quando vt morem cōuiuis gereret, vesceretur. totum sæpe biduum ac triduum vix vno panis obolo transigebat: vino autem abstinebat maximē: cuius vas à Martino Alphonso Sosa cum aliis quibusdam donis sibi missum neque gustauit, & pauperibus cuncta distribuit, in quos vbicūq; terrarū essent, quæ sibi donarentur ab aliis, erogabat. quieti id solummodo tribuebat, quod à quotidianis ex instituto muneribus otii superfuerat: vix autem horæ duæ trēsve ferme supererant: nec iis quidem planē utebatur, sed aliud agens, naturæ ipsa demū necessitate cogente cedebat somno. Obseruatunt eum sæpe de industria quidam externi, cū in cubiculum se reciperet, obfirmato semper animo precationi insistentem, quoad somno oppressus, ac penē concidens, ad saxū pro cervicali recumberet. Christiana sacra eū Indicis insulis iā ferē omnibus impertisset, summa ope sibi enitendum putauit, vt eadem in amplissimam quoque illam Sinatum regionem inferret. Eam igitur ob causam ex Iapone reuersus in Indiam est, vt se ad hanc expeditionem pararet, nec, quamuis multis iter illud vel dissuadētib; vel etiam impedire (præsertim Malacæ) conātibus, de suscepta sententia potuit dimoueri. Insula est in ora Sinarum, quā Santianum appellant à continenti passuum millibus nonaginta, quo Lusitanī morcatores ad negotia cum Sinis contrahenda comitant: nam Sinarum mediterranea penetrare aduenis capitale est. Eō Xauerius negotii ipse quoque sui causa cōtendit, nullis terrorib; cedere solitus, vbi Christiana res & animarum salus ageretur. Cū Sionio quodā, vt se Cātonii portus in littore exponat, emendicatis ad eam

Victum & cultus corporis qualis.

Somnus vix duarum vel trium horarū.

Saxum pro cervicali. Santianum, Sinarum insula. Xauerius in Sinatum regionē contendit. Cantonium portus.

*Mori-
tur Xa-
uerius
Anno
1552.*

rem decedit aureis nummis trecentis, sed nimirum interea Xauerii laborum finis obrepserat; & qui sese in medio versari stadio rebatur adhuc, ad calcem, atque ad paratam victoribus a iusto iudice coronam gloriæ peruenerat insciens. Dum enim hæc maxime gerit, grauissima opprimitur febri, ex qua paucis diebus est mortuus in eiusdem insulæ monte quodam deserto, summa rerum omnium inopia, sensibus animi ad extremum usque spiritum integris, verba illa sæpe inter mortuis vocibus iterans, Miserere mei fili David, Iesu fili David miserere mei, item illa, Mater Dei memento mei, atque ita è mundi tempestatibus atque procellis ereptus, portum DEI beneficio tenuit, longè Cantonio rutiorem, quarto Nonas Decembris, anno Christi nati 1552, Indicæ verò suæ peregrinationis, vñdecimo. Corpus humatum amictu sacerdotali, viua calce, quod ipsemet iusserat, amici eo consilio contegunt, vt ossa nuda in Indiam deportent.

*Mira
Dei ope
ra circa
desun-
cti cor-
pus.*

Inde mense circiter tertio effodiunt: non modò non absumptum, sed etiam integris vestimentis, ea insuper auctum dote reperiunt, vt varios efflaret odores miræ suauitatis. Ac nihilo minus in eadem calcis arcæ reconditum, in nauem imponunt: transuehuntque ex eo loco Malacā summa populi veneratione. sæuiens autem per eos dies pestilentia in vrbe famelique statim sedata est. Malaca denique (vt menses aliquot sepultum iacuit) Goam delatum est, magno vti-que nauarum bono: quippe ex multis certisque naufragii periculis, attemonis malo diffracto, ipsaq; oneraria bis per imprudentiam in Syrtēs inuecta, eius implorato subsidio, cuius vhebant corpus, erepti sunt. Goam aduentanti vniuersa sese obuiam effudit ciuitas, ingentiq; pompa ac celebritate in D. Pauli templo depositum, inque omnium conspectu locatum per aliquot dies omnium ordinum viri feminæque religionis causa celebrarunt, & eo quidem concursu, vt ad arcendam ex ædæ multitudinem, arca inclusum terræ mandare necesse fuerit. vbi illatum ab omni tæbe hodiæque persistens, non leni argumento indicat castimoniam viri, ac virginis, cui dant testimonium etiam ii, qui confessiones illius excipere soliti sunt. Hactenus de Xauerio, pro instituta operis breuitate, & angustiis temporis, multa pro illius meritis ac dignitate, perpauca. Nunc quoniam eiusdem præcipue ductu atque consilio Collegia Societatis IESV aliquot in illis partibus instituta sunt, ex quibus de-

inde

*Illæ-
sum ab
omni
tæbe ho-
diæque
persistit
Xauerij
corpus,
Goæ se-
pultum.*

inde stationibus Euangelii causa diuersa ac remotissima Orientis loca Socii penetrarunt, sequitur vt de singulis aliquid breuiter dicendum esse videatur,

GOA INSVLA ET VRBS.

ATque vt à Goensi ducatur initium, quod in Asia fundatum est omnium primum, (distat autem à Lusitaniæ littoribus Goa, recta quidem linea, leucarū duo milia, consuetæ verò nauigatione, circiter quatuor) cum Ioānes tertius Lusitaniæ rex in vrbe Goa per amplas ædes, quæ D. Pauli vocatæ sunt, & vectigalibus certis instructas ideo comparasset, vt in iis aleretur proborum doctorumque hominum copia, qui in vnā barbarorum conuersionem toto pectore incumberent: Didacum quendam magnæ estimationis virum, piumque simul ac litteratum, vniuersæ procurationi proposuit. Is, vt primum Xauerus in ea loca delatus est, viri institutis viteque ratione mirabiliter captus, factaque ex eo de reliquis conjectura, secum ipse statuit Societatem IESV maximè dignam esse, cui eiusmodi provincia delegeretur, totamque rem per litteras cum Rege communicat. Rex, qui optimè de eo hominum ordine iam antè sentiret, haud grauatè concedit in eandem sententiam. Goanas ædes vnā cum instrumento vectigalibusque confestim Societati attribuit, idque Collegiū nouis deinceps beneficijis liberalissimè cumulauit, auxitque, non Sociis solū, sed etiam neophytis nutriendis ampla decreta pecunia. Missi eò statim concionatores, Confessarii, doctores, & cæteri ad vsus domesticos necessarii. Versantur autem hoc tempore in eo contubernio (ex quo in cæteras Indiæ partes identidem supplementa mittuntur) Socii amplius centum: qui cum nulli rei dent operam, nisi Christianæ fidei propagandæ, tantis occupationibus distinentur, vt sæpe non nisi tres quatuorve ex omni numero domesticos intra parietes, & ii quidem valetudine aduersa retenti, remaneant. neque verò, si mulgo plures eò mittantur, cunctis negotium desit. Theologiæ scholas habent, artiumque liberalium: nec humanioribus modò litteris, verum etiam Indiæ linguæ vsu exercetur, quo facilius, siue interpretis opera, Euangelii promulgatio sit. Eadem opera instituuntur etiā pueri amplius sexcenti è diuersis regionibus oriundi, Brachmanes, Persæ,

*Goem-
si, vi-
mum in
Asia fun-
datum
Colle-
gium,
Lusita-
nia regis
liberati-
tas & in
signis
pietas.*

*Goa, So-
cij am-
plius cẽ-
tū Chri-
stiana fi-
dei pro-
paganda
dant ope-
ram,*

*Pueriam
plus 600
d diuersis
regioni-
bus oriū-
di, Goa
instituta
est.*

*Tria ar-
matorū
millia in
urbe Goa
salutari
aqua per-
fusa.
Pia mi-
litū con-
suetudo.*

*Anno
1560. ho-
minū mil-
lia plus
viginti
conuersa.
Principes
ac dyna-
stæ, Bra-
chmanes
& nobi-
les, tum
verò filia
Mealis re-
gi cōuer-
tuntur.*

Arabes, Æthiopes, Cafres, Canarii, Guzarates, Dacanii, Malauares, Bengalæ, Canaræ, Pegui, Patanes, Chingolæ, Iai, Malai, Manancabi, Macazari, Malucii, Sionii, Mauri, Sinæ, & alii, qui quoddam præclara ferè indole sunt, & eorum cōtubernio præsident certi homines è Societate, magna spes est, fore, ut in terras quisque suas dimissi Euangelii lōgè lateq; disseminent. Nec sanè laboris est cur pœniteat. nam ex quo tempore Socii in ea loca profecti sunt, vniuersam pœnè Insulam Goam, finitimâsque Dinarem & Cōranum ad Ecclesiam Catholicam aggregarunt. Magnumque etiam in hac vita fructum industriæ suæ tum sape alias cepere, tum anno post Christum natum 1557, cū illis humanissimè Constantinus Prorex bellum eo tempore comparans, tria armatorum millia, quos iidem in vrbe Goa salutari aqua perfuderant, sub signis ostendit. Militum est autem ea consuetudo atque animi pietas, ut quo die in expeditionē ituri sunt, noxis per confessionem elutis, summo manè ad sacram ædem agmine veniant. hastisque & sclopis ad ianuam tēpli religiose depositis, vbi Eucharistiæ Sacramentum ordine singuli acceperint, altera ianua egressi arma sumant, seque inde firmiores & alacriores ad signa recipiant.

Anno verò, qui fuit à Christo nato 1560. hominum millia plus viginti cōuersa, quorum duodecim millia & septingentos in ædibus suis iidem qui Christianis præceptis imbuerant Socii sacro fonte lustrarunt. Mocadani tres siue præfecti, pictorum, nautarum, aurificum, vnâ cū domesticis Christiana religione suscepta, ad eadem sacra vitæque institutum magnam sui quisque ordinis multitudinem perduxere. Sunt præterea in iis qui conuertuntur, cū alii nobiles multi Mauri paganique & Brachmanes Indicarum superstitionum antistites, tum verò principes ac dynastæ; quo in numero fuit filia Mealis regis natione ac moribus Mauri, qui, ut in Idalcanis regnum restitueretur, ex quo fuerat exactus, Goam ad Lusitanos opis implorandæ causâ confugerat. Hæc pueros Catechismum decantantes per urbem Societatis instituto, dedita opera sæpius magna sua delectatione atque animi voluptate cū attendisset, afflata diuinitus, parentibus quamquam inuitis ac renitentibus, Christiana sacra suscepit anno post Christi natalem 1557. Strenuus etiam in primis eques ac nobilis, cui in baptismo Alphonfi nomen fuerat inditum, hoc anno

mortuus

mortuus est in eo bello, quod Antonius Prorex cum Mauris Paganisque Malauaribus habuit. Rex Tricanamalis uiuit adhuc, honorificèque à Lusitaniæ Rege tractatur.

Rex Tri-
canama-
lis.

Rex verò Ceilani Ioannes, etiam Vlyssipone deinde versatus, & Societatis hospitio ibidem est vltus. Atque hæc de principibus ac potentibus viris: quis sanè in Catholica fide mirabiliter stabiles fixique persistunt, exemploque ipsi suo plurimos ab erroribus in semitam veritatis adducunt.

Rex Cei-
lani.

De Brachmanibus autem duos præcipuè in medium afferam: quorum alter in amplissimo dignitatis gradu locatus, eruditionis & Astrologiæ præsertim fama præcellens, tantum sibi nomen ubique pepererat, vt à remotissimis etiam nationibus consuleretur, multiq; ab eo nozarum absolutiones suppliciter peterent. Is tantum sua conuersione profecit, vt cum eo nemo ferè ethnicus ageret, quia victus illius rationibus cederet, scq; ad Christum adiungeret. Alter item in primis insignis & locuples, quippe qui è sacerdotio quod gerebat, barbariæ illius totius decimas atque primitias caperet: omni pecunia commodisq; Christi causa neglectis, ceteros quotquot poterat ad Euangelii veritatem omni conatu atque opera perducebat: quod idem studium in aliis quoque ferme neophytis, æquè summis atque infimis, cernitur.

Brach-
manes
quo præ-
cipui
Christi
causa
omnia ne-
gligunt &
multos
ad Chri-
stum ad-
iuungunt.

Institutum est etiam eiusdem Regis Lusitaniæ sumptibus contubernium frequens eorum, qui catechizantur, atque hospitalis domus, in quam vtriusque sexus ægroti, magno Christianæ rei incremento, sese recipiunt. In his porò collegii domiciliis quadringenta ferè capita numerantur. Atque illa etiam Christianam rem non mediocriter adiuuant, vel quòd Baptismi quam maximè solenni ritu ceremoniæq; peraguntur, Proregibus atque Præfectis magna animi delectatione lætitiæque presentibus: vel quòd Proreges neophytis habent honorem, quacunque re possunt benignissimè commodat, immunitates ac priuilegia tribuunt, inclinantq; ab illis onera in barbaros, idque tum sua ipsi sponte ac iudicio, tum Regis verè Christiani mandato, tum etiam Sociorum monitis ac suasu. Quod quoniam notum in vulgus est, sic fit vt Societatem neophyti magnopere diligant, ethnici valde reuerentur ac timeant.

Catechu-
menorū
contuber-
nium &
hospita-
lium.

Proregū
& Præ-
fectū or-
ganæo-
physis bi-
gnitatis.

In eadem insula oppidum est insignifano D. Ioanni Baptistæ

tistæ dicat o. eius oppidi principes (Gansaras vocant) tam secundo Christianæ rei progressu conturbati, ac vehementer attoniti, in consilium de Republica veniunt. Tres dictæ sententiæ. Prima iubebat, quoniam tanto impetu insulam vniuersam religio Christiana peruaderet, fortunis animarû salutis posthabitis, in continentem migrare. Suadebat altera, tempestatis eius transitum expectandum: id fore, cum primum Prorex Constantinus ex insula decessisset. Tum vero surgens è senioribus quidam præcipua existimatione vir, Non tam nobis (inquit) de Constantini discessu, quàm de Sociorum mansionē cogitandum est: quæ quandoquidem erit perpetua, nec minori apud ceteros, qui succedent Proreges auctoritate futuri sunt, commodius multo nobis vti- que fuerit, relictis Idolis vni Deo nos dedere, & Christiana sacra suscipere. Salutare omnibus consilium visum. itaque tanti per eos dies ad baptismum facti concursus; vt mortales plurimos, non sine magno quidem ipsorum mœnore, in aliud tempus rejicere necesse fuerit. mira est enim candidatorum in Christi sacris capeffendis alacritas. In Bati vico primarius quidam Camotis nomine, sub vesperâ admonitus, vt postridie (qui dies erat sancto Ludouico Regi Galiliæ sacer) bene manē ad baptismum vnâ cum suis præstò esset, Proregem ipsum affore, proinde non esse tali tempore somno indulgendum, ecce tibi intempesta nocte ad sacerdotis hospitium venit, & ianuam pulsar. Sequebantur cum cognati ac necessarii omnis ætatis circiter ducenti. viri virtutis tēpora more patrio redimiti plurimis insertis, quorû erāt sclopetarii ferme triginta, mulieres auro pretiosisq; lapillis ornata. Ipse autē Camotis torque aureo insignis & sclopo, purpureisq; femoralibus sericis, argenteo ense ex humeris dependente, militari ornatu, in primo agmine erectus nuntiat se, vti conditum fuerat, paratum adesse, cum tota familia, quoniam quidem ea nocte dormiendum non esset. Collaudata hominis vigilantia studioque, domum redire, & in lucem quiescere iussus, vt primum Prorex cum Episcopo Malacensi aduenit; magna omnium gratulatione gaudioque cum suis est baptizatus. Petrus Almeida è Societate est Goæ. Is Deorum signis demoliendis, diffringendisq; mirificè delectatur. Id quoniam neophyti intelligunt, certatim in ea re magistro gratificari conantur. Cum Bardensibus quidam contumeliis Crucem affecissent, id

vbi refecti Coranēſes Chriſtiani, iniuriā vicici conſtituunt. Noſte Bardem ingreſſi lapidea ſimulacra aliquot furto ſurripiunt, ſtatimque ad Almeidaſſam afferunt. Laudat hilari vulcu diligentiam Almeida, nec patitur quenq; priuſ ſe in ſimulacra manus injicere, quā vbi ipſe comminuit, Chriſtianos deinde iubet inſpuere, pedibuſque calcare. illi imperata faciunt alacres: quin etiam iniuſſu, iurgia & probra ingerunt, maledictiſque proſcindunt, quā tanto nuper cultu ac ſuperſtitione venerabantur. Iidem neophyti cū a quodam è Sociis valde petiiſſent, vt crucem Corani deſingeret, cumque ille rem differret diuini, quā deſiderium ipſorum pietasque ferre poſſet, delubrum antea ſibi valde religioſum irumpunt, detracta materia Crucem ipſimet fabricantur, eāque a magiſtro conſecratam magna animi voluptate gaudiōque in vico publicè ſtatuunt, & ſanè idola ſua rituſque barbaros mirum quanto odio proſequantur. Anno quidem a Virginis partu 1567. in agro Salſertano (vbi præcipuè florebat Brachmanica prauitas) delubra plus trecenta deturbata & ſolo æquata per litteras nuntiantur, ſacris Dei templis eorum vice reſectis, quorum coram gerit Societas, idque partim Proregis imperio, partim etiam Fratrum Franciſcanorum, & Societatis inſiſtenti, quo factō vici planè octo & quinquaginta idolis nudati, purgatiq; ſunt. Gaſſares verò, de quibus ſuprà meminimus, affirmabant ſibi Dæmonem apertè dixiſſe: Diuus hic Ioannes, qui in meo colitur fano, maior atque præſtantior eſt me: quocirca ei cedere, vōſque deferere, & in continentem abire cogor ex Inſula.

COCINVM.

Societatis I E S V Collegium aliud eſt in vrbe Cocino, paſſuum ab Goa trecentis millibus, quanquam minori Sociorum numero, iſdem tamen occupationibus atq; laboribus. Ac tamen ſi in pacatis numeratur hoc oppidum, non tamen omnino vacat inſidiis. Melchior quidem Cannerius è Societate Nicenus epiſcopus, (nam etſi eccleſiaſtica honorum inſignia ac titulos, atque opulenta ſacerdotia legibus ſais omni conatu Societas refugit, huiuſmodi tamē epiſcopatus ac munera, quæ certos habent labores atq; pericula, redditus ac vectigalia nulla, mandante Pontifice maximo recipit) is igitur cū per eos dies verſaretur Cocini, eodēque ſe contuliſſet Armenius epiſcopus neſcio quis, dum

ANNO
1567.
delubra
plus tre
centa
detur-
bata, re
ſectis,
eorum
vice, ſa-
cris. Vel
iēplis.

Eccleſi-
aſticos
honorū
titulos
quando
& qua-
les reci-
piat So-
cietas.

Melchior dum studiosè prouidet Melchior, ne Armenius Catholicæ
Carneri fidei integritatem ac puritatem schismaticæ prauitatis la-
dominus be contaminet: diuinitus factum est, quominus improborū
cōserua- scelere occumberet. Emissa quippe in caput eius sagitta,
tus. transfixum pileum capite illato decussit. E regione Cocini,

Insule Harum Rex anno post Christum natum 1551, magna
Maldina cum popularium multitudinem Christiana sacra suscepit.
ne. Aliæ item Cocino vicinæ insulæ conuerti ad Dominum

cœper. Recentissimis verò litteris cognitum est, quatuor è
 Societate, Goam Cocino petentes, in pyratas Mauros inci-
 didisse. Dum igitur nautæ sese ad defensionem comparant,
 tormentario pulueri casu ignis injectus, nauem, quæ alio-
 qui hostibus restitisset, intestino malo consumpsit. Vecto-
 res in mare desiliunt, multiq; ex iis, ne mergerentur, ad
 ipsa hostium nauigia necessariò confugere. quo in nume-
 ro Franciscus Lopes è Societate Sacerdos ex capitis tonsu-
 ra à Mauris agnitus, & sollicitatus etiam atque etiam ad
 Christiana sacra deserenda, cum constanter in fide persi-
 steret, latera hastili transfixus, capusq; gladio vulneratus,
 exiguam hanc vitam cum illa perpetua commutauit. alius
 è Sociis captus, ac deinde redemptus est. reliquis duobus
 quid fuerit, incertum est: eundem exitum, quem Franciscus
 Lopes, sortiti putantur.

Frācisc⁹
Lopes cō-
stāter in
fide persi-
stens à
Mauris
trucidat-
us.

D A M A N V M.

D A M A N V M est castrum, de Mauris à Constantino
 Ptoerege captum. id quoniā in ipsis Lusitanici impe-
 rij est finibus, valido præsidio Ptoereges tuentur Lu-
 sitanorum interdum mille. ibidem etiam è Societate non
 nulli magno cum rei Christianæ adjuuamento versantur. Sit
 autem Lusitani milites tanta pietate ac religione, atque ita
 bene de Societate sentiunt, vt nunquam ferè in expeditio-
 nem exeant, (exiunt autem sæpe) quin ex iis aliquem secum
 adducant, qui confessiones ipsorum excipiat, crucisque ve-
 xillum ferens tempestiuus eos in ipso certamine cohorta-
 tionibus animet. Quæ sanè officia Socii magnis corporis
 vexationibus, periculitque mercantur: atque id ipsum aliis
 quoque in regionibus, cum sese offert occasio, quanquā in
 tanto capitis discrimine, non tamen sine cœlesti quadam
 animi

Lusitano
rum mili-
tū pietas
& religio

animi voluptate & gaudio, faciunt. Simul etiam in Damani agro Mauri aliqui ad cultum Christi Domini perducunt: in iis illustri loco nata mulier Mauro marito conjuncta, qui Damani quondam Præfectus fuerat, ingenti suorum admiratione a Mauricis erroribus ad Christi veritatē trās-
iit, neque ē suscepta vitæ ratione suorum artificii ac blandimentis deduci vlla ratione potuit. Barochenſis reguli ad eam legatus venit mariti rogatu; nec Luſitanus præfectus, frerus constantia mulieris, aditum illi negavit. Maurus mulieris fidem oppugnare aggreſſus, cū vna Luſitanus præfectus, & mariti cubicularius, & ē Societate vnus adefſent; nonnulla primū de muliere percontari, deinde nobilitatem generis, mariti ſplēdorem, diuitias, opes in memoriam reuocare. Illa verò non modò manus non dat, ſed ne reſponſo quidem dignatur legatum. namque à magiſtro iā antè præmonita, quaſi aliud agens, preces quas didicerat, interim recitare, ſeque ſigno Crucis cepit munire. quod ſimulatque Mauri viderunt, Crucem auerſari, extemplo ſe inde proripiunt, ardentesque dolore diſcedunt. eadem animi virtute ac robore, matris quoque ab ſe repulit inſidioſas preces: quæ cū ad eam adiſſet, multiſque blāditiis ad Mauricas leges reducere conaretur: ſatius (inquit filia) fuerit, ſi alteram ſororem tecum adduxeris, & Chriſtiana ſacræ ambæ ſuſceperitis. Sin minùs, neque ego te poſthac matrem, nec verò tu me filiam dixeris. his verbis auditis, anus abiit mœrens, nec vnquam poſtea rediit. Et ſanè conuerſio Maurorum eo pluris æſtimanda eſt, quo difficiliùs à ſuis ritibus prauisq̃ue opinionibus abducuntur.

*Inuicta
mulieris
coſtātia.*

COLANVM.

ITEM Colani, quod oppidum abeſt ab vrbe Goa triginta ferme dierum nauigatione, Societatis domicilium eſt, ex quo cū in cætera loca finitima, tum præcipuè in oram Trauancorenſem excurrunt. qua in ora ante quatuor annos, quinque & viginti numerabantur Chriſtianorum vici, & in iis nonnulli ſanè quàm celebres, quibus cū Societas ad eò latè diſperſis, propter paucitatem ſuam, cunctis adefſe non poſſit, ex incolarum numero (ſunt autem Chriſtiani veteres & honeſti viri permulti, habentq̃ue inter ſe more Europeo Sodalit̃a ritè inſtituta, quaſi vulgò Con-

*Sodalit̃a
Cola-
norum.*

frat̃ias

fratris dicimus) ex incolis igitur Christianis probata virtute deligunt, quos templis tuendis, tradendoque plebi patria lingua quotidie Cathéchismo, præficient. quas tamen Domini vineas ipsi etiam Socii ex intervallis, quam sæpissimè possunt, reuisunt. Et quoniam vsu compertum est, tenera ingenia quanto facilius, quam robusta ac iam confirmata, Christianis præceptis ac moribus infotmentur; Colani quoque, vt Goæ & Malacæ, pueris præsertim erudiendis inuigilant.

Rex Allatum est nuper Trauanëoris Regem, pace inter ipsum
Tri- & Lusitanos Sociorum opera in perpetuum facta, eo bene-
un- ficio ita deuinctum fuisse, non modò vt neophytos vexare
ris- desierit, sed etiam templum, quoad sacra conueniant, suo
em- ipse sumptu exædificandū cutauētie : multis præterea prin-
plum cipum discordiis toto regno tollendis tantam ab illis gra-
adifi- tiam Socios iniisse, vt magna spes sit, rotam eam regionem,
caru- impio dæmonum cultu deposita, in Christi fidem esse ven-
rat. turam.

ORA COMORINENSIS.

DE Comorini ptomontorio, deque toto eo tractu iam diximus. quo Franciscus Xauerus, cum ex vrbe Goa se contulisset, anno post virginis partum 1542; ea parsit fidei Catholicæ semina, vt vberissimam deinde tolerint animarum frugem. nunquam enim ab eo colendo agro Societas postea destitit. Idque tanto cum tei Christianæ incremento, vt cum summa Christianorū multiplicetur quotannis, certus eorum numerus hoc tempore tradi non possit. Anno quidem Christi nati 1554, censa dicuntur Christianorum capitum centum viginti quatuor millia. anno autè 1555, centum triginta millia. portò literis anni 1563 cognitum est, Comoriacenses Christianos, & Goenses, & ex montana regione Cocini plus trecentorum millium summam in vniuersum efficere : ex quo tempore ad eum numerum millia deinceps multa accellere. quorum pars maxima atque optima Comorinensium est, aded spectatæ virtutis hominum, vt cum Europeis Christianis, si minùs antiquitate, cōstantia quidem certè, simplicitate fidei, ac religione certent. Punicaleses quidem Neophyti, cū ob suscepta Christiana sacra à tyrannis finitimis vexarentur assidue, è sedibus patriis ad alia loca migrare, quam Christum deserere, maluerunt. cū migrationi cū Proregis Lusitan iussu præf-

ANNO
Domi-
ni 1563
Como-
rinen-
sium,
Goen-
sium,
Cocin-
sium
Chri-
stiano-
rū plus
trece-
ta mil-
lia.
Neophy-
ti Pu-
nicalē-
ses.

sent

fent quidam è Societate. anno post Christum natum 1560, *Badag*
 immanis tyrannus Badagaa cum equitum: peditumq; plus *gaam*
 viginti millibus & magao elephantorum numero lubidò *manu*
 superueniens, vix spatium Christianis reliquit, se in naues *tyran-*
 cum vxoribus liberisque recipiendi. Cum Lusitanis quan- *nus.*
 quam imparatis leuia quædam fuere certamina. Ioannes
 verò Mesquita è Sociis vnus, septem octòve plagis affectus
 est magnis & grauib; inde omnibus vestimentis præter
 intimam tunicam & femoralia exutus, summa corporis ve- *Ioannes*
 xatione captiuus auehitur. idemque rursus in ipsa, qua as- *Mesqui-*
 portabatur biremi, in capite vulneratus, & fuste percussus, *ta male*
 semanimis in mare prolabitur, atque inde magno labore *multa-*
 viuus extractus, vbi peruenit ad Regem, in carcerem trudi- *tus, tan-*
 tur, custodibus multis appositis. ingens quippe ex eo redē- *dem di-*
 ptionis pretium (quodd iam è vulneribus conualuerat). ani- *uina ope*
 mo & spe deuorauerat Rex. In ipso autem carcere pessimè *libera-*
 acceptus est; catenâ primùm ferrea in collum injecta, non *tur,*
 plus laxa quâ palmū. quo factum est, vt sanguinis multum
 e naribus funderet. alia item catena femora ac tibiæ colli-
 gantur: crassæ adduntur cōpedes. denique mortis & equi-
 lei insuper accedunt minæ. Sed ex iis incommodis omnibus
 absque vlllo pretio paucos post dies diuina ope est ereptus.
 Comes autē ipsius, cū eius tumultus initio, manus hostium
 nando effugisset; alias deinde captus à barbaris, paulū ab-
 fuit, quin occideretur cuidam præterea Socio districtū gla-
 dium dynasta barbarus intentauit. Alius, quodd impiam de-
 lubri ædificationem impeditur, ethnicus eius ædificationis
 curator illum occidere voluit, haud tamen impunè: pau-
 cos enim ipse post dies repentina morte sublatu; est.

Alius etiam in iisdem regionibus fustibus cæsus, rursus-
 que per amicitie simulationem aureis diuenditus mille & *Francis-*
 ducentis. Franciscus verò Henriques & Balthasar Nunes à *cas Hen-*
 barbaris capti ambo, ac penè perempti, alter etiam in ferrea *riques*
 vinela coniectus est, religatis ad pedes manibus, membris- *& Bal-*
 que adedò intumescensibus, vt ex eo morbo aliquot dein- *thazar*
 ceptis dies admodum laborauerit. *Nunes.*

In eadē regione Ceilanum est insula, vbi res ad Dei glo- *Ceila-*
 riam contigit sanè memorabilis. Reguli cuiusdam filius na- *num in-*
 tu maximus, quodd Christiana sacra suscipere statuisset, pa- *sula.*
 tris iussu necatus est. quē Lusitanus quiddā Christiano more *Res me-*
 sepeliit, tali obita morte martyre certū existimans. Lusita- *morabi-*
 ni lū.

ni iudicium DEVS illustri testimonio comprobauit. Si quidem eius nutu factum est, vt qua principis corpus humatum erat, in Crucis figuram terra facisceret; quæ bis barbarorum opera glebis oppleta, iterum atq; iterum in eundem hiatum est resoluta. aiunt etiam per eos dies Crucem ignei coloris visam in cælo. quibus miraculis commota magna hominum vis ad CHRISTVM accessit, quorum multi Regis immanitate eadem martyrii coronam adepti sunt. In eo numero fuisset alius quoque Regis filius, itemque sororis filius, ad quem regni hæreditas pertinebat, (sororis enim, non Regis ipsius filios succedere in regnis Ceilani mos est) horum igitur vterque ad Christum prope-
sus, Regis imperio mactatus esset, nisi eos præsentis periculo Regis soror maturè exemisset. ambos enim ad se vocatos, recenti adhuc miraculo, interrogat; velint ne fieri Christiani. cum se vtrique velle dixissent, cum Lusitano trāsigit mulier eodem ipso, qui demortui principis funus curauerat, vt eos quàm occultissimè Goam vsque perducatur, quò vt veneret, fidei præceptis imbuti baptizatique, magnum pietatis ac religionis specimen præbuere. Hos imitatus regius quidam præfectus, & alii decem nobiles viri, vxoribus, liberis, bonis denique omnibus sponte relictis, magno suo incommodo corporisque defatigatione passuum amplius sexcenta millia terrestri itinere eimensi, Goam baptismi causa cū venissent, Catechismo instituti, sacroque fonte lustrati sunt. id accidit anno Christi nati 1545.

Mes Ceilani

Regis eiusque sororis filii, cum nobilibus personis baptismo lustrantur.

SOCOTORA INSVLA.

SOcotora est insula in faucibus Mecani freti, duodecimo in septentrionem gradu, distat ab vrbe Goa in Occidentem leucas trecentas & sexaginta: porro quinquaginta colligit ambitus: infelix regio & sterilis ac valde montosa, incolis infrequens, iisque partim Mauris, partim etiam Christianis, qui à Diuo Thoma cognominantur, propterea quòd Euangelium ipse in ea loca primus inuexit. Cōplures Iudaicos ritus ac ceremonias retinent, gallinam aut quamlibet auem manu contingere, nedum gustare, est religio. statos habent ieiuniorum dies, quibus carnem populus abstinet, sacerdotes verò etiam lacte ac butyro, quo maxime cibi genere vescitur vulgus; palmarum succo duntaxat

Christiani à D. Thoma. Socotora notum religio ac ceremonie.

ac pomis eo tempore victitant. Lingua cognitu difficillima, nec ullum habet cum Arabica Æthiopicave commercium. Litterarum usus apud eos nullus omnino. Maurum habent Xeguem, siue præfectum, qui ab incolis valde timetur, tamen si neminem vi ad Maurica sacra compellat. Ita porro de se magnifice sentiunt, ut nullam aut terram aut vitæ rationem sua vel meliorem vel beatiorem existiment. ad quos de Societate duo, rei Christianæ causa, profecti, sæva statim febris in summa egestate ac solitudine uterque correptus, alter etiam extinctus est.

BAZAINVM VRBS.

Nec Bazaini, Societatis Collegium deest, eiusdē Lulitaniæ Regis beneficentia constitutum. Ibi tū iuventute humanioribus litteris excolenda, tum cæteris omnibus ad Christum vocandis præclare admodum opera ponitur. nam & adolescentes quàm egregia sint indole atque ingenio præditi, vel vnus Brachmanis primarii filius declatauit, annos circiter septemdecim natus: qui cum iam litterarum Indicarum duo genera vel tria teneret, Arithmeticæque peritissimas esset suæ: litteras nostras & legere & scribere mensis vnus spatio perdidicit; nunc autem Arithmeticæ nostræ vacabat: idem pietatis ac religionis laude ita præstans, ut reliquos ipse ad virtutem atque officium hortaretur.

*Brachmanis ad
adolescentiam
ingeniū
ac pietas.*

TANAA OPPIDVM.

TAnaa est oppidum à Bazaino passuum millia sexdecim; vbi etiam Socii aliquot ingentem Christianorū numerum partum ab se tuentur atque augent. Ad eos venit è remota continentis regione senex, annū, ut videbatur, agēs prope octogesimū, ita deformatus & squalidus, aded torrida cute & strigosa, ut anachoretam referret pellibus camelinis indutū. Is eades Sociorū ingressus, ait velle se fieri Christianum. edisserit illi ex iis quidam pro captu hominis summatim articulos fidei, deinde quærit, oportetne ex animo Christianus esse. Cui senex: Atqui nullam (inquit) aliam ob causam hucusque contendi. Crede igitur, (inquit Socius) sistitque cum ad sacratissimæ virginis, puerum IESVM inter vlnas habentis, imaginē pictā in tabula. quā senex ut vidit, summa animi iucunditate illico amplecti, puerū Iesū venerabūdus exosculari, tū vehementer petere, ut nullā interposita mora baptizaretur:

*Senex 80
annos
natus è
continēte ad
Socios
fidei cau-
sa profi-
ciscitur.*

Pueri & puella de barbaris empti ad Christiū aggregantur.

ætatem suam ne vnum quidem præterea diem recipere. postmodum igitur baptizatus, primâ luce insequēti migravit ad Dominum. Multi etiam pueri ac puellæ de barbaris parentibus empti, quos ipsi parentes alioquin Mauris venditaré solent, ad CHRISTI familiam aggregantur. quorum aliqui è vita discedūt, IESVM in extremo spiritu pronuntiantes. vnus ex iis, denariis tribus & semis, alius sesquidenario sterit, vt hinc satis appareat, quàm sint incomprehensibilia DEI iudicia.

Pueri vniuersi exercantur.

In eadem Tanaati mansione, magna puerorum manus partim litteris instituitur, & Christianæ doctrinæ præceptis, partim etiam variis in vsus hominum artibus atque opificiis: alii quippe calceariam, alii vestiariam sutrinam, alii texturariam, alii ferrariam fabricam exercent, noctēque se in ædes Collegii quietis & cibi causa cū receperunt, Catechismum ac Litanias alternatibus choris religiose admodū cōcinnant. Sunt etiam qui agro colendo dent operarij gausapis induci per hyemem in opus exeūt ad Trinitatis vicum tria passuū millia ab vrbe distātem, quo in agro bātem (frugis nomen id est, qua ferè victitant) ceparum in modum ferunt, capita singula manibus collocantes, ingenti sanè labore: qua opera simul & ipsi agriculturam addiscunt, & ceteros incolas Christianos artifices interim adiuuāt, vt cū maturū deinde fuerit, ipsorū agricolarum filias in matrimoniū ducant. Appellatur autem hic Trinitatis vicus, propterea quod in eo campo delubrum in primis celebre, quod operis magnificentia & elegantia, eius regionis delubra, quæ multi ac perampla sunt, omnia superabat; à Sociis area cōempta expiatum, & sanctissimæ Trinitati dicatum est. Campus autem iuxta fanum ipsum à Christianis incolitur operariis, quos iidem Socii conuersos ad Dominum maxima ex parte pauperes in ea prædia deduxerunt, omnibus ad victum cultumque necessariis rebus benignitate Lusitanæ Regis instructos.

Lusitanie regis liberalissimi.

nam & vestimenta ipsis, vxoribus, liberisque & oryza in cibum cū opus est, & ad serendum semina, & boues cum aratris affatim præbentur ex amplo ædificio ad rem pecuariā instituto, pastoribus etiam adhibitis, qui armenta curent. Ex eo ædificioeducta manè boum iuga quotquot ei sunt opus, Christianus quilibet (quinguenta enim aluntur ibidem & eo amplius) perfecto opere in rectum idem reducit.

Empti

Empti sunt etiam fundi quidam, è quibus annui capiuntur aurei nummi ferè trecenti. quæ pecuniæ summa partim in viduas erogatur, & orbos orbâsq; quibus quotidianus labor in victum haud sufficit, ægrotosq; pauperes & Catechumenos interea dum erudiuntur, partim etiam iis qui reddendo soluendôque sunt, mutuò commodatur. Caprarum præterea greges earûmq; custodes aluntur, casa excitata vnde patres familias suam quisque lactis portionem quotid. filiis petant, cuius toto anno copia suppetit: binos quippe ternosq; quot annis hædos ferè singulæ pariunt. Iam verò fruges spatiosus ager largè suppeditat, vt nihil omnino ad sustentandam vitam illis deesse videatur. Sunt autem omnes & boni coloni, & boni viri. itaque mores eorum barbari valde suspiciunt. Christianæ fidei mysteria præceptionesq; assidua magistrorum diligetia exercitati callent egregiè. quotidie ad signum Angelicæ salutationis cuncti conveniunt, & sanè piè Christianæ doctrinæ elementa viri feminaq; pronuntiant. quin etiam in silvis, pueri, & è summis palmarum arboribus viri exaudiuntur præcepta Decalogi decantantes. Atque idcirco etiam minus grauatè, quanquam in summis occupationibus, non plus quatuor aut quinque Socii totum illud rei familiaris negotium, ceteroqui ab eorum instituto valde alienum, sustinent, quòd per eam occasionem Ecclesia Domini in annos non medio-criter crescit. Iam verò ex ipsis vnus Chirurgi quoque munere fungitur, curatq; DEO adiuuante vlcera & apostemata, æquè aspectu horribilia, ac genere ipso periculosa.

In medio Trinitatis vico horti sunt in communem vsum, valde spatiosi & irrigui, perpetua saliente, multis vitibus, ficibus, medicis malis, & plantis aliis consiti.

Tanaates autem incolæ etiam ipsi multiplicantur in dies. ii quòd maritimis copiis adiuuantur, iidemq; vel opificiis vel agriculturæ satis impigre dediti sunt; propterea nec lætis, nec publici pecoris tantus apud illos est vsus. illud sedulò curatur, vt in virtute ac pietate proficiant. Semel profectis diebus, festis verò his etiam, Catechismus illis exponitur. habent etiam supplicationes valde religiosas candidatis pueris carmina sacra psallentibus: quo in genere ii pueri adeò excellunt, vt ad celebriores supplicationes Bazainû euocentur. iidem elata ad sepulturâ fidelium cadauera eû psalmodia funebris prosequuntur Cruce prælata, nā feretrum

ipsum gestât Christiani quatuor, solēni Misericordiæ sodalirii ornatu. quæ funerum cæremonia & Christianis & ipsi ethnicis vehementer probant.

Denique circa Bazainum urbem ad passuum triginta circiter millia Socii castella regia inuisunt, magno & Lusitanorum bono, quos in officio ac pietate corroborant; & barbarorum, quos ab erroribus atque superstitionibus ad cultum Christi perducunt.

HORMUTIVM INSVLA ET

V. 2. B. 5.

Hormutium est insula in sinu Persico, urbē eiusdē nominis continens. Ea quodd vel propter inquilinorum colluuiem mixtā ē variis nationibus ethnicis, Mauris, Iudæisque, Christianorum, qui morantur ibidem, fidei sinceræque religioni valde periculosa, vel propter nimium solis ardorem æstusque grauissimos, humanis corporibus est vehementer infesta; idcirco ibi ferè semper aliqui ē Societate versari soliti sunt per intervalla sibi invicem succedentes, ut cū rei Christianæ, quoad fieri potest, sine intermissione prospicerent, tum etiam eadem siue incommoda siue merita ad plures sui ordinis homines pertinerent. Idem Socii cū opus fuit, classium quæ in expeditionem educerentur sese comites præbuere, ut navalis turbæ ac propugnatorum animas curarent simul & corpora. quo in officio vitam Alexius Diazus posuit in eo bello, quod aduersus Turcas superioribus annis est gestum. Alius verò, quo tempore Hormutium obsidebatur à barbaris, cū neophytos ex eo periculo ad Mogastanem oppidum haud longè ab urbe positum ingenti labore traduceret, varias agere personas coactus est, Ducis, parentis, magistri pro discipulis semper ad mortē parati: ea cū ab hostibus pericula, tum ab incendiis cœlique ipsius intemperie & corruptione imminabant. Verum ut ad res Hormurianas reuertar, primus in eam urbem ē Societate Gaspar venit, ortus in Belgis, moresque hominum planè solutos ac perditos summa adhibita diligentia breui magna ex parte correxerit, atque restituit. furta, scœnora, contractus nefarios sustulit ita multos, ut ex fraudata pecunia nummi aurei plus vicies mille in publicum redacti collocandis in matrimo-

*Alexius
Diazus.*

*Gaspar
Belga.*

nio legitimo compluribus feminis ad honestatem à flagitioso quæstu traductis, opportuno sanè subsidio fuerint. Idem in tractandis hominum ingeniis tanta dexteritate fuit, ut neminem ferè gravibus vitiis laborantem curare sit aggressus, quin ad sanitatem Deo adjuvante perduxerit. Quendam, cum alia ratione non posset, mercede ac pretio à turpi vitæ consuetudine revocavit, emendicatis ad eam rem aureis ferme viginti: tanta enim summa cum illo transegerat. Alium verò cum ad sacram confessionem frustra sæpe cohortatus fuisset, domum artificiosè perductum, apud se tam diu continuit, quoad ille confessionem ritè serièque perageret; magno utique Dei beneficio: paratam quippe naum habebat, quam, simul atque expiatus est, conscendit extemplo, paucosque post dies cum hostibus navali prælio dimicans cecidit.

Iam verò, æstate media, caloribus maximis, quo anni tempore Hormutii aqua collo tenus merfi vulgò homines jacent, Gaspar singulis hebdomadis bis tæve cõcionari, cum Iudæis, Mauris, ethnicisque de religione concertare atque differere, quæstiones de officiis, quos casus conscientia appellant, publicè explicare, Catechismum pueris Maurisque vicatim ære campano coactis quotidie exponere, discordias atque inimicitias tollere, mulierculas è cœno flagitiorum extrahere, valetudinaria inuisere, ægrotisque sedulò ministrare, quieti non plus quàm tres horas ferme tribuere. Accedebat ad hæc tam varias & assiduas occupationes ingens præterea peccata confitentium vis, ut ægroti cuiuspiam agentis animam lectulo quandoque assidens, simul & illum in extremo certamine confirmaret, & valentis alterius confessionem vno eodèque tempore exciperet. Idem, spatio pænè bimestri, dum contra hostes classis instruitur, militum confessionibus audiendis ita distentus est, ut ad somnum vna dumtaxat hora superesset, ipsumque biduum nullo interdum cibo traduceret. res difficilimas eximio fidei Christianæ tuendæ studio ardorèque perripuit. Maurorum cantica sacrilegisque vociferationes non modò compressit, sed etiam ex Alcorano, (ita enim incolæ Mahometis sanum appellant) quod aiunt fuisse Hormutii celeberrimum omnium, eiecit ac sustulit contra omnium spem, vi tumultuque nullo, crucibus tantùm sex cum ægmine psallentium puerorum in Alcorano defixis. qua re

*Laborem
Gasparis*

Mauri usque adeò perterriti fractique sunt, ut deserto con-
festim fano diffugerint. Barbari etiam multi à diaboli ser-
uitute in Christi libertatem asserti. in iis Iogues seu here-
mita, cuius erat ea sanctitatis fama, ut qua pedes lauisset,
aquam, Rex ipse Hormutii religionis causa diberet. Et sanè
præstanti erat ingenio vir, insolitisque visis quibusdam di-
uinitus ad Christiana sacra pænè compulsus videtur
fuisse.

*Virtuti sa-
crificij
missæ.
Obsessa
mulier li-
beratur.*

Baptizatae sunt etiam à Gaspare feminae duæ, Mauræ,
mater & filia, claræ in primis genere locoque natæ, è Zei-
denſi familia Mahometicæ stirpis. Idem sacrificio missæ a-
dolescentem quendam pænè defunctum à morte reuocauit. A lie-
nata mente mulierem & à dæmone obsessam, diui Ioannis
Euangelio ritè corpori ipsius imposito, liberauit.

ÆTHIOPIA.

CLAUDIUS Æthiopiæ rex, professione Christianus
ille quidem, sed à Catholico grege seiunctus atque
schismaticus, cum ad Ioannem Lusitanie regem litte-
ras dedisset, in quibus erat, velle se omnino ad Catholicæ
Ecclesiæ sacrosanctæ gremiū redire, & in Romani Pōtificis
potestate esse; ab Rege se petere, ut cū eodem Romano Pon-
tifice de recōciliatione ageret; rē Ioānes suscepit, & primū
à Iulio Tertio; mox, eo per id tempus demortuo, à Paulo
Quarto, qui in pōtificatu successerat, impetrauit, ut Ioannis
ipsius sumptu aliqui ex Eutopa in Æthiopiam cum mada-
tis atque autoritatē apostolica mitterentur. Declaratus Æ-
thiopiæ Patriarcha Ioannes Nunes è Societate spectata
vitæ sanctimoniam vir, cum Sociis multis profectus è Lusita-
nia anno Christi nati, circiter 1556, Gōā incolumis tenuit,
ibique, antequam cœptum iter perageret, excessit è vita.
Suffectus in eius locū è Societate Andreas Quiedus episco-
pus, quem ille Goa ad Claudium cum quatuor aut quinque
comitibus iam antè præmiserat. quibus tamen Rex ille ce-
teroqui non illiberali se præbuit, promissa tamen fidēq;
Regi Lusitanie datam minimè præstitit: cuius perfidia pœ-
nas ab eo videtur exegisse Dominus: paucis enim post An-
dræ aduētū diebus ab hostibus victus atque peremptus est.
Rex inde creatus Adamas Claudii frater, desertor olim
fidei Christianæ, vir immanis ac ferus, & Apostolicæ se-
dis

*Ioannes
Nunesius
Æthio-
pia pa-
triarcha*

*Andreas
Quiedus
Episco-
pus.*

*Perfidia
Claudy
regis.*

dis hostis acerrimus, Patriarcham in vincla conjectum, semestri spatio atque eo amplius malè habuit: quippe quem vinctum secum in castra bellumque raptavit, comites etiam Andreæ contumeliosè tractavit, viuosque igne se concrematurum esse minatus est. populares verò suos, qui veritati catholicæ favere videbantur, variis pœnis affecit. A Turcis denique, quorum arma Æthiopes ipsi rebelles in regnum asciuerant, ingenti accepta clade fusus, atque fugatus est. Socii cum Patriarcha ab hostibus capti, quod ipsum per ea bella quater iam antè contigerat, crudeliterque direpti, semel etiam igne in hospitium injecto, magnum adiere discrimen. Nec iam Andreæ quicquam reliquum, ne vestis quidem erat, qua personam pontificiam tueretur. nec vinum tantùm in sacrificia deerat, (nam vites ibi ferè nō seruntur) sed & charta ipsa ad scribendum. Declarant id litteræ ad Lusitanæ Regem ab ipso datæ schedula non plus digitali magnitudine, è vetusto (vt videtur) aliquo commentario excerpta. Tosto dumtaxat hordeo vescabantur; tanta demum inopia premi rerum omnium cœpti sunt, vt ad vitam tolerandam, ne ex iis locis re prorsus infecta discederēt, bobus & aratro quæsitis terram suis ipsi manibus colerēt. Nec tamen in tot tantisque difficultatibus nihil omnino profectū est. Initio quidem certè, concertationes de fide ac religione cum litteratis habitæ, multorum confessiones audiat, complures etiam cœlesti eucharistiæ conuiuio excepti. Cognitū est præterea ex Abbate quodam magnæ autoritatis viro, qui per eos dies Catholicam fidem receperat, plurimos idē esse facturos, si Lusitanorum exercitus, qui præsidio illis esse possit, in ea loca mittatur. Recentibus verò ex Æthiopia nuptiis spes etiam meliorum rerum affertur, cui ne desit Andreas omnia experiri constituit. Labor autem ipsius & perseverantia aliis quoque multis de Christo bene mendi materiam præbuit. Missi quippe ad statum ipsius explorandum ex India Lusitani sexdecim, à Turcis occisi: alii deinde vulnerati captique, in iis quidam è Societate Fulgentius Frerius ad fines Arabiæ in freto maris rubri à Turcis oppressus multis acceptis vulneribus catenatus Macuam in servitutem abductus est, addictusque triremibus: quæ Socii deinde, Regis Lusitanæ benignitate, ab hostibus redemerunt, cū in servitute Christianos fecisset sex, è quibus tres continuò è seculi ærūnis ad gaudia migrauerunt cœlestia.

*Adrianus
Clandin
frater
Patriarchæ &
Socios
malè
tractat.*

*Fulgentius
Frerius.*

INHAMBANES ET

MANOMOTAPA.

ANNO Christi nati ineunte 1560, Consalvus Silueria Lusitanus cum Sociis duobus Goa discessit in regna, quæ dicuntur Inhâbanis & Manomotapæ, Sofalam inter & Mosambicû, in extimis Africæ oris ad Bonæ Spei promontoriû posita; vt nationibus illis Euangelium nunciaret, quod concionatorû inopia nunquâ probè cognouerant. Regio utiq; auro abundat, sed carè admodû emittur, ea locorû insalubritas ac pestilètia, ea rerum ad victum ac valetudinem pertinentium est difficultas. Faseoli quippe & oryza præcipuo sunt in honore mensarum. Itaque vt primûm Inhambanem attingere, in morbû incidere ita grauem, vt Consalvus omnium natura valentissimus, oculorû acie vehementer hebetata fractisque viribus, propemodum extinctus sit. Vbi paulo meliùs habere cæperunt, ad urbem regiam Tongen iter intendunt; ibique Regem vnâ cû vxore, sorore, liberis, cognatis, regniq; proceribus, populo denique penè toto intra paucos dies magna omnium gratulatione atque lætitia sacro fonte lustrarunt. Rex Constantini, Regina Catharina, soror Elisabethæ nomen assumpsit. Inde Consalvus Manomotapam ire pergit, Sociis apud Regem relictis, qui statim eadè assumptioni MARIAE virginis sacram exædificandam curarunt: quorum alter cû, ex imbecillitate corporis, cœli intemperiem diu- rius ferre non posset, redire in Indram est coactus; alter, Andreas Ferdinandus nomine, ampliùs biennium in iisdè locis, quanquam graui iam ætate, versatus est. Et quoniam non modò regio infelix, & maximè sterilis, sed etiam incolæ, quos vulgò Casras appellant, inhumani & moribus asperi, ac monitorum impatientes serè sunt; Andreas & morbo frequentet implicitus, & fame graui sæpe vexatus, in populis erudiendis colendisq; multas minas & contumelias pertulit, magnumq; cû alias adiit vitæ discrimen, tum quibusdam præsertim diebus, cû Casres armati se ad ludos & sacra nefaria comparassent. cui spectaculo cû Rex ipse assuturus esset, cognita re Andreas eò se contulit, ardensq; amore Domini, ingens edidit facinus: apparatus omnem sacrorum suis ipse manibus ita disturbauit atque dissoluit, vt pedibus etiam proculcaret. Dum hæc ab Andrea gerun-

tur,

*Rex cum
familia,
procerib;
ac populo
pendtoto,
sacro so-
telustra-
tur.*

*Templi
Maria
virgini
sacrum.
Andreas
Ferdinã-
dus.*

*Andrea
ingens
facinus.*

tur, interea Consalus Mosambico insula superata, Lusitanis circiter sex comitantibus, oram biremi legens, ad Mafutæ fluvii ostium, leucas nonaginta à Mozambico processerat, cum atrox ad eò repente coorta tempestas, ut magnam aquæ vim acciperet navis, omnesq; de se actum iam prorsus putarent, in genua procumbente; Consaluo, manibusque & oculis sublaris in cælum, suppliciter deprecante, sedatur atque comprimitur. Inde exscensione facta, die qui fuit Diuo Hieronymo sacer, plicatilis ara in ipso littore ad sacrificium exstruitur, ita vehementi Solis ardore, ut calceæ Lusitani ipsius quam pedibus calcabant terræ calorem ferre vix possent, Consaluo autem inter sacrificandum ex toto capite pustulæ erumperent: quas cum ad curandas medicamenta suppeterent, præclaro sui ipsius odio incensus cuncta repudiavit, seque naturæ duntaxat sanandum permisit ac tempori. Triduum ibi morati, pergunt tranquillo mari ad Colimanem fluvium. ibique rursus aduerso vento repente vexati, & in ipso fluviio subeundo valde periclitari, ad Mingoaxanem Giloæ regem amicum Lusitanorum contendunt, ab eoque benignè ac liberaliter accepti, facta etiam promulgandi Evangelii potestate, quod Rex, tametsi Maurus, Mahometicos tamen ritus superstitionesque negligeret, & religionem Christianam toto suo regno disseminari magnopere cuperet: diutius tamen ibi non substiterunt, quod ad Manomotapæ Regem festinarent, quoad Christum adiuncto, finitimos reges longè viribus atque auctoritate inferiores facilè ad eadem sacra perducì posse cõfiderent. Ex eo loco ad amnem ingentem Cuamam tendunt, leucas à Sofala triginta, ubi rursus periculosa procella in Lindè proximum sinum compulsi, tredecim dies steterunt: quoddam verò actuarium, quod à Mozambico eos cœperat comitari, cū se ab iis disiunxisset, postridie periit. A Linde cū ad Cuamā peruentū esset, in ipso introitu fluminis re diuina peracta Consaluo à Lusitanis comitibus petiit primum, ut quoniam fines Manomotapæ ingredi inciperent, totum legationis sue negotiū Domino suppliciter cõmendare ne grauarentur: deinde ut æqui boniq; facerent, si reliqua tota nauigatione se, ut precibus vacaret, ab eorū conspectu atq; cõsuetudine remouisset: in rebus præsertim grauioribus consultò potissimū Deo exoratoque opus esse. tum iubet in certa nauigii parte circa se prætendi corti-

*Consaluo
supplicā-
te tempo-
ras cem-
primitur*

*Mingoax-
anus Gĩ-
loar rex.*

nam,

*Offiduum
quomodo
delinuit
Consal-
uus.*

nam, ibique octiduo ipso delituit, cum semel tantum quoridie rosti ciceris pugillo, & exiguae haustu frigidae sese reficeret, & quicquid à precatione supererat temporis, in euoluendo libro consumeret, qui scriptas Sanctorum continebat vitas.

*Capita
quingen-
ta bap-
tismo lu-
strata.
Inha-
mior
rex.*

Octauo igitur die cum ad Senam (qui terminus navigationis erat) venissent, vicum sanè frequentem; ibi descensum est, nuntiusque à Consaluo ad Regem de suo aduentu in intima regni missus. à quo dum responsum expectat, interim Christianos aliquot inquilinos à peccatis per confessionem absolutos, à turpi concubinarum consuetudine ad sacras nuptias legitimasque traduxit, catechismum publice docuit, & è Lusitanorum seruitis ibidem capita fere quingenta baptismo lustrauit. Regem, etiam Inhamioris, Regis Manomotape stipendiarium, tribus passuum millibus à vico Sena, cum aliquoties adisset, cohortationibus suis ita permouerat, vt se vnà cum vxore & liberis, quos habebat octo, libentissimè Christianum fore profiteretur. Sed Consaluus, partim quodd non habebat quem apud illum catechismi causa relinqueret, partim etiam ne Manomotape Regis animum offenderet, si prius stipendiario ipsius quam ipsi Christiana sacra impertisset, Inhamioris regem vt potuit consolatus hortatusque, vt ipse cum suis Dei bonitate frerus in suscepto consilio permaneret; totam rem in tempus aliud distulit. Iamque alter mensis effluerat, cum Antonius Caiadus Lusitanus, qui morabatur in vrbe Regia Manomotapa, Legatus à Rege ad Consaluum aduenit Manomotapam perducendum. Consaluus sacrorum ornatu cum sacro lapide & calice in sarcinam colligato, sublatoque in humeros, se in viam dedit. Cum ad fluuios ventum erat, qui multi in ea regione sunt, si quidem vado superari possent, quamuis ad iugulum vsque pertingerent, transibat, elata manibus seu capite sarcina: sin minus, vasi ligneo impositum per amplexum Consaluum, natantes ipsi propellentisque trajiciebant Castres. sub noctem natalem Domini ad Cheruchin pagum haud longè à Manomotapa ventum est, factumque ter sacrum summa Lusitanorum animi voluptate. Inde Natalium feriarum octaua, cum urbem Manomotapam introissent, misit confestim Rex qui Consaluum cum muneribus visceret, auri pondere ingenti, vaccisque permultis, & famulatu ad ministeria quotidiana: quippe qui de

Lusita-

Lusitanis mercatoribus iam antè cognouerat, Consaluum non modò vitæ sanctitate virtutèque præstantem, sed etiã generis claritate ac nomine in primis esse conspicuum. Cõsaluus gratiis actis, muneribusque repudiatis, ex ipso legato Regem cogniturum esse respõdit, quod genus auri quã-ve diuitias quæsiturus in ea loca venisset. Obstupuit ea animi magnitudinè Rex, venientemque ad se deinde Consaluum tanta gratulatione & significatione honoris excepit, quanta neminem vnquam antea. Nam & in ipsa penetralia, quò nulli est aditus, introduxit, & assidente matre, confidere Consaluum etiam in tapete iussit, Antoniõq; Caciado è conclauis ianua interprete adhibito, Rex quatuor cõtinuè sciscitatur, quòt feminas, quid auri, prædiorũ, vaccarum denique velleret, quas incolæ non minoris quàm aurũ ipsum estimare dicuntur. Cùm nihil se præter ipsum Regem responderet optare, conuersus ad interpretem inquit Rex, Profectò necesse est, qui nihil horum accipiat, quæ à cõteris tantopere adamantur, longo interuallo à reliquis distare mortalibus: & nihilo minùs ad extremum multa benignè pollicitus, amantissimis verbis Consaluum domum remisit. Vbi dàm ille manè rem facit diuinam, è principibus quidã prætereuntes cùm è foribus aspexissent in ata propõsitam perelegantem MARIAE sacratissimæ virginis imaginem, quam in tabula depictam ex India Consaluus aduexerat, specie decepti ad Regem deferunt, Consaluum egregia forma puellam apud se habere, hortantur vt ab illo deposcat. Haud surdis auribus dicta. Misit ille confestim, qui Consaluo renuntiaret, audisse se, illum vxorem secum adduxisse, vehementer cupere, vt eam sibi sisteret. Tum Consaluus tabulam pretiosa veste inuolutam ad Regem affert. Cuius desiderium quo magis exacuat, antequam tabulã detegat, præfatur illam esse effigiem matris Dei, cuius in ditione ac potestate sint omnes reges & Imperatores orbis terræ totius, tum denique tabulam aperit, Regis quoq; matre præsepte. Rex imaginem veneratus; Consaluum etiam atque etiam obsecrat, vt eam sibi largiatũr; domi habere se velle. Libenter verò Consaluus annuit: quin etiam ipsemet in regio cubiculo collocat, ibidemque quasi sacellum quoddã precandĩ causa pẽstisromatis pretiosis exornat. Narrat qui inde veniẽre Lusitani, noctibus deinceps circiter quinque, Reginam cœlorum ea ipsa specie, quam tabula ostenderet, diuina

*Maria
virginis
imago.*

*Regina
cœlorum
dormi-
tanti Re-
gi assi-
stẽs.*

diuina circumfusam luce, suauique splendore fulgentē augustissimo simul ac iucundissimo aspectu, dormitanti Regi astitisse, quod ille manē matri narrabat, rei nouitate vehementer attonitus, itēque Lusitanis, qui rem statim Consaluo renuntiabat. Postremò Rex Consaluum ipsū accersit, ait se mirum in modum angi, quòd sermonem Reginæ eius, quæ secum singulis noctibus loqueretur, non intelligeret. Cui Consaluo cum eam esse linguā diuinā dixisset, quam nemo cognosceret, nisi qui sacrosanctis eius Reginæ filii legibus parēret, quippe qui Deus esset, generisque totius humani redemptor, Rex in præsentia quidem, si min⁹ verbis, vultu certē ac significatione se Christianum velle fieri ostendit: bidui deinde spatio interiecto per Antonium Caiadum Consaluum apertē denuntiat, certum esse sibi matrique Christiana sacra suscipere: proinde ad se baptizandum quamprimum veniret. Consaluo tamen dies aliquot supersedere satius visum, dum Rex Christianæ fidei præceptis ac rudimentis imbuitur. quibus cum satis iam operam dedisse videretur, quinto circiter & vigesimo post aduentum suum die Consaluo Regem simul & matrem nō

*Rex cum
matre ba-
ptizatur*

*Trecenti
proceres
Regem i-
mitantur.*

*Mauri
quatuor
Consaluo
parant
insidias.*

sine solenni pompa & gratulatione baptizat. Regi Sebastiani, matri Mariæ nomen est inditum. Eo ipso die Rex Consaluo, quoniam aurum respueret, vaccas centum donauit: ille ad Antonium Caiadum misit mactandas, vt in frusta dissectæ distribuerentur in pauperes. Quæ eius liberalitatem ac beneficentiam populus ingenti admurmuratione probauit atque suspexit. Regem imitati trecenti ferme è regni proceribus Christo sese pariter addixere. Hi nunquam à Consalui latere discedebant, adferebantur etiā dona Consaluo, lac, oua, butyrum, hœli, aliāq; id genus, quæ ille nec aliud genus carnis omnino gustabat; cocto duntaxat milio quodam exiguo, herbisque, & siluestribus fructibus victitans. Iamque spectatæ vitæ morumque sanctimonia studioque salutis humanæ tantam sibi summorum infirmorumque beneuolentiam cōciliauerat, tantosque in omnium animis motus effecerat, vt in Christianā religionem vniuersa multitudo videretur incumbere, cum à Mauris quatuor potentibus & callidis viris, & apud Regem gratiosis, iisdemque veneficis, dæmonis instinctu Consaluo parantur insidie. Autor conspirationis fuit Mosambicanus Min- guames Mauricæ superstitionis antistes, siue, vt ipsi appel-
lant,

Ant, Cacicius. ij Regi partim coram ipsi, partim per idoneum internuntium valde sibi dolere demonstrant, quod tantum in capitis regniq[ue] discrimen ultro se ipse demiserit. Consaluum, cui tantum fidei & honoris habeat, missu Proregis Iudæ, tetræq[ue] Sophiæ regulorum, ad explorandum Regis statum, sollicitandosq[ue] ad defectionem popularium animos aduenisse, vt motibus excitatis ipsi deinde, infesto exercitū subsequuti, Regē opprimāt. Addunt insuper fabulosa portenta, Consaluum veneficum esse terribissimum omnium & sagacissimum, varia veneficia ac medicamenta secum attulisse ad incolarum animos occupandos, Regēq[ue] mactandū. quicumq[ue] caput suum aqua perfundi pateretur, conceptis præsertim verbis Lāgariorum, (sic enim Lusitanos vocant) à Consaluo pronunciatis, confestim volentes nolentes in eius potestatem venire: id ipsum alibi contigisse, proinde videret etiam atq[ue] etiam Rex quod progredere, cui se suæq[ue] crederet. Si Consaluum abire permittat incolumem, fore vt ciues mutuis inter se cordibus amantes atq[ue] lymphari miserandum in modum grassetur atq[ue] concurrant. His aliisque id genus mendaciis onerato Regi, a doloscenti præsertim ac matri, facile persuasum est, vt Consaluum primo quoque tempore interficiendum curarent. Nec dum ea consilia eruperant, clandestinis agitata colloquiis, cum ad Antonium Caiadum Consaluus, Haud ignaro (inquit) mihi, nec imparato, mors instat ab Rege. Caiado autem ita incredibilis visa res, vt subridēs prorsus negaret. iamq[ue] dies aduenerat necis vel vitæ potius, qui dies natalis erat idem D. Susannæ virginis martyrisq[ue]: Consaluus ab Antonio magnopere petit, vt Lusitanos duos trêse ad se confestim accersât. Confessionē (inquit) illorum tuâq[ue] simul excipere, & sacra Eucharistia hodierno die reficere vos omnino constitui: nec enim postea potero. Hos ille dū absentes euocat, Consaluus ad meridiē vsq[ue] præstolatus, cū non adessent, consecratas cōsumpsit hostias duas, factisq[ue] eodem die Christianis circiter quinquaginta, vestem iis ad corporis cultum, rosaria ad precandum diuisit. Lusitanos verò sub vespertam redeuntes, confessionis Sacramento, quoniam Eucharistiæ non licebat, purgatos, mira vultus hilaritate animiq[ue] tranquillitate animabat inscios quid Consaluus conditum haberet in animo. Iisdem sacerorum apparatus dat in ædes Antonii deferendū. Ipse lin-

*Cōsalu^s
mortis
sue præ-
fatus.*

*50. sunt
Christi-
ani.*

teatur

*Marty-
riū Con-
salui.*

teatus cum effigie Crucifixi domi remansit, reuertentique
rursus Caiado, pectus hominis manu leniter apprehendēs,
Antoni Caiade (inquit) profectò paratior ad mortem ob-
eundam ego sum, quàm ipsimet inimici ad inferendam: Re-
gi autem ac matri libenter ignosco: Maurorum quippe ar-
tificiis ac dolis inducti sunt. Hæc ille serena facie atq; hi-
lari cùm dixisset, Antonius ab eo digressus, tamen si vix fieri
posse putabat, vt Rex tam nefario scelere sese obstringeret;
tamen, quoniam ex recenti quodam sermone, eius animum
exulceratum, contra quàm existimasset, offenderat; famu-
los duos ad Consaluum custodiendum ea nocte misit, à qui-
bus ea, quæ sequuntur, accepta sunt: Consaluum, cùm secus
hospitium in area ad multam noctem, quasi è corporis cu-
stodia exire gestienti mora nimis longa videretur, ita citatis
gressibus ambulasset, oculis semper intentis in cælum, ma-
nibus modò sublati ad sidera, modò Crucis in figuram ex-
tensis, ducens ex intimo corde suspiria; suum denique tugu-
rium subiisse, habitaque coram Christi simulacro oratione,
quod vnum solatium illi supererat, in arundineum stratum
decubuisse, & in somnum incidisse iustorum: id enim ex in-
sidiis conspicati satellites octo circiter, ilico irrumpunt: in
iis barbarus nobilis nomine Mocumes, qui sæpe cum Cō-
saluo conuiuium inerat, iacentis pectus opprimit insidens:
arreptum inde pedibus brachiisque, humo tollunt alii qua-
tuor: sublato collo, reliqui duo funem iniiciunt, quo vtrin-
que adducto, Consalvus expressam ex ore naribusque ma-
gnam sanguinis copiam effudit, & spiritum simul D^{no} O
Domino reddidit. Tum verò CHRISTI simulacro sa-
cilegii manibus comminuto, defuncti corpus recte ligatū,
attractumque interfectores in præterfluentē Monsengef-
sem deiciunt, ne videlicet (quod Mauri confinxerant) ca-
daver ipsum tam malefici hominis sub dio relictum veneni
sui tabe cunctos inficeret. Hunc habuit exitum pia Con-
salui legatio: quo sublato, Rex eadē scruitia percitus Chri-
stianos pariter quinquaginta, quos ille extremo die suo pe-
pererat Domino, magistri donis exutos iubet occidi. Id si-
mul atque cognitum est, regni procures, quos Encofes vo-
cant, rei atrocitate permoti, consensu conueniunt Regem,
& aiunt: Si hominibus hisce mors idcirco debetur, quod a-
quam infundi capitibus suis à Consaluo permiserint, eadē
& omnium nostrum, & verò tua quoque causa Rex est, om-
nibus

*Regis fu-
ror, &
quomodo
repressus*

nibus vno eodemque letho occumbendum. Quia denuntiatione repressus Regis furor cum aliquantulum resedisset, eum biduo post Lusitani quoque adeunt, docent quam graui sceleris se obligauerit: terrores insuper addunt, non Deum modo indignam innocentissimi viri necem debitis pœnis, sed etiam homines ipsos nobilissimi, bello atque armis viros. Ad ea Rex diligenter excusare sese, culpam in suasores impulsoresque rejicere, magnum perpetrati facinoris dolorem ostendere, denique ut factis verba consentiant, è quatuor consiliariis duos confestim interficit: nam reliqui duo, quorum alter fuit princeps nefarii consilii Minguamen, rem odorati, maturè diffugerant; qui tamen, quod summa diligentia conquirebantur, nequaquam euasuri potentissimi Regis manus existimabantur. Hisce rebus perlatis in Indiam, Antonius Quadrius ei prouinciæ pro Societate præpositus, id ipsum vehementer optante Præge, idoneam nauigandi tempestatem expectabat, ut Socios aliquot Manomotapâ mitteret ad cœpta promouenda, quæ felicem omnino progressum habitura sperabant, eius Ecclesiæ fundamentis tam innocenti castoque sanguine positis.

MALACA.

IN vrbe Malaca, (quæ in Orientem distat ab Goa mensuræ ferme quatuor nauigatione) inter Mauros ethnicosque posita, (auream Chersonesum antiquis aiunt fuisse) Societatis item Collegium Regis Lusitanicæ sumptibus alitur, iisdem & iuuentutis instituendæ, & promulgandi Euangelii muneribus occupatum. Baptizatus est præter cæteros nuper barbarus quidam insignis vir nomine Bandara, iuri ethnicis dicendo præpositus. is multos è suis ipsumque filium vnâ secum ad baptismum adduxit, qui Christiana rudimenta sanè breui ac feliciter didicit. Conuersus est etiam superioribus annis Iudæus quidam, qui ab ipsa vrbe Roma eo usque contenderat, in primis eruditus, multis concertationibus de religione cum Sociis habitis.

MALVCI REGIO.

IN Malucensi regione complures insulæ numerantur: quarum quæ Ternates vocatur, habet ipsa quoque Collegium frequens, ex quo in omnes illas prouincias operarii dimittuntur: quorum industria quâ plurimi ad Christum accessere. In iis Bazani insulæ Regulus, Regis Malu-
ei gener, anno 1558 Mauricis sacris desertis Christiana suscepit,

*Regē et
missa ca-
die pœni-
ter.*

*Bandara
vir insi-
gnis ba-
ptizatus
Iudæus
quidam
eruditus
conuer-
situr.*

*Ternates
Insula.
Regulus
Bazani
cum suis
Christo
credit.*

cepit, ipse fraterque eius, sorores tres, & spuria vna cum matre filia, affines præterea & cognati, & nobilitas vniuersa. Idem finitimas insulas cum vno è Sociis circumiit ipsemet omnium ordinum viros ac feminas. ipsaque seruitia in Domini rete compellens, quorum longe maior vtique numerus fuisset, nisi periculoso morbo Socius oppressus, Ternatè inde viginri leucarum itinere se necessariò recepisset. Agebat Rex eo tẽpore annum quintum circiter & vigesimum, & oris dignitate & corporis agilitate conspicuus. nostra-tem, si paulo candidiori esset colore, dixisses. Baptismo magna ipsius ac suorum gratulatione peracto, Socius paulo post rem diuinam fecit, cui tanta cum attentione cuncti affuerunt, ac tanta religione sacram Eucharistiam supplices adorarunt, vt nequaquam tyrones viderentur in fide.

Mahometis sanum ducunt.

Confestum etiam Mahometis sanum dirutum est. ex res in oppido Maluco auditæ Lusitanis & ceteris Christianis ingentem lætitiā attulerunt; quæ tum solenni supplicatione, tum bellicorum tormentorum dispoſitione declarata est; Mauris contra tantum dolorem inuſſere, vt castrum Ternaris Christianorum oppugnare confestim aggressi fuerint. sed frustra. nam & Lusitani, qui in præsidio erant, egregiè se defenderunt; & rex ipse Bazani, offensionem soceri minime veritus, obsessis Lusitanis non semel subsidio venit. Anno verò circiter 1561, Amboinensibus quoque Christianis contra Mauros opẽ tulit, D E O valde propitio; classe quippe sex duntaxat Caracorarum profectus, (genus nauigiorum id est) cum ad expugnandum quoddam hostium oppidum descendisset, penè ex insidiis oppressus à Mauris, qui eodem Caracoris quadraginta deueniant, paucos admodum è suis amisit. Comitē expeditionis vnũ è Societate habuerat, cuius brachiũ in eo prælio sclopi ictu vulneratũ est.

Elisabetha femina principis à Xauerio ad Christum conuerſa.

Variis præterea temporibus ad Christum aduenienti sunt è principibus, Elisabetha Regum Maluci Tidorisque soror, femina prudens, atque vna omnium, quorquot in iis erant insulis Maurorum, iuris Mahometici peritissima, quæ Francisci Xauerii disputatione victa, simul & in Christiana religione ita confirmata est, vt exemplo suo ceteris ad virtutem atque ad officium præluceret. filii quoque ipsius, itemque Tidorensis regis cognati sex, è quibus vnus dynasta, magnaque apud Regem autoritate, in Tidorensi bello contra Lusitanos exercitum duxerat. is regẽ quoque ipsum

ipsum ad ecclesiam propediem perducturus existimabatur. Accessit ad hos, magna sua cum animi voluptate atque læticia, Selebum quoque rex ipse, multiq̃ue ex eius regni proceribus. Reges item Manadensium (quæ gens in primis bellicosa ac strenua totius eius regionis putatur) & Sianorum, itē regis Bengaiensiu filius, & vniuersa penè Cauripana nobilitas. Nam cetera multitudo tanto vndique studio certatim ad baptismum accurrit, vt Didaco Magaliano ex Societate eas insulas peragranti ex oppidis sese obuiam alacritate descendenti ad litus effunderent, baptismum sibi liberisque suppliciter postulantes. quorum optimis studiis eum propter paucitatem Sociorum responderi non potest, tum propter assiduos Maurorum finitimorum impetus & insidias, qui Christianæ religionis progressum omni ope impedire conātur. Iisdē in regionibus Alfonso Castrius ē Sociorum numero Lusitanus, cū annum iam vndecimum eam prouinciam summo labore administraret, gloriosam vtique pro Domino mortem Maurorū scelere oppetiit, anno post Christum natum 1558. Cū enim eo tempore Maluci Tyrannus Christianorum hostis acerrimus Ternatem obsideret, vbi captus à Lusitanis pater eius in custodia detinebatur; Alfonso ex insulis Muri Irim insulam Ternati proximam naui petens, à nautis Mauris in Tyranni gratiā omnibus primū vestimentis exiuit: deinde pedes eius manūsq; crasso fune colligantur. dies quinque ita vinctus in nauigio crudeliter habitus, atq; inde ad collū eius graui admodum arboris vitidi trunco ad instar iugi deligato, nudus exiguo tantū velo femoribus obductis sub dio constituitur, ibique interdiu noctuq; relinquitur natura imbecillus, cœliq; iniuriis quāquā leuib⁹ vellemēter obnoxius: tūc autē magna corporis vexatione & cruciatu multorū dierū spatio ibidē detentus propè nullo cibo, cū viuus iā custodiri posse non videretur, ne suo periret letho, violentas manus illi inferre Mauri decernunt. Ille brachiis ad tergū reuinctis per asperas cautes aliquandiu ductus, appropinquante iā exitu vite, ad terrā sponte procūbit, lignoq; sibi supiecto, quod suspensum ē collo gerebat, à Mauris ense conficitur. Corpus ab illis in mare proiectum, tertio post die repertum ibidem vnde proceperant, insolito quodam radians fulgore, vulneribus. que ita recentibus, vt si ea tunc accepisset. quæ res eo admirabilior visa. & exitus maris eo loco, fluminis instar, est rapidissimus.

*Rex Geiloli Mauri
homo
rifice de
Alfonſi
exitu lo-
quimr.*

*Percuſſo-
res Alfō-
ſi, cum
propin-
quidini-
na ultio-
ne con-
ſumpti.*

diſſimus. Eius viri mors iſtis quoque barbaris regibus dō-
lori fuit. magna enim erat apud omnes nomen eius in ad-
miratione. Regem quidem Geiloli Maurum, gravemque
Christianorum aduerſarium, de Alfonſi exitu atque animi
fortitudine verbis honorificis differrentem, ad eos qui ade-
rant inter cetera ferunt dixiſſe: Quid ſimile noſtri Cacitii?
Nec verò Dominus tam iniuſtam necem ne in hoc quidem
ſeculo inuſtam reliquit. quippe ab Iris inſulæ præfecto ac
magiſtratibus pro certo cognitum eſt. paucis diebus omnes
non modò parricidas illos, ſed etiam parricidarum propin-
quos vario ac miſerabili mortis genere periſſe. namque al-
lii ſœdiſſimis toto corpore puſtulis enaſcentibus paulatim
excoriati horribiliter vlulantes igne ſacro conſumpti ſunt:
alii tormentis in bello diſcerpti: denique iſ etiam, qui
abreptum Alfonſi vendiderat calicem, membris mirandum
in modum intumeſcentibus, vitam finiit. quos aiunt, ſubla-
tis ad ſydera manibus, tum denique diuinum auxilium ſup-
plices imploraſſe.

REGIO MAVRI.

Vltra Terhatem leucas 60, regio Mauri cernitur di-
uiſa biſariam; altera pars in continenti eſt, & Morotia
dicitur, octo Christianorum loca complectens;
altera Morotai nominatur, conſtatque duabus inſulis, qua-
rum in vna minore vici Christianorum tres anno poſt Chri-
ſtum natum 1552, in altera maiore, octodecim viſebantur.
Christianorum porrò capitum numerus erat quinque &
triginta millium: qui ex eo tempore maiorem in modum
multiplicatus eſt. anno quippe 1563. Christianorum vici
ſex & triginta fuiſſe dicuntur, & in iis aliqui familiarū ſer-
me octingentarum, anno verò 66, ad ſeptem circiter & qua-
draginta: qui nullos habent paſtores magiſtro ſve, niſi e ſo-
cietate, cuius in ea prouincia non ſine magnis affiduiſque
laborib⁹ atq; periculis in ſumma egeſtate verſatur induſtria.

AMBOINI IN SVLÆ.

AD Maluci prouinciam Amboini quoque terra ſi-
cuti Mauri pertinet, abeſtque Ternate leucas 80,
Malaca autem (ex quo loco nauigantibus Maluca-
rū inſularū prima Amboinus occurrit) trecentū & quin-
quaginta. Christianorum pagi erant in ea ſeptem duntaxat
anno 1545, cū Franciſcus Xauerius eò ſe contulit: Socio-
rum deinde opera factum eſt, vt anno 1561 plus triginta nu-
mera-

*ANNO
1552.
Chriſtia-
norū 35.
millia.
ANNO
1566.
Chriſtia-
norū
vici 47.*

merarentur. anno verò 63, Christianorum plus decem millia facta: quo ipso tempore Socii ad alia oppida duo baptismi lustranda professionem parabant, incolarum circiter quadraginta millium. Vni eorum Lucebata nomen est, cuius principes ad ceteros in proposito continēdos iam baptizauerant. In eadem insula est insigne oppidum Recanie Maurorū: si à Mahometis cultu ad Christiana sacra cōuersi, cum aliis vitiis, tum illo præcipuè purgati sunt, multas habebant singuli vxores, qui quidem per diuitias poterant. nam in Amboino vetus erat consuetudo, puellas a parentibus in vxores dote persoluta cōemere: id quoniam pauci poterant, duplex inde sequebatur incommodum; vt & diuites multis nuptiis per libidinem miscerentur; & pauperes vel calibem vitam agere, vel quas alii respuissent, in matrimonium ipsi ducere cogerentur. Hic mos quamquam infimis pro virili adiuuantibus, resistentibus tamen vi summa potentioribus, magna Sociorum contentione sublatuſ est.

SOLOR, MACAZAR, &c.

Macazaris ampla regio leucas 300 abest Malaca, & spatii tantundem occupat ambitu. felix admodū terra, aurique ferax & sandali, & aquilani cuiusdā ligni odorati, pigmentique eius, quod lacre vulgò appellatur, cuius tum ad pingendum, tum ad obsignandum vsus egregius: ita quippe materiæ subjectæ adhærescit, vt inde nulla ratione possit nec auelli, nec elui. Seruitiis multis, & omni copiarum genere abundat. Inde Malucum dierum octo, Amboinum verò ferme quadridui est cursus. Primus in ea sese publicè ad Christum adiunxit vnā cum vxore ac liberis aliisque compluribus Rex Supanorum, gener imperatoris cuiusdam opulentissimi, qui mediterranea plagæ illius incolit loca, urbemque præcipuè Sedenrem maximā ac celebrissimam, hæc in plano sita, carnibus, piscibus, fructibusque est referta. lacus est proximus multis nauigationibus frequens, copiosis urbibus vndique cinctus, cuius longitudo leucas viginti, latitudo quinque circiter colligit, plebus varii generis piscium. ex eo effluens amnis, per mediterraneā triginta dierum iter emensus, in mare sese effundit ad urbem orientis Maluuum, cuius oræ aiunt regem in primis potentem dominari, qui Lusitanorū amicitiam vehementer experat. Alia est regio eodem Macazanis nomine, sed inferior, regem habebat cum aliis multis Christianum: cui

*Anno 63
decē mil
lia Chri
stianorū
facta.
Lucebata
Recanie*

*Mos na
sarius
sublatuſ*

*Rex Su
panorum
cum vxore
ac li
beris aliis
ad
Christū
accedit.
Sedenrem
urbis cele
bris.
Maluū
urbis ori
tis.*

de mortuo successit ethnicus frater, quem tamen aient cum suis omnibus velle fieri Christianum. Huic finitimus est rex alius item Christianus, eius propinquus, qui doctores Euāgelii apud se habere percupit, atque id ipsum si populi ferē vnuerſi, cū alijs rationibus, tum verò miraculi cuiusdam nouitate permoti. Cū enim Franciscus Nunes Lusitanus nauarchus in ea loca venisset, membris ita debilitatis, vt non nisi furculis nixus dirabus ingredi posset; ope diuina repente conualuit, crucemque religionis causa defixit, ex qua eius rei monumentum furculas suspendit.

Franciscus Nunes Lusitanus.

Solor.

Solor autem, gradus octo cum tribus quadrantibus in meridie obtinens, leucas a Malaca distat trecentas. valde salubris est regio. multa circa sunt oppida, Christianos verò habet complures, quos ibidem Lusitani ipsi negotiatores aduenæ faciunt.

Anno quidem circiter 1559 Lusitanus quidam mercimoni causa cū eò venisset, Regem cum vxore ac regni proceribus baptizauit, ac deinde mortuus est. Rex autem cū Socios per litteras inuitatos propter eorum penuriam ad se venire non posse cognouisset, fratris ipse filium regem designatum Malacam ad ipsorum Collegii rectorem cum mandatis misit, vt quoniam magistros ad se populumque docendum legare non posset; hæredem saltem hunc suum in ædibus Collegii Christianæ fidei præceptis ac doctrinæ institutum, ad se deinde remitteret, qui doctoris apud eos populos munere fungeretur. Huic Laurentii nomen impositum est, & ne præstati erant ingenio, præcædi formulas & catechismi breui tēpore didicit. insinuat verò se in eā insulam Mahometica etiā prauitas. anno quippe Christi nati 1559 tres quatuorve Cacitii ex oppidis Calecu & Bengala profecti, Meschitam Maurico more habere iam ceperant, barbarosque multos eiusdem superstitionis infecerant labe, dum Christiani defuncti, qui errantibus rectum salutis ac veritatis iter ostendant. Magno tamen labore Malacensis Socii effecerē, vt Cacitiōrum princeps ex iis locis pelleretur in Indiam.

Rex cum vxore & proceribus baptizatur.

Rex fratris filium Malacæ fide imbuendum misit.

Mahometita prauitas. Calecu. Bengala.

Rex cum optimatibus a.

E regione Soloris, ad tria millia passuum, permagna cernitur insula habitatoribus frequētissima, alia sique habet vicinas. nullus ibi deorum cultus, delubra erant nulla. itaque illata Christiana sacra ita auidē arrepta, vt rex cum optimatibus, aliisque præterea ducentis in vrbe regia Labona-

Labonama baptismum suscepit, & concionatores pastoresque vehementer efflagiter ad ceteram multitudinem instituendam, ac baptizandam.

Ne Timorenses quidem insulani, ab Solore leucis diffitiminus quadraginta, religionem aut superstitionem habent ullam: gens totius eius tractus maximè rudis. Solorem Timoremque Malaca petentibus terra lae regnum occurrit nomine Panaruca, quod barbarorum est vniuersum. ii multis Maurorum bellis vexati, vt impia Mahometis sacra susciperent, obfirmato semper animo resisterunt. iidem Lusitanis admodum sese amicos demonstrant, profitenturque palam, se nullam nisi Christianam religionem legemque Euangelicam accepturos: & sanè vix dici potest, gentes illas penè omnes, Mauris ferme exceptis, Christianam fidem quātopere sitiant. Cambaianum regnum amplum ac celebre, compluribus ibi à Dominicano quodam fratre, qui aliquādiu apud eos fuit, baptismo lustratis, Euangelicos ministros postulare non desinunt. eodem studio ac desiderio tenentur Macazarense, Amboinense, Morotiani, Morotaienses, Bazanenses, Papuani, Bengaiani, Selesbes, Siani, Cauripani, Bolanenses, Manadii, Tidorenses, & vniuersi penè Malucenses, Mauomotapani, Inhamtorenses, Gilogni, Æthiopes, Ceilanii, Trauancorenses, aliaeque plurimae nondum bene cognitae vel exploratae nationes atque prouinciae.

Insulam quidem aiunt esse leucarum circiter ducentarum è regione Amboini, quod cum Lusitani aquationis causa descendissent; ab incolis vi propè retenti, & cum quidem capitum quatuor millia, deinde rursus amplius duo millia baptizare coacti sunt: atque inde abiere, quod miserandum in primis est, vna tantum sublata cruce, magistro ibi nullo relicto. Nec sanè, cum in Christiana fide amplectenda ii ferè, quos diximus, populi faciles alacresque, tum verò in exercenda vel in retinenda segnes infirmive magna ex parte cernuntur. Multi aduersa valetudine, ac praesertim febrivexati, ad templum confugiunt statim, & aqua piaaculari seu benedicta, quae datur à Sociis opera vt nunquam desit, e-pota, eadem ipsa hora sanantur. Idem virtutis expertum remedium Diuarensibus est contra venenatos serpentium ictus. Bazanius neophytus quidam, cum filii eius duo baptismo lustrati confestim in febrim grauissimam incidissent, vnà cum vxore ad sacerdotem è Societate expostula-

*conuersus.
Labonama vrbis
regia.
Timor
insula.*

Panaruca regni

*Quam
multa
que gen-
tes Chri-
sti fidem
sitiant.*

*Cogunt
quidam
Lusita-
nos, vt se
baptizet.*

*Diuina
beneficia
per aquam
benedi-
ctam col-
lata.
Diuarenses populi*

tum accessit. Sacerdos malitia demonis cognita, querit ex iis, putarent ne filios ob Christiana sacra suscepta periclitari. Annuentes iussit piacularis aquæ paululum bibendum laborantibus dare: sanos statim futuros. Neque fefelleret promissa. hausta quippe aqua, eodem temporis vestigio discussa feбри ac fugata, magna & parentum gratulatione & sacerdotis lætitia sanus uterque surrexit. atque in iis regio-

*Atiuensis
populum
dixit luo
libera-
tur.*

nibus eiusmodi multa sæpe contingunt. Atiuensem verò populum, recens ab impietate reuocatum, illa etiam res valde roborauit in fide, quòd cum antea infantes lethalibus vesiculis erumpentibus vulgò perirent, postquam eò Christiana sacra illata sunt, diram lucem illam magna sua cum admiratione sedatam viderunt. In Amboino autem insula, cum

*Ex neo-
phytis
mulieres
quædam
precibus
pluiam
impetrâs
Oratio
plena fi-
dei.*

diuturna siccitate valde laboraretur, ex neophytis quædam mulieres ad vetustiore[m] Christianam accedunt, rogantes qua ratione placare Dominum precibus & pluuiam salutarem exposcere debeant. Crux erat à Francisco Xauerio in littore posita, ad eam mulierculas illa perducit. Cruce ramis virentibus exornata, solo scopis diligenter purgato, nixæ omnes genibus. Tu (inquiunt) Domine, qui quibus indigeant rebus homines, quos tua ipse morte & cruciatibus redemisti, scis optimè, da nobis aquam, Christianæ sumus. Mirum dictu. Sereno tunc cælo, coactæ momento nubes, tantam repentè vim imbrium profudere, ut mulieres in Christiana religione magnopere confirmatæ potentiam DEI prædicare non desinerent, factaque manu deturbatum è fano simulacrum, à quo nuper tanquam DEO pluuiam supplices petere consueuerant, multis probris ac iurgiis laceratum atque conscissum raptantes, in profluentem denique consensu projecerint.

*Tuorum
Opul-
larum
studium
in templi
desertione*

In pago quodam Socii templum extruxerant. id Mauri cum audissent, incolis renuntiarı iubent, sibi certum esse, vel rerum suarum periculo extructum apud ipsos templum incendere, continuoquæ bellici apparatus rumorem de industria dissipant. iis terroribus ad Christianos perlatis, sacram ædem lateribus suis oppositis defendere omnino constituunt. idquæ tanto omnium ardore, ut ipsi pueri puellæque communi consilio vim saxorum iaculandi causa separatim uterque sexus in loca opportuna congereret.

Sed eo periculo, cum Mauri consilium mutassent, diuina

diuina ope liberati sunt. Vlate est eiusdem regionis *Vlate est.*
 cus, qui quòd in conspectu Maurorum est positus, ha- *cu.*
 betque trecentos incolas qui armis vti possint, assi-
 duis pæne bellis implicitus est. Vnus è Sociis trimestri
 spatio apud eos versatus narrat, eo tempore toto quo-
 tidianis præliis cum hoste certatum, iisque Dei benefi-
 cio & Vlatensium pietate serè secundis. vt enim viri
 in pugnam exierant: pueri signum Crucis ibi collocatum *Pietas*
 religiosè petentes, positis genibus, percutientes pecto- *puerorū*
 ra, manusque tollentes in cælum, diuinam misericor- *& femi-*
 diam; idque sæpe in iussu, supplices implorabant. quo in *natum.*
 numero erant; qui vix adhuc eloqui possent. Femina
 quoque detractos sibi lapillos & margaritas ad Crucem
 Deo offerentes, aiebant: Hæc omnia tua sunt Domine:
 tu nobis ea dedisti: noli hoc oppidum perire pati, Mau-
 rosque, tuos inimicos, rerum nostrarum potiri. Quid
 mirum, huiusmodi sultos præfidiis Vlatenses, superiores
 fuisse? iidem inita aliquando pugna, cum è recenti pluuia
 tormentarius puluis igni resistens repentè sclopos inutiles
 reddidisset, consternati animo, atque ope humana diffi-
 si, cum ab hostibus admodum vgerentur, multi gladiis
 & scutis humi depositis manus tollentes in cælum, nixique
 genibus, Respice nos (inquiunt) Domine Christianos, & pro
 tuo nomine præliantes, ser opem, ne nos tua clementia
 deserat. Haud incassum missæ preces. nulla accepta illatâ-
 ve clade, contra omnium opinionem exercitus vterque di-
 uersi in patriam reuertere. Et ea sanè gens esse dicitur miti
 admodum ingenio, & minimè cõtumax, ac natura ad om-
 ne officium ac virtutem propensa. itaque magistros etiam
 eximio quodam amore prosequitur.

Alii eiusdem tractus pagani, è quibus nonnulli baptizati
 iam fuerant, cum infesta sibi Maurorum arma ob id ipsum
 imminere sensissent; è Sociis euocarunt, qui populum
 vniuersum baptismo lustraret, quòd Christiani potius vi-
 tam sponte profunderent, quàm Mahometani libertatem
 retinere decreuissent. itaque duorum mensium spatio plus
 octingenti catechismo instituti, & sacro fonte abluti sunt.
 Alii multi eiusdem oræ Christiani à Mauris, in quorum di- *Ostingen-*
 tione habitabant, ad Mahometica sacrilegia sollicitati. pa- *ti bapti-*
 triis fundis ædibusque relictis, cum vniuersa familia in Chri- *stian.*
 stianorum loca migrarunt.

Quila-
nenfes.

Quilanenses autem, cū in montis iugo, vnius religionis causa, obsessi à Mauris tenerentur, nullis vnquam periculis aut minis ad deditiōem potuere perducī.

Homani.

Nec minor fuit Homanorum in fide constantia, qui cū oppugnati ab Regis Maluci copiis aliquandiu fortiter resistissent, cū iam hostium impetum ac multitudinem sustinere non possent, trecentis pactolis, qui mille circiter aurei nūmi sunt, transgere, vt Christianam religionem retinere sibi liceret. Quin etiam Præfetti Homanorum filia ab hostium duce ad matrimonium inuitata, (quod per eā putaret se facilius oppido potiturum) respondit fieri quidē posse, vt

Recani-
nenfes.

ad ipsum accederet, sed viua nequaquam. Iam Recanienses, in quibus bellatores mille numerantur, cū naues aliquot Maurorum ad eos venissent, minantes, nisi ad cultum Mahometis redirent (quem non plus anno antè reliquerant) validam Iaani regis classem ad eorum excidium esse venturam; illi nequaquam ea denuntiatione deterrii, responderunt, se nec mortis, nec rei familiaris, nec patriæ periculo, à vera I E S V C H R I S T I religione vllō vnquam tempore discessuros; malle se in hac vita labores & vexationes, quàm in altera, sempiterna subire supplicia. Interim Iaana classis nauium ferme viginti infesta superuenit. Tum Recanienses, quod in humanis viribus haud satis præsidii cernerent, primò sanè perculsi, deinde verò Sociorum præcipuè cohortationibus animati confirmatique certum sibi Dei subsidium polliciti sunt. Nec eos sanè fefellit spes. naues enim hostiū, cū oram Recaniensium legerent, atrox tempestas coorta fudit, atque disiecit, statimque Lusitanorum classis Recaniem magna omnium gratulatione peruenit. Inde cū assiduè sese propter Christum vexari Amboinenses neophyti cernerent, communi fidelium omnium indicto concilio decretum est, vt contra Maurorum impetus inuicem sibi ciuētī succurrerent; publicèque polliciti sunt, magna sanè Sociorum animi voluptate, se omnino Christianos esse merituos. In ora autem Comorinensi, cū neophytus quidam regem barbarum, cui ea natio vestigalis est, vita functum lugere ethnico ritu, barbāq; simul & capillum recusaret abradere, disceptis bonis est à barbaris interemptus.

Comori-
renses
Christia

Anno verò Christi natī 1566, Christianorum Comorinensium nauis Cocinum petens, à Mauris prædonibus capitur, statimq; sex è Christianorum numero primariis viris injecta vincula

vincula cum mortis minis, nisi a Christianis ad Mauritica *ni s. pra*
 era deficiant. Illi vero se quilibet perperuros respondent *Chry.*
 potius, quàm tantum sceleris admissuros. Mauri ubi se nihil *ebri.*
 proficere intelligunt, vinctos atrociter vexat primùm, deinde, *canon.*
 Agite, Cruces, inquit (nam è collo suspensas ferebant) qu-
 e us auferre: ceruices præcidenda sunt vobis. Tum Christia-
 ni: ecce, capita praestod sunt: Cruces si vultis, nos ipsi detrahi-
 te: nos enim citius utique moriemur, atque ita flexis geni-
 bus quinque ex iis obruntantur, egregiam ipsorum constan-
 tiam Lusitanis compluribus, cæterisque qui adetant, valde
 admirantib⁹. Sexto pepercere Mauri, qui Sociis Cocini dein-
 de narrabat, se in eo discrimine intum quoddã robur atque
 virtutem contra terrores illos diuinitus sibi suppeditati, sen-
 disse. Circa Persicum sinû anno a Deipara Virgine 1554 Tur-
 cæ nauem cepere, qua præter Lusitanos, neophyti vhebant-
 tur, Malauares adolescentuli sex circiter & triginta, ab ño-
 no ætatis anno ad septimum vsque decimum. Hos Mauri à
 Christo ad Mahometem traducere summa ope alternis blã-
 diendo minandoque frustra conati, ad verbera denique &
 varios cruciatus descendunt. Adduntur ad cæteram in ma-
 nitatem atque scuitiam stillæ adipis igne liquati, quæ cum
 tormenta, multasque præterea iniurias, puerorum egregia
 virtus fidelsq; contemneret; vi denique arreptum vnum ex
 iis circumcidunt inuitum ac renitentem, quem deinde cum
 Mahometanum esse iam Turcæ dicerent, cauillantes atque
 tentantes; ille utique pernegare, corpus tantum violatum
 esse, non animum affirmare: proinde se non minùs Christia-
 num esse quam antea.

*Adoles-
centulo-
rum neo-
phytorum
in fide
constantia*

Iam in iis insulis, quas Mauri appellari iam diximus, in-
 gens neophytorum numerus, quod susceptam religionem
 deserere nollit, patrimonii spoliari partim contumeliæ
 causa ipsimet sub hasta diuenditi, partim etiam perempti
 crudeliter sunt.

Illud verò quod in Amboino annis superioribus cõtigir,
 cum veterum utique martyrum illorum fide ac fortitudine
 comparandum videtur, non modo quod multi neophytorum
 vici pro veritate Euangelica saue direpti, omnes etiam
 incolæ alicubi ad vnum crudeliter cæsi, verum etiam quod
 plurimi à barbaris genere feritatis inaudito consumpti
 sunt. præcisos quippe viuentibus brachiorum toros ac ti-
 biarum articulos inspectantibus ipsis igne torrebant
 barbari, sunt.

*Neophyti
propter fi-
dem par-
tim ar-
uenditi,
partim
perempti.
Amboi-
nenses
Christiani
multi
crudelia
fortiter
perpassi
sunt.*

barbari, vorabantq; , paulatim cetera quoq; corporis mēbra laniantes , quoad neophyti lento cruciatu cōfecti animam Domino redderent, quorum aliquot ad extremum vsq; spiritum salutes illas voces, IESVS, MARIA, exaudiebantur iterantes identidem; vt interim illos omittam, qui in acerbam seruitutem aliò atque aliò abducti sunt. atq; hæc propterea maxime, quòd à Mauris oblessi, Crucis signū (quod in singulis Christianorum vicis publicè collocari cōsuevit) refixum, atque ad mœroris indicium atra veste inuolutū, ne in Maurorū cōtumeliosas manus veniret, humi defoderāt.

Neq; verò eiusmodi euētus atq; pericula neophytorū dūtaxat propria, sed cum ipsis quoque eorū doctoribus (ne videlicet sit discipulus supra magistrum) communia sunt.

*Sociorū
pro reli-
gione la-
bores &
interitus*

E Sociis quidam, dum in Amboino rem Christianam fideliter administrat, Maurorum in fidiis subinde appetitus, semel etiam domi flamma ab iisdem injecta viuis pœnè cōbustus, veneno denique fertur esse sublatu, vir in excolēdis tuendisq; neophytis, etiam contra barbarorum impetus ita fortis & impiger, vt ipsemet hostes eius animi magnitudinē admirarentur. idem in pauperes ita benignus, vt cū ipsam quoque subuculam in eleemosynam erogasset, in extrema valetudine, quod nulla sibi vestimenta suppeterent, stragulo tectus ad Christianos de more visendos vicatim circūire non intermitteret.

Alius dū sibi cōmissam egregiè tueretur ecclesiā, à Mauris aliquoties contumeliosè tractatus, & sustibus cesus, cū ad oppidum quoddam baptismi causa euocatus mari contenderet, vnā cū ipso nauigio demersus est. Comes verò ipsius (vt hoc etiam obiter addam) ægre ac periculosè natans ad saxum allisus à fluctibus in litus euasit, corpore laceratō, vt quadrupedum instar humi reptare cogeretur. in hunc ille modum cū vastas solitudines nullo prorsus obuio tridū peragrasset, in siluestre deniq; incidit hominem, ex iis quos Allisuros nominant, à quo sublatu in humeros, & ad pagū vsque Christianorum delatus est. Verū adedò humanè fertur ab illis exceptus, vt ad eū visendū concurrerent vndique spectaculi miseratione collaerymantes, certatimq; cibum, ac vestes, & alia quæcunque poterant, ad eum leuandum reficiendūque conferrent.

*Allisuri,
homines
siluestres*

Tres alii Socii Hispani, anno post Christi natalē 1555, cū ex Europa in Indiā nauigarēt, cūq; oneraria, quingētas circiter

eiter ab vrbe Goa leucas, in Syrtes incidisset, vectores pluri-
 mi, scaphis è naufragio raptim exstructis, litus incolumes
 tenuere. ipsi verò quanquam liberaliter inuitati, tamē ne in
 extremo illo periculo ceteram turbam desererent, quam
 capere scaphæ nequiuērāt, ibidē certā sibi pænē morte pro-
 posita remansere cum reliquis, & fame consumpti suat. An-
 tonius verò Criminalis in Cisalpina Gallia Parmæ natus,
 eūm annō 1544. ad Franciscum Xauerium in opere suble-
 uandum cum sociis aliquot; in Indiam missus esset, vir spe-
 ctata vitæ innocentia, atque studio Catholicæ religionis
 augendæ; à Xauerio in alias regiones Euangelii causa dece-
 dente, Gomorinensi Ecclesiæ vniuersæ præpositus est. quod
 ille munus in summa rerum difficultate assiduūque belli
 tumultibus amplius triennium alacriter obiit, cū semel
 saltem singulis mensibus passuum millia amplius ducenta
 perecurreret, idq; pedibus ferè semper nudis, noctē sæpe hu-
 mi trāsīgēs, in quotidiano cibo potūq; parcissimus. Is igitur
 dū ad Remanācoris vada, quæ appellantur, catechismo dat
 operā, subitò affertur infestas adesse Bismagēsū copias. Erāt
 in portu vicino parata nauigia, in quæ ille, si vellet, tuto cō-
 fugere posset, multis præsertim id ipsum hortātibus. Sed pa-
 stor, capitis sui cura præ ouīū salute neglecta, puerorum ac
 mulierū turbā, quæ ea maximè opportuna iniuriæ videretur,
 ne in barbarorū man⁹ magno cū religionis fideiq; periculo
 veniat, quāta maxima potest diligētia, insistit in naues im-
 ponere: quo in officio dū suimet oblitus magno animi ardore
 versatur, hostes interea superueniunt. Ille extremo peri-
 culo animaduerso, spe immortalitatis plenus, genibus niti-
 tur, manib⁹que sublatis, confestim se in preces effundit.
 Atq; vnus quidem atq; alter barbarorum manipulus illæsum
 Antoniū præterit mori cupientē, ne direptū ac dilaniatum
 Christi gregē aspiceret. Badagarū verò (sic enim è Bismagen-
 sibus aliqui appellātur) altera succedēte caterua, vittat⁹ qui-
 dā ex iis in læuum Antonii latus iuxta lienem hastam adigit.
 Accurrit alius statim ad spolia detrahenda, attritam videli-
 cēt tunicā. Antonius verò exuentē vltro adiuuat, quin etiam
 vt secum videlicet è mundo nihil prorsus auferat, interiorē
 quoq; subueulam raptim suis ipsemet manibus discerpit ac
 projicit. Inde iterū supplex prouolutus in genua consuetu-
 dinis suæ nō immemor, (id enim illi cum iaculatoria preca-
 tione vices triciēsve solemne quosidie fuerat) vulnera deinceps

*Marty-
 riū Anto-
 nis Cri-
 minalis.*

ceps

ceps in pectore duo, quartum denique in humero cū accepisset, in latus cecidit moribundus. Caput abscissum, & vnā manantē subuculā sanguine barbari ex alto suspēdunt: truncus ibidē nudus inhumatusque relinquitur. Atque hāc quidam laborum suorum vigiliarumque mercedē ac prēmium in vniō Dei beneficio tulit Antonius. Alōysius verō Mendēsius; cū in eadem ora iisdem ferē muneribus vacaret, ab iniquis atque impiis jugulatus est.

Atque his tot tantisque terroribus periculisque propositis, magno animorum studio certant eiūsmodi prouincias experire Socii, propterea credō, quōd cū officium sequūtur, tum inter eas difficultates & incommoda quotidiana, ab omni ferē seculari vel humana delectatione se iuncti, summa Dei benignitate liquidissimis voluptatibus, quas caro sanguisq; nō percipit, gaudiisq; celestibus, ad quæ nunquā adspirat animalis homo, sæpenumero perfruūtur. Illud verō eos vehementer angit, quōd propter ipsorum paucitatem atque penuriam, agri quā plurimi, qui adhibita cura felices ac nitidi opimam virtutum omnium frugē ferre possint, vel steriles atque horridi miserabiliter jaceant; vel etiam aliquandiu subacti, cū propter ingētem occupationū mole suis tēporibus ab se recoli nequeant, paulatim deserti, aliquando siluescant. vni quippe interdū operario, & ei quidem nō diu sacerdoti, multa hominū millia Dei verbo pacenda regendaque variis locis incumbunt, multisq; amplissimis in regionibus ministri Euangelici nisi è Societate nulli vescantur. ipsi autem idcirco adesse vbique non possunt, quōd eorum numerus cū in vniuersum exiguus est ipse per se, tum per Europam vniuersam vltimosque Occidentis & Orientis fines ita longē latēque dispersus, vt mirum sit, terras ita multas tantoque interiacentis Oceani spatio inter sese diiunctas, non dico Euangelio collustrari, sed cursibus peragari tā breui tēpore potuisse, à religiosis præsertim viris ex assidua corporis & animi patientia, ac voluntaria paupertate, ferē semper incommoda valetudine vteantibus. Quod ideo iustum & pium desiderium ipsorum habendum est, cū tanto tāq; salutari opere quā plurimos à iūctores exoptant, ne scilicet vberim animarum seges, quā e sacrilegis ceptam Diaboli manibus iam pridem oportebat, vna ipsorum inopia videntibus atque inspectantibus ipsis in-

DE IAPONICIS
REBUS EPISTOLÆ, IN
EDITIONE VENETA PRAE-
TERMISSÆ, QVARVM LECTIO
CHRISTIANO LECTORI
mirificè placebit.

COSMVS TVRRIANVS

SOCIETATI IESV.



QUANDO multa mihi per hos dies ac magna de Christo ex domestica Sociorum, qui ex istis regnis huc veniunt, præsertim verò Francisci Xaverii cōsuetudine discere datum est, ut communicem vobiscum hanc animi mei lætitiā, Patres in Christo fratrēsque, bre-

*Cosmus
quomodo
a Domi-
no ad So-
cietatem
vocatus.*

uibus enarrare constitui, quo pacto Dominus me suam in hanc Societatem vocarit. Antehac, tametsi propenso in religionem sui semper animo, multa me tamen varixque cupiditates à proposito retardarunt. Anno redempti generis humani 1538, nescio quid ut quærerem, profectus ab Hispaniæ, Cannarias primùm seu fortunatas, tum Diui Dominici, quam appellant, complures præterea alias insulas petii, de quibus, quòd satis iam notæ sunt, me nihil attinet scribere.

*Hispania
nomen.*

Vidi etiam continentem, quam nouam Hispaniam vocant, fertilitatis eximæ: in qua, Dominicanorum & Franciscanorum opera, magnus Christianorum numerus cernitur. ibi quadriennio ferme per summam secularium rerum omnium abundantiam ac satietatem exacto, cum maius quiddam atque solidius quasi diuinans animus meus appeteret; Kalendis Ianuariis, anni M. D. XLII, sex nauium classem nactus, occidentem versus pergere intendi. cum quintum iam & quinquagesimum diem in alto, procul ab omni terræ conspectu, nauigassemus; ad insulas denique venimus multas numero, magnitudine perexiguas, loco depressas; quarum incolæ, nudi, pisce tantùm atque arborum foliis victitabāt. hîc dies octo substitimus. decimo inde die insulam conspeximus amœnissimam, frequentibus ac proceris admodum cōstitam palmis: sed nos vehemens venti vis descensu prohibuit. post decem alios vel duodecim dies insulam tenuimus magnam,

*Vendena-
um nomen.
insula, ubi
incolarum
consuetudo.*

sed ab habitatoribus penè desertam, Vendenaum nomine, cuius ambitus est 100 leucarum. in ea cum, quadragesimum circiter diem morati, neminem ex incolis vidissemus; ad extremum barbari nauigio ad nos accedebant, pacis petendæ gratia sanguinem è pectore brachiisque suo more mittentes. sed nostrarum perterriti strepitu bombardarum, ita repente

pentè in fugam vertere sese; nunquam, ut postea comparuerint, seminudi incedere, arboribus pro testis uti dicantur: pro scalis autè, arundinibus miræ proceritatis & crassitudinis. Inde cum ad septentrionem nauigaremus, vèto aduersante cursum ad meridiem auertimus, paruamq; in insulam descendimus, carne & oryza abundante. sesquiannum circiter ibi traduximus. incolæ sunt jaculandi peritissimi; venenatis utuntur sagittis, quas ut inficiâr, virulètas quasdam bestiolas, viridium instar lacertarum, enutriunt. Hinc, de nostris ad 400 amissis, penè coacti discedere, contredimus ad Malucû; quo in loco mora ferme biennii facta, quoddam classi nostræ nouam in Hispaniam reditus non patebat; de sacerdotum aliquot, virorumq; nobiliû comitû nostrorû sententia, cum Præfecto Lusitanorû, qui erat ibidem, transigimus, ut nos in hæc Indiæ regiones adluceret. In eo itinere insulam attigimus, quæ dicitur Amboinus. ibi Xauerium reperi: cuius primo congressu in ipsius imitationem sum vehementer incensus, itaque repentè eius vestigiis institissèm, nisi Episcopum Goæ prius inuisere decreuissèm. *Episcopus Goa.* quocirca meum illi animum aperire in præsentia superledi. Goam inde peruenire est. ibi me statim ad Episcopum contuli, à quo exceptus liberaliter, & Ecclesiæ cuiusdam administrationi præpositus, in eo munere quinque circiter mensium spatio ita sum versatus, ut me graues interea ferè semper curæ cogitationesq; vexarent. quibus defatigato iam animo cum nullam planè requiem inuenirem, ad nostrum hoc diui Pauli Collegium veni, meq; in P. Nicolai, qui tum Collegio Rector præerat, familiaritatem dedi. *Collegiû D. Pauli.* ab eo cum genus vitæ disciplinamq; Societatis domesticam cognouissèm; valde mihi, præsertim auctoritate Xauerii iam ante permoto, res tota placuit: cumq; me ex instituto Societatis idcirco tantisper à negotiis remouissèm, ut mente quoad possem a sensibus auocata, omnem cogitationem in Dei beneficiis erga me perpendendis, & in exigenda præteritæ vitæ meæ ratione defigerem; tertio die postquam res sum aggressus, ita me repentè securum, & ab angoribus liberum vacuumq; persensî; ut egomet ipse rei nouitatem mirarer, mihiq; posthac in Societate omnino viuendû ac permanendû esse decernerem. Id contigit anno superiore, 13. Kal. Aprilis, quo ipso tempore Xauerii quoque magnopere me confirmauit aduentus; cum salutis meæ causa con-
 sultò

sultò missus in hanc urbem à Domino videretur, vnde ille paulo post discedēs, vt promōtorii Comorini Christianos inuīseret, curā mihi reliquit, pneris domi quos alimus, priuatim quotidie; plebi autem in templo singulis dominicis diebus Christianæ rudimenta doctrinæ & diui Matthæi Euāgelium exponendi. Intulit etiam sermonem de terra Iaponia, (cuius naturam & incolarum genus è libello quem separatim mittimus cognoscetis) & simul significauit esse sibi in animo, cū à Comorino redierit, in eam insulam proficisci, & me secum ducere. quod ego singularis beneficii loco à Domino accipio; & paratus, quocunque ille uoluerit, sequi; id vnum laboro, ne in patrem totius consolationis Deum pro immensa eius in me benignitate ingratus reperiatur. itaque Patres & Fratres in Christo mei, in gratiis agēdis, quæso, mihi succurrite, tum quòd me in hāc Societatem ascuerit, tum etiam quòd mihi Iaponicā prouinciā destinauerit. Habemus in hoc Collegio adolescētem nomine Paulum, cui à sancta fide cognomen est inditum, natione Iaponium, multis ornamentis ingenii memoriæque, sed præcipuè Dei vera notitia præditum. Sextus agitur mensis, ex quo Christianus est factus. bis duntaxat expositum à me sibi diui Matthæi Euāgelium summa felicitate à primo capite ad extremum vsq; memoritet hausit. Nostra in Iaponē profectio in proximū Aprilem mensem paratur. Eam confidimus valde vtilem rei Christianæ futuram: eoque magis, quòd vetus opinio quasi quoddā oraculum percubuisse apud Iaponios dicitur, nouam se legē, multo quāquam hodie vtuntur sanctiorem ac meliorem, aliquando accepturos. Sacrificiis vestris & precationibus nos admodum commendamus in Domino. Goa, 8. Kal. Aprilis, 1549.

*Paulus à
sancta fi-
de.*

*Vetus opi-
nia à po-
norum.*

COSMVS TVRRIANVS SOCIE- TATI IESV GOAM.

QUO D vestro mihi subsidio vehementer est opus, vel ipsa me cogit necessitas, Patres Fratresq; mihi carissimi, vt vos de statu rerum Iaponicarum faciam certiores. Ac de rota quidem nostri itineris ratione, nec non de ipsius conditione prouinciæ, quantum initio per huiuslinguæ morumque noticiam licuit, quo anno ad hanc

hanc terram appulimus, Xauerius admodum fusè per-
 scripfit. ex eo tempore Cangoximæ, quò primùm è nauì descē-
 dimus, annum ferme cum aliquot eius loci neophytis cō-
 morari, ad urbem Firandum (quoniam Meaci per bellicos
 tumultus commerari non licuit) inde contendimus. Hic
 regulum Xauerius adite constituit, qui tum erat Amangu-
 ti: quæ urbs in primis huius regionis ampla, centum leucas
 ultra Firandum est posita. ad eum habebamus à Goæ Præ-
 fecto & Episcopo litteras: & a Præfecto Malacæ, munera,
 manuchordiū & horologium: quibus in nauem impositis,
 cum Ioanne Ferdinando duobusque Iaponiis Amangutiū
 est profectus. eo munere delectatus admodum regulus,
 quod huiusmodi res, tametsi exigui pretii, tamen ante id
 tempus nunquam in ea prouincia visæ, tum primùm pro-
 ferebantur: publica statim per vicos edicta proposuit: pla-
 cere sibi, non solum in ea ciuitate, verùm etiam in omnibus
 suæ ditionis oppidis legem Dei declarari palam: eamq; cui-
 libet liberum esse sectari: eius legis præcones atque inter-
 pretes nulla ratione a quopiam lædi vel impediri. præterea
 gratificandi causa Xauerio eiusque comitibus monaste-
 rium, quo diuersarentur, attribuit. quò simul ac recepere
 sese, ingens ad eos repētē omnium ordinum concursus est
 factus: partim veritatis, partim rerum nouarum, partim e-
 tiam detrahendi studio. quo in extremo genere Bonzii ma-
 ximè sunt. qui tametsi principio latari nostro aduentu vi-
 debantur, tamen vehementer à nobis abhorreere cæperunt,
 ex quo Christiana lege prohiberi nefaria flagitia, quibus
 sunt turpissimè dediti, cognouerunt. Iaponiorū autē aptis-
 sima sunt ad capiendam ac retinendam IESU CHRISTI re-
 ligionem ingenia, valent iudicio, rationem ducem libenter
 sequuntur, de salute animarum & Dei cultu sunt valde soli-
 citi, & in communi consuetudine faciles. maximè verò se
 obseruant inuicē & honorant: sic prorsus, ut in aliqua regia
 instituti esse videantur. Maledictis absentes minimè carpūt,
 aleatores æquè ac fures capitali supplicio persequuntur.
 oblectationis causa vel armis (quibus admodum vtuntur
 bene) vel paugendis carminibus exercentur. atq; hæc opti-
 matum studia sunt. Idololatriæ apud eos multa sunt gene-
 ra. namq; alii simulacrum adorant, nomine Xacam. de quo
 illa præcipuè perhibetur: octies millies natū antequā à fe-
 mina pareretur, atque eo tempore priusquam cōciperetur

*Firādum
urbs.*

*Amangu-
tis urbs.*

*Firandē-
sis reguli
edicta.*

*Iaponio-
rū laudes*

*Multa ge-
nera ido-
latria
& super-
stitionis.*

à matre, sanctimonix causa, ligna, aquam, & alia necessaria, hominibus ministrasse. alii simulacrum quod Amidam appellant; alii verò Solem venerantur ac Lunam: atq; omnino versantur in multis ac magnis erroribus: vt litterarū præsidio instructos ad hæc mendacia confutanda oporteat esse, qui è nostris in hanc prouinciā venerint. Harū præcipuè Bonzii superstitionum Antistites, cū autoritatis tum pecuniæ sibi conciliandæ causa, errore animos multitudinis imbuunt. Chirographa quædam habent venalia, quorum aliquod, è vita migrans, quicumque secum attulerit: huic nullum à dæmonibus fore periculum pollicentur. & quamquam huiusmodi chirographa carè admodum veniunt, tamen à plerisque ante mortem emuntur. Monent etiam populum, vt ipsorum exemplo ab omnium animalium esu (nisi quæ carent sanguine) abstineant. Et sanè Bōzii neque carne palam neque pisce vescuntur: regis videlicet metu, qui si id resciret, multatos pelleret monasterio: sed tamen clanculum comedunt. Iaponiorum elatiora sunt ingenia. armis maximè fidunt. ætatis annum 14 cū primū attigerunt, machæra præcinguntur: pugionem verò nunquam deponunt. arcu & sagittis peritissimè vtuntur: & reliquas nationes omnes, præ fortitudine sua, contemnunt. genus omne furti, capitali pœna pariter puniūt: aiunt enim, qui se à paruis non abstinuerit, eadem in magnis, oblata occasione, æquè facillè peccaturum. Heris in famulos, quālibet leui de causa vitæ necisque ius est. itaque serui eis diligentissimè ad nutum obediunt: capitèque demisso, manibus humi positis, dicta dominorum excipiunt. Sunt autem Iaponii dociles adedò, facilèsq; natura, adeoque ratione ducuntur: vt cū saepenumero valde irati ad nos veniant: simulac demonstratum est iis animorum certum esse principium, interitum verò nullum: nec salutem prorsus ab vilo nisi ab vno rerum opifice sperandam: repentè idolorum obliti, quæ toto vitæ suæ tempore coluerunt, eadem hora velle se dicant fieri Christianos. neque verò per incōstantiam ab lege semel accepta desciscunt, quinimo plerique (& magnus iam neophytorum est numerus) ad omnia propter Deum quamuis aduersa ferenda parati mihi videntur. Quanta sit huius terræ amplitudo; quàm idonea ad Catholicam in ea fidem serendam, cernitis Fratres. Ipsi quidem Iaponii in percontando ita sunt curiosi: vt ex quo

*Iaponiorū
studia.*

*Iaponii
dociles
ad bonū
propensi.*

*Iaponii
in percō-
tando
curiosi.*

Xauc.

Xauerius in hanc urbem venit, (omnino quintus nunc, vel eo etiam amplius, agitur mentis) nulla dies effluxerit, quin ab hora matutina ad multam usque noctem vel Bonzii vel laici affuerint, varia in omni genere sciscitantes, ut illa: qui status est Dei? qui locus? oculis cur non cernitur? *Qui* fieri potest ut animorum origo sit, mors nequaquam? *Qui*-bus ut satisfiat, magna prudentia ac dexteritate opus est: namque, prout res postulat, modò seuerè cum iis agendum, modò humiliter ac demissè, in primis autem patientia necessaria est. etenim Iaponii, ut sunt ingenio peracuti, & à nulla prorsus natione vel sapientia vel dignitate superari se putant: aduenas omnes, deprimendi causà, vultu etiam manibusque gesticulantes, illudunt. & sanè bona à prauis haud male dijudicant: atque ob eam ipsam causam, Bonzios, et si in speciem venerantur, tamè ob dissolutos eorum mores, intimis sensibus auersantur. Nunc Regulus nobis càm exstruendo Collegio perampulum assignauit. Nobis veram sui colendi amandique viam ac rationem Spiritus sanctus ostendat, quo ad eam beatitudinem, ad quam sumus conditi, peruenire aliquando possimus. Ex Iapone, ipso die festo diui Michaëlis, 3. Kal. Octobr. 1551.

EX EPISTOLA GASPARIS VILELÆ
AD SOCIETATEM IESV.

IAPONICA terra, quantum hucusque accepimus, pauper *Descri-*
est & frigidior Lusitania. regio montosa & vidualis: gens *ptio-*
polita, nec à ratione abhorrens: hordeaceo vescitur pane. *ra Iapo-*
qui nobiles sunt, iis magnus habetur honos, quorù multi si *nica.*
rei familiaris premuntur angustia, natos præfocant iniecto
faucibus pede, mortemque anteferunt egestati. Olei, bury-
ri, casei, lactis, ouorum, saccari, mellis, aceti valde laborat
inopia: croco, cinnamomo, pipere prorsus caret. Iam verò
hordeaceo furfure vtuntur pro sale, denique nulla ibi sa-
lutaria corporibus medicamenta reperiuntur. En vobis, *Adhor-*
fratres carissimi, cuiusmodi regionè tredecim vel quatuor- *tatio.*
decim petamus, sanè quàm alacres DEI benignitate: & si
magis laborandum sit, multo etiam alacriores futuri, ut
opera nostra Iaponiorum animarum, fratrum nostrorum, dam-
nati illius lupi eripiantur è faucibus. Nunc fratres quan-
do hæc vobis occasio datur: optata perficite, nec vos vllus
impediat

impediat timor, quo minus animabus iis opitulemini, quas Christus Iesus minimè sibi negligèdas putauit. Concurrите fratres ad has gentes adedò remotas ab agnitione procreatoris sui. Crucis in amplexum venite: strenuis paret militibus campus: vestri conatus erumpant: vestra à mari ad mare transmittat industria. Ad hæc noua sidera contemplanda, ad hæc noua tegna accedite, vt ex his ad regnum tollamur æternum cum IESU CHRISTO, Cocino, 8. Kalen. Maij, 1554.

PETRVS ALCACEVA SOCIE-
TATI IESV IN LVSITANIAM.

G Oam veni, vbi commoror in præsentia, ex Iapone missus. & quoniam arbitrabar, cognito rerum Iaponensium statu, magnam vos lætitiā esse capturos: de iis aliquid cōstitui ad vos scribere: vt, cū in ea prouincia quanta sit rei bene getendæ materies, qui motus animorum, quā præstātia incolarum ingenia intellexeritis, fratres vestros, qui peregrinantur ibidem, quamquam loci intervallo disjunctos a vobis, spiritu nihilo minus cōiūctos assiduis precationibus esse vobis adiuuandos puteris. Anno à puerpera virgine 1552, 15. Kalen. Maias proficiscentem ex India Franciscum Xauerium, vt in oram Sinarum trajiceret, quò secum è patribus Balthasarem Gagum itemque è fratribus vnū ducebat, secuti ego & frater Duarte à Sylua, vt peteremus Iaponem, Malacam venimus, quæ abest leucas 700 ab India. Vbi Xauerius, vt ad Sinas postea pergeret, substitit. nobis Iaponem versus 8. Id Iulias proficiscētibz, itineris comes repentè, Xauerii iussu, Balthasar Gagus accessit. Cū ad Sinas peruenissemus, peto opportunè paratam nauim inuenimus: quod eo incundi nobis accidit, quòd ea de re valde solliciti in itinere fueramus. Conscendimus igitur 4. Ne nas Augusti, & duodecimo die ad Iaponē appulimus, inq. Cangoximā insulā, vbi Xauerius versatus antea fuerat, primo aduētū descēdimus. ibi dierū octo mora facta, ab Regulo valde benignè tractati, 11. Kal. Octobris perreximus ad Būgī regnū, quod & appellatur: & decimo septimo die ad urbē Bungū sanè quā aduersa & periculosa nauigatione peruenimus. ibi nobis edes hospitio datæ sunt iussu regis, quem postridie inuisitamus; ei que

Socii Sinas prouinciam

Engirgenum & vrbis.

usque ab Indiæ Prorege munera attulimus. quibus ille ma-
 gnopere delectatus, præter hospitium nobis terrestria quo-
 que & maritima lauria quotidie iussit præberi. Rex est sanè *Rex Būgi*
 potens, admodumque imperat latè. Cosmus Turrianus *potens &*
 Amangutii erat eo tempore: qui simul ac Bungi nos esse co- *in Sociis*
 gnouit; continuò Ioannem Ferdinandum Iaponicè do- *hmt. m. 10*
 ctum misit ad nos. quò, & in mandatis, quæ habebamus à
 Prorege, exponendis, interpretis munere fungeretur, & a-
 liquid eadem opera de Christiana religione discerneret. is
 nobiscum in regiam cum venisset, in utroque genere sanè
 libenter est auditus ab rege. Summa eius orationis fuit:
 quòd Rex ipse Proregem Indiæ per litteras certiorē fecis-
 set, amicè in suo regno habitum iri ab se doctrinæ CHRIS-
 TIANÆ magistros: idcirco nos ad eā exponendam in ea
 loca venisse; id quo melius & cōmodius fieret, esse nostris
 è presbyteris vnum Amangutii, quicum nobis congregi &
 colloqui magnopere expediret: cum ut ab eo multa cogno-
 sceremus, tum etiam ut aliquam interea assequeremur Ia-
 ponicæ linguæ peritiā: certum ab Rege hominē eo ipso
 tempore mitti Amangutium inaudisse nos: petere & roga-
 re, ut vnā cum eo nos mitteret. Ad ea respondit rex, nec se
 ignorare, commorari Cosmum Turrianum Amangutii, &
 sibi dolere, quòd non, ut in ea vrbe, sic in suis quoque di-
 tionis oppidis essent neophyti Christiani: publicè se Chri-
 stianam in suo regno religionem, & nobis interpretandi,
 & sectandi cuiuslibet potestatem esse facturum: atque eius
 rei auctoritatem verbis iisdem, quibus Amangutiana foret
 edita, conscripturū; quam in ædium nostrarum ianua pa-
 lam propositam haberemus. Cum hoc responso dimissi, Oc-
 tobris mense, anno 1552, contendimus Amangutium. vbi *Quid fa-*
 & à Cosmo Turriano & ab vniuerso cœtu Christianorum *ctū à So-*
 singulari cum lætitia & caritate excepti, diem natalem *cis Amā-*
 egimus Domini, solemniq̃ue sacrificio interfuimus, etsi *guty.*
 non optima symphonja, magno tamen cum gaudio Chri-
 stianorum: duo deinde patres tria singuli missæ sacrificia
 petegerunt. totamque rationem eius mysterii populo de-
 clararūt. Hic, cum in cōsiliū ventum esset de rebus ad
 eam ecclesiam necessarijs, placitum est patribus me Goam *Rex Būgi*
 reueri. Abeuntem pridie Non. Feb. anni 1553 Balthasar *scribit ad*
 Gagus & Ioannes Ferdinādus Bungi vsque sunt profeca- *P. v. c. 6*
 ti. Būgi rege salutato, monitoq; de meo in Indiam reditu. *Inata*

ad Proregem ut scriberet, si quid vellet: ipse cum alia tum illud præcipue scripsit: studium suum patribus, qui apud se essent, non defuturum: interim se Balthazaris Gagi præsentia valde lætari: Lusitanæ regis causa omnia cupere: mitti ad se præcones Euangelii, ut de suis quamplurimi fierent Christiani, vehementer optare. Ego cum iis litteris confestim discessi Firandum, quod abest Bungo leucas circiter 60. totoq; eo itinere, Iaponici sermonis ignarus, nutu ac significatione pro lingua sum uti coactus. ex quo iudicare poteritis, quam mihi patientia fuerit necessaria.

Ingredis-
crimē Re-
gi Bungi
& Sociis
intenta-
tum.

Rex pe-
rit Socio-
rum pre-
cibus Deo
commen-
dari.

Biduo post meum Bungo discessum, Balthasar Gagus. & Ioannes Ferdinandus, qui remanserant, magnum adiere discrimen. etenim luce quæ cinerum diem est consecuta, patefacta principum trium aduersus regem coniuratione, vehementer commota ciuitas erat in armis. Tum neophyti quidam ex oppidanis Balthasarem monere, ut ædibus consulere suis: urbi namque imminere direptionem & incendium. Balthasar autem animaduerso regis ipsius periculo ac metu, Ioanem misit in regiam, ut si quo modo regem alloqui posset, eius animum confirmaret, Deumque futurum ei propitiū vel ob id ipsum promitteret, quod ille suorum conuersionis adeo cupidus esset. Ioannes etsi regiam offendit nobilitate refertam: tamen Deo volente patuit ei ad regem aditus. qui ipsius verbis admodum recreatus, ut Deo commendaretur a nobis valde suppliciter petiit. nostri cum urbis compita cernerent armatorum cateruis horrentia, domesticis finibus continere sese Deoq; committere statuerunt: nec ita multo post è coniuratis tres titulis honorum illustres, una cum ipsorum liberis, vxoribus, propinquis, aliisque compluribus occiduntur, & statim domibus eorum ignis injicitur. qui latè adeo peruagatus est, ut priuata partim virorum nobilium, partim mercatorum, ad 300 ædificia comprehenderet. qua ipsa in urbis regione cū esset nostrorum hospitium, de sarcinis ornatuq; sacro plane iam desperauerat Gagus: verum in medio incēdio ædes, Dei benignitate, illæsa atque incolumes permansere. eadē nocte misit rex, qui Balthasari nuntiaret, facile iudicare se quantus eo die ipsius labor fuisset, putare etiā sarcinas absumptas incendio. sed bono esset animo, restitutum se omnia. etenim valde prospere debellatum esse gratias egit Balthasar, iussitque regi renuntiari, nostra omnia integra

integra superesse. tertio deinde, vel quarto post die regem inuilit ipse, habuitque sermonem temporis congruentem. Huiusmodi omnia incommoda, fratres mihi carissimi, multasque præterea Bonziorum iniurias (qui sacerdotes Iaponiorum sunt, homines miræ peruersitatis ac pertinacis) tolerare sanè operæ pretiū est. is animatum fructus, ea neophytorum constantia, id ingenium cernitur. ex iis vnus tanto studio rerū diuinarum exarsit; vtnulla in domo vicinitatis suæ non aliquem fecerit Christianum, & alios præterea complures vehementer commouerit.

*Ardor
neophyti.*

Quidam ægrotanti filio implorabat à Balthasare medicinam: cui Balthasar, animæ se medicinam, si vellet, ait esse facturum. ille domum discessit: nec ea de re filiū appellauit: & filius, quamquā auditis fidei sacrosanctæ mysteriis idcirco nihilo magis immutatus, intetiuit. Pater fusus in lacrymas venit ad nostros. Tum Balthasar: & quidem est, inquit, cur plores, quoniam tua culpa negligentiaque damnatus filius tuus descendit ad inferos. qua re tanto ille simul pudore ac dolore permotus est: vt confestim uxorem & filiam, Christianæ doctrinæ iam rudimentis imbutas, ad Baptismum adduxerit. Deinde cum filia eūdem in morbum, ex quo frater perierat, incidisset: patri, si fidem haberet, exitum Balthasar promisit felicem, & quidem ea postridie repente conualuit. Christianus alius Balthasarem rogauit, vt domum suam, quæ leucam vnam distabat ab oppido, sese conferret. quò cum venisset, Christiani sunt facti 30. Dominus autem noster in hac terra pro rei necessitate diuinam baptismi vim miraculis multis illustrat. Non procul Bungo complures per baptismum expiati cum essent: vnus ex iis cæcus, 13 natus annos, simul ac baptizatus est, integrum oculorum lumen recepit. quæ res neophytorum animos magnopere confirmauit.

*Balthasar
Ga-
nus.*

*Exemplū
fidei.*

*Triginta
conuersi.*

Miraculum.

Faber ferrarius quidam neophytus tanto Domini flagrat amore, vt in conuertiendis ad eundem aliis laboret assidue. is vt quemque permouit, continuò domum nostram adducit. Cum Iaponij magna gratulatione quædam solēnia celebrarent: cum foliis & carbone contulit eò sese: quærentibus cur tali die opus faceret: Vos quidem insanitis, inquit, ego vetò me iam legi conditoris omnium rerū addixi: hanc autem operam do Patrum Lusitanorum edificatio.

*Fabri
ferrarij
ardens
pietas.*

cio. eodem tempore alij quoque, licet huiusmodi artium ignari, honesti homines, vt Iaponicis superstitionibus aliqua ratione detraherent, vel nostris ædibus extruendis vel alijs occupationibus sese de industria exercebant.

Domus autem nostra ædificari cœpta est in area, quam rex attribuit nobis hoc anno pridie Idus Iun. loco valde bono: vbi Gagus omnibus cum neophytis & Lusitanis duobus, qui tum fortè aderant, die festo Diuæ Mariæ Magdalænæ, sub vesperam crucis admodum excelsa trophæa defixit lintheatus, cum psalmodia, quod crucis officium appellant: neophytis magnâ pietatem præse ferentibus; quorum, in vrbe & in agro, 600 vel 700 est numerus, & augetur in dies. magna verò eorum constantia est, magna animi firmitas. Tribus maximè captionibus animos Iaponiorum fallere diabolus consuevit: quas omnes iam superauere neophyti. quarum prima illa est: quid fiat in altero sæculo, quis nouit? quis vnquam ex eo reuersus est? Altera: leges Iaponiorû, cum traditæ à sanctis viris tanto iâ tempore manserint: ne nunc quidem esse antiquandas: tertia, Dei legem seram esse iam, quando quidem ante annos ter mille perlata non est. Verùm hi cauillorum nodi, miserante Domino, dissoluuntur: & quando tanta in nos principum & regis ipsius animi propensio ostenditur: valde futurum speramus, vt optimè res in hoc regno procedat.

*Crucis
trophæa
defixa.
Septin-
genti cō-
uersi.
Trifarid
damōla-
ponios
oppugnat*

*Amāgu-
tianorū
pietas.*

Amangutij cūm essem, qua in vrbe Christiani permulti visuntur, tantam eorum probitatem cognoui, quantam verbis vix exequi possum. Lusitanos omnes fratrum numerant loco: populares autem suos eatenus diligunt, vt ex erroribus in viam rectam adducant: eaque in te sanè vehementer laborant. quod in hac tetra eo mirabilius est, quod eadem interdum in domo, paterfamiliās aliam, aliam mater, aliam filij superstitionis sectam sequuntur: nec tamen laborant, vt in suam se inuicem hæresim pertrahant. qui vetò facti sunt Christiani, quam bono seruiant Domino, vel pelliciendis ad eiusdem cultum & obsequium aliis, studiosè testantur.

Natalibus autem Domini feriis, de quibus, paulo antè memini, nocte, quidquid à sacrificiis orti superfuit, in sermonibus diuinis audiendis posuere: alternis Ioanne Ferdinando & puero Christiano, qui nostras didicit litteras,

ras,

ras, pia quædam scripta recitantibus. lectio si quando intermittebatur, ut de rebus diuinis disputaretur, continuò postulabant. A nocturnis sacrificiis domum reuersi, manè rursus ad diurna venerunt. ô prædicandam Dei bonitatē: qui corda usque adeò rigida tam suauiter flectit. etenim Iaponij ferè omnes, nisi qui Christiani iam sunt, superbix vitio vehementer laborant. Rumorem Bonziji dissipauerant, idcirco Iaponis fieri Christianos, ne in idola elemosinas erogarent. id ubi resciuere neophyti, nos conuenere, petentes: ut, quoniā nos nō acciperemus pecuniā, constitueretur scriniū stipi condendæ, quæ ab se in pauperū subsidia conferretur. Eorundem, aliquoties, cum ipsimet præberent egentibus epulum inspectante me, caritas mihi miraculo fuit. Monumentum etiam locumque sepeliendis Christianorum corporibus, perquam eleganti opere construxere. In funtibus autem, ad efferendum cadauer honestissimus quisque deligitur. huiusmodi quippe misericordix muneribus obeundis magnopere delectantur. Nostri cum in aliam fortè migrassent domum: & in priori quæreptibus eos permultis, vicini, Lusitanos reuersos in patriā mentirentur: cumque ob eam rem (ut in ciuitate perampla) complures euangelio fraudarentur: eorum vterque circa meridiem in foro medio repente comparuit. orationem, Gagi mandato, Ioannes habuit ad tempus paratam. Ex eo die nouus deinceps ad illos hominum concursus est factus. Christianus quidam paralyti duorum triūve mensiū spatio laborauerat. is magicis artibus (de gentis more) dum à propinquis curatur: etiā mutus efficitur. cuius casum miseratus amicus itē Christianus, cælestis aqua lauacri, quam sumpserat domi nostræ, conspergit hominem. ille surrexit statim, & locutus est, nostrosque conuenit. Hisce atque aliis huiusmodi remediis Christianam rem in hac terra Dominus pro sua bonitate sustentat. cui gratiæ agendæ sunt eo magis, quo maior est cum Iaponiorum cæcitas omnium, tum præcipuè Bonziorum. quorum aliqui in montem, ad sanum, quoddam idolorum, ad piacula per inediam expianda sese recipiunt. Martyrum verò demonis iniuri summa vix potest. Simulacrum est excelsa admodum in arce positum. ex eo loco in huncquidē idoli semet Iaponij præcipitantes intereunt: ij post mortem vulgò sancti existimantur. Alij, cum magnam vim coëgere pecuniæ, conscen-

Figmentum Bonziorum.

Miraculum de paralytico & mutuo.

Bonziorum & Iaponiorum aliorum superstitiones.

conscendunt nauiculam, alioque sese committunt. deinde
 naus alueo de industria perforato, merguntur. atque hoc
 mortis genere, miseri, certam consequi se beatitudinē pu-
 tant. Persuasit etiam huic genti diabolus, rem valde hono-
 rificam esse, mortem sibi ultro consciscere. Quocirca dam-
 nati capitis optimates, si ministerio carnificis ipsimet an-
 teuertunt, magnam sui nominis famam, magnam verò
 affinibus gloriam ac decus relinquunt. contra, si exspe-
 ctant dum sibi manus ab aliis inferantur. Qui regnum ob-
 tinet Meaci, quisquis ille sit, ferme pro sancto colitur, &
 nunquam pedibus calcatur solum. Aquæ vas attulit Meaco
 nescio quis, cum Xauerus in Iapone esset, qua regis ablu-
 tos pedes dicebat fuisse. ea aqua Iaponij religionis causa
 caput aspergebant: Xaueriumque idem ut faceret horta-
 bantur. Totam insulam seruit in quatuor & sexaginta pro-
 uincias esse diuisam, in iis delubrorum exstare millia 13. In
 Regia Meaci omnis generis idola visuntur, quibus noctur-
 na per vices mandantur excubiæ, (anima simulacri illam a-
 gere vigiliam creditur) quod si forrè rex ea nocte sese mi-
 nus habuit commodè, simulacrum è regia sustibus malè
 multatum exterminant spatio centum dierum, quibus de-
 mum exactis, ab exilio reuocant. Huius generis innume-
 rabilia sunt in Iapone portenta. verùm hasce tenebras
 omnes Euangelij lux, Domino volente, dispellet. Amangu-
 tianorum ecclesia plus 1000 & 500 conficit Christianos.
 Bungense regnum 600 vel 700, qua tota ditione quo-
 niam Euangelizare per diplomata regia, quorum exem-
 plum ad vos mittimus, licet: regnum vniuersum in Christi
 fidem citò venturum esse confidimus. Firandi, quod op-
 pidum octo dierum itinere distat ab vrbe Bungo, neophyti
 numerantur 100, qui pastorem vehementer desiderant. cū
 illac iter faceret, dies quindecim moratus Balthasar Ga-
 gus, multos ad Christi religionem in iis tres principes ciui-
 tatis adduxit. Firandi regulus valde amicus est Lusitanis,
 scripsitque in Indiam ad Prorègem Christianos presbyte-
 ros in sua terra sese expetere. cum cum ego aliquoties con-
 uenissem, affirmavit mihi, animo se pænè Christianum esse.
 Cāgoximā, quæ prima vrbs Xauerium exceperat, quingē-
 torum neophytorum est grex, & quidem, cum ea transire,
 magistro carentium. itaque per operariorum inopiam stat,
 quo minus nomen omne Iaponium Christiana sacra susci-
 piat.

*Rex Meaci
 ci quan-
 to pere co-
 latur.*

*Insula
 Iaponica
 prouin-
 cias esse
 64.*

*Num-
 vum con-
 uerſorū
 Aman-
 guci, in
 regno
 Bungo,
 Firandi
 Cāgoximā.*

piat. Vos, quando tam præclarum opus cernitis inchoatū, Dominum obsecrate, vt vos in hanc mittat prouinciam; etenim omnium quotquot in vniuersa barbaria vidi populorum, cum nullo prorsus, quam cum Iaponio melius opera ponitur. Ego 15. Kal. Nouembris anni 1553 inde discessi. cū ad Sinarum littus appulissetus, & de Xauerio certi aliquid nosse magnopere cuperem: 4. Non. Decembris anni 1552 cum ē vita migrasse cognoui. Repetabitis ipsi quā grauiter ea res me perculerit. veruntamen ipsius me commodo consolabar. O prædicanda quæ per hunc seruum Dominus gessit: sed ego illa silentio nimirum idcirco prætereo, quod indignum me, qui narrem, existimo. Eadem in insula, in qua ipse diem suum obiit, (sea confragosa est admodum ac sterilis) ego diebus septem octōve substri: vidi etiam sepulchrum, ex quo cadauer eius extractum est. Illius industriam, patientiam, alacritatem in laboribus, Dominus noster omnibus nobis impertiat. Hæc ad vos de rebus Iaponicis eo scripsi: vt interea dum in partem laborum venitis, operarios, qui in ea insula versantur, vestra precatione adiuuetis: obtestor etiam vos, fratres mihi carissimi, vt vestris in sacrificiis precibusque mei memores sitis. Goa, 1554.

*Demor-
te & se-
pultura
Xauerij.*

MELCHIOR NVNNES SOCIETATI
IESV IN LVSTITANIAM.

Mense Maio anni post Christum natum 1554, cū in Iaponem Goa discederem, scripsi ad vos de obitu Francisci Xauerij: & simul hæ prouinciæ quantopere Societatis nostræ subsidiis indigerēt: & quibus adductus rationibus ego profectionem Iaponicam suscepissem, exposui. Epistolam Cocini reliqui Francisco Peresio, vt is eam ad vos perferendam curaret. Nunc ea, quæ sunt deinceps consequuta, narrabo: vt quoniam nos vnus omnes amor vnum efficit corpus in Christo, idem pariter omnes in eodem spiritu sentiamus: & vt ait Apostolus, si patitur vnum membrum, compatiantur & reliqua: si gaudet vnum, reliqua membra congaudeant. A Cocino Malacā versus profecti; ventis aduersis ac tempestatibus primum, deinde etiam aquæ & commeatus inopia oppressi, crucem aliqua ex parte cœpinus experiri. quanquam in tot difficultatibus nihil molestius, quam more dispendia, fereba-

*Profectio
Melchioris à Co-
cino Ma-
lacā.*

ferebamus, verentes, ne exclusi temporibus, nequaquam hoc anno in Iaponem nauigare possemus. Spes enim (vt inquit sapiens) quæ differtur, affligit animam: & desiderium, ni compleatur, excruciat. Inter nauigandum occupationes Dei benignitate non defuerunt: concionando, confessionibus audiendis, litanis præterea concinendis, diuinæ rei citra consecrationem faciendæ operam dedimus. Exponebatur etiam Christiana doctrina quotidie, & ex Actis Apostolorum aliquid legebatur, vt ipsorum exemplis animaremur ad ea quæ impendere videbantur ferenda. Malacam vt ventum est: dum naui ægre paratur, qua in Iaponem uehamur: idonea ad nauigandum tempestas effluxit. Quo circa exarmato nauigio, ibidem hyemate coacti, etsi dolorem animo cepimus, in diuina prouidentia nihilo minùs acquieuius.

*Ferdinã-
dis Men-
dozius.*

Multum in hac terra Ferdinãdus Mendozius frater noster (quem Prorex Indiæ ad quendam ex Iaponiis Regibus in primis potentem cum armis pretiosis aliisque admodum magnificis muneribus mittit) exemplo vitæ ac virutis ædificat, incolis notus, nimirum apud quos olim, dum in seculo versaretur, diues in primis ac beatus est habitus. Nunc eum vident omnia, quo meliori pareat Domino; reliquisse; quiq; antea conuiuari apparatus & opipare solitus fuerat, eum nunc leuidentia attrita ac lacerat indutum, ostiatim elemosynas emendicantem aspiciunt: inq; hospitali domo ministrantem ægrotis, qui, vt eos vel inuiseret, quondam ad luci nulla ratione potuisset. Hac intuentes, mirantur videlicet, & incipiunt credere maius aliquid post mortem superesse, atque etiam reperiri in hac vita, qui inopiam diuitiis, honoribus ignominias, austeritatem vitæ laboremq; deliciis anteponant, qui mundum vnâ cum omnibus eius vanitatibus crucifigant, vt Christo nudo eidemq; crucifixo deferuiant. Hac illi pictura, quippe quæ spirat uiuq; uehementiùs multo, quàm subtilibus, quas minimè capiunt, theologorû argumentationibus, permouentur.

Nos, Deo volente, Aprilis mensis initio insequenti anni 1555 Malaca Iaponem versus proficiscemur. nauigium nobis, quo Bungum vsque deferamur, Antonius Noronia regij præsidij præfectus attribuit. Bungi Balthasar Gagus commoratur hoc tempore: ex ea vrbe ad omnium illarum

rum

rum nationum conuersionem aditus patet. Rex ipse Bungi sanè quàm dicitur esse ad Christiana sacra propensus, sed optimatum in se conspirationem timer, itaque expectat, dum ex iis aliqui baptizentur. Vos apud Dominum fratres, precibus enitimini, vt gratiæ suæ ros huius cordi Regis instiller, quo Christi nomen palam non dubitet profireri. Profectò enim ad religionem insula tota disseminandam, ea res momenti plurimum afferet. Nobis, ij qui in Iapone fuerunt, ad cetera multa pericula, insectationes, calumnias Bonziorum, qui sacerdotes insulæ sunt: magnam præterea famem, ac sitim, frigusque denuntiant. Veruntamen æterna Dei bonitas facit, vt famem eam sitimque, & vexationes, inferni cruciatibus æquo animo præferamus, parati, oppositu corporis, telæ, quæ ab inimicis in animam contorquentur, excipere: quæ magis magisque corporis ipsius afflictionibus & laboribus roboratur. quippe quæ, falsa testimonia, famem, sitimque, & fatigationes, quæ in carne patitur, cum felle, & aceto, clauis, spinis, & ignominiiis Christi conferens Redemptoris, gloriari discit in cruce, in fame saturatur, inebriatur in firi, in contumeliis & iniuriis triumphat, intelligens animæ salutem, animæ iactura parandam. itaque in morte vitam, in laboribus requiem, in infamia decus, in cruce gloriam, in probris bonæ conscientię testimonium, in mœrore denique lætitiā reperit.

Rex Bungi ad fidem propensus.

Sociorum animi ad crucem ferendā parati.

Christiana res Dei benignitate quàm feliciter administrerur in India, Sociorum, quique Goæ quique ceteris in præsidiis Maluci versantur, litteris cognoscetis. Ex insulis Mauro & Amboino accepimus litteras, earum summam ad vos mirro, & simul formatam Sinensium rerum descriptam: quo intelligatis, quàm miseranda res sit, ingeniiis natura ram bonis, ea quæ supra naturam sunt, in edificata non esse: nec sanctissimam Christi fidem plantis insitam iis, in quibus, vt videtur, adeò crederet. Granum frumenti ipso in aditu Sinarum mortuum est, & cecidit, fratres, noster nempe Xauerus: nimirum, si ad metendum accesserimus, spicas ex eo vberes, volente Domino, colligamus. Malacca, Pridie Non. Decemb. 1554.

ARIAS BLANDONIVS SOCIETATI IESV
SV GRATIAM ET AMOREM DOMINI, &c.

DE rebus iis, quæ per homines nostræ Societatis in hac terra geruntur à Domino, binas deinceps ad vos litteras dedimus. quarum alteras longiores, navis, cui Ægidius Ferdinandus Caruallius præerat, tempestate rejecta, ad nos retulit: alteras attem breuiiores anno superiore conscriptas, quia fieri item potest, vt non acceperitis: nunc Melchior Nunes præcipua quædam ad gloriam Dei mihi mandauit vt scriberem ad vos: nam cetera cognosceris è Sociorum litteris, qui in hisce regionibus peregrinantur.

Mors

Melchioris Moralis.

Balthasar & Alexius Diazij.

Ac de Melchioris Morale primùm: is cum à Ceilanis insula, vbi rei Christianæ aliquandiu pro virili parte operam nauauerat, æger huc sese recepisset: paucis diebus, fractum, quos tantopere diligebat in Domino, cinctus corona, IESV nomen semper habens in ore, lætissimo animo excessit è vita. Inde post duos circiter menses Balthasar & Alexius Diazij nauibus huc è Lusitania delati, ingenti nos gaudio perfuderunt. Sub idem tempus etiã Melchior aduenit Bazaino, cuius aspectu valde recreati sumus in Domino, statimque cõsueti Gasparis munia obire institit: ea erant, dominicis festisque diebus manè, Martis & Lunæ vespere concionari in ædibus confraternitatum, quas vocant IESV, & vndecim millium virginum: diebus Mercurij in ædibus misericordiæ, nec non diebus Veneris vespere de penitentia disputare; posthæc ad Socios aliquot inuisendos profectus est variis locis commorantes: Franciscum Peresium in oppido Cocini, leucas ab hac vrbe centum: Nicolaum Colanileucas 100 & 10. vbi cum esset, ex nautis, qui è Peguensi ora veniebant, de obitu Francisci Xauerij, deque iis, quæ deinceps sunt consequuta, cognouit: de quibus omnibus est, fratres mihi carissimi, cur ingentes Domino gratias agamus, & in sancta voluntate ipsius acquiescamus. Nunc ea, quæ sunt mihi hac ipsa de re comperta, narrabo. Xauerius Goam cum ex Iapone venisset, ad Sinas proficisci constituit. nactus itaque opportunitatẽ legati, qui ad Sinarum Regem à Prorege Indiæ mittebatur, cui commendatus ab eodem Prorege diligenter fuerat, nauem vnã cum eo conscendit. Malacam vt vêtum est, quæ leucas distat Goa 700. profectionis obstacula cœpit offendere. nam legato, qui

Xauerij consiliũ ad Sinas proficiscendi.

pauis

maius erat magister idem ac dominus, cui vni secundum Deum Xauerius maximè confidebat, quòd per occasionem legationis eius, interiora prouinciæ (quod vnum cupiebat) penetrare sese facillè putabat posse, Malacæ repentè subsistere necesse fuit. Xauerius, ramentis præter nautas destitutus ab omnibus, vno tantùm amore IESV CHRISTI ductus, cuius causa multa perpeti incommoda vehementer optabat, nullo prorsus itineris vel comite vel ministro, nihilominus eadem naui profectus, insulam portui Sinarum, qui dicitur Cantonius, proximam tenuit. Vbi dum moram necessariò ducit, (aditus enim in id regnum non est aduenis, quibus, & si quis eos è prouincialibus introduxerit, graues poenæ sunt legibus cõstitutæ) interea cū barbaro mercatore, vt se in Cantonis urbem intromittat, magna piperis vi, quod ibi valde æstimatur carè, paciscitur: mercator eius rei causa paulo post se reuersurum esse promittit. Verùm Domino, qui videlicet aliud constituerat, eo ipso tempore placitum est, vt Xauerius in febrim, qua paucis diebus est confectus, incidere. Fortè negotiabantur per eos dies ibidem aliquot è Lusitania mercatores: quorum nonnulli Xaueriū ob ipsius vitæ integritatem atque doctrinam magnopere diligebant. si mortuum vestimentis; ita vt erat, indutum; terræ calcique viux mandauerunt eo consilio, vt cū primū cadauer consumptum foret, ossa effoderent, in Indiamque deueherent. Itaque simul ac maturum iis visum est, rem aggressi, & corpus planè integrum, & ipsa vestimenta, nulla prorsus ex parte labefactata; reperiunt. Obstupefacti rei miraculo: de re rotā inter sese deliberant. incerti quid agerent, quòd & profectionis iam aderat dies: & corpus in barbara terra tamque remota deferere, indignā res videbatur: decernunt, si malè non oleat, vnā secum auferre: sin minus, relinquere. vnus tamen ex iis, qui Xauerii cõsuetudine plurimū adiutus, cum præcipuo quodam amore prosequēbatur, omnino auferre statuerat: deinde ad sepulchrum vniuersi conueniunt, corpus inspiciunt; nec solū omnis tabis expers inueniunt, verùm etiam suauiter admodum fragrans. Tūm verò in eadem viux calcis arca reconditū corpus in nauim imponitur. nec dubitant, quin talis acrimonia ac vi paulatim carne cõsumpta, nuda, quod ante putauerant, ossa remaneant. Malacam delatum, prodeuntibus obuiam cum solempni pompa oppidanis, apud quos magna

Xauerii

*Ad Sinam
non patet
aditus
exterior.*

*XAueri⁹
febris cõ-
fectus.*

*Quomo-
do defun-
cti XAue-
ri corpus
sepulchrum
et mira-
biliter cõ-
seruati,
ac trans-
latū fue-
rit.*

Xauerii nomen erat in gratia, excipitur: ibique rursus humarum tandiu māsit, quoad vnus ē Sociis, quem Melchior ad ipsum Xauerium inuestigandum, & Socios inuifendos, qui sunt in Iapone, dimiserat, superuenit. is humo extractum, perinde integrum, atque erat ab initio; offendit, & in alia repositum arca, quam Didacus Pereria (legati nomen est eius, quicum profectum Goa Xauerium supra docuimus) faciendam, & Damasceno serico subsuendā, extrorsus autē aureo textili conuestiendam curauerat: secum in heremitorium, vbi diuersabatur, abstulit, habuitque apud se, donec eodē Petrus Alcaceua deuenit, quē Cosmus Turrianus cū mandatis ex Iapone dimiserat. Horum vterque, simulac nauigandi se dedit occasio, secum in nauim impositum asportarunt. Nos ad eam diem Goę, quodd naues Malaca nondum aduēnerant, non plus, quā mortuū sciebamus. quā primē adfuere, ex iis cognitum est, corpus Malaca deferri. Cocinū simulatq; oneraria tenuit, quā vehebatur: statim actuario Goam ad nos nauarchus praueniēs, rē nūtiavit: & simul nauim ē multis ereptam periculis illius ope fuisse narrauit. Cognita re, Melchior confestim ad Proregē accessit, ab eoque petiit biremem, vt aduerso vento tardius nauiganti occurreret onerarię, & corpus auferret. Enimvero id egre pati nauarchus, & obsecrare, ne, quando iam ptopē ad finem itineris ventum esset, nauim nudaret adeo salutari certoque præsidio. Sed tanta fuit cū Melchioris, tum Sociorum videndi cupiditas, vt nihilominus mari se non dubitaret committere, Sociis tribus, pueris à catechesi quatuor secum allumptis, & Lusitano quodam, qui in Iapone, dum negotiaretur antea, cū Xauerio familiariter vixerat, conuincendū igitur à Prorege monitus, vt cū primū rediens appropinquaret ad oppidum, nuntiū ad se pramitteret. Cū pelago quatuor dies ac noctes errasset, nauim denique ad Baticalam, hincas ab Goa 20. reperiunt, & ingrediuntur omnes. Arca dum in biremem exoneraria, eo ipso quē supra dixim⁹ ornata, deponitur: inter ea pueri fertis rediunt, ramos tenentes manibus cōiungunt, Gloria in excelsis Deo cantant, vero sublati vexillis, bombardis explosis, cęlum reboantibus coraplent. Corpus ipsum erat amictum alba, & optimo superpellitio, quod etsi dilatuit in calce demersum: tamen aded recens videtur; vt cum eo Melchior Iaponium Regem conuenire statuerit.

Erat

*Corpus
cū solēni
pēra illa-
tum Ba-
ticalam.*

Erat operta facies, manus crucis in formam compositæ, & funiculo victæ æquæ nouo, ac si tum ex officina prodiret, pedes crepidis calceati. Melchior ad heremitorium beatissimæ Virginis sacrum descendit, passibus circiter 1500 ab vrbe positum, ibique ea nocte cum comitibus mansit. Fortè res in ipsum quadragesimæ tempus inciderat: & nostri nihilominus templum arasque ornatu festiuo instruxerant. Complures etiam erant in ea sententia, vt campanis in ade maxima, cæterisque sacris ædibus omnibus, lætitiæ publicæ signum daretur pusu quàm frequentissimo: sed nostri duplici tantùm funebri pulsu sære contenti. Postridie manè confestim cum ipso Prorege Canonicorum sodalitas, quique misericordiæ rem procutant, & ingēs præterea oppidanorum vis, deniq; quotquot hîc eramus e Societate, corpori processimus obuiam. Turba verò ad spectaculum effusa, parietes, fenestras, vias adèdò conferta compleuerat, transitus vt redeuntibus vix pateret. Nonaginta pueri candidati præbant cum accensis funalibus. Recta qua veniebamur via, multa pallim erant odoramenta disposita. Feretri autem latera fundentibus item odorem argenteis duobus thuribulis cingebantur. Hoc maximè modo corpus domû nostram allatum, & statim in sacello, reatum, vt erat, repositum est. ne detegeretur, nimia populi multitudo fuit in causa: quam ob ipsam rem ne Prorex quidem contra cupidius institit. itaque spe videndi amissa, paulatim, omnibus ferè depressis, pauci tantummodo viri ac femina remanserunt, vt ostenderent sibi cum lacrymis obsecrantes, seque nisi inipetrata redomû abituros negantes. quorû precibus, præsertim, quòd iam turba strepitulque resederat, cessit denique Melchior: cancellos, ne sacellum ingrederentur, obiecit: exclusis introspectendi corporis potestatem fecit. Sextus decimus tû à morte Xauerii mēsis agebatur. eo læti spectaculo cum rem diuulgassent, tantus denuo cōcursus est hominum factus ad nos, idē efflagitantium, vt neque negari diutius, neque tuto ferre quātriduo cōfluentium die, nocteq; ad spectaculū turbam moueri pateret, cum quidam post semel vidisse contenti, iterum iterumque reuerterentur. Melchior deinde arcem, cum iam satis in apertum fuisse videretur, ptoposq; alio loco certo reposuit, & clausitro munivit. nos cum e corporis præsentia magnā lætitiā cepimus; tum verò maiorem ex eo, quòd animā pro nobis

*Magnus
hominis
cōcursus
ad Xauerii
corpus
inuisenda-
rum.*

*Xaueri⁹
virtutū
exēplum
reliquit.*

*Vbi Xa-
uerius fi-
nit vi-
tam.*

*Lusitani
mercato-
rū piūm
studium
adefide-
rūm.*

deprecantem assistere Domino credimus. Et sanè multum ei debemus fratres mihi carissimi, propterea quòd laboribus, ignominii, iniuriis perferendis; quibus ille rebus ingentem vim animarum ad semitam veritatis adduxit: patientiæ documenta nobis reliquit egregia: & ab initio vsq; ad extremum tanto animi vigore atq; alacritate perseueravit: vt iis, quæ de illo subinde nuntiabantur, quasi ea vires humanas excederent, vix fides ab hisce hominibus haberetur. Id adeò vitæ ipsius exitus comprobauit. diē quippe clausit vltimum in regno, vt dicebam, Sinarū, in mōte deserto, in tugurio è paleis & arborum ramis raptim exstructo, commodis huius sæculi æquè inops ab omnibus, atque cœlestibus affluēs Dei solariis: cui, dum viueret, tanta cum fide seruierat. Ac Lusitani, quos memorauimus, qui secus mare diuersabantur, cognita Xauerii valetudine, cum ad eum in montem ascendissent, defectum iam viribus inuenerunt, & morienti affuerunt. Petrus Alcaceua, cum ex Iapone veniret, locum est contemplatus, montem ait esse admodum editum, arboribus frequentem. obiit ille 4. Non. Decēbris. Anno Domini 1552. Venio nunc ad alia, quæ apud nos p̄stera contigere. Lusitanus ille, quem olim in Iapone cum Xauerio versatum fuisse antea demonstravi, negotia cum Indis, Iaponiis, Peguēsis, Sinis contrahendo, ad amplam pecuniam multis annis re bene gesta peruenierat. Is, ex quo die aduehenti corpus onerariæ cum nostris occurrit: nostram omnium, sed præcipuè Melchioris amicitiam & consuetudinem studiosius experit. Templum est Virginis matris Goæ, trans fluuiū: eò cum Melchior fortè sese conferret, hominem secum duxit. ibi dum vnà morantur, interea Melchior ab eo multa de rebus Iaponiis, de regione, de moribus sciscitari. Ille cum respondisset ad omnia, tū illud præsertim addidit de spe religionis Christianæ in eam insulam inducēdā, (planè vt cerneret afflatum esse diuinitus) eam se Iaponiorum indolem perspexisse, vt in orbe terrarū vniuerso nusquam prorsus opera locari posset vtilius. sibi quidem maiorem vitæ partem in augenda re familiari esse consumptam, seque iam ad capiendos industriæ suæ fructus Lusitaniam cogitare: veruntamen quòd intelligeret, quantum in Iapone profici posset; si Melchior eam prouinciā suscipere in animum induceret: iam tum relictis omnibus vnā profecturum, vt vitam in tam pio negotio poneret.

peret. sumpturum ex omni sua pecunia non plus quam tria vel quatuor aureorum millia, ad ædes exstruendas in vrbe Iaponis nobili, qua in vrbe Cosmus Turrianus commoraretur, cui Rex eius ipsius rei causa ædificium quoddam iam assignasset. Melchior cum videret non sine diuino consilio fieri, vt virum diuitiis affluentem, tanto præsertim labore quæsitis, tantus honoris Dei zelus teneret: cõstituit vicario sibi suffecto Iaponem petere: sed à Prorege ne impediretur timebat. ad eum igitur veniæ causa, simulac in vrbe rediit, sese cõtulit, & quo suavis Domini dispositio clariùs appareret, in ipso januæ ingressu cõmodù offendit. Proregē litteras Iaponii Regis legentē, in quibus erat scriptũ, quā illi grata Sociorum nostrorum esset opera in Euangelio promulgando, quantum in suo regno profecissent, atq; proficerēt. Cõspicatus Prorex Melchiorē aduenientē continuò anteuertens: Quid agis? inquit, cur Iaponē omittis petere, terrā vsq; adeò feracē: atqui ob id ipsũ, respõdit Melchior, ad te venio. quod tibi quoniam probatur, nulla mora interposita, me ad profectiōē parabo. itaq; domũ reuersus, breui explicatis rebus omnib⁹, salutato Prorege, & summa cū beneuolētię significatione sociis valere iussis, profectus est, sacerdote vno, fratribus quinque, totidem pueris a doctrina, comitibus. In Iapone ergo versantur hoc tempore è societate nostra duodecim, & pueri catechistici quinque. quā bene in ea insula res procedat, meliusq; sit speradũ in dies, qua prudentia incolæ sint, qua constantia; dynastæ verò ac Reges ad Christiana sacra suscipienda quam propenso sint animo, (id quod, ex quo tempore Xauerius insulam attigit, perspici potuit) ex Cosmi Turriani epistola cognoscetis, Goa, 9. Kal. Ianuar. 1554.

*Sociorum
numerus
in Iapone*

BALTHAZAR GAGVS.
SOCIETATI IESV.

ANNO Domini 1552 Iaponis insulam attigi, ac de rebus iis, quæ mihi in itinere quæve deinceps contigerant, tum ex ipso portu Sinarum, tum etiã ex vrbe Bungo (quod meum est domiciliũ) ad vos litteras dedi. Hæc autē epistolā scribebā Firandi, quo me Duartez Gãma per litteras magnis precibus euocauerat, vti suarumque confessionem audirem, neophytos consolarem.

aliosque permultos cupientes, aqua saluari perfunderem. Itaque Bungo confestim in hunc portum Cosimo Turriano autore decessi: è quo scribam nonnulla ex iis, quæ in hac regione geruntur Dei benignitate, sed breuiter, quia nauis festinant.

Locis duobus huius terræ præcipuis, areas duas habemus amplas, & singula vitrobique ædificia, alteram scilicet Amangutij, quæ vrbs permagna in medio totius insulæ ad Septentrionem est polita: Bungi verò alteram, quod oppidum Amangutio leucas 5 & 40 in meridiem distat. Amangutianam Cosinus cum Ioanne Ferdinando duobusq; bene versatis in religione Christiana Iaponiis incolis, ego verò Bungensem. & Cosinus quidem cum esset antea obeso corpore, nunc partim senio, partim etiam (quæ huius agri sterilitas est) macie parè consumptus videtur. quippe oryza exigua, & oleribus, aut leguminibus vescitur: piscibus autem rarò, quòd Amangutium abest à mari leucas 30, capro autem ibi ferè non gustatur, nisi si quando (quod perrarò fit) syluestres feræ capiuntur à venatoribus. nam cicures nec mactant, nec nutriunt edendi causa Iaponij: sed tamè longo iam vsu Cosmus paulatim huiusmodi cibariis assuevit. Amangutianorum ecclesia Christianorum duo circiter milia conficit, qui diebus festis assidue sacris missarum intersunt, concionesque audiunt, quas habet Iaponicè Ioannes Ferdinandus, in ea re præcipuo quodam Dei beneficio excellens. Amangutiano regulo Cosinus admodum æquo, neophytis verò valde beneuolis, dictoque audientibus vritur. sunt enim Iaponij ad honestatem propensi; beneque morati, vt etiam honoris causa nos sui similes dicant videri: Sinas verò planè despiciunt: maximè verò sunt bellicosi; etenim armorum vsu a teneris exercentur.

Bungi cùn Rex archam nobis dedisset, domum in ea rōplumque cum excelsa cruce construximus. Habentur in eo quotidie sacra missarum & sermones. itaque neophytorū, qui in vniuersum 1500 numerum explent, tantà sedulitas est, vt eorū complares dici nullum, quin adsint, pferfluere patiātur: Diebus verò dominicis ita multi conueniunt, vt domus eos non capiat: festis autem præcipuis multo plures, quippe in nostris rōribus ipsam etiam diem festi vigiliam peragunt. Sed omnium maximè proficiunt pauperes, quippe qui apud seculi seculique fautores minimū obtinent

Amangutianorum Christianorum duo milia.

Neophyti mille quingenti

obtinere gratiæ. Facit ad eos verba Iaponicè sodalis noster Duartes a Sylua, nec non è neophytis ipsis interdum, si quæ rerum diuinarum intelligentia præstant. Paulus quidam præfertim: quem Dominus præcipuis ad hoc munus ornamentis instruxit. is cum præclarè popularium suorum errores diabolique in eis decipiendis versutias calleat; tam pròptus est Christianæ pietatis defensor, ut Iaponios miraculose conuincat: superstitiosa ipsorum mendacia & religionis nostræ veritatem illis aperiat. Eum ego mecum vnà Firandum adduxi, vbi neophytis operam nauauit egregiam. Vestris eum vos precibus fratres mihi carissimi Domino commendate, profectò enim ad curationem animarum idoneus est. Porro neophyti spiritualibus exercitationibus ita excoluntur à nobis, ut sacrificio missæ quotidie intersint, diebus verò dominicis audiant verbum Dei. Peractò sacrificio, ter Dominicam orationem, ter salutationem angelicam pro bene meritis, pro iis, qui nauigant, pro statu & amplificatione catholicæ in his partibus Ecclesiæ, supplices recitant. Quadragesimæ tempore cum apud eos esset hoc anno Ioannes Ferdinandus, orationem dominicam & sanctissimum Eucharistiæ mysterium declarauit, cuius quidem mysterii tanta illi veneratione desiderioque tenentur, ut multi ex iis, qui maximè sunt in rebus sacris assidui, cælestem illum sibi porrigi panem à me magna cum deuotione atque humilitate petierint, utpote magnopere necessarium ad corroborandam fidem. Nam quod ad præparationem attinet, sese quidquid mihi visum fuerit, facturos esse recipiunt. Exequiarum autè vniuersa ratio nostra hæc est: primùm qui moriuntur, eos, antequam extremum spiritum ducant, de rebus ad salutem necessariis cōmonestamus, & animamus; mortuis deinde feretrū neophyti exorant: si mortui tanta fortè inopia sit, ut in funus pecunia desit, collata viritum stipe, quæ necessaria sunt, aliqui comparant, feretrum sericâ opertum veste quatuor viri tollunt. Frater noster, amictus superpellitio, signum crucifixi gestat, quem comitatur puer cum aqua benedicta. Tum deinceps ego sequor nō sine litanis, mihiq; voce præcūti (neque enim hic nobis, ut in Europa, clericorū est copia) neophyti ipsi respondent: multè vndiq; laterinæ collucēt. Antequam domo efferatur cadaver, præcationem vnā ego recito, deinde orationem Dominicā vniuersi concinimus,

*Neophy-
torum
exercita-
tiones.
Orationis
studium.*

*S. Eucha-
ristie ve-
neratio.*

*Exequia
ratiō*

idemque sit ad sepulcrum. postridie neophyti ad templum redeunt cum candelis accensis, ego super eum cum respon-
soriis, quæ appellantur, vnum elata modulor voce. Itaque crucem inauratam cum artificiosa Christi pendentis effigie, basique desidero, quam in huiusmodi pompis erectam excellamque gestemus: quibus hi barbari tantopere permouentur, ut cogantur fateri nihil esse 185v CHRISTI legibus comparandû. & conuertuntur sanè ad Dominum aliqui, sed hi ferme egestate laborantes, vel morbo, vel à dæmonibus obsessi, quorum Dominus animos primùm, deinde etiâ corpora curat, alio pharmaco nullo, nisi aqua panis-
que benedicto Multa mihi in hoc genere scribendi materia suppetit, verùm temporis angustiis premor.

*Dæmonis
fraudes.*

Superioribus diebus in energumenam incidi, quam Dominus neophytorû rogatu ac precibus liberauit. ex ea dæmon carmina fundebat interdû Iaponica, quæ Iaponi sanè magni faciunt, studéntq; perdiscere, tametsi illa quidè statim autorem per se ipsa demonstrant; nam ut eorum bona sint principia, media tamè vel extrema virus eructât. Solet autè dæmon cum versus huiusmodi enunciat, vel regis alicuius iâ vita functi, vel etiâ bruti cuiuspiâ sibi nomen affingere, ut his cæci Iaponi inducti fallaciis, aut regem illum aut brutum venerentur ut Deû. Atque ea ratione in rebus creatis diabolus adoratur. Alio præterea fraudis genere dæmon Iaponios fallit. nam sæpenumero Bonziõrum rogatu, cum scilicet iis pecuniæ ob eam rē aut vestimenta præbentur, vel febrim sedât, vel è corporibus migrat: ita fit ut quâuis de illo malè Iaponi sentiant; nihilo minùs cum aliqua ex parte suspiciant; metuant quidem certè, ei que magno licet impendio honores quam maximos habeant. Iam verò in somniis quoque dæmoni perfacile credunt. qui sanè per ministros suos vehementer laborat, ut insurgens in hac regione Christianæ ecclesiæ destruat ædificium, cumque alia ratione non possit, calumniis nos oppugnat, nititurq; persuadere Iaponiis, nos carne hominum vesci. Verùm miseris Dominus, qui suorum nunquam obliuiscitur, ex omnibus periculis eripit nos, semperque Dæmon è certamine discedit inferior.

*Dæmonis
præcipue
apud Iaponios
hæreses.*

Radices in hac terra dæmonis cultus iecit altissimas, decem circiter è Sinarum regione importatis hæresibus, quæ tamen ad duas præcipue rediguntur. altera est eorum, qui
semp-

sempiterna post mortem & supplicia & præmia dicunt esse choros & symphonias libris exercent, mortuorum manes conuiuio excipiunt, curant funera, habent cænobia cum campanis & cellis: cinericiis quidam, atris aliis vruntur vestibibus; multa cum superstitione exequiarum iusta persoluunt, quibus absolutis addunt ad extremum Fombexer, quæ Sinarum est vox, significatq; Nugæ sunt hæc omnia. Itaq; ex ea voce nescitur, quam dicebam, hæresis altera illorum, qui veluti pecora, iudicio & ratione carentia, nullum esse nec Deum, nec animum, nec dæmonem affirmant: & quoniā intima conscientia sollicitudine vexatur: ad huiusmodi morsus sedandos, sine pudore villo metuere, in omni scelerum & flagitiorum turpitudine volutantur: quos cum Deus iusti supplicii causa omni libidinum turpitudine sædari permisit, tum se (miseri) diuinæ ignari iustitiæ, legum vinculis solutos, tum sanctos existimant, tum ad optatam curriculi metam se peruenisse arbitrantur. Atque hæc sanè mendaciā, quippe quæ nullis fundamentis nituntur, cum ceteris rationibus, tum ipsa vitæ morumque sceditate faciliè conuincuntur. Bonzii, qui sectam tuetur priorem, chirographis quibusdam, quæ sanè magno vendunt, cauere solent Iaponiis, nihil eos post mortem incommodi à dæmonibus accepturos. Qui me Bungi primus excepit hospitio, is vnum apud se chirographum habebat eiusmodi, sed melius videlicet cauit illi Dominus, cum eum familiamque ipsius vniuersam à Bonziorum dolis ad baptismum traduxit.

Anno superiore montanus quidam honestus vir Christianus est factus: cuius rogatu ad patriam ipsius accessimus Leucas 9. ab vrbe Bungo. ibi præter eius familiam, quæ 100 capitum summam excedebat, alii præterea ad 300 crediderunt Euangelio. ii Christianum cum, qui nos illuc deduxit, eximia virtute hominem, venerantur ut patrem. Erat ibidem præfectus regius quidam insignis, qui cum de rebus diuinis admodum copiosè disserui, tantusque in eo animi motus est factus, ut in hæc verba prorumperet: Equidem cupio fieri Christianus, idque re ipsa statim perficere: sed quid Dominus meus deinde? quid dicat? quāquā id, quod docetis, cum sit aded certum atq; perspicuum, profectò ne ipse quidem poterit Christiana sacra repudiare. Atque ut ea, quæ sentiebat, præ se ferret palam, ad baptismum

nonnullos ipsemet è suis domesticis incitabat. Itaque affectu duo, quibus ille præcipuis in administratione consiliariis utebatur, cœlesti lauacro expiati sunt. Postremò à nobis petiit, ut eò rediremus quotannis: populum vniuersum paulatim in Christi fidem esse venturum. itaque hoc ipso tempore nos expectat.

Firandi præclarè in præsentia Christiana res geritur. sacrificanti mihi quotidie, concionanti verò Iaponice Ioanni Ferdinandi, neophyti adsunt. quamquam Ioanne quidè carebunt propediem, expectatur enim à Cosino Turrianò, ut neophytos Amangutianos erudiat. mecum remanebit Paulus Iaponius, de quo dixeram ab initio, egregius iuuenis, tantaque dicendi facultate & copia præditus, ut dies totos in sacris disputationibus sine vlla auditorum satietate consumat. Mirabile verò dictu est, quanto in rebus diuinis animi æstu zeloque ferueat, quantaque dexteritate Iaponios quid sequi debeant, quid fugere, edoceat. Firandensium neophytorum numerus est iam ferme 500. Regulus autem, in quo magna ad Christianam religionem propensio cernitur, arcam nobis ad cœmeteriũ Christianorũ attribuit, in qua ipso exaltationis Crucis die solenni, summa & neophytorũ & Lusitanorum, qui aderant, gratulatione & alacritate, crucis trophæa defixim⁹. Aloisius Almeida præter pecuniam ad excipiendos infantes collatam, vnguentũ etiam centum aureorum pretio mittit Vlissiponem ad Socios nostros, ut coacta ex eo pecunia, tabulã ad exemplar, quod in charta delineatũ est, quàm elegantissimo opere pingendam curent: summa quærso adhibeatur diligentia, ut ea tabula perfecta ad hanc Bûgensẽ Ecclesiã perferatur, in Beatissimæ Virginis sacello valetudinarii quod à pietatè nomen accepit, locanda, &c. Firando, 9. Kal. Octob. 1555.

MELCHIOR NVNNES SOCIETATIS
IÆSV IN EVROPAM.

ANno superiore, susceptè à me Iaponicę profectio-
nis huiusce consilium, aduentumque meũ Malacã
per litteras vobis exposui. nũc iter nostrũ Malacã
ad hũc vsq; portũ Sinarum describã breuiter: nauarẽ enim
properat. Cum variis difficultatibus ab nauigando cohibi-
ti, hyemẽ totã in piis obeundis ex insuturo nostro mun-
ribus

ribus Malacæ posuissēmus, ego verò etiā in morbū Domi-
no volēte incidissē: non dū planē recuperata valetudine,
paratā instructamque magno labore Carauēlem (nauigii
genus id est) conscendimus, tanto cum gemitu luctūque
Malacēsiū, vt equidem indignitatis meæ conscius erube-
scerem. cū leucas 12 à Malacā prouecti essemus: tēpestas
adeò sēua repentē cōoritur, vt vela distumperet, sanē com-
modē: secus enim omnino vis venti nauigium demersisset.
Posthæc ad fretum Sincapuranum in Syrtē scopulosas in-
cidimus, & quidem in hostium ora, qui Lusitanos com-
plures variis grauissimisque cruciatibus paulo antè ma-
ctauerant. Hic nos cū incertū spem inter metumque flu-
ctuarēmus, reliqui verò de salute iam propē desperassent:
scapham, eorundem rogatu consilioque, conscendi ego
cum fratribus duobus, vt rostratani maioris formæ na-
uem, quæ paulo antè præcesserat, quærerem, eiusque auxi-
lium implorarem. Ac prius tenebris Maurorum Panta-
naatum infesta nobis sō apparuere nauigia: qui ita propē
ad nos accessere, vt iam gratulantium prædam inter se vo-
ces clamoresque exaudirentur. Tum verò necesse fuit
ad arma spiritalia fidei & precationis, bellica quoque tor-
menta arripere, vt hostibus terrorem infereremus: atque
vt quatuor sclopetariarum species præberetur: igniti
eminus funiculi ostendebantur. Verū nobis Dominus,
qui laborantibus præstō solet esse, subuenit. Etenim
cū in hostium potestatem pænē iam venissemus, ita ad
rostratā appropinquauimus, vt eius metu perterriti Mau-
ri cursum resisterent. Tertio periclitati sumus ad insu-
lam Palotimam. quippe, cū Lusitani aquatum descen-
dissent: nisi murmur exauditum esset opportunē, laten-
rium in insidiis Maurorum, venenatis utique illorum oc-
cubuissent sagittis. In ea insula nostrorum ē numero qua-
tuor Mauri, ad nautica ministeria in primis necessarij, fu-
ga deseruere nauigium: quæ res gubernatoris præfeli-
que animum vsque adeò perculit, vt egre ab iis impetraue-
rim quo minus reuerterentur. Inde ventum est ad insulam
Patauen, cuius incolæ idcirco Lusitanis erant infesti, quod
ab ea rostrata, quam dixi, captum ipsius insulæ præfecti
nauigiū, & omnes, quotquot eo vehébatur, occisi fuerāt.
Hic nostris ē fratribus duo, cū ad comitatus petendos
in terram descendissent, magnū adire discrimin. Verū
hæc

*Mauri
Panta-
naates.*

*Insula
Paloti-
ma.*

Pataue.

hæc omnia incommoda mirum quanta animi alacritate, non modò fratres, sed ipsi, quos nobiscum vnà ducebamus, pueri exciperent. vt satis appareret quantum ex vna parte laboris ad nostram probandam patientiam permitteret Dominus, tantundem ex altera auxilij ad leuandas difficultates ipsius benignitate præberi. Incunte Maio mense, Pataue soluimus lati, quòd primus deinde portus nobis Bungus Iaponicæ terræ videbatur futurus: quo in loco & Socij nostri & multi Christiani præterea versarentur. sed vel nostris peccatis, vel dæmonis inuidi scelere, vel diuino consilio nos in ipso Pulonandaris medio sinu cursuque atrox adedè tempestas oppressit, vt naus, dehiscente carina, ex ingenti fluctuatione, aquæ tantum acciperet, quantum assiduo diuino opere nocturnoque exhauriri non posset. Tum præfectus & comites Lusitani me per Deum obtestari, ne Iaponiorum salutem ipsorum vitæ salutique antepo- nerem: eam sibi perspectam marium Sinensium ac tempe- statum esse naturam, vt si cœptum cursum tenere, pergere- mus, nobis pereundem esset omnino: itaque eorum preci- bus coacti, ad Palotimam, quam initio nominaui, reuertimur: quanto nostro cum dolore, vos ipsi existimatis fratres, cum tantopere expetitam à nobis nauigationem quasi re- texere ac remetiri cogeremur. Ad hæc ille quoque metus animum angebat, ne inuisa Deo nostra essent studia. cum interea & nauigium aquam non cessare accipere, & rede- untibus ventus nobis tam aduersus obfisteret, vt quadrage- simo die, ni fallor, non plus quàm 40 vel 50 leucas remensi fuerimus. Verùm immeusa Dei clementia, eos qui ipsi con- fidunt, cum in extremum venere discrimen, tum subleuare maximè solita, diutius nobis opem ferre non distulit. Nam triduo post quàm Palotimam ex reditu attigimus, eodem naues Lusitanæ duæ aquandi causa, cum ad Sinas tende- rent, accessere. quarum præfecti rogauere nos, vt quoniam tam periculosè nauigaremus, vnà secum onerarias cōscen- dereinus: transmissionem ab Sinis in Iaponem, Deo vo- lente, non defuturam. quæ me res tamen magnam in du- bitationem adduxit, tamen vt aliquam Sinensis prouinciæ notitiam & vsum acquirerem, & simul vt explorarem qua ratione posset aditus in id regnum Euangelio patefieri: sta- tui denique magis è re Christiana futurum, si me ad Sinas ex itinere contulissem. Sed pridic, quàm in onerariam Fræ-
cis

eiſei Tuſcani è carauela tranſcendimus: grauius multo, quàm vnquam antea, vitæ diſcrimen adiunimus. Denſis enim tenebris, intempeſta nocte, procella onerariam tanto impetu noſtrum in nauigium intulit, vt parum abſuerit, quin id prorsus deprimeret. quocirca ſoluto ſtatim retinaculo, quod nos onerariæ coniungebat, anchora iacta, in alteram uauem noſtra multo humiliorem incurrimus, quam ne demergeremus, anchorarios funes coacti præcidere, fluctuantes in ſaxa detrudimur: vbi naufragium faciendum & moriendum ſine dubio fuerat omnibus, niſi diuina bonitas (humani quippe præſidij nil ſupererat) præſenti periculo nos liberaſſet, cùm multi viuentes adhuc mortem ſuam lugerent, ac mirarentur Dei cauſa ſuſceptum iter, tot obſtaculis retardari, non intelligētes videlicet, Dominum, quos diligit, eoſdem corripere, & quaſi aurum in fornace probare quos eligit. Conſcendimus igitur onerariam, & medio circiter Iulio ad Santianum inſulam, à Cantonio portu Sinarum celeberrimo leucas 30 diſtanti, ſcopuloſa quædā loca non ſine magno naufragij periculo præteruecti, deuenimus. in ea mihi inſula Dei benignitate conſeſſum eſt, vt ſuper tumulum, qui Franciſci Xauerij quondam oſſa conſtiterat, ſæra miſſæ facerem. Et quod Xauerius dum viveret tanto labore fruſtra quæſierat, id ego, ipſius apud Deū precibus ſcilicet adiuuantibus, nullo negotio ſum conſequutus, vt in urbem Cantonis admitterer. Nunc de Sinarū rebus, quoniam id vobis gratum arbitrør futurum, teſtis oculatus pauca præſcribam.

Sinarum regio multas in prouincias vel regna diuiditur: quorum eſt celeberrima ſua cuiuſque metropolis. Harum autem Cantonem omnium minimam ferunt: cùm tamen (Luſitanorum ſententia quotquot eam urbem inuiſimus) Vlyſſiponem incolarum frequentia ſuperet: ædificia ſanè bona, valida mœnia: viæ inter ſeſe, ne furibus ac maleficiſ tranſitus pateat, portarum clauſtris interſeptæ. iam verò paſſim exſtructi cum inſcriptionibus fornices ad mille vrbe tota viſuntur: hæc enim ferè adminiſtrationis ſuæ monimēta magiſtratu abeuntes Regij præfecti relinquunt. quæ viæ fornicibus carent, ex quandam repræſentant amœnitatem hortorum, arboribus lætis ad ianuas ædium in ordinē inſurgentibus.

Eorū quæ ad victum neceſſaria ſunt, mira in omni genere

*Rerum
Sinenſiſ
deſcrip-
tio.*

nere copia. In singulis vrbis viis affatim venalia proponuntur. Circa mœnia nauigatur, magna aquæ vi in fossam vrbis è flumine deriuata. Cantonem euntibus iter est per infinitam ferme planitiem, & eam quidem irriguam & opimam. nouas ter in anno fert fruges, quæ in vrbem nauibus conuehantur. Fructibus, animalibus, plantis, & cultu ipso regio est Europæ persimilis.

*Sinarum
gubernandi
ratio admirabilis.*

Feminarum summa custodia. in publicum prodeunt recta vndique lectica conclusæ, corporis ornatu sanè putico. in adulterio deprehensæ capite puniuntur. Errones ac vagi vrbe prohibentur. certus ac suus cuique opificum ordini vicus est. Cum externis incolæ varia mœrimonia, vt sericum, pretiosa fictilia, camphoram, cuprum, alumen, lignum Sinense commutant. Natio est ventri ac voluptatibus dedita: sed gubernandi ratio planè admirabilis. Singulis prouinciis noui tertio quoque anno magistratus à Rege præficiuntur; non tamen indigenæ: quorum, ex ipso comitatu atque ordine apparitorum & affeclarum, veneranda omnino maiestas imperij. Qui publicè ius dicit, ac veluti Prætor vrbis est; Hexast. patrio sermone appellatur. Qui regiam pecuniam ac vestigalia curat, & exigit, Ponchali dicitur. Rēs autem maritimæ & peregrinorum administratio penes Aitanen est. Accedit Chaën: cuius insignia, manus & oculus: munus verò, capitales Regis sententias, multasque à cohorte Regia confirmatas, curare exequendas. Regios ministros vel in officio continere, vel etiam (si malè se gerant) magistratu priuare. Porro his omnibus quasi pro Rege præest Futan: cuius tota prouincia potestas admodum est formidabilis: pileo sibi à Rege donato conspicuus, & vestimentis leone (insigne regis id est) inaurato distinctis. hoc ille amictus ornatu, ipsa grauitate ac specie nostris Europæ Regibus antecellit. eum nobis atque etiam Lusitanis præfectis non nisi genu flexo, & eminus quidem alloqui licuit; habitat sumptuosè; qui ad eum negotiorum causa adeunt, iis, vt à ianitore admittantur, quid sibi velint, ad singulas fores elata voce pronuntiandum est. stipatores corporis habet permultos à Rege attributos. Et sanè hominum millia centum ad huius duntaxat Cantonis prouinciæ diocesim, atque præsidium regis impensis ali dicuntur. Arma licetorum, arundines igne tostæ sunt, cubiti vnius longitudine, latè digitos quatuordecim noceant pedes,

pedes, leui quandoque de causa, acriter adeò atque inhumane diuerberant, ut quinquagesima plaga damnatù vel prorsus interimat, vel certè fractis ossibus omnino debilitatum relinquat. Verberibus decemquidam, inspectate me, casus est: quæ mihi ferre pro Christo si obtingeret, magnù scilicet præmium paratum existimarem. Præfectis verò ipsis per urbem sella gestari mos est. equi frænati sequuntur: magna præeunte latellitum manu, quorum alij, quas dicebamus, arundines, alij ferunt clauam, alij pendente ex humeris tabella, sericis stoccis ornata, magistratus imperium ac potestatem declarant. Hi omnes, in ordinem hini, turbam magnis clamoribus summouent, quæ vel in domos è via se proripit, vel etiam honoris causa fores euerit: in transitu verò mirum silentium.

Iam in his populis ad Dominum conuertendis, illa meo quidem iudicio vel maxima difficultas occurrit: quòd plebs nouæ religioni se addicere, nisi magistratibus approbâtibus: magistratus, iniussu Regis, eam potestatem facere verebuntur. Veruntamen tota de re cogitanti duplex mihi ratio veniebat in mentem: altera quodammodo naturalis: ut cum à Lusitanie Rege legatus ad Regem Sinarum foderis atque amicitie causa venerit: Sacerdotes aliquot è Societate nostra secum in hæc loca deducat: qui interea dum legatus Cantone subsistit, (subsistere autem menses còplures erit necesse, dum à Rege responsum accipiar, regia quippe vrbs, ad quâ flumine tenditur, distat hinc leucas ferme quingentas) aliquâ huiusce lingue legumq; nacti notitiâ, deinde per occasionem legationis eiusvna cù legato in ipsam vsq; Regiâ penetrant. ibi cù sese motesq; suos genti probauerint, cù deniq; Regiû diploma obtinere contendât, quò populi à Christiana religione non modò nò deterreantur, sed etiam ad eam vbique sectandam à magistratibus animentur. Altera est ratio, quæ non tã humano consilio, quâ vnus Dei præsidio nititur: ut duo aliqui è nostris in has oras delati, comitibus discedentibus ipsi remaneant; cùm Euangelij promulgatione aliquot arundinum plagas æquo animo pacifcantur; in compitis ac plateis Christum palam prædicare non dubitent; nec metu, ne si in carcerem quidâ tradantur, ab incepto desistant. quamquam illud in ea re inesse videtur incommodi, quòd interpretes, quibus maxime est opus, nulli ferme reperiuntur, nisi prouinciales

ciales quidam adolescentuli, quorum neque animi fortitudo, neque prudentia, nec vita denique eiusmodi est, ut cum iis muneris tanti pars vlla tutò communicari posse videatur. Ac mihi quidem valde fuit optatum, posse in hac regione consistere, aut certè è Sociis aliquem discendæ linguæ causâ relinquere: sed meum hoc consilium impedit partim delegata mihi Iaponis prouincia, partim etiam sollicitudo de nostrorum salute, quos in discrimen offerre non audeo, non facta à magistratibus potestate manendi; ad quos tamen ego, licet oppidani affirmarent me nihil tale impertaturum, frustra ea de re non semel adire tentauì.

Sunt autem Sinæ, quantum eo temporis spatio perspicere potui, ingenio ac iudicio bono; utique meliore futuri, si Christum sequuti, nuntium remittant voluptatibus atque libidini, qua mentis acies magna ex parte retunditur: sunt etiam ad mechanica & mercaturam idonei, & quæcunque ad victum & cultum corporis pertinent. Animi verò immortalitatem, Deum vnum, æterna præmia ac pœnas ignorant: quocirca spiritualium rerum cura apud eos postrema. Sacrorum antistites eatenus in honore sunt, ut capitis tegumento in mitræ formam vtantur, mento & capite abraso, despiciatissimum alioqui genus hominum. Nullum ex iis, quamuis adhibita diligentia, reperire potui, qui me gentis cæremonias & iura sacrorum doceret. Incolæ omnes idola apud se habent, quæ odoramentis duntaxat ac suffribus venerari mos est. Ad rem quamlibet auspiciandam per sortes oracula exquirunt: & si tristes ducantur, idola videlicet vapulant. Ex quo ad Sinarum terram appulimus, Cæto rem contuli me bis, qua in vrbe menses duos circiter posui, ut agerem de redimendis captiuis Lusitanis tribus, qui cum aliis Christianis prouincialibus totidem admodum arcta sæuæque in custodia detinentur. cuiusmodi calamitate oppressi nonnulli præterea Lusitani variis prouinciæ locis dicuntur esse: cum enim infestis hucusque Sinarum populis vñ fuerimus, si qua Lusitanorum nauis tempestate in hæc littora eiecta est, vectores & nautæ vel necati ab incolis vel in vincla coniecti sunt: quod tamen fieri desitum est postea quàm legitima pro mercibus portoria soluere Lusitani cœperunt. Verùm ad captiuos ut redeam, cum quandam ex iis Matthæum nomine præfectus ad se è carcere euocari iussisset, misericordiam eius mihi mouit adpectus

panno-

Sacerdotes & superstitiones Sinenſiū.

pannosus erat ac squalidus. capite ac pedibus nudis, manibus ad brachia, ferrea catena ad pedes iniecta: collo aurem inserto in tabulam, quæ scriptam vinculorum causam demonstrabat: quo maximè modo haberi dicuntur ij, qui sententia capitali damnati, mortique addicti sunt. Ac primò quidem redemptionis pretium mecum attuli, succinũ crudum: quod magis propositis premiis à Rege conquiri perhibetur, Et quòd persuasum habeat hoc gummi genus, cū quodam alio conditura genere sumptũ, spatium vitæ producere: secundò autem, aureos ad mille & quingētos, quos mihi tres amici ea lege commodauerant, vt Lusitani redempti hæc alienum, stipe à classiariis & mercatoribus Christianis emendicata, dissoluerent. ea pecunia in vrbe deposita est, Chaëni præfecto numeranda, si nostros homines liberos dimiserit, quorum hoc anno saltem vnum solutum iri confidimus.

Sed hætenus de Sinarum moribus ac regione: vnde ego in Iaponem Maio mense discedere cogitabam: quo tempore nec transmissio nec Lusitani comites deerunt. Nūc autem epistolam egregio Aloisij Almeida Lusitani facto concludā. is cū anno superiore in Iaponē venisset, (vir est autem in his regionibus admodum notus) & Bungi cum Balthasare Gago congressus, eam Iaponensium feminatũ consuetudinẽ cognouisset, vt modò natos infantes per summam immanitatem necarent, quos propter inopiam alere se posse diffiderent: cum eodem Gago condixit, vt cum Rege Bungi ageret, quo mos hic pessimus ratione aliqua tolleretur: ad eam rem sese de suo quantum esset opus pecuniæ, collaturum. Placuit Regi consilium, seque nutrices ad pueros educandos attributurum recepit. Itaque Aloisius Bungi ea de causã remansit, ædesque comparat magna populi approbatione, in quas non modò pueri deferantur alendi baptizandiq; sed etiam Christiani pauperes qui sunt in vrbe, confugiant. Idem Aloisius cū nos nimis diu morari videret, (namque biennium circiter est cū solemus Goã, quod tempus nauigando maxima ex parte consumptum est) veritus ne qua difficultas nos retineret Malacæ: duo cotonatorum millia ad amicum misit: quibus nostra subleuantur incommoda. Sed hæc eius benignitate spero me non vsutum. Accepi autem ab eo litteras, quibus nostrũ aduentum sũde ab se expectari ostendit: vt mecum de in-

*Iaponen-
sũ femi-
narum
immanita-
s.*

*Aloisij
Almeida
factum
egregiũ.*

stituendo quàm maximè salùtari genere vitæ (natus est autem annos ferè 30.) deliberet, &c. Valere. E Sinarum portæ Cantonio, 11. Kal. Decembris, 1555.

Scripta iam epistola, exemplū litterarum adiungere mihi visum est, quas Rex Firandi è Iapone ad me scripsit: nam ipsum archetypum mecum ferebam, quo facilius a Rege, si opus esset, promissa exigere.

Exemplum litterarum Regis Firandi.

Pater Mag. Franciscus cū meum in hoc regnum venisset, Christianos fecit magna animi mei voluptate nonnullos, quos equidem commendatos habeo, & ab omni iniuria defendo. Bis deinde ad nos venit etiam Pater ille qui Bungiversatur, baptizavitque cū ex affinibus meis aliquot, tum ex reliqua nobilitate permultos: quem ego virum aliquoties audiui, eiusque doctrinā, quæ mihi penitus hæret in medullis, ita probavi, ut CHRISTVM sequi planè decreverim. Quocirca te in meo Regno videre magnopere cupio: semel quippe mentitus, non mentiar iterum. Tu si ad nos te contuleris: & rem DEO gratissimam feceris: & à me quàm honorificentissimè liberalissimeque tractaberis. Firando.

Taqua Nombo Firandi Rex.

EX EPISTOLA GVLIELMI AD SOCIETATEM IESV IN LVSTITANIAM.

EG o cum Gaspare Vilela Firandum in subsidium Christianorum Bungo cõtendi, annumque ibi totum uterque partim in baptizando, partim in Christiana doctrina pueris tradenda consumpsimus: qui per vias câpani crîs sonitu (qui tum primū in ea vrbe exauditus est) conuocati, eam paulatim edidicere, peritioribus quibusdam ex eorum numero constitutis, qui magistrorum vice apud ceteros fungerentur. Atque etiam per urbem publicè quæ didicerant alacriter concinebant, nec barbarorum nos infestantium clamore, derisionibus, probris deterreti sunt, quo minus, cæptis alacri studio insisterent. resque eo iam loci processit, ut filij priuatim parentes ipsos edoceant, seq; inuicem inuitent ad eā noctu, modò apud hunc, modò apud illum decantandā, quò parentes etiam vocāt suos. Hebdomada sacra diebus, Gasparis hortatu certus in vrbe locus

ad

ad mortis Caluatij speciem est comparatus, quò Christiani ad audiendum verbū Dei seque diuerberandos piè admodū ventitabant. In Iaponis proceribus Christianus est quidam Antonius nomine, cuius in ditione sunt circa Firandū aliquot insulæ ac vici. In ea loca Gaspar Christianorum rogatu profectus, incolas penè omnes tanto Antonij gaudio voluptateque conuertit, vt Antonius ipsemet incendium ædibus idolorum inferretiquarum custodes, quam demonibus dederant operam, eandem conditori suo, qui verè Deus est, deinceps dare cœperunt. Firandi, in ædibus Antonij nouis, Gaspar habuit cōcionem, ibiquè Antonius eo ipso die Christianis omnibus epulum præbuit: & quo nihil gratulationi deesset, diuinitus factum est, vt filius eius etiā tum ethnicus cum quibuldam domesticis mulieribus conuerteretur ad Dominum. Multa prætereo, quæ ex nostrorum litteris cognoscetis, Christus Dominus noster nos tū ad perspicendam penitus volūtatē ipsius illuminet, tum ad eandem ritè exequendam pro sua bonitate confirmet, Bungo 4. Nonas Octobris, 1559.

*Aedes
idolorū
incen-
duntur.*

BALTHASAR GAGVS SOCIETATI IESV GOAM.

QUæ mihi in mentem venerint de statu rerum Iaponicarum, siue præsentī siue præterito, complectar his litteris, rametū in magna rerum varietate ac mutatione, quæ nobis bene de re Christiana merendi laborandique maiorem etiam occasionem præbuit. Versamur in hoc Bungenū domicilio nouem omnino patres fratresque, cum Iaponiis aliquot hospitalium domorū ministris. oppidani quoridie, sed dominicis præsertim diebus festisque præcipuis, ad templum ita frequentes à millibus passuum amplius nouem conueniunt, vt ædes multitudinem vix capiant, interdum etiam bonam eorum partem excludant. Quotidie sacris peractis elata voce recitatur Christiana doctrina. Complures Iaponij qui propius absunt, singulis sabbatis confessionē, celebrioribus verò diebus etiam communione sese confirmant. Et mirum, ipso statim generalis confessionis initio, quæ sacrum præire solet, ac Iaponicè recitatur, ex auditorum oculis emicāt lacrymæ, ac multo etiam vberiores, cum sacerdos corpus Domini

*Iaponia-
rum erga
res diui-
nas stu-
dium.*

tenens manibus, Domine (inquit) non sum dignus: quæ
 verba tunc ipsi quoque Iaponico sermone pronuntiât. Ita-
 que mei sanè valde me pudet, cum hosce homines video vix
 ante biennium ad lumen à cœcitate conuersos, tanto sen-
 su ac dolore affici delictorum suorum. Iam verò sortiuntur
 etiam, apud quæ dominicis diebus cogant ad sermones in-
 ter se de religione ferendos, eoquæ è nostris aliquem ac-
 cersunt, qui matutinam concionem ipsis in memoriam re-
 uocet, atque in ea quid quisque potissimum animaduerte-
 rit, in medium afferunt. Hæc sermonis communicatione
 absoluta, symbola pro cuiusque facultatibus in pauperum
 funera conferuntur. Atque hoc ipsum institutum & con-
 suetudinem Amanguriani quoque, sibi à Cosino Turriano
 iam ante quadriennium traditam, retinent. Bungi hospita-
 les ædes habemus duas, alteram plagis vlceribusque curâ-
 dis, aliis morborum generibus altera, exstructam hoc ipso
 anno 1559 ex lignea materia, multo ampliorem, in qua me-
 dia aram excitauimus. Absolutum est ædificium die visita-
 tioni beatæ Virginis facto, ibique postridie primùm sacri-
 ficatum est, habitaque oratio de rebus diuinis magna cum
 voluptate lætitiæque Christianorum: quos vniuersos eodẽ
 coactos vnus ex iis conuiuio excepit. Eius Nosocomij con-
 clauia sexdecim sunt, quibus medici quoque hospitium est
 contiguum, viri in curandis ægrotis diligentissimi. Ab æ-
 state proxima ad hoc vsque tempus amplius ducenti om-
 ni morborum genere liberati sunt, cum neminẽ Cosmus,
 quamuis desertum ac desperatum, excluderet: cancriq; ac
 fistulæ veteres amplius decem & septem annorum, ac vi-
 ginti, tanta felicitate curatæ sunt, vt Dei potiùs beneficiũ,
 quàm humana medicina fuisse videatur. Quamquam in
 chirurgia sanè excellit vnus è nostris, qui alios etiã dome-
 sticos docuit, in quibus est qui, propter egregiam Iaponicę
 linguae notitiam, simul & pharmacis corpora & animos
 monitis ac salutati doctrina curare possit. Itaque multi ex
 iis paulatim conuertuntur ad Dominum. Iaponius erat
 quidam Meacensis, domestica Bonaziorum disciplina ac su-
 perstitionibus à puero institutus. Is non solùm audito E-
 uangelio credidit, sed etiã cognita nostrę vitæ ratione ad
 nos Bungum vnâ cum Cosmo concessit. Incitabat ipse se
 ad omnem virtutem, secumque præclare pugnabat: & quo-
 niam se medicæ vacauerat, composita quædam exposuit
 duobus

*Bungi ho-
spitales
ædes duæ.*

duobus libris, Sinarum lingua, deinde migravit ad Dominum. huic successit Michael, quo item sanctissimè vita functo, Sinæ duo à Cosino sunt substituti, qui eos libros edicerent. Composita sanè facilia & efficacia sunt, prorsus, vñ eorum quibuldani statim admotis morbi pellantur. Guilielmus quidem Pereria cùm huc appulisset, ægrotus ipse, & reliqua ipsius turba navalis: iis medicamentis omnes ad sanitatem perducti sunt. atque opus hoc ære priuato hætenus Christiani provinciales & mercatores aliquot Lusitani sustentant. Sed Rex præterea in eisdem sumptus vestigal attribuit, ex quo pacatis rebus annui capientur aurei trecenti. Femina est septuaginta annos nata, maiorem Iaponis partem emensa, cùm stipi à Principibus cogendè vacaret, exstruendis idolorum templis, quorum illa præcipuo quodam studio cultuque tenebatur. Hæc vbi Firandū venit, Dei verbis auditis, baptismum enixè petiit, quo impetrato, Bungum se contulit, factaque ibidem habitandi potestate, prope ædem nostram perpetuum sibi domicilium comparauit. huius virtus Christianis ad exemplum præluceat, victumque sibi suis manibus ipsa cùm quærirer, tunc duas præterea mulieres, Christianis maritis defunctis honoratis hominibus, alit viduas, & in officio atque opere continet: singulis sabbatis peccata confitentur, inopem ducunt vitam, carnemque suam solitudine ac pœnis voluntariis edomant. Quidquid ex parta labore suo pecunia superest, id continuo in valetudinarij subsidium conferunt: iamque præter lineas tunicas aliaque similia, in vsus pauperum aureos etiam nummos plus centum & quinquaginta erogarunt: sunt etiam ex Christianis qui ceteros, & per urbem & per vicinos montes aliquo morbo laborantes, inuisant, quorum inopiæ, cùm opus est, aliquod per eosdem viatores & Valetudinarij subsidium mittitur. Christianus est Michael quidam, cuius herò vita functo homine pecunioso, qui magnam aiebat familiã, ad funus conuenere Bonziji permulti, qui vnà cum familiaribus eius Iaponico ritu quorquor hæbent idola, suis quæque nominibus elata voce inuocare ceperunt: quos Michael, quamvis mortis metu proposito, nō modò noluit imitari, sed etiam multis eos rationibus, sanè constanter, ab ea impietate reuocare conatus est. Alius erat in eadem familia Christianus, nomine Emanuel, qui Bonziis aliqua ex parte in ea vociferatione consensit. is dein-

*Infirmos
vñ cura.*

*Femina
septua-
genaria
conuersio,
eiusq. in
Deum
pauperes
studij.*

*Michael
cuius
dā san-
cti li-
bertas.*

de à Michaelē obinrgatus culpam agnouit, atquo vltro ad poenam delicti postulanda venit in templum, & die quodani dominico, dum sacrificatur, sese flagris acriter nō sine copiosa sanguinis profusione excidit. Qua satisfactione à reliquis Christianis accepta & probata, cum Ecclesiā gratiam rediit. Alius item Christianus, cui nomen est Paulo, quodd in solempni quadam barbarorum gratulatione vexillifer esse recusasset, Regis autoritate ac beneficio vix obtinuit, quo minus ab iis male multaretur, eiusque domus disturbaretur. Mos est Christianorum in vltus templi aliquid semper ē suis fructibus conferre, ipsumque templum magnā admodum cura tuentur: in grauioribus vero difficultatibus, siue turbines ac procellæ sequant, (quam in his locis ita sunt ychementes, vt adificia euertant, euellant arbores; si verò imbris mixta sint, emota etiam loco semina dissipent) nobis præstō sunt: siue belli vis ingruat, armati statim ad templi defensionem accurrunt, in eo quidem tumultu, qui hoc ipso anno excitatus est, cum Balthasar Gagus Facata penē obsessus ab hostibus teneretur, Christiani permulti sese ad eum liberandum, vel capitis sui periculo, comparauerant. Sed cum Dominus, vna cum reliquis ea oblidione locoque, insciētibus inimicis exemit.

*Christia
morū
in socios
officia.*

Superioribus diebus Gaspar Vilela Meacum est missus, quod etsi iam dudum erat in optatis, nūc tamen opportunius visum est, cum simul omnes in hanc Bungi urbem conuenissemus. Interpres eum comitatur Laurentius frater, cū Iaponicæ linguæ, morūque, tum rerum Christianarum peritissimus, excellentique ingenio præditus. Secum ferunt librum, a Melchiorē conscriptum, ab ipso autem Laurentio Iaponicē versum: commodum etiam accidit, vt eo ipso tempore hinc proficisceretur Meacensis quidam, qui illis dux itineris optimus esse possit. quatuor in vniuersum hoc iter ingressi sunt, quibus Dominus vtinam pro sua infinita bonitate aditum muniar, gentēque illam ad suas tenebras agnoscendas morēque mutandos illustret. in ipso discessu, subsidium aliquod spiritale in eam expeditionem à nobis omnibus petere: sacra missarum permulta, septem psalmi, aliæque huiusmodi suffragia delata: seque in viam dederunt sexto Idus Septembris 1559, non sine magno omnium dolore ac lacrymis. Iamque eos Meacum V & r
benefi-

beneficio pervenisse cognovimus. Quid ibidē egerint, qui status sit rerum, ut ex hac parte, prout ē re Christiana fuerit, absentibus consulatur, propediem cognoscemus.

Nunc venio ad res Facatenſes. ea est vrbs ampla & opulēta, negotiatoribus frequens, in planitie sita. Būgo distat pedestri quinq; dierū itinere. Inde Firandū maritimus tractus est passuū octoginta milliū. Anno superiore, paschalis festis exactis, cum Rex nobis domum ac templū Facata secus mare donq; dedisset in suburbano, in quo agricola ferme septuaginta versantur, eō missus sum, cū Ioanne Ferdinando, qui Iaponicam linguam tenet optimē, cuius ad conciones cum magnus concursus fieret, baptizari aliqui cepti sunt, veruntamen lētē, nam ante baptismum Christianis rudimentis diligenter instituantur, & certas precandi formas mandāt memoriar, denique intelligunt in ea religionis mutatione quid suscipiant, quidve deponant. conversi sunt ex eo numero sex patresfamilias, nec inepti homines & locupletes: eōdem conveniebant etiam indidem Christiani aliquot, qui iam antea Evangelio crediderant, itemque Amangusiani nōnulli. Habebatur autē quotidie concio, deinde ad litanias veniebant, tūm conferebāt inter se, quæ in concione audierant, deinceps doctrina Christiana Iaponicē, oratio verō Dominica, Angelica saluatio, & Symbolum Apostolorum latinē recitabantur. Cū res ita procederent anno 1559, officiis hebdomadæ sacrosanctæ persolutis, cum ceteris (locus enim erat idoneus) sacratissimæ Eucharistiæ mysteriis ac caeremoniis: altero paschaliū die armatorum duo millia possessionibus suis pellice ab Rege, præfectoque regio Bungenū, (qui fortē ibi tū erat) acriter questi, Facatam aggrediuntur: atq; eo quidē die exclusi ab incolis, nocte verō inſequentē prodentibus Bonziis, vrbe vicōque potiti sunt. Hic nos in densis tenebris, sublata humeris eruce, rebus nostris diligēter quisque pro sua partē consulere. Ac primum omnium quædam templi ornamenta cū Ioanne Ferdinando, puerisque domesticis, in Firandensem nauem imponimus: quæ continuō discessit. Inde ego & Gulielmus, comitibus Christiano quodā incola Sylvestro nomine, & Lusitano, qui in his locis eo tēpore versabatur, in nauem confugimus duobus passuū milibus statim in salo. nauarcus, qui ex hostium factione esset, simulatq; oppidū captum cognovit, statim cum suis

*Facata
expugnata
est.*

de nostro interitu cœpit inire consilium. suadentibus cunctis, ut nos è medio tolleret, & periculosum fore dicentibus, si nos direptos ac spoliatos abire permitteret: vnus, ipse, nõ tam misericordia adductus, quam lucri spe, quod multo plura nobis superesse arbitrarerur, eam sententiam dissuasit. quo quidem tempore, cum actum de nobis esse arbitramur, veniam delictorum apud se quisque suorum à Deo supplices precabamur. Syluester autem ille Iaponius, non necessitate cõpulsus, (omnia enim ea pericula effugere poterat) sed beneuolentia & caritate, quamquam enixè recusante me, vna conscenderat, cum diepret certũ sibi esse nobiscum mori. eum ego noctu saepe singultientem effusèque plorantem audiebam, quod agi de nece nostra à nauiculariis cognouisset. quinimmo facta sibi ab illis abeundi potestate nunquam est vsus. idem ex iis quæ secum attulerat, ita multa cum nostris amisit, ut vnum ei superesset indusium: interim cibaria nobis vnciatim dabantur, æquè malè acceptis, ac si in Turcarũ triremibus teneremur. quarto post die Facatæ cognitum est nos ibi esse; quod vbi nauarchus rescituit, tota de re hostes, qui vicum ceperant, certiores facit: tum nauiculæ tres armatis hominibus refertæ, nauẽ inuadunt, ipsumque nauarchum arreptum expilant, nos verò ipsis etiam vestibus, quæ nobis erant reliquæ, vna tantũ relicta intima tunica exvunt. cum iis deinde in nauiculas descendimus. qui tria passuum millia cum processissent, antequam ad terram appollerent, inter se spolia diuiserũt. quod illi dum faciunt, vir quidam ex eo comitatu præcipuus, qui me noverat, mihi togam, cõmicibus verò meis aliquid singulis ad corpus tegendum reddidit. descensione in littus Facatensium facta; non in nos labores, noua pericula excipiunt. nam ex hostibus hi qui in terra remanserant, partem prædæ ab eis, qui in mari nos diripuerant, efflagitate cõperunt, quæ cum iis communicata discedunt. nos in littore sumus relicti. magna autem erat eo loco vis populi, portæ verò oppidi clausæ, dispositæque præsidia. hic nobis alius pugionem, alius hastam intentans, dari sibi aliquid minaretur postulant: alij verò nobis manus etiam inserunt, ut vincetos in suas villas abducant. denique nos vestimentis planè omnibus nudant. in ea turba ætumulatim conijcimur in aggeris quendam hiarum, quod apud eos futura necis indicium est. tum verò plebs in nos cæteruatim irruere, nos clamo-

*Syluestri
et ga So-
cios fides.*

*Sociorũ
calami-
tates &
pericula.*

clamoribus suis ad eadem exposcere: nos regnorum ever-
sore appellare; aliisque huiusmodi probris contumeliose
proscindere. quæ voces dum ab incondita plebe iactantur,
ecce tibi miles specu illo nos extrahit, strictoque gladio, ubi
sunt, inquit, pecuniæ? Cui nos: vides in quo statu simus, &
petis ea, quæ non habemus. mittit ille confestim in oppidū
sciscitatum, nobis porrò quid faceret. Dum in his vitæ pe-
riculis versaremur, Sylvester interea admissus in oppidum,
Ioannem quendam Christianum, cui cum hostibus magna
erat necessitudo, de nostro statu fecerat certiore. qui, ve-
stimentis quatuor sumptis, cōtinuò ad littus excurrit, sum-
ptaque magno impetu multitudine, ex eorum manibus,
qui nos iam captos tenebant, eripuit. simul etiam adfuit
ex oppido nuntius, qui nos occidi vetaret. Inde Ioānes do-
mum suam perductos, cibo nos igneque refecit, vadimo-
nium etiam pro nobis magistratibus promittit, eosque tum
pollicitationibus tum verò muneribus mitigavit. Et quo-
niam in iis tumultibus casu disunctus à nobis Gulielmus
cum puero Christiano in manus militis cuiusdam incide-
rat, eo ipso die nulla interposita mora Ioannes militē adiit,
pretioque redemptionis transacto (id fuit aureorum viginti)
nostros domum reduxit: in qua decem dies morati, quòd
ea negotiatoribus valde frequens esset, magistratum iussu
ad alium Christianum diuertimus, ibique dies quinquaginti
latuimus. Breuiarium ego per eos dies cum reliquis re-
bus amiseram: id quoque Ioannes & reperit, & mihi suo
precoemptum reddidit. Tercio mense inter eos labores ac
merus exacto, veniam denique profectionis sine ulla vel hos-
pitum nostrorum vel Christianorum aliorum molestia aut
detrimento à magistratibus impetrauimus. mihi enim uti-
que certum erat, quiduis perpeti potius, quam damni quid-
quam culpam eorum importare. Bungi autem ut nos eva-
sisse cognitum est, ingens cū Regis ipse, ac procerum ali-
quot, cum Christianorum gaudium fuit: quorū nonnulli nobis
obuiam ad urbem accedentibus ad terrium lapidem nō, si-
ne cibariis prodire: ad secundum verò atque ad primum
alios item offendimus vino fructibusque ad nos recreādos
aduectis, atque ipsis etiam umbellis ad solem arcendū. nec
verò mulieres ei gratulationi defuere, quæ sublatis in sinū
infantibus itē lōge nobis occurrerāt: atque hæc omnia mira-
culi alacritate letitiaque fiebāt: plorare alij gaudio, alij subla-

*Christia-
ni cuius-
dampnia
in capti-
vos offi-
cia.*

*Insignis
Neophy-
torum
pietas.*

is in cælum oculis Deo gratias agere, quod preces ipsorū exaudisset: omnes verò & mihi & inter se gratulari, narrare, quanto nos beneficio Dominus è quot quantisque periculis exemisset. Nam quid ego de patribus nostris & fratribus dicā? qui ut nos iam à sedesperatos incolumes redeūtes viderūt, tāta voluptate lætitiāque persusi sunt, tātaque nos vicissim, ut ærumnæ omnes præteritæ tanquā somniū evanescerēt: laudetur Dominus, qui in his partibus ita remotis gentē hanc, vix dum posito Christianæ militiæ tyrocinio, tāto diuinarū rerum studio inflāmat. magnū hæc, mihi credite fratres carissimi, solatium afferunt: nec regnū est ullum cum Christi obsequio cōferēdum. in illis calamitatibus etiā Firādo Christiani ter quaterve nō modò farina, carnis, piscium, vestium, sed etiā pecuniæ tātam ad nos cōpiā submiserunt, ut ego valde timerem, ne ea res ab aduersariis cognita dimissionis nostræ ac liberationis negotium retārdaret. Neq. verò Facateñsum quoq. Christianorum cōtēpore subsidia defuerunt, ut affirmare possim, Socios nostros nunquam ita omnibus copiis abundasse, ut nos in cōstatu Dei beneficio abundauimus: quā eorū in nos caritatē ac studium Dominus ipse cōpenset. Ab vrbe Facata cōdita nihil vnquā simile illis tumultibus extitisse ferebatur: quo facilius persuasum est barbaris, omnes eas calamitates nostra cāsa contigisse: quare tanta in nos ira perciti sunt, ut ædes nostras, ac templum, & cetera omnia diruerint, denique puteum ipsū, quo vrēbamur, glebis opplenerint.

Ineunte quadragesima honestus vir Christianus, quo commodius rebus diuinis vacaret possessionibus relictis, amicōque potenti, apud quem familiaritē vivebat, ad nos se recepit, filiūq. vno quem habebat, in Societatis nostræ disciplinam tradito, ipse toto cō quadragesiæ tēpore pedē in finibus ædiū nostrarum nusquam, ne ad suos quidē extulit: quintā autem sacra hebdomada feria in cœna Domini cum ante aram in primo fidelium ordine cōstitisset, præsentem in Eucharistiæ sacramēto Dominum alloquēs, omnes eius cruciatus, quos optimē nouerat, memoriāque tenebat, sigillatim ita recensuit, ut vniuersi generis humani redemptionem æquē sibi vni, ac ceteris omnibus applicaret: idque cō animi sensu ac dispositione verborum, ut omnes in sui admirationem cōuerteret. vbi perorauit, flagris in sua terga cepit scuire tanta cum persecuerantia, ut cum

cohi-

*Vita &
morsegro
giacumi-
dæ Chris-
tiani.*

rehibere necesse fuerit. is deinde Paschali die Dominico cum aliis aliquot corpore Domini sumpto, paucis post diebus ab interfectioribus circumuentus, quos iratus barbarus miserat, is quem diximus ab eo relictum fuisse, magno sanè animo sublatis manibus, oculisque in cælum defixis, occisus est. vxoris solitudinem ac liberorum orbitatem, qui bonam virtutis frugem pollicentur, nunc res familiaris nostra sustentat. Superioribus litteris alterius Christiani hominis item honesti multos iam annos nati mortem exposui, quam ipse quoque in ædibus nostris obiit. is allato ad se extemo corporis Christi viatico, cum iam præ imbecillitate loqui non posset, aspectu Domini recreatus, in eiusmodi verba vocem soluit, quæ inhabitare in eius animo Dominum testarentur. In agro Firandensi, Gasparis Vilelæ Antoniiq; viri principis, & Christiani maximè opera, Christiana res ita feliciter gesta est, idolâ tot igne consumpta, euerfa fana, ipsis æditui ad cultum Christi traductis: vt eius rei dolore accensi barbari, diabolicis instincti furiis crucem insignem, Firandi iam diu positam à nobis, præciderint: templum verò Gaspares expulso, cum ipsa ara & imaginibus disturbarint, atque ita nostros exterminarint, vt nō transitus quidē illac, quamuis aliò tendentibus, pateat. sed Dominus horum neophytorum educationi, qui laborantibus nobis adedò amanter assuerunt, consulat: id vtique se admodum optare nobis per litteras ipsi demonstrant: cognouimus etiam vnum ex iis rei Christianæ peritum infantes baptizare. Dominum obsecrate etiam atque etiam, carissimi fratres, vt afflictam ecclesiâ hanc pro sua clementia excitet, Bungo, Kal. Nouemb. 1559.

ALOISIVS ALMEIDA SOCIETATI

IESU IN LYSITANIAM.

IN iis litteris, quæ à vobis ad nos assiduè perferuntur, insignes amoris erga nos vestri & caritatis notæ cernuntur. apparet etiam quanto studio reueamini ad nos subleuandos in hæc loca veniendi. hanc plenam pietatis voluntatem, quoniam nos remunerari non possumus, Dominus ipse pro sua benignitate compenset: quanquā vt amoris vestro nos etiam aliqua ex parte respondeamus, (quoniam aucteris scire quid à nobis in re Christiana geratur) anni huius
præ-

præsertim acta ad vos perscribere statui.

Balthazar Gagus hoc anno ex Iapone profectus in Indiam, aduersa tempestate rerētus, huc uenit in orā Synarū, acque id fuit causæ, cur à nobis huiusce anar litteras non acceperitis. Posterus discessum nuntii Meaco allati sunt, Bonziorum in Gasparem Vilelmi odium aliquantulum refrinxisse, itaque rursus aures dare cepisse Euangelio, fierique aliquos Christianos, atque in iis nobilissimos homines, & in rebus physicis admodum intelligētes. Misæ sunt etiam aliquot à Meacensibus illis neophytis ad Būngenses Christianos epistolæ: quarum vna, duodecim ceteræ paginarum, magnam harum regionum Christianis attulit voluptatem, sæpiusque descripta, omnia Christianorū loca percurrir, & simul lectabatur etiam ethnicis. Summa erat epistolæ, sectarum Iaponis omnia (quæ plus vnde sunt) expositio simul & confutatio, cum religionis Christianæ confirmatione. nec verò paratas vnquam res Iaponiorum fore, quoad omnes fieri Christianitatque id ipsum multis apertisque rationibus probabatur. Mense Junio incunte, ex Gasparis ipsius litteris cognouimus, illum iter cepisse ad urbem Sacram, quæ bidui distat Meaco, ubi spes magna in eisdem vberimè ostendebatur, non modò quòd sit libera, & in primis ampla Iaponis totius: sed multo etiam magis, quòd eum quidam è principibus ciuitatis illuc per litteras inuitasset, & de se, suas ipsi ad Euangelii promulgationē obtulisset. cuius ratum est eius rei desiderium, ut Būngum etiam certum hominē cum mandatis miserit ad Cosmum Iaprianum. Recordabitur, ut speramus, pro sua bonitate Dominus harum gentium, easque conuertet ad se: nos autem in suo confirmabit obsequio.

Quòd ad Būngensem Ecclesiam attinet, quæ hunc quidem est Iaponis omnium maximam: admodum augetur in dies (capris adipirante Domino) cum vltus veteranorum, tum etiam tyronum numerus: quorum tanta est pietas, vix ut possim verbis assequi: nonnulla tamen attingam, ut ex iis reliquiæ intelligaris. Primum nulla nos præterit, (ut mihi quidem videtur) quin verberationes in templo fiant, ac ferè semper omnium, quotquot ibidem eo tempore sunt, quibus in templo non licet, si sese intra priuatos parietes cum vniuersa familia verberat quotidie, quamuis ningat, Christianis reuerentum est templum, nec referatur ferè, quin multi

reperian-

Præb. Sa-
bathum.

reperiantur ad limina præstolantes. Festis autem anni celebrioribus tanta vis hominum confluit, ut ad multitudinem capiendam vinbraacula: è frondibus raptim extructa cum templo continuare necesse sit: namque alii quidè præcipuis anni festis, alii verò diebus beatissimæ Virgini sacris, alii quintodecimo, alii etiam octavo quoque die cōfessione maculas abluunt. Sed Bungenrium studium ac pietas quadragesimæ præsertim diebus elucet. res profectò visenda: quippe in singulos annos crescit huius Ecclesiæ religio ac probitas.

*Religio
ac probitas
Bungenrium.*

In pueris iis, qui ad nos Christianæ doctrinæ gratia ventitant, aliqui ita parui cernuntur, ut nihil penè præter catechismum eloqui possint: itaque id ipsum oppido concinunt. Propterea templum nostrum duodecim circiter Iaponii patres familias habitant, quorum filii pueriq; singulis noctibus, audito signo salutationis angelicæ, ad Crucem conveniunt in ea vicinitate desitam, ibiq; nixi genibus totam horam quotidie in Christiana doctrina recitanda consumunt: idq; parentum iussu, quorum tanta est pietas, ut in fantibus Christiana rudimenta vnà cum lacte paulatim instillent, eosque tenera adhuc ætate nostram in disciplinam domesticā traditos Domino consecrent: nec verò parentū pietatem non imitantur liberi, atq; vnus præsertim natu maximus omnium, annum agens tertium decimum, cui super mensam cruciatus Christi Iaponicè recitanti fluunt quandoq; ex oculis lacrymæ, nulla vultus mutatione. alii verò eorundem cruciatuū recordatione cōmori, piis Christum liberatorem verbis affantur, ita suaviter, ut cuiuslibet ferreum quamvis pectus emolliant. Itaque horum quos domi educamus operam ad conuersionem harum gentium magno nobis vsui fore speramus: quippe cum Iaponios auditores patria lingua magis quàm peregrina retineat. alios præterea quinque Iaponios apud nos habemus prouectam ætate viros admodum probos: tres videlicet Bungi; quartum Meaci cum Gaspare Vilela, postremus comes est peregrinationis meæ, annum agēs alterum & vigesimum, tanta in dicendo suauitate ac lepore præditus, ut auditoris animos mirabiliter capiat: hæc eses verò Iaponicas mulcæque de physicis ita caller, ut hosce litteratos omnes refutet ac vincat. faxit Dominus, ut eorum animis ignem injiciat. Christiani Facatēses, & præsertim vnus è principibus

*Puerorum
miranda
pietas.*

Colum

Colum missis nuntiis per Deum obtestati sunt, ut eò aliquid à Societate mitteret: velle se optimum templum exstruere, & suis alere sumptibus quotquot è nostris ibi cõmorarentur, quod iam fieri cœptum est. hisce de causis, & simul quòd multi Christianorum vici alicuius è nobis aduentum sermonesque iam diu desiderabant, decreuit Columbus, ut initio Iunii anni 1561, ad eos pagos & loca finitima inuisenda discederem.

70. Barbari baptisati, in quibus Bonzii duo.
 Pridie quàm Facatam perueni, aduentu meo cognito Christiani obuiam mihi alii ad tria passuum millia, alii etiam longius magno cum gaudio processerunt. ego cõplures dies in ea vrbe moratus, barbaros circiter septuaginta sacro fonte lustraui. in quibus erant Bonzii duo, Iaponicarum legum sanè periti, cum alter etiam regius concionator fuisset. is septem dies mecum disputando, interrogando, quæ dicebam in commentarios referendo consumpserat, cum immensa Dei Domini nostri lux ipsius mentem illustrauit, & eius exemplo multorum præterea tenebras dispulit.

Leprosus sanatur.
 In eadem vrbe Facata cùm multi, tum præcipuè duo, morbo graui laborantes, diuina ope sanati: quorum vhus paterfamilias tanto capitis dolore torqueri solitus, ut violètas sibi met manus inferre sæpe retasset, tertio decimo die Dei benignitate conualuit. alter erat iunior lepra fœdissima coopertus. is, quòd de Christianis honorificè pièque sentiret, putaretque iuuante Domino sibi per me sanitatè reddi posse, in meum conspectum adductus est: quem ut vidi, negaui me ei morbo posse facere medicinam: veruntamen ne planè mœstus à me discederet ipse, qui que eum adduxerant: remedium quoddam illi præscripsi facillimum, & post tertium diem ad me redire iussi: ita nitidus rediit, ut nunquam lepra laborasse videretur: equidem obstupui perspecta hominum fide, apertèque denuntiaui Christianis, ne sanitatem pharmaco, sed Deo Domino fideique suæ acceptā referrent: quæ quidem etiam in animos eorum, qui morbo liberati fuerat, redundauit. nam vterque baptismo petito, & post catechismum impetrato, ad Ecclesiam aggregatus est. cumque iam discessus mei tēpus appeteret, quo equiore animo id ferrent, spem Christianis maturi reditus præbui: quorum duo è primoribus ira obfirmato animo inuicis mei comites esse statuerunt, ut eorum studiis remitte-

re, aut

re, aut eos de sententia dimouere, nulla ratione potuerim.
 In exitu Iunii Facata discessimus in insulam Tacaxumā,
 ambitu passuum sex millium, stipendiariam viri principis
 Firandensis, Antonii nomine, vbi cum essent quingenti cir-
 citer Christiani, ethnici tantum octo, ii quoque ad Deum
 nostro aduentu conuersi sunt. Præest autem eorum insti-
 tutioni, excellenti virtute vir, qui è Bonzio Christi seruus
 effectus est. ædem habent, quæ idolorum antea fuerat, in
 primis ornatam: cuius redditu, itemque elemosynis, quas
 erogat, institutum ibi quoque misericordiæ sodalitiū nō
 modò ipse antistes alitur, sed etiam inopes peregrini, qui
 illuc sanè multi (quod vidi per eos dies) religionis causa vē-
 nitant. eadem stipis per misericordiæ sodales ritè fideliter-
 quæ distribuendæ ratio seruat, etiam in vicina insula I-
 quicuclia, itemque in ceteris insulis, in quibus ecclesiæ sunt;
 quo fit, vt ad iter in iis regionibus faciendū sarcinæ & im-
 pedimenta minimè sint necessaria: quippe, quocunq; per-
 uenias, omnia tibi gratis ac sedulò comparantur, maritimo
 itinere naues, terrestri comites & iumenta: quæ si recuses,
 iniuriam videlicet sibi fieri, seque in Christianis officiosis
 numerari non putant.

*Tacaxu-
ma insu-
la.*

*Neophyti
quæ sint
officioſi.*

Firando cum ad hanc inuisendam ecclesiam aliquot Lu-
 sitani venissent, horum Christianorum religione, precan-
 di studio, obediētia, amore quo non modò sacerdotes no-
 stros, sed etiam omnes eorū vicarios prosequuntur, tantopere
 delectati gauisique sunt: vt mihi affirmarent, Socios
 nostros, qui in ceteris orbis terræ partibus versantur, si vel
 particulam noverint eorum, quæ cum his Christianis gerū-
 tur, omnes Iaponicam hanc prouinciā expectituros: quod
 equidem credo: nam vna profectò Christianæ doctrinæ
 decantatio multas vouis præ lætitiā lætymas exprimat.
 quid enim si videatis pueros centum, ac puellas, bis quoti-
 die catechismi causa conuenientes, qui paucis antè diebus
 dicati diabolo fuerant, iam Christianos templum ingredi,
 aqua benedicta se aspergere, demū ad præcationē ritè ge-
 nua flectere? quid si duobus eorum voce præcūtib; suble-
 quentes ceteros, doctrinæque præcepta concinētes audia-
 ris? idque tanta cum modestia ac verecundia, vt oculos se-
 per humi defixos habeant; ac duo illi præsertim, qui voce
 præcunt, (quos ego de industria non semel & curiosè nota-
 ui) & quidē in maximis calotibus, cum facies eorū sudore

*Sæta pue-
rorū in-
ſtitutio.*

man-

manarent tanta fuere constantia, vt manus, oculos, pedes nunquam mihi mouere conspecti sint: raptos profunda aliqua contemplatione dixisses. nec verò doctrina tantum recitanda contenti sunt. nam eius quoque explicationem libentibus nobis requirunt. Iam verò quanta cum animi vestri voluptate intueamini Iaponios hosce CHRISTIANOS positis genibus manibusque sublati Christum è cruce pendentem adorantes, lacrymis ad solum vsque fluentibus, in tormentorum Domini cogitatione ita demersos, vt pænè ecstatici videantur? atque hæc quidem in hisce insulis prædesertis. quid de iis locis existimandum est, in quibus (vt Bungi) Sacramentorum est vsus frequens? neque verò putare vos velim me litteris assequi quæ oculis video: scriptum enim hoc res ipsa multis partibus superat. quæ cum ita sint: misereat (quæso) vos fratres carissimi harum ecclesiarum, Deumque cum gemitu obsecrate, vt supplementum aliquod è Societate nostra dignetur huc mittere. quod si fortè nimis diu distulerit, quam vereor, ne qui venerint paucos superstites è nobis offendant: siquidem tres hæc ætate magnum vitæ discrimen adiunimus, quam tueretur Dominus, vt opinor, quoad alii nobis ad nouam hanc vineam tuendâ colendamque succedant.

*Iquicu-
qui insu-
la.*

Ex ea quam dixi insula, in aliâ maiorem, quæ Iquicuqui vocatur. incolas habet circiter mille quingentos, in iis CHRISTIANOS ferme octingentos. ii, quod iam antè de meo aduentu cognouerant, obuiam mihi nauem cum primoribus aliquot CHRISTIANIS miserunt: quam vt conscendi, in ipsa nauigatione, tribus passuum millibus antè quam ad insulam peruenimus, Crucem aspexi edito loco positam, quam satis amplo intervallo circumiens murus, sepeliendis Christianis cœmeterium efficit; vbi descendimus, humanissimè excepti continuo ad salutandam Crucem de more perreximus: inde templum eorum inuissimus amœno admodum loco, eleganter ornatum, sexcentorum hominum capax. atque eos in præsentia quidem, ne inopem plebem non sine iactura ab institutis operibus auocarem, dimisi, concione in matutinū & vespertinum tempus, puerorum verò catechismo in pomeridianum indicto. itaque tanti cōcursus fieri cœpti sunt, vt cum multi excluderetur, aream, quæ ad vestibulum templi est, storeis pro re nata contegere necesse fuerit. Tem-
plum

plum est autem excelso loco, lucoque denso, & ad aspectū iucundo. in id ascenditur gradibus, quibus in imis stagnum est aquæ, nudis pauperum pedibus abluendis, non superstitione, vel ceremonia, sed ne templi catastromata calca-
ta commaculentur. Postridie quā huc veni, cetera quoque sana lustravi pulcherrimè posita, quippe quæ antè id tempus idolorum fuissent, quibus colendis optima loca diligenter exquirebantur: hoc autem tempore eorum custodes illi ipsi Iaponij sunt, qui antea Bonzj, nunc Christiani appellantur; antea dæmonem, nunc Iesum crucifixum supplices venerantur & colunt. & quoniam ex altero pago eiusdem insulæ sanè frequenti, quod æde sacra carerent, ad alterius pagi templum tribus ferè passuum millibus distās Christiani magno suo incommodo venire cogeantur: tēplum ibi quoque exædificandum curavi, quod paucis diebus multorum subsidio magnaque omnium alacritate perfectum est, tabula picta, ceteroque templi ornatu ex vrbe Firando aduecto. Christianorum animis recreatis, cœlestique fonte purgatis iis, qui ad baptismum videbantur idonei: ad alium Christianorum pagum, quem Xixi vocant, ire perrexi, ut eos per Evangelium solaret, & simul ut in æde noua, quæ tum ab iis ad rectum perducebatur, sacellū extruendum curarem, Iquichuchen sibus Christianis officiosè nobis in eam rem fabros rignarios septem aliaque auxilia necessaria deferentibus. ibi igitur amantissimè excepti à Christianis; qui quasi regem expectarent, ita sedulo vias antè purgatas ornauerant, summo mane noctuque de rebus diuinis disputare institimus, quo commodius ceteris hōris diei sacello exædificando vacarent, quod summa eorum diligentia paucis diebus est absolutum. Catechismi deinde cura certo homini tradita, Iram traiecimur eo consilio; ut Facatani propediem reuerteremur, quodd eius peregrinationis spatium Cosmus nobis ad Augustum exeuntē usque præscriperat. Iram, cruce salutata, cum incolis egimus, ut ibi templum. (nullum enim erat) communi consilio facerent: ad quod nobis Firando sacre imagines ceteraque necessaria ornamenta transmissa sunt. nonnullis concionibus habitis; quibus in fide Christiani sunt confirmati, baptismoque lustratis qui baptizandi supererant, Casungandade cōtendimus, vbi tanta nobis hominū multitudo sese obuiam

*Mulieris
sclerata
per com-
tritionē
in extre-
mo vita-
salutio.*

obuiam effudit, ut festi alicuius diei solemnem celebritatem videretur. Cruce adorata, ad primarium quendam Christianum diuertimus, apud quem nonnullis concionibus habitis, magna omnium voluntate decretum est templum, in quo sacerdotes sacrificarent, si qui in ea loca venirent: quo item Firando necessarius sacrorum apparatus est missus. Interea dum hic agimus, mihi grauis homo narrauit Iquichuchi mulierem Christianam suadente diabolo, siue eius ministris, abortus faciendi gratia pharmacum sumpsisse eiusmodi, ut infantem ipsamque parentem necauerit. Huius corpus Christiani, ut quæ noxa capitali obstricta mi-grasset, in ipsorum cœmeterio in quo Crux est posita sepeliri cum vetuissent: illa post aliquot dies periculose ægrotanti adolescēti cuidam Christiano per visum, Corpus (inquit) meum sacra sepultura prohibitum est illud quidem: sed ne idcirco me Christiani damnatam existiment: quippe antequam à vita discederem, Dominus contritione mea lacrymisque placatus est. quibus rebus Christiani ex adolescente cognitis (namque is deinde conualuit) valde animati sunt.

Ex eo loco rursus ad pagum Iquichuchi, atque inde spe-reditus Christianis relicta, Firandum discessi ad quædam sacrorum instrumenta accipienda, quæ nobis Lusitanorum nauis aduexerat.

Firandum ut venimus, nauarchum Lusitanum allocuti, ad Antonium diuertimus statim, qui cum vniuersa familia nos peramanter accepit, detinuitque ad multam noctem nonnulla de officij religione percontans: postridie nauarchum adiui, ut permagnam tabulam pictam in naui proponeret Christianis visendam, quos in proximum Dominicum diem (quod eorum commodo fieret) ad concionem simul & spectaculum, dimissis per agros nuntiis, euocauimus. interea nocturnis hortationibus cum ceteri Christiani in fide animati sunt, tum ethnici circiter quinquaginta ad baptismum adducti: in iis è proceribus quidam Antonio non inferior. Et quoniam Firandi sacra ædes erat nulla, petiit nauarchus ab Rege, ut liceret in area nostra ædificare templum, quo Lusitani, qui versabantur ibi nonaginta, religionis causa sese reciperent, eoque Firandenſes Christiani deinceps vterentur. Cui Rex se deliberaturum respondit, ea erat dissimulata negatio. itaque id ubi resciri-

mus, apud Christianum in area nostra habitantem priuatum sacellum excitare atque ornare constitui. quod ille tanta animi alacritate studioque recepit, ut ædium duarum, quas possidebat alterius vltro mihi optionem daret, seque ædituum fore profiteretur. igitur, Antonio præsertim operas & cetera necessaria benignè suppeditante, ædícula comparata est, & omnibus rebus instructa, in qua singulis noctibus Litaniæ & conciones habebantur. vbi Dominicus dies aduenit, è pagis insulisque finitimis ingens Christianorum multitudo confluxit, tum ad verba Dei audienda, tum verò ad sacram visendam imaginem, positam, ut dicebamus, in naui, loco peristromatibus, vexillis, virentibusque arborum ramis ornato. referta; iam spectatori- bus naui, cum perorassem, eos omnes nauarchus, quod l- gè ab domibus suis abessent, liberali cibo potuque refe- ctos dimisit.

Iam dies obrepserat, quo die mihi Bungum redeundum esset: quocirca sacra tabula ex oneraria in naiculâ trans- lata, ut inde facatam deucheretur, Christianos Iquichy- chenses monui me sabbato proximo (ut promissa facerem) ad eos ex itinere venturum; & inde postridie vespere pro- fecturum: qua illi re audita, parata naui continuò ad me deducendum venerunt. sub noctem conscendi, comitibus piis aliquot Lusitanis, qui me rogauerant, ut mecum se ad illas ecclesias inuisendas venire permetterem. Descenden- tibus nobis ad litus obuiam prodire Iaponico more cum facibus multis: eodémque comitatu ad templum ve- nimus, vbi nos magna populi multitudo cum pueris exspe- ctabat. Concione habita, & puerorù catechismo peracto, quod iam interpesta nox erat, plebem dimisi, manèque postridie (dominicus erat dies) post concionem incolas circiter tredecim Christiana doctrina ià institutos bapti- zauimus. Inde profecti, magna in itinere ac varia incom- moda molestiasque pertulimus. Nam & mari, paruis lin- tribus, iisque monoxylis, vastos quandoque sinus trajice- re sumus coacti; vixque imminentium piratarum manus effugimus, qui captos homines diu multumque vexatos in seruitutem diuendunt: & terra, iumentis consultò relictis, lutulenta via atque teterrima cingulo tenus quandoq; cer- no demergebamus: quæ tamen sordes! occurrentibus pas- sam rinis eluebantur. Accessit ad hæc assiduù pænè profu-

*Incom-
moda via
& molestia
itinoris.*

uium sanguinis, quo sanè grauitèr acerbèque vexabar. Sed eas omnes difficultates, Christianorum erga nos studium caritasque compensabat egregia: cùm & hospitij commorationisque nostrè mercedem cōstanter ac benignè respuerent: & abeūtes, vtriusque omnibusque rebus necessariis liberaliter instructos ybetrino fletu prosequerētur: & quod lōgè admirabilius est, impressa à nobis humi vestigia ipsa, obstupentibus rei nouitate ac miraculo qui mecum aderant Lusitanis, oscularentur. Verùm, ne longior sim, modū epistolæ, si vnum addidero, ex quo facilè iudicare possitis, quāta sit Iaponicæ gentis ac nominis ad humanitatē religionemque propensio. Cū fessus è via, morboque pænè confectus in quodam barbarorum oppido substitissem, tamen nullum erat desiderium cibi; tamen ne planè deficerem, oryzam reformidans, putridaque piscium fassamenta, (hæc enim incolarum cibaria sunt) misi qui oua coëmeret. is autem mihi mox oua cum ipsis nummulis retulit. Causam quærenti respōdit, Barbatos oua, quòd dies ille festus ipsorum esset, vendere noluisse: quòd ægroto quærentur, dono dedisse. Denique Bungum ægre peruenimus, ibi quāquam à Cosmo ac Sociis amantissimè acceptus, humanissimeque tractatus, vix tamen adhuc è diuturna ægotatio. ne conualui. Vos clementissimum IESVM obsecrate fratres, vt mihi ad se perfectè colendum vires animumque suppeditec, Bungo, Kalen. Octobris, 1561.

COSMVS TVRRIANVS ANTONIO
 QVADRIO INDIAE PROVINCIAE PRO
 Societate IESV Præposito.

Læti rerum Indicarum euentus: quos ex litteris à vobis publicè scriptis hoc anno cognouimus, cū eiusmodi visi sunt, propter quos ingentes immortalī Deo gratias ageremus, tum etiam nos monuere, vt Iaponicas res (quæ nunquam antehac mellorè loco fuerūt) vicissim perscriberemus ad vos. Primū igitur de regionis ipsius natura nonnulla, (tamen multa iam in eam sententiam scripta sunt) tum verò felicem, hoc anno præsertim, Christianæ religionis progressum ad eius gloriā, qui bonorum omnium est autor, hæc epistola persequat.

Iaponis insula, eodem climate quo Hispania, continetur:

tur: terræ atque arborum fructus varij, & plerique Hispani-
cis non abſimiles: multæ etiam argenti fodinæ cernun-
tur. Gens admodum bellicofa, & in retinenda omni ſtudio
dignitate proximè ad Romanos veteres illos accedit, præ-
cipuumque eſt apud eos idolū honoris, & ob id ipſum bel-
la sæpe mouentur, multi partim occiduntur, partim etiam
ignominia vitandæ cauſa mortem ultro ſibi met inferunt.
eadem eſt cauſa, cur parentes reuerantur, amicis fidem
præſtent, ſcelera flagitiaque et furta, adulteria, aliâque eiuf-
modi refugiant.

Publica adminiſtratio eſt triplex. Principem omniū te-
net locum ſupremus religionum antiſtes, cuius decretis ac
ſcitis omnia publica priuatâque ſacra ſubiecta ſunt. Naſcē-
tes præterea Bonziorum ſectæ nullam exiſtimationem vel
autoritatem obtinent, niſi eas idem ſuo diplomate ac te-
ſtimonio comprobauerit. Tundos etiam (qui velut episco-
pi ſunt) tametiſi eorum nominatio, quæ dicitur, quibuſdā
in locis prænes Reguloſ ſit, confirmat tamen & creat ipſe:
qui deinde magno apud ſummos inſimoſque in honore
ſunt, & ſacerdotia conferunt. Iam verò priuilegia quo-
que & immunitates à profanis muneribus ab illo petun-
tur. Nam quæ leuiora ſunt, ut carnis guſtatus religioſis die-
bus cum ad idolorum delubra vulgo peregrinantur, aliâque
ſimilia, eorum poteſtas penes Tundos eſt. Porro ſacerdos
hic maximus, tametiſi apud Sinas ab eruditione ac ſapien-
tia: apud Iaponioſ tamen vel à ſtirpe, vel à nobilitate, & pec-
unia legitur: latè admodum imperat, magniſque vecti-
galibus fruitur, & cum profanis regibus sæpe certat. At-
que hæc de religione, ſacriſque. Cetera gubernatio bi-
fariam diuiditur. præfecti duo ſumma cum poteſtate ſunt:
quorum alter honoribus præeſt, alter iudiciorum & cauſa-
rum cognitiones exercet. Honoris præfectus, quem vo-
cant Vò, ſtirpis ſucceſſione delectus, in Deoruſ numero
colitur. Hunc terram pede contingere religio eſt: ſi tetige-
rit, magiſtratu depellitur, domeſticis finibus nunquam e-
greditur, nec temere ſeſe in conſpectum dat. intra ædium
ſuarum ſepta vel leõtica geſtatur, vel ſoccis ligneis ambu-
lat ſpithamam altis. In ſella ferè quieſcit, ex altera parte
pugionem habens, ex altera verò atcum ac ſagittas. intima
tunica vititur nigra, extima autem rubra, quæ tenui
ſerico, ceu velo quodam, obducitur. pileum gerit in ca-
pite

*Iaponiſ
regioniſ
natura.*

*Iaponiſ
ſupremū
habent
ſuarum
religionū
antiſtiſtē
unum.*

*Honoris
præfectuſ
in deoruſ
numero
colitur.*

pendentibus vitis, ad instar pontificalis tiaræ: frontem habet rubro candidoque colore depictam, & fictilibus ad cibum vitur patinis. Eiusdem vnus in toto Iapone iudicium est, quo quisque honoris titulo sit decorandus. multi enim dignitatis gradus ac discrimina sunt, eaque certis characteribus dignoscuntur, quibus in obsignandis epistolis vti mos est: jique pro varietate graduum tubinde mutantur. Regem quidem hunc Bungi, ex quo die in hunc urbem migrauius, eiusmodi honorum vocabula quater & tricies iam mutasse animaduertimus. Habent autē dynastæ omnes, regniq̃ue procures, suos quisque apud Vd procuratores: & quia natio est laudis ac dignitatis mirum in modum appetens, ad inuendam ipsius gratiam pretiosis inter se muneribus certant: quibus ille aded̃ crescit, (cū ceteroqui fundos ac vestigalia nulla possideat) vt hac vna ditatus præda, Iaponiorum pænè omnium pecuniosissimus habeatur. & quamuis tanto in honore sit, tribus tamen de causis eo dignitatis gradu deficitur: Si pede contingat solum, vt diximus: si quempiam occidat: denique si pacis & otij inimicus euaserit: nunquam tamen idcirco capite plectitur. Restat extemus iudiciorum præfectus nomine Quingue, præcipuis administris duobus, quorum vnus Engē, Goxum alterum appellant. is cū reliquæ iurisdictioni, tum etiam bellis præest indicendis, quæ ipse iusta esse decreuerit, itēque sedandis: nec non puniendis iis, qui in regno seditionem excitauerint: quas ad res regulorum opera atque opibus vitur, quorū nisi paruerint, bona proscrip̃ta finitimis ciuitatibus addicit. Hæc sunt magistratus huiusce iura, & imperium, cui tamen non omnino obediunt procures, quod ferè armis ac vi magis quā iure certatur. Quod ad reliqua pertinet, Iaponij regibus quisque suis in profano foro, in sacro sectarum principibus ac Tundis obtemperant. Ex sectæ (quod iam antea scripsimus) circiter duodecim sunt: quæ licet inter se cultu ac superstitionibus differant, omnes tamen in tollenda animorum immortalitate consentiunt. & quamuis plebi varia DEORVM nomina ad adorandum proponunt, ipsi tamen apud se nihil esse præter ortum & interitum existimant: aiuntq̃ue homines, bruta animalia, plantas, redire omnia quendam in locum, vnde profecta sunt. ad cuius opinionis prauitatem penitus imis sensibus

Præf. Huius iudiciorum.

Iaponij regibus in profano foro, in sacro sectarum principibus parent.

libus inculcandam, paratas habent commentationes circiter bis mille & quingentas. quas ubi quis diuturna cogitatione animo impreserit: omni religione solutus, prorsus in illa cœcitate ac tenebris conquiescit. nonnullas attingam, ut genus videas. percontare (inquiunt) caput hominis abscissum à trunco, tu quis est? audiemus quid respondeat. illa est etiam: eundem ventum pro corporum diuersitate quæ offenderit, varios edere sonitus. denique statuunt, quod è nihilo existit, in nihilum reuerti, esseq; tres hominis animas: quæ ordine alia post aliâ deinceps corpus & ingrediantur & deferant. illud vnum interesse, quod quæ prima ingressa est, postrema discedat. Has autem ineptias in arcanis habent, venduntque carissimè.

*Ineptia
sclitarum
Iaponi-
carum.*

In iis qui homines doctrinæ laude illustres in deorū numero venerantur, sunt qui quēdam colant nomine Xacā, quem aiunt Regis filiū in primis eruditorum fuisse: is praua dogmata posteris scripta reliquit permulta. Itaque librum eius, quem Foquequium vocāt, pariter veneratur, negatq; sine eius voluminis ope quenquam posse seruari: eiusdem beneficio ipsas quoq; herbas & ligna beatitudinem esse adeptura. Omnis autē illius libri doctrina eō refertur, ut persuadeat nihil esse, ex quo omnium esse pendeat.

*Xaca præ
ua dog-
mata.*

Qui Solem ac Lunam adorant, delubrum habent etiam nomine Denix, cuius imaginem pingunt tricipitem, quam Solis ac Lunæ & elementorum esse virtutem affirmant. Iidem offerentem subinde sese dæmonis speciem, ita ut eam clarè conspiciant, multis iisque admodum pretiosis sacrificiis venerantur. Hominum genus in primis veneficum, & Christianæ religionis inimicum. Delubrum est aliud Quanonis, quem Amida filium fuisse perhibent. hunc pauci colunt, sed eam superstitionem magni faciunt, precēsq; assiduè recitant.

*Delubrum
Denix.*

*Delubrum
Quanon.*

Nam de ceteris, qui commentationibus vacant, iam antè diximus, quorum maior est numerus. Venio ad res Christianas, quæ mihi nunquam æquè bene ac nunc, ex quo Iaponem attigimus, habere sunt visæ. Nam antehac, bellis ac seditionibus prouincialium impediēbamur, non modò ne religionem latius propagare, sed ne parta quidem conseruare possēmus. Hoc autem anno Bungi rex amicus noster ita feliciter cum hostibus dimicauit, ut propemodò debellaueris, quare ipse victoriam tantum est otium

*Sexom-
nino Se-
cū in Ia-
pone.*

*Christia-
norum
loca.*

1. Būgā.

consecutum, ut ingens planē porta Evangelio patefacta esse videatur. Versamur autem in Iapone non plus sex in vniuersum ē Societate nostra variis locis atque prouinciis. Primum est hoc Bungi domicilium, quæ vrbs ab ipso Rege incolitur, posita ad Septemtrionem gradibus tribus & triginta & semis, quæ tota pars insulæ in arcticum vergēs polum, cum multos iam habeat Christianos, eosque constanter, tum iis augetur in dies: in quibus litterati nonnulli sunt ex ordine commentantium, qui se inuicem ad Christum alliciunt, de quibus ex aliis litteris plura cognosces.

2. Cutame.

Alter Christianorum locus est Cutame in agro Bungen- si, ab vrbe Bungo circiter septem & viginti millia passuum. Christiani sunt ibi amplius ducenti, quorum vnus ære suo egregium templum extruxit, & aliquem ē nostris efflagitat: sed quo minus ei concedatur, Sociorū in his locis paucitas facit.

3. Firandū.

In Firando insula tertia ecclesia est, quam septem octōve loca Christianorum efficiunt. sita est autem hæc insula ex altera parte Iaponis ad occidentem, ab vrbe Bungo passuum ad ceterum & quinquaginta millia: Christiani bis mille censentur: à quibus colendis iuuantisque nos annis superioribus bella intercluserunt. Sed iā Firandū Rex ab hoc Bungen- si deuictus, stipendiarius ipsius est factus, eritque posthac nobis tutus ad eam insulam aditus. ac mense Iulio proximo inuisit eam ecclesiam Aloisius Almeida, multaq; ad Christi cultum ibi præclare constituit, quæ Aloisij ipsius litteris ad vos perferibentur.

4. Facata.

Accedit Facata vrbs in primis opulenta, & mercatoribus celebris. distat a Firando circiter septuaginta millia passuum. templum est ibi, Christianiq; permulti. horum vnus aliud quoque se templum edificaturum promisit. Ibidē ex cinere Almeida paucis diebus baptizauit incolas amplius sexaginta, multo etiam plures baptizaturus in reditu, nisi repetitē in morbum incidisset.

5. Cāgoxima.

Quantum obtinet locū Cāgoxima oppidum, quod primū in Iaponē veniens Frācisceus Xauerius appulit, ibiq; primū Iaponij Christiani fieri capti sunt. posita est autem ea regio in meridiē ad alterā procurrētis insulæ cuspidē, gradibus vno & triginta, ab vrbe Būgo passuum ferē ducēta millia: quam item ecclesiam nuper Almeida lustrauit.

Neque

* Neque verò Amangutium omittendum est. ea vrbs magis ad Septemtrionem spectat, abestque Bungo passuū cētum & quinquaginta millia. ea vinea quo minùs annis superioribus inuileretur colereturque, bella prohibuerunt: quàmquā pacatis jam rebus, ex Christianorū litteris (quibus ad copiosam messem in ea loca inuitamur) didicimus constantet eos in fide persistere.

6. *Amangutium.*

Sequitur Meacensis ecclesia, ad alteram huius insule cuspidem. Ex iis locis cum primarius quidam Bonzius mihi per litteras demonstrasset, magno se desiderio teneri legis diuinæ cognoscendæ, sed confecta iam ætate ad me venire non posse, orare se, ut si mihi minùs eò proficisci liceret, quempiam alium mittere: Gaspari Vilelæ Meacū rei Christianæ causa proficiscendi mandata cum litteris ad hominem dedi: sed cum Gaspar mortuū offendit, quē fecit ante obitū dixisse, præclare sibi cognita ac percepta fuisse, quātū ego tū Japonii nostri ad ipsum de Christiana religione perscriperamus, seque è vita ea ipsa fide ac religione discedere. ac Meaci quid actū sit, fusiùs ad vos Vilelæ perscribet.

7. *Meacū*

Bonzius primariū fide Christi discedit è vita.

8. *Sacaiū*

Novissima est omnium ecclesia Sacaiena non longè à Meaco: opulenta vrbs, emporiumque percelebre, suisque Venetorum more legibus vtens, inde ad me cū muneribus litteræ missæ sunt, quibus etiam atque etiam rogabar, ut eò legarem ad promulgandam Dei legem aliquem e nostris, quod mihi cū Sociorum paucitas non permetteret, nullusque mecum esset sacerdos, ad Gasparem scripsi, ut eò se conferret, rei que Christianæ consuleret, quoad subsidium nobis ex India mitteretur. quocirca te per Dominum obsecro, ut operariis saltem sex, aut minimum quatuor inopiæ nostræ subuenias: nam præter has octo iam institutas ecclesias, eiusmodi est in præsentia status rerum Japonicarum, vòminimè dubitè, quin omnes huius regni, atque insulæ partes (modò præcones non desint) Euangelium Christi peruagaturum sit.

Præconiū Euangelii paucitas.

Quod ad Christianorum mores, vitamque pertinet, plura ex litteris Sociorum cognosces. Vnum illud dicam, me tot barbarorum & Christianorum terras emensum, gentē vidisse nunquam aut rectæ rationi, vbi eam cognouerint, æquè obtemperantem, aut ita pietati ac pœnitentiæ dedicatam, planè ut in Confessionis & Eucharistiæ mysteriis obēdis, religiosi Cœnobitæ potius, quàm tyrones ac neophy-

Japoniū laudat.

*Excellenti
pietati &
in fide cō-
stantia.*

ei videatur esse. Iam quanta sit eorum in fide cōstantia, vel ex eo facillè conjici potest, quod cū Firandenses Christiani, vnius tantū susceptæ religionis causa, cū aliis afficerentur iniuriis, tum etiam in exilium pellerentur: multi re familiari neglecta Bungum commigrarunt, paupertatis incommodis Christi Domini caritati postpositis. pietatis verò illud sit argumentum, cū ære campano statis horis datur signum precandi, tanta est omnium in eo genere alacritas, non modò vt viri, femine, & pueri, sed pænè infantes ipsi, qui nondum rationis compotes sunt, nixi genibus illico preces fundāt. Sanè Christianus quidam mihi narravit, cū paucis hisce diebus puellam tenera admodum ætate ad vinum à propola cōmendandū misisset, dum vinum è cupa depromitur, puellā audito salutationis Angelicæ signo, relicta illico lagena genibus positis fixam stetisse, quo ad orationem Dominicam & Angelicam salutationem quinquies recitasset: eamque rem barbaros qui aderant ita admiratos, vt dicerent nullum esse Deum cū Christianorū Deo comparandum, quorum pueri etiam ipsi bonos mores docerent. Iam verò quanti grana, quæ benedicta vocantur, faciāt Christiani, præclarè demonstrant, cū pauca quædam à nostris huc, missa celebrioribus locis publicè posita assiduè precando percurrunt: & si quod est alicuius priuatam, semper de manu in manum traditur, nec quicquam donari gratius his hominibus potest. Proinde vnā cū operariis mitte quas ex iis etiam granis aliquot, quoniam tanto in honore sunt. & noli dubitare, quin vtrunque beneficium melius hîc, quàm apud Malucos aut Brasílicos collocetur. Quod reliquum est, faxit Deus, vt quantum subsidio egeamus, intelligas: tibi que ac nobis omnibus ad ipsum ritè colendū vires impertiat. Vale. Bungo, 7. Idus Octobris, 1561.

ALOISIVS ALMEIDA SO-

CIENTATI IESV.

ANNO superiore cum Ecclesiis Facatæ, Firãdi, aliisque lustratis Būgum ægrorū ex itinere rediissem, vt primū ē morbo conualui, de tota peregrinatione mea feci vos per litteras certiores quas quoniam vobis esse gratas intelligo, pergā ea scribere, quæ quidem in iis locis

locis contingere, in quibus mihi versari ex eo tempore cōtingit: nam cetera ex aliorum litteris cognoscetis.

Firandi erat Christianus quidam quintum circiter & sexagesimum natus annum, scriba Regis intimus, quem ille apud se in honore habebat, libetaliterq; tractabat. is igitur Christianus cū animaduerneret se iam ad vitę exitum appropinquare, susceptas in vita maculas matura cōfessione delere, & (quoniam nullus erat ibi sacerdos) Bungum vel cum Regis offensione periculōque rei familiaris omnino se se conferre constituit. rem itaque cum vxore communi-
*Christia-
ni cuius-
dam illu-
stre factu*
 cat: quę (vt erat pręstanti virtute ac pietatē mulier) consilium vehemēter probauit: illud solōmodo monuit, vt quā occultissimē abiret, ne in se regis iracundiam pronocaret. Quocirca nauem Christianus intempesta nocte conscendens, Bungum iter intendit: cuius discessu postridie cognito Rex, partim quōd eius opera admodum indigeret, partim quōd se inconsulto inuitoq; abisset, iratus, nauigio statim instructo, misit qui hominem persequerentur. Iamq;e magno suo bono à finibus Firandensis regni in Reguli cuiusdam ditionem euaserat, cū superuenientibus qui ad eū capiendum missi erant, Reguli iussu, cui cum Firandensi rege amicitia intercedebat, eodē roge postulātē oppressus, & in custodiam traditus est. Firandi vbi cognitum est illum inuentum fuisse, nec tamen vt rediret vllō modo adduci potuisset: legauit ad eū Rex cognatos ipsius nonnullos, qui ad redeundum hortarentur: sed vxor contrā per litteras ei suasisit à suscepto itinere nequaquam desisteret, bonoq; animo esset, se laborum ipsius periculorumq; breui confortem futuram. Sed videlicet currentem incitabat. Cosmus autem vbi id resciauit, egit cum Rege Būgi, vt Christianum ab Regulo per litteras impetraret: quas qui pertulit litteras, ostendit hominē magna in Deum fide spēque subnixum, de se ipso autem ad eū demissē maleq; sentientē, vt nō modō qui Bangū ad cōfessionē inēolūmis perueniret, sed qui vllō profus beneficio atticeretur à Deo Domino nostro, se prorsus indignū assereret: tantōque in se ipsū odio erat incēsus, vt ad quotidianas verberationes, & precandi assiduitatem, alia quoque voluntaria supplicia adiungeret, tanta cum sui cognitione, vt precibus CHRISTIANI, qui regiam epistolam attulerat, adduci nequiuisset, quicquam vt de instituta vita austeritate remitteret. Denique solutus

solutus Bungum ægre peruenit tanta animi sui cum voluntate, tantaque Deo gratias agens, ut rem verbis assequi nequeam. Cuius aduentus cum ad cetera multa profuit, tum ad Christianorum fidem ac spem in Domino augendam. Eum Cosmus pueris, quos alimus domi, instituendis præfecit, & piis quibusdam libris in Iaponicum transferendis. Magnum apparet in eo precandi studium & caritas, & licet extrema iam ætate, vix vnquam cessantem reperias. Eum Dominus ad finem usque conseruet.

*Vxor eius prima
rui, baptis-
mi benefi-
cio, damo-
ni vexa-
tione liberatur.*

Per idem tempus nobilis quædam mulier primarii ciuis vxor ex familia Regis Bungenfis à dæmone agitata, per campos tanto cum ululatu atque impetu ferebatur, ut à nemine contineri posset. Hanc sibi Cosmus à Christiano quodam insigni viro commendatam ad se perducere, & in cubiculo publici valetudinarii, perpetuis custodibus adhibitis, collocari iussit. Et quoniam in spem venerat mulier, se baptismi beneficio sanitatem esse recepturam, habebatque mentis eius animiq; vexatio dilucida interualla: iis opportunè Cosmus est usus ad eam Christianis præceptis ritè imbuendam. quibus ut satis erudita visa est, in magna Christianorum corona, eam dominico die baptizare constituit. Erat mulier tum sanè quieta, sed cum primum caput salutari aqua perfundi ceptum est, tanta repente vi se commouit, clamoresque edidit ita magnos, ut omnes quotquot aderamur perterrefecerit. Tum Cosmus à quatuor viris apprehensam teneri ad finem usque baptismi imperauit. quo absoluto misera fractis viribus concidens, inter famulorum manus in hospitale cubiculum est relata. Ex eo tempore nullum eiusmodi incommodum aut molestiam hucusque perpessa est. quare & Christianorum fides non mediocriter aucta, & maritus ipsius ita permotus est, ut ab Rege petierit, ut sibi per eum liceret Christiana sacra suscipere: quod ei Rex ita prolixè libenterque permisit, ut diceret gratum sibi fore, si eum reliqua familia imitaretur, itaque baptizatus ipse cum liberis, cognatis, & famulis sanè quàm in virtute proficiunt. Ego interea vires à morbo collegeram. quo circa mensis Octobris initio misit me Cosmus, comite è Christianis domesticis vno, ad templa quinque visenda, variis locis agri Bungenfis commodo Christianorum exstructa. mensem in eo itinere posui, multos baptizavi barbaros. Christianos autem docui, qua ratione templa cœcelebra-

lebrarent, sermonesque inter se de religione sererent, si quando Bungum venire non possent. quasdam etiam areas defixis crucibus Christianorum sepulturæ dicauimus: denique in singulis templis benedictum seu piaculare granū relictum cum codicillo, qui descriptas grani indulgentias contineret. Inde Bungum reuersus, Cāgoximam mēse Decembris profectus sum. profectiois causa fuit Emanuelis Mendozii cum sex Lusitanis aduentus, qui vt per confessionem peccatis sunt absoluti, Cosmum rogant etiam atq; etiam, vt me Cangoximam ad hyemem ibi cum ipsis exigēdam, Christianos visendos, & promulgandum barbaris Euangelium mitteret. id ipsum Regi quoque Cangoximano fore gratissimum, quippe qui magnam eius rei volūtatē scriptis ad Proregem Indiæ litteris, itemque ad Antonium Quadrium eidem prouinciæ pro Societate præpositum, ostendisset. Bungo igitur (vt dicebamus) profecti, gelu & frigoribus maximis quadriduo ad mare peruenimus: cū semper vbi sub vespēram constiteramus, verba de rebus diuinis ad barbaros fecissemus. Inde solutis anchoris inter nauigandum aduerso vento in oppidum sanè frequens coacti descendere, cū spectaculi nouitate permota (nunquam enim Lusitanos antea viderant) magna incolarum vis ad nos conuenisset, per eam occasionem eis Euangelium nuntiaui: quo illi audito, obstupefacti, ad nos audiendos iterum ac tertio rediere, atque vniuersi pænè professi sunt, nisi Reguli metus obstarer, se Christo nomina libenter daturōs, idque eo cum animi dolore sensuque, vt ad misericordiam prouocarent. Dixi me cum Regulo acturum (qui Bungenis Regis est stipendiarius) vt cuilibet Christiano esse impunè liceret, eosque solatus vt potui, ex eo loco discessi. digressu meo lacrymæ nonnullis obortæ, vt si diu mecum vixissent, apud quos non toto biduo fueram. Ex quo facilè iudicare possitis, quanta sit huius gentis ad humanitatem religionemque propensio. Angunem delati, & à Regulo peramanter excepti, vt primū oportū est visum, de rebus diuinis & animorum immortalitate cum eo colloqui cæpimus, multisque sermonibus vltro citroque habitis, cū etiam familiæ partem a cœna ad audiendum accersisset, serā iam nocte ab Rege dimissi, nauarchum quemdam Lusitanum sanè tempestiue conuenimus: cū enim nostra hortatione permotus, concubinā, ex qua duas suscep-

*Barbaro
rū ad Eu-
angelium
cōcursum.*

*Hexandoni
nam prae-
cipi.*

perat filias, iusta cum dote in matrimonio legitimo collo-
casset, paucis post diebus est mortuus. Ex eo portu Tama-
rim tédentibus, ubi Emanuelis Mendozii naus in statione
erat, arx in itinere occurrit Hexandoni viri principis, in e-
dito monte posita, omnium, quas in vita videre me memi-
ni, & loco & opere munitissima. quippe quā decē ferē pro-
pugnacula cingūt, inter se nō nisi ponte subductili peruia,
magnōq; interuallo distantia, fossis ita profundis, vt despi-
cientium oculis altitudo caliginem offundat, perpetuo (vt
aiunt) silice ferramētis exciso: quod equidē vix hominū ma-
nu fieri potuisse crediderim. ibi cū Hexandoni vxorem, &
quatuordecim præterea Christianos multis iam annis Frā-
ciscus Xauerius fecisset, mihi faciendum existimaui, vt me
ad eos consolandos confirmandosque conferrem. qui me
omnes, sed vxor præsertim Hexandoni, amicissimē acce-
ptum multa tum de Francisco Xeuerio, tum de Bungeni,
Meacensi, ceterisque in Iapone constitutis ecclesiis per-
contati, feliciq; ipsarum progressu valde lætati sunt: me
autem idcirco etiam libentiū viderunt, quod iam diu nē-
minem omnino ex Societate nostra conspexerāt. quo toto
temporis interuallo eos in Christiana fide partim senis cu-
iusdā Christiani honorati viri velut magistri familiæ stu-
dio, partim etiam quibusdā miraculis diuina prouidentia
retinuerat. Relictum sibi libellū descriptis Xauerii manu
Litaniis, aliisque precandi formulis, æquē ac sacras reli-
quias pia mulier admodum religiosē custodiebat, expertæ
virtutis remedium. Etenim ægrotos complures, in iis He-
xandonum iam desperatum, corporibus ipsorum imposi-
tus libellus ille sanauerat. Nec minore cura senex traditum
sibi ab eodem seruabat flagellum, quo singuli Christiani
interdum (nec enim sæpius permittebat senex, veritus ne
vsu nimio attritum flagellum absumeretur) sese cedere cō-
sueuerant, quod eam rem non solum animis, verū etiam
corporibus suis prodesse diuinitus intelligerēt. itaque mu-
lier ipsa quam diximus, morbo grauissimo implicita, cū
varia medicamenta frustra tentasset, ad ipsum flagellū po-
stremō confugiens, Francisci Xauerii, vt putandū est, mē-
ritis continuō in pristinam valerudinem est restituta. cum
omnibus igitur de re diuina familiariter colloquutus, ara
etiam excitata cum sacratissimæ Virginis imagine admo-
dum eleganti, quam eō mecum attuleram, pueris nouem,

in iis

*Libellus,
Xauerii
manu de-
scriptus,
expertæ
virtutis
remediū.*

In his duobus Hexandoni filiis, baptismo instructis; (quos
 iam sonus ille Christianis rudimentis imbuerat) incredibi-
 li eum eorum metore postridie manè discessi cōmencatū ab
 ipse affectus instructus, atque pollicitus me in reditu quin-
 decim dies apud ipsos commemoraturum. Cangoximam si-
 mul æque peruenimus, Regem adiui confestim, eoque col-
 laudato quod Euangelium in suo regno promulgari cape-
 ret, cuiusque præterea verbis habitis, petii, ut liceret mihi
 in præsentia Tamarim usque ad Lusitanorum stationem
 excurrere. quod ille cum permississet ea tamen conditione,
 ut auum ipsius ex itinere inuiserem; Tamarim tridui itine-
 re, diuercentes ad Regis auum, ire perreximus, maxima ni-
 uium copia, quæ aciem oculorum retunderet, viaque te-
 rrestima, oculcis passim occurrentibus foueis, è quibus
 iumenta sese ægre admodum expedirent. In eo igitur por-
 tu, ægrotis primū curatis, quorum ingens erat numerus,
 partim sæuitia frigorum, partim etiam cibariorum inopia:
 deinde barbaris nouem, qui id ipsum à me diu multum-
 que contenderant, baptizatis: certo præterea nauis loco,
 ad seminarum tutelam de Iaponiis cōemptarum (quas illi
 ex ora Sinarum adueherant) custodibus binis appositis:
 denique communi cōsilio indicta pecuniaria multa, si quis
 temere iusturandum vsurpasset; (latè enim patebat hoc vi-
 tium) Cangoximam rediit, & conciones ad Christianos ha-
 bere institui, nam ethnici veriti Bonziorum offensionem,
 ad nos venire non audebant: quod ego cum animaduer-
 vissem, capì cōsiliū familiaritatis, si quo modo possem,
 atque amicitie cum Bonziis incundæ, quo deinde populus
 ad nos maiore cum fiducia ventitaret. Erat in eo ordine vir
 quidam insignis, magnæ etiam ante id sacerdotium existi-
 matione, tū verò & Regis ipsius consiliarius, & amplis cœ-
 nobiis tribus summa cū potestate præpositus. Hunc igitur
 adiit, collirio ad oculos curados, quibus ipse laborabat, al-
 lato, atque ille meo sanè quam lætatus aduentu, sibi valde
 optatū fuisse dicebat, quæ Xauerus disputaret, cognoscere,
 sed interpretè defuisse: Inde me multa de summo rerū opi-
 sce, de immoralitate animorum, de tempestarū varietate,
 terræ tremoribus, pluuiis, aliisque rebus huiusmodi inter-
 rogans, magna sua cū voluptate totā eam noctem apud se
 detinuit. Quibus ille sermonibus captus, cum ad me sepe,
 alio item Bonzio comite, ego vicissim ad illum familiariter
 veni-

Hexando-
 ni filii
 baptizati
 sunt.

Rex Can-
 goxima-
 rum.

Tamarim
 portum.

venturam, cumque doctrinam nostram, cum apud alios
tum apud Regē ipsum ita collaudasset, ut Rex Xipona (hoc
est sanctam rem) publicè responderet, vel eo Regis testimo-
nio, vel confirmata atque illustrata mea oratione con-
suetudine animari barbari ad nos audientes venire cerneretur.
Ex quibus multos Deo adiuuante ad Christum adiuvi-
mus. In numero fuerunt primarii duo Regis, & eius cognati,
quos catechismo institutos unā cum uxoribus & parte fa-
milie (triginta quinque in uniuersum fuerunt) baptizauimus,
quorum deinde omnium opus ac studio sacrum Deo Dominum
templum exstructum est.

*Duo regis
cognati
primarii
cū uxori-
bus &
parte fa-
milie ad
Christū
adiun-
guntur.*

Rebus ita constitutis, per Christianum nuntium in arcem
Hexandoni magnis precibus accersitus, optimis cum Chri-
stianorum; tum etiam ethnicorum studiis me magnopere
expectantium deesse non potui: e quibus circiter quique
primarij audito aliquoties Evangelio in ecclesiam adscri-
pti sunt, in iis quidam adeo excellenti ingenio, ut in comē-
tariū relatis iis, quæ de me didicerat, librum confecerit:
exorsus ab ipso mundi initio, ad vsque Christi Domini no-
stri in terras aduentū: eius præcipuè cruciaribus singillatim
enumeratis, quæ ipsius lubricatio & hominibus illis, & aliis
etiam populis; ad quos eam ego ipse deinde circūtuli, ma-
iorem in modum profuit. Idem iussus à me Japonica qua-
dam scripta de Christiana religione describere, mandatum
ita audè arripuit, ut opus vniuersū (omnino chartis, quin-
que & quinquaginta constabat) vnius dimidiarijque dici-
spatii absoluerit. Hunc ego, & Hexandoni filium natu-
maximum, quem Xauortus baptizauerat, docendis in tem-
plo ceteris Christianis præfeci, regulā præscripta, quam in
commemore obeundo tenerent, quam quidem in rem, ut
quibus oriant suppetit, diligenter incumbunt, præsertim
verò librarius ille, quem dixi, qui quidem Christianis le-
ctionibus & commentationibus mirificè delectatur, sequē-
tium librorum, quem à me descripsit, in lucum abdens, quæque
legit ex eo secum identidem reputans, rāta voluptate per-
funditur, quod ad hanc Dei rerumque celestium cognitio-
nem peruenierit, ut lacrimas præ gaudio continere nō pos-
sit. Ipse in Christianorum cœtu post Litanias publicè de-
cantātas interrogatus à me quidnam esset facturus, si Rex
ei diceret, Christiana sacra fac deferas, quoniam ex meis
populatis es, meisque sumptibus victitas: responsurū se
dixit

*Extima
pietas cū
iusdam
neophyti.*

dixit illico: Here, vis ne me in te sine fūco ac simulatione beneuolum? in te tua familiari procuranda fidelem? vis me submissum? vis perferentem iniuriarum? vis denique in omnes elementem ac benignum? iube me esse Christianum. hasce enim virtutes omnes vna religio Christiana completitur. Ac ceterorum quoque Christianorum (ad quorum numerum ibidem alij septuaginta per eos dies accessere) egregia pietas, assiduum præcandi studium, mirus inter se amor atque concordia cernitur. vna tantum res ipsorum animos vehementer angebat, quod Hexandonus communium meritorum ecclesiæ expers tam diu in Iaponica superstitione persisteret. pro cuius cōuersione cum preces ad Deum lacrymæque (vxor ipsius præsertim) quotidie funderent: tum ego vxoris rogatu hominem adij, & ex eo quæsiui, cur veritatem sæpe iam cognitam depositis Iaponiorum erroribus sequi negligeret. Tum ille Deum testatus, Christianam religionem sibi planè probari, secus permisurum se nequaquam fuisse, vt eam familia sua tota susceperet: vna re, quo minùs eos imitaretur, impediri se dixit, quod vereretur, ne grauiùs animum Regis offenderet: sperare se Deo propitio fore aliquando, vt Rege ipso libente Christum, quem intimis sensibus adorabat, palam ac libere profiteri posset. quo illius responso Christiani valde lætati sunt. Ex eo loco rursus ad Cangoximanos reuersus, Cosmi litteris per Christianum Bungensem ad me perlatis eo cōsilio sum reuocatus, vt ad Regem Icoxiuræ proficisceretur, qui nos in suum regnum liberalissimis conditionibus inuitauerat: cum præter alia multa & Lusitanis omnibus in eum portum commeantibus, quiq; cum ipsis negotia contraherent, in decennium ab omni portorio immunitatem se daturum esse promississet, & quicquid circa est agri ad passuum octoginta millia Cosmo obtulisset, vt intra eos fines ethnicus nemo ipsius iniussu habitare posset. Cangoximæ igitur institutis qui Christianorum cœtu, in templum statim diebus aduocato, doctorum vice ac munere fungerentur, baptizatisque iis, qui iam ad id sacramentum idonei videbantur, ceteros quibus potui verbis sum cōsolatus: duos præsertim Bonzios illòs, de quibus dixi, quos in discessu meo perquam studiose Christo nomina profitentes in aliud tempus idcirco reieci, quod à curandis Iaponico ritu Regis procerumq; funeribus, nulla ratione se posse desistere

*Hexandonus me-
tus Re-
gis à ba-
ptismo
retardat.*

*Rex Ico-
xiuræ.*

stere dicerent, eaque re Christiana sacra, quæ ipsi apud se
 taciti colerent, minimè pollutum iri arbitrantur. deniq;
 à Christianis vario cōmeatu peramanter instructus, & ma-
 gna cum doloris amorisq; significatione dimissus, ad arcē
 Hexandoni (quæ ab oppido Cangoxima passuum abest de-
 cem & octo millia) dum navis paratur, biduum subitari. at-
 que inde incredibili Christianorum dolore ac gemitu, ipsis
 etiam ex arce summa feminis ad mare me deducen-
 tibus, & quasi in eo salus omnium verteretur, ita me ut celeriter
 ad se redirem enixè rogantibus, conscendi, & decimo septi-
 mo die Bungum magna nostrorum gratulatione perueni.
 atque inde tertio Nonas Quintiles Icoxiuram, qui locus
 ultra Firadum est quatuor & viginti passuum millibus, dis-
 cessi. quò ut perueni, salutatis ex itinere Facatensibus, (qui
 cum initio diu multumque Euangelio restitissent, bellis
 deinde perdomiti ac velut subacti, diuinum semen libètiùs
 acceperunt, bonamque in primis virtutum frugem tuler-
 unt) Regem Icoxiuræ primùm adij, qui me honorificè sa-
 nè bis conuiuio excepit. deinde cum eius ministro, qui
 Regis ipsius nomine ad Cosmum litteras dederat, de re
 communi agere institui. cumque ille quædam ex iis, quæ
 per epistolam nobis ultro detulerat, reuocaret, faciendum
 mihi existimaui, ut ad Cosmum scriberem, eique totam
 rem integram reseruarem. Ad portum igitur reuersus, dum
 in Christianos ex instituto adiuuandos incumbo, Firando
 nuntij perferuntur, quanto cum rei Christianæ adiumento
 Damianus Iaponius familiaris noster, excellenti pietate
 viranteque iuuenis, qui nuper Facatensibus quoque sum-
 ma cum omnium admiratione operam nauarat egregiam,
 in eo oppido versaretur. nec ita multo post quædam parā-
 ribus nobis, quæ ad Cosmum mitteretur, ecce tibi repen-
 tē affertur ipsum adesse Cosmum. Primò incredibilis visa
 res: ea Cosmi ætas, ac valetudo, ea difficultas itinerum est,
 sed ubi iam ad portum applicuit, quanto gaudio affecti si-
 mus, facilius est vobis existimare, quàm mihi scribere. is me
 confestim ad Regem legauit, ut cum eo rem omnino trāsi-
 gerem. quod ego cū fecissem ablatiis etiam syngraphis, Bū-
 gum ipsius Cosmi iussu ad epulas in edibus nostris (id enim
 semel in anno solenne est) Regi Bungenfi parandas excur-
 ri: quo secū ille filiū hæredem regni futurum meo rogatu
 cum proceribus duxit. Cumque in eo conuiuio candida-
 ti pue-

*Damia-
 nus Ia-
 ponius.*

ti pueri nostri domestici quatuor magna cum omnium delectatione fidibus canerent, Regis filius mensa relicta sese ad æquales suos hilariter ac festiuè recepit. puer ille quidem, ac pænè potiùs infans, (annum quippe agit quintum) sed in quo sensus animi ac ratio longè præcurrat ætatem. Bungo rursus Icoxiuram reuersus, qui locus à Christianis incolitur, habetque in monte summo Crucem, quæ eminens valde conspicitur, à Petro Barreto Nauarcho Lusitano defixam, quod eodem loco tribus deinceps diebus sub vesperam inspectante se, aliisque compluribus, sublime in aère signum Crucis apparuisset: Cosmum sanctissimis (vt solet) occupationibus districtum offendi. Tanti ad eum confessionis & Eucharistiæ causâ cōcursus vndique Christianorum fiebant, vt omnis perturbationis vitandæ causâ, tricenarij per vices ordine sibi succedere iuberentur. quorum erat ita magna in Cosmum obseruantia ac veneratio, vt coram eo oculos attollere non auderent: tanta religio ac pietas, vt in sacris mysteriis obeundis, ac præsertim in corpore Christi sumendo, copiam lacrymarum effunderent: ea denique animi virtus, ac probitas morum, vt barbari ipsi Christianorum vitæ admiratione sese colligeret, & seueriorem vltro disciplinam induerent. Per eos dies Facatensem Præfectus nauigium cum hominibus ferè triginta ad Cosmum misit rogatum, vt quoniam tres è militibus suis in prælio sclopis icti grauiter ægrotarent, opem illis ferre ne grauaretur. Fecit Cosmus, vt Facatam è domesticis nostris adolescentem Iaponium mitteret chirurgiæ laude præstantem, qui non modò vulnera extractis artificiosè glandibus mira felicitate sanauit, sed etiam oblatam sibi mercedis loco magnam argenti vim, stupentibus barbaris, constanti animo excelsoque repudiavit. Qua re commotus Præfectus, vt nos aliqua ratione remuneraretur, immunitati nostræ toto suæ ditionis imperio, qua sepe nobis iter habendum intelligebat, publicis diplomatibus cauit.

Restat vt epistolam hanc eximix indolis adolescentuli commemoratione concludam: in quem cum omnia & animi & corporis bona quasi secum ipsa certans natura cōgesserit: tum etiam dona accessere cælestia, quæ singulare pueri ingeniū, memoriā, oris corporisque totius dignitatē ac speciem multo admirabiliorem efficeret, tanta enim in

*Signum
crucis
tribus
diebus
apparet
in aère.*

*Adole-
scentuli
cuiusdā
egregia
dona
facta.*

eo castitas ac sanctimonia cernitur, vt octauo quoque die post confessionem ritè peractam cœlestæ Eucharistiæ conuiuium non sine lacrymis inear: tanta verò animi submissio & humilitas, (cùm illustri admodum loco sit natus) vt Bûgum ad eam inuisendam ecclesiam à Gâspare missus ex vrbe Sacai, bona cum parētum venia, quos puer precibus expugnauerat, eò simul atque peruenit, vt scilicet vnus è Christianorum grege videretur, non modò comam sibi totonderit, quod in Iapone valde inusitatum est, verùm etiā omni delicatiore cultu ornatuque abdicato, de contemnendo seculo publicè disputare instituerit. Idem in patriā à parētibus reuocatus, Icoxiuram, vt inde Sacaium renauigaret, à Cosmo perductus est. quem aiunt ex itinere in vrbe Firando apud vxorem Antonij viri principis eiusque ancillas, cùm se per id tempus ad sacram confessionem pararent, de pœnitentia sanè opportunè verba fecisse. quam ille Christianæ Philosophiæ partem iam antea sapius à se tractatam callet egregiè. Huiusmodi pueri sunt, (fratres mihi carissimi) quorum opera faces amoris diuini Deo adspirante Iaponiorum cordibus iniectum iri speramus: atque ob id ipsum apud nos delectam eorum manum Societatis nostræ præceptis atque institutis imbuimus. Interea Socios omnes nostros per Iesum Christum obtestor, ab eo precibus impetrent, vt me vitam ponere in ipsius obsequio ac famulatu concedat. ex Iapone, octauo Kal. Nouēb. 1562.

ALOISIVS FROES SOCIETATI IESV IN INDIAM ET IN EVROPAM.

E Maximis nauigationis periculis summo Dei ac Domini nostri beneficio liberati, ex ora Sinarum incolumes in hunc Iaponis portum deuenimus, quem Icoxiuram appellant, obuiosque habuimus in littore Christianos incolas omnes tanta ex aduentu nostra voluptate ac lætitia gestientes, vt nos humeris ipsimet suis sublimes tollere atque asportare velle viderentur. quorum ducenti circiter nos ad templū vsque deduxerunt. Cosmi verò Turiani gaudium fuit ita magnum, vt collactymaretur; satiscque se vixisse iam diceret, quoniam quidem operarios sibi in subsidium missos à Domino in tanta negotiorum mole, tamque opportuno tempore cerneret. Ioannem autē Ferdinandum

diuandum è magnis assiduisque laboribus ita consumptū
 macieque confectum offendimus, vt animam agere panē
 videretur. Etenim ad domesticas quidem & quotidianas
 Cosmi occupationes, principū etiam virorum, & Christia-
 norū tum ex aliis regionibus tum ex hoc regno vel bap-
 tizandi vel salutandi causa ad eum venientium, frequentia
 atque celebritas accedebat: Ioannes autem, post sacra mis-
 sã à Cosmo peracta, totum ferè diem & saepe noctem par-
 tim rudimentis Christianæ doctrinæ vulgo tradendis, par-
 tim etiam proceribus Bonzijs, qui ad baptismum accede-
 rent, separatim instituendis ponebat. Mihi verò baptizan-
 di onus impositum est: ac nono post nostrum aduentū die
 primū sexaginta baptismo lustrati sunt, multiq̃ue dein-
 ceptis, ex prima nobilitate, Bartholomei regis maximè hor-
 ratu ac persuasionibus incitati: quorum plerique catechis-
 mum sua manu continuò describebāt, quo facilius memo-
 riæ commendarent, eundemq̃ue domesticis traderent. sin-
 gulis autem, à baptismo, sanè quàm enixè ac studiose pe-
 tentibus, Crucis sigillum è collo gestandum, itēq̃ue Ro-
 sariū precandi causa dabatur.

60 *Bapti-
 zati &
 multis ex
 prima
 nobilita-
 te baptis-
 mo lu-
 strantur.*

Firandi autem simul atque Sodales ex India aduenisse
 auditum est, Antonius & vxor ipsius Elisabetha misso con-
 festim nuntio Cosmum magnopere obsecrarunt, vt quo-
 niam tres è nostris in hoc portu sacerdotes essent, vnum ex
 ijs ad Firandensem ceterasque eius tractus ecclesias inui-
 sendas omnino mitteret. quod si per litteras ab ipso nō im-
 petrassent, duos è filiis suis ab se legatum iri, qui id ipsum
 humistrati supplices peterent. Neque ita multo post ab vr-
 bis Ximabaræ Tono, (honoris ac præfecturæ nomen id
 est) qua in vrbe CHRISTIANI eo tempore plus mille
 & quingenti numerabantur, nobilis vir cum mandatis ad
 eundem Cosmum est missus, vt ab eo promissa exigeret.
 promiserat enim Cosmus, simul atque supplementum ex
 India aduenisset, missurum se qui Ximabaræ commora-
 retur. Eadem erant postulata Regis quoque Bungenis,
 qua in vrbe annum iam sacra missã facta non fuerant. Ac
 Bungum quidem, quod eius Regis gratia ad rem CHRISTI-
 ANA M iuuandam in primis est necessaria, Baptista
 paucis post diebus profectus amicissimeq̃ue ab ipso Rege
 acceptus est. Antonio autem Firaudensi itēq̃ue Tono Xi-
 mabarano Cosmus respondit, simul atq; per occupationes

*In vrbe
 Ximaba-
 ra Chri-
 stiani
 plus
 1500.*

liceret, se ipsum ad illos esse venturum. Christiani verò, quique insulas quique Firandum oppidum incolunt, vbi rescire nos piaculars orbiculos seu grana benedicta ex India itemque veronicas attulisse, multi cum vniuersa familia, ii que admodum pauperes, conductis mercede nauigiis, ad huc portum traiecere. interrogati cuius rei causa, nullius præterea, respondebant, nisi vnius petendæ Veronicæ. nam qui orbiculum optabant, octo diebus antè, supplicationes ad Deum habebant, quo facilius impetrarent: atque etiam, cum sibimet ipsi diffiderent, Lusitanis apud nos deprecatoribus utebantur: ea que dona quam sibi grata essent, ipsis etiam lacrymis testabantur. Iam verò alij Christiani Amangutio, quinquaginta aut sexaginta leucarum itinere, alij Facata, alij denique aliis è regionibus ad nos huc vsque confessionis causa contenderunt. quorum sanè religio caritasque est admirabilis. Per idem tempus Bartholomeus quoque Rex ad Cosmum inuisendum in hæc loca se contulit: quem continuò adiuvimus, ei que xenia dedimus rosarium ex equo marino itemque granum benedictum vnum auro insertum. quæ ille quanti faceret, vel ex eo ostendit, quod verumque statim è cervice suspendit. cuius aduentus magna Lusitanorum quoque gratulatione (namque illum omnes admodum diligunt) concelebratus est. Regis autem ipsius animi submissio ac pietas cum sacro missæ interesset potissimum elucebat. Etenim cum in templum quotidie manè multo ante lucem veniret, (maximam enim noctis partem ferè Iaponij proceres vigilant) non modò sacerdotem ad statam horam vsque præstolabatur, sed etiam plebem infamam aduentu suo summoueri planè vetabat, vix que parato sibi honoris causa stragulo ad considendum utebatur: prorsus, vt quilibet vnus è populo videretur esse. Sermones verò de rebus diuinis ita auidè expetebat, vt sacro quandoque peracto, antè recitatum à pueris de more catechismum templo nequaquam excederet. idemque vt quædã sacræ missæ & Eucharistiæ mysteria probè cognosceret, accersitum ad se eius rei gratia nocte Ioannem Ferdinandum surma sua cum animi voluptate panè ad lucem detinuit, multa percontans, quæ sibi partim ad comites suos docendos, partim ad Bonzios refutandos, esse necessaria diceret, quæ ille & simul purgatorij ignis inferni que supplicij discriminè à Ioanne quididicif-

*Admirabilem
monophytorum
in Deum
caritas.*

*Regis
Bartholomei
pietas
ac animi
submissio.*

didicisset, ad Cosmum salutaturn accessit, cui id honoris etiam habebat, ut in ædium ingressu pugionem ceteraque arma deponeret. Paucis diebus in his locis moratus, ad subsidium fratri suo, germano Rimanorum Regi ferendum, *Rimanorum Rex.* qui bello erat implicitus, proficisci coactus est. & quoniam cõsuerent Iaponii principes Manibus mortuorum decem-dialia ferè sacra, non sine magna Bonziorum præda saginæque, persolvere: Bartholomeus rex patre suo per eos dies adoptiuo vita functo, re cum Cosmo communicata, pro exequiis illis, Bonziorumque conuiuiis, totidem dierum epulum sex pauperum millibus præbere constituit: partim *Sex pauperum millibus epulum præbet Rex.* ut sibi ipsi, quoniam impio patri non poterat, diuinam gratiam conciliaret: partim etiam, ne post Christiana sacra suscepta, pristinae benignitatis atque clementiæ oblitus esse videretur. Idem, in rebus diuinis multo plura præstare quam polliceri solitus, simul atque Vmbram regiam urbem regressus est, demortui Regis imaginem, quam odoramētis suffire veneratq; solebat antea, igne comburi iussit: quod *Umbræ regis urbs.* à Bonziis ingens piaculum est habitum. cumque ex itinere ad oppidum Muram se contulisset, ubi erat eo tempore vxor ipsius Regina: multis ei rationibus persuasit, ut vnâ *Regina, ut cum omni familia baptizari decerneret.* cum omni famularum comitatu baptizari decerneret. quæ res eo mirabilior visa est, quòd ea Regem ab eodem consilio antea reuocare tentauerat. simul etiam Rex templum *ptizari decernat, persuadet.* ibidem magnificè adificare constituit, Bonziis ad eam rem è cernobio quodam adeque pulsis. quapropter etiam Aloisium præstanti virtute virum, regis urbis præfecti fratrem, sibi in primis familiarem, ad Cosmum cum mandatis misit. quibus rebus ita permoti barbari, impellente dæmone, Regi ipsi insidias compararunt. Capita coniurationis suere duodecim viri urbis administrationi prepositi. ii ad rem occultandam, Regem, quæ fallendum, *CHRISTIANO* fieri velle se simulant. quos tamen Rex, quasi eorum scelus præfagiret, diu multumque ante baptismum probari iussit. Et quoniam Gotondonus spurius regis demortui filius, Bartholomeo in legitimi filii locum ab Rege ac Regina adoptato, hæreditario iure regnoque priuatus fuerat, Gotondonum coniurati, cum alio quodam è proceribus facinoroso homine Feribo, in societatem consilii assumunt. omnes denique Bartholomeum hortantur, ut regni possessionem cum pōpa solemniter aliquando capiat, & simul

simul Regina baptismum ac ceterorum. Cosmo accersito quanta maxima possit cæremonia & ciuium gratulatione concelebrat. nâque eo ipso die statutum facinus perpetrare decreuerant. Sed veriti mox ne ipsorum consilia patescerent, rē aggredi antevertunt. Aloisium regis internuntium vltro citroque ad Cosmum rei Christianæ causâ commeantrē Feribus in itinere adortus interimit, cuius in comitatu ne Cosmus esset, diuinitus factum est: premisso quippe ad Kegem Alexandro, Aloisium subsequi deinde ipse decreuerat. Eadem ipsa nocte 12 viri regis ædibus vrbique incendium inferunt, ex quo Rex cum prefecto vrbis Aloisij fratre, paucisque præterea comitibus, in arcem proximam confugiens, haud ita multo post Rimanorum Regis auxiliis regnum propè vniuersum ingenti Christianorum gaudio recepit, misitque Cosmo nuntiatum se Icoxiuram, cum primum posset, ad ipsum inuisendum esse venturum. Interca Gotodonum & Feribum aliósq; rebelles variis locis Rex Rimanorum obsidebat, eorumque agros ita vastabat, vt ex hoc ipso portu incendia cernerentur. multi etiam seditiosi, Regis imperio, capite plecebantur, quam rem ad Christianæ religionis progationem magni momenti fore confidimus. Sed paucis mihi perstringendū videtur, quanā ratione Bartholomeus Rex sese ad Christum adiunxerit. Is claro in primis genere natus, Cegandono patre admodum senesce (qui viuit adhuc) acerrimo & Bonziorū fauore, & Christianæ religionis inimico; ab Rege vt dicebamus adoptatus est, (quem arcta affinitate contingebat) populo magistratibusque approbantibus. Aliquot deinde post annis, Cosmus cum Icoxiuram se contulisset, Rex ad eum salutandū incunte quadragesima venit, quem antea nunquā viderat. Ad ipsum verò postridie Cosmus Lusitanis nonnullis comitantibus, qui in hoc portu hyemabant, honoris causâ adiit, cumque in ades nostras ita posterū diem ad prandium inuitauit. A prandio Cosmus partim suo ipse sermone, partim Ioannis Ferdinandi, qui bene Iaponicè nouit, opera, cum alia multa Rege de rebus diuinis edocuit, tum de animorū æternitate, in scitiq; & errore illorū, qui nihil esse omnino præter materiā primā opinarentur, habita est hac disputatio in sacello quodam optimè ornato, proposita MARIAE virginis sacratissimæ imagine cum filio IESU, cuius ille tabulæ cum cetero aspectu mirificè gaudebat,

cum

*Seditiosi
multan-
tur, & in
regnum
Rex resti-
tuitur.*

*Quarta-
tione Bar-
tholome-
us Rex sese
ad Chri-
stum ad-
iunxerit.*

tum stupebat in primis, quòd quamcumque se in partē verteret, defixos in ipsum oculos puer IESVS habere videretur. Atque ille quidem omnia quæ dicebantur clarè percepit. in digressu autem Cosmus ventilabrum aureum Regi donauit, cruce præfixum cum clauis tribus, & nomine IESV eleganter sanè descripto. quod ventilabrum Gaspar Vilela ex vrbe Meaco miserat. cuius argumenti litterarumq; nouitate permotus Rex, vt ea omnia per otium cognosceret, rursus ad nos cum magno comitatu se contulit, ceterisque in atrio relictis, vno Aloisio secum adhibito, templum ingreditur, ibique rursus de sacris fidei Christianæ dogmatibus, deque sanctissimi nominis IESV crucisque mysteriis atque virtutibus, Regis ipsius rogatu, Ioannes admodum fuisse copioseque disseruit. è quibus multa Rex sua ipsè manu in commentarium retulit. ex eò die, aureæ crucis sigillo munitus, quod secum de Cosmi sententia gestabat assidue, se identidem IESV Christo commendans, crebrisque Cosmi cohortationibus incitatus, denique nomē Christo Domino dare constituit. Noctē igitur domum ad nos cum suis familiaribus venit, piis de religione sermonibus ad inquirentem vsque lucem aures præbet, quibus Cosmi iudiciū iam satis institutis, sacro baptismate ab eodē lustratus est, manibus in modum precantis magna cū submissionis pietatisque significatione cōiunctis, comitum suorum ex præcipua nobilitate corona circumdatus, quī pariter eius consuetudine monitisque adducti in eandem baptismi voluntatem vehementer incubuerant. Xumiranda appellabatur antea: ex eò tempore Bartholomeus nouo nomine vocatus est. Inde ad bellū discessit, Cosmum obrestatus, vt pro sua suorumque salute ac felici vxoris partu Dominum precaretur. Porro in itinere Marissensis delubrum, quem Deū rei militari præpositum Iaponiū magno cultu ceremoniæque venerantui, iniecto igne consumpsit, eodemque loco signum Crucis erexit, quod ipse & vniuersus ipsius comitatus supplices adorarunt. In castra verò simul atque peruentum est, misit qui toto regno Deorum fana comburent. Ex ipsis verò lucis materiam carduam gratis ad naves parandas ac reficiendas Lusitanis attribuit. Quin etiam in castris, quicquid à bellicis occupationibus otii superest, id totum nocte diēque in militibus ad Christianam pietatem informandis infumit, quos paulatim ad nos, quo res minùs

Marissensis delubrum Rex igne consumit.

*Insignia
Regu.*

inuidiosa apud ethnicos ac Bonzios sit, baptismi causa dimittit. Eiusdem in bello insignia sunt nomen IESU cum clavis tribus in humerali depictum, crux è collo dependens, granumque benedictum in baltheo. Denique tanto rei Christianæ studio incensus est, ut neminem intra insulæ huius fines habitare patiatur, quin concionibus sacris interfit. Christianos verò contra omnium, etiam parætis Cegandoni iniurias ac vim tuetur egregiè. & quoniam Rex est splendore atque autoritate conspicuus, magnopere, ut dixi, fore speramus rebus pacatis, ut Euangelium ipso adiutore Dominus longè latèque disseminet. Vos ego etiam atque etiam oro, ut sacrosancta sacrificia vestra, piisque suffragationes mihi deesse ne patiamini. Icoxiura, 18. Kal. Decemb. 1563.

ALOISIUS ALMEIDA SOCIETATI
IESU IN INDIAM.

EXponam his litteris, fratres mihi carissimi, quam ratione Rimanum in regnum urbemque Ximabaram nuper inducta Christiana religio fuerit. Ac portus quidem hic seu emporium Icoxiuræ, quod commutato iam nomine Mariæ Virginis adiutricis vocatur, compluribus Facata, Firando, Meaco, aliisque ex oppidis huc ad Cosmum Christianæ doctrinæ causa commigrantibus, ita frequenter habitari ceptum est, ut ecclesiam hanc regionis huiusce totius caput aliquando fore speremus. Bartholomeo etiam rege vnà cum ipso flore nobilitatis haud ita pridem ad fidelium numerum aggregato. Eius autem frater Bartholomei monitis precibusque sapius excitatus, ut à Iaponicæ superstitionis erroribus ad rectam veritatis Euangelicæ semitam se traduci pateretur, à Cosmo magnopere petiit, ut aliquem ad se instituendum in castra (bellum enim per id tempus gerebat) omnino mitteret. Missus ego sum, benignèq; ab eo acceptus, nocturno tempore, quod à negotiis magis erat vacuum, de rebus diuinis ad Regem diu multumque dixi, quod ipsum deinde per alias occasiones alibi cum ipsius rogatu fecissem, iis sermonibus admodum delectatus permotusque Rex, certis de causis Christiana sacra ipsemet in præsentia suscipere superfedit, sed duas mihi dedit epistolæ, alteram ad Cosmum, cui potestatem per eas litteras

litteras faciebat Euangelii toto suo regno libere promulgâdi, alteram ad incolas oppidi maritimi Cocinoci, in qua erat scriptum, vt ad audiendum Euangelium ad me conuenirent. ad quos me qui perduceret vnum ex amicis ac familiaribus mihi comitem dedit: quo sanè breui peruenimus, hospitique excepti ab vrbis Præfecto, verbum DEI disseminare instituimus. Nec sanè frustra. erenim baptizati sunt quinquaginta supra ducentos, in quibus fuit cum vxore ac liberis ipse, ad quem diuerteramus, vrbis præfectus. Deinde cùm in ædes regias in primis instructas loci maiestate detriti timidiùs incolæ ad nos & ipsi venirent, & filios mitterent, veriti, ne ab iis ædium ornatus & catastromata fœdarètur: vbi id animaduerti, egi cum Præfecto de aliis edibus, populi docendi causa, comparandis, ille mihi sanè liberaliter omnium, quotquot essent in oppido, dedit optionem. delectum est ædificium quoddam per amplum, sed magna ex parte dirutum, secus aream, quâ nobis Rex templo ædificando attribuerat. Operæ centum ad ruinas instaurandas, ædémque sacram exstruendam, Præfecti imperio ex censu ciuium exhibite, opus vtrumque celeriter absoluerunt. Tum verò liberiùs ad Christianæ doctrinæ rudimenta sacrâsque conciones pueri senesque sese conferre: è quibus deinceps non ita multo tempotis spatio centum & septuaginta baptismo lustrati sunt. designatum est etiam Christianis humandis prope ædem sacram cruce defixa per amplum soli spatium, quò primùm illati sunt infantes duo tertium circiter annum agentes, quos Dominus pro salute harum gètium deprecatores in cælum ascivit. Secuta deinde est in Bartholomeum regem cõiuratio, bellicique tumultus, quibus tamen oppidani commoti, atque a Bonziorum fautoribus potentibus viris ad Christianam religionem deferendam sollicitati sunt, Cruce etiâ ipsa contumeliosè diffraclata: ipsi tamen in fide fortiter perfliterunt. quod egomet deinde ex eorum sermonibus clare perspexi, cùm ad eum portum per id tempus naui accessissem: cū enim, ab hostibus Christianæ religionis vrbe occupata, publico edicto nos intromittere vetarentur, ad stationem nostram sera admodum nocte parato nauigio frequentes venerunt, se diligenter excusantes, quòd nos excipere hospitio sibi per aduersarios non liceret, pietatem tamen suam atque constantiam verbis testâtes huiusmodi:

Christiana

*Præfectus
urbis Co-
cinoci cū
250. bap-
tizatur.*

*Neophy-
torū con-
stantia.*

Christiana religione deferra, quam porro sectabimur? in difficultatibus nostris atque periculis ad quem confugiemus? an ad lignea siue lapidea simulachra, quæ huc usque coluimus? quis insitam vnius Dei, caritatem ex animis nostris euellet? Quibus ego verbis maiorem in modum recreatus, eosque vicissim, ut potui, consolatus, ad Cosmum ceterosque socios Icoxiuram ex eo loco profectus sum, qui se cum Christianis, ad hostium furorem vitandum, in onerariam receperant. verum sedatis iam maxima ex parte tumultibus, & Bartholomeo, qui in arcem quandam ex incendio regię vrbs cum paucis vix viuus euaserat, in regnū restituto, metus hosce omnes iuuante Domino propediem sublatum iri confidimus. sed de his hæcenus.

*Regulus
Ximaba-
ranus.*

Venio ad res Ximabaranas: quam ego in urbem ab ipso Tono seu Regulo accersitus, Cosmo iubente, me contuli, benignęque exceptus, & in optimo totius vrbs domicilio sum collocatus. Postridie me Rex inuitat ad cœnam. A cœna familiares suos atque domesticos in cœnaculum conuocat. Hic ego bene longam de Christiana religione disputationem instituo. illi verò multa ac varia me interrogant: quibus ego dum ad singula respondeo, noctis magna pars abiit. Manè cum illuxisset, Tonus rogatu meo popularibus omnibus Christianę capeßendę religionis fecit publicę potestatem. ex eo tempore ter quotidie concionari cæpi-
mus, marutinis primū horis, tum pomeridianis, postremò vespertinis, tanta hominum vi confluyente, ut non domus solum, sed etiam via auditoribus oppleretur. Secundū hunc rei Christianę cursum more suo aduersarius non semel impedire conatus est. Tria visuntur Ximabarę cœnobia Bonziorum, qui cum aliis de causis plurimum possunt, tū quoddā principes ciuitatis affinitate contingunt. Eius ordinis hominum fallacias atque superstitiones quoddā palam coarguimus, populumque ab ea secta ad Christum omni ope traducimus, capitali nos ubique ferē odio prosequuntur. Ximabarę autem, simul atque ita propensam in nos populi voluntatem intelligunt, inimicitias, quas antea inter sese exercebant, comuni metu suadente depositis: calumniis fictisque criminibus nos oppugnare constituunt. Ad Tonū adcunt, mirantes cur in suis terris tam improbum genus hominū versari patiat. Antropophagos esse nos, & quocunque Christiana sacra inferamus, eodem continuo bel-
lum

*Bonziorū
calūnię
& scelera*

lum excidiumque importare. Si nobis in vrbe habitatio datur, Lusitanos ipsos illi imperium erepturos. Ad hæc, plebem incitare conatur, partim vt nos ex vrbe pellendos vna voce abs Tono deposcat, partim etiam vt nos publicè conuictis maledictisque proscindat. Eam rem vbi parum procedere animaduertunt, consilium etiam audacius capiunt. Dum ego in ædibus nostris de re Christiana ad populum maximè dissero, facta manu quidam è Bonziis de communi ceterorum sententia in eðes nostras irrumpit, positamq; ibi Crucem effringit. Sanè indigna vîsa res est, valdeq; omnes, sed hospes præcipuè noster, eo factò commoti. Itaque nihil propius factum est, quàm vt eum interficerent. Bonzii autem furore elati scelus scelere cumulant. Mos est neophytorum, susceptam à se Christianam religionem cruce in charta depicta, atque in ædium foribus collocata, publicè profiteri. id illi sibi non modo apud Deum salutare, sed etià apud homines gloriosum existimant. Hæc omnia insignia Bonzii postridie, primoribus vrbis pro affinitate fauentibus, discerpere ac lacerare decernunt. Quod vbi Tonus rescivit, Christianis confestim totam rem iussit renuntiari, eosque hortatus est, vt tumultus vitandi causa, eam iniuriam æquo animo ferre ne grauarentur: se ipsum in Bonzios vtique animaduersurum, sed tempore. Quorum amicitia ac furor eo vsque processit, vt quicumque ad nos audientes venirent, eos vsu etiam fontis arceret in proximo siti, ad quem plutimi aquationis causa ventitabant. prorsus vt nobis, eius molestiæ vitandæ causa, in aliam vrbis partem migrare necesse fuerit.

Mos neophytorum.

Iam verò illa quoque res accidit, non minùs euentu felix ac læta, quàm initio tristis ac turbulenta. Adolescentes duo ad nos audiendos rei nouitate inuitati ex oppido finitimo venerant. dumque in ædibus nostris morantur, in Familiari & iuuenili colloquio (vt fit) vnus eorum alterius procaci interrogatione lacessitus, stricto mucrone in socium præceps iracundia ferebatur: cum illum ex iis qui aderant Japonii quidam (aderant autem ferè centum) vi arreptum retinent, ei que de manibus sicam extorquent: quo ille factò ita iratus inde discessit; vt aut eam vlscisci iniuriam, aut mortem sibimet inferre, Japonico more, decerneret. Accessit ad extimulandum iuuenis animum, satis iam per se incitatum, patris quoque denuntiatio vehemens, ne suum in

con-

conspēctum venīret omnino, nisi prius ab ædium præcipuē domino, apud quem res illa contigerat, doloris pēnas exegisset sui. igitur adolescens, amicis affinibusque coactis, vim comparat: quod ubi Ximabaram allatum est, Christianos omnes magnopere conturbauit, me verò potissimum, verentem, ne si ad manus ventum esset, (quæ res non sine multorum cæde erat futura) tum verò Bōzii ciuibus quod cupiebant planè persuaderent, nos rixarum ac seditionum ubique terrarum autores esse perpetuos. Iamque se, quamquam in magno omnium mœrore, oppidani ad Ioannis (sic enim appellabatur) hospitis nostri defensionem instruxerant, aduentabātque armatum agmen aduersariorum, cum iuuenis ille dux agminis repentè præter omnium spem gentisque consuetudinem exterritus substitit, satis dignitati suæ, satis parentis imperio factum existimans, si vacuum nobilis cuiusdam viri domum ingressus in suburbano positam, resistente nemine, pugionem inde vicissim abstulisset, atque ita (ut fecit) in patriā reuertisset. Id à Christianis ubi resecutum est, tanta voluptate lætitiæque perfusi sunt, ut ab ipso noctis crepusculo, quamquam eos domum dimittente me, nihilo minùs gratias Deo cuncti simul agentes, factumque inuicem gratulabundi narrantes, ad insequentem lucem vsque perstiterint. Nec tamē inter hæc aliàsque difficultates, & Bonziorum insectationes, Dominò Deo fauente, cessatum est. nam præter quotidianas cōcionēs & catechismum, baptisimi celebres variis temporibus complures habiti sunt. Ac primùm quinquaginta barbari nomē Domino dedere. deinde rursus circiter septuaginta. tercio denique baptismo, candidati trecentum numerati sunt, è quibus baptizauimus duntaxat eos, quos satis probè institutos Christianis præceptis inuenimus. ceteri, qui minùs adhuc idonei videbātur, in aliud tēpus reiecti. Christianorū primitias libauit Dominus in hoc itē oppido, sex videlicet trimos aut quadrimos infantes: quorum qui primus excessit è vita, Christianæ fidei veritatem illustri sanè testimonio comprobauit. Cum enim iam ageret animam, sublatis ad sydera manibus, Tem iangate maito, id est, confestim (inquit) in cælum migrabo. Cuius rei miraculo neophyti magnopere cōfirmati sunt. Ipse autē Regulus tamen si nec dum Christianus est, & certis de causis in aliud tempus Bonziorum scelus ac maleficia debitis vindicare supplicis distu-

Totā no-
stā in a-
gētiū Deo
gratiā
persēcut.
Christia-
ni.
Celebres
alijsq;
baptismi

distulit: suam tamen erga nos beneuolentiam, & Christiani-
 tatis religionis vel tuendæ vel amplificandæ studium, pluri-
 mis rebus ostendit. primum enim nobis honoris causâ fa-
 miliariter sæpe conueniendis nomen nostrum apud Xima-
 baranos in admiratione & in gratia posuit. deinde arcem
 templo ædificando optimam, materiamque suo sumptu
 conuectâ, operâsque ducentas nobis attribuit ad arcis rui-
 nas æquandas solo, quæ arx quondâ illa ipsa in area fuerat.
 in templi verò ipsius apparatus & cultû familias septua-
 giuta in ea vicinitate habitantes cætrum vectigal pendere
 iussit, exturbationis pœna proposita, nisi in officio persti-
 tissent. Idem, quod Christiani ad templum æstu maris acceden-
 te ægre admodum veniebant, ingenti ponte ad ipsius tem-
 pli valvas usque perducto, facilius tutumque aditum præ-
 buit. Aëstus verò filiola, (quâ nos, quod clarissimo gene-
 re orta est, magno Christianæ rei adiumento futuram ali-
 quando speramus) eam nobis tradidit baptizandam, quod
 fecimus, & nomine Christiano Mariam appellauimus, ut
 eam videlicet nomen ipsum ad omnem virtutem ac sancti-
 moniam incitaret.

Hæc ferè in oppidis Cocinoco & Ximabara gesta sunt:
 quam ego vtramque ecclesiam per id tempus sæpe reuisi, &
 alteri Damianum alteri Paulum, comites ac familiares no-
 stros, interim dum ego abessem præposui. Vos etiam arque
 etiam obsecro fratres, ut pro hac vniuersa Iaponica vinea
 Domino Deo nostro quàm diligentissimè suppliceris.
 Ex portu Mariæ virginis adiutricis, 5. Kal. Decem-
 bris, 1563.

ALOISIVS FROES SOCIETA-
 TI IESV IN INDIAM.

ANno proximo, Icoxiuræ vico ab hostibus concre-
 mato & exciso, Cosmus Turrianus cum Aloisio Al-
 meida & Iacobo Consaluo officii causa conquisitus
 à Christiano quodâ nobili viro, Tacuxim oppidum Regis
 Bungenfis æget naui deductus est. Ego autem ab Antonio
 Firandensi viro principe accersitus, Cosmi iussu Tacaxu-
 mam condendi febri frigoribusque vexatus, quæ me qua-
 tuor menses malè habuerunt. Eodem venit post mensem
 Ioan-

*Reguli et
 ga Christi-
 anâ ve-
 ligionem
 studium.*

*Tacuxim
 oppidum*

Bis in nocte orandi causa surgunt Christiani.
Ceracag-nicælestis imagines.

Ioannes quoque Ferdinandus. Insulani sunt numero trecenti circiter & quinquaginta, omnes Christiani, quorum quibus licuit, aduenienti mihi nauigiolis obuiam prodire, ceteris in littore præstolantibus. quorum omnium quanta sit pietas atque religio, ex eo facile iudicabis, quod bis in nocte ad Dominum deprecandum, Christive passionem secum reputandam, surgere è lectulo consueverunt. Quin etiam primis tenebris multi cum se in preces fuderunt, ad mediam usque noctem in ea cogitatione suimet penè obliiti persistunt. Pyxidiculam ego cerearum agni cælestis imaginum, quas Romæ summus Pontifex consecrauerat, sociis nostris attuleram ex India. id ubi rescivit Christiana quædam anus Facatensis, multis precibus vnâ mihi earum extorsit. Eius rei fama statim hoc toto tractu percrebuit. itaque ad me quotidie & Firando & aliis ex locis nauigia veniebant virorum seminarumque plenissima, è reliquiis illis amoris (sic enim appellant) aliquid à nobis efflagitanti, negari non poterat. itaque totum eius ceræ consecrationisque mysterium exponebat Ioannes, deinde in eos distribuebatur. & sanè ceram in particulas ita minutas secare coacti sumus, vt Christianis mille quingentis ac triginta sufficerent. quas pro suis quisque copiis vel argentea theca, vel ænea, vel stannea, vel ex aurichalco includebant, ex altera parte nomine Iesus v spinea corôna circumdato, ex altera tribus ad imam crucem clauis incisis. Templum autè ipsum, quod Firando aliisque ex insulis confluentem ad nos multitudinem non caperet, per eos dies amplificatum & sacrario atque ædificiis ad hyemem traducendam ornatum est. opere absoluto, dum Iaponius quidam apud nos ceram in candelarum vsum ad ignem liquat, arida palcatum materia, è quibus parietes erant extructi, flammam ita auidè arripuit, non modò vt hospitium nostrum, ædemque sacram, sed etiam quindecim ferè vicina Christianorû tecta comprehenderit atque consumperit. quorum sanè mihi æquitas animi ac patientia visa est admirabilis, cum incensis domibus domesticoque instrumento, in publicum se coacti proripere, tempestate perfrigida, cum è cælo densa nix caderet, vnâ cum conjugibus liberisque, qui nonnullis eorum erant septeni octonive. nostram tamen vicem magis quàm suam ipsorum dolerent. Ex ea glade sacrorum apparatus Dei beneficio ereptus est, & aliquid

aliquid è supellectili vestibusque, quas nos omnes egentibus Christianis ijs, quorum domus arserant, miseratione commoti diuissimus. Ioannis verò Ferdinandi commentarius, multis iam annis elaboratus, in quem ille sacras conciones & catechismi explicationem Iaponico sermone retulerat, sanè quàm incommodè periit. Ego interea cùm ægrotus decumberem, ex eo periculo me ad quendam Christianum recepi, ibique in summa egestate storea mihi pro stragulo fuit, lignum pro ceruicali: eò statim magna vtriusque sexus hominum ac puerorum turba confluxit, incommoda nostra & calamitatem lacrymis prosequentiù: mortuos parentes lugere dixisses, atque, vt est gens ad omnem humanitatem ac misericordiam prona, quanquam in summis rei familiaris angustiiis, alij ad me contegendum propriis vestimentis exuere sese, alij in cibum duas tréve coctas, alij virides repas, alij denique siluestre allium afferre. aliquot etiam Firandenses & Facatenses Christiani, qui in eam insulam anno priore Icoxiura migrauerant, cocta nobis cibaria septem octóve dies è suis domibus misere. Eius incommodi nuncio Firandum vicinásque in insulas perlato, confestim ad nos subleuandos Christiani cum fabris, paleis, funibus, arundinibus aduolarunt: quorum opera cùm ædes nostræ, templumque, tum etiam incensa Christianorum tecta magno omnium gaudio ac voluptate resecta sunt.

*Christia
notum
catillas*

Sub idem tempus ecce nona calamitas. Aduectum ex India pretiosum ornatum sacrorum vnà cum aureo textili, & simul vitrea vasa donanda principibus, Firandum Colimus, vt ibi videlicet ab incendiis tutiora essent, ad Christianum amicum custodienda transmiserat. Hic dum ludos quosdam profanos ipso cinctum die agunt barbari, vnus ex ijs temere arreptum ignem in ædificium coniecit, qui vento adiuuante, adeò vehemens ac sæuum excitauit incendium, vt bonam vrbis partem cum ædibus Antonij dynastæ, & Christiani eius qui nostra seruabat, momento pænè temporis hauserit. quæ res magnam mihi præcipuè, febri, tali anni tempore, laboranti, patientiæ materiam præbuit, quòd in eas ego quoque sarcinas, Diui Thomæ partes, quæ appellantur, itemque nonnulla valetudinis aduersæ remedia, quibus admodum inops est hæc terra, conieceram. Inde, paucis interiectis diebus, vigiliis agere sumus co-

acti latronum & hostium metu, quibus paruum hoc Firando regnum infestum est: paratisque nauigiis, quibus aliò, si res ferret, aucheretur sacra vestis & instrumētum, nos cum Christianis in editum locum munitumque recepimus. Sed belli tumultus ille Deo fauente sublatus est. Et quoniam Iaponicæ linguæ ignoratio rem Christianam magno opere distinet, erepto ex assiduis occupationibus tempore, faciendum sibi frater noster Ferdinandus existimauit, ut de Iaponico sermone grammatica præcepta conscriberet. iis duplex etiam Lexicon addidit: in altero Iaponicas voces, in altero Lusitanicas alphaberi ordine cum sua cuiusque significatione prætexens. Sexto vel septimomense, haud tamen idcirco intermissis concionibus, ceterisque muneribus, eam lucubrationem absoluit, in primis utique necessariam Iaponiis excolendis.

In feriis natalibus atque paschalibus incolarum summa deuotio. Nocte natali sub vesperam ientaculo exceptos bifariam in templo diuisimus. Ibi alternantibus choris certos ex veteri testamento locos, sacræque prophetarum prædictiones temporari accommodatas versu Iaponico decantant. Deinde solemnia missarum sacra peracta sunt. Dominica in palmis cum sacrum fieret, passione Domini per vices, ut sit, recitanda, tanta populi comploratio orta est, ut vix inter pronuntiandum nos mutuo exaudire possemus. Iam sexta feria, quæ proximè consecuta est, complures tum Firando, tum ex finitimis pagis Christiani ad verberationem cum flagris ac tunicis confluxere, quod Firandi conuentus huiusmodi ab Rege prohibentur. necessuientibus eo die procellis atque imbribus deterriti sunt, quo minùs acriter sese cædentes, sanguinemque mittētes, per multos passus agmine composito incederent. quod ipsum separatim mulieres quoque Christi amore incensæ fecerunt, idque summa cum religione & sanctimonia. Porro aquam sabbato sancto benedictam, magno studio ac fide ad morbos pellendos partim apud se religiosè asseruandam sumpserunt, partim etiam Firandum, ceterasque in insulas, atque oppida Christianis dono mittendam. Paschali verò die dominico ad summam gratulationem species tantum & populi magnifica defuit. cetera sanè egregia. vnum duntaxat pallium erat nobis, quo eodè pro umbella in supplicatione vsi sumus. sub ea gestabam ego sacratissimum

Christi

Christi corpus in calice. linteatus præibat Ferdināus corona rosea redimitus, & quanquā macie ira cōfectus, ut vix hæreere vestigiis posse videretur, valde tamē iucundē canebat, Die hobis Maria, quid vidisti in via? Cui respōdebat ex alterā parte Iaponius quidā senex, trullā bacillo pulsans, nec enim vlla in his locis organa musica sunt. Eo die cibū apud nos cūcti sumpserē, quod festis ferme celebrioribus factitāt, præsertim verò die visitationi Marię virginis sacro, que diē præcipuo cultū atq; honore exigunt Misericordię sodalitia, cōiuij curatorib* in qualibet ecclesia cōstitutis.

Iplis hebdomadæ sacro sanctæ diebus Firandi res accidit ad prouidentiam Domini iustitiāmque declarandā admodum illustris. Princeps Bonziorum erat in vrbe quidam Sasimandaque nomine, regni totius huiusce tanquam Archiepiscopus, capitalis Christianæ religio. is inimicus, cuius scelere antea & cruces præcisæ & Gaspar Vilela cum reliquis omnibus ē Societate nostra Firando pulsi exclusiq; fuerant, quam rem Antōnius dynasta grauissimē tulerat, nec tamen vindicauerat, eo quod Bonzius principum afinitatibus admodum potens esset. Is igitur ab eodem Antōnio, qui regij exercitus Imperator vna cum Rege eo tēpore militabat, per interpretem petiit fundum quendam continuandam prædiis delubrorum suorum. Id cū Antōnius apertē negasset, accensus ira misit continuò Bonzius primū, qui Antonij villas, deinde sex circiter Christianorum Antōnij popularium domos incenderent. Eanimuero tum Antōnius rei atrocitate commotus Regem adit, Bonzij improbitatem diutius ait tolerari non posse: nisi in ipsum Rex animaduētat, sese confestim rel militaris cura deposita, ad vlciscendam eam iniuriam profecturum. cui Rex quanquam inuitus ac mœrens, tamen quod Antonij viri nobilissimi, & secundū se opulentissimi opera plurimum indigeret, respondit se totā rem ipsius arbitrio planē permittere. Tum recordatus iniuriarum nostrarum postulauit Antōnius, ut Bonzium eo dignitatis gradu deiectum Firandensis regni finibus in perpetuū exterminaret: & ne qua spes reditus ei relinqueretur, agros illius ac bona aliis possidenda assignaret. Quo statim facto: & Christiani molesto grauique aduersario liberati, & Bonziis dedecus ingens ac dolor iniustus est.

Decem menses Tacaxumæ fuimus: quo temporis spa-

*Yotula
90. annos
nata a
Christū
perduci-
mur.*

tio vicinas insulas, quæ in Antonij ditione sunt, bis Ferdinandus inuisit. nec sanè frustra. nã & Christiani, ipsius aduentu mirum in modum recreati, & barbari multi ad ouile Christi perducti sunt. in ijs vetula quædam annum agens circiter nonagesimum, mulier honorata, multisque affinitatibus pollens. Hæc æternæ beatitudinis gratia, multa Iaponis delubra superstitiosis peregrinationibus circumiebat, habebatque papyraceam tunicam, quæ descriptam Amidæ vitam continebat, quam illi cum aliis diplomatibus & indulgentiis (ecclesiasticos enim ritus dæmon effingit) Bonzj pretio ingenti vendiderant, polliciti, si eo amictu supremo die suo efferretur, omnibus noxis solutâ, recta ad beatas Amidæ sedes procùl dubio peruenturam. Ægrotū quendam eius propinquum Ioannes inuiserat, cuius domicasu ipsa quoque tū aderat. Eam igitur Ioannes accersi iubet, si pauca de redemptore generis humani deque altera vita cognoscere cupiat. audituram se respondit mulier: verum enimvero falli, si quis idcirco se Christianam futuram existimet. Sed vbi Dæmonis malitiam, fraudes Amidæ, cui illa tantopere fideret, Euangelicam denique veritatē Ioannes aperuit: vt Iaponica ingenia facilè rationibus cedunt, eius orationem mulier ita approbavit, vt lacrymis obortis baptismum continuò peteret. quid multa? solemnes preces edidicit, chartaceam illam tunicam, aliâque Bōziōrum scripta quæ diximus, ad Ioannem attulit comburenda, sibiposthac sacrum fore nihil aut religiosum affirmâs, præter nomen Iēsv. ac deinde baptizata, tantam animi pietatem atque ardorem ostendit, vt cum vniuersos Christianos, tum eos præsertim, qui eā antea nouerant, ingenti gaudio affecerit: quam metuebant prius, nunc autē metu duplicatum in amorem conuerso, maximè diligunt: ac mirantur quæ prius vix præ imbecillitate corporis stare posset, eam nunc quotidie templum petentem, Angelicâque salutationem trecenties recitantem, & singulis noctibus bis orandi causa è cubili surgentem. Eadem postea ad me Tacaxumam cum aliis Christianis naui contendit, vt rei diuinæ interesset, & granum aliquod benedictum, & ceræ, quam diximus, consecratæ particulam à nobis exposceret.

His rebus aliisque peractis, quas ego breuitatis causa prætereo, Ferdinandus ad me reuertit. Et quoniam Firaudenses

denſes Chriſtiani magno noſtri deſiderio tenebantur; mihi autem per Regem à Chriſtiana religione, contrà quàm initio ſimulauerat, alienum, in ea vrbe rem diuinam facere non licebat: ſupplicationibus habitis, & re cum Antonio communicata, omnino viſum eſt faciendum, vt Ferdinandus ſaltem eò ſeſe conferret, vbi ille dum fideles in officio retinet, labantes in fide confirmat, barbarosque præceptis Chriſtianiſ inſtituit: interea naues Luſitanorū duæ in hâc oram è Sinis delatæ, quarum magiſtri cùm iniuſſu meo Firandi portum inuehi nollent, Rex ratione lucri coactus (nam alioqui, ſecus ac primis aduentus noſtri in Iaponem annis, ſimulauerat, & nobis & Chriſtiano inſenſus eſt nomen) ſe mihi per quendam è ſuis familiaribus excuſauit, quodd bellicis diſtriſtus negotiis nondum mihi ſalutē nūtiari iuſſiſſet, & ſimul magnopere petiit à me, vt Luſitanos vrbis aditu ne prohiberem: ſe primo quoque tempore de mea quoque introductione cum nauarchis acturum. Illi igitur, permittente me, deſcendunt, & promiſſa ab Rege ſcpius exigunt, templum ære ſuo ſe exædificaturos recipiūt. Rex tergiuerſando rem extrahere, noſque iam apertè fruſtrati, cùm eo ipſo tempore oneraria, cui a ſancta cruce eſt nomen, aduenit. ſanè opportunè. nam & ſacerdotes è Societate tres, Melchiorẽ Ficaredum, Balthaſarem Acoſtã, & Ioannem Cabralium, ſumma cum animi noſtri voluptate à clætitiã nec opinantibus nobis aduexit: & occaſionem optimam præbuit Regis ab ea perfidia reuocandi. Hanc ego nauem actuãio. quæſitam reperi in ipſo curſu velis adhuc inflatis, & Petro quidem Almeida Nauarcho pro excellenti eius probitate, & in Societatem noſtram obſeruãtia, facilè perſuaſum eſt, vt vela ſubmitteret ſtatim, ibidẽque ſubſiſteret: mercatores autem ſiue nauigationis nauſea tædioque, ſiue alia quauis de cauſa, nullis rationibus de ſententia deduci potuere, quominus ſcaphis oppidũ peterent, & mercimonia exponerent. magno illis ea deſcẽſio ſtetit: namque à furibus igne apothecis eorum iniecto, magna mercium parte vel flamma ventoque ſæuiente cõſumpta, vel etiam ab ipſis furibus inter eam trepidationẽ ablata, aureorum circiter duodecim millium damnum fecere. Interea Petrus Almeida, qui iactis anchoris, ab oppido ſex millia paſſuum ſtabat, rogatu meo Regi apertè denuntiat, ſe niſi nobis reſtitutis nequaquã appuſſurum. Rex autem

dierum aliquot mora interposita, ad extremum metuens, ne si rem diutius distulisset, magna rerum suarum iactura nauarchus alios portus peteret, nobis & urbem intrandi & sacra ædis construendæ potestatem fecit. Descendentibus nobis ad littus die natali D. Bartholomæi Apostoli, gratulatio ingens & à nautis Lusitanis significata est, & ab incolis Christianis, cum se præter spem vati compotes factos viderent. Nos cum nauarchis & magno præterea comitatu Regem adiunimus, ei quæ gratias egimus. accepti sanè frigide, quod dedit accepimus, inde Antonio eiusque matre salutata, ad instaurationem templi continuo animum adiecimus, ex puerariis Lusitanorum tribus, pecunia in ædificationem corrogata, opus celeriter ad cūlmen perductum est. Itaque in eo templo natalem diem Mariæ virginis egimus Barthasare sacrificante, & magno omnium gaudio concionante. Tanto autem studio a nobis de hac firādenſi commoratione multis de causis laboratum est. Primum quod ita mandauit Antonius Quadrius, deinde ne Christiani incolæ summa virtute ac religione homines descerantur: tum ut iacta à nobis in animis puerorum, qui sapienter præstanti sunt indole, semina Christianæ doctrinæ ad bonam frugem postea opera perducantur. postremo Lusitanorum etiam gratia, qui ad hoc emporium libentissimè comitant, ad pierces distrahendās ac diuendēdas opportunissimū. Dum hæc ad firandum geruntur, cognitum est Cosmum Turrianum Bungenſis regis hortatu atque auxilio ad oppidum Rimani regni Cocinocum peruenisse, eamque ecclesiam, quam hostes afflixerant, eiusdem Regis ope ac beneficio restitutam. Eo Melchior Ficareduſ cū mandatis ac litteris, quas affererat ex India, ad Cosmum profectus est. Nec ita multo post Cosmus ad nos scripsit, ut ad se ego & Barthasare Acosta veniremus, Cabralio & Ferdinando firandi relictis. quæ prima nauigandi facultas fuerit, proficiscemur. atque ego me, nisi per mea steterit peccata, Meacerni ad Gasparem Vilelam missum iri confido, nā nostrorum hominum subsidium aliquod nō ipse modò, sed etiam Micacelles vehemēter exoptat: quippe qui ad eū, sacrorum causa, ex anſotis urbibus amplissimæ partibus ægre admodū ventitant Cuius profectò res gestæ satis declarāt, nihil esse tā arduū atque difficile, quod nō animi robur ac perseverantia superet. Nā qui primis legationis suæ temporibus,

contu-

contumelis, probris, lapidationibus nullo defensore appetitus, diuque vexatus est, tantum constantia patientiaque profecit, non modò vt populo, sed etiam vt principibus, Regèque iam ipso æquo ac beneuolo utatur. In agro Meacensi intra quadagesimum circiter lapidem ecclesias septem instituit, multis è prima nobilitate ad Christi cultum adductis: magnum denique rei Christianæ studium in illis gentibus excitauit. Verum hæc & reliqua huius prouinciæ acta ex aliorum litteris fusiùs cognoscetis. Vos ego patres fratresque mihi carissimi per Deum obsecro, vt vestris in sacrificiis precibusque mempiam me retineatis.

Firando, Quarto Non. Octob. 1564.

FINIS.

DE



DE REBVS
INDICIS EPI-
STOLÆ, IN EDITIO-
NE VENETA
PRÆTERMISSÆ.

EXCERPTA QVÆDAM E
CHRISTOPHORI ACOSTÆ
LITTERIS, AD PRÆPOSITVM GENE-
ralem datis, 4. Non. Ian. 1569, Malaca, quę fuit
olim aurea Chersonesus.

IN hoc domicilio Malacensi, præter confes-
siones, catecheses, & alia ex instituto nostro
munera, pluribus etiam locis conciones ha-
bentur: præsertim verò Dominicis diebus ad
ethnicos sectæ cuiusdam, (Quintinos appel-
lant) quorū praua dogmata & opiniones vt
publicè confutarentur, Cōcilium prouinciale decreuerat,
eamque prouinciā nostris Episcopus demandandam existi-
mauit. Erit, vt speramus, operæ pretiū. Quæstiones etiā eæ,
quas vulgò casus conscientię nominant, clericis explicatæ
sanè opportunè, magnaque auditorum tum approbatione
tum etiam profectu, qui vel è quotidianis eorum interro-
gationibus sub explicationem perspicere poterat.

Sacra ædes nostra ad tectum hoc anno perducta est, non
modò capax, sed etiam valde formosa, vel structuræ genere
ipso, vel loco: sita est enim in vrbs mediæ summo cliuo, vn-
de ingentia maris terrarumque spatia cernuntur. In eā ædi-
ficationem, & simul ad nos quoque alēdos, eleemosynæ à piis
hominibus erogantur. Et quoniā hæc domus hospitium est
nostrorū omniū, qui ex India Malucum, Iaponem, & Sinas
petūt, exponam ea, quæ ad nos variis è regionibus nuper à
nostris allata sunt: quandoquidē incertū est, ipsorū litteræ
sintne hoc anno ad vos peruenturæ. Ac de Malucis insulis
primū: è quibus cognitū est, Amboinēses neophytos (quos
Franciscus Xaterius & alii deinde Christianis præceptis
imbuerant) superioribus annis crudeliter admodum op-
pressos ac vexatos fuisse à natione Maurorum, quos vo-
cant Iauos, in primis fera & immani, & Amboinensibus
præsertim vehementer infesta, Christianis permultis occi-
sis, quibusdam etiam à Christo vi metuque alienatis, toto
denique eo tractu (sunt autem insulæ quamplurimę) per
vim occupato. Verūm Lusitani ex India illuc valida classe
profecti, Iauos inde expulerunt, principes scelerum & au-

clores affecere supplicio, omnes eas insulas ereptas è misera seruitute, sublatis discordiis bellisque civilibus, quibus inter sese ad internecionem usque certabant, ad Lusitanie Regis imperium adjunxere. optimo loco & ad excurrendum in primis opportuno, arx cum propugnaculis excitata, impositumque præsidium. Quæ res nostros etiam hortata est, ut amplificandæ Christianæ religionis causa ibidem sibi domicilium collocandum putarent. itaque ob eam rem illic nonnulli è Societate nostra versantur. Post hæc, variis è Maurorum ethnicorumque provinciis legati Lusitanum Præfectum adire, qui ad patrios ritus & ceremonias deleterendas, Christiana suscipienda sacra, denique ad imperata facienda sese paratos offerrent, præclarè secum agi, nō repudiaretur, existimantes. Scribunt nostri præterea tantam esse multitudinem eorum, qui ad Christum conuersi iam sunt, ut ad eos erudiendos ac baptizandos, vel si alii triginta in ea loca mittantur, exiguus operatorum numerus sit futurus; ut alias gentes interim taceam, quæ item baptismum efflagitant, in continenti habitantes, Papuas nomine, quæ regio in meridiem adedò extenditur, ut præternauigantes Castellani nunquam ad finem eius oræ peruenire poruerint. Paupis finitimi sunt alii populi, atque inter eos neophyti aliquot, nostrorum paucitate quadriennium circiter magistro ac pastore plapè destituti. Secundus verò hic rerum euentus, recensque victoria, magnam nobis spem afferebat fore ut in iis agris fides Christiana disseminetur magna cum vbertate redituque animarum: easque nationes nec animi ardore nec pietate Iaponiis inferiores futuras. Regio est inter æstum frigusque temperata, nemoribus ac fontibus frequens, & si more nostro colatur, omnis frugum generis copiam pollicetur.

Ex ora Sinarum naues nondum appullæ. anno quidem superiore cognitum est Christianam rem eodem esse loci, quo antea, nostri in Amaconis portu & emporio sibi sedem locarunt, diuinum ad interiora prouinciæ penetranda expectantes auxilium. Interea Lusitanis negotiationibus in spiritu adjuuandis insistent. Melchior verò Carnerius Episcopus, pastoralis munere egregiè fungitur: clericos tractat humanissimè: eosdem excipit sæpe conuiuio, ut per eam occasionem spiritali quoque reficiat cibo. Itaque magna est apud omnes in gratia, nec modò clericos, sed etiam

laicos,

laicos, quos ille amantissimis verbis & exemplis Christianæ humilitatis instituit. Pecuniarias multas nec sæpe imponit, & domum suam exactas deferri non patitur. valetudinarium est curandis leprosis (quorum magna est in iis finibus multitudo) ipsius opera & consilio constitutum, non paruo utrique cum corporum tum etiam animorum bono, (multi quippe ea ratione convertuntur ad Dominum) huic ergo valetudinario Melchior eiusmodi pecuniam attribuit statim.

Ex Iapone hoc anno litteras nondum accepimus: si fuerint allata, mittentur ad vos.

Hæc mihi in præsentia, quæ scriberem, occurrebāt. Reliquum est, ut Malacensem hanc domum atque familiam, sacrosanctis tuis, Pater optime, sacrificiis precibusque co diligentius adiuves, quo maius illi periculum impèdet. rumor est enim, Azenorū Regem (ii populi sunt insulæ magnæ Taprobanae, quam hodie Sumatram vocant) ad obsidionē huius visis comparare sese, certè perniciosa Mala. E. sibus agitare consilia. Malaca, 4. Non. Decembris, 1569.

EX ALOISII GOVEANI LITTERIS, DATIS

Coulano è collegio Saluatoris, .8. Calend. Feb. 1, 69.

VRBS hæc, in qua commoramur laborantes in vinea Domini, & in Comorinentem quoq; tractū subinde excurrentes, jacet ad montis cuiusdā radices, passuū à mari novē circiter millia. Salubre cælum, aquæ optimæ, annona plurima, gens verò ad pacis æquæ ac belli munia solers: Christiana sacra multi suscipiunt, qui iam susceperē, tum frequentī sacramentorū vñ, tum etiam animi cādore atq; munditia, & in ceteros, benignitate & officiis, egregiū probitatis ac veræ fidei specimen præbent.

Mauris ethnicisq; oram hanc non exigua quandoq; classe infestantibus, armati resistunt sanè fortiter, præstantque magnam in catholica fide constantiam

In neophytis est egregia pietatē mulier. ad eā cum ethnici quidam adissent, petetes nescio quid patrio delubro offerendum, id postulatum vsque eo mulier tulit indignè, ut scopis arreptis (quod genus iniuriæ apud eos in primis cōtumeliosum est, atque idcirco à magistratibus etiam seperè admodum vindicatur) ita tenaciter, ut extorqueri nō possent,

possent, vultu verbisq; malè acceptos abs se reiecerit, quin etiam postridie, qui dies erat sabbati, præcipua seminarum pietate cultûque concelebrari solitus, cùm plebs iam frequēs cōuenisset in tēplum: elata voce mulier eadem, vt cœtus omnis exaudiret: Ego, inquit, in simulacri cultum rogata nescio quid, negavi scilicet. quòd si quem posthac in eo genere peccare cognouero, me omnino eius nomen ad Patrē, (sic enim sacerdotem nostrum appellāt) cùm primū affuerit, delaturam esse profiteor. qua denuntiatione compunctæ nonnullæ, aliquo eiusmodi obstrictæ piaculo, ad officium sponte rediere.

In extrema ora castellum est insigni quodam ethnicorū delubro clarū in primis ac celebre, Christiani etiā aliquot ibi versantur. & quoniā ea natio piscatu maximè vitā tolerat, cùm duobus iam mensibus inopia piscium grauer laborarent, duos è nostris, qui tum aderant, rogauere Christiani, vt supplicationibus publicis Deū propitiare ne grauentur. supplicationes habitæ cum apparatu ac ceremoniis: à tēplo nostro ad crucē vsq;, nō lōgē positā, agmē Christianorū processit, magna cum religione, querundā verò etiam lacrymis. Deinde nostri ad aliū pagum rei Christianæ causâ profecti, nuntium accepere, paulo post supplicationes peractas ingentem repentē vim piscium magna cum neophytorum gratulatione extitisse.

In hac ora maritima tres & viginti sunt pagi, sanè frequētes, & quidem, exceptis quatuor, omnes Christianis tēplis ornati. Suus autem cuique templo aditus præest, quē patria lingua Canaquapolem vocant, propter nostrorum hominum penuriam, ex ipso neophytorum numero lectus à probitate & Christianæ disciplinæ peritia. Horū est, præter templi custodiam, Christianis etiam præceptis plebem imbuere, discordias tollere, in templum neophytos conuocare, obseruare quis desit, quīve se malè gesserit, omnia demum ad Patrem deferre, cùm venerit, vt ipse deinde pro delicti modo remedium adhibeat. Obseruantia verò neophytorum in nostros homines mira, mīrū obsequium.

Graues etiam inimicitia nostrorum opera sualūq; multæ depositæ, & constituta pax non solum inter priuatos & consanguineos, & ipsos quoque populos; verum etiam Regem inter ac Regni procures aliquot. atque hac ratione imminetia sæpe seditionis tumultusque sublata pericula, tanta

tanta cūm Christianorum tum verò ethnicorum approbatione, vt multi principes viri sese iam nunc defensores atq; adiutores Euangelii præbeant, qui nuper acerrimi Christianæ religionis aduersarii fuerant. Regis verò ipsius, quāquam adhuc ethnici, eximia erga nos humanitas ac beneuolentia cernitur: audit nos perlibenter, templū Christianis ædificauit egregium, quinetiam in eam incubuerat voluntatem, vt Maurorum sanum, quamquam inuitis ac renitētibz ipsis, euerteret. Sed ne qua turba ac rixa oriretur, vel ipso nostrorum suasu res in aliud tempus dilata.

Dum hæc pararem scribere, ecce tibi ab Rege Trauācoris nuntius: etiam atque etiam rogans, vt Regem ipsum è nostris aliquis adeat: esse quē ille nobiscum agere vehemēter velit. Delubrum est leucis ab hoc oppido quatuor, quo Rex Trauancoris tum ad gratulationes quasdam ac sollemnia sese contulerat. eò igitur è nostris nonnulli profecti, benignissimè ab eodem excepti sunt: actum de templis Christiano titu ac religione toto ipsius regno extruendis: eamq; potestatem Rex patentibus litteris seu diplomate fecit amplissimam: deinde omnibus iis qui ad Christum accederent, immunitates ac priuilegia multa proposuit: se suaq; nostris liberaliter detulit: eosdem orauit, vt sibi Lusitanorum, qui versantur in India, cōciliarent amicitiam tādīu permanсурam, quamdiu sol extabit ac luna, professus hostem se hostium nostrorum fore perpetuum. ad ea nostri cūm ita respondissent, vt Regi gratias agerēt, & opportunè etiam alia quēdam adderent, domum reuersi sunt. Quocirca breui, vt speramus, magna cum diuini nominis gloria totum illud regnum ad ecclesiam catholicam aggregabitur, eritq; necesse, vt Indica omnia nostræ Societatis collegia cultores atque operas in vnicam hanc magnam ac spaciosam pro sua quæque parte contribuāt. Laudetur etiā atque etiam Dominus: idemq; nobis multum de suo sancto Spiritu largiatur. Ameu.

EX EMANVELIS IESSERTIÆ LITTERIS AD
Propositum Generalem datis Goæ, 4. nonas Ianuarii, 1569.

AESTATE superiore cūm è Sinis redirem, Cocini primum, deinde Goæ sum factus ceterior, auerete, Pater optime, de illarū gentiū moribus ac natura cognoscere,

cere, deque spe eiusdem per Euangeliū adiuuandæ provin-
ciæ. Quocircaversatus ibi annos aliquot deesse nolui, quo-
minus tibi per litteras quid haberem in eo genere cōper-
tū, quidve sentiri, exponerem. Sinarū regio & patet latissi-
mè, & omnium, quæ quidē in hac plāga exploratæ sunt, op-
pidis & habitatoribus est celeberrima. Incolę sunt ingenio
valde bono & acuto, præstantiores animi, quā corporis
viribus, in reipublicæ administratione & civili prudentia
admodū excellūt: hac apud eos cura studiūq; præcipuum,
superstitionibus & idolis minimè dediti sunt. vnum habent
regem: huic verò supra quam credi possit omnes obediunt,
præmiorum ac pœnarum distributio planè admirabilis
atq; vt natura sunt perspicaces, animaduerti nonnullis ipso-
rum sacrosancta fidei nostræ decreta vehementer probari.
in vrbe Cantone fui aliquoties: apertè profitebantur, si
per regem regiõsve ministros liceret, sacra suscepturos li-
benter. Atque (vt ego quidem existimo) si quando Christi
præconibus aditus in ea loca patuerit, plus apud Sinas bre-
ui quā apud alias nationes vel diuturno labore profece-
rint. primū ob gentis ipsius naturam atque indolem e-
gregiam, deinde quòd secuta toto regno pax est atque trā-
quillitas. Quinimo & in amore & in honore nostros ha-
bere, quidam etiam ad meliorem frugem reduciā cæ-
perant: iidemque aiebant, si quibus vnquam aduenis in e-
ius regionis interiora penetrare licuerit, eos utique adue-
nas ē societate nostra futuros. Itaque licet perpetuus ille
animarum inimicus opponat omni conatu sese, & reuera
negotium hoc difficultate non vacet, tamen ita desperan-
dum non est, vt nonnulli, re nōdum omnino tentata atque
explorata, putarunt.

Etenim Franciscus Peus & ego, quo tempore in Sinas
cum Regis Lusitaniz Legato profecti eramus, in mandatis
habebamus, vt ne provinciā ingrederemur, ante regiā lega-
tionem absolutam; sed enim tota res acta sic est, vt minimè
mirum videri debeat nos deinde introductos nō esse. quòd
si duo socii aliquā eius llugæ & consuetudinis nostri pe-
ritiam, forti magnòque animo rem aggrediantur, ipsi per
se (quemadmodum in Meaci vrbis ingressu apud Iaponios
factum est) Deo adiuuante fore confido (idque nobis affir-
mabant Sinæ) non modò vt non arceantur, sed etiam vt
Audiosè intromittantur ab incolis. Qua Lusitani morantur,
domus

domus iam excitatę complures. Christianorum incolarum est numerus sex circiter millium, partim Lusitanorum qui mercaturam exercent, partim etiam Sinarum qui sese paulatim ad Christum adiungunt, ibidem duo iam templa videntur: Lusitanorum alterum sacerdotibus instructum secularibus: alterum Societatis nostrę, huic ædes coniunctę sunt, Patris Prouincialis iussu ad nostrorum habitationem extructę, vt simul & rei Christianę in eo portu dent operā, & integritate vitę exemplō que illius regni quasi fores pulsare pergant. Eadem ædes opportunum quoque prębent nostris hospitium, qui Iaponem petentes ex itinere illuc diuertunt: quorum nonnulli nouem decēve interdum menses ibi subsistunt, dum vel cursum expectant, vel aliqua in vsu Iaponicos necessaria comparant. Variis pręterea ex ethnicorum regionibus confluunt eodem Christiani, quibus in spiritu laborantibus tēpestiuē succurritur. Et quoniā alia nulla est in eo emporio religiosa familia, nostri tantis tamq̃ salutaribus occupationibus distineatur, vt nō videā quibus in locis possit eorum esse commoratio fructuosior. quas ob causas, ac pręsertim introitus obrinēdi gratia, sic equidem statuo (nisi si tibi videatur secus) ē re Christiana futurum, vt mandes atque pręcipias, non modō vt nostri (quoad eius fieri poterit) nequaquam ab incepto desistant, sed etiam omni conatu insistant sacrosanctum Euangelium penitus in eam prouinciā inferre: siquidē à Deo magna speranda sunt. Ipse pro sua clementia in anima spirituque tuo semper inhabitet. Ego me precibus tuis ac sacrificiis valde commendo. Goa, 4. nonas Ianuarias, 1569.

*E NICOLAI NVNNIS EPISTOLA, E CA-
stro Lernate data, 4 Idus Febr. 1569.*

DE regionibus hisce Maluci, & Amboini, anno superiore, plura cognouisse vos arbitror, quibus in regionibus Dei beneficio Christiana res cursum deinceps ita prosperū tenuit, omnes vt hi populi & insulę sacrū Euangelium efflagitent, & sanē hęc Domini vinea, omnium, quę Societati nostrę commissę sunt, in primis videtur colenda: fructum enim operę pollicetur vberimum. Quare in spem viuimus fore propediem, vt impiam Mahometis sectam in hisce partibus diuina bonitas prorsus extinguat ac de-

ac debeat. quocirca obsecrate fratres carissimi Dominum, ut numerum operatorum augere dignetur.

Cômoratio nostra adhuc est maxime in oppidis sinibusq; Iernatis, Bactionis, Mauri, & Selebû: nec sanè frustra, siquidem hæ nationes (adiuante conatus nostros & industriâ Domino) tum ad sacra salutis æternæ mysteria, omnèq; probitatem valde propensæ, tum etiam in Patres, quibus ad earum conuersionem Dominus vitur instrumētis, bene animatæ cernuntur.

Mauricam Diœcesim tuentur hoc tempore Patres duo, frater vnus. Iolanam verò Didacus Magaglianes obit magna cum utilitate, exemplòque virtutis atque constantiæ, quippe qui valetudine cōstictatus aduersa, nunquā tamen idcirco intermittit Christianam rem baptisimis, cōfessionibus, catechesibus, missarum sacrificiis, aliisq; id genus ministeriis adiuuare.

Ex altera parte Nicolaus insulā tenet Morotai, degitque præcipuè in oppido celebri Sequita, quem ille cæteròsque circa populos iisdem ea instituta nostræ Societatis officii atque laboribus ad Christianam vitam informare non desinit.

Iam verò in hisce insulis versatur seorsum Antonius quoque Cōsaluus. is erat hoc tēpore in oppido Rau, Christianæ religioni bonisq; moribus eo toto agro propagandis intentus, magno vtiq; patientiæ ac virtutis exemplo, vel ob difficilem eius regionis naturam, vel etiam ob dolorem capitis, quo laborat assiduè, nec tamen idcirco desistit suo munere perquā studiose & alacriter fungi. hanc Mauri terram magni calores atque æstus adedò insalubrem efficiunt: atque iis aliisque de causis, quas iam cognouisse vos arbitror, itinera in primis sunt laboriosa & valetudini vehementer infesta. Verum enimvero in iis ipsis incommodis atque difficultatibus mirificè consolatur leuatque nos Dominus, cū ipsa euentuque demonstrat, sudores nostros operamq; nō frustra consumi. quippe gens hæc nuper adedò rudis ac barbara, ad sacratissimum Eucharistiæ mysterium (quæ ipsius Dei virtus ac potestas est) idonea redditur, & mirabili quodā studio ac pietate vltro sacramētum confessionis exposcit. in singulis ferme oppidis templa exstruxere. & dominicis festisque diebus ad catechismum cuncti conueniunt, quæ res missæ implet vicem sacerdotum inopia.

lisdem

Iisdem docendi, concionandi, ceterisque muneribus nō sine magno quidem profectu dat operam in Bactionis regno Ferdinandus Aluarez, profanos ac supersticiosos ethnicorum ritus cum Christiana religione ac disciplina commutans. ægrotauit hoc anno grauiter, & solus est. quocirca maximos in ea prouincia subit labores.

Bactionica gens Mauricam superat ingenij bonitate & acumine: quare facilius etiam capit sacrosancta fidei Christianæ mysteria: non obscura verò argumenta dant omnes, prorsus desertæ abiectione; Mahometanæ prauitatis: ac Rex præsertim, qui vnâ cum popularibus suis acri se incensum studio demonstrat Christianæ fidei propagandæ.

Selebū terra est admodum ampla, multas magnasque continet insulas, Reges habet complures Christianæ religionis ita cupidos, vt nihil ad eorum conuersionem, præter catechesim baptismumque deesse videatur. Solum apprimè ferax: incolę corpōis totius forma & proceritate conspicui, colore non tam atro quàm rubido: minus quieti ac pacati; nunc quidem præ multitudinem Dominorum: sed vbi Christianę disciplinę ac verò Domino sese adiūxerint, conspirabunt omnes atque consentient. Reges Christiani facti iam tres: quorum est omnium cura penes Petrū Massareniam, ex quo facile existimare possitis, quàm vehementer nobis subsidio opus sit. Atque vt clariùs etiam id ipsum intelligatis, nonnullas perstringam nationes, quæ à nobis Euangelium expectunt. In iis numerantur Papuę non absumiles Gastris seu Aethiopiis, in multa regna diuisi: distat hinc ampla eorum regio leucas circiter sexaginta, ad leucas ferè totidem cognita & explorata. Atque ego cum essem apud Regem Bactionis, vidi nonnullos ex iis Regibus, qui ad eum inuisendum pro amicitia venerant, iidemque baptismum petebant: sed non impetrare, quod nemo suppeteret ad eos Christianis præceptis erudiendos, & deinceps retinendos in fide.

Eadem sunt postulata Regis quoque Bengaij, quæ terra in meridiem spectat. Rex verò Gorentaij, cui regno ex altera parte sunt oppositi Selesbes, sextum iam annum instat idem exposcere, atque etiam nuperrimè certos homines idcirco ad Lusitanum Præfectum legauit. Sed frustra, quod valde pauci sumus, & longè lateq; dispersi: misit quidem Præfectus amicitie causa, qui cum muneribus illā in-

uiferent, simulque animauit hominem, & hortatus est ut Petro Mascarenio ueretur, qui tum in ora contraria uersaretur. Regnum uero Gorentalij frequentissimum est: nec dubium quin si Rex Christiana suscepit sacra, ceteri quoque sint suscepturi. Huic finitimus est Rex qui dicitur Botum. is latius etiam imperat. Alia multa regna gentisque consultò prætereo, ne augeam dolorem uestrum, commemorando tot animarum interitu: quos ego uel pro unius tantum salute (si res exigit) uitam libenter posituros esse non dubito.

E PETRI MASCARENIAE LITTERIS

Lernate datis pridie Non. Martij, 1569.

QVando apud Selebes hoc anno uersatus sum, non ab re fore existimaui, si ad uos, quæ sint ibi gestaper, scriberem, ut cum tantam messis copiam in tanta operariorum inopia cognoueritis, cuncti Domino supplicetis, uti quam plurimos dignetur huc mittere.

Sionis Rex, quod iam audisse uos reor, cõuersus ad Christum est, & sacro baptisinate initiatus in ora Manadi, quo tẽpore Didacus Magalianes ibi fuit. ea de causa intra sexdecim menses totum regnum ab eo defecit, vno duntaxat oppido excepto, quod ille cum parente fratribusque confugit, atque inde ad hoc Lernatis Castrum se contulit, opem à Lusitanis implorans. Interea diuina adspirante clementia, populares eius ad sanitatem reuersi, Regem in patriam reuocant imperata facturi. celox ad eum deportandum à Lusitanis instruitur, vnà discessimus ipso natali die Sancti Bartholomei: proximo die dominico in ora Manadi sacra missæ peregrimus. ibi cognitum est dimidiam tantum regni partem ab Rege stare, ceteros in defectione persistere. Inde ad Sionem urbem appulsi, iactis anchoris, oppidanos de regis aduectu fecimus certiores. ij simulatque audierunt Lusitanorum naui delatum Regem, quamquam teneret arcem aduersa factio, nihilominus Principes ad nauem usque accessere sese dedentes, ac Regis pedes multis cum lacrymis osculantes.

Substiteramus ibi iam triduum, nec hostes ad pacificationem adduci poterant. Quocirca Nauarchus, itẽmque Cõsaluus Vrtadus, cum sua cohorte descendunt: ad hos armati ad-

ti adiunguntur trecenti ex iis qui Regi fauebant. Quāto perterriti hostes arce deserta in montes recepere sese. Septembris mensis tunc agebatur, iamque aderat dies præfinita Nauarcho, ut se cum reliqua Lusitanorum classe coniungeret. Quocirca solutis anchoris, natali die Mariæ Virginis, ex eo loco peruenimus ad pagum miliarium circiter trecentarum, quibus Consobrinus quidam regius imperat. ibi remansimus celoce abeunte ego & Rex cum Lusitanis duobus: nec mora templum excitatum est. in eo Regis Patrem, qui ibidem erat, sacro baptismo abluiimus, venerandum senem, ad Christianam fidem valde propensum, & ingenio imprimis mitem ac docilem.

Septembri exeuare, cum neophytos Manadenses inuisere decreuissem, Rex ipse cum multis è suorum numero me prosequi statuit dum ornantur nauigia, è Sanguin insula honestissimi quique viri ad me venerunt, rogantes ut irem ad Regem suum Christianis iniciandum sacris: cuius rei magnam ipsi quoque voluntatem ostenderunt, cum signis aliis tum verò coma exemplo toudenda, quam alunt mulierum more valde promissam. quorum ego studiis optimis obsequendum ratus, præsertim quòd ea ratione ad insulam Sanguin totius (quæ sanè magna est) conuersionem aditus patèficeret, admodum lartos dimissi pollicitus me ad eos esse venturum. ij simul ac patriam attingere honas ædes nobis excipiendis extruere aggressi sunt. inde paucis interfectis diebus Regis Cognatus, cuiusdam viri principis filio comite, præclare instructo nauigio venit ad me deducendū. parata iam erant Regis quoque Siënis octo nanigia. Itaque is etiam mihi cum sua cohorte se comitem præbuit.

Festo diè sancti Francisci manè profecti vespere ad Sanguin accessimus: postridie Rex insulæ cum optimatibus ingenti omnium gaudio nobis obuiam prodire.

Vrbs regia, & insulæ totius nobilissima, Calanga appellatur: eò sumus deducti, ac triduo pòst promulgauimus Evangelium: quo perattentè audito Rex & Regina primoresque respondent, meam sibi orationem vehementer probari: proinde magnopere velle se fieri Christianos. Moratus igitur ibi sum quoad fuit necesse ad præcipuam sexus utriusque nobilitatem sacro baptismo expiandam. quo illi suscepto redemptionis humanæ mysterio, dici vix potest quantum voluptatis & gaudij non solùm animo

hominum esse plus centum millia, qui iam pridem auidè baptismum expeterent, simulque Regem Sionis rogarunt, ut ea de re mecum ageret: sed ego cum cernerem eius orę neophytos esse permultos, nos autem ita paucos, ut nō nisi raro ad eos adire possemus: excusavi me ut potui, præbuiq; spem fore, ut a patribus, qui ad Selebes erant com morandi causa venturi, baptizarentur: me verò non aliam ob causam eò accessisse, nisi ut factos iam Christianos inuiderem.

Inde cursum in Cayripā intendimus, & ex itinere ad oppidum quoddam Regis Bolonis maximè nobile naues appulimus, ut relictum ibi a Didaco Magaliane adolescentē acciperē, mecumq; perducerē. Rex Bolonis Manadi Regis est filius, Mahometanus ille quidē, sed ad Christiana sacra propensus. is aberat eo tēpore passuum ferme ducenta millia. Mater autē ipsius ubi cognouit me portū introisse, mit, qui me & cibariis & humanissimis verbis exciperet, sed mihi nequaquā eo loco morandū existimaui. Itaque adolescente, quem dicebam, in nauem accepto, Cayripam denique attingimus, magna tum neophytorum tum etiā ethnicorum latitia, cuius non obscura dedere signa quādiu ibi mansimus. neque verò parum nos occupatos habuit gētis eius religio ac pietas: ita ut nostrū hospitium celebraretur assiduè vel à neophytis, quos in fide cōfirmabamus, vel ab ethnicis, qui salutaribus rudimentis ac præceptis imbuebantur, quos ego tamen baptizare nolui, quamquam id ipsum efflagitantes, ob eas ipsas causas, quæ mihi apud Batachinos occurrerant, dixi aliquem ē patribus ad eos habitandi causa venturum: atque hac spe iniecta digressi, inde Sionem ineunte Ianuario mense tenuimus.

Consalus Pereria Lusitanicę classis Præfectus Regi Sionis receperat, se illi aduersum rebelles subsidio esse venturum. iamque Ianuarius erat in exitu, nec dum ille aderat. in ea expectatione cōparuere duo nauigia, quibus Rex comite meprodiit obuiam, ratus esse de classe Præfecti; sed a Lusitano Mendornela, qui iis nauigiis vehebatur, cognitum est, Lusitanicam classem vi tempestatis in Malucū abreptam. Sanè molestus nobis fuit is nuncius. cognita mæroris causa Mendornelas ipse Regi se suosq; milites liberalliter detulit. ac diuino fauente numine ita se præclarè gessit, ut paucis diebus duo cæperit oppida vel ipso loco, vel propugnatoribus & armorum apparatu imprimis munita.

ea victoria sedati & compressi tumultus: vniuersa insula in
sui Regis potestatem redacta: Selebes Lusitanorum virtute
perterriti.

Regis huiusce fides ac bonitas præter æterna, quæ (vt
speramus) manent illum in cælis præmia, felicem etiam
hunc rerum exitum videtur in terris esse promerita: vsque
ad id nos officiosè & amanter est prosequutus, quacumque
nobis apud Selebes contigit iter facere, nusquam à latere
nostro discedens. Itaque in eius gratiam magnus etiã no-
bis est honos habitus. nec solum in deducendis nobis offi-
cioungebatur, sed etiam fidei Christianæ præconem se
præbebat, exponens quam illam sibi frugiferam ac saluta-
rem expertus esset. nobis verò apud eos populos pro sua
probitate pioque animo gratias agebat ingentes: & cum
alia tum illa præcipuè prædicabat, se in exilij sui calamita-
te benignè à nobis exceptum ac sustentatum. denique in
regnum nostrò beneficio restitutum esse; quibus ille rebus
animos hominum non mediocriter permenebat, nec apud
neophytos modò, sed etiam apud Lusitanos ipsos magna
nostrum nomen ponebat in gratia.

Pacato igitur (vt dixi) regno, Rege salutato, Lerne re-
uersus sum. mecumque regis filium duxi natu maximum,
indolis egregiæ, nonnisi circiter ægrem annum: què ipse
mihi ita didit Parentis educandum apud nos.

LX LITTERIS SEBASTIANI FERDINAN-
di ad Præpositum Generalem Secretaris IESV, datis
Goa mense Nou. 1, 69.

In diebus Septembris, cum naves huc à Lusitania peruenis-
sent, litteræ tuæ nobis redditæ sunt, è quibus magna cū
animi voluptate accepimus quæ per nostros homines in
Europa gerantur à Domino. & quoniam non ignorabam
vos itè res Indicas libèter solere cognoscere: faciendū mihi
existimaui vt huius anni potissimū ad vos acta perscriberē.

Atque vt à nostro Collegio exordiar, sumus hoc tempo-
re octoginta & octo, præter eos qui in aliis neophytorum
ecclesiis tum in hac insula Goa, tum in Ciorano Salfetisq;
versantur. Gymnasia nostra grammatices, plures in classes
diuisa, discipulos sexcetos circiter cōtinent. ij, diligēter cu-
ratur vt cū lucubrationibus & exercitationibus litterariis,
studium

studium virtutis pietatisque coniungant. itaque singulis mensibus ex præscripto semel omnes, multi etiam sæpius, ultro peccata sacerdotibus confitentur, & corpus Domini sumunt qui ad mysteriū illud censentur idonei. Statis præterea diebus magna alacritate cōueniunt ad Christianæ fidei ac disciplinæ rudimenta publicè decantanda. denique in ceteros etiam instituendos & conuertendos ad Dominū, seruitia præsertim & agricolas, (quantum eorum tenera fœt ætas) incumbunt,

Orphanorum Collegio, quorum est numerus 100 circiter & 20, fratres è nostris duo præpositi sunt: eosque ad omnem virtutē ac probitatem informare non desinunt. Aliquot in iis visuntur Brachmanum filii, quorum opera & comitatus in prouinciis obeundis & in conuersione ethnicorum nostris iam nunc est admodum utilis. Catechumenis, qui quidem sexus virilis sunt, præest frater vnus, femine separatim ac longiùs habitant, quarum est cura pænes mulierem ex Æthiopia, eius rei valde peritam, itaque suo munere tam scienter ac sedulò fungitur, vt in ipsius diligentia prudentiaque nostri magnopere conquiescant. porrò datur opera etiam, atque etiam vt omnes ii cœcitate & errores, in quibus versabantur antea, quàm optimè recognoscant: idola ritusque patrios prorsus obliuiscantur, vbi Christianis præceptis instituti baptizatique sunt, quo sibi deinceps victum honestis artibus parent, variis opificiis vitæque generibus destinatur. vtiq; dum laborâr, inopia nemo deleritur, cum Mauris, Iudæis, Ioguibus (ii quasi religiosi quidam sunt doctoresque ethnicorum) diuturniore Catechismo opus est, quippe quorum in animis mendacia & opiniones prauæ, radices egerunt altiores: quarum ipsas etiam fibras, quoad eius fieri potest, nostri conātur euellere: atq; id ipsū industriæ ac studii in Christianos etiā conferunt sacri Inquisitoris rogatu, siqui fortè à catholicæ fidei norma recesserint.

Concionum fructus idem qui solet. testatur id populi concursus ac pietas: acerbissima verò nece Domini prædicanda, magni etiam animorum motus & lacrymæ. iam cōfessionis & communionis quantus vulgo sit vltus, celebrioribus præsertim festis anni diebus, vel ex eo perspicui poterit quòd Iubileo ex Europa nuper allato, præter alia vrbis tēpla, in hoc tantum nostro ad sacram Eucharistiæ mensam

numerati plus mille sexcenti conuiuæ sunt.

In audiendis confessionibus ægrotorum, iisdemque in extremo vitæ certamine confirmandis sanè, quam præclare ponitur opera. namque ob id ipsum vrbe ferè tota nostri à summis, mediis, infimis adhibentur, ac si quos reperiunt rei familiaris inopiâ, vel domesticâ solitudine vehemētius laborantes, horum non solum animas curant, quantum in ipsis est, verum etiam corpora. Itaque & stipem illis à populo corrogant, & eorum cubicula ac domus ipsimet verunt purgantque, & alia id genus obeunt ministeria. quorum exemplo ad eadem pietatis officia laici quoque non mediocriter incitantur. Itaque appulsis huc nuper è Lusitania nauibus, cum nostri ad littus cum cibariis prodiiissent, excipiendis ægrotis, (quorum erat numerus amplius trecentorum) iisque ad valetudinarium deferendis, & sordibus, quas in itinere contraxerant, eluendis, è populo multico commoti spectaculo, depositis illico palliis, idem facere aggressi sunt. ipsa verò valetudinaria sæpius adire, & solita humanitatis ac benignitatis officia præstare mos est.

In iis quæ ad conscientia animique candorè pertinent, in rebus præsertim contrahendis, exercendisque commerciis, nostros consulunt multi. ac nuper quidam minime obscurus vir apud certum hominem non modò septem aureorum millia, de quibus erat controuersia, sed reliquam pecuniam suam deposuit vniuersam, professus palàm, si malè parta censerentur ea bona, se, cuicumque nostri adiudicassent, omnia redditurum. præterea nō leues tolluntur sæpe discordiæ: humanitatis & officii causa carcer inuiscitur, & ex iis qui damnantur capite, complures ethnici conuertuntur ad Dominum, quorum ille tenebras vt boni quondam latronis eo tempore dissipat. quamobrem nostri huius linguæ periti damnatos ad locum vsque patibuli prosequuntur magno vtique ipsorum bono, quod superioribus diebus ethnici tres liquidò comprobarunt, qui cum alia multa deliquerant, tum Christianum quendam virum honoratum occiderant. horum duo in ipsis adhuc vinculis Christiana sacra susceperunt; tertius obfirmato animo Euāgelium respuebat, quippe cuius conuersionem in exitum vitæ Dominus reseruaret. Itaque cum in Salsetanum agrum ad supplicium cū reliquis duobus ducendus esset, vt ibi

pœnas

pœnas homicidii penderent, vbi homicidium perpetrarent: acçersitur vnus è patribus, qui adhibito secù interprete fratre quodam, cum multis rationibus ethnico suaderet, vt quoniam periret corpus, ne animam seruare negligeret: respondēbat ille sibi non esse tanti. nec tamen idcirco pater ab incepto desistere, quousque peruentum ad littus est, vbi damnatis conscendendum erat in nauem, vt in Salsetas insulas inde traicerent. Hic ethnicus diuino afflatus numine conuertitur denique, & baptizatur magna cum anteaestæ vitæ derestatione ac dolore. his rebus peractis nostri, quòd longiùs progredi per superiorum mandata non licebat, domum reuersi miseris illis valde mœrētibus. Quod vbi Goæ rescitum est, alios è nostris duos P. Visitator confestim submisit eius linguę gnaros: quorum obediēdi studium & alacritatem Dominus multis incommodis ac difficultatibus compensauit. Siquidem longum iter emensi, caloribus maximis, ad mare perueniūt frustra: nauetæ quippe iam soluerant, nec vlla naus in ea statione supererat. Inde igitur, quamuis defatigati, ad quendam piscatorum vicum pergunt sanè longinquum. ibi celetiter comparato, & præclare instructo nauigio, turbam, quæ præcesserat, vix tandem assequuntur. Tum verò noxii præ gaudio lacrymas fundere, iisque gratias agere verbis exquisitissimis, atque ita sub vesperam ad castrum Raciolum descensum est. Eius diei molestissimum æstum Solisque vehementiam postridie matutinus imber excepit, isque densissimus, quo prorsus madidi ad locū supplicii leucas à Raciolo tres peruenērunt. Hic fontes, criminibus per sacram confessionem expiatis, ab vxore liberisque eius, quem occiderant, & à reliqua circumfusa multitudine veniam nixi genibus petunt: deinde imaginem crucifixi, quam attulerant nostri, plena pietatis oratione complexi, huius miseræ vitæ cutriculum absoluerunt, Iesus vniocantes identidem. vñus etiam in extremo spiritu conuersis ad populum dixit, se id lethi genus multis sceleribus esse promeritum, petere tum ab ipsis, tum ab aliorum pagorū hominibus, qui abessent, vt sibi clementer ignoscerent: se quidem animo æquissimo esse, quoniam ad suum tenderet Deum. His audiendis non tenuit lacrymas populus: obitum etiam illorum litanis ac precibus prosecutus est, magna salutis eorum cōcepta spe, quod non dubia in eis contritionis & pœnitentiæ signa

perspexerant. Eadem ferme caritatis officia præstant nostri etiam iis, qui deprauatæ religionis causa damnantur à sacerdotibus Inquisitoribus, nec eos à denunciata illis capitali sententia usque ad persolutum supplicium deserunt.

Ad hæc, dominicis diebus veipere decem è nostris ad catechismum exercendum in quinque parœciarum huius urbis templa se conferunt, quorū in singula conueniunt præter ceteram urbem pueri ducenti, trecenti, ac propè quadringenti, adeò studiosè & alacriter, ut libenti animo discendi causa lusus pueriles relinquunt. excitantur autè præmiis quibusdam, ut crucibus, imaginibus, & huiusmodi, rogantque nostros ut reuertantur eò sapius, nam se non solū affuturos in tempore, sed etiam curaturos ut alii accedant. Cū res ita bellè procederet, visum est aliquando has quæstas copias communis lætitiæ causa recensere, & in ædem nostram cogere. itaque dimissi aliquot è nostris per urbem, conuocatos agmine composito pueros perduxere canentes, & virentibus ramis ornatos, ut nullus esset urbis vicus, qui non Christiani catechismi vocibus personaret: idque tanta populi approbatione, ut multi patresfamilias aliisque honesti viri enixè peterent, liceret sibi illud innocentium agmen & comitari & adiuuare, idque à compluribus factitatum. Conuenere autem in templum nostrum pueri interdum ad tria millia: quorum aliqui vixdum è patria lingua quantum è Christiana doctrina didicerant: quæ res copulatis facienda est, quod eorum profectus & eruditio ad plurimorum aliorum cuiusvis generis hominum utilitatem ac salutem redundat.

Hoc eodem instituendi munere funguntur nostri etiam in plateis & compitis: & simul turpis aleæ lusus & improbatemere iurandi consuetudo è plebe infima tollitur. Circueunt etiam agri Goani vicos atque parœcias non paruo ferè cum animarum lucro, sed magno labore & corporis vexatione, quod longò intervallo ea loca inter se disuncta sunt. In quodam ex iis pagis fuit Brachmanes adeò pertinax, atque ita in dæmonis potestate, ut cū & nostri sæpe & alii salutis eius cupidi ab opinionum prauitate ad veritatē multis rationibus hominem traducere conarētur, ipse cōtumaciter omnes eluderet, iamq; vulgo pro desperato haberetur. Verū diuinitus factum est, ut cū die Dominico par Christianorū in fabrilis cuiusdam parietis opere conti-

necret,

heret, cœptis interueniret vnus è nostris, atque is primùm Christianos obiurgare, quòd tali die operam darent præferim ethnico: deinde, experiendi causa, culpam eius rei totam in Brachmanem vertere, crimen augere verbis, nec sanè frustra: siquidem terrore quodam repétino percussus ille respondit, se suòsque omnino Christianos fore. nec fidē fefellit, cum aliis septēdecim Christianus est factus, mutatus in alterum virum: nostròsque iussit sine cura esse. conatus omnes adhibiturum se, vt è popularibus suis nemo non Christiana sacra susciperet. Speramus promissa facturum diuino adspirante numine, quòd huiusmodi actionibus deesse non solet.

In æde sancti Ioānis Baptistæ, passibus ab vrbe Goa mille & quingentis, sacro baptismate initiati hoc anno ferme septuaginta, Brachmanes plerique, quorum operam ad aliorum conversionem speramus magnopere profuturam: alios eiusdem patreciæ vicos, tribus circiter passuum millibus a templo distantes, fratres duo circumcunt. horum alteri, catechismum die quodam dominico de more exercenti, casu ethnicus quidam interuenit, quem scilicet Dominus ad sacrosanctæ matris Ecclesiæ gremium perducebat. hunc vt vidit frater, ad eum sermone conuerso cœpit agere de rebus ad salutem ipsius animæ pertinentibus: quos ille sermones quum respueret, nec diutius audire velle se ostenderet, paruulus quidam ex iis qui ad rudimenta Christiana conuenerant, annum agens circiter nonum aut decimum, offert vltro sese, & mirabili quodam spiritus animique ardore succensus, suadere insistit homini, vt Christiana sacra suscipiat, multis rationibus ethnicæ superstitionis mendaciæ coarguere, denique sublati in cælum manibus orare & obtestari, vt æternæ saluti prospiciat. ac frater quidem, vt cum ethnico ageret ipse, correptum brachio puerum bis terre semouit: sed cum pueri pietas nequaquam ferret disiungi se ab eo colloquio, obtrudere ille subinde sese, argumentis pro sua parte pugnare: nec ita multo post Dominus, nimirum paruuli fide innocentiaque placatus, ethnicum suæ gratiæ stimulis ita excitare dignatus est, vt commutata voluntate diceret velle se fieri Christianum. Itaque confestim à fratre detonsus est: comamque pueri furca suspensam, ingenti gaudio lapidibus petere ac sputis, in simulacra sua Deosque patrios stuxcenta probra iactare.

In

In eius vici neophytis magna quædam ad res diuinas propensio cernitur; petunt ut sibi liceat suo sumptu templum ædificare, quod nostri ad sacra missæ peragenda se cōferant: negari non poterit, quod & iustum est postulatam, & a cōmuni parœciæ templo absunt longius. ex ea plebe sexaginta ferme hoc anno baptizati, aliique sunt etiam Catechumeni. Castrum est in hac insula mille & quingentis ab urbe passibus: in eo templum visitur sancto Iacobo sacrum, vicis aliis compluribus huic parœciæ contributis, & quia loco est opportuno & celebri, Mauri complures Domino lucrifunt: atque ad eam rem non mediocri est adiumento Præfectus ipse præsidii, qui rei Christianæ quā sit studiosus, vel superioribus diebus ostendit actione planè digna litteris. Erat ibi Brachmanes insignis, cuius ira mentis oculos occæuerat dæmon, nullum ut salutaris lucis radiū posset admittere. hunc nostri sapius aggressi, denique peruicerūt, ut Christianum fieri velle se diceret, ita tamen, ut bimestre spatium sumeret ad se præparandum. Interea oppugnat eū vehementius dæmon, eiusque animum ita refrigerat, ut cum dies adesset, mutato iam pænè cōsilio, rem differre ac tergiversari inciperet. id ubi vident fratres, fidem promissi exigunt ipsi primum, tum etiam ad Præfectum, cui idipsum promiserat, Brachmanem adducunt: quum pergeret nihilominus petere, ut dies prorogaretur: obsecrat eum Præfectus, ut eādem ex iis tenebris animum inducat emergere, celeritate opus esse, præsertim in tali negotio. cū ille obstinatus in sententia perstaret, eò denique perducta res est, ut Præfectus perterritus misericordia se ad hominis pedes abjiceret supplex, eumque ut sibi cōsuleret lacrymans precaretur. idem factum etiam à fratribus, quare ethnicus non dubio pudore concepto, manus denique dare coactus est, seque continuò quod vellent dixit esse facturum, tum verò Præfectus gratulabundus ruit in eius amplexū, eumque mox pretioso pallio purpureo & serico pileo exornat. hoc suæ in eum benignitatis initio facto, quo non modò liberalis animi, sed etiam pii ac religiosi, egregium specimē præbuit: deinde hominem vna cū fratribus ceterisque qui aderant domū usque deduxit. nouitate spectaculi obortæ uxori ac domesticis lacrymæ, sed eos ipse Brachmanes obiurgauit, nimirum alio quam antea spiritu, omnesque reddidit Catechumēnos.

In eodem tractu alia res accidit memorabilis. Dum ea loca nostri circumueunt, offendunt pro foribus ethnici cuiusdam filiolum baptismi percupidam, eamque Christianis præceptis imbuere incipiunt. Sentit hoc mater, statimque furēs ad ianuam prouolat, vni è nostris diabolico instinctu alapam primùm impingit acriter, deinde pugnum faucibus ineurit. vbi hæc flocci non facere præ puellæ salute nostros videt, tum verò vehementius exardescens fustem arripit, ægréque rabies eius multitudinis cōcursu reprimitur. Verūtamen ea fuit fratris in ea iniuria patienter ferenda tranquillitas atq; submissio, vt mulier postea placata, cum vniuersa familia se ipsa quoque ad Christum adjunxerit.

Puer quidam, tertium-decimum ferme natus annū, fratres eisdem adiit baptismi causa: interrogatus cuias esset, respondit Maurum, ex pago quodam leucas circiter quinq; distante, seque à parentibus ob id vnum clam profugisse, vt ad Christiana sacra contenderet.

Huic sancti Iacobi castro aliud est & natura loci & viatorum frequentia non absimile. ædes est ibi sancto Blasio dicata, pueriq; numerantur ducenti ferè, tanta gratulatione aduentantes nostros excipere soliti, vt paucis hisce diebus, cū eos iter ad se habere cognouissent, iis cūcti virentibus ramis insignes, & Christianæ doctrinæ rudimenta cantes, obuiam longè processerint. baptizati hoc anno sunt à nostris in eo castro ferme triginta.

Ad retinendos autem in fide neophytos, præter catechesim, quæ sedulò exercetur, curatur etiam, vt statis diebus missæ adsint, omnesque suo tempore peccata ritè confessario detegant. præterea ab ethnicorum consuetudine, celebratibus, atque spectaculis ex decreto prouincialis Concilii prohibentur.

In Ciorano insula sancti Bartholomei parœcia est cōstituta, cuius Apostoli festo die natali baptizati sunt hoc anno octo circiter & quadraginta aduenæ è finitimis Mauro-rum regionibus, nam ipsa insula tota iam Christum Dominum proficitur. Festus autem ille quem dixi dies, anniuersaria celebritate ludicrisque peragitur, quo facilius & vera pietas neophytorū animis imprimatur, & patrii ritus ex eorum memoria deleantur. Itaque cū sacras omnes & reliquias & imagines eximio quodā studio ac veneratione prosequuntur, tum verò confessioni tantū tribuunt, vt cū primūq;

primùm in morbum incidere, quanquam eminus & incòmoda tempestate, exemplo patrem confitendi causa accersant; affirmantque pro certo, se hoc sacramentum corporibus suis longè quàm alia humana remedia salutaris experiri, aiunt etiam omnes, idque constanter, ante Christiana sacra suscepta terrificis dæmonum monstris aliisque spectris valde torqueri se solitos: sed ex quo religionem veram induerint, ipso nomine IESV, quod nomen illi magnopere venerationis: & signo crucis, quod in omnibus actionibus adhibent, quiduis triste ab se facessere, dicuntque nonnulli, eius nominis fiducia nullam rem se non aggressuros quamuis arduam atque difficilem. iam quanto studio teneantur ethnicos ad Christum Dominum perducendi, declarat eorum assidua atque importuna efflagitatio, ut liceat sibi ea de causa cum ethnicis agere! sed quod volunt non semper à nostris impetrant, scilicet ne studio elati in eo genere quandoque peccent. etenim paucis antè diebus neophyti aliquot cum alium reperissent in Maurorum finibus habitantem, non sine periculo susceptę religionis per eam consuetudinem deferendę, caritatis ardore succensi ultro ipsi captum vincitumque ad adem nostram magno suo discrimine pettraxerunt.

Brachmanes quidam neophyti sunt, huius insulę primarii, Ganzares, horum cognatus quoddam odio Christianę religionis sponte exulatum in Mauros abierat, in eius bonorū possessionem Prorex hos quos dixi Ganzares miserat. Verum illi commodis suis omnibus atque pecuniis præ cognati salute neglectis, hominē hoc anno adierunt, nec antè destitēre, quā ille Dei beneficio cum vxore, liberis ceteraque familia in patriā ad Christiana sacra traductus est. Alii duo cum item ad Mauros eo consilio sese contulissent, ut affinem quendam suum ex iis locis abducerent, atque ad Christi ecclesiam aggregarent, à barbaris capti & malè accepti sunt, quanquam vbi cognitum est eos esse Cioranios, deinde soluti dimissi que sunt: atque spes est ipsum quoque affinem propediem adfore.

Iam verò à patriis ritibus ac cæremoniis quā vehementer abhorreant, vel illa res indicat: aduenērat nuper ethnicus quidā, ut coccos aliquot emeret (fragis genus id est infiat nucum) cuidam è simulacris de more libandos: id vbi sensere nonnulli eius propinqui, ultro ipsimet hominem

vsque

vsque ad fluuium persecuti captum ad nostros vi pertraxere, sic statuentes apud animum suum, pro sceleris atrocitate lenius agi cum illo non posse, quam vt confestim laqueo suspensus è medio tolleretur. Nec solùm eiusmodi, sed etiam cetera flagitia maiorem in modum auersantur. Testis est adolescens quidam claro genere natus, qui superioribus diebus parum pudicæ mulieris consuetudine implicatus cum esset, id vbi affuibus cognitum est, nulla nobilitatis eius habita ratione, & ipsum & feminam ex insulæ finibus exegere, negantes ferri vllò pacto posse, qui exemplo suo ceteros tantopere offenderent. Alia multa in hanc sententiam dicenda supererant: sed ex hisce de reliquis existimari facillè poterit.

In Salsetano agro huic insulæ propinquo templa quinque excitata, quorum primum & antiquissimum est in castro Raciolo, dedicatum Mariæ Virgini ad nives. In eo baptizati sunt hoc anno centum & quadraginta, præter eos quique Goam eiusdem rei gratia venire, quique hoc tempore catechumeni sunt. porrò in illa parœcia Christiani in vniuersum numerantur amplius octingenti. Festo ipso ninium die, P. Prouincialis eò profectus, manè sacra missæ ritu pompæque solenni peregit, & concionatus est: sub vespertam baptismate loti sunt quadraginta, ingenti gratulatione, magnoque sacrorum apparatu, sedulò incumbentibus in eam rē Præfecto ipso præsidii, æconomis, atq; consulibus, quorum vnum pro eximio Christianæ rei studio ethnici adedò malè acerbeque oderunt, vt eum calumniis fictisque criminibus in capitis periculum vocare non dubitauerint. itaque in custodiam est traditus aliquando, & vexatus à magistratibus: verùm in eiusmodi ærumnis tantam ille semper alacritatem atque adedò lætitiā præ se tulit, vt pro sacræ fidei propagatione maiores etiam labores & incommoda sibi ab Deo precari & expetere videretur. Rursus etiam ab iisdem Brachmanibus ferè & lapidibus appetitus, præclarè secum actum existimauit, vel ob id ipsum, quod benignitate Domini factum est, vt quotquot eum oppugnauerunt, immutati deiiceps ad Christum sese conuerterint.

In mediis illis finibus oppidum est celebre, Margon, & in eo templum sancti Spiritus, quo plus mille Christiani conueniunt, qui Brachmanes Ganzares antea fuerant.

gregem

gregem hunc quinque tuentur è nostris, qui hoc anno ibi sacramento baptismi initiati sunt, ii summam efficiunt 234. hos alii sequuntur propediem. Ex eo loco dominicis omnibus festisque diebus confert se vnus è nostris ad sacra missæ faciendæ in ædem sancti Michaëlis, quæ Margone distat quinque circiter millia passuum, Christianosque numerat octingentos egregia omnes pietate atque constantia, licet ferè omnes disiuncti atque dispersi, quidam etiam bene lōgè à templo inter ethnicos habitent. baptizati sunt ibidem hoc anno 107. augebiturque neophytorum numerus, cū primū deferbuerit ira dolorque vulgo conceptus ex disturbance delubrorum suorum. Et quoniam tanta est gēritium immanitas, vt cū primū quis Christianus est factus; eū vel propinqui & affines deserant quamuis extrema laborantem inopia, valetudinarium ibi nostrorum cura constitutum est, quo magna mortalium approbatione & excipiuntur & curantur ægroti, non modò Christiani, verū etiam ethnici, atque ea ratione multi Christo Domino lucrifunt.

In eadem ecclesia conuersiones quædam hoc anno extiterè notabiles. Ex Maurica terra tres exacta iam ætate homines eò contendere ob id vnum vt Christo datent nomina. ægroti nonnulli Christiana religione in ipso morbo suscepta, contritionem præ se ferētes, è vita migrarunt. Iuuenis annos natus circiter quinque & viginti, cuius pater, vir imprimis honestus, cum vniuersa familia sese Christo Domino addixerat, parentis consilium derelictus, ad Idalcānem Maurorum Regem se contulit, à quo amicè exceptus & in honore habitus est: verum tamen acceptis deinde à patre litteris ita permotus est, vt Christianæ religionis causa omnia illa commoda sponte relinquere, & leutarum triginta iter emetiri nō dubitauerit. liberaliter egit cū vtroque Prorex, eorumque comodis admodum benignè consuluit.

In eodem tractu aliam ecclesiam, cui à sancta cruce nomen est inditum, Christianorum circiter sexcentorum, nostri procurant, anniuersaria crucis adorandæ sacra, quæ in diem quartum nonas Maii incidunt, eū cetera celebritate hoc anno peracta sunt, tū etiam baptismis capitum 60, qui numerus & pro temporis spatio, (siquidem nuper eò lumen Euangelii illatum est) & pro multitudine ac pertiacia Brachmanum, qui ibidem sunt, nequaquam exiguus est

et putandus. Baptismo peracto, neophyti omnes agmine ramos arborum præferentes, cum præcentione tubarum & varia symphonia prodire ad crucem loco pulcherrimo defigendam, ubi nostrorum opera sanum ethnicorum totius eius regionis opulentissimum euersum antea fuerat: ut qui locus dæmoni colendo tandiu patuisset, idem adorandæ cruci dæmonis victrici consecraretur. Postridie eodem ordine ac ritu aliam statuerunt in vico finitimo, impositam pilæ, qua in summa prius confitum erat amaraeum, quam Brachmanes herbam magna superstitione ac ceremoniis pro numine venerantur. atque ea sanè pila adeo commodè præbuit cruci basim vel natura loci, vel ipsiusstruxæ forma ac figura, ut eā vnā ad rē excitata fuisse videretur.

Superioribus diebus baptizatus ibidem est puer, cuius conuersionem nostri diuturno labore quæsierant, spe matris etiam ea ratione ad Christum Dominum perducendæ, nobilis feminae, & cum primario viro cōiunctæ: sed illa nihilominus obstinata palam profitebatur se parum laborare de filio. quod ubi ille cognouit, quanquam ætate admodum tenera, periit ut liceret sibi matrem adire, conatibus suis Deum forsitan affuturum. magnum in eo studium atque ardor animi cernebatur. itaque ei negari non potuit, nec sanè puerum fefellit opinio. namque ita se in ea actione præclare gessit, ut mulier, marito relicto, filium secuta sit, iamque animi verè Christiani indicia dederit.

Alia Brachmanis Ganzaris viri principis filia catechumena est facta: quam tanto patens amore prosequabatur, ut nemo dubitaret, quin eam omnino imitaturus esset: sed ceteri Brachmanes opposuere illi sese, cumque perpulere, ut cum Præfecto expostularet & quereretur, filiam sibi per vim ablatam fuisse. deducunt igitur hominem centum ferè Brachmanes ad Præfectum, certa fiducia fore ut puella verbis suis calumniam comprobaret. Sed illa ubi eò peruenit, tota se ad arbitrium eius reiecta, & iussa quod sentiret libere expromere, palam respondit, vim sibi nullam prorsus adhibitam fuisse, dolere sibi quòd non citius Christum Dominum cognouisset: quare Brachmanes, turpiter victi abiectique digressi sunt, ipsa baptismo expiata, & novo nomine Lucia vocata est: speramus etiam suos aliosque ipsorum opera permultos idem esse facturos.

Ad eundem pagum accesserat Iogues, hoc est, quasi

monachus inter ethnicos, ex eorum genere qui cultu vitæque horrido sanctimoniam profitentur. ætate videbatur annorū quinque circiter & viginti, egregia forma corporis, vultu modesto, minimè loquax: in hunc neophyti cū incidissent, pænè captivum ad nostros adducunt. Interrogatus à Patre, quonam consilio vitam adedò asperam duceret, quémve tot laborum sibi fructum proponeret: respondit se antea vitæ peccatâ expiare, salutique prospicere: tum Pater multis rationibus quanto in errore versaretur ostendit, qui sine conditoris sui cognitione se id assequi posse confideret, suæque disputatione ita permovit hominem, ut quasi nova quadam oborta luce responderit, quoniam ita placeret Deo, velle se fieri Christianum, simulque voluntatem suam facto sanè admirabili declaravit. vestibus erat indutus laceris & attritis, pendente ex humeris sarcina coniectis in eam quibusdam quasi reliquiis, quas religionis causa circumferebat, ænea scutella, poculo in cucurbitæ formam excauato utebatur: brachia & crura ferreis armillis, manuum digitos ac pedum ferreis item annulis habebat ornatos: fistulam è ceruice suspensam, corniculum venatorium manu gerebat, quibus aduentum suum in oppida præsignificare erat solitus: nec deerat illi mortis meditandæ materia, passer extinctus non detracta pluma. barba & capillis erat abrasis: exigui tantùm circuli spatio comam in summo capitis vertice raram sed promissam & bene compram cōsultò reliquerat. aures erant quatuor aut quinque locis perforatæ, lignis quibusdam insertis, tanquā suæ professionis insignibus. Sed ubi cum Patre congressus est, magna & Christianorum & gentilium turba sectante, nouo spiritu instinctus processit in forum, ibique rogo excitato & accenso, omnia illa instrumenta, quibus illum demum orauerat, in fascem colligata cōtecit in ignē: Brachimanibus magno suo dolore inspectantibus, & tanta ac tam repentina mutatione stupentibus. nec his contentus loquens, ubi Christianis rudimentis institui est cæptus, veniam petiit matris adeundæ, ut eam cum filiis tribus ad Christum ab impietate traduceret. conatui respondit euentus, namque profectus in patriam, quotquot quæsitum ierar, secum ad nostros adduxit. Sunt autem adhuc catechumeni; nam, ut antè diximus, loguium catechesis de industria solet esse prolixior, sed baptizabuntur propediem.

In eodem vice quidam erat ab Euangelio ita alienus, ut latebras quæreretur assidue, ne Dei verbo aures dare cogere-
tur: is cum grauissimum in morbum diuinitus incidisset, morte iam imminente interrogatus à nostris, vellétne fieri Christianus, & desperato iam corpore animam ab interitu vindicare: velle respondit, prælatè enim, inquit, intelligo, Deum hoc morbo fugæ ac tergiuersationis meæ pœnas à me repetere, atque ita culpam agnoscens ut baptizaretur efflagitauit illico antequam efflaret animam: atque ubi lotus est, crebris cum Deo colloquiis habitis, peccatorum veniam implorans, ea ipsa nocte migrauit è corpore. verum de hac parœcia (ne sim longior) hæctenus, quæ Christianis hoc anno aucta est centum septuaginta tribus.

Sanctorum Philippi & Iacobi ecclesia Christianos continet quinquaginta supra octingentos maxima ex parte Brachmanes: eam quoque vineam, colunt nostri sanè fructuosam, namque hi neophyti spectata probitate studioque sunt amplificandæ religionis Christianæ, atque ob id ipsum angustias pauperum suis facultatibus leuare nō desinunt. Sed ut ethnicis iis qui bonam frugem pollicentur adiuuandis libenter insistant, sic ab improborum ac pertinacium consuetudine longè refugiunt. Ad numerum fidelium adscripti hoc anno in eadem ecclesia sunt amplius centum & quinquaginta præter triginta, & eo plures, qui se ad hoc collegium ea de causa contulerant. baptismus ibi inter ceteros habitus est capitum simul octo & septuaginta, in iis cum alij insignes viri fuere permulti, tum verò maximè Brachmanes Ganzares tres. Apparantur autem actus hi publici quàm amplissimè, quo facilius Indi ritus impios ac superstitiones dediscant, quibus certatim operantur hæ gentes externis cæremoniis & gratulationibus, utpote veræ atque internæ pietatis prorsus expertes; totamque religionem spectaculorum duntaxat ac pomparum magnificentia ac specie metientes. Ad eum porro, quem dixi, baptismum ingens concursus est factus partim incolarum, partim etiam Lusitanorum, qui ad eam ædem religionis causa peregre aduenerant. In ea turba neophytus repperit est in tanta aliorum gratulatione solus effusus plorans. res non sine admiratione continuò deferretur ad patrem. is accedit ad hominem: quærit cur in publica lætitia vnus ipse lugeat: tum ille: quid ni (inquit) fun-

dam præ gaudio lacrymas, cum videam ritè coli communè
omnium Dominum eo ipso in loco, vbi paucis antè diebus
eundem per summam impietatem neglectum & iniuria af-
fectum asperi toties, cum honores eius numini debiti, saxo
cuidam hic posito tribuerentur, nomine Manganatio! ob-
stupuit eo responso Pater, præsertim quòd nihil tale ab illo
expectasset: qua ex re perspicì potest immensa conditoris
ac Domini nostri benignitas, qui charismata sua nò ad ho-
minum opinionem atque iudiciũ, sed alto quodã & arca-
no consilio diuidit. Erat in eadẽ parœcia mulier Christiana,
cuius filius ab idolòrum cultu & Brachmanum consue-
tudinẽ diuelli non poterat. itaque pro eius conuersione vt
pro sancto quodam Augustino pia mater Monica lacrymàs
precabatur assiduè, cumque totum iam quinquennium in
eius oppugnanda pertinaciã frustra laborasset, graui deni-
que morbo mulier opprimitur. per eam occasionẽ ad euo-
candum matris nomine confessarium filius aduenit. Dies
erat niuiũ miraculo sacẽ; eo ipso die, manè, sacrificiò mis-
sæ pacto, ambo profecti sunt: cumque tali die pater frugem
aliquam virgini matri libare percuperet: cœpit in itinere cũ
adolescente agere de venturi seculi veritate deque huius vi-
tæ fallacijs, suadere & hortari vt saluti prospiceret matris
exemplo, quæ id tam vehementer optaret. quibus ille ser-
monibus, vt à Christi nominẽ maiorem in modum abhor-
rebat, initio minimè flecti visus est; veruntamen vrgẽte de-
inceps multis rationibus patre, affuit cæpris eius omnipo-
tentis Domini bonitas, quæ adolescentis animo sancti spi-
ritus faces admouit sic, vt exutis impedimentis omnibus,
quibus implicatus à dæmone tenebatur, Christianum fie-
ri matrique obtemperare velle se dixerit: ad quam vbi per-
uentum est, tota re à confessario exposita, mulier tantũ læ-
titia percepit ex ea tam repentina tamque felici immuta-
tione filij, vt statim se morbo leuari senserit. præbuit confi-
tenti aures Pater, deinde ceteros Christianos adiit, profe-
quente officij grati que animi declarandi causa adolescen-
te catechumeno cum alijs cognatis, & eorum quidem eth-
nicis aliquot, qui ostendunt se quoque propediẽ id ipsum
esse facturos. Dominus noster eos in salutari consilio susce-
pto retineat. Huic alia ecclesia ac templum opportuno lo-
co instituitur: namque re ipsa compertum est, ad ethnico-
rum conuersionem & neophytotum profectum longè vti-
lissimam

hissimam esse ædium sacrarum frequentiam, etenim hoc pacto & boni ab improbis commodius dignoscuntur, & vniuersi facilius adiquantur.

In hac insula Goa nostri ecclesiam quoque Sancti Ioannis Evangelistæ administrant. ea Christianis constat octingentis: qui vt ferè omnes admodum honesto loco sunt nati, & in principibus insulæ numerantur: Christianis actionibus tempus redimere student malè positum in idololatRIA. itaque egentibus benignè faciunt, præsertim cùm annonæ laboratur inopia: quod cùm hyeme proxima contigisset, conuentu habito primores oppidi cuiusdam rationē iniungere subueniendi pauperibus, idque fecerunt. vbi verò tēpus messis aduenit, aliquot oryxæ candis (certæ mensuræ nomen id est) ex collatione in publicum redegerunt pauperibus diuidendos. quæ laus hominum eo maior est, quòd iidem ante conuersionem aliud nihil nisi tyrannidem, rapinas, & alia huiusmodi scelera meditari solebant.

In rebus iis, quæ ad synceritatem fidei pertinent, nullus carni & sanguini relinquitur locus. Senis cuiusdam filius ad Mauros se contulerat, huic parens pro litteris apertè denuntiavit, si quid ab se postulatet, rediret in patriam, Christumque profiteretur: ita forè non solum vt animam exitio sempiterno subtraheret, (quanquam id maximè spectari oporteret) sed etiam vt paternæ inter ipsos necessitudinis iura constarent: sin rem diutius distulisset, sibi certū esse exacta iā ætate, & ad exitum appropinquant, illo exhæredato patrimonium omne egētibz distribuere. quæ ipsa denuntiatione alij quoque, nec sanè frustra, cognatos ab impietate deterrent. hoc anno in eadem ecclesiā sacro baptismatis fonte renati sunt octo & triginta plerique nobiles: in iis tres è Botorum familia, qui apud ethnicos concionatorum exercent munus, magnoque in honore sunt. ante huius mensis exitum multos alios neophytorum affinium suorum opera sperabamus ad Christi gregem accessuros. Paucis antè diēbus ad templum illud baptismi causa se contulit grandis iam natu, minimeque contemnendus vir, tanta fide & notitia Dei, vt qui aderant mirarentur: etenim Catholicæ fidei capita exponenti Patri respondit ille, sanè vt videbatur ex animo, se cano iam esse capite, nec ignorare neminem præter vnum Deum ac Dominum nostrū colendū atq; adorandū esse: eundemque sibi iādudū

hæere in pectore, ac proinde sese deſerere lōgi iacturam tēporis in dæmone propter ſummum ſcelus venerādo conſumpti: & ſimul vim lacrymarum profudit contritionis ac pœnitentiæ teſtem, pētens vt ſacro baptiſmate laueretur, quod poſtea factum eſt. Denique vt ad alia tranſcā, noſtris hominibus illius eccleſiæ, neophyti pietate in Deū & officio ſatiſfaciunt, nec eo quēpiam ē Maurit accedere patiuntur, quin tem ad noſtros continuo deferant, vt ad eius conuerſionem aggrediantur. Anniuerſaria eius templi ſolennia hoc anno cum ceteris ceremoniis, frequētia populi, & ſacra concione celebrata ſunt, tum etiā baptiſmo cādidatorū viginti, quos alij octodecim paulo pōſt ſubſecuti ſunt, vt interim eos taceā, qui ad hoc Goanū Collegiū miſſi ſunt: atque etiā nū ſuperſeſſe dicuntur ibidem catechumeni quinque & viginti.

Præter hoſce baptiſmos in Goanis finibus habitos hoc anno etiā in ipſa vrbe Goa in ædibus noſtri Collegij baptiſmi quatuor generales pera cti ſunt non ſine apparatu magnifico, ſymphoniā, ſupplicationē publica, concionibusque noſtorum, qui linguam Indicā callent præclare, præſente Prorege, proterea quòd in candidatis erant Brachmanes multi viri primarij.

Primus cōcelebratus eſt Epiphaniæ die feſto, quòd hoc libamine grātius nullum infanti I e s v ſotē putauimus. baptizati ſunt octoginta, in iis Brachmanes medicus in primis huiusce vrbis clārus: huius ultro ſe prēbuit ſuſceptorem ipſemet Prorex, vniuerſa Indica nobilitate honoris cauſa proſequeute.

Alter eadem ferē pompa in Maium menſem incidit. ingenui abluti octo & quadraginta ſupra ducentos præter multa Luſitanorum mancipia. in eo numero fuere Brachmanes duodecim inſignes viri cum ſua quiſque familia.

Tertius in tertiā dominicā diē Iunij mēſis dilatus eſt angelo cuſtodi ſacrā. Ea celebritas ceteras tū gratulatione, tū neophytorū numero ac nobilitate ſuperauit: cuius rei non minimā laudē fructumq; tulit Luſitanus incolā, qui cū in ſuis hortis ethnicos haberet cōplures vehemēter in ſuis ſuperſtitionibus obſtinatos tātū aberat, vt ad eos ad Chriſtū allicere conaretur, vt etiā de noſtris hominibus id agētibz quereretur: quòd ſcilicet illis moleſtiā exhiberēt: verū is diuinitus deinde factū eſt, vt culpam ſuam agnoſcens, mutatā

volun-

voluntate nostros in opere adiuuare sedulò cæperit, & ex iis ad fidem traduxerit amplius quinquaginta, qui nostrorum opera Christianis deinde præceptionibus eruditi, vbi dies baptismi adfuit, ab ipso Lusitano per mediam urbem ad ædes nostras agmine composito ducti sunt, ramos manibus proferentes, præcipientibus rubis, vt specimen aliquod Prœregi præberet nouarum frugum, quas in pomario suo decerpserat. sub vesperam deinde sacro baptismo initiati sunt in vniuersum ducti & sexaginta: in iis Brachmanes Salsertani & Goani honesti homines citciter quinquaginta.

Postremus fuit capitum centum & sexaginta, Octobri mense, post diem vndecim millibus virginum sacrum, idq; summa cùm significatione lætitiæ. porro omnibus hisce celebritatibus interfuere Lusitani tres, qui in hac vrbe sibi domicilium collocarunt, quorum vnum œconomum esse Raciolenis ecclesiæ diximus antea. [Atque ego sanè verbis exequi nequeo, quam cupidi sint tres ii homines animarum salutis: siquidem pro ea tam vehementer laborant, vt ab Deo in terris videantur esse propositi quasi quoddam exemplar & incitamentum multis in hoc genere negligentibus: cùm enim ea de causa calumniis falsisque criminibus oppugnantur, interdum etiam trudentur in carcerem: ita libenter hasce vexationes omnes & incommoda excipiunt, vt præclare appareat, quanto desiderio teneantur patiendi pro Domino. Hac hyeme falsò accusati sunt, quòd ethnicum quendā ad Christiana sacra vi compulissent, cùmque generalis auditor mendaciis oneratus, eos pro potestate coercere imperasset, vnus ex iis fuga sibi cōsulere cū posset, prorsus neglexit: quin etiam suadenti Rectori nostro vacaueret, respondit ille, se pro conuersione ethnicorum non modò non formidare custodiam, sed etiam optare Christi Domini gratia flagitis cædi publicè, seque inter ipsa verbera mirabilem fructū ex vero lictoris præconisve capturum, cū eius supplicii causam de more pronuntiaret atque is eodem animi sensu subortis penè lacrymis, reputans quàm paruo studio teneantur homines hominum seruandorum affirmabat, si cognosceret in Maurorum finibus quamuis longissimè positum quempiam ethnicum ad Christiana sacra propèsum, neglecturum se non modò rei familiaris iacturam, sed etiam omnia capitis pericula, vt ad eū ab

interitu renouandum illucisq; contēderet. præclarā sanē laudem, præsertim quòd multo plures hac tempestate reperias, qui tam sancta studia retardare, quàm qui adiuuare conentur. Et quoniam de horum hominum virtute iam antea scripsimus, illud vnum adiungam; octauo quòque die confessionis & Eucharistiæ sacramentis in æde nostra & se muniant ipsi, & alios multos ad id ipsum incitant. nullus præterea baptismus est, aut Christianorum celebritas, quin intersit: nec modò neophytis gratulantur, sed etiam in difficultatibus benignè subueniunt. optimam hanc eorum mentem tueatur Dominus.

Qui à nostris hoc anno ad mensem vsque Nouembrem baptizati sunt, eorum est summa (baptismis omnibus computatis) trium millium, & nouem supra ducentos, præter eos quique in priuatis ædibus ægrotantes, quique in custodiis publicis ac triremibus, alibiq; eodem æternæ salutis imperiti mysterio, in codice relati non sunt, exiguus numerus si superiores annos respicias, siu bellicos tumultus & incommoda reputes, quibus impeditur Euangelium, nequaquam exiguus: vberioris verò messis hac tempestate sedata, spes est: præsertim acriter incumbente in eam ipsam rem pro virili parte Protege, qui neophytos officiosè cōplecti ac tueri, & ad ethnicorum conuersionem hortari non desinit: quin etiam ter quatuor complures ipse vestiuit. aureorum mille & quingentorum impensa: cuius pium hoc studium curamq; amplificandæ Christianæ religionis Dominus augeat.

Hæc mihi in præseptia, venerandè Pater, in mentem veniebant, quæ de progressu Euangelii ad te scriberem. Reliquum est, vt precibus & sacrificiis tuis gratiam nobis virefque implores a Domino, quo non solum partas retinere animas, sed alias etiam deinceps lucrari possimus. Goæ, mense Nouembri, 1569.

EX LITTERIS MARTINI SYLVÆ AD
Consaluum Aluarem, datis 6. Calend. Decembris, 1569, à
Castro Onoris.

NOs, vt scis, ex isto portu discessimus ad 18. Cal. Decēbris. eo die ad Goanas insulas noctu peruenimus: ibi diem pænè totum morati nauigia præstolantes, quæ

quæ Goæ remanserant, simulatque affuere nonnulla, statim solutis anchoris vespere tenuimus Amediuâ. Amediuâ dies quinque posuimus: deinde sacro Missæ peracto, cui Prorex cum vniuerso exercitu interfuit, valida Classe nauium 160 ad Onorem delati, castrum offendimus admirabili opere artificioque perfectum. Erât in eo præsidio Lasquarini circiter septingenti artis sclopetariæ peritissimi: ii nostrorum signa conspicati, sese ad defensionem toto pectore compararunt: insequenti luce in descensione prælium haud leuè commissum est, ita tamen vt nostri superiores extiterint. Primus è naui sese in littus eiecit Prorex, tum ceteri subsecuti: atque eodem impetu Lusitani audaciùs ad mœnia vsque prouecti sunt, sed egregiè repulsi, duobus è suorum numero desideratis, iēlis verò circiter 40, quorū aliquot è vulneribus postea mortui sunt: quod incommodum acceptum non esset, si quorum oportuit consiliis monitisque paruissent. id ne rursus accideret, Proregis iussu ductis ritè munitionibus castrum oppugnari trifariam ceptum est sic, vt præfectus à certamine versus ad preces, re desperata ad Proregem accesserit, vitam sibi ac militibus implorans. Facta deditioe, armis & impedimentis relictis, in decussim compositis manibus, cum singulis vestimentis omnes dimissi. Oppugnationem triduo sustinuerant: tertio die, qui fuit festus Sanctæ Catharinæ, cessere. Nos castrum intrauimus: & in gratiarum actionem custos Frauciscanus sacrificauit, ego Proregis iussu concionatus sum. Reficiuntur hoc tempore quæ per oppugnationem diruta sunt. statuitque Prorex manum militum hîc in præsidio relinquere. Regat illum pro sua clementia Dominus. Tu verò curabis vt piorum suffragationibus adiuuetur: id enim ille vehementer exoptat, mihiq̃ mandauit, vt id suo nomine abs te per litteras peterem.

Fugerat me de euentis meis quibusdam te facere certior. Bis pænè defunctus sum: semel vt primùm exscensio facta est, dū aliquot militibus animos conor addere, & Crucifixi Domini signum ostento, namque in eos emissâ repentè artificiosi ignis olla, huc illuc magno imperu volitans: cum à periculo sese cuncti proriperent: inter eam trepidationem impulso prolapsoque mihi obtrigit soli, ita tamē, vt ollæ cauda vestē dūtaxat discerpserit, corpus illęsum Domino miserante reliquerit. Iterū ac tertio periculū adij,

ex tormentariis globis, ita præteruolantibus, ut mihi verticem capitis propè abraderent. Quod ad reliqua attinet: Ego & Sebastianus Consaluus & corpore valemus, & munera Societatis obimus adhuc Dei beneficio sanè feliciter, versamur autem ferme in valetudinario cum ægrotis. Nobis ad voluntatem suã omnino exequendam Deus robur gratiamque sufficiat. Atque ob id ipsum tu nos Pater precibus tuis & sacrificiis adiuuare ne desine. Onore, 6. Calend. Decembris, Anno Domini, 1569.

EX LITTERIS HIERONYMI RVIZII, AD
*Propositum generale datis Cocini, 28. Kal.
 Februarii, 1570.*

QVONIAM ex iis litteris, quas ex Europa in remotas regiones hasce pro vestra humanitate perferendas curatis, magnam animi voluptatem lætitiãque percipimus: ad rationem officii nostri pertinere sum arbitratus, ut vicissim istuc, quæ hoc annò in Cocinens Collegio sunt gesta, perscriberem.

Habentur in hoc Collegio publicæ scholæ Grammatices duæ, ad quas ventitant discipuli ferme ducenti & sexaginta bene morati, iidemque tum in studiis tum in sacramentorum usu valde proficiunt. Doctrinæ Christianæ præcepta (quãquam multi admodum tenera ætate sunt) cuncti perdicere: complures verò etiam catechismum in dialogo missum istinc: eundemque ipsi non sine fructu disseminant.

Confessio & communio in æde nostra ita frequens est, celebrioribus festis, præsertim verò Mariæ Virginis; Corpus Domini sumant ferè trecenti vel quadringenti. Idem accidit etiam cū indulgentiæ promulgantur. quarum neophyti perquã acre desiderium præ se ferunt: & sanè multum ea ratione proficitur. Primo die dominico aduentus, publicè propositum est Iubileum datum à summo Pontifice anno 1568 ad pacem & felicitatem Ecclesiæ Catholicæ exposcendam. Tanta fuit consentientium vis, ut sacerdotibus nostris octo à matutino tempore ad noctem usque nullum quiescendi spatium daretur. itaque in hoc vno tēplo per eos dies iniere sacrū Eucharistiæ conuiuium circiter mille maxima ex parte neophyti. præterea tantū fraudatæ pecuniæ restitutum, tot sublata discordiæ, ita multa piè facta sunt, ut
 hac

hac una de causa præclarè positum à summo Pontifice hoc Iubilei beneficiū esse videatur: quid si cetera eiusmodi spectes, quæ in reliquo Christiano orbe plurima per eandem occasionem gesta fuisse credenda sunt? Ad conciones tantus est populi concursus, ut suggestū ex æde in plateā interdū proferre necesse sit: (ut interim eos taceam qui cætera urbis templa frequentant) idque non sine magno animorū motu lachrymisque, quod scriptum est aliàs.

Hiemauit hoc anno Cocini Didacus Meneses rei maritimæ pro Lusitaniæ Rege præpositus. classis erat nauium triginta. propugnatores mille numerabatur. ac nobis magnæ res attulit voluptatē, quod in tanta hominū militarium turba non modò quies, verū etiā Christiana disciplina mirificè cōstitit: quippe horum militū, qui versantur in India, mos est Sacram Confessionē frequenter obire: & cū Ecclesiasticos & religiosos homines magnopere venerantur, tū verò incipiunt præclarū sibi & honorificū ducere, acceptas ab hominibus iniurias Deo donare liberaliter. Itaq; si quādo rixæ inter eos vel seditiones existant, nullo negotio comprimuntur. Hyeme exacta, priusquā classis abiret, à cōcionatoribus nostris captū est agi cum classiariis de salute animarum sic, ut ex vniuerso numero, octingenti in æde nostra sese confessionis sacramento expiauerint, quin etiam multi publicis per urbem ac voluntariis panis admissa luerè piacula. Quid plura? pusillam Quidam dragesimam paucis illis diebus habuimus. idque magna tum fidelium, tum infidelium approbatione cernentiū, hosce milites, si quid per hyemē grauius deliquissent, sponte deinde ac libenter supplicia subeūtes. Nec solū præfecti militesque, (ut diximus) sed etiam turba naualis & ipsi quoque remiges peccata ritè confessi sunt. Atque hac adhibita præparatione cuncti admodum læti in Domino conscendere: & ad huius oræ præsidium ex hoc portu profecti Deum habuere sanè propitium, siquidem allatum est, Maurorū naues ab iis captas amplius 40. eisdemque facta aliquoties excensione, ethnicorum hostium cæsis circiter quinque millibus, non laudem solū sed opima etiam spolia retulisse.

Redempti sunt hac hieme aureis quingentis, nostrorum operā corrogatis, Lusitani quinque, qui anno superiori, casu nescio quo, in manus Malauarium Maurosum inciderant. ii cū ad Collegium hoc deinde venissent Deo

Domi-

Domino gratias acturi, lætissimos nobis nuntios attulere, ceteros Christianos qui adhuc redimendi supererant, quāquam multis vexatos incommodis & cruciatibus, firmos nihilominus in Catholica fide persistere. Adolescentulum, qui nostra gymnasia frequētauerat, alligatum ad arborem pedibus manibusque, conati erant Mauri intentis in eum arcubus & sagittis ad Christum deserendum impellere: quibus ille inter ipsos terrores animo forti magnoque responderat, se vita potius priuatum iri, quam fide: quocirca desperata re Mauri ab incapto destiterunt, ita tamen ut eum deinceps qualibet quamuis leui de causa calcibus fustibusque malè multarent. Alium tenera admodū ætate puerum pollicitationibus ac minis in fraudem induxerant, id ubi reliqui sensere captiui, consensu omnes ad eum puerum, seque ad eius pedes abjiciunt flētes, ac præsertim vir quidam ex eo numero nobilis: quorum suasu ac monitis puer ita permotus est, ut obortis repentē lacrymis, se utique decēptum fuisse responderit, sed moriturum potius quā a religione Catholica recessurum: atque hanc pietatem suam comprobauit præclare: nam ultro ipsemet se hostibus obtulit, apertè denunciāns sese Christianum esse: qua re indignati Mauri vinctum ad arboris truncum sagittis petere primū, deinde etiam iugulare aggressi, denique desiere, illius obstupefacti constantia. Nec tamen eundem exitum alii Christiani sortiti sunt: quos eximia fortitudine perseuerantes in Christi Domini cōfessione crudeliter interemptos esse cognouimus. O prædicandam Domini bonitatē, qui miseris hisce temporibus, in media barbaria, dereliquit sibi septem millia, quorum genua non sunt curuata ante Baal.

Venio ad huius anni mensem. Octaua sancti Spiritus feria profecti ē nostris aliquot ad Palurtenses neophytos, qui passuum hinc tribus circiter millibus oram maritimam incolunt: obuios illos in itinere habuimus, amantiſsimēque accepti sumus hospitio cuiusdam ethnici ætate iam prouecta viri primarij: ubique de suscepta religione retinenda sermo ad neophytos habitus primū, deinde prolatam regis Cocini diploma, & recitata littera, quibus priuilegia continentur ab eodem Rege proposita iis qui sese ad Christum adjunxerint. quæ res multis noua, cunctis accidit iucūdisſima, hospiti nostro præsertim: idēque antequam inde discessimus

cessimus pollicitus est, se Christianū fore cum suis: & quāquam inimicus homo rem deinde impedire conatus est, speramus tamen illum promissa facturum. Post hæc variis locis sanè quam opportunè Catechismus est habitus: accedebat illud etiam, vt à Catechismo nostri sese adhibitis interpretibus in ethnicorum cærus infererent Euangelium prædicantes, adiuuantibus eos item in opere amicis atque discipulis, qui pro sua parte non desunt auditores ad verbū Dei conuocare, atque ad Christianæ fidei veritatem allicere. Itaque die qui fuit visitationi Mariæ Virginis sacer, primus huius anni baptismus ad hunc modum est peractus. Aliquot primū diebus nostri Catechismo vacauerunt: deinde vbi dies adfuit baptismi, candidati omnes ad Christianum veterem conuenere, virum locupletem & honoratum, qui cū apud eos omnes parentis, tum verò apud nos socii atque adiutoris egregii locum obtinet. Gasparem Ægidium nomine: atque vbi maturum fuit, sub signis omnes agmine prodire cum tiliarum tubarūque concenru, ramos palmarum tenentes, indicium victoriæ eius, quam Dei beneficio de spiritualibus nequitiis deportauerant. Ad ædem sacrā appropinquantibus processit obuiam clerus vnā cum vrbis Præfecto & Episcopo, & magna ciuitatis parte, actus eiusmodi eximia pietate ac studio concelebrare solitæ. Episcopus è cādidatis pauperrimum quemque delegit, quos partim ritè susceperet, partim etiā manibus ipse suis ablueret. à Præfecto etiam nonnulli suscepti sunt, idemque se in cæteros valde humanum atque honorificum præbuit. id ipsum à ceteris principibus factitatum. Baptizati autē sunt eo die (quæ Domini nostri clementia ac benignitas est) viginti supra ducentos.

Inde rursus nostri in opus exiere, cumque festo die Sanctorum omnium præfectus ad ædes nostras baptizandum perduceret magistrum fabrum nāualium regis Lusitanix: per eam occasionem conuenere etiam ii, qui recentissimi nostrorum hortatu ad Christum sese cōuerterant. Itaque renati sacro baptismo sunt eo die octoginta nō sine solemnī cæremonia & cantibus.

Porrò nos ex ea re fructum animi præcipuum capimus, quòd alia nulla nisi æternæ salutis ratio hosce homines, vt Christum profiteantur, adducit. Itaque nec vestes in Baptismo nouas, nec aliud omnino à nobis præter spiritalia expectant

stant aut flagitant, nisi forcè granum aliquod benedictum è ceruice gestandum: nec verò deinde per inconstantiam a leuitatem a Christo desciscunt: quinimo magno sibi decori esse nomen Christianum existimant, & ceteros ad veritatem studiosè conantur ab impiarum opinionum peruersitate traducere: quo in genere nonnulla perstringam.

Quidam ex hisce neophytis, licèt à nonnullis veteribus Christianis non modò grauiter offensus esset, verùm etiam oppressus atque vexatus, non tamen idcirco destitit, quominus Christianam rem procuraret egregiè. Paucis igitur hisce diebus duos homines ad Deum verum à dæmonis cultu conuersos ingenti gaudio perduxit ad nos. Puer Haires (hoc enim nomine appellatur certus ordo militarium hominum) vt baptizatus est ipse, ethnicos adiuuare statim aggressus est: triduòque alium Nairem ad nos adduxit, itemque paulò pòst Indos alios duos trèsvè, tanta cum animi lætitià, vt eadem in nos redundaret.

Mauræ cuidam erat filiulus, quam illa siue quòd ad Christiana sacra propensum cerneret, siue alia nescio quæ de causa, vt erat immanis & fera mulier, captum defodit. viuum ad fauces vsque, ingenti superimposito lapide, vt lentiori cruciату paulatim extingueretur. Verùm percommოდè factum est, vt hiatus existeret quidam, ex quo prætereuntes viatores puer posset aspicere. Accidit igitur vt illaciter haberent Christiani aliquot: quos ille conspicatus, quanquam adhuc Lusitanicæ linguæ imperitus, è saxo vociferari, & duo illa verba, Christum exopto, satis apertè pronunciarè: accurrunt illi statim, & amoto lapide puerum extrahunt. atque vnus ex iis ad gubernatorem illum adducit, alius ad nos rectà properat flagitans, vt eò mittatur aliquis, puerum vellet fieri Christianum. Itaque mater in custodiam tradita: puer in ædes nostras acceptus, ac deinde Baptizatus est.

Regius præfectus, quem in Christiana re adiuuanda nostri valde studiosum experimur, vnà eum rectore nostro adiit ad Cocini regem, alio quodam in oppido commorantem, vt per eum liceret ibidem templum exstruere neophytis Palurtensibus inquilinus. Annuente rege, continuò præfectus ipse misit, qui materià cæduam ædificandi causa

con-

conuherent: quin etiam domum, quam ibi possidebat, eius rei gratia diruit. In reditu verò ad vicinam insulâ rectorem perduxit, ut cum eius insulæ regulo de Christiana religione ageret, qui sanè regulus valde se facilem præbuit, dixitque sperare sibi Dei beneficio datû iri, ut non nisi Christianus ex hac vita discederet. Vos cum quæso istic Domino supplices commendate.

Antequam classis ex hac statione discederet, decursus militares & varia simulacra præliorum exhibita, primû à classiariis, tum octauo post die à Lusitanis inquilinis, postremò etiâ à neophytis Cocinensibus, à quibus diligenter est cautum, ne quis ethnicus (quod opulenti quidâ ostentationis causa tentauerant) se in ipsorum agmen infereret. Ei decursioni honoris causa operam dedere tum Ciuitatis Præfectus, tam etiâ classis dux, & ceteri principes, ita ut in eo ludicro & aciem struerent, & ordines ipsimet ducerent. Neophyti autem duorum circiter millium numerum implebant, vario telorum genere, magna tamen ex parte scloppis instructi, omnes verò egregio corporis ornatu, & quidē cōplures (ut sunt pecuniōsi & gloriæ cupidi) ita sumptuoso, ut proximè ad Lusitanos accederent. Æstate ineunte instructis ære suo biremibus quinque, in expeditionē sine vlllo stipendio pro Lusitanix rege profecti sunt: iamque præclari de ipsorum virtute nuntii afferebantur. Cocini rex adhuc in sua cæcitæte persistit. is cum per hyemem in morbum incidisset: non incommoda occasio visa est vrbis Episcopo, itemque Rectori nostro conueniendi hominis, eumque salutaribus monitis adiuuandi. Ad eum igitur ambo profecti, in ipso regis vestibulo superstitiones & nefaria sacra permulta reperiunt, quibus barbari pro ipsius incolumitate operabantur: regiam verò ariolis brachmanibusque refertâ, quibus ille adeò deditus est, ut quamuis præclarè tum intelligeret, quamobrè illuc Episcopus rectorq; se cōtulissent, nihil tamē idcirco de sua obstinatione remisierit. Itaque aliud nihil eo itineris labore ab Episcopo & rectore perfectum est, nisi ut officiū vterque præstaret, simul etiâ ut cum dynastis quibusdam, qui ad regem socium ac patrum pro amicitia venerant, agerent de rebus diuinis, & ab iisdem impetrarent, ut impunè liceret in posterum in ipsorum ditione Euangelium promulgare.

Reguli duo huic oræ finitimi, iungendæ cum Lusitanis
amici-

amicitiæ percupidi, Christianæ doctrinæ magistros, aded enixè petierant, ut è re communi rector noster esse omnino statueret, duos è nostris eò legari, qui eadem opera neophytos etiam illius regionis inuiderent, quos iam diu adierat nemo. Profecti igitur quemadmodum accepti sint, cognoscetis ex eorum litteris ad rectorem scriptis in hanc sententiam. Excepti sumus ab hisce neophytis magna ipsorum læticia & gaudio: nec non ipsi ad quos tendebamus reguli, multis rebus declarauerunt quàm sibi gratus esset noster aduētus. Quorum alter inuentus a nobis est ad sua illa placanda numina circum lapidem molarem festiùs cum digitorum crepitu cursitans, cum se priùs in stagno quodam religionis causa lauisset. Is ea ceremonia peracta, peramantèter egit nobiscum, confirmauitque promissa. Gaspar Ægidius amicus noster, & huiusce comes itineris, valde hisce hominibus notus est. huic ferme trecenti polliciti sunt, qui primus in templo, quod ibi extruendum est, baptismus habebitur, in eo baptismo se nomina Christo duros. Verùm ut Malaurica hæc gens ferè perfidiæ laborat infamia, pro ipsius magnopere orandus est Dominus, ut quod recepere persoluant.

In iis qui Cocini regem ægrotum officii causa inuiderat, rex Porcadæ fuit, quæ regio distat hinc leucas ferme viginti. Is deinde præfectum huiusce præsidii conuenit, præfectus verò confestim ad se rectorem nostrum accersiuit. Actum est ab utroque de re Christiana cum rege, qui pro eo quanti Lusitanorum amicitiam facit prolixè concessit, ut Christianam religionem in ipsius regnum inferre palàm ac libere liceat: quin etiam priuilegia neophytis eadè quæ Cocini rex tribuit patenti diplomate: Ut nemini in posterum suscepta Christiana religio fraudi sit, nec ideo quique omnino vel de re familiari, vel de iure testandi, vel de honore ac dignitate deperdat: ut iurisdictio Ecclesiastica sit pænes Episcopum: ut templa nostra noxiis nō modò Christianis, verùm etiam ethnicis pro asylo sint: denique ut nemo Christianæ fidei nomine in periculum vocetur: & aliæ eiusmodi.

Ethnicus erat quidam copiosus ac nobilis, quem fratres nostri & alii ipsius amici non semel à nefario demonis cultu abducere frustra contenderant. Is ipso, ni fallor, S. Iacobi die natali, nostris ea loca obeuntibus, & ex itinere salutantibus

tantibus hominem, gratulabandus obuiam prodit, dixitque sibi ea nocte quiescenti visam pulcherrima specie mulierem, (summaque oris & corporis dignitate, (quam ipsemet pro ea consuetudine, quæ illi cum Christianis est, beatam Virginē nominabat) eāque ad se in hæc verba locutam esse: Hac iter habebit cras manū ē Sacerdotibus Christianis vnus, tu quicquid ille iusserit facito, & quoniam vultis (inquit) me Christianum esse: en præstò sum tu vniversa familia: itaque paulò post in hoc nostro Collegio baptizatus est.

Quòd nullum adhuc esset Cocini domiciliū excipien- tis alendisque catechumenis, nonnulli ideirco à Christi professione retardabantur. quamobrem Ægidius noster vltro id sibi met oneris depoposcit, catechumenos præsertim virilis sexus gratis alendi apud se, dum ædes ad eam rem publicæ comparantur. Ægidii virtutem imitata vidua quædam honesta mulier, nō modò alendis, verum etiam instituendis feminis operam & impensam benignè pollicita est. Nonnullam etiam pecuniæ summā ad id ipsum pui quidam homines contulerē.

Proxima Circumcisionis Christi Domini nostri solennia, & anniuersariam eius diei celebritatem auxit etiam baptismus insignis caputur 160. quo in baptismo tum Episcopus tum Vrbis præfectus, quæ solent pietate officioque, versati sunt, quo lætiora essent Anni 1570. incuntis exordia, quibus exitum speramus fore persimilem. Qui per nostros hoc anno Cocini ab impietate reuocati & salutari baptismo loti sunt, si extremum hunc baptismum annuēres, quingentorum circiter (quæ Dei benignitas est) summam efficiunt. Quod reliquum est, te pater optime, & reliquos omnes qui in isto tant orbe Socios obsecramus, vt nos Domino commendare ne desinatis in Christiana causa laborantes, tam remotis in regionibus tamque inter sese disiectis. Cocini, ex Collegio Matris Dei, 18. Kal. Feb. 1570.

F I N I S.

EPISTOLARVM

INDEX.

A <i>RIAE Sanctii.</i>	<u>26.</u>
<i>Balthasaris Gagi.</i>	<u>93.</u>
<i>Cangoximanorum Regis.</i>	<u>88.</u>
<i>Consalvi Fernandi.</i>	<u>51.</u>
<i>Cosmi Turriani.</i>	<u>28.</u>
<i>Eduardi Sylui.</i>	<u>21.</u>
<i>Francisci Capralis.</i>	<u>179.</u>
<i>Francisci Henrici.</i>	<u>205.</u>
<i>Francisci Xauerii.</i>	<u>5.8.13.</u>
<i>Gasparis Vilela.</i>	<u>30.44.68.90.100.</u>
<i>Ioan. Baptista Montani Ferrariensis.</i>	<u>112.114.</u>
<i>Ioannis Fernandi.</i>	<u>19.45.122.</u>
<i>Laurentii Iaponii.</i>	<u>47.</u>
<i>Ludowici Almeida.</i>	<u>54.79.108.124.130.</u>
<i>Ludowici Frois</i> 102. <u>115. 149. 157. 161. 166. 183. 191. 195.</u>	
<i>Melchioris Nonnii.</i>	<u>41.</u>
<i>Organtini Brixienfis.</i>	<u>170.</u>
<i>Pauli Japonii.</i>	<u>18.</u>
<i>Petri Diazii.</i>	<u>203.</u>
<i>Regis Cangoximani.</i>	<u>88. 89.</u>
<i>Societatis IESV de Consalvi Sylueria obitu.</i>	<u>62.</u>
<i>Taque Regis Firandi.</i>	<u>28.</u>

renauigat 44.

Minguames Mosambican^o Manomotapæ regem in Consaluum incitat 66. Idem fuga sibi consultat 67.

Mioxindonus Cubum è medio tollit 168.

Mirozu impostor 151.

Miracula 17. & se. 33. 36. & seq.

Molucis in insulis assidua patrû discrimina 171. & seq.

Molucensiu Neophytorû in fide cõstãtia & labores 172. & seq.

Monicæ virginis amor in cœlestē spõsum 134. & seq. 145. & se.

N.

NARA vrbs 136.

Naræ arcis ædes elegantissimæ 140.

Neophytorum pietas 84. & seq. 123. 130. 131. & seq. 137. & seq.

Neophyti Ximabaranî constanter in fide 148.

Neophyti Molucenses propter Christû interfecti 172. & seq.

Neugoriorum secta 92. & seq.

Nichioxines Varandoni & Euãgelii hostis 187. & seq.

Nubunanga rogata Varandoni patribus fauet 186. eiusdem ad Frenoiãmam res contra Bonzios gesta 192.

Nubunaga inferiori Meaco parcit propter Christianos 196.

Idem Iaponicarum sectarum hostis 201. & seq. Quosnam sibi adscribat titulos 202.

OEconomi subleuãdis ægrotis & pauperibus 78.

Organtini Brixienfis acta Sange 200. & seq.

P.

PAradisus Iaponiorum 164. & seq.

Passionis Domini recordatione quantopere afficiantur Neophyti 6. 35. & seq.

Paulus Iaponius Xauerii comes Cangoximæ domesticos conuertit ad Christum 16.

Pauli alterius Iaponii præstantis viri obitus 39.

Pileolus triquetra figura 133.

Puerulus enixè baptismû petit, parentes & propinquos ad Christum adducit 51.

Pueri cuiusdam Sacaiiani laudes egregiæ 88. & seq.

R.

RAmiri & Alcaræ sociorum naufragium & mors 170.

Ratio agendi cum proximis 11. & seq.

Regina cœli Regi Manomotapæ per quietem assistit 65.

Reliquias amoris quassam appellent Christiani 115.

Rex Amangutii interficitur 36.

Rex Cangoximæ, vide littera C.

Rex Firandi, vide littera F.

Rex Manomotapæ baptismô illustratur 65. In Consalui Sylueriæ necem consentit 66. & se. Facti cum pœnitet 67.

Rex Meaci, vide Meacum.

Rex Vocoxiuræ, vide littera V.

S.

SAcium vrbs libera 90. & sequent.

Sancti nobilis viri pietas 133.

Scribæ Mioxindoni officia in patres 169.

Scribæ Firandensis Regis itemque

INDEX IN EPIST. INDICAS.

- que vxoris eius laudes 79. & c. **Typhonis** venti vis 171.
Sebastianus Lupius ab hæretico **Tyronēs** in religionē quomodo
 seruatur 112. tractandi ac probandi 2.
Sectę Iaponiorū 49. & c. 50. & c. V.
Sigillorum duo millia in tergo **V** Aletudinarium à patribus
 Xacæ 160. institutum 31.
Sinas & Iaponem perentes quomodo animatos esse oporteat
 Varadoni dynastę Catechumeni mirum Christianę rei studium
171. 178. 184. & seq. in prelio circumuentus occiditur 91.
Societatis Iesu domicilia apud Iaponios 18.
Socii variè vexantur 36. & c. **Eorū** acta in Būgo 77. & c. Mea
 corvbe capta in exiliū abeūt 169. Eorū in ora Comorinēsi
 pericula 172. & c. In eisdem officia Brachmanarum 174?
Stellio præses doctrinarū 160. c. **Vxor** in fidei desertorem maritum
 ius templum, ibid. T. egregiè consulit 182.
T Acaxumani præcādi studio mirè tenentur 57. & seq.
Taqueni scelera & exitialis exitus 194. X.
Taqua Nōbo Firandi Rex 23. **X** Acæ signum colossēū 160.
Tectorii nitidissimi species 140. Bibliotheca versatilis 163.
Templa inanium Deorum magnificētissima 140. 163. & seq. **X** amixinodoni & Quęquidoni
Templorū tria millia octingenta ab vno Rege ædificata 192. iudicum conuersio 122. & c.
Templum inferorum regi dicatum, quale 164. **X** ichienſis dynasta Christi des-
Tonus Amagufanus Caprali facit 179. baptismo lustratur 180. & seq. fertor 182.
Toni filii adoptiui pietas 181. **X** imabaræ plurimi facti Christiani 111. & seq.
Tonus Ximabaranus petit Euāgelium 181. & seq. ad Christū aggregatur 148. ipsius pietas ibidem. **X** inguem Rex Cainochuni Bō-
 ziorum defensor. 202.
X uicaidoni conuersio & acta 123.
X ixiensium neophytorum pietas 59.
 Z.
Z ACANA salsamienti genus 153.

Indicis in epistolas Finis.